


~~L. 35. f.~~
ABS. I. 95. 15 (1-2)





Digitized by the Internet Archive
in 2012 with funding from
National Library of Scotland



*Isabella Baillie
of Polhemmet*

TIOMNADH NUADH


AR

TIGHEARNA AGUS AR SLANUIGHIR

IOSA CRIOSD.

EADAR-THEANGAICHTE

O'N GHREUGAIS CHUM GAËLIC ALBANNAICH.



EDINBURGH :

PRINTED FOR THE SOCIETY IN SCOTLAND FOR PROPAGATING
CHRISTIAN KNOWLEDGE, AND SOLD AT
THEIR LIBRARY.

1821.

THE HISTORY OF
THE CIVIL WAR IN
AMERICA

IN TWO VOLUMES

Entered in Stationers' Hall.

Printed at the University Press.

A D V E R T I S E M E N T

To the Edition of 1796.

IN the year 1767, the Society for propagating Christian Knowledge published the first edition of the following translation of the New Testament, into the Gaelic language. In the opinion of good judges, the work was executed in the most faithful manner, and it has been well received in every part of the Highlands. The author, however, was himself sensible that it was susceptible of improvement, and in an interleaved copy marked with his own hand several corrections, which in the present edition have been carefully made. With a view to its further improvement, the translation has lately, in whole or in part, been revised by gentlemen in different parts of the Highlands, who were every way qualified for that important task, and have freely communicated their remarks to the editor. He has ventured, however, to make no alterations, but such as, on a critical examination, appeared necessary and important, and such as the author himself, had he been in life, would have probably approved of.

In the original, some words not unfrequently occur, which may be differently interpreted. In such cases, that signification which was judged the most proper has been always adopted. The other meanings have, however, been in many instances given at the bottom of the page.

GENERAL RULES

FOR READING THE

GAEILIC LANGUAGE.

OF THE LETTERS.

In the Gaelic language there are eighteen letters, viz. *a, b, c, d, e, f, g, h, i, l, m, n, o, p, r, s, t, u*; which are divided into vowels and consonants.

OF THE VOWELS.

There are five vowels, *a, e, i, o, u*.

A is sounded as in the English words *hall, halt*; but before *dh* and *gh* it has often the sound of the diphthong *ao*, as in *lagh, law, magh*, a field.

E represents two different sounds: 1st, That of the Greek epsilon, or of *ea* in the English word *bear*; as in *ré*, the moon, *an dé*, yesterday: 2dly, That of *a* in *care*; as in *e* or *se* he, *rè* during the time of.

I is sounded like *ee* in English; *O*; as in the words *bone, morn, lot*; and *U* like *oo* in *moon, fool*.

The vowels are divided into BROAD and SMALL. *A, o, u*, are called broad vowels; and *e, i*, small.

In a word of two or more syllables, if the former ends with a broad vowel, the next syllable must begin with a broad vowel; if with a small vowel, with a small. Accordingly, it is reckoned false orthography to write *deanibh do ye*, and not *deanaibh*, though the last *a* is never sounded. But in compound words this rule may often be properly dispensed with.

All the vowels are sometimes long, sometimes short. When long, they are generally marked with accents.

In all the syllables of Polysyllables, except the first, the vowels have a short and obscure sound, as in the English words *sun, bird, mother*; and the broad, and sometimes the small, are used for one another.

OF THE DIPHTHONGS.

There are thirteen diphthongs, viz. *ae, ai, ao, ea, ei, éo, eu, ia, io, iu, oi, ua, ui*; which are either PROPER or IMPROPER.

Ao and *eu* are improper diphthongs, representing simple sounds; the former of which is perhaps peculiar to this language, and only attainable by the ear: The latter is like that of the Greek epsilon, or the Latin *œ*.

All the other diphthongs are proper; the sound of each of the vowels that enters into their composition being more or less heard. In *ae, ai, ei, oi, io, ia, ua*, and *ui*, the last vowel, and in *ea, eo*, and *iü*, the first vowel is but faintly sounded.

The diphthongs *eu, ia, and ua*, are always long. The other diphthongs are sometimes long, sometimes short.

OF THE TRIPHTHONGS.

There are five triphthongs, viz. *aoi, eoi, iai, iui, uai*. They are pronounced like the diphthongs *ao, eo, ia, iu*, and *ua*, with the addition of a short *i*. They are all long, and never occur but in monosyllables, or the first syllables of polysyllables.

OF THE CONSONANTS.

There are thirteen consonants, viz. *b, c, d, f, g, h, l, m, n, p, r, s, t*; which are divided into MUTABLE and IMMUTABLE.

The mutable are such as, by having an *h* subjoined to them, either alter or lose their usual sound, viz. *b, c, d, f, g, m, p, s, t*.

The immutable consonants are such as are never aspirated, or have an *h* subjoined to them, viz. *l, n, r*.

After a short vowel or diphthong, the consonants are generally pronounced as when written double in English. Thus, *cōs* a foot, *aran* bread, are to be pronounced as if written *coss, arran*.

A consonant standing alone is sounded as if it were the initial letter of the following word, if it begins with a vowel, or as the final letter of the preceding word, if it ends with a vowel; as *an t-anam* the soul, *le d' chridhe* with thy heart, to be pronounced *an tanam, led chridhe*.

Bh and *mh* have the sound of *v* in English. Thus *a bhean* his wife, *a mhàthair* his mother, are to be read as if written *a vean, a vàthair*. *Mh* in the middle and end of polysyllables is often either silent, or stands for a gentle aspiration.

C is always sounded as the Greek *z*, or *k* in English. Thus, *car* a turn, *ceann* a head, are to be pronounced *kar, keann*. *Ch* has the sound of the Greek *χ*, or of *gh* in *lough*, as the Irish pronounce it.

Dh and *gh*, in the beginning of words, are commonly sounded like the English consonant *y* in *you, your*. Thus, *dha* to him, *a ghaol* his love, are to be pronounced as if written *ya, a yaol*. In the middle, or end of words, they are often silent, or have the sound of a faint aspiration.

Fh is silent; as *fheara* O men, *gun fhios* without notice, to be read *'eara, gun 'ios*; but *fhuaire* he found, is to be read as *huair*, the *f* only being quiescent.

G is always sounded as in the English words *get, good*.

PH has the sound of *f*: as in *phill e* he returned, to be pronounced *fill e*.

S before or after a broad vowel in the same syllable, is sounded as in English. But, when immediately before or after a small vowel, it has the sound of *sh*. It has the same sound in *so this, sud* yonder, to be pronounced *sho, shud*. *S* in the beginning of words, when preceded by the article, with a *t* intervening, is silent: Thus, *an t-suìl* the eye is to be pronounced as if written *an tuil*. *S* has the same sound as in English in *is is, is or as* and.

Sh and *th* in the beginning of words have the sound of *h* alone. Thus, *a bhean shona* the happy woman, *a' chainnt thlà* the smooth speech, are to be pronounced *a vean hona, a chainnt hlà*. *Th* after a long vowel, diphthong, or triphthong, is nearly silent; but, after a short vowel or diphthong, it has the force of a rapid aspiration, as in *crith* shaking, *ruith* or *ruidh* running.

The immutable consonants, *l, n, r*, when initials of words not connected with others in a sentence, have a soft double sound, to be learned only by the

ear. But wherever the order of construction requires that the mutable consonants should be aspirated, the immutable lose their double sound, and are pronounced nearly as in English. Thus, the initial letters of the adjectives *mòr* great, and *luath* swift, when joined with feminine substantives in the nominative singular, must be sounded like *v* and *l* in English; as *beinn mhòr* (*vòr*) a great mountain, *cos luath* a swift foot. But with masculine substantives they retain their primitive sound, as *fear mòr* a great man, *cù luath* (*lluath*) a swift dog.

When the consonants *l*, *n*, *r*, have their double sound in the middle or end of words, they are written double, as in *gall* a foreigner, *farr* better.

Leabhraichean an Tiomnaidh Nuaidh.

S OISGEUL MHATA, ANNS AM				
BHEIL.....	28	CAIB.		
SOISGEUL MHARCUIS.....	16	—		
SOISGEUL LUCAIS.....	24	—		
SOISGEUL EOIN.....	21	—		
GNIOMHARA NAN ABSTOL.....	28	—		
LITIR PHOIL CHUM NAN	—			
ROMHANACH.....	16	—		
1 CORINTHIANACH.....	16	—		
2 CORINTHIANACH.....	13	—		
GALATIANACH.....	6	—		
EPHESIANACH.....	6	—		
PHILIPIANACH.....	4	—		
COLOSIANACH.....	4	—		
1 TESALONIANACH.....	5	—		
			2 LITIR PHOLL CHUM NAN	
			TESALONIANACH.....	3 CAIB.
			1 TIMOTEUIS.....	6 —
			2 TIMOTEUIS.....	4 —
			TITUIS.....	3 —
			PHILEMOIN.....	1 —
			EABHRUIDHEACH.....	13 —
			LITIR SHEUMAIS.....	5 —
			LITIR 1 PHEADAIR.....	5 —
			LITIR 2 PHEADAIR.....	3 —
			LITIR 1 EOIN.....	5 —
			LITIR 2 EOIN.....	1 —
			LITIR 3 EOIN.....	1 —
			LITIR IUDAIS.....	1 —
			TAISBEANADH EOIN.....	22 —

An SOISGEUL

A REIR

M H A T A.

C A I B. I.

1 Sinnsearachd, 18 Gineamhuin, 21
breith, 23 agus mineachadh ainm
Criosc.

L E A B H A R gineaalaich Iosa
Criosc, mhic Dhaibhi, mhic A-
brahaim.

2 Ghin Abraham Isaac, agus ghin
Isaac Jacob, agus ghin Jacob Iudas
agus a bhràithrean.

3 Agus ghin Iudas Phares agus
Sara o Thamar, agus ghin Phares E-
srom, agus ghin Esrom Aram.

4 Agus ghin Aram Aminadab, a-
gus ghin Aminadab Naason, agus
ghin Naason Salmon.

5 Agus ghin Salmon Boos oRach-
ab, agus ghin Boos Obed o Rut, agus
ghin Obed Iese.

6 Agus ghin Iese Daibhi an righ,
agus ghin Daibhi an righ Solomon
o'n mhnaoi a bha aig Urias.

7 Agus ghin Solomon Roboam,
agus ghin Roboam Abia, agus ghin
Abia Asa.

8 Agus ghin Asa Iosaphat, agus
ghin Iosaphat Ioram, agus ghin Io-
ram Osias.

9 Agus ghin Osias Ioatam, agus
ghin Ioatam Achas, agus ghin Achas
Esecias.

10 Agus ghin Esecias Manases,
agus ghin Manases Amon, agus ghin
Amon Iosias.

11 Agus ghin Iosias Iechonias a-
gus a bhràithre, mu àm an giùlain
do Bhabilon.

12 Agus an déigh an toirt do Bha-
bilon, ghin Iechonias Salatiel, agus
ghin Salatiel Serobabel.

13 Agus ghin Serobabel Abiud, a-
gus ghin Abiud Eliacim, agus ghin
Eliacim Asor.

14 Agus ghin Asor Sadoc, agus
ghin Sadoc Achim, agus ghin Achim
Eliud.

15 Agus ghin Eliud Eleasar, agus
ghin Eleasar Matan, agus ghin Ma-
tan Iacob.

16 Agus ghin Iacob Joseph fear
Mhuire, o'n d'rugadh Iosa, d'an goir-
ear Criosc.

17 Uime sin na h-uile gineaalaich
o Abraham gu Daibhi, is ceithir ginea-
alaich deug iad; agus o Dhaibhi gu
bruid Bhabiloin, ceithir gineaalaich
deug; agus o bhruid Bhabiloin gu
Criosc, ceithir gineaalaich deug.

18 Agus mar so bha breith Iosa
Criosc: oir an déigh do cheangal pòs-
aidh bhi air a dheanamh eadar a
mhàthair Muire agus Joseph, roimh
dhoibh teachd cuideachd, fhuaradh
torrach i o'n Spiorad Naomh.

19 Ach air bhi do Joseph a fear 'na
duine cothromach, agus gun toil
aige ball-sampuill a dheanamh dh'i,
bu mhiann leis a cur uaith os iosal.

20 Ach ag smuaineachadh nan nith-
eise dha, feuch, dh'fhoillsich aingeal
an Tighearna e fein da am bruadar,
ag radh, A Joseph, a mhic Dhaibhi,
na biadh eagal ort do bhean Muire a
ghabhail ad'ionnsuidh: oir an ni a
ta air a ghineamhuin innte, is ann
o'n Spiorad Naomh e.

21 Agus beiridh i mac, agus bheir
thu Iosa dh'ainm air; oir saoraidh a
se a phobull fein o'm peacaibh.

22 (Agus rinneadh so uile, chum

gu coimhliontadh an ni a thubhairt an Tighearna leis an fhàidh, ag radh,

23 Feuch, bitidh maighdean torrach, agus beiridh i mac, agus bheir iad Emanuel a dh'ainm air, 's ionann sin r'a radh, air eadar-theangachadh, Dia maille ruinn.)

24 Agus air mosgladh do Ioseph as a chòdal, rinn e mar a dh'iarr ainéal an Tighearn air, agus ghabh e d'a ionnsuidh a bhean :

25 Agus cha d'ainnich e i gus an d'rug i a ceud-ghlin mic; agus thug e Iosa dh'ainm air.

C A I B. II.

1 *Thug na Druidhean urram do Chriosd; 14 Theich Ioseph leis do'n Eiphit, 16 agus mharbh Herod na leanabana.*

A GUS an uair a rugadh Iosa am Betlehem Iudea, an laithibh Heroid an righ, feuch, thainig druidhean b' o'n aird an ear gu Hierusalem,

2 Ag radh, C'ait am bheil righ sin nan Iudhach a ta air a bhreith? oir chunnaic sinne a reult san aird an ear, agus a ta sinn air teachd a thabhairt aoraidh^c dha.

3 An uair a chual Herod an righ sin, bha e fuidh thrioblaidd, agus Hierusalem uile maille ris.

4 Agus air cruinneachadh nan ard shagart uile dha, agus scriobhuithean a' phobuill, dh' fheòraich e dhiubh c'ait an robh Criosc gu bhi air a bhreith.

5 Agus thubhairt iad ris, Am Betlehem Iudea: oir mar so scriobhadh leis an fhàidh;

6 Agus thusa Bhetlehem an tìr Iuda, cha tu idir is lughá am measg phriónnsadh^c Iuda: oir asadsa thig Uachdaran a stiùras mo phobull Israel.

7 An sin air do Herod na druidhean a ghairm os iosal d'a ionnsuidh, gheur-fhiosruich e dhiubh cia an t-àm an d'fhoillsicheadh an reult.

8 Agus chuir e iad gu Betlehem, agus thubhairt e, Imichibh, agus iarruibh gu dichiollach an naoidhean, agus an déagh fhaotainn f' dhuibh, inn-

sibh dhomhsa e, chum gu rachamsa fein, agus gu deanam aoradh dha.

9 Agus an uair a chual iad an righ, dh'imich iad; agus feuch, chaith an reult a chunnaic iad san aird an ear rompa, gus an d'thainig i agus gu'n do stad i os cionn an ionaid an robh an naoidhean.

10 Agus an uair a chunnaic iad an reult, rinn iad gairdeachas le h-aoibhneas ro mhòr.

11 Agus air dol a steach dhoibh do'n tigh, fluair iad an naoidhean am fochair^g a mhàthar Muire, agus thuit iad sios, agus rinn iad aoradh dha: agus air fosgladh an ionmhas dhoibh, thug iad dha tiodhlacan; òr, agus tùis, agus mirr.

12 Agus air faotainn rabhaidh o Dhia am bruadar, gun iad a philltinn a dh'ionnsuidh Heroid, chaith iad d'an dùthaich fein air slighe eile.

13 Agus an uair a dh'imich iad air an ais, feuch, nochdadh aingeal an Tighearna do Ioseph ann am bruadar, ag radh, Eirich, agus gabb an naoidhean agus a mhàthair, agus teich do'n Eiphit, agus bi an sin gus an labhair mise riut: oir iarruidh Herod an naoidhean g'a mhilleadh.

14 Agus dh'éirich e, agus ghabh e d'a ionnsuidh an naoidhean agus a mhàthair san oidhche, agus dh'imich e do'n Eiphit.

15 Agus bha e an sin gu bàs Heroil: a chum gu coimhliontadh an ni a labhair an Tighearna leis an fhàidh, ag radh, A mach as an Eiphit ghoiri mo Mhac.

16 An sin an uair a chunnaic Herod gu'n d'rinn na druidhean fanoid air h, las e le feirg ro mhòir, agus chuir e luchd-mhàllidh uaith, agus mharbh e na bha do leanabaibh mac am Betlehem, agus 'na crìocháibh uile, ó aois dhà bhliadhna agus fuidh, a réir na h-aimsire a dh'fhoghlum e gu di-chiollach o na druidhibh.

17 An sin choimhlionadh an ni a labhradh le Ieremias am fàidh, ag radh,

18 Chualas guth an Rama, caoi, agus gul, agus bròn ro mhòr, Rachel

^b daoine glic. ^c onoir. ^d air a bhuaireadh. ^e cheannard. ^f fhangail. ^g maille ri. ^h gu'n do mheall na druidhean e.

a' caoineadh a cloinne, agus cha b'àill leatha sòlas a ghabhail, a chionn nach 'eil iad *beo*.

19 Ach an uair a dh'eug Herod, feuch, nochdadh aingeal an Tighearna am bruadar do Ioseph san Eiphit,

20 Ag radh, Eirich, agus gabh an naoidhean agus a mhàthair, agus i-mich gu talamh Israel : oir fhuair an dream a bha 'g iarraidh anama an leinibh bàs.

21 Agus dh'éirich esan, agus ghabh e an leanabh agus a mhàthair d'a ionnsuidh, agus thainig e gu talamh Israel.

22 Ach an uair a chual e Archelaus a bhi 'na righ an *tír* Iudea an ionad Heroid 'athar, bha eagal air dol an sin : ach, air faotainn da rabhaidh o *Dhia* am bruadar, thionndaidh e gu crìochain Ghàilile :

23 Agus thainig e agus ghabh e còmhnuidh am baile d'an goirear Nasaret, a chum gu coimhliontadh an ni a thubhradh leis na fàidhible, Gu goirear Nasardha dheth.

C A I B. III.

1 Teagasc agus caitheamh-beatha Eoin Bhaiste; 15 leis an do bhaisteadh Iosa Criosd.

AGUS anns na laithibh sin thainig Eoin Baiste, a' searmonach am fàsach Iudea,

2 Agus ag radh, Gabhaibh aithreachas: oir a ta rioghachd nèimhle am fogus.

3 Oir is e so an ti ud mu'n do labhair Esaias am faidh, ag radh, Guth an ti a ghlaodhas anns an fhàsach, Ulluichibh slighe an Tighearna, deanuibh a cheumanna dìreach.

4 Agus bha a chulaidh aig Eoin do fhionna chàmhal, agus crios leathair aige timchioll a leasraidh; agus is e bu bhiadh dha locuist agus mil fhiadhach.

5 Chaidh Hierusalem a mach d'a ionnsuidh an sin agus Iudea uile, agus luchd àiteachaидh na dùcha timchioll Iordan uile,

6 Agus bhaisteadh iad leissan ann an Iordan, ag aidmheil am peacanna.

7 Ach an uair a chunnaic e mòran do na Phairisich, agus do na Sadu-saich a' teachd a chum a bhaistidhsan, thubhairt e riu, A shiòl nan nathraighe nimhe, cò a thug rabhadh dhuibhse teicheadh o'n fheirg a ta ri teachd?

8 Air an aobhar sin thugaibh a mach toradh iomchuidh do'n aithreachas.

9 Agus na smuainichibh a radh annaibh fein, A ta Abraham 'na a-thair againn : oir a ta mi 'g radh ribh, gur comasach Dia air clann a thogail suas a dh' Abraham do na clochaibh sin.

10 Agus a nis a ta an tuadh air a cur ri freumh nan crann: air an aobhar sin, ge b'e crann nach toir a mach toradh maith, gearrar e, agus tilgear san teine e.

11 Gu deimhin-ataimse 'gar baisteadh le h-uisge chum aithreachais; ach an ti a thig a'm' dhéigh, is cumhachdaich e na mi, agus cha'n fhiu mise a bhrògan iomchar: baistidh esan sibh leis an Spiorad Naomh, agus le teine :

12 Aig am bheil a ghuit 'na laimh, agus glanaidh e gu ro bhaileach 'ùrlar bualaidh, agus cruinnichidh e a chruineachd d'a thaosg-thigh; ach loisgidh e am moll le teine nach feudar a mhùchadh.

13 An sin thainig Iosa o Ghalile gu Iordan a dh'ionnsuidh Eoin, chum gu'm biodh e air a bhaisteadh leis.

14 Ach bhac Eoin e, ag radh, A ta feum agamsa bhi air mo bhaisteadh leatsa, agus am bheil thusa a' teachd do m' ionnsuidhse?

15 Agus fhreagair Iosa agus thubhairt e ris, Leig do'n chùis a bli mar so a nis: oir mar so is iomchuidh dhuinn gach uile fhìreantachd a choimhlionadh. An sin dh'fhuilaing e dha.

16 Agus an uair a bhaisteadh Iosa, chaidh e air ball suas as an uisge; agus feuch, dh'fhosgladh nèamh dha, agus chunnaic e Spiorad Dé a' tuirling¹ mar choluman, agus a' teachd airsan:

17 Agus feuch, guth o nèamh, ag

radh, Is e so mo Mhac gràdhach, am bheil mo mhòr thlachd.

C A I B. IV.

1 *Bhuair an diabhol Criod an déis fad throsgaidh,* 17 *An déigh do Iosa buadhachadh air, thòisich e air sear-monachadh.*

AN sin threòruicheadh Iosa leis an Spiorad do'n fhàsach, chum gu'm biodh e air a bhuaireadh leis an diabhol.

2 Agus an uair a throisg e dà fhichead là agus dà fhichead oidhche, an déigh sin bha ocras air.

5 Agus air teachd do'n bhuaireadair d'a ionnsuidh thubhairt e, Ma's tu Mac Dhé, thoir àithne do na cloch-airbh so a bhi 'nan aran.

4 Ach fhreagair esan agus thubhairt e, Ata e scriobhta, Cha'n ann le h-aran amhàin a bheauthuichear duine, ach leis gach uile fhocal a thig o bheul Dé.

5 An sin-thug an diabhol e do'n bhaile naomha, agus chuir e air binn-ein an teampnill e,

6 Agus thubhairt e ris, Ma's tu Mac Dhé, tilg thu fein sìos : oir a ta e scriobhta, gu toir e àithne d'a ainglibh ad'thinchìoll, agus togaidh iad suas thu 'nan lamhaibh, chum as nach buail thu uair air bith do chos air cloich.

7 Thubhairt Iosa ris a rìs, Ata e scriobhta, Cha bhuaire^m thu an Tigh-earna do Dhia.

8 Thug an diabhol e a rìs chum beinne ro aird, agus nochd e dha uile rioghachdan an domhain, agus an glòir :

9 Agus thubhairt e ris, Iad so uile bheir mise dhuit, ma's e air tuiteam dhuit sìos gu'n dean thu aoradh dhomhsa.

10 An sin thubhairt Iosa ris, Imich nam, a Shatain : oir ata e scriobhta, Bheir thu aoradh do'n Tigh-earna do Dhia, agus dhasan 'na aonar ni thu seirbhis.

11 An sin dh'fhàg an diabhol e ; agus feuch, thainig aingil agus fhrith-eil iad da.

12 Ach an uair a chual Iosa gu'n

do chuireadh Eoin an laimh, dh'imich e do Ghalile.

13 Agus air fàgail Nasaret da, thainig e agus rinn e còmhnuidh ann an Capernaum, a ta chois na fairge, ann an leth-iomall Shabuloin agus Nephtalim :

14 A chum gu'n coimhliontadh an ni a thubhradh le Esaias am fàidh, ag radh,

15 Talamh Shabuloin, agus talamh Nephtalim, slighe na fairge air an taobh thall do Iordanⁿ, Galile nan Cinneach :

16 Am pobull a bha 'nan suidhe an dorcharadas, chunnaic iad solus mòr; agus a ta solus air éirigh do na daoin-libh a bha 'nan suidhe an tìr agus an sgàil a' bhàis.

17 O sin a mach thòisich Iosa air searmoين a dheanamh, agus a radh, Gabhaibh aithreachas, oir a ta rioghachd nèimhe am fogus.

18 Agus ag imeachd do Iosa ri taobh fairge Ghalile, chunnaic e dithis bhràithre, Simon d'an goirear Peadar, agus Aindreas a bhràthair, a' tilgeadh lin san fhairge : (oir b'iасгаиреан iad.)

19 Agus thubhairt e riu, Leanaibh mise, agus ni mi iasgairean air daoin-libh dhibh.

20 Agus air ball dh'fhàg iad na lìonta, agus lean iad esan.

21 Agus air triall da as sin, chunnaic e dithis eile bhràithre, Seumas mac Shebede, agus Eoin a bhràthair, ann an luing maille r'an athair Sebede, a' càradh an lìon : agus ghairm e iad.

22 Agus air ball dh'fhàg iad an long agus an athair, agus lean iad e.

23 Agus dh'imich Iosa timchioll Ghalile uile, a' teagastg 'nan sionagog-aibh, agus a' searmonachadh soisgeil na rioghachd, agus a' slànuchadh gach gnè thinnis, agus gach gnè eu-caill am measg an t-sluaign.

24 Agus chaidh a chliu feadh Shira uile : agus thug iad d'a ionnsuidh iadsan uile a bha euslan, agus a bha air an cuibhreachadh le galaruibh, agus iomadh gnè phiantuibh, agus iadsan aig an robh deamhain anna, a-

^m dearbh. ⁿ ri taobh Iordan.

gus air an robh an tuiteamach^o, agus luchd pairilise^P; agus shlànuich e iad.

25 Agus lean cuideachd mhòr e ò Ghalile, agus o Dhecapolis, agus o Hierusalem, agus o Iudea, agus o na críochaibh a ta do'n taobh thall do Iordan.

C A I B. V.

Searmoin Chriosd air a' bheinn, anns am bheil na h-ochd beannachdan, agus mineachadh an Lagha.

A GUS an uair a chunnaic Iosa an sluagh, chaidh e suas air beinn: agus air suidhe dha, thainig a dheisciobuil d'a ionnsuidh.

2 Agus dh'fhosgail e a bheul, agus theagaisg e iad, ag radh,

3 Is beannuicht' iadsan a ta bochd 'nan spiorad: oir is leo rioghachd nèimhe.

4 Is beannuicht' iadsan a ta ri bròn: oir gheibh iad sòlas.

5 Is beannuichte na daoine macanta^r, oir sealbhuiuchidh iad an talamh mar oighreachd.

6 Is beannuicht' an dream air am bheil ocras agus tart na còrach^s: oir sàsuichear iad.

7 Is beannuichte na daoine tròc-air each: oir gheibh iad tròcair.

8 Is beannuichte na daoine a ta glan 'nan cridhe: oir chi iad Dia.

9 Is beannuichte luchd dheanamh na sith: oir goirear clann Dé dhiubh.

10 Is beannuicht' an dream a ta fulang geur-leanmhuinn air son na còrach: oir is leo-san rioghachd nèimhe.

11 Is beannuichte bhitheas sibh an uair a bheir daoine anacainnt dhuibh, agus a ni iad geur-leanmhuinn oirbh, agus a labhras iad gach uile dhroch fhocal ribh gu breugach air mo sgàthsá.

12 Deanuibh gairdeachas, agus bithibh ro shubhach: oir is mòr bhur duais air nèamh: oir mar sin rinn iad geur-leanmhuinn air na fàidhibh a bha roimhhibh.

13 Is sibhse salann na talmhainn:

gidheadh ma chailleas an salann a bħlas, ciod leis an saillear e? cha'n 'eil feum ann o sin suas, ach a thilgeadh mach, agus a shaltair fa chosaiħ dhaoine.

14 Is sibhse solus an t-saogħail. Cha'n fheudar baile a ta air a shuidheachad air sliabh fholach.

15 Agus cha las daoine coinneal, chum as gu'n cuir iad i fuidh shoitheach, ach ann an coinnleir, agus ni i solus do na'm bheil a stigh.

16 Gu ma h-ann mar sin a dhearuicheas bhur solus an lāthair dhaoine, chum as gu faic iad bhur deadh oibre, agus gu toir iad glòir do bhur n-Athair a ta air nèamh.

17 Na measaibh gu'n d'thainig mise a sgaoileadh an lagha no nam fàidh; ni h-ann^t a sgaoileadh a thainig mi, ach a choimhlionadh.

18 Oir a deirim^u ribh gu firinn-each, Gus an dtheid^a nèamh agus talamh thairis, cha dtheid aon lide^b no aon phunc do'n lagh thairis, gus an coimhlionar gach aon ni.

19 Air an aobhar sin ge b'e neach a sgaoileas aon do na h-aitheantaibh so a's lugha, agus a theagaisgeas daoine mar sin, goirear an duine is lugha dheth ann an rioghachd nèimhe: ach ge air bith neach a ni, agus a theagaisgeas iad, goirear duine mòr dheth ann an rioghachd nèimhe.

20 Oir a deirim ribh, Mur toir bhur fireantachdsa barrachd air fireantachd nan scriobhuiche agus nam Phairiseach, nach dtheid sibh air chor air bith a steach do rioghachd nèimhe.

21 Chuala sibh, gu'n dubhradh ris na sinnsiribh, Na dean mortadh; agus ge b'e neach a ni mortadh, bithidh se an cunnart a' bhreitheanais.

22 Ach a deirimse ribh, Ge b'e neach aig am bi fearg r'a bhràthair gun aobhar, gu'm bi e an cunnart a' bhreitheanais: agus ge b'e neach a their r'a bhràthair, Raca, gu'm bi e an cunnart na comhairle: ach ge b'e neach a their, Amadain, gu'm bi e an cunnart teine ifrinn.

^o tinneas na gealaich. ^P crith-ghalair. ^r ciuin, ceannsaich. ^s a' chearsatais, na fireantachd. ^t cha'n ann. ^u ta mi 'g radh, theiream. ^a an téid. ^b aon iota.

25 Uime sin ma bheir thu do thabhartas^c chum na h-altaire, agus gu'n cuimhnich thu an sin gu bheil ni air bith aig do bhràthair a'd' aghaidh;

24 Fag do thabhartas an sin an làthair na h-altaire, agus imich, agus dean réite air tús ri d' bluràthair, agus an déigh sin thig agus tabhair uait do thiodhlacadh.

25 Bi réidh ri d' eascaraid gu luath, am feadh a bhios tu maille ris sán t-slighe; air eagal gu'n toir an t-eascaradh thairis thu do'n bhreitheamh, agus gu'n toir am breitheamh thu do'n mhaor, agus gu tilgear am priosun thu.

26 A deirinn riut gu firinneach nach téid thu mach as sin, gus an ioc thu an fheoirling dheireannach.

27 Chuala sibh gu'n dubhradh risd na sinnisribh, Na dean adhaltrannas.

28 Ach a deirimse ribh, Ge b'e neach a dh'amhairceas air innan chum a miannachadh, gu'n d'rinn e adhaltrannas leatha cheana 'na chridhe.

29 Agus ma bheir do shùil dheas aobhar tuisliadh dhuit, spion a mach i, agus tilg uait i: oir is fearr dhuit gu sgriosar aon do d' bhallaibh, na do chorpaile uile bhi air a thilgeadh do ifrinn.

30 Agus ma bheir do lamh dheas oilbheum dhuit, gearr dhòt i, agus tilg uait i: oir is fearr dhuit gu sgriosar aon do d' bhallaibh, na do chorpaile uile bhi air a thilgeadh do ifrinn.

31 Agus thubhradh, Ge b'e chuirreas a bhean phòsda air falbh, thugadh e litir dhealaich dh'i.

32 Ach a deirimse ribh, Ge b'e neach a chuireas air falbh a bhean phòsda fein, ach a mhàin air son strò-pachais, gu bheil e toirt oirre adhaltrannas a dheanamh: agus an ti a phòsas a' bhean sin a chuireadh air falbh, a ta e a' deanamh adhaltrannas.

33 Mar an ceudna, chuala sibh gu'n dubhradh ris na sinnisribh, Na tabhair mionnan eitheich, ach coimhlichion do mhionna do'n Tighearna.

34 Ach a deirimse ribh, Na tug-

aibh mionnan idir: na tugaibh air nèamh, oir is e righ-chaithir Dhé e.

35 Na tugaibh air an talamh, oir is e stòl a chos e: na tugaibh air Hieurusalem, oir is e baile an righ mhòir e.

36 Na tabhair mionnan air do cheann, oir cha'n urrainn thu aon fhoiltean a dheanamh geal no dubh.

37 Ach gu ma h-e a's comhradh dhuibh, 'Seadh, 'seadh. Ni h-eadh, ni h-eadh; oir ge b'e ni a bhios os cionn so, is ann o'n ole a ta e.

38 Chuala sibh gu'n dubhradh, Sùil air son sùla, agus fiacail air son fiacula.

39 Ach a deirimse ribh, Na cuiribh an aghaidh an uilc: ach ge b'e neach a bhuailies tu air do ghial deas, tionndaidh chuige an gial eile mar an ceudna.

40 Agus an ti le'm b'àill thusa a thagradh san lagh, agus do chòta a bluinn diot, leig leis t'fhalluing mar an ceudna.

41 Agus ge b'e bheir leis air feadh mìle a dhaindeoin thu, imich leis air feadh dhà mhìle.

42 Tabhair do'n ti a dh'iarras ort, agus uaithsan le'm bu mhiann iasachd fhaontainn uait, na pill air falbh.

43 Chuala sibh gu'n dubhradh, Gràdhraigidh tu do choimhearsnach, agus bithidh fuath agad do d' nàmhaid.

44 Ach a deirimse ribh, Biodh gràdh agaibh do bhur naimhdibh, beannaichibh an droing a mhallaicheas sibh, deanaibh maith do na daoineibh air am beag sibh, agus deanaibh urnuigh air son na muinntir a ta buntuinn ribh gu naimhdeil, agus a ta 'g ar geur-leanmluinn:

45 A chum gu'm bi sibh 'n ar cloinn aig bhur n-Athair a ta air nèamh, oir a ta esan a' tabhairt air a ghréin fein éirigh air na droch dhaoinibh, agus air na deadh dhaoinibh, agus a' cur uisge air na fìreanaibh agus air na neo-fìreanaibh.

46 Oir ma bhios gràdh agaibh do'n muinntir aig am bheil gràdh dhuibh, ciod an duais a gheibh sibh? nach 'eil eadhon na cìs-mhaor a' deanamh an ni ceudna?

^c thiouhlacadh. ^d leis.

47 Agus ma chuireas sibh fàilte air bhur bràithribh fein a mhàin, ciod a tha sibh a' deanamh thar *chàch?* nach 'eil na cìs-mhaoir fein a' deanamh an ni ceudna?

48 Air an aobhar sin bithibhse coimhlionta^e mar a ta bhur n-Athair a ta air nèamh coimhlionta.

C A I B. VI.

Leantuinn na searmoìn air a' bheirn,
anns am bheil Criosd a' labhairt mu
dhéirc, 5 mu ùrnuiigh, 14 mu mhai-
theanas d'ar bràithribh, &c.

T H U G A I B H an aire nach
toirf sibh bhur déirc am fianuis
dhaoine, chum gu 'm faicear leo sibh:
no cha 'n fhaigh sibh tuarasdal o
bhur n-Athair a ta air nèamh.

2 Uime sin, an uair a bheir thu do
dhéirc, na toir fa'near galltromp a
shéideadh romhad, mar a ni na ceal-
gairean, anns na sionagogaibh, agus
anns na sràidibh, chum as gu faigh
iad glòir o dhaoineibh. Gu firinneach
a deirimse ribh, gu bheil an tuarasdal
aca.

5 Ach an uair a bheir thusa déire,
na biodh fios aig do laimh chli ciod
a ta do lamh dheas a' deanamh:

4 Chum gu'm bi do dhéirc am fol-
ach: agus bheir t'Athair a chi am
folach, duais dhuitse os aird.

5 Agus an uair a ni thu ùrnuiigh,
nà bi mar luchd an fhuar-chràbhaidh:
oir is ionmhuinn leo ùrnuiigh a dhean-
amh sna sionagogaibh, agus ann an
coinneachadh nan sràid 'nan seasamh,
chum gu faicear le daoinibh iad. Gu
deimhin a deirimse ribh, gu bheil an
tuarasdal aca.

6 Ach thusa, an uair a ni thu ùrnui-
gh, imich a steach do d'sheomar,
agus air dùnadh do dhoris duit, dean
ùrnuiigh ri t'Athair a ta an uaignidh-
eas, agus bheir t'Athair a chi an
uaignidheas, duais dhuit gu follaiseach.

7 Ach ag deanamh ùrnuiigh dhuibh,
na gnàthaichibh ath-iarrtais dhòmhain,
mar na Cinnich: oir saoilidh
iadsan gu'n éisdear riu air son lòn-
mhoireachd am focla.

8 Uime sin na bithibhse èosmuil
riu: oir a ta fios aig bhur n-Athair
cia iad 'na nithe a ta dh'uireasbhuidh
oirbh, mun iarr sibh air iad.

9 Air an aobhar sin deanaibhse
ùrnuiigh air a' mhodh so: Ar n-A-
thair a ta air nèamh, Gu naomli-
aichear t'ainm.

10 Thigeadh do rioghachd. Dean-
ar do thoil air an talamh, mar a nithear
air nèamh.

11 Tabhair dhuinn an diugh ar n-a-
ran laitheil.

12 Agus maith dhuinn ar fiacha,
amhul mar a mhaiteas sinne d'ar
luchd-fiach^g.

13 Agus na leig am buaireadh sinn,
ach saor sinn o olc: Oir is leatsa an
rioghachd, agus an cumhachd, agus
a' ghloir, gu slorruidh. Amen.

14 Oir m'a mhaiteas sibh an cionta
do dhaoineibh, maithidh bhur n-A-
thair nèamhaidh dhuibhse mar an
ceudna.

15 Ach mur maith sibh an cionta
do dhaoineibh, cha mhò a mhaiteas
bhur n-Athair dhuibhse bhur cionta.

16 Agus an uair a ni sibh trosgadh,
na bitheadh gruaim air bhur gnùis,
mar luchd an fhuar-chràbhaidh: oir
cuiridh iadsan mi-dhreach air an agh-
aidh chum gu faicear le daoinibh iad
a bhi trosgadh. Deirim ribh gu fi-
rinneach gu bheil an tuarasdal aca.

17 Ach thusa, an uair a ni thu
trosgadh, cuir ola air do cheann, agus
ionnail t'aghaidh^h:

18 Chum nach faicear le daoinibh
gu bheil thu a' deanamh trosgaidh,
ach le t'Athair a ta an uaignidheas:
agus bheir t'Athair a chi an uaig-
nidheas, duais dhuit gu follaiseach.

19 Na taisgibh dhuibh fein ion-
mhais air an talamh, far an truaill
an leomannⁱ agus a' mheirg e, agus
far an cladhach na meirlich a stigh
agus an goid iad.

20 Ach taisgibh ionmhais dhuibh
fein air nèamh, far nach truaill an
leomann no a' mheirg, agus nach
cladhach agus nach goid na meirlich.

21 Oir ge b'e ball am bheil bhur

^e fairfe, diongmhalta. ^f dean. ^g feichneinibh. ^h t'eudan. ⁱ mill.

¹ an reudan, a'mhiol chròn.

n-ionmhas, is ann an sin a bhios bhur eridhe mar an ceudna.

22 Is i an t-sùil solus a' chuirp : uime sin ma bhios do shùil glan, bithidh do chorp uile làn soluis.

23 Ach ma bhios do shùil gu h-olc, bithidh do chorp uile dorcha. Air an aobhar sin ma ta an solus a ta annad 'n a dhorchadas, cia mòr an dorchadas sin ?

24 Cha'n urrainn neach air bith seirbhis a dheananamh do dhà Thigh-earna : oir an dara cuid bithidh fuath aige do neach aca, agus gràdh do neach eile ; no gabhuidh e le neach aca, agus ni e tair air neach eile. Cha'n urrainn sibh seirbhis a dheananamh do Dha agus do Mhamon.

25 Uime sin a deirimse ribh, Na biodh ro-chùram oirbh mu thimchioll bhur beatha, ciòd a dh'itheas no dh'òlas sibh ; no mu thimchioll bhur cuirp, ciòd a chuireas sibh umaibh : an e nach mò a' bheatha na 'm biadh, agus an corp na'n t-eudach ?

26 Amhaircibh air eunlaith an athair : oir cha chuir iad siòl, agus 'e bhuan iad, agus cha chruinnich iad an saibhlibh : gidheadh a tabhur n-A-thair nèamhaidhse 'g am beathachadh; an e nach fearr sibhse gu mòr na iadsan ?

27 Agus cia agaibh le mòr chùram a dh'fheudas aon lamh-choille^m. a chur r'a airde fein ?

28 Agus c'ar son a ta sibh ro chùramach mu thimchioll bhur culaidh ? fòghlumaibh cionnus a ta na lilighean a' fàs sa' mhachair ; cha saothraich iad, agus cha snòlmh iad.

29 Gidheadh a deirimse ribh, Nach robh Solamh fein 'n a uile ghlòir, air eudachadh mar aon diubh so.

30 Air an aobhar sin, ma ta Dia mar sin a' sgeadachadh feoir na machaire, a ta an diugh ann, agus am màireach air a thilgeadh san àmhuiinn, an e nach mò na sin a sgeadaicheas e sibhse, a dhaoine air bheag creidimh ?

31 Uime sin na bitibh làn do chùram, ag radh, Ciòd a dh'itheas sinn ? no ciòd a dh'òlas sinn ? no ciòd a chuireas sinn umainn ?

32 (Oir iad so uile iarraidh na

Cinnich) oir a ta fios aig bhur n-A-thair nèamhaidh gu bheil feum a-gaibhse air na nithibh so uile.

33 Ach iarraibh air tùs rioghachd Dhé, agus fhìreantachdsan, agus cuirear na nithe so uile ribh.

34 Uime sin na bitheadh ro-chùram oirbh mu thimchioll an la màireach : oir bithidh a làn do chùram air an la màireach mu thimchioll a nithe fein : is leòr do'n là 'olc fein.

C A I B. VII.

Anns an bheil ar Slànuighear a' crioch-nachadh na searmoin air a' bheinn,
1 a' cronuchadh breth ghrad, a' toirmeasg nithe naomha chur an neoshuim, &c.

NA tugaibh breth, chum nach toirnear breth oirbh :

2 Oir a réir na breth a bheir sibh, bheirear breth oirbh : agus leis an tomhas le'n tomhais sibh, tomhaisear dhuibh a' rìs.

3 Agus c'ar son a ta thu a' faicinn an smùirneinⁿ a ta an sùil do bhràthar, acli nach 'eil thu tabhaint fa'near an t-sail a ta ánn do shùil fein ?

4 Nocionnus a their thu ri d'bhràthair, Fulaing dhomh an smùirnein a spònadh as do shèil ; agus feuch, an t-sail ann do shùil fein ?

5 A chealgair, buin air tùs an t-sail as do shùil fein ; agus an sin is léir dhuit gu maith an smùirnein a bhuntuinn a sùil do bhràthar.

6 Na tabhraibh an ni naomha do na madraibh, agus na tilgibh bhur neamhnuide am fianuis nam muc, air eagal gu saltair iad orra le'n cos-aibh, agus^o air pilltinn doibh gu reub iad sibh fein as a chéile.

7 Iarruibh, agus bheirear dhuibh : siribh^P agus gheibh sibh : buailibh an dorus, agus fosgailear dhuibh.

8 Oir gach uile neach a dh'iarras, glacuidh e : agus ge b'e a shireas, gheibh e : agus do 'n ti a bluaileas an dorus, fosgailear.

9 Oir cò an duine agaibhse, ma's e's gu'n iarr a mhac aran, a bheir cloch dha ?

10 Agus ma's iasg a. dh'iarras e, an tabhair e nathair dha ?

^m *bhann-lamh.* ⁿ *cainnein.* ^o *no.* ^p *lorgaichibh.*

11 Air an aobhar sin ma's aithne dhuibhse a ta olc, tiodhlacan maithe a thabhairt do blur cloinn, nach mó na sin a bheir blur n-Athair a ta air néamh nithe maithe dhoibhsan a dh'iaras air *iad*?

12 Uime sin gach uileni bu mhiann leibh daoine a dheanamh dhuibhse, deanaibhse a leithid dhoibhsan mar an ceudna: oir is e so an lagh agus na fáidean.

13 Iruichibh a steach air an dorus chumhann; oir is farsaing an dorus, agus is leathan an t-slighe a ta treoruchadh chum sgrios, agus is lónmhóir iad a ta dol a steachi oirre:

14 Ach is^r cumhann an dorus, agus is aimhleathan an t-slighe a ta treoruchadh chum na beatha, agus is tearc iad a ta 'g amas oirre.

15 Coimhidibh sibh fein o na fáidhíbh bréige, a thig d'ar n-ionnsuidh ann an culaidhibh chaorach, ach a ta o 'n leth a stigh 'nam madraibh allta.

16 Air an toraibh aithnidh sibh iad: an tionail daoine dearcan-fiona do dhrisibh, no figean do na foghan-nanaibh^s?

17 Agus mar sin bheir gach uile chrann maith toradh maith: ach bheir an droch chrann, droch thoradh.

18 Cha'n fheud a' chraobh mhaithe droch thoradh ionchar, no an droch chraobh toradh maith a thabhairt.

19 Gach uile chrann nach ionchair toradh maith, gearrar sios e, agus tilgear san teine e.

20 Air an aobhar sin is ann air an toraibh a dh'aithnicheas sibh iad.

21 Ni h-e gach uile neach a their riumsa, A Thighearna, A Thighearna, a theid a steach do rioghachd néimhe; ach an ti a ni toil m'Atharsa a ta air néamh.

22 Is iomadh iad a their riumsa san là ud, A Thighearna, a' Thighearna, nach d'rinn sinn a' t'ainmse fáidheadaireachd? agus a' t'ainmse nach do thilg sinn a mach deamhain? agus a' t'ainmse nach d'rinn sinn iomadh miorbhuite?

23 Agus an sin aidichidh mise os aird dhoibh, Cha b'aithne dhomh

riamh sibh: imichibh uam, a luchd deanamh na h-eucorach.

24 Air an aobhar sin, gach uile neach a chluinneas na briathrasa agamsa, agus a ni iad, samhluichidh mi e ri duine glic, a thog a thigh air carraig:

25 Agus thuirling^t an t-uisge, agus thainig na tuilte, agus shéid na gaotha, agus bhual iad air na tigh sin: agus cha do thuit e, oir bha a bhunadha suidhichte air carraig.

26 Agus gach uile neach a chluinneas na briathra so agamsa, agus nach coimhlion iad, samhluichear e ri duine amaideach a thog a thigh air a' ghaineamh:

27 Agus thuirling an t-uisge, agus thainig na tuilte, agus shéid na gaotha, agus bhual iad air an tigh sin: agus thuit e, agus bu mhòr a thuitem.

28 Agus tharladh^u an uair a chriochainch Iosa na briathrasa, gu'n do ghabh am pobull iongantas r'a theaghasan:

29 Oir theagaisg e iad mar neach aig an robh cumhachd^a, agus ni h-ann mar na scriobhuichein.

C A I B. VIII.

1. *Għlan Criod an lobhar, 5 shlān-ūch e seirbhiseach a' Chaiptin-ceed,*
14. *màthair-chéile Pheadair, &c.*

A GUS air teachda nuas o'n bheinn dha, lean cuideachd mhòr e.

2. Agus feuch, thainig lobhar, agus thug e urram dha, ag radh, A Thighearna, ma's àill leat, is comasach thu air mise a għlanadh.

3. Agus shin Iosa mach a lamh, agus bhean e ris, ag radh. Is àill leam; bi thusa glan. Agus air ball bha a loibhre air a glanadh.

4. Agus thubhairt Iosa ris, Feuch nach innis thu do dhuine sam bith, ach imich, taishein thu fein do'n t-sagart, agus beir chuiġe^b an tiodhlacadha a dh'aithn Maois, mar fhiannus dhoibh.

5. Agus air dol do Iosa-steach do Chaper-naum, thainig d'a ionnsuidh Caiptin-ceed, a' guidhe air,

6. Agus ag radh, A Thighearna, tha m'oglach na luidhe a stigh am

^r do bhrigh gur. ^s cluaranaibh. ^t thainig anuas. ^u thachair.
^a ùghdarras. ^b thuige, d'a ionnsuidh.

pairilis, agus air a phianadh gu h-an-abarrach.

7 Agus thubhairt Iosa ris, Théid mise, agus slànuichidh mi e.

8 Agus air freagairt do'n Chaip-tin-ceud, thubhairt e, A Thighearna, cha'n fhiu mise thusa a theachd a steach fa m' chleith: ach a mhàin abair am focal, agus slànuicheadar m'òglach.

9 Oir is duine mise fein a ta fuidh àughdarras, aig am bheil saighdeara fum: agus a deirim ris an fhear so, Imich, agus imichidh e: agus ris an fhear so eile, Thig, agus thig e: agus ri m'shearbant, Dean so, agus ni se e.

10 'Nuair a chual Iosa so, ghabh e iongantas, agus thubhairt e ris a' mhuinnitir a lean e, Gu firinneach a deirim ribh, ann an Israel fein nach d'fhuair mi creidimh co mòr as so.

11 Agus a deirim ribh, gu'n dthig mòran o'n àird an ear, agus o'n àird an iar, agus gu'n suidh iad maille, ri Abraham, agus Isaac, agus Jacob, ann an rioghachd nèimhe;

12 Ach gu'n tilgear clann na rioghachd ann an dorchadas a ta'n leth a muigh: bitidh an sin gul agus giogsan^c fhiacal.

13 Agus thubhairt Iosa ris a' chaip-tin-ceud, Imich romhad, agus biodh dhuit a réir mar a chreid thu. Agus shlànuicheadh 'òglach air an uair sin fein.

14 Agus an uair a thainig Iosa gu tigh Pheadair, chunnaic e màthair a mhnà 'na luidhe, agus i ann am fiabhrusd.

15 Agus bhean e r'a laimh, agus dh'fhàg am fiabhrus i: agus dh'éirich i, agus rinn i frithealadh dha^e.

16 Agus an uair a bha am feasgar air teachd, thug iad d'a ionnsuidh mòran anns an robh deamhain; agus thilg e na spioraid a mach le fhocal, agus shlànu'ch e iad uile a bha eu-slan:

17 A chum gu'n coimhlionadh^f an ni a labhradh le Esaias am fàidh, ag radh, Ghalbh esan ar n-anmhuiinn-

eachdan air fein, agus dh'iomchairs e ar n-euslaintean.

18 Agus an uair a chunnaic Iosa sluagh mòr m'a thimchioll, dh'aithn e dol a sin do'n taobh eile.

19 Agus thainig scriobhuiche àr-aidh, agus thubhairt e ris, A mhaighstir, leanuidh mise thu, ge b'e taobh a théid thu.

20 Agus thubhairt Iosa ris, Ata tuill aig na sionnaich, agus nid aig eunlaith an athair^g; ach cha'n eil aig Mac an duine ionad anns an cuir e a cheann fuidh.

21 Agus thubhairt fear eile d'a dheisciobluibh ris, A Thighearn, leig dhomhsaimeachd air tùs agus m'a-thair adhlacadh.

22 Ach thubhairt Iosa ris, Lean mise, agus leig leis na mairbh am mairbh fein adhlacadh.

23 Agus air dol dhasan a steach do-luing, lean a dheisciobuil e.

24 Agus feuch, dh'éirich stoirm mhòr air an fhairge, ionnus gu'n d'fholailch na tuinn an long: ach bha esan 'na chodal.

25 Agus thainig a dheisciobuil d'a ionnsuidh, agus dhuisg iad e, ag radh, A Thighearn, teasairg sinn: a ta sinn cailte.

26 Agus thubhairt e riu, C'ar son a ta sibh eagalach, sibhse air bheag creidimh? An sin dh'éirich e, agus chronuich e na gaothan agus an fhairge; agus bha ciuine mhòr ann.

27 Ach ghabh na daoine iongantas, ag radh, Creudh e ghnè dhuine so, gu bheil na gaotha fein agus an fhairge ùmhal dha?

28 Agus air teachd dha do'n taobh eile, gu tìr na Gergeseneachi, thachair dithis do dhaoinibh air, anns an robh deamhain, a' teachd a mach as na tuamaibh, agus iad ro gharg, ionnus nach feudadh duine sam bith an t-slige sin a ghabhail.

29 Agus feuch, ghlaodh iad, ag radh, Ciad e ar gnothuchne riut, Iosa a Mhic Dhé? An d'thainig thu an so g'ar pianadh roimh an àm?

30 Agus bha treud mòr mhuc am fad uatha, ag ionaltradh.

^c snagardaich. ^d an teasach. ^e doibh. ^f Air chor as gu'n do
choirhlionadh. ^g aidheir.

^h Ciad. ⁱ Gadareneach.

31 Agus dh'iarr na deamhain a dh'athchuinge airsan, ag radh, Ma thilgeas tu mach sinn, leig dhuinn dol san treud mhuc ud.

32 Agus thubhairt e riu, Imichibh. Agus air dol a mach dhoibh, chaidh iad anns an treud mhuc : agus feuch, ruith an treud mhuc uile gu dian sios air ionad corrach¹, do 'n chuan ; agus chailleadh sna h-uisgibh iad.

33 Agus theich na buachailllean, agus chaidh iad do'n bhaile, agus dh'innis iad na nithease uile, agus na thachair dhoibhsan anns an robh na deamhain.

34 Agus feuch, chaidh am bail' uile a mach a choinneachadh Iosa, agus an uair a chunnaic iad e, ghuidh iad airimeachd as an críocheabhsan.

C A I B. IX.

An déigh do Chriosd neach air an robh am pairilis a leigheas, 9 A ta se a' gairm Mhata o bhòrd na cise, 10 ag itheadh maille ri cùs-mhaoir agus peacach, &c.

A GUS air dol an luing dha, chaidh e thar an uisge, agus thainig e d'a bhaile fein.

2 Agus feuch, thug iad d'a ionnsuidh duine air an robh am pairilis, 'na luidhe air leabaidh : agus an uair a chunnaic Iosa an creidimh, thubhairt e ri fear na pairilis, Biodh deadh mhisneach agad, a mhic, a ta do pheacaidh air am maitheadh dhuit.

3 Agus feuch, thubhairt dream à-eaidh do na scriobhuiuibh anna fein, A ta am fear so a' labhairt toibheim^m.

4 Agus air do Iosa an smuaintean fhaicinn, thubhairt e, C'ar son a ta sibh a' smuaineachadh uile ann bhur cridhibh ?

5 Oir cia is usadh a radh, A ta do pheacaidh air am maitheadh dhuit ? no a radh, Eirich agus imich ?

6 Ach a chum gu'm bi fios agaibh gu bheil cumhachd aig Mac an duine peacaidh a mhaiteadh air an talamh, thubhairt e an sin ri fear na pairilis) Eirich, tog do leabaidh, agus imich do d' thigh.

7 Agus air éirigh dhasan, chaidh e d'a thigh fein.

8 Ach an uair a chunnaic am po-bull so, ghabh iad iongantas, agus thug iad glòir do Dhia, a thug a leithid so a chumhachd do dhaoinibh.

9 Agus ag dòl do Iosa as an àite sin, chunnaic e duine 'na shuidhe aig bàrd na cise, d'am b'ainm Mata; agus thubhairt e ris, Lean mise. Agus air éirigh dhasan, lean se e

10 Agus tharladh, air suidhe do Iosa aig biadh san tigh, feuch, thanig mòran chìs-mhaor agus pheacach, agus shuidh iad sios maille ris-san agus r'a dheisciobluibh.

11 Agus an uair a chunnaic na Phairisich so, thubhairt iad r'a dheisciobluibh, C'ar son a dh'itheas bhur maighstirse maille ri cis-mhaoraibh agus peacachaibh ?

12 Ach an uair a chual Iosa so, thubhairt e riu, Cha'n ann aig a' mhuinntir a ta slàn a ta feum air an léigh, ach aig a' mhuinntir a ta eu-slan.

13 Ach imichibh agus fòghlumaibh ciod is ciall da so, Tròcair is aill leam, agus cha'n iobairt : oir cha d'thainig mise a ghairm nam fireanach, ach nam peacach chum aithreachais.

14 An sin thainig deisciobuil Eoin d'a ionnsuidh, ag radh, C'ar son a ta sinne agus na Phairisich a' trosgadh gu minic, ach ni 'm bheil do dheisciobuils a' trosgadh ?

15 Agus thubhairt Iosa riu, Am feud clann seomair an fhir-nuadh-phòsdaⁿ bhi brònach, am feadh a bhitheas am fear-nuadh-pòsda 'n am fochair ? Ach thig na laithean anns an tiubhrar am fear-nuadh-pòsda uatha, agus an sin ni iad trosgadh.

16 Cha chuir duine sam bith mir do eudach nuadh air sean eudach : oir buinidh an ni a chuireadh g'a lionadh suas as an eudach, agus nithear an reubadh ni's measá.

17 Cha mhò a chuireas daoine fion nuadh ann an seann searragaibh^o : no brisear na searragan, agus dòirtear am fion, agus caillear na searragan : ach cuiridh iad fion nuadh ann an

¹ cas. ^m dia-mhaslachaidh. ⁿ fhir-na-bainnse. ^o bhuideilibh.

searragaibh nuadha, agus bithidh iad aroaon slàn.

18 'Nuair a bha e a' labhairt nan nithean riu, feuch, thainig uachdaran àraidh, agus thug e onoir dha, ag radh, Fhuair mo nighean bàs air ball p: ach thigsa agus cuir do lamh oirre, agus bithidh i beo.

19 Agus dh'éirich Iosa, agus lean e fein agus a dheisciobuil e.

20 (Agus feuch, thainig bean, air an robh dòrtadh fola rè dhà bhliadhna dheug, air a chùlaobh, agus bhean i ri iomall 'eudaich.

21 Oir thubhairt i innt fein, Ma bheanas mi ach ri 'eudach, bithidh mi slàn.

22 Ach air tionndadh do Iosa m'an cuairt, chunnaic se i, agus thubhairt e, A nighean, biodh deadh mhisneach agad; shìlanuich do chreidimh thu. Agus bha a' bhean slàn o'n uair sin.)

23 Agus an uair a thainig Iosa gu tigh an uachdarain, agus a chunnaic e an luchd ciuil, agus a' chuideachd a' deanamh toirm bhròin.

24 Thubhairteriu, Imichibh roimh-ibh, oir cha'n 'eil an nìonag r' marbh, ach 'na codal. Agus rinn iad gaire fochaid ris.

25 Ach an uair a chuireadh a' chuideachd a mach, chaidh e a steach, agus rug e air laimh oirre, agus dh'éirich an nìonag.

26 Agus chaidh iomradh sin a mach air feadh na tire sin uile.

27 Agus an uair a dh'imich Iosa as sin, lean dithis dhall e, ag éigeach, agus ag radh, A Mhic Dhaibhi, dean tròcair oirnne.

28 Agus an uair a thainig e steach do'n tigh, thainig na doill d'a ionnsuidh: agus thubhairt Iosa riu, Am bheil sibh a' creidsinn gur comasach mise so a dheanamh? Thubhairt iad ris, Ata, a Thighearn.

29 An sin bhean e r'an sùilibh, ag radh, Biodh e dhuibh a réir bhur creidimh.

30 Agus dh'fhosgladh an sùilean, agus bhagair Iosa gu geur iad^s, ag radh, Faicibh nach faigh neach air bith fios air so:

31 Ach an uair a dh'imich iad a mach, sgooil iad a chliù air feadh na dùcha sin uile.

32 Agus ag dol dhoibhsan a mach feuch, thug iad d'a ionnsuidh duine balbh anns an robh deamhan.

33 Agus an déigh do'n deamhan a bhi air a thilgeadh a mach, labhair am balbhan: agus ghabh an sluagh iongantas, ag radh, Cha'n fhacas a leithid so ann an Israel riamh.

34 Ach thubhairt na Phairisich, Trìd phrioninsaidh nan deamhan a ta se a' tilgeadh a mach dheamhan.

35 Agus ghabh Iosa mu chuairt nan uile chathraiche agus bhailte^t, a' teagascⁿ nan sionagogaibh, agus a' searmonachadh soisgeil na rioghachd, agus a' slànuachadh gach uile euslaint agus euail am measc a' phobuill.

36 Ach an uair a chunnaic e an sluagh, ghabh e truas diuh, air son gu'n robh iad air fannuchadh, agus air an sgapadh o chéile, mar chaoraich aig nach 'eil buachaille^u.

37 An sin thubhairt e r'a dheisciobluibh, Gu deimhin is mòr an foghara, ach is tearc an luchd oibre.

38 Uime sin guidhibhse air Tigh-earn an fhogharaidh, luchd oibre chur a mach chum fhogharaidh fein.

C A I B. X.

1 Ta Criosd a' cur a mach a dhà Abstol deug, a' toirt cumhachd dhoibh mòrbhilean a dheanamh, 5 a' toirt orduigh dhoibh, agus 'g an teagasc, &c.

A GUS air gairm a dhà dheisciobul deug d'a ionnsuidh, thug e cumhachd dhoibh an aghaidh nan spiorad neoghlan, gu'n tilgeadh a mach, agus a shìlanuachadh gach gnè euslainte, agus gach gnè euail.

2 Agus is iad so ainmean an dà Abstol deug; an ceud fhear, Simon d'an goirear Peadar, agus Aindreas a bhràthair, Seumas mac Shebede, agus Eoin a bhràthair,

3 Philip agus Bartolomeu, Tomas, agus Mata an cùs-mhaor, Seumas mac Alpheuis, agus Lebeus d'an comhainm Tadeus,

^p a nis ^r cailin, ^s thug Iosa sparradh geur doibh. ^t bhaille mòr agus beag. ^u aodhaire.

4 Simon an Canaanach, agus Iudas Iscariot, an ti fós a bhírath e-san^a.

5 Chuir Iosa an dà fhéar dheug so a mach, a' tabhairt aithne dhoibh, ag radh, Na gabhaibh gu slighe nan Ciinneach, agus na rachaibh a steach a dh'aon bhaile a bhuineas do na Samaraich b:

6 Ach gu ma fearr leibh dol a dh'ionnsuidh chaorach chaille tighe Israel.

7 Agus airimeachd dhuibh, searmuinchibh, ag radh, A ta rioghachd nèimhe am fagus.

8 Leighisibh an droing a ta tinn, glanuibh na lobhair, [dùisgibh na mairbh,] tilgibh amach na deamhain: a nasgaidh fhuair sibh, a nasgaidh thugaibh uaibh.

9 Na solairibh òr, no airgiod, no umha ann bhur sporanaibh^c;

10 No màla chum bhur turuis, no dà chòta, no brògan, no bataichean: (oir is fiu am fear oibre a lòn.^d)

11 Agus ge b'e air bith cathair no baile d'an dtheid sibh a steach, feòraichibh cia a ta 'na dheadh airidh innite; agus fanaibh an sin gus am fàg sibh an t-àite sin.

12 Agus air dol a steach do thighe dhuibh, beannuinchibh dha.

13 Agus ma's fiu an tigh sin e, thigeadh bhur siothchain air; ach mur fiu e, pilleadh bhur siothchain chugaibh féin a rìs.

14 Agus ge b'e neach nach gabh ribh, agus nach éisd ri'r briathraibh; air dol a mach as an tigh, no as a' bhaile sin dhuibh, crathaibh dhibh duslach bhur cos.

15 Gu deimhin a deirim ribh, gur so-ionchair'a bhitheas staid feàinn Shodoim agus Ghomorra an là ' bheitheanais, na staid a' bhaile in.

16 Feuch, cuireamsa sibhse mach nar chaoraich am measg mhadradh illta: air an aobhar sin bithibhse glic nar na nathraiche, agus neo-chronail nar na columain.

17 Ach bithibh air bhur faicill o haoinibh, oir bleir iad an laimh sibh

do chomhairlibh, agus sgiùrsaidh iad sibh 'nan sionagogaibh.

18 Agus bheirear sibh an làthair uachdaran agus righ air mo sgàthsa, mar fhianuis doibhsan agus do na Cinniche.

19 Ach an uair a bheir iad an laimh sibh, na biodh e 'na ro-chàs oirbh cionnus no ciod a labhras sibh; oir bheirear dhuibh san uair sin fein an ni a labhras sibh.

20 Oir cha sibhse a labhras, ach Spiorad blur n-Athar fein a labhras annaibh.

21 Agusbheiram bràthair abhràth-air fein suas chum bàis, agus an t-a-thair am mac: agus éiridh a' chlann an aghaidh am pártan, agus bheir iad fa'near gu cuirear gu bàs iad.

22 Agus bithidh fuath aig na h-uile dhaoinibh dhuibh air son m'ainmese: ach ge b'e bhuanacheas gus a' chrioch, is e so a shlànuicheadar.

23 Agus an uair a ni iad geur-lean-mhuinn oirbh sa' bhaile so, teichibh gu baile eile; oir gu deimhin a deirim ribh, Nach imich sibh air feedh bhailtean Israel mun dthig Mac an duine.

24 Cha 'n'eil an deisciobul oscionn a mhaighstir, no an seirbhiseach os cionn a thighearna.

25 Is leòr do'n deisciobul a bhi mar a mhaighstir, agus do'n t-seirbhiseach a bhi mar a thiglearn: ma ghoir iad Beelsebub do fhearr an tighe, nach mò na sin a ghoireas iad e d'a mhuinnitir?

26 Uime sin na biodh eagal oirbh rompa: oir cha 'n'eil ni sam bith folaithe, nach foillsicheadar; agus an ceilt, nach aithnicheadar.

27 An ni a dh'innseas mise dhuibh san dorchadas, labhruilb e san t-solus: agus an ni a chluinneas sibh sa chluais, searmuinchibh e air mullach nan tighean.

28 Agus na biodh eagal na muinnitir sin oirbh a mharbhas an corp, ach aig nach 'eil comas an t-anam a mharbhadh: ach gu ma mò bhithéas eagal an Ti sin oirbh, a's urrainn an corp agus ant-anama mhilleadh araoen an isfrinn.

^a an ti a thug esan thairis. ^b Samaritans. Sasg. ^c crioscibh. ^d a bhiadh 'nan aghaidhsan agus nan Geintileach.

29 Nach 'eil dà ghealbhonn air an reiceadh air fheoirling? agus cha tuit a h-aon diubh air an talamh as eugmhais *freasdail* bhur n-Atharsa.

30 Ach a ta eadhon fulteine bhur cinn uile air an àireamh.

31 Air an aobhar sin na biodh eagal 'oirbh, is fearr sibhse na mòran ghealbhonn.

32 Uime sin ge b'e dh'aidecheas mise am fianuis dhaoine, aidichidh mise esan mar an ceudna am fianuis m'Athar a ta air nèamh.

33 Ach ge b'e dh'aicheadhas mise am fianuis dhaoine, aicheadhaidh mise esan am fianuis m'Athar a ta air nèamh.

34 Na measuibh gu'n d'thainig mise a chur siothchaint air an talamh: cha'n ann a chur siothchaint a thainig mi, ach a *chur* claidheimh.

35 Oir thainig mi a chur duine an aghaidh 'athar, agus na h-inghin an aghaidh a màthar, agus bean a' mhic an aghaidh a màthar-chéile.

36 Agus is iad muintir a theaghlach fein a *bhitheas*, 'nan naimhdibh do dhuine.

37 An ti a ghràduicheas athair no màthair ni's mò na mise, cha'n airidh orm e^f: agus an ti a ghràduicheas mac no nighean os mo chionnsa, cha'n airidh orm e:

38 Agus an ti nach glac a chrann-ceusaidh, agus nach lean mise, cha'n shiu e mise.

39 An ti a gheibh 'anam, caillidh se e: ach an ti a chailleas 'anam air mo shonsa, gheibh se e.

40 An ti a ghabhas ribhse, gabhaidh e riumsa; agus an ti a ghabhas riumsa, gabhaidh e ris an ti a chuir uaith mi.

41 An ti a ghabhas ri fàidh an ainm fàidh, gheibh e duais fàidh; agus an ti a ghabhas ri firean an ainm firein, gheibh e duais firein.

42 Agus ge b'e bheir cupan a dh'uisge fuar a mhàin r'a òl dh'aon neach do na daoinibh beaga so, an ainm deisciobuil, gu deimhin a deirim ribh, nach caill e air chor sam bith a dhuais.

C A I B. XI.

1 *Ta Eoin a' cur a dheisciobul a dh'ionnsuidh Chriosd.* 7 Fianuis mu thimchioll Eoin, &c.

A GUS tharladh, an uair a chrìochanuich Iosa àitheantan a thàbh-airt d'a dhà dheisciobul deug, gu'n d'imich e as sin a theagasc agus a shearmonuchadh 'nam baitlibh.

2 A nis an uair a chual Eoin sa' phriosun gnìomhara Chriosd, chuir e dithis d'a dheisciobluibh *d'a ionnsuidh*,

3 Agus thubhairt e ris, An tua an ti ud a bha ri teachd, no am bi sùil aguinn ri neach eile'

4 Fhreagair Iosa agus thubhairt e riù, Imichibh agus innisibh do Eoin na nithean a ta sibh a' cluinninn agus a' faicinn :

5 A ta na doill a' faghailg an radhairc, agus na bacailch ag imeachd, a ta na lobhair air an glanadh, agus na bothair a' cluinninn, at a na mairbh air an dùsgadh, agus an soisgeul air a shearmonachadh do na bochdaibh.

6 Agus is beannuichte an ti nach faigh oilbheum annamsa.

7 Agus air imeachd dhoibhsan air falbh, thòisich Iosa air labhairt ris an t-sluagh mu thimchioll Eoin, *ag radh*, Ciòd e an ni a chaidh sibh a mach do'n fhàsach a dh'fhaicinn? an i cuile air a crathadh le gaoith?

8 Ach ciod e an ni a chaidh sibh a mach a dh'fhaicinn? *An* e duine air a sgeaduchadh ann an èudach mìn? feuch, a' mhuinntir a chaitheas eudach mìn, is ann an tighibh nan righ a ta iad.

9 Ach ciod e an ni a chaidh sibh a mach a dh'fhaicinn? *An* e fàidh? seadh, a deirim ribh, agus ni's mò na fàidh.

10 Oir is e so an ti mu'm bheil e scriobhta, Feuch, cuireamsa mo theachdaire roimh do ghnùis, a dh'ulluicheas do shlighe romhad.

11 Gu deimhin a deirim ribh, 'nam measgsan a rugadh le mnaibh, nach d'ëirich neach a's mò na Eoin Baiste: gidheadh, an ti sin a's lugha an rioghachd nèimhe, is mò e na esan.

12 Agus o laithibh Eoin Baiste

gus a nis, a ta rioghachd nèimhe a' fulang ainnear, agus luchd na h-ainneart 'ga glacadh le lamhachas-làidir.

13 Oir rinn na fàidhean uile, agus an lagh fàidheadaireachd gu àm Eoin.

14 Agus ma's toil leibh a ghabhail, is e so Elias a bha ri teachd.

15 Ge-b'e aig am bheil cluasan chum éisdeachd, éisdeadh e.

16 Ach cia ris a shamhluicheas mise an ginealach so? Is cosmhuil e ri cloinn a shuidheas anns a' mhargadh h, agus ag éigheach r'an companachaibh,

17 Agus ag radh, Rinn sinne piobaireachd dhuibhse, ach cha d'rinn sibhse dannsa: rinn sinne tuireadh i dhuibhse, ach cha d'rinn sibhse gul.

18 Oir thainig Eoin ni h-ann ag itheadh no' g òl, agus tha iad ag radh, A ta deamhan aige.

19 Thainig Mac an duine ag itheadh agus ag òl, agus tha iad ag radh, Feuch, duine geocach agus pòiteir fiona, caraid chìs-mhaor agus pheacach: ach a ta gliocas air a firean-achadh leis a cloinn.

20 An sin thòisich e air achmhasan a thabhairt do na bailtibh anns am mò a rinneadh d'a oibríbh cumhachdacha, air son nach d'rinn iad aithreachas.

21 Is anaoibhinn duit, a Chorasin; is anaoibhinn duit, a Bhetsaida: oir nam biodh na h-oibre cumhachdacha a rinneadh annuibhse, air an deanamh ann an Tirus agus ann an Sidon, is fada o'n a dheanadh iad aithreachas ann an saic-eudach agus an luath.

22 Ach a deirim ribh, Gu'm bi staid Thiruis agus Shidoine ni's soiomchair' ann an là a' bhreitheanais, na bhitheas bhur staidse.

23 Agus thusa, a Chaper-naum, a ta air do thogail suas gu nèamh, tilgear sios gu h-ifrinn thu: oir nam biodh na h-oibre cumhachdacha a rinneadh annadsa, air an deanamh ann an Sodom, dh'fhanadh e gun a sgrios gus an diugh.

24 Ach a deirim ribh, gur so-iom-

chair' a bhitheas e do fhearrann Shodoin ann an là a' bhreitheanais, na dhuitse.

25 Anns an àm sin fhreagair Iosa agus thubhairt e, Bheiream buidheachas dhuit, o Athair, a Thighearna nèimhe agus na talmhainn, air son gu d'fholuich thu na nithe so o dhaoinibh eagnuidh agus tuigseach, agus gu d'fhoillsich thu iad do leanabaibh.

26 A seadh, Athair, do bhrigh gu'm b'ann mar sin a bha do dheadh thoilsa.

27 A ta na h-uile nithe air an tabhairt thairis dhomhsa o m'Athair: agus cha 'n aithne do neach air bith am Mac, ach do'n Athair: ni mò is aithne do neach air bith an t-Athair, ach do'n Mhac, agus do gach aon d'an àill leis a' Mhac fhoillseachadh.

28 Thigibh a m'ionnsuidhse, sibhse uile a ta ri saothair, agus fuidh throm uallaich, agus bheir mise suaimhneas¹ dhuibh.

29 Gabhuiibh mo chuing oirbh, agus fòghlumaibh uam, oir a ta mise macant' agus iriosal^m an cridhe: agus gleibh sibh fois d'ar n-anamaibh.

30 Oir a ta mo chuингse so-iomchair, agus a ta m'uallach eutrom.

C A I B. XII.

1 A ta Criosd a' cronuchadh doille nam Phairiseach mu thimchioll brisidh na sàbaid, 3 le scriobtuiribh, 11 le reuson, 15 le miorbhul, &c.

CHAIÐH Iosa san àm sin air là na sabaid troimhⁿ na h-achaibh arbhair, agus bha ocras air a dheisciobuil, agus thòisich iad air diasan arbhair a bhuan, agus itheadh.

2 Ach an uair a chunnaic na Phairisich so, thubhairt iad ris, Feuch, a ta do dheisciobuil a' deanamh an ni nach còir a dheanamh air là na sàbaid.

3 Agus thubhairt esan riu, Nach do leugh sibh ciod a rinn Daibhi an uair a bha ocras air fein, agus air a' muinntir a bha maille ris,

4 Cionnus a chaidh e steach do thighe Dhé, agus a dh'ith e aran na fianuis^o, nach robh ceaduichte

^h na margaibh. ⁱ caoine. ¹ fois. ^m ùmhail. ⁿ tre, trid. ^o an t-aran taisbeanta.

dha fein itheadh, no dhoibhsan a bha maille ris, ach do na sagartaibh a mhàin?

5 No nach do leugh sibh san lagh, gu bheil na sagairt anns an teampull air laithibh na sàbaid a' briseadh na sàbaid, agus iad neo-chiontach?

6 Ach a deirimse ribh, gu bheil san ionad so neach a's mó na'n teampull.

7 Agus nam biodh fhios agaibh ciod is ciall da so, Tròcair is aill leam agus cha 'n lobairt, cha dìteadh sibh an dream a ta neo-chiontach.

8 Oir is e Mac an duine Tighearna na sàbайд.

9 Agus air dhaimeachd as sin, chaidh e stéach d'an sionagog.

10 Agus feuch, bha duine ann, aig an robh lamh sheargta: agus dh'fheòruich iad dheth, ag radh, Am bheil e ceaduicichte leigheas a dheanamh air laithibh na sàbaid? chum gu'm biodh cùis dhìtidh aca dha.

11 Agus thubhairt esan riu, Cia agaibhs' an duine, aig am bi aon chaora, agus ma thuiteas i ann an slochd air là na sàbaid, nach beir e oirre, agus nach tog e mios i?

12 Nach mòr ma ta is fearr duine na caora? Uime sin a ta e ceaduicichte maith a dheanamh air laithibh na sàbaid.

13 An sin thubhairt e ris an duine, Sin a mach do lamh: agus shìn e mach i; agus bha i air a h-aiseag slàn, mar an lamh eile.

14 Ach chaidh na Phairisch a mach, agus chum iad comhlairle 'na aghaidh, cionnus a dh'fheudadh iad a mhilleadh.

15 Ach an uair a thuig Iosa so, dh'imich e as sin: agus lean slòigh mhòr e, agus leighis e iad uile.

16 Agus thug e sparradh dhoibh chum nach deanadh iad follus e:

17 A chum gu coimhliontadh an ni a labhradh le Esaias am fàidh, ag radh.

18 Feuch, mo sheirbhiseach fein a thagh mi, m'aon gràdhach anns am bheil tlachd aig m'anam: cuiridh mi mo Spiorad fein air, agus nochdaidh e breitheanas do na Cinneachaibh.

19 Cha dean è stri, agus cha ghlaodh e, ni mó a chluinneas neach air bith a ghuth air na sràidibh.

20 Cha bhris e a' chuilc bhrùite, agus cha mhùch e an lòn as am bi deatach, gusan tabhair e mach breith-eanas chum buaidh.

21 Agus is ann a ainmsan a bhith-eas muinighin aig na Cinneachaibh.

22 An sin thugadh d'a ionnsuidh duine anns an robh deamhan, dall agus balbh: agus shlànuich se e, ionnus gu'n do labhair am balbh agus gu'n robh an dall a' faicinn.

23 Agus ghabh am pobull uile iongantas, agus thubhairt iad. An e^P so Mac Dhaibhi?

24 Ach an uair a chuala na Phairisch so, thubhairt iad, Cha'n'eil am fear so a' tilgeadh a mach dheamhan, ach trèd Bheelsebub priomnsadh nan deamhan.

25 Agus thuig Iosa an smuaintean, agus thubhairt e riu, Gach rioghachd a ta roinnt 'na h-aghaidh fein, nithear 'na fasach i: agus gach uile bhaile no tigh a ta roinnt 'na aghaidh fein, cha seas e.

26 Agus ma thilgeas Satan a mach Satan, a ta e roinnt 'na aghaidh fein; air an aobhar sin cionnus a sheasas a rioghachd?

27 Agus ma taimse trèd Bheelsebub a' tilgeadh a mach dheamhan, trèd cò am bheil bhur clannsa 'gan tilgeadh a mach? Uime sin bithidh iad 'nam breitheanaibh oirbh:

28 Ach ma's ann le Spiorad Dhé a ta mise a' tilgeadh a mach dheamhan, thainig rioghachd Dhé chugaibhse^r.

29 No cionnus is urrainn neach dol do thig duine làdir, agus airneis a thighe a chreachadh, mur ceangail e air tùs an duine làdir? agus an sin creachaidh e a thighe

30 An ti nach 'eil leam, a ta se a'm' aghaidh: agus an ti nach cruinich leam, sgapuidh e.

31 Air an aobhar sin a deirim ribh, Gu maithear gach peacadh agus gach toibheum do dhaoinibh: gidheadh cha mhaitear toibheum an aghaidh an Spiorad Naoimh do dhaoinibh.

32 Agus ge b'e neach a labhras focal an aghaidh Mhic an duine, maithear dha e : ach ge b'e neach a labhras an aghaidh an Spioraid Naoimh, cha mhaitear dha e, anns an t-saoghal so, no anns an t-saoghal ata ri teachd.

33 An dara cuid deanuibh a' chraobh maith, agus a toradh maith ; no deanuibh a' chraobh truaillidh, agus a toradh truaillidh : oir is ann air a toradh a dh'aithnichear a' chraobh.

34 A shliochd nan nathraiche nimhe, cionnus a dh'fheudas sibh nithe maithe a labhairt, o ata sibh fein olc ? oir is ann a pailteas a' chridhe a labhras am beul.

35 Bheir duine maith a mach nithe maithe as a dheadh ionmhas^s : agus bheir an droch dhuine mach droch nithe as a dhroch ionmhas.

36 Ach a deirim ribh, Gu'n tabhair daoine cunnas ann an là a' bhreitheanais air son gach focal dhiomhain a labhras iad.

37 Oir is ann as t'fhoclair a shaorar thu, agus is ann as t'fhoclair a dhilear thu.

38 An sin fhreagair dream àraidh do na scriobhuichean agus do na Phairisich, ag radh, A mhaighstir, bu mhiann leinn comhara fhaicinn uait.

39 Ach fhreagair esan agus thubhairt e riu, A ta ginealach olc agus adhaltrannach ag iarruidh comharaidh, agus cha tiubhrar comhara dhoibh, ach comhar' an fhàidh Ionais.

40 Oir mar a bha Ionas am broinn na muice-mara tri laithean agus tri oidhchean ; is ann mar sin a bhitheas Mac an duine ann an cridhe na talmhainn tri laithean agus tri oidhchean.

41 Eiridh muinntir Ninebhe sa' bhreitheanas maille ris a' ghinealach so, agus dìtidh iad e ; oir rinn iad aithreachas aig searmoin Ionais, agus feuch, a ta ni's mó na Ionas an so.

42 Eiridh banrighinn na h-àirde deas sa' bhreitheanas maille ris a' ghinealach so, agus dìtidh si e : oir thainig i o na h-àitibh a's iomallaich do'n talamh a dh'éisdeachd gliocais

Sholaimh, agus feuch, a ta ni's mó na Solamh an so.

43 An déigh do'n spiorad neoghlach dol a mach a duine, imichidh se troimh ionadaibh tiorma, ag iarruidh fois, agus cha 'n fhaigh e.

44 An sin their e, Pillidh mi dom' thigh as an d'thainig mi ; agus air teachd dha, gheibh e falamh, sguabta, agus deadh-mhaiseach e.

45 Imichidh e an sin, agus bheir e leis seachd spioraid eile a's measa na e fein, agus theid iad a steach agus gabhuidh iad còmhnuidh an sin : agus bithidh staid dheireannach an duine sin ni's measa na a thoiseach. Is ann eadhon mar sin a thachaireas do'n ghinealach aingidh so.

46 Agus air dha bhi fathast a' labhairt ris a' phobull, feuch, sheas a mhàthair agus a bhràithrean a muigh, ag iarruidh labhairt ris.

47 An sin thubhairt neach eigin ris, Feuch, a ta do mhàthair, agus do bhràithrean 'nan seasamh a muigh, ag iarruidh labhairt riut.

48 Ach fhreagair esan agus thubhairt e ris an ti a dh'innis so dha, Cò i mo mhàthair ? agus cò iad mo bhràithrean ?

49 Agus air sìneadh a laimhe chum a dheisciobul, thubhairt e, Feuch mo mhàthair, agus mo bhràithrean.

50 Oir ge b'e neach a ni toil m'A-thars' a ta air nèamh, is e sin fein mo blàthair, agus mo phiuthar, agus mo mhàthair.

C A I B. XIII.

3 Cosamhlachd an t-sìoladair agus an t-sìl, 18 air eadar-mhìneachadh.
24 Cosamhlachd a' chogail, 13 an t-sìl-mhustaird, &c.

A IR an là sin fein chaidh Iosa mach as an tigh, agus shuidh e ri taobh na fairge.

2 Agus chruinnich sluagh mòr d'a ionnsuidh, air chor as air dol a steach do luing dha, gu'n do shuidh e, agus sheas an sluagh uile air an tràigh.

3 Agus labhair e mòran do nithibh riù ann an cosamhlachdaibh^t, ag radh, Feuch, chaidh sìoladair a mach a chur sìl.

^s a deadh ionmhas a' chridhe. ^t parablaibh, comhadaibh.

4 Agus ag cur *an t-sìl* da, thuit cuid dheth ri taobh an ròid, agus thainig na h-eunlaith agus dh'ith iad e.

5 Thuit cuid air ionadaibh creagach, far nach robh mòran talmhainn aige : agus air ball dh'fhàs e suas, do bhrigh nach robh doimhlneachd talmhainn aige.

6 Ach air éirigh do'n ghréin dhothadh e, agus do bhrigh nach robh freumh aige, shearg e as.

7 Agusthuit cuid am measg droighinn : agus dh'fhàs an droighinn suas, agus mhùch se è.

8 Ach thuit cuid eile am fearann maith, agus thug e toradh a mach, cuid a cheud uiread, cuid a thri fichead, cuid a dheich thar fhichead uiread 's a chuireadh.

9 Ge b'e neach aig am bheil cluasa chum éisdeachd, éisdeadh e.

10 Agus thainig na deisciobuil, agus thubhairt iad ris, C'ar son a ta thu a' labhairt riu ann an cosamhlachdaibh ?

11 Fhreagair esan agus thubhairt e riu, Do bhrigh gu'n d'thugadh dhuibhse eòlas a bhi agaibh air rùn diomhair rioghachd nèimhe, ach dhoibhsan ni 'm bheil so air a thabhairt.

12 Oir ge b'e neach aig am bhéil, dhasan bheirear, agus bithidh aige an tuilleadh pailteis : ach ge b'e neach aig nach 'eil, uaithsan bheirear eadhon an ni a ta aige.

13 Uime sin ataims' a' labhairt riu an cosamhlachdaibh, do bhrigh air dhoibh faicinn nach faic iad, agus a' cluinnintinn nach cluinn iad, agus nach tuig iad.

14 Agus anntasan a ta fàidheadoireachd Esaias air a coimhlionadh, a ta 'g radh, Le h-éisdeachd cluinnidh sibh, agus cha tuig sibh ; agus le h-amhare chi sibh, agus cha 'n aithnich sibh.

15 Oir a ta cridhe a' phòsail so air fàs reamhar, agus an cluasan mall chum éisdeachd, agus dhruid iad an sùilean ; air eagal uair air bith gu'm faiceadh iad le'n sùilibh, agus gu'n cluinneadh iad le'n cluasaibh, agus gu'n tuigeadh iad le 'n cridhe, agus

gu'm biodh iad air an iompochadh, agus gu'n slànuichinn's iad.

16 Ach is beannuichte bhur sùilese, oir a ta iad a' faicinn ; agus bhur cluasa, oir a ta iad a' cluinnintinn.

17 Oir a deirim ribh gu firinneach, Gu'm b'iomadh fàidh, agus firean leis am bu mhiann na nitheese fhaicinn a ta sibhse a' faicinn, agus nach fac siad *iad* : agus na nitheese chluinnintinn a ta sibhse a' cluinnintinn, agus nach cual iad.

18 Eisdibh air an aobhar sín ri cosamhlachd an t-siolasair.

19 An uair a chluinneas neach air bith focal na rioghachda, agus nach toir e fa'near e^u, thig an droch *spiorad*, agus bheir e air falbh an ni a chuireadh 'na chridhe : is e so esan anns an do chuireadh an siol ri taobh an ròid.

20 Ach esan a fhuair siol ann an àitibh creagach^a, is e so an ti a chluinneas am focal, agus a ghabhas e air ball le gairdeachas ;

21 Gidheadh cha 'n eil freumh aige ann fein, ach fanuidh se rè tamuill : agus an uair a thig trioblaid no geurléannmuinn air son an fhocail, air ball gheibh e oilbheum.

22 Esan mar an ceudna a ghabh siol am measg an droighinn, is e so an ti a ta cluinnintinn an fhocail : agus a ta ro-chùram an t-saoghalise, agus mealltaireachd beartais a' mùchadh an fhocail, agus bithidh e gun toradh.

23 Ach an ti ud a ghabh siol ann an deadh fhearann, is e sin an neach a ta cluinnintinn an fhocail, agus 'ga thoirt fa'near, neach mar an ceudna ta giùlan toraidh, agus a ta tabhairt a mach cuid a cheud uiread, cuid a thri fichead, agus cuid eile a dheich thar fhichead uiread 's a chuireadh.

24 Chuir e cosamhlachd eile mach dhoibh, ag radh, Is cosmhuil rioghachd nèimhe ri duine a chuir siol maith 'na fhearann :

25 Agus an uair a bha daoine 'nan codal, thainig a nàmhaid agus chuir e cogal am measg a' chruineachd, agus dh'imich e roimhe.

26 Ach an uair a thainig an t-arbhar fuidh dhéis, agus a thug e mach

^u nach tuig se e.

^a clochach.

a thoradh, dlu'fhoillsich an cogal e fein mar an ceudna.

27 Agus air teachd do sheirbhisich fhir-an-tighe thubhairt iad ris, A Thighearna, nach do chuir thusa siol maith ann a t' flearann? c'aite ma seadh as an d'fhuair e an cogal?

28 Thubhairt esan riu, Rinn nàmhaid éigin so. Agus thubhairt na seirbhisich ris, An àill leat uime sin gu'n teid sinne agus gu'n cruinnich sinn r'a chéile iad?

29 Ach thubhairt esan, Cha'n àill; air eagal ag cruinneachadh a' chogail duibh, gu spòn sibh an cruinneachd maille ris.

30 Leigibh leo fàs araon gus an dthig am foghara: agus an àm an fhogharaidh their mise ris an luchdbuanaidh, Cruinnichibh air tùs an cogal, agus ceangluibh e 'na chean-glachanaibh b' chum a losgaidh: ach cruinnichibh an cruinneachd do m' shabhal.

31 Chuir e mach cosamhlachd eile dhoibh, ag radh, A ta rioghachd nèimhe cosmuil ri gràinne do shiòl mus-staird, a ghabh neach agus a chuir e 'na flearann.

32 Ni gun amharus a's lugha do gach uile phòr^c: gidheadh air-fàs da, 's e a's mò do na luibheanaibh, agus fàsuidh e 'na chrann: ionnuis gu'n dthig eunlaith an athair, agus gu'n dean iad nid 'na gheugaibh.

33 Cosamhlachd eile labhair e riu: Is cosmuil rioghachd nèimhe ri taois ghoirtd, a ghabh bean agus a dh'fhol-aich i an tri tomhasaibh mine, gus an do ghoirticheadh an t-iomlan.

34 Na nithe sin uile labhair Iosa ris a' phobull an cosamhlachdaibh, agus gun chosamhlachd cha do labhair e riu:

35 A chum gu coimhliontadh an ni a thubhradh leis an fhàidh, ag radh, Fosglaidh mi mo bheul an cosamhlachdaibh, cuiridh mi 'n cùill nithe a bha folaire o thoiseach an t-saoghail e.

36 An sin chuir Iosa am pohull air falbh, agus chaidh e steach do'n tigh: agus thainig a dheisciobuil d'a-

ionnsuidh, ag radh, Minich dhuinne cosamhlachd cogail an fhearrainn.

37 Agus fhreagair esan agus thubhairt e riu, An ti a chuireas an siol maith is e Mac an duine e:

38 'S e 'm fearann an domhan: agus is e an siol maith clann na rioghachd: ach 's e an cogal clann an droch spioraid:

39 'S e an nàmhaid a chuir iad an diabhol: 's e am foghara deireadh an t-saoghail: agus is iad na buan-aichean na h-aingil.

40 Agus amhuil mar a chruinni-chear an cogal, agus a loisgear le teine e, is ann mar sin a bhitheas ann an deireadh an t-saoghail so.

41 Cuiridh Mac an duine 'aingil uait, agus tionailidh iad as a rioghachd na h-uile nithe a bheir oilbheum, agus iadsan a ta deanamh aingidheachd;

42 Agus tilgidh siad iad anns an àmhuinn air dearg-lasadh: an sin bi-thidh gul agus giosgan fhiacal.

43 An sin dealruichidh na fireana mar a' ghrian, ann an rioghachd an Athar fein. Ge b'e aig am bheil cluasa chum éisdeachd, éisdeadh e.

44 A rìs, a ta rioghachd nèimhe cosmuil ri ionmhas air fholach am fearann: ni an déigh fhaotainn, a dh'fholaidh duine, agus air sgàth a ghaerdeachais air a shon, dh'imich e agus reic e na bha aige uile, agus cheannuich e am fearann sin.

45 A rìs, is cosmuil rioghachd nèimhe ri ceannuiche àraidh ag iarruidh neamhnuide maiseach:

46 Agus air amas^f da air aon neamhnuid ro luachmhoir, dh'imich e agus reic e na bha aige, agus cheannuich e i.

47 A rìs, a ta rioghachd neimhe cosmuil ri lòn air a thilgeadh san fhaighe, agus a chruinnich do gach uile sheòrta éisg :

48 Agus air dha bhi làn, tharruing na h-iarsairean e chum na tràighe, agus air suidhie dhoibh, chruinnich iad na h-éisg mhaithe ann an soithichibh, ach thilg iad na droch éisg amach.

49 Is ann mar sin a bhitheas ann

^b thrusaichibh. ^c ros. ^d laibhin. ^e o leagadh bunaite an domhain.
^f airmseachd.

an defreadh an t-saoghaile : theid na h-aingil a mach, agus dealuichidh iad na droch dhaoine a measg nam fireanach ;

50 Agus tilgidh siad iad san à-mhuinn theintich : an sin bithidh gul agus giøsan fhiacal.

51 Thubhairt Iosa riu, An do thuig sibh na nithe so uile ? thubhairt iad ris, Thuig, a Thighearna.

52 Agus thubhairt esan riu, Air an aobhar sin gach uile scriobh-uiche a ta fòglumta chum rioghachd nèimhe, is cosmhuil e ri fear-tighe, a bheir a mach as 'ionmhas nithe nuadh agus sean.

53 Agus thachair an uair a chrioch-nuich Iosa na cosamhlachda so, gu'n d'imich e as sin.

54 Agus an uair a thainig e d'a dhùthaich fein, theagaisg e iad 'nan sionagog, ionnus gu'n do ghabh iad iongantas, agus gu'n dubhaint iad, C'ait an d'fhuair am fear so an glio-cas so, agus na feartan ud ?

55 Nach e so mac an t-saoir ? nach e ainm a mhàthar Muire ? nach iad a bhràithre, Seumas, agus Ioses, agus Simon, agus Iudas ?

56 Agusa pheathraiche, nach'eil iad uile maille ruinn ? c'ait uime sin an d'fhuair an duine so na nithe ud uile?

57 Agus fhuair iad oilbheum ann. Ach thubhairt Iosa riu, Cha'n 'eil fàidh gun urram, ach 'na dhùthaich fein, agus 'na thigh fein.

58 Agus cha d'rinn e mòran do oibribh cumhachdach an sin, air son am mi-chreidiadh.

C A I B. XIV.

1 Barail Heroid mu thimchioll Chriosd,

5 C'ar son a chaidh an ceann a bhuntainn a dh'Eoin Baiste. 15 Chaidh Iosa gu ionad fàsail, 15 far an do bheathuich e cùig mìle fear le cùig aranaibh, agus dà iasg, &c.

F A'N àm sin chual Herod an Te-trach cliu Iosa,

2 Agus thubhairt e r'a sheirbhisich, Is e so Eoin Baiste, dh'éirich e o nia marbhulbh, is uime sin a ta feartan air an oibreachadh leis.

3 Oir air glacadh Eoin do Herod,

cheangail se e, agus thilg e am priosun e air son Herodiais, mnà Philip a bhràthar fein.

4 Oir thubhairt Eoin ris, Cha'n 'eil e dligeach dhuit a bi agad.

5 Agus an uair bu mhiann leis a chur gu bàs, bha eagal a' phobuill air, oir bha meas fàidh aca air.

6 Ach an uair a bha comhainm la-breithe Heroid air a chumail, rinn nighean Herodiais dannsa 'nan làth-air, agus thaitinn i ri Herod :

7 Ionnus gu'n do gheall e le mion-naibh, gu tiubhradh e dh'i ge b'e air bith ni a dh'iarradh i.

8 Agus air dh'ise bhi air a teagast leis a màthair roimh laimh, thubhairt i, Tabhair dhomh an so ceann Eoin Baiste air mèis.

9 Agus bha 'n righ doilich : ach air son a mhionnan, agus na muinnitir a bha 'nan suidhe aig biadh maille ris, dh'àithn e a thabhairt d'i.

10 Agus air cur fir-marbhaidh uauth, bhuin e a cheann a dh'Eoin anns a' phriosun.

11 Agus thogadh a cheann air mèis, agus thugadh do'n chainlin e : agus thug ise d'a màthair e.

12 Agus thainig a dheisciobuil, agus thug iad an corp leo, agus dh'adhlaic iad e, agus thainig iad agus dh'innis iad sin do Iosa.

13 An uair a chual Iosa so, chaidh e as sin air luing gu ionad fàsail air leth : agus an uair a chual am pobull sin, lean iad d'an cois e as na bältibh.

14 Agus air dol a mach do Iosa, chunnaic e coimhthionail mòr, agus ghabh e truas mòr dliubh, agus shlàn-uch e an droing aca bha euslan.

15 Agus an uair a b'fheasgar e, thainig a dheisciobuil d'a ionnsuidh, ag radh, Is àite fasail so, agus a ta an t-àm a nis air dol seachad ; cuir an sluagh air falbh, chum as gu'n teid iad do na bältibh, agus gu'n ceannuich iad biadh dhoibh fein.

16 Ach thubhairt Iosa riu, Cha ruig iad a leas falbh ; thugaibhse dhoibh r'a itheadh.

17 Agus thubhairt iad ris, Cha'n 'eil againn an so ach cùig araing, agus dà iasg.

18 Thubhairt esan *riu*, Thugaibh an so iad do m' ionnsuidhs'.

19 Agus dh'aithn e do'n t-sluagh suidhe sios air an fheur, agus ghlac e na cùig arain, agus an dà iasg, agus air amharc dha suas gu nèamh, bheannuich agus bhris e, agus thug e na h-àrain d'a dheisciobluibh, agus thug na deisciobuil do'n t-sluagh iad.

20 Agus dh'ith iad uile, agus shàsicheadh iad : agus thog iad làn dà chliabh dheug do'n bhiadh bhriste, a bha dh'fhuigleach *aca*.

21 Agus bha iadsan a dh'ith mu thimchioll cùig mìle fear, thuilleadh air mnaibh agus air cloinn.

22 Agus air ball choimhéignich Iosa a dheisciobuil gu dol an luing, agus dol roimhe do'n taoblh eile, gus an cuireadh esan an sluagh air falbh.

23 Agus an uair a leig e an sluagh uaith, chaidh e suas air beinn 'na aonar a dheanamh ùrnuigh : agus an uair a bha am feasgar air teachd, bha e an sin 'na aonar.

24 Ach bha an long fa'n àm sin am meadhon na fairge, air a tilgeadhl a null agus a nall leis na tonnaibh : oir bha a' ghaoth 'nan aghaidh.

25 Agus anns a' cheathramh faire do'n oidhche, chaidh Iosa d'an ionnsuidh, ag imeachd air an fhairge.

26 Agus an uair a chunnaic na deisciobuil e'g imeachd air an fhairge, bha iad fa bhuaireas, ag radh, Is spiorad a ta ann : agus ghlaodh iad a mach le h-eagal.

27 Ach labhair Iosa riu air ball, ag radh, Biodh misneach mhaith agaibh, is mise a ta ann, na biodh eagal oirbh.

28 Agus fhreagair Peadar e agus thubhairt e, A Thighearna, ma's tu a ta ann, iarr ormsa teachd a'dionnsuidh air na h-uisgeachaibh.

29 Agus thubhairt esan, Thig. Agus an uair a bha Peadar air teachd a nuas as an luing, dh'imich e air na h-uisgeachaibh, chum teachd gu h-Iosa.

30 Ach an uair a chunnaic e a' ghaoth làdir, ghabh e eagal : agus an uair a thòisich e air dol fuidh,

ghlaodh e, ag radh, A Thighearna, fòir orn.

31 Agus air ball shìn Iosa mach a làmh, agus rug e air, agus thubhairt e ris, O thusa air bheag creidimh, c'ar son a bha thu fuidh amharus ?

32 Agus an uair a chaidh iad a steach do'n luing, choisg a' ghaoth.

33 An sin thainig iadsan a bha san luing, agus rinn iad aoradh dha, ag radh, Gu firinneach is tu Mac Dhé.

34 Agus an uair a chaidh iad dò'n taoblh eile, thainig iad gu talamh Ghenesaret.

35 Agus an uair a fhuair luchd an àite sin fiosrachadh uime, chuir iad fios air feadh na tire sin uile air gach taoblh dhiubh, agus thug iad d'a ionnsuidh an droing sin uile a bha euslan.

36 Agus ghuidh iad air, gu feudadh iad beantuinn ri h-iomall 'eu-dach a mhàin : agus a mhèud dhiubh 's a bhean, shlànuicheadh gu h-iom-lan iad.

C A I B. XV.

3 A ta Criosd a' cronuchadh nan scriòbhuiche agus nam Phairiseach air son àitheanta Dhé a bhriseadh le'n gnàthuchadh san ; 11 a' teagasc nach e an ni a theid a steach do'n bheul a thruailleas an duine, &c.

A N sin thainig scriòbhuichean a-gus Phairisich o Hierusalem gu h-Iosa, ag radh,

2 C'ar son a ta do dheisciobuil a dol an aghaidh gnàthuchaidh nan sinnsear ? oir cha'n ionnlaid iad an lamhan an uair a dh'itheas iad aran.

3 Ach fhreagair esan agus thubbairt e riu, C'ar son a ta sibhise a' bris eadh àithne Dhé le blur gnàthuchadh fein ?

4 Oir thug Dia àithne, ag radh, Tabhair onoir do t'athair agus do d'mhàthair : agus ge b'e mhallaicheas i'athair no mhàthair, cuirear gu bàs e.

5 Ach their sibhse, Ge b'e neach a their r'a athair no r'a mhàthair, Biodh e'na thiodhlacadh do'n teampull gach ni leis am feudadhl tu buannachd flaotainn uamsa,

6 Nach feum e' athair no mhàthair onòruchadh. Mar sin chuir sibhse an neo-brigh àithne Dhé le blur gnà-thuchadh fein.

7 A chealgairean, is maith a rinn Esaias¹ fàidheadaireachd mu'r tim-chioll, ag radh,

8 A ta am pobull so a' dlùthachadh riumsa le'm beul, agus a' tabhaint onoir dhomh le'm bilibh: ach a ta an cridhe fada uam.

9 Ach is ann an diomhanas a ta iad a' deanamh aoraidh dhomhsa, a' teagastg àitheanta dhaoine mar theagastg.

10 Agus air gairm an t-slòigh dha, thubhairt e riu, Eisdibh agus tuigibh.

11 Cha'n e an ni a theid a steach sa' bheul a shaluicheas an duine: ach an ni a thig a mach as a' bheul, is e so a shaluicheas an duine.

12 An sin thainig a dheiscioibh, agus thubhairt iad ris, Am bheil fhios agad gu'n do ghabh na Phairisich oil-bheum, an déigh dhoibh na briathran ud a chluinntinn?

13 Ach fhreagair esan agus a thubhairt e, Gach uile luibh nach do shuidhich m'Athair nèamhaidhse, spionar a bhun e.

14 Leigibh leo: is cinn-iuil dhall nan dall iad. Agus ma threòruich-eas dall dall eile, tuitidh iad ar aon anns a' chlais.

15 Agus fhreagair Peadar agus thubhairt e ris, Mìnich dhuinn an cosamhlachd sin.

16 Agus thubhairt Iosa, Am bheil sibhse fathast mar an ceudua gun tuigse?

17 Nach 'eil sibh a' tuigsinn fathast, ge b'e ni a theid a steach sa' bheul, gu'n dtheid e sa' bhroinn, agus gu'n tilgear a mach do'n t-slochd shalchair e?

18 Ach na nithe sin a thig a mach as a' bheul, a ta iad a' teachd o'n chridhe, agus is iad sin a shaluicheas an duine.

19 Oir is ann as a' chridhe thig droch smuainte, mortadh, adhaltrannas, stròpachas, gaduigheachd, fianuis blàrige, toibheum.

20 Is iad so na nithe a shaluicheas

an duine: ach itheadh le lamhaibh gun ionnlad, cha saluich sin an duine.

21 Agus air dol do Iosa as sin, chaidh e gu crìochuibh Thiruis agus Shidoin.

22 Agus feuch, thainig bean do mhuinntr Chanaain o na crìochuibh sin, agus ghlaodh i ris, ag radh, Dean tròcair orm, a Thighearn, a Mhic Dhaibhi; a ta mo nighean air a buaireadh gu truagh le deamhan.

23 Ach cha d'thug esan freagrach sam bith dh'i. Agus thainig a dheisciobuil d'a ionnsuidh, agus dh'iarr iad air, ag radh, Cuir air falbh i, oir tha i glaodhaich 'nar déigh.

24 Ach fhreagair esan agus thubhairt e, Cha do chuireadh mise, ach a chum chaorach chaillte thighe Israeil.

25 An sin thainig ise agus rinn i aoradh dha, ag radh, A Thighearna, cuidich leam^m.

26 Ach fhreagair esan agus thubhairt e, Cha chòir aran na cloinne a ghlacadh, agus a thilgeadh chum nan con.

27 Agus thubhairt ise, Is fior, a Thighearna: ach ithidh na coin do'n bruileach a thuiteas o bhord am maighstirean.

28 An sin fhreagair Iosa agus thubhairt e rithe, O bhean, is mòr do chreidimh: biodh dhuit mar is toil leat. Agus rinneadh a h-inghean slàn o'n uair sin a mach.

29 Agus airimeachd do Iosa as sin thainig e laimh ri fairge Ghalile, agus an uair a chaidh e suas air beinn, shuidh e sìos an sin.

30 Agus thainig mòr shluagh d'a ionnsuidh, agus aca maille riu bacailch, doill, balbhain, *daóine ciurramach*, agus mòran eile, agus thilg iad sìos aig cosaibh Iosa iad, agus shlànuich e iad:

31 Ionnus gu'n do ghabh an sluagh iongantas 'nuair a chunnaic iad na balbhain a' labhairt, na *daóine ciurramach* slàn, na bacailch ag imeachd, agus na doill a' faicinn: agus thug iad glòir do Dhia Israel.

32 An sin ghairm Iosa a dheisciobuil d'a ionnsuidh, agus thubhairt

¹ Isaiah.

^m fòir orm.

e, A taim a' gabhail truais do 'n t-sluagh, oir dh'fhan iad maille rium a nis rè thri laithean, agus cha 'n'eil ni air bith aca r'a itheadh : agus cha chuir mi uam 'nan trosg iad, air eagal gu-fannuich iad air an t-sligte.

53 Agus thubhairt a dheisciobuil ris, Cia as a gheibheamaid na h-uiread a dh'aran san fhàsach, as bu leor a shàsuchadh slòigh co mhòr ?

54 Agus thubhairt Iosa riu, Cia lìon aran a ta agaibh ? agus thubhairt iadsan, Seachd, agus beagan a dh'iasg-aibh beaga.

55 Agus dh'áithn e do'n t-sluagh suidhe'sios air an làr.

56 Agus air glacadh nan seachd aran agus nan iasg dha, agus air breith buidheachais, bhris e iad, agus thug e d'a dheisciobluiibh, agus thug na deisciobuil do'n t-sluagh iad.

57 Agus dh'ith iad uile, agus shàs-uicheadh iad : agus thog iad do'n bhiadh bhriste a dh'fhàgadh làn sheachd basaid.

58 Agus bha a' mhuinnitir a dh'ith, ceithir mìle fèar, thuilleadh air mnaibh agus air cloinn.

59 Agus air dha an sluagh a leigeadh uaith, chaith e air luing, agus thainig e gu crìochaibh Mhagdala.

C A I B. XVI.

1 A ta na Phairisich ag iarrайдh comharaidh. 6 A ta Iosa a' tabhairt rabhaidh d'a dheisciobluiibh mu thimchioll droch theagaig nam Phairiseach agus nan Sadusach. 13 Barail an t-sluaign mu thimchioll Chriosd, &c.

A GUS air teachd do na Phairisich agus do na Sadusaich 'g a dhearbhadhⁿ, dh'iarr iad air comhar a nochadh dlioibh o nèamh.

2 Ach fhreagair esan agus thubhairt e riu, An uair is feasgar e, their sibh, *Bithidh* deadh aimsir *ann*; oir a ta an t-athar dearg.

3 Agus air maduinn, *Bithidh* droch aimsir ann an diugh; oir a ta an t-athar dearg agus dorcha. Is aithneò dhuibh breth a thoirt air gnùis an athair, agus nach 'eil e'n comas dhuibh comharan nan aimsir a thugissin?

4 A ta ginealacli aingidh agus adhaltrannach ag iarraidh comharaidh, agus cha toirear comhara dhoibh, aich comhar an fhàidh Ionais. Agus air dha am fàgail, dh'imich e as sin.

5 Agus an uair a thainig a dheisciobuil a dh'ionnsuidh na taoibh eile, dhichuimhnich iad aran a thabhairt leo.

6 Agus thubhairt Iosa riu, Thug-aibh an aire, agus gleidhibh sibh fein o thaois ghoirt nam Phairiseach, agus nan Sadusach.

7 Agus bha iad a' reusonachadh eatorra fein, ag radh, *Is ann* air son nach d'thug sinn aran *leinn*.

8 Agus air tuigsinn *sin* do Iosa, thubhairt e riu, O sibhse air bheag creidimh, c'ar son a ta sibh a' reusonachadh eadruibh fein, *gur ann* a chiorn nach d'thug sibh aran *leibh* ?

9 Nach 'eil sibh fathast à tuigsinn, no cuimhneachadh nan cùig aran nan cùig mile, agus cia lòn cliabh a thog sibh ?

10 No nan seachd aran nan ceithir mìle, agus cia lòn basaid a thog sibh ?

11 -Cionnus nach 'eil sibh a' tuigsinn, nach ann mu aran a thubhairt mi ribh, sibh a bhi air bhur faicill o thaois ghoirt nam Phairiseach, agus nan Sadusach ?

12 An sin thuig iad cionnus nach d'iarr e orra bhi air am faicill o thaois ghoirt an arain, ach o theagast nam Phairiseach, agus nan Sadusach.

13 Agus air teachd do Iosa gu crìochaibh Chesarea Philipi, dh'fheòrach e d'a dheisciobluiibh, ag radh, Cò a tha daoine ag radh is e Mac an duine ?

14 Agus thubhairt iadsan, *Tha* cuid ag radh Eoin Baiste, cuid Elias, agus cuid eile Ieremias, no aon do na fàidhibh.

15 Thubhairt esan riu, Ach cò tha sibhse ag radh is mi ?

16 Agus fhreagair Simon Peadar agus thubhairt e, *Is* tua Criod, Mac an Dé bheo.

17 Agus fhreagair Iosa agus thubhairt e ris, *Is* beannuicht' thusa, a Shimoin Bhar-Iona ; oir cha d'fhoillsich

fuil is feoil sin duitse, ach m'Athairs' a ta air nèamh.

18 Agus a deirimse riut, Gur tusa Peadar, agus air a' charraig^o so togaidh mise m'eaglais : agus cha tabhair geatan ifirinn buaidh oirre.

19 Agus bheir mi dhuit iuchraiche rioghachd nèimhe : agus ge b'e ni a cheanglas tusa air talamh, bithidh e ceangailte air nèamh ; agus ge b'e ni a dh'fhuasglas tusa air talamh, bithidh e fuasgailte air nèamh.

20 An sin dh'àithn e d'a dheisciobluibh gun iad a dh'innseadh do neach air bith, gu'm b'esan Iosa an Criod.

21 O'n àm sin a mach thòisich Iosa air nochdad d'a dheisciobluibh, gu'm b' éigin dasan dol suas gu Hie-rusalem, agus mòran do nithibh fhu-lang o na seanaireibh, agus na h-ard shagaraibh, agus na scriobhuichibh, agus a bhi air a chur gu bàs, agus a bhi air a thogail suas air an treas là.

22 Agus ghabh Peadar e, agus thòisich e air achmhàsan a thabhairt dha, ag radh, Gu ma fada sin uaitse, a Thighearna ; cha tachair sin duitse.

23 Ach air tionndadh dhasan, thubhairt e ri Peadar, Imich air mo chùl, a Shatain, is oilbheum dhomh thu : oir cha'n'eil spéis agad do nithibh Dhé, ach do nithibh dhaoine.

24 An sin thubhairt Iosa r'a dheisciobluibh, Ma's àill le neach air bith teachd a'm' dhéighse, àicheadhadh se e fein, agus togadh e air a chrann-ceusaidh, agus leanadh e mise.

25 Oir ge b'e neach le'm b'àiil 'anam a ghleidheadh, caillidh se e; agus ge b'e neach a chailleas 'anam air mo sgàthsa, gheibh se e.

26 Oir ciod an tairbhe a ta ann do dhuine, ge do chosnadhbh e an saoghal uile, agus 'anam fein a chall ? no ciod i a' mhalaire^p a bheir duine air son 'anama ?

27 Oir thig Mac an duine ann an glòir 'Athar, maille r'a ainglibh ; agus an sin bheir e do gach neach a réir a ghnìomhara.

28 Gu deimhin a deirim ribh, Gu bheil cuid do'n droing a ta 'nan seamh an so, nach blais bàs, gus am

faic iad Mac an duine a' teachd 'na rioghachd fein.

C A I B. XVII.

I Atharrachadh agus dealrachadh crutha Iosa. 14 A ta se a' slànuchadh an leinibh air an robh an tuiteamach, 22 ag innseadh fhuolangais roimh-laimh, 24 agus ag iocadh na cìse.

A GUS an déigh shea laithean, A ghabh Iosa Peadar, agus Seumas, agus Eoin a bhràthair, agus threorúich e iad air leth gu beinn ard,

2 Agus dh'atharraicheadh a chruth 'nan làthair, agus dhealraich 'aghaidh mar a' ghrian, agus rinneadh 'eudach geal mar an solus.

3 Agus feuch, chunncas leo^r Maois agus Elias a' comhradh ris.

4 An sin fhreagair Peadar, agus thubhairt e ri h-Iosa, A Thighearn, is maith dhuinne bhi 'n so : ma's àill leatsa, deanamaid tri bothain^s an so ; aon duitse, aon do Mhaois, agus aon do Elias.

5 Air dha bhi fathast a' labhairt, feuch, thilg neul soillseach sgàile orra : agus feuch, guth as an neul, ag radh, Is e so mo Mhac gràdhachsa, anns am bheil mo mhòr thlachd, eisdeibh ris.

6 Agus an uair a chuala na deisciobuil so, thuit iad air an aghaidh, agus ghabh iad eagal ro mhòr.

7 Agus thainig Iosa agus bhean e riu, agus thubhairt e, Eiribh, agus na biadh eagal oirbh.

8 Agus an uair a thog iad suas an sùilean, cha'n fhac iad neach air bith, ach Iosa 'na aonar.

9 Agus an àm dhoibh teachd a nuas o'n bheinn, thug Iosa àithne dhoibh, ag radh, Na-innsibh do neach air bith an ni a chunnais sibh, gus an éirich Mac an duine o.na marbhaibh.

10 Agus dh'fhèoraich a dheisciobuil dheth, ag radh, C'ar son ma seadh a their na scriobhuichean, gur éigin Elias a theachd air tùs ?

11 Agus fhreagair Iosa agus thubhairt e riu, Thig Elias gu firinneach air tùs, agus aisigidh e na h-uile nithe :

12 Ach a deirimse ribh, Gu'n

^o petra, Gr. ^P iomlait. ^r dh'fhoillsicheadh doibh. ^s pàilliuna.

d'chainig Elias a cheana, agus cha d'ainnich iad e, ach rinn iad gach ni bu toil leo ris: is ann mar sin mar an ceadna a dh'fhulaingeas Mac an duine uatha.

13 An sin thuig na deisciobuil gu'm b'ann mu Eoin Baiste a labhair e riu.

14 Agus an uair a chainig iad chum an t-sluagh, chainig duine *àraighe* d'a ionnsuidh, a' tuiteam air a ghluinibh dha, agus ag radh,

15 A Thighearna, dean tròcair air mo mhac, oir a ta e gu tinn leis an tuiteamach, agus is mòr an cràdh a ta e a' fulang: oir a ta e gu minic a' tuiteam san teine, agus gu tric san uisge.

16 Agus thug mi e dh'ionnsuidh do dheisciobul, agus cha b'urrainn iad a leigheas.

17 Agus fhreagair Iosa agus thubhairt e, A ghinealaich neo-chreidich, agus choirbte, cia fhad a bhitheas mi maille ribh? cia fhad a dh'fhulaingeas mi sibh? thugaibh am' ionnsuidhs' an so e.

18 Agus chronuich Iosa an deamhan, agus dh'imich e as: agus shluinicheadh an leanabh o'n uair sin a mach.

19 An sin an uair a chainig na deisciobuil chum Iosa fa leth, thubhairt iad, C'ar son nach b'urradh sinne a thileadh a mach?

20 Agus thubhairt Iosa riu, Air son bhur mi-chreidimh: oir gu firinneach a deirim ribh, Nam biodh aguibh creidimh marghrainne mustaird, theireadh sibh ris a' bheinn so, Atharruich as so an sud, agus dh'atharruicheadh i; agus cha bhiodh ni air bith eucomasach dhuibh.

21 Gidheadh, cha dtheid a' ghné so mach, ach le h-ùrmuigh agus le trosgadh.

22 Agus am feadh a bha iad a' fantuinn ann an Galile, thubhairt Iosa riu, Bithidh Mac an duine air a bhrath thairis do lamhaibh dhaoin:

23 Agus marbhaidh siad e, ach an treas là éiridh e: Agus bha iadsan ro bhrònach.

24 Agus air teachd dhoibh do Cha-

pernaum, chainig luchd togail na cise gu Peadar, agus thubhairt iad *ris*, Nach 'eil bhur maighstirse 'g iocadh na cise?

25 Thubhairt esan, A ta. Agus an uair a chaidh e steach do'n tigh, labhair Iosa ris air tùs, ag radh, Ciod i do bharails', a Shimoine? cia uaith a ta righre na talmhainn a' togail càine no cise^u? 'N ann o'n cloinn fein, no o choigreachaibh?

26 Thubhairt Peadar ris, O choigreachaibh. Thubhairt Iosa ris-san, Air an aobhar sin a ta a' chlann saor:

27 Gidheadh chum nach tugamaid oilbheum dhoibh, imichsa chum na fairge, agus tilg dubhan *innt*, agus tog an ceud iasg a thig a nios: agus air fosgladh a bheoil duit, gheibh thu bonn airgid; sin gabh, agus tabhair dhoibh air mo shonsa, agus air do shon fein.

C A I B. XVIII.

1 A ta Criod o' toirt àithne d'a dheisciobluibh bhi ùmhal agus neo-chronail, 7 oilbheum a sheachnadh, agus gun iad a dheanamh tair air cloinn bhig, &c.

A NNS an àm sin fein chainig na deisciobuil chum Iosa, ag radh, Cò a's mò ann an rioghachd néimhe?

2 Agus air do Iosa leanabh beag a ghairm chuige, chuir e 'nam meadhon e,

3 Agus thubhairt e, Gu firinneach a deirim ribh, Mur iompoichear sibh, agus mur bi sibh mar leanabana, nach dtheid sibh a steach do rioghachd néimhe.

4 Air an aobhar sin ge b'e dh'islicheas e fein mar an leanaban so, 'se sin fein a's mò ann an rioghachd néimhe.

5 Agus ge b'e ghabhas aon leanaban d'a leithid so ann am ainmse, gabhuidh e mise.

6 Ach ge b'e neach a bheir oilbheum dh'aon neach do'n mhuinntir bhig so a ta creidsinn annamsa, b'fhearr dha gu'm biodh cloch-mhui-linn air a crochadh r'a mhuineal, agus gu'm biodh e air a bhàthadh ann an doimhne na fairge.

^u tuiteamas, guin na ré, tinneas na gealaich.

^u gearraidih no duilinne.

7 Is anaoibhinn do'n t-saoghal air son oilbheuman : oir is eigin do oilbheumaibh teachd ; ach is anaoibhinn do'n duine sin trid an dthig an t-oilbheum.

8 Uime sin ma bheir do lamh no do chos aobhar oilbheim^a dhuit, gearr dhiot iad, agus tilg uait *iad* : is fearr dhuit dol a steach do'n bheatha air leth chois no air leth laimh, na dà laimh no dà chois a bhi agad, is tu bhi air do thilgeadh anns an teine shiøruidh.

9 Agus ma bheir do shùil aobhar oilbheim dhuit, spion asad i, agus tilg uait *i* : is fearr dhuit dol a steach chum na beatha air leth shùil, na dà shùil a bhi agad agus thu bhi air do thilgeadh ann an teine ifrinn.

10 Thugaibh an aire nach dean sibh tarcuis air aon neach do'n mhuinntir bhig so ; oir a deirimse ribh, gu bheil an aingilsan air nèamh a' faicinn a ghnàth gnùis m'Atharsa, a ta air nèamh.

11 Oir thainig Mac an duine a shaoradh an ni sin a bha cailte.

12 Ciod is barail dhuibhse ? ma bhitheas aig duine ceud caora, agus gu'n dtheid aon diubh air seacharan, nach fàg e na naoi caorach dheug agus ceithir fishead air na beanntaibh, agus nach dtheid e dh'iarruidh *na caorach* a chaidh air seacharan ?

13 Agus ma tharlas da gu'm faigh e i, gu deimhin a deirim ribh, Gu'n dean e tuilleadh gairdeachais air son *na caorach sin*, na air son nan naoi caorach dheug agus ceithir fishead, nach deachaidh air seacharan.

14 Mar so cha'n e toil bhur n-Athars' a ta air nèamh, gu'n rachadh aon neach do'n mhuinntir bhig so a chall.

15 Uime sin ma pheacuicheas do bhràthair a'd' aghaidh, imich agus innis a lochd dhà^b eadar thu fein agus esan a mhàin : mà dh'éisdeas e riut, choisinn thu do bhràthair.

16 Ach mur éisd e *riut*, tabhair leat aon no dthis eile, chum gu'm bi gach ni air a dheanamh^c seasmhach am beul dthis no triuir a dh'fhanuisibh.

17 Agus ma dhiultas e iadsan éisd-eachd, innis do'n eaglais e : ach ma dhiultas e 'n eaglais éisdeachd, biodh e dhuit mar Gheintileach, agus mar chìs-mhaor.

18 Gu deimhin a deirim ribh, Ge b'e air bith nithe a cheanglas sibhse air talamh, bithidh iad ceargailte air nèamh : agus ge b'e air bith nithe a dh'fhuasglas sibhse air talamh, bithidh iad fuasgaile air nèamh.

19 A rìs a deirim ribh, Ma choird-eas dthis aguibh air talamh mu thim-chioll aon ni a dh'iarras iad, nithear so, dhoibh le m' Athairs' a ta air nèamh.

20 Oir ge b'e àit am bheil dthis no triuir air an cruinneachadh an ceann a chéile a'm' ainmse, a ta mise an sin 'nam meadhon.

21 Air dol do Pheadar d'a ionnsuidh san àm sin, thubhairt e, A Thighearna, cia minic a pheacuicheas mo bhràthair a'm' aghaidh, agus a mhaiteas mi dha ? *An ann* gu ruig an seachdamh uair ?

22 Thubhairt Iosa ris, Ni abram riut, gus an seachdamh uair, ach gu deich agus tri fishead seachd uaire.

23 Air an aobhar sin is cosmuil rioghachd nèimhe ri righ àraidh le'm b'àill cunnatas a dheanamh r'a sheirbhisich.

24 Agus an uair a thòisich e air cunnatas a dheanamh, thugadh aon d'a ionnsuidh air an robb aige deich mìle talainn.

25 Ach do bhrigh nach robh aige ni leis an dioladh e, dh'àithn a thighearn e fein, agus a bhean, agus a chlann, agus na h-uile nithe a bha aige a reiceadh, agus dioladh a dheanamh.

26 Air an aobhar sin thuit an seirbhiseach sin sìos, agus rinn e umhlachd dha, ag radh, A Thighearn, dean foighidin rium, agus locaidh mi dhuit an t-ionlan.

27 An sin air do thighearn an ògalaich sin truas mòr a ghabhail dheth, leig e a chead da, agus mhaith e na fiacha dha.

28 Ach an uair a chaidh an seirbhiseach sin fein a mach, fhuair e

^a tuislidh. ^b spreig, tagair ris.

^c a' chùis uile air a deanamh.

aon d'a choimh-sheirbhisich air an robh aige ceud peghinn : agus chuir e lamh ann, agus rug e air sgornan air, ag radh, Loc dliomh na bheil agam ort.

29 Agus thuit a choimh-sheirbhiseach sios aig a chosaibh, agus ghuindh e air, ag radh, Dean foighidin rium, agus iocaidh mi dhuit an t-iomlan.

30 Agus cha b'aill leis-san sin : ach dh'imich e agus thilg e am priosun e, gus an iocadh e na fiacha.

31 Agus an uair a chunnaic a choimh-sheirbhisich na nithe a rinn-eadh, bha iad ro dhoilich, agus thainig iad, agus dh'fhoillsich iad d'an tighearn gach ni a rinneadh.

32 An sin air d'a thighearn aghairm, thubhairt e ris, A dhroch sheirbhisich, mhaith mi dhuit na fiachan ud uile, do bhrigh gu'n do chuir thu impidh orm.

33 Nach bu chòir dhuitse mar an ceudna tròcair a dheanamh air do choimh-sheirbhiseach fein, amhul mar a rinn mise tròcair orts a.

34 Agus air gabhail feirge d'a thighearn, thug e do na ceusadairibh e, gus an iocadh e fhiachan uile dha.

35 Agus mar sin ni m'Athair nèamhuidh ribhse, mur maith gach aon agaibh o bhur cridhibh d'a bhràthair an cionta.

C A I B. XIX.

2 Ata Criod a' slànuchadh na muinn-tir a bha tinn, 5 a' freagairt nam Phairiseach mu thinchioll dealachaidh, 10 a' nochdadh c'uin a ta am pòsadh feumail, 15 a' gabhail ri cloinn bhig, &c.

A GUStharladhd, an uair a chriochadh nuich Iosa na briathrasa, gu'n d'imich e o Ghalile, agus thainig e gu crìochaibh Iudea, air an taobh thall do Iordan :

2 Agus lean sluagh mòr e, agus shlànuiuch e iad an sin.

3 Thainig na Phairisich mar an ceudna d'a ionnsuidh 'ga dhearbhadh e, agus ag radh ris, Am bheil e ceaduichte do dhuine a bhean a chur uaithe air gach uile aobhar ?

4 Agus fhreagair esan agus thubhairt e riu, Nach do leugh sibh, An ti-

a rinn air tùs iad, gu'n d'rinn é iad fear agus bean ?

5 Agus thubhairt e, Air an aobhar so fàgaidh duine 'athair agus a mhàth-air, agus dlùth-leanuidh e r'a mhnaoi: agus bithidh iad araon 'nan aon fheoil.

6 Air an aobhar sin cha dithis iad ni's mó, ach aon fheoil. Uime sin an ni a cheangail Dia, na sgaoileadh duine.

7 Thubhairt iad ris, C'ar son ma seadh a dh'àithn Maois litir-dhealaich a thabhairt dh'i, agus a cur air falbh ?

8 Thubhairt esan riu, Dh'f'huilaing Maois dhuibhse air son cruais bhur cridhe, bhur muaí a chur uaibh : ach cha robh e mar sin o thùs.

9 Agus a deirimse ribh, Ge b'e chuireas uaith a bhean, ach air son strìopachais, agus a phòsas bean eile, a ta e a' deanamh adhaltrannais : agus ge b'e neach a phòsas ise a chuir-eadh air falbh, a ta e a' deanamh adhaltrannais.

10 Thubhairt a dheisciobuil ris, Ma's e sin cor an fhir r'a mhnaoi, cha 'n'eil am pòsadh maith r'a dheanamh.

11 Ach thubhairt esan riu, Cha 'n'eil na h-uile dhaoine comasach air a' chainnt so a ghabhail, ach iadsan d'an d'thugadh e.

12 Oir a ta cuid 'nan caillteanaich, a rugadh mar sin o bhroinn am màthar : agus a ta cuid do chaillteanaich ann, a rinneadh 'nan caillteanaich le daoinibh : agus a ta caillteanaich ann, a rinn iad fein 'nan caillteanaich air son rioghachd nèimhe. Ge b'e neach a ta comasach air a ghabhail chuige, gabbadh se e.

13 An sin thugadh clann bheag d'a ionnsuidh, chum gu cuireadh e a lamhan orra, agus gu'n deanadh e ùrnuiugh : agus chronuich na deiscio-buili iad.

14 Ach thubhairt Iosa, Fulaingibh do na leanabaibh, agus na bacabibh dhoibh teachd a m' ionnsuidh : oir is ann d'an leithidibh sin a ta rioghachd nèimhe.

15 Agus an déigh dha a lamhan a chur orra, dh'imich e as sin.

16 Agus feuch, thainig neach agus thubhairt e ris, A mhaighstir mhaith,

ciod am maith a dheanam chum gu faigh mi a' bheatha mhaireannach?

17 Agus thubhairt esan ris, C'ar son a ghoireadh tu maith dhiomsa? cha 'n eil aon neach maith ach a h-aon, eadhon Dia: ach ma's aill leat dol a steach chum na beatha, coimhidf na h-àitheanta.

18 Thubhairt esan ris, Cia iad? agus thubhairt Iosa, Na dean mortadh. Na dean adhaítrannas. Na goid. Na toir fianuis bhréig.

19 Tabhair onoir do t'athair, agus do d' mhàthair: agus, Gràdhaich do choimh hearsnach mar thu fein.

20 Thubhairt an t-òganach ris, Choimhid mi iad sin uile o m'òige: ciod a ta dh'uireasbhuidh orm fathast?

21 Thubhairt Iosa ris, Ma's aill leat bhi coimhlionta, imich, reic na bheil agad, agus tabhair do na bochdaibh, agus gheibh thu ionmhas air nèamh: agus thig, agus lean mise.

22 Ach an uair a chual an t-òganach na briathra sin, dh'fhalbh e gu brònach: oir bha mòr shaibhreas aige.

23 An sin thubhairt Iosa r'a dheisciobluibh, Gu firinneach a deirim ribh, gu bheil e cruaidh air duine saibhir dol a steach do rioghachd nèimhe.

24 Agus a rìs a deirim ribh, Gur usadh do chàmhàl dol tre^g chrò snà-thuide, na do dhuine saibhir dol a steach do rioghachd Dhé.

25 Agus air cluinnntinn so d'a dheisciobluibh, ghabh iad iongantas mòr, ag radh, Cia ma seadh an neach a dh'fheudas a bhi air a shaoradh?

26 Ach air amharc do Iosa orra, thubhairt e riu, Do dhaoinibh a ta so euomasach, ach do Dhia' a ta na h-uile nithe comasach.

27 An sin fhreagair Peadar, agus thubhairt e ris, Feuch, thréig sinne na h-uile nithe, agus lean sinn thusa; air an aobhar sin ciod a gheibh sinn?

28 Agus thubhairt Iosa riu, Gu deimhin a deirim ribh, sibhse a lean mise, anns an ath-ghineamhui^h, an trà shuidheas Mac an duine air caithir a ghlòire fein, gu'n suidh sibhse mar an ceudna air dà chaithir dheug, a'

tabhairt breth air dà threibh dheug Israel.

29 Agus ge b'e neach a thréig tighean, no bràithrean, no peathraighean, no athair, no màthair, no bean-phòsda, no clann, no fearann air sgàth m'ainmese, gheibh e a' cheud uiread, agus a' bheatha mhaireannach mar oighreachd.

30 Ach a ta mòran air thoiseach a bhitheas air dheireadh; agus air dheireadh, a bhitheas air thoiseach.

C A I B. XX.

1 A ta Criod, le cosamhlachd air a ghabhail o luchd saoithreach ann an gàradh fiona, a' dearbhadh nach 'eil Dia fuidh fhiachaibh do dhuine air bith; 17 a' roimh-innseadh a bhàis, &c.

O IR is cosmhul rioghachd nèimhe ri fear-tighe, a chaidh a mach moch air mhaduinn a thuarasdala-chadh luchd oibre d'a ghàradh fiona.

2 Agus an déigh dha cordadh ris an luchd oibre air pheghinn Romhanaich san là, chuir e g'a ghàradh fiona iad.

3 Agus an uair a chaidh e mach timchioll na treas uaire, chunnaic e droing eile 'nan seasamh diomhanach air a' mhargadh.

4 Agus thubhairt e riu, Imichibhse mar an ceudna do'n ghàradh fhiona, agus ge b'e ni a bhitheas ceart, bheir mi dhuibh e. Agus dh'imich iad.

5 An uair a chaidh e mach a rìs timchioll na seathadh agus na nao-thadh uaire, rinn e mar an ceudna.

6 Agus an uair a chaidh e mach mu thimchioll na h-aon uair deug, fhuaire e dream eile 'nan seasamh diomhanach, agus thubhairt e riu, C'ar son a ta sibh 'nar seasamh an so feadh an là diomhanach?

7 Thubhairt iad ris, A chionn nach do thuarasdaluich duine air bith sinn. Thubhairt esan riu, Imichibhse mar an ceudna do'n ghàradh fhiona, agus ge b'e ni a ta ceart, gheibh sibh e.

8 Agus air teachd do'n fheasgar, thubhairt tighearn a' ghàraidh fhiona sin r'a stiùbhard^l, Gairm an luchd oibre, agus tabhair dhoibh an tuaras-

^f gleidh. ^g trìd, troimh. ^h ath-ùrachadh, ath-chruthachadh. ⁱ fhion-lios. ^l fhear-riaghlaidh.

dal, a' tòiseachadh o 'n droing a thainig fa dheireadh gu ruig na ceud daoine.

9 Agus an uair a thainig iadsan a thuarasdaluicheadh mu thimchioll na h-aon uair deug, fhuair gach duine dhiubh peghinn.

10 Ach an uair a thainig an ceud dream, shaoil iadsan gu'm faigheadh iad ni bu mhò; ach fhuair gach aon diubb mar an ceudna peghinn.

11 Agus air dhoibh fhaotainn, rinn iad gearan an aghaidh fhir-an-tighe.

12 Ag radh, An dream sin a thainig fa dheireadh, cha d'rinn iad obair ach aon uair, agus rinn thu iad ionann agus sinne, a dh'iomchair uallach ! agus teas an-là.

13 Ach fhreagair esan agus thubhairt e ri fear dhiubh, A charaid, cha 'n'eil mi a' deanamh eucoir ort : nach do choird thu rium air pheghinn ?

14 Tog leat do chuid fein, agus imich romhad : 's i mo thoils' a thabhairt do'n ti so a thainig fa dheireadh, mar a thug mi dhuitse.

15 Nach'eil e ceaduicte dhomhsa an ni a's toil learn a dheanamh ri m' chuid fein ? am bheil do shùils' olc, air son gu bheil mise maith ?

16 Mar sin bitidh an droing dhei-reannach air thoisearch, agus an droing a ta air thoisearch air dheireadh : oir a ta mòran air an gairm, ach beagan air an taghadh.

17 Agus ag dol do Iosa suas gu Hierusalem, thug e an dà dheisciobul deug leis fa leth anns an t-slighe, agus thubhairt e riu,

18 Feuch, a ta sinn a' dol suas gu Hierusalem, agus bitidh Mac an duine air a bhrath thaíris do na h-ard shagartaibh, agus do na scriobhuichibh, agus dìtidh iad chum bàis e.

19 Agus bheir iad thairis e do na Cinnich chum fanoid a dheanamh air, agus chum a sgiursadh, agus a cheusadh : ach an treas là éiridh e a ris.

20 An sin thainig d'a ionnsuidh màthair cloinne Shebede, maille r'a mic, a' tabhairt onoir dha, agus ag iarruidh ni àraidh air.

21 Agus thubhairt esan rithe, Ciad

a b'aill leat ? Thubhairt i ris, Abair^m gu'n suidh iad so mo dhithis mhac, fear aca air do laimh dheis, agus fear eile air do laimh chli, a'd' rioghachd.

22 Ach fhreagair Iosa agus thubhairt e, Cha 'n'eil fhios agaibh ciod a ta sibh ag iarruidh. Am bheil sibh comasach air a' chupan sin òl a dh'òlas mise, agus a bhi air bhur baisteadh leis a' bhaisteadh leis am baistear mise ? Thubhairt iad ris, A ta sinn comasach.

23 Agus thubhairt esan riu, Oluidh sibh gu deimhin do m' chupansa, agus baistear sibh leis a' bhaisteadh leis am baistear mise : ach suidhe air mo laimh dheis agus chli, cha leamsa sin a thabhairt, ach dhoibhsan d' am bheil e air ulluchadh le m'Athairse.

24 Agus air cluinniann so do'n deichnear, bha iad diombach air an dhis bhráithre.

25 Ach ghairm Iosa iad d'a ionnsuidh agus thubhairt e, A ta fhios agaibh gu bheil aig priounsaibh nàn Cinnéach tighearnas orra, agus gu bheil aig an daoinibh mòra smachd orra.

26 Ach mar sin cha bhi e 'nar measg : ach ge b'e neach le'm b'aill a bhi mòr 'nar measg, biodh e dhuibh 'na fhear-frithealaidh.

27 Agus ge air bith le'm b'aill toisearch a bhi aige ann bhur measg, biodh esan 'na sheirbhiseach dhuibh :

28 Amhuil mar nach d'thainig Mac an duine chum gu'n deantadh frith-ealadh dha, ach a dheanamh frithealaidh, agus a thabhairt 'anama fein mar éiric air son mhòrain.

29 Agus ag dol a mach dhoibh a Iericho, lean sluagh mòr e.

30 Agus feuch, dithis do dhaoinibh dalla, a bha 'nan suidhe ri taobh na slighe, 'nuair a chual iad gu'n robh Iosa a' dol seachad, ghlaodh iad, ag radh, Dean trócair oirnn, a Thighearn, a Mhic Dhaibhi.

31 Agus chronuich an sluagh iad, chum gu'm biodh iad 'nan tosd : ach is mòid a ghlaodh iadsan, ag radh, Dean trócair oirnn, a Thighearn, a Mhic Dhaibhi.

32 Agus sheas Iosa, agus ghairm e iad, agus thubhairt e, Ciod is aill leibh mise a dheanamh dhuibh?

33 Thubhairt iadsan ris, A Thigh-earn, ar sùilean a bhi air am fosgladh.

34 Agus ghabh Iosa truas dhiubh, agus bhean e r'an sùilibh: agus air ballⁿ thainig radharc d'an sùilibh, agus lean iad e.

C A I B. XXI.

1 A ta Iosa a' marcachd gu Hierusalem air asail, 12 a' tilgeadh a mach an luchd reic' agus ceannachd as an teampull, 17 a' malluchadh a' chroinn-fhìge, &c.

A Gus an uair a dhruid iad ri Hierusalem, agus a thainig iad gu Betphage, gu sliabh nan crann-ola, an sin chuir Iosa dithis d'a dheisciobluibh uaith,

2 Ag radh riu, Rachaibh do'n bhaile a ta thall fa'r comhair, agus air ball gheibh sibh asal ceangailte ann, agus loth maille rithe^o: fuasglaibh, agus thugaibh a m'ionnsuidhs' iad.

3 Agus ma labhras aon duine ni air bith ribh, abraibh, Gu bheil feum aig an Tighearn orra; agus cuiridh e uaith air ball iad.

4 Rinneadh na nithe so uile, chum gu 'n coimhliontadh an ni a thubhairdhi leis an fhàidh, ag radh,

5 Innsibh donighean Shioin, Feuch, a ta do Righ a' teachd a d' ionnsuidh gu ciuin, is e 'n a shuidhe air asail, agus air loth^P mac na h-asail.

6 Agus dh'imich na deisciobuil, agus rinn iad mar a dh'àithn Iosa dhoibh,

7 Agus thug iad an asal agus an loth leo, agus chuir iad am falluingean^r orra, agus chuir iad esan 'na shuidhe air am muin.

8 Agus sgaoil mòr shluagh am falluingean air an t-slighe; agus ghearr droing eile geuga do na crann-aibh, agus leag iad air an t-slighe rad.

9 Agus thog an sluagh a bha roimhe agus 'na dhiéigh iolach, ag

radh, Hosanna do Mhac Dhaibhi: beannuichte gu robh an Ti a thig ann an ainm an Tighearna; hosanna anns na h-ardaibh.

10 Agus air dol dhasan a steach do Hierusalem, ghluaiseadh am baile^s uile, ag radh, Cò e so?

11 Agus thubhairt an sluagh, Is e so Iosa am fàidh o Nasaret Ghaille.

12 Agus chaithd Iosa a steach do theampull Dé, agus thilg e mach iadsan uile a bha reic agus a' ceannach anns an teampull, agus thilg e buird luchd malairt^t an airgid thairis, agus caithriche luchd reicidh nan columan.

13 Agus thubhairt e riu, A ta e scriobhta, Goirear tigh ùrnuigh do m' thigh-sa, ach rinn sibhse 'na gharaidh luchd-reubainn^u e.

14 Agus thainig na doill agus na bacaich d'a ionnsuidh anns an teampull, agus shlànuich e iad.

15 Agus an uair a chunnaic na h-ard shagairt agus na scriobhuichein na gniomharan iongantach a rinn e, agus a' chlann a' glaodhach san teampull, agus ag radh, Hosanna do Mhac Dhaibhi, bha corruiach mhòr orra.

16 Agus thubhairt iad ris, An cluinn thu ciod a ta a' mhuinntir sin ag radh? Agus thubhairt Iosa riu, A ta mi cluinntinn; nach do leugh sibhse riamh, As beul nan naoidh agus nan clocoran choimhlion thu moladh?

17 Agus an uair a dh'fhàg e iad, chaidh e mach as a' bhaile gu Betani, agus dh'fhan e an sin.

18 Agus ag pilleadh dha chum a' bhaile air mhaduinn, bha ocras air.

19 Agus air dha crann-fige fhaicinn air an t-slighe, thainig e d'a ionnsuidh, agus cha d'fhuair e ni air bith air, ach duilleach a mhàin; agus thubhairt e ris, Nar fhàsdh toradh o so suas gu bràth ort. Agus chròn an crann-fige air ball.

20 Agus an uair a chunnaic na deisciobuil e, ghabh iad iongantas, ag

ⁿ gun dàil, san uair. ^o 'na fochair. ^p bioraiche. ^r eudach uachdair.

^s a' chathair. ^t iomlait. ^u 'na uarmh chreachadairean, 'na shlochd mheirleach.

radh, Cia luath a shearg an crann-fige as ?

21 Agus fhreagair Iosa agus thubhairt e riu, Gu deimhin a deirim ribh, ma bhitheas creidimh agaibh, agus nach bi sibh fuidh amharus, cha'n e mhàin gu'n dean sibh an ni a *rinnseadh* do'n chrann-fhige, ach mar an ceudna ma their sibh ris a' bheinn so, Togar thu, agus tilgear san fhairge thu, bithidh e deanta :

22 Agus ge b'e air bith nithe a dh'iarras sibh ann bhur n-ùrnuigh, ma chreideas sibh, gheibh sibh iad.

23 Agus an uair a thainig e do'n teampull, thainig na h-ard shagairt agus seanairean a' phobuill d'a ionnsuidh, agus e a' teagaig, ag radh *ris*, Ciod e an t-ùghdarris trìd am bheil thusa a' deanamh nan nithe? agus cò thug an cumhachd so dhuit?

24 Agus fhreagair Iosa agus thubhairt e riu, Feòruichidh mise mar an ceudna aon ni dhibhse, agus ma dh'innseas sibh dhomh e, innsidh mise dhuibhse air mhodh ceudna cia an t-ùghdarris trìd an deanam na nithe.

25 Baisteadh Eoin, cia as a thainig e? O néamh, no o dhaoinibh? Ach reuson uich iadsan 'nam measg fein, ag radh, Ma their sinn, O néamh, their esan riunn, C'ar son ma seadh nach do chreid sibh e?

26 Ach ma their sinn, O dhaoinibh, a ta eagal a' phobuill oirnn; oir a ta meas fàidh aig gach uile *dhuine* air Eoin.

27 Agus fhreagair iad Iosa, agus thubhairt iad, Cha'n eil fhios againn. Agus thubhairt esan riu, Ni mò dli'innseas mise dhuibhse cia an t-ùghdarris trìd an deanam na nithe so.

28 Ach ciod i bhur barailse? Bha aig duine àraidh dithis mhac, agus thainig e dh'ionnsuidh a' cheud *mhic*, agus thubhairt e, A mhic, imich, dean obair an diugh a'm' ghàradh fiona.

29 Agus fhreagair esan agus thubhairt e, Cha dean: ach 'na dhéigh sin, ghabh e aithreachas agus dli'i-mich e.

30 Agus thainig e gus an dara mac, agus thubhairt e mar an ceudna. Agus fhreagair esan agus thubhairt e, *Théid*, a Thighearn; gidheadh cha deachaidh e.

31 Cia do'n dithis a rinn toil 'athar? Thubhairt iadsan ris, An ceud shear. Thubhairt Iosa riu, Gu firneach a deirimse ribh, gu'n dthéid na cùs-mhaoir agus na striopaichean do rioghachd Dhé roimhbihse.

32 Oir thainig Eoin d'ar ionnsuidh an slighe na fireantachd, agus cha do chreid sibh e: ach chreid na cùs-mhaoir agus na striopaichean e. Agus ged a chunnait sibhse so, cha do ghabh sibh aithreachas 'na dhéigh sin, a chum gu'n creideadh sibh e.

33 Eisdibh ri eosamlachd eile: Bha fear-tighe àraidh ann, a phlann-duich fion-lios, agus chuir e gàradh a m'a thimchioll, agus 'chladhaich e ionad bruthaidh an fhionna ann, agus thog e túr, agus shuidhich e air tuath e; agus chaidh e fein air choigrich.

34 Agus an trà dhruid *riu* àm an toraidh, chuir e a sheirbhisich a dh'ionnsuidh na tuatha, a dh'fhaotainn a thoraidh.

35 Agus rug an tuath air a sheirbhisich, agus ghabh iad air fear dhiubh, agus mharbh iad fear eile, agus chlach iad fear eile.

36 A ris, chuir e seirbhisich eile uaith, tuilleadh na sa' cheud *chuid-eachd*: agus rinn iad orrasan mar an ceudna.

37 Ach fa dheireadh, chuir e a mhac fein d'an ionnsuidh, ag radh, Bléir iad urram do m' mhac.

38 Ach an uair a chunnait an tuath am mac, thubhairt iad eatorra fein, 'S e so an t-Oighre, thigibh, marbhamaid e, agus glacamaid 'oighreachdsan *dhuinn fein*.

39 Agus rug iad air, agus thilg iad a mach as an fhion-lios e, agus mharbh iad e.

40 Air an aebhar sin an uair a thig Tighearn an fhion-lios *sin*, ciod a ni e ris an tuath sin?

41 Thubhairt iad ris, Sgriosaidh e gu truagh na droch dbaoine sin, agus suidhichidh e am fion-lios air

tuath eile, a bheir a thoraidh dha 'nan aimsiribh fein.

42 Thubhairt Iosa riu, Nach do leugh sibh riamh anns na scriobtuiribh, A'chlach a dhíult na cláchairean, rinneadh i 'na cloich-chinn na h-oisinn : 's e an Tighearn a rinn so, agus a ta e iongantach 'nar súilibhne?

43 Uime sin a deirim ribh, Gu'n toirear rioghachd Dhé uaibhse, agus gu'n toirear do chinneach eile i, a bheir a toraidh uatha.

44 Agus ge b'e neach a thuiteas air a' chloich so, briseare; ach ge b'e air an tuit i, ni i mìn luathré dheth.

45 Agus an uair a chuala na h-ard shagairt agus na Phairisich a chosamhlachdasan, thuig iad gu'm b'ann umpa fein a labhair e.

46 Ach an uair bu mhiann leo breith air b, bha eagal a' phobuill orra, oir bha meas fàidh ac' airsan.

C A I B. XXII.

1 Cosamhlachd bainnse mhic an Righ.
9 Gairm nan Cinneach : 12 peanas an fhír a bha dh'uireasbhuidh truscaim na bainnse. 15 Is coir cùs iocadh do Cheasar, &c.

AGUS fhreagair Iosa, agus labh-air e riu a ris an cosamhlachd-aibh, ag radh,

2 Is cosmuil rioghachd nèimhe ri righ àraidh, a rinn banais phòsaidh d'a mhac fein,

3 Agus chuir e a sheirbhisich a ghairm na muinntir a fhuair cuireadh chum na bainnse: ach cha b'àill leosan teachd.

4 A ris chuir e d'an ionnsuidh seirbhisich eile, ag radh, Abruibhse ris a' mhuinntir d'an d'thugadh cuireadh, Feuch, dheasúch mi mo dhìneir : a ta mo dhaimh agus mo spréidh bhiadhta air am marbhadh, agus a ta na h-uile nithe ullamh : thigibh chum na bainnse.

5 Ach chuir iadsan an suatachs e, agus dh'imich iad rompa, fear dhiubh d'a fhearrann, agus fear eile chum a cheannachd :

6 Agus rug a' chuid eile dhiubh air a sheirbhisich, agus thug iad mas-ladh dhoibh, agus mharbh siad iad.

b b'àill leo lamh a chur ann.

7 Ach an uair a chual an righ so' ghabh e fearg; agus chuir e 'armailt-ean uaithe, agus sgríos e an luchd mortaiddh sin, agus loisg e am baileasan.

8 An sin thubhairt e r'a sheirbhisich, Gu firinneach a ta a' bhanais ullamh, gidheadh an dream a fhuair cuireadh cha b'fhiu iad e.

9 Air an aobhar sin imichibhse gus na rathaidibh mòra, agus a lion daoine 's a gheibh sibh, cuiribh iad chum na bainnse.

10 Agus chaidh na seirbhisich sin a mach air na rathaidibh, agus chruin-nich iad gach uile neach a fhuair iad, eadar olc agus mhaith: agus lionadh tigh na bainnse le muinntir a shuidh chum bìdh.

11 Agus air dol a steach do'n righ a dh'fhaicinn nan aoidhean, chunnaic e an sin duine aig nach robh truscan na bainnse uime :

12 Agus thubhairt e ris, A charaid, cionnus a thainig thusa steach an so, gun truscan na bainnse umad? Ach dh'fhan esan 'na thosd.

13 An sin thubhairt an righ ris na seirbhisich, Air a cheangal duibh eadar chosan agus lamhan, togaibh libh e, agus tilgibh e anns an dorcha-das iomallach: an sin bithidh gul agus giogsan fhiacal.

14 Oir a ta mòran air an gairm, aich beagan air an taghadh.

15 An sin dh'imich na Phairisich, agus ghabh iad comhairle cionnus a dh'fheudadh iad esan a ribeadh^c 'na chainnt.

16 Agus chuir iad d'a ionnsuidh an deisciobuil fein, maille ri luchd-leanmhuinn Heroid, ag radh, A mhaighstir, a ta fhios aguinn gu bheil thusa fior, agus gu bheil thu teagastig slighe Dhé ann am firinn, agus nach 'eil suim agad do dhuine sam bith: oir cha 'n'eil thu ag amharc air pear-saibh^d dhaoin.

17 Uime sin innis dhuinne do bharail, Am bheil e ceaduichte cùs a thabhairt do Cheasar, no nach 'eil?

18 Ach air tuigsinn am mòruin a dh' Iosa, thubhairt e, C'ar son a ta sibh ga m' bhuaireadh, a chealgairean?

c glacadh. d gnàis Gr.

19 Nochduibh dhomhsa airgiot na cise. Agus thug iad d'a ionnsuidh peghinn e.

20 Agus thubhairt e riu, Cia dha a bhuineas an dealbh so, agus an scriobhadh a ta m'a thimchioll?

21 Thubhairt iadsan ris, Do Cheasar. An sin thubhairt esan riu, Thug-aibh uime sin do Cheasar na nithe a's le Ceasar; agus do Dhia, na nithe a's le Dia.

22 Agus an uair a chual iad so, ghabh iad iongantas, agus dh'fhág iad e, agus dh'imich iad rompa.

23 Air an là sin fein thainig d'a ionnsuidh na Sadusaich, a their nach 'eil aiseirigh ann, agus chuir iad ceisid air,

24 Ag radh, A mhaighstir, thubhairt Maois, Ma gheibh duine bàs gun chlann aige, gur coir d'a bhràthair a bhearsan a phòsadadh a dhlighe dàimhe, agus sliochd a thogail d'a bhràthair.

25 A nis bha seachdnar bhràthire 'nar measgne, agus air do'n cheud fhear dhiubh bean a phòsadadh, fhuair e bàs, agus do bhrigh nach robh sliochd aige, dh'fhág e a bhean d'a bhràthair.

26 Agus thachair mar an ceudna do'n dara, agus do'n treas bràthair, gu ruig an seachdamh.

27 Agus 'nan déigh uile fhuair a' bhean bàs mar an ceudna.

28 Air an aobhar sin anns an aiseirigh, cia do'n t-seachdnar d'am bean i? Oir bha i ac' uile.

29 Agus fhreagair Iosa agus thubhairt e riu, A ta sibh air seacharanf, gun eòlas agaibh air na scriobtuiribh, no air cumhaclid Dhé :

30 Oir anns an aiseirigh ni 'n dean iad pòsadadh, ni mò a bheirear am pòsadadh iad; ach a ta iad mar aingil Dhé air neamh.

31 Ach mu thimchioll aiseirigh nam marbh, nach do leugh sibh an ni sin a labhradh ribh le Dia, ag radh,

32 Is mise Dia Abrahaim, agus Dia Isaac, agus Dia Iacoib? cha'n e Dia, Dia nam marbh, ach nam beo.

33 Agus an uair a chual am pobull so, ghabh iad iongantas r'a theagascasan.

34 Ach an uair a chuala na Phairisich gu'n do chuir e na Sadusaich 'nan tosd, chruinnicheadh iad an ceann a chéile.

35 An sin chuir neach àraidih dhiubh, a b'fhear teagaisg an lagha, ceisid air, 'ga dhearbhadh, agus ag radh,

36 A mhaighstir, cia i an àithne a's mó san lagh?

37 Thubhairt Iosa ris, Gràdhuiichidh tu an Tighearn do Dhia le d'uile chridhe, agus le d'uile anam, agus le d'uil' inntinn.

38 'Si so a' cheud àithne agus an àithne mhòr.

39 Agus is cosmhuil an dara rithe so, Gràdhuiichidh tu do choimbearnach mar thu fein.

40 Air an dà àithne so tha'n lagh uile, agus na faidhean an crochadh.

41 Ach air do na Phairisich bhi cruinn an ceann a chéile, dh'fheòraich Iosa dhiubh,

42 Ag radh, Ciod i bhur barailse mu thimchioll Chriosd? cò d'am mac e? thubhairt iadsan ris, Do Dhaibhi.

43 Thubhairt esan riu, Cionnus ma seadh a ghoireas Daibhi san spiorad a Thighearna dheth, ag radh,

44 Thubhairt an Tighearn ri m' Thighearn, Suidh air mo laimh dheis, gus an cuir mi do naimhde 'nan stòl fuidh d' chosaibh?

45 Air an aobhar sin ma ghoireas Daibhi a Thighearn dheth, cionnus is mac dha e?

46 Agus cha b'urrainn aon neach freagradh sam bith a thabhairt air; ni mò a bha chridh' aig aon neach o'n là sin suas ni air bith fheòraich dheth.

C A I B. XXIII.

I A ta Criosd a' comhairleach' a' phobuill éisdeachd ri deadh theagasc nan scriobhuiscean, agus nam Phairiseach; ach gun an droch eisiomplair a leantuinn: 5 Is coir d'a dheisciobluibh bhi air am fàcill an aghaidh an uabhair, &c.

A N sin labhair Iosa ris an t-sluagh, agus r'a dheisciobluibh fein,

2 Ag radh, Ata na sciochuichean agus na Phairisich 'nan suidhe ann an caithir Mhaois.

3 Air an aobhar sin na h-uile nithe dh'iaras iad oirbh's a choimhead^g, coimhidibh agus deanuibh *iad*; ach na deanuibh a réir an oibre: oir their iad, agus cha dean iad.

4 Oir ceanglaidh iad uallaiche^h troma, agus do-iomchar, agus cuiridh siad *iad* air guailnibh dhaoine, gideadh cha charuich iad fein iad le h-aon d'am meuraibh.

5 Ach an oibre uile a ta iad a' deanamh chum am bi air am faicinn le daoinibh: ni iad am philacteridh leathan, agus iomall an eudaich mòr;

6 Agus is ionmhuinn leo na ceud ionada-suidhe anns na féisdibh, agus na ceud chaithriche anns na coimhthionaluibh,

7 Agus failte *faghail* air na margainibh, agus daoine a ghairm Rabbi, Rabbi dhiubh.

8 Ach na goirear Rabbi dhibhse: oir is aon ard mhaighstir a ta aguibh, Criod; agus is bràithre sibh fein uile.

9 Agus na goiribh bhur n-athair do dhuine sam bith air talamh: oir is aon Athair a ta aguibh, a ta air nèamh.

10 Cha mhò ghoirear ard mhaighstirean dhibh: oir is aon ard mhaighstir a ta aguibh, Criod.

11 Ach an ti a's mò 'nar measg, bitidh e 'na òglach aguibh.

12 Agus ge b'e neach a dh'arduicheas e fein, islichear e; agus ge b'e neach a dh'islicheas e fein, arduichear e.

13 Ach is anaoibhinn dhuibhse, a scriobhuichean agus Phairiseacha, a chealgairean, do bhrigh gu bheil sibh a' druideadh rioghachd nèimhe an aghaidh dhaoine: oir cha dtheid sibh fein a steach, agus cha'n fhulaing sibh do'n dream a ta dol a stigh dol ann.

14 Is anaoibhinn dhuibh, a scriobhuichean agus Phairiseacha, a chealgairean; oir a ta sibh ag itheadh suas

tighean bhantrach, agus air sgàth deadh choslais a' deanamh ùrnuigh-ean fada; uime sin gheibh sibh an damnadh a's mò.

15 Is anaoibhinn dhuibh, a scriobhuichean agus Phairiseacha, a chealgairean; oir cuairtichidh sibh muir agus tir chum aon duine a dheanamh d'ar creidimh fein, agus an uair a bhitheas e deanta, ni sibh mac ifrinndheth dà uair ni 's mò na sibh fein.

16 Is anaoibhinn dhuibh, a chinniuili dhalla, a their, Ge b'e duine a bheir mionnan air an teampull, cha ni air bith sin: ach ge b'e bheir mionnan air òr an teampuill, a ta e ceangailte.

17 Amadana, agus a dhaoine dalla! oir cò ac' is mò an t-òr, no an teampull a ta naomhachadh an oir?

18 Agus, Ge b'e bheir mionnan air an altair, cha'n 'eil suin ann: ach ge b'e bheir mionnan air an tiodhlac a ta oirre, a ta e ceangailte.

19 Amadana, agus a dhaoine dalla! oir cò ac' is mò an tiodhlac, no'n altair a ta naomhachadh an tiodhlac?

20 Air an aobhar sin ge b'e mhionnuicheas air an altair, a ta e a' mionnachadh oirre fein, agus air gach ni a ta oirre.

21 Agus ge b'e mhionnuicheas air an teampull, a ta e a' mionnachadh airsan, agus air an Ti a ta 'na chòmhnuidh ann.

22 Agus ge b'e neach a mhionnuicheas air nèamh, a ta e a' mionnachadh air righ-chaithir Dhé, agus airsan a ta 'na shuidhe oirre.

23 Is anaoibhinn dhuibh, a scriobhuichean agus Phairiseacha, a chealgairean: oir a ta sibh a' tabhairt an deachaimh as a' mhionnt, agus an anise, agus a' chuimin, agus dhòbair sibh nithe cudthromach an lagha, cothrom, tròcair, agus firinn: bu chòir dhuibh iad so a dheanamh, agus gun iad sud fhàgail gun deanamh.

24 A chinn-iuil dhalla, a shiolasidheas^m a' mhion-chuileag, agus a shluigeas an càmhal.

25 Is anaoibhinn dhuibh, a scriobh-

^g ghleidheadh. ^h eallacha. ⁱ a luchd-sèòluidh, a threòraichean.

^l suidh fhiachaibh. ^m sgagas.

uichead agus Phairiseacha, a chealg-aircean; oir glanuidh sibh an taobh a muigh do'n chupan, agus do'n mhèis, ach a ta iad an taobh a stigh làn do reubainn, agus do eucoirⁿ.

26 Phairisich dhoill, glan air tùs an taobh a stigh do'n chupan agus do'n mhèis, chum as gu 'm bi an taobh a muigh dhiubh glan mar an ceudna.

27 Is anaoibhinn dhuibh, a scriobh-uichead agus Phairiseacha, a chealg-aircean; oir is cosmhuil sibh ri uaigh-ibh gealuitche, a ta deadh-mhaiseach air an taobh a muigh, ach air an taobh a stigh a ta làn do chnàmaibh dhaoine marbha, agus do'n uile shalachar.

28 Mar an ceudna a ta sibhse an leth a muigh am fianuis dhaoine an coslas fhìreana, ach san taobh a stigh làn ceilg, agus eusaontais.

29 Is anaoibhinn dhuibh, a scriobh-uichead agus Phairiseacha, a chealg-aircean; oir a ta sibh a' togail àitean-adhlacaidh nam fàidh, agus a' deanamh leac-lithidh nam firean deadh-mhaiseach,

30 Agus ag radh, Nam bitheamaid ann an laithibh ar n-aithriche, cha bhitheamaid compàirteach riu am ful nam fàidh.

31 Mar sin a ta sibh 'nar fianuisibh 'nar n-aghaidh fein, gur sibh clann na muinntir a mharbh na fàidhean.

32 Mar sin lònuibhse suas tomhas bhur n-aithriche.

33 A nathraiche, a shìol nan nathraiche nimhe, cionnus a dh'fheudar leibh dol as o dhamnadhl ifrinn?

34 Air an aobhar sin feuch, cuireamsa d'ar ionnsuidh fàidhean, agus daoine glice, agus scriobh-uichead; agus *cuid* dhiubh marbhaidh agus ceus-uidh sibh, agus *cuid* dhiubh sgiursaidh sibh ann bhur sionagogaibh, agus ni sibh geur-leanmuinn *orra* o bhaile gu baile:

35 Chum as gu 'n dthig oirbh gach uile fhuil fhìreanta a dhòirteadh air an talamh, o fhuil Abeil fhìreanta, gu ful Shachariais, mhic Bharachais, a mharbh sibh eadar an teampull agus an altair.

36 Gu firinneach a deirim ribh, Gu'n dthig na nithe uile air a' ghinealach so.

37 A Ierusalem, a Ierusalem, a mhàrbhas na fàidhean, agus a ghabhas do chlachaibh air an droing a chuirear a t'ionnsuidh, cia minic a b'àll leam do chlann a chruinneachadh r'a chéile mar a chruinnicheas cearc a h-eoin fuidh a sgiathaibh, agus cha b'àll leibh!

38 Feuch, fàgar bhur tigh aguibh 'na fhàsach.

39 Oir a deirimse ribh, nach faic sibh mise o so suas, gus an abair sibh, Is beannuichte an Ti a thig ann an ainm an Tighearna.

C A I B. XXIV.

1 A ta Criod ag innseadh roimh-laimh sgrios Ierusaleim: 3 creud iad agus cia mòr na trioblaidean a bhitheas roimhe sin: 29 comharan a theachd gu breitheanas, &c.

A GUS chaidh Iosa mach, agus dh'imich e o'n teampull; agus thainig a dheisciobuil d'a ionnsuidh, a nochdadhbh dha aitreabh an teampuill.

2 Agus thubhairt Iosa riu, Nach faic sibh iad so uile? gu firinneach a deirim ribh, Nach fàgar clach air muin' cloiche an so, nach tilgear siòs.

3 Agus air suidhe dha air sliabh nan crann-ola, thainig a dheisciobuil d'a ionnsuidh os losal^s, ag radh, Innis dhuinne, c'uin a thig na nithe gu crich? agus ciod e comhara do theachdsa, agus deiridh an t-saoghal?

4 Agus fhreagair Iosa agus thubhairt, e riu, Thugaibh an aire nach meall aon neach sibh:

5 Oir thig mòran a'm' ainmse, ag radh, Is mise Criod; agus meallaидh iad mòran.

6 Agus cluinnidh sibh coganna, agus tuairisgeul^t choganna: thugaibh an aire nach bi sibh fa amhlaoadh^r: oir is éigin do na nitheibhse uile teachd gu crich^s, ach cha 'n'eil an deireadh ann fathast.

7 Oir éiridh cinneach an aghaidh

ⁿ dh'anabhar.

^o an uaign-dieas

^s tachairt.

P ionradh.

r bhuaireas.

cinnich, agus rioghachd an aghaidh rioghachd : agus bithidh gorta agus plaighean agus criothana talmhainn am mòran a dh'aitibh.

8 Agus cha 'n'eil annnta so uile ach toiseach thruaighean.

9 An sin bheir iad thairis sibh chum àmhghair, agus marbhaidh iad sibh : agus bithidh fuath aig gach uile chinneach dhuibh air sgàth m'ainmese.

10 Agus an sin gabhaidh mòran oilbheum, agus brathaidd iad a chéile, agus bithidh fuath aca d'a chéile.

11 Agus éiridh mòran a dh'fhaidh-ibh bréige, agus mealluidh iad mòran.

12 Agus do bhrigh gu'm bi an eucoir air a meudachadh, fuaruichidh gràdh mhòrain.

13 Ach ge b'e bhitheas seasmhach chum na criche, s'e so a shlánuicheadar.

14 Agus bithidh soisgeul so na rioghachd air a shearmonachadh air feadh an domhain uile, mar fhiannuis do na h-uile chinneachaibh : agus an sin thig an deireadh.

15 Air an aobhar so an uair a chi sibhse gráinealachd an léir-sgrios, air an do labhair Daniel a' fàidh, 'na seasarrh ann an ionad naomha, (tuigeadh an ti a leughas)

16 An sin teicheadh iadsan a ta ann an Iudea, chum nam beann.

17 An ti a ta air mullach an tighe, na dthigeadh e nuas a thabhairt ni sam bith leis a' a thigh :

18 Agus an ti a ta air a' mhachair, na pilleadh e air ais a thogail fhalluinge leis.

19 Agus is anaoibhinn do na mnaibh torrach, agus dhoibhsan a bheir cloch uatha sna laithibh sin.

20 Ach guidhíbhse gun bhur teicheadh a bhi sa' gheimhradh, no air an t-sàbaid :

21 Oir ànns an àm sin bithidh àmhghar mòr ann, amhuiil nach robh ann o thus an domhain gus a nis, agus nach mò a bhitheas a choidhch.

22 Agus mur biodh na laithean sin air an giorrachadh, cha bhiodh feoil sam bith air a tearnadadh : ach air son nan daoine taghta bithidh na laithean sin air an giorrachadh.

23 An sin ma their aon duine ribh, Feuch, a ta Criosd an so, no an sud ; na creidibh e :

24 Oir éiridh Criosdan bréige, agus faidhean bréige, agus ni iad comharan agus miorbhulean mòra, ionnus gu mealladh iad, nam feudadh e bi, na daoine taghta fein.

25 Feuch, dh'innis mi dhuibh e roimh-laith.

26 Uime sin ma their iad ribh, Feuch, a ta e san fhàsach, na rach-aibh a mach : feuch, a ta e sna seomraichibh uaigneach, na creidibh sin.

27 Oir a réir mar a thig an dealanach o'n aird an ear, agus a dhealruicheas i gus an aird an iar ; mar sin mar an ceudna bhitheas teachd Mhic an duine.

28 Oir ge b'e ball am bi a' chairbh^t, is ann an sin a chruinnicheadar na h-iolairean.

29 Air ball an déigh trioblaid nan là ud, dorchuicheadar a' ghrian, agus cha tabhair a' ghealach a solus, agus tuitidh na reultan o nèamh, agus bithidh cumhachda nan nèamh air an crathadh.

30 Agus an sin foillsicheadar comhara Mhic an duine an nèamh : agus an sin ni uile threubha na talmhainn bròn, agus chi iad Mac an duine a' teachd air neulaibh nèimhe, le cumhachd agus glòir ro mhòir.

31 Agus cuiridh e mach 'aingil le fuaim mhòir na galltruimp, agus cruinnichidh iad a shluagh taghta o na ceithir gaothaibh, o leth-iomall nèimhe gus an leth-iomall eile.

32 Ach fòglumuibh cosamhlachd o'n chrann-fhighe : an uair a bhitheas a gheug a nis maoth, agus a dh'fhàsas an duilleach, aithnidh sibh gur fagus an samhradh :

33 Agus mar an ceudna, an uair a chi sibhse na nithease uile, biodh fios agaibh gu bheil e am fagus, eadhon aig na dorsaibh.

34 Gu deimhin a deirim ribh, Nach dtheid an ginealach so fein thairis, gus an tachair na nithease uile.

35 Theid neamh agus talamh thairis, ach cha dtheid mo bhriathrasa thairis a choidhch,

36 Ach cha 'n'eil fios an là no na h-uaire sin aig duine air bith, no fòs aig ainglibh nèimhe, ach aig m'A-thairs' a mhàin.

37 Ach amhuil *a bha* laithean Noe, mar sin mar an ceudna bithidh teachd Mhic an duine.

38 Oir mar a bha iad anns na laithibh roimh 'n tuil ag itheadh agus ag òl, a' pòsadh agus a' tabhairt am pòsadh, gus an là an deachaidh Noe a steach san àirc,

39 Agus nach robh fhios aca gus an d'thainig an tuil, agus an do thog i leatha iad uile; mar sin mar an ceudna bithidh teachd Mhic an duine.

40 An sin bithidh dithis air a' mhachair; gabhar fear aca, agus fàgar am fear eile.

41 Bithidh dithis bhan a' meileadh^u anns a' mhùileann; gabhar a h-aon aca, agus fàgar an aon eile^a.

42 Uime sin deanuibile faire, oir cha 'n'eil fhios agaibh cia an uair an dthig bhur Tighearna.

43 Ach a ta fhios so agaibh, nam b'fhiosrach fear an tighe cia an uair an d'thigeadh an gaduiche, gu'n deanadh e faire, agus nach fulaingeadh e gu'm bristeadh a thigh trìd.

44 Uime sin bitħħbse ullamh mar an ceudnā: oir is ann an uair nach saoil sibh, a thig Mac an duine.

45 Cò e ma seadh a ta 'na òglach firinneach agus glic, a chuir a Thighearn os cionn a ralbuinnire, a thabhairt bìdh dhoibh 'na àm fein?

46 Is beannuichte an t-òglach sin, a gheibh a Thighearna ri àm dha teachd, a' deanamh mar sin.

47 Gu deimhin a deirim ribh, gu'n cuir se e os cionn a mhaoin gu h-iomlan.

48 Ach ma their an droch sheirbhiseach-ud 'na chridhe, A ta mo Thighearn a' cur dàil 'na theachd,

49 Agus ma thòisicheas e air a choimh-sheirbhisich a bhualadh, agus air itheadh agus òl maille rí luchd misge;

50 Thig Tighearn an òglaich sin ann an là nach 'eil sùil aige ris, agus ann an uair nach fios da.

51 Agus gearraidh e 'na bhloigh-dibh e, agus bheir e a chuibhrionn da maille ris na cealgairibh: an sin bithidh gul agus giosgan fhiacal.

C A I B. XXV.
Far am bheil againn, 1 cosamhlachd nan deich òigh, 14 Agus nan talann: 31 mar an ceudna minn-innseadh mu'n bhreitheanas dheireannach.

A N sin samhluearch rioghachd A nèimhe ri deich òighibh, a thug leo an lòchrain, agus a chaidh a mach an còdhail an fàir nuadh-phòsda.

2 Agus bha cùigear dhiubh glic, agus cùigear amaideach.

3 Thug iadsan a bha amaideach an lòchrain leo, ach cha d' thug iad ola leo.

4 Ach iadsan a bha glic, thug iad ola leo 'nan soithichibh maille r'an lòchranaiibh.

5 Agus air deanamh moille do'n fhear nuadh-phòsda, thuit clò codail orra uile, agus suain^c.

6 Ach anns a' mheadhon-oidhche rinneadh glaodh, Feuch, a ta 'm fear nuadh-pòsda a' teachd, rachaibh a mach g'a choinneachadh.

7 An sin dh'éirich na h-òighean ud uile, agus dheasúich iad an lòchrain.

8 Agus thubhairt na h-òighean amaideach riusan *a bha* glic, Tabhruibh dhuinne *cuid* do bhur n-ola; oir a ta ar lòchrain a' dol as.

9 Ach fhreagair iadsan *a bha* glic, ag radh, Air eagal nach bi na 's leoir ann dhuinn fein agus dhuibhse, gu ma fearr leibh dol a chum an luchd-reicidh, agus ceannuichibh dhuibh fein.

10 Agus am feadh a bha iad a' dol a cheannach, thainig am fear nuadh-pòsda, agus chaidh iadsan a bha ullamh a steach leis chum a' phòsaidh, agus dhruideadh an dorus.

11 'Na dhéigh sin thainig mar an ceudna na h-òighean eile, ag radh, A Thighearn, a Thighearn, fosgail dhuinne.

12 Ach fhreagair esan agus thubhairt e, Gu deimhin a deirim ribh, nach aithne dhomh sibh.

^a bleach. ^b *shir-na-bainse.*

^a *an té eile.* ^b *agus choidil iad.*

^c *rinn iad dìsal uile,*

13 Deanaibh faire air an aobhar sin, do bhrigh nach aithne dhuibh an la no an uair, air an dthig Mac an duine.

14 Oir is cosmhul ed' ri duine a' aol air choigrich, a ghoir a sheirbhisich, agus a thug dhoibh a mhaoin :

15 Agus do h-aon diubh thug e cuig talanna, agus do neach eile a dhà, agus do neach eile a h-aon ; do gach aon fa leth a réir a chomais ; agus air ball ghabh e a thurus.

16 Agus dh'imich esan a fhuair na cuig talanna, agus rinn e ceannachd leo, agus bhuanuich e cuig talanna eile.

17 Agus mar an ceudna esan a fhuair a dhà, bhuanuich e dithis eile.

18 Ach an ti a fhuair a h-aon, dh'imich e agus chladhaich e san talamh, agus dh'fholach e airgiot a mhaighstir.

19 An déigh aimsir fhada thainig Tighearna nan seirbhiseach sin, agus rinn e cunntas riu.

20 Agus thainig esan a fhuair na cuig talanna, agus thug e leis cuig talanna eile, ag radh, A Thighearna, thug thu dhomhsa cuig talanna : feuch, bhuanuich mi cuig talanna eile thuilleadh orra.

21 Agus thubhairt a Thighearna ris, Is maith, a dheadh sheirbhisich fhìrinnich ; bha thusa firinneach ann am beagan, cuiridh mise os cionn mhòrain thu : imich a steach do aoibhneas do Thighearna.

22 Agus air teachd dhasan a fhuair an dà thalann, thubhairt e, A Thighearna, thug thu dhomhsa dà thalann : feuch, bhuanuich mi dà thalann eile thuilleadh orra.

23 Thubhairt a Thighearna ris, Is maith, a dheadh sheirbhisich fhìrinnich ; bha thusa firinneach ann am beagan do nithibh, cuiridh mise os cionn mhòrain do nithibh thu : imich a steach do aoibhneas do Thighearna.

24 Ach an uair a thainig esan a fhuair an t-aon talann, thubhairt e, A Thighearna, bha fhiros agam gur duine cruaidh thu, a bhuaineas san àite nach do chuir thu, agus a thionlas san ionad anns nach do sgaoil thu :

25 Agus air dhomh bhi fuidh eag-al, chaithd mi agus dh'fholach mi do thalann san talamh : feuch, sin agad do chuid fein.

26 Fhreagair a Thighearn agus thubhairt e ris, A sheirbhisich uilc agus leisg, bha fhiros agad gu buainimse san àit anns nach do chuir mi, agus gu tionalam as an ionad anns nach do sgaoil mi ;

27 Bu chòir dhuit uime sin m'airgiod a thabhairt do'n luchd malairt, agus air dhomh teachd gheibhinn mo chuid fein maille r'a riadh.

28 Buinibh uaith uime sin an talann, agus thugaibh dhasan e, aig am bheil na deich talanna.

29 (Oir do gach neach aig am bheil bheirear, agus bithidh aige gu paitl : ach uaithsan aig nach 'eil, bheirear eadhon an ni sin a ta aige)

30 Agus tilgibh an seirbhiseach mi-tharbhach so do dhorchadas iomallach : an sin bithidh gul agus giog-san fhiacal.

31 An uair a thig Mac an duine 'na ghlòir, agus na h-aingil naomha uile maille ris, an sin suidhidh e air caithir rioghail a ghlòire.

32 Agus cruinnichear 'na làthair na h-uile chinnich ; agus sgaraidh e iad o chéile, amhuil a sgaras e buachaillle na caoraich o na gabhraibh :

33 Agus cuiridh e na caoraich air a laimh dheis, ach na galbhair air a laimh chli.

34 An sin their an Righ riusan air a dheis, Thigibh, a dhaoine bean-nuicte m' Atharsa, sealbhuichibh mar oighreachd an rioghachd a ta air a deasachadh dhuibh o leagadh bun-itean an domhain :

35 Oir bha mi ocrach, agus thug sibh dhomh biadh : bha mi tartmhorf, agus thug sibh dhomh deoch : bha mi a'm' choigreach, agus thug sibh aoidheachd dhomh :

36 Lomnochd, agus dh'eudaich sibh mi : bha mi euslan, agus thainig sibh g'am amharc : bha mi am priosun, agus thainig sibh a'm' ionnsuidh,

37 An sin freagraidh na fireana e, ag radh, A Thighearna, c'uin a chunnaic sinn ocrach thu, agus a

bheathaich sinn thu? no tartmhор, agus a thug sinn deoch dhuit?

38 No c'uin a chunnaic sinn a'd' choigreach thu, agus a thug sinn aoidheachd dhuit? no lomnochd, agus a dh'eudaich sinn thu?

39 No c'uin a chunnaic sinn euslan thu, no am priosun, agus a thainig sinn a t' ionnsuidh?

40 Agus freagraidh an Righ, agus their e riu, Gu deimhin a deirim ribh, a mheud 's gu'n do rinn sibh e do h-aon do na braithribh a's lugha agamsa, rinn sibh dhomhsa e.

41 An sin their e mar an ceudna riusan air an laimh chli, Imichibb uam, a shluagh malluichte, dh'ionnsuidh an teine shiorruidh, a dh'ulluich-eadh do'n diabhol agus d'a ainglibh:

42 Oir bha mi ocrach, agus cha d'thug sibh dhomh biadh: bha mi tartmhор, agus cha d'thug sibh dhomh deoch:

43 Bha mi a'm' choigreach, agus cha d'thug sibh aoidheachd dhomh: lomnochd, agus cha d'eudaich sibh mi: euslan, agus am priosun, agus cha d'thainig sibh g'am amharc.

44 An sin freagraidh iadsan mar an ceudna e, ag radh, A Thighearna, c'uin a chunnaic sinne thu ocrach, no tartmhор, no d' choigreach, no lomnochd, no euslan, no am priosun, agus nach do fhritheil sinn dhuit?

45 An sin freagraidh esan iad, ag radh, Gu deimhin a deirim ribh, a mheud 's nach d'rinn sibh e do'n neach a's lugha dhiubh so, cha d'rinn sibh dhomhsa e.

46 Agus imichidh iadsan chum peanais shiorruidh; ach na fireana chum na beatha maireannaich.

C A I B. XXVI.

Far am bheil air an cur siòs, 1 comhairle agus ceannairc nan uachdaran an aghaidh Chriosd. 6 A ta bean ag ungadh a chinn: 14 Iudas ga reiceadh. 17 A ta Chriosd ag itheadh na càisge: 26 ag orduchadh a shuipeir naomha, &c.

A GUS tharladh, 'nuair a chrìoch-naich Iosa na briathra so uile, gu'n dubhainte r'a dheisciobluibh,

2 A ta flios agaibh gu'm bheil a' chàisg an déigh dà latha, agus a ta Mac an duine air a bhrath chum a cheusadh.

3 An sin chruinnich uachdarain nan sagart, agus na scriobhuichean, agus seanairean a' phobuill, gu talla an ard shagairt, d'an goirear Caiphas,

4 Agus ghabh iad comhairle le chéile chum Iosa a ghlacadh le feall, agus a chur gu bàs.

5 Ach thubhairt iad, Na deanam-aid e san fhéist, air eagal gu'm bi buaireas am measg a' phobuill.

6 Agus air do Iosa a bhi ann am Betani, ann an tigh Shimoin an lobhair,

7 Thainig bean d'a ionnsuidh aig an robh bocsa alabastair làn a dh'ola ro luach-mhoir, agus dhoirt i air a cheann e, agus e 'na shuidhe aig biadh.

8 Ach an uair a chunnaic a dheisciobuil sin, bha fearg orra, ag radh, Ciod is ciall do'n ana-caitheadh so?

9 Oir dh'fheudadh an ola so bhi air a reiceadh air mhòran, agus a bhi air a tabhairt do na bochdaibh.

10 Ach air aithneachadh so do Iosa, thubhairt e riu, C'ar son a ta sibh a' cur dragha air a' mhnaoi? oir rinn i deadh obair dhomhsa.

11 Oir a ta na bochdan agaibh a ghnàth maille ribh, ach cha 'n'eil mise agaibh a ghnàth.

12 Oir air dòrtadh na h-olasa dh'i air mo chorpsa, is ann fa chomhair m'adhlaic a rinn i e.

13 Gu deimhin a deirim ribh, Ge b'e àit am bi an scisgeuls' air a shearmonachadh air feadh an t-saoghal gu h-iomlan, aithrisear an ni a rinn a' bhean so, mar chuimhne oirre.

14 An sin dh'imich aon do'n dà fhear dheug, d'am b'ainm Iudas Iscariot, chum nan ard shagart.

15 Agus thubhairt e, Ciòd a bheir sibh dhomhsa, agus brathaidd mi dhuibh e? Agus choird iad ris air deich buinn f'hichead airgid.

16 Agus o'n àm sin a mach dh'iarr e fàth h air esan a bhrath.

17 Agus air a' cheud là dh'fhéist

^g bheirear thairis Mac an duine gu bhi air a cheusadh. ^h cothrom.

an arain neo-ghoirtichte, thainig na deisciobuil chum Iosa, ag radh ris, C'ait an àill leat sinne a dh'ulluchadh dhuit, chum as gu'n ith thu a' chaisg?

18 Agus thubhairt esan, Rachaibh do'n bhaile gu leithid so do dhuine, agus abraibh ris, Tha am maighstir ag radh, A ta m'äm am fagus, cumaidh mi a' chàisg aig do thighsa maille ri m' dheisciobluibh.

19 Agus rinn na deisciobuil mar a dh'orduich Iosa dhoibh, agus dheas- uich iad a' chàisg.

20 Agus an uair a thainig am feasgar, shuidh e maille ris an dà shear dheug.

21 Agus ag itheadh dhoibh, thubhairt e, Gu deimhin a deirim ribh, gu' m brath fear dhibh mise.

22 Agus air dhoibh bhì ro bhrònach, thòisich gach aon aca fa leth air a radh ris, Am mise e, a Thighearna?

23 Agus fhreagair esan agus thubhairt e, Ant i a thumas a lamh sa' mhèis maille riumsa, brathaidd esan mi.

24 Gu deimhin a ta Mac an duine agimeachd, a réir mar a ta e scriobhta m'a thimchioll : ach is enaoibhinn do'n duine sin, le 'm bràthar Mac an duine : bu mhaith do'n duine sin, mur beirte riabh e.

25 An sin fhreagair Iudas a bhrath e, agus thubhairt e, A mhaighstir, am mise e? Thubhairt esan ris, Thubhairt thu.

26 Agus ag itheadh dhoibh, ghlac Iosa aran, agus air tabhairt buidheachais, bhris se e i, agus thug e do na deisciobluibh e, agus thubhairte, Gabh-aibh, ithibh ; 's e so mo chorpsa.

27 Agus air glacadh a' chapain, agus air tabhairt buidheachais, thug e dhoibh e, ag radh, Oluibh uile dheth:

28 Oir is i so m'fhuilse na tiorna^l nuaidh, a dhòirtear airson mhòrain chum maiteanais pheacanna.

29 Ach a deirim ribh, Nach òl mi a so suas do thoradh so na fionain^m, gus an la sin an òl mi e nuadh maille ribh ann an rioghachd m'Athar.

30 Agus air dhoibh laoidh a sheinn,

chaidh iad a mach gu sliabh nan crann-ola.

31 An sin thubhairt Iosa riu, Gheibh sibh uile oilbheum annams' an nochd; oir a ta e scriobhta, Buailidh mi am buachaille, agus sgapar caoraich an treuda.

32 Ach an déigh dhomhsa éirigh a ris, theid mi roimhibh do Ghalile.

33 Agus fhreagair Peadar agus thubhairt e ris, Ged gheibh gach uile dhaoine oilbheum annad, cha'n fhaigh mise oilbheum gu bràth,

34 Thubhairt Iosa ris, Gu deimhin a deirim riut, air an oidhche so fein mu'n goir an coileach, gu'n aicheadh thu mi tri uairean.

35 Thubhairt Peadar ris, Ged a b'éigin dhomh bàsachadh maille riut, cha'n aicheadh mi thu. Agus thubhairt na deisciobuil uile mar an ceud-na.

36 An sin thainig Iosa maille riu gu ionad d'an goirear Getsemane, agus thubhairt e ris na deisciobluibh, Suidhibhs' an so, gus an dtheid mise a dhéanamh ùrnuigh an sud.

37 Agus thug e Peadar leis, agus dithis mhac Shebede, agus thòisich e air a bhi brònach, agus ro dhoilgheas-ach.

38 An sin thubhairt e riu, A ta m'anam ro bhrònach, eadhon gu bàs: fanuibhs' an so, agus deanaibh faire maille riumsa.

39 Agus dh'imich e beagan air adhartⁿ, agus thuit e air 'aghaidh, a' deanamh ùrnuigh, agus ag radh, O m' Athair, ma dh'fheudas e bhi, rachadh an cupansa seachad orm : gidh-eadh, na biodh e mar is aill leamsa, ach mar is toil leatsa.

40 Agus thainig e chum nan deisciobul, agus fhuaire e 'nan codal iad, agus thubhairt e ri Peadar, An ann mar sin, nach b' urradh sibh faire a dhéanamh aon uair a mhàin maille riumsa?

41 Deanaibh faire agus ùrnuigh, chum as nach tuit sibh am buaireadh: a ta gun amharus an spiorad togarach; ach a ta 'n fheoil anmhunn^o.

42 A ris an dara uair, dh'imich e

ⁱ agus bheannuich, agus bhris se e. ^l a' choinmhcheangail.
^m fineamhain. Eir. ⁿ air aghaidh. ^o lag.

agus rinn e ùrnugh, ag radh, O m'Athair, mur feudar gu'n dtheid an cupan so seachad orm, gun mi 'ga òl, do thoilsa gu robh deanta.

43 Agus thaning e agus fhuair e iad a ris 'nan codal: oir bha an sùilean trom.

44 Agus dh'fhàg e iad, agus dh'imich e a ris, agus rinn e ùrnugh an treas uair, ag radh nam briathra ceudna.

45 An sin thainig e chum a dheis-ciobul, agus thubhairt e riu, Coidlibh roimhbih a nis, agus gabhaibh fois; feuch, a ta 'n uair air druideadh, agus a ta Mac an duine air a bhrath thairis do lamhaibh pheacach.

46 Eiribh, imicheamaid: feuch, a ta 'n ti a bhrathas mise 'm fagus.

47 Agus air dha bhi fathast a' labhairt, feuch, thainig Iudas, aon do'n dà fheur dheug, agus maille ris cuideachd mhòr le cloidhibh agus bataibh o na h-ard shagartaibh agus o sheanairibh a' phobuill.

48 A nis bha an ti a bhrath esan air tabhairt comharaidh dhoibh, ag radh, Ge b'e neach a phògas mise, 's e sin e; deanaibh greim air.

49 Agus air ball thainig e chum Iosa, agus thubhairt e, Fàilte dhuit, a mhaighstir; agus phòg se e.

50 Ach thubhairt Iosa ris, A charaid, c'ar son a thainig thu? An sin thainig iad, agus chuir iad lamh ann an Iosa, agus ghlac iad e.

51 Agusfeuch, shìn a h-aon diubhsan a bha maille ri Iosa a lamh, agus tharruing e a chlaidheamh, agus air dha seirbhiseach an ard shagairt a bhualadh, ghearr e a chluas dheth.

52 An sin thubhairt Iosa ris, Cuir a ris do chlaidheamh air ais 'na ionad fein: oir iadsan uile a ghlacas an claidheamh tuitidh iad leis a' chlaidheamh.

53 An saoil thusa nach feud mise a nis m'Athair a ghuidheadh, agus bheir e dhomh tuilleadh is dà legion deug a dh'ainglibh?

54 Ach cionnus an sin bhiodh na scriobtuirean air an coimhlionadh, a tha 'g radh gur ann mar so is éigin tachairt?

55 Anns an uair sin fein thubhairt Iosa ris an t-sluagh, An d'thainig

sibh a mach mar gu b'ann an aghaidh gaduiche le cloidhibh agus bataibh chum mise a ghlacadh? Bha mi gach la a'm' shuidhe maille ribh san team-pull a' teagasc, agus cha do chuir sibh lamh annam.

56 Ach thachair so uile, chum gu'm biodh scriobtuire nam fàidh air an coimhlionadh. An sin threig na deisciobuil uil' e, agus theich iad.

57 Agus air dhoibhsan Iosa a ghlacadh, thug iad leo e gu Caiaphas an t-ard shagart, far an robh na scriobhuichean agus na seanairean air cruinneachadh.

58 Ach lean Peadar e fad uatha, eadhon gu talla an ard shagairt, agus chaithd e steach, agus shuidh e maille ris na seirbhisich a dh'fhaicinn na crìche.

59 Agus dh'iarr na h-ard shagartan agus na seanairean, agus a' chomh-airle uile, fianuis bhréige an aghaidh Iosa, chum a chur gu bàs.

60 Ach cha d' fhuair iad: seadh, ged a thainig mòran a dh'fhanuisibh bréige, cha d'fhuair iad. Fa dheoidh thainig dà fhanuis bhréige,

61 Agus thubhairt iad, Thubhairt am fear so, Is urradh mise teampull Dé a leagadh, agus a thogail a ris an tri laithibh.

62 Agus air do'n ard shagairt éirigh, thubhairt e ris, Nach freagair thu bheag? Ciod e a ta iad sin a' fianuisseadh a'd' aghaidh?

63 Ach dh'fhan Iosa 'na thosd. Agus fhreagair an t-ard shagart agus thubhairt e ris, A ta mi ga d' mhion-nachadh air an Dia bheo, gu 'n inn-seadh tu dhuinn, an tu Criod Mac Dhé.

64 Thubhairt Iosa ris, Thubhairt thu: gidheadh a deirim ribh, 'Na dhéigh so chi sibh Mac an duine 'na shuidhe air deas laimh cunhachd Dhé, agus a' teachd air neulaibh néimhe.

65 An sin reub an t-ard shagart 'eudach, ag radh, Gu 'n do labhair e toibheum; ciod am feum tuilleadh a ta againn air fianuisibh? feuch, a nis chuala sibh a thoibheum.

66 Ciod i bhur barails'? Fhreagair iadsan agus thubhairt iad, A ta e toillteanach air a' bhàs.

67 An sin thilg iad smugaid 'na eudan, agus bhual iad le 'm basaibh e; agus ghabh cuid eile air le slataibh,

68 Ag radh, Dean fáidheadoir-eachd P dhuinn, a Chriosd, cò e a bhual thu?

69 Agus shuidh Peadar a mach anns an talla: agus thainig cailin à-raidh d'a ionnsuidh, ag radh, Bha thusa mar an ceudna maille ri h-Iosa o Ghalile.

70 Ach dh'aicheadh esan 'nan làthair uile, ag radh, Cha'n eil fhios agam ciod a ta thu 'g radh.

71 Agus air dol a mach dha do'n fhor-dhorus, chunnaic cailin eile e, agus thubhairt i riusan a bha'n sin, Bha 'm fear so mar an ceudna maille ri h-Iosa o Nasaret.

72 Agus dh'aicheadh e a ris le mionnaibh, ag radh, Cha'n aithne dhomh an duine.

73 Agus tamull beag 'na dhéigh sin thainig an dream a bha'nan seas-amh a làthair, agus thubhairt iad ri Peadar, Gu firinneach is ann diuh sud fein thusa: oir a ta do chainnt ga d'bhrath.

74 An sin thòisich e ri mallachadh agus mionnachadh, ag radh, Cha'n aithne dhomh an duine. Agus air ball ghoir an coileach.

75 Aguschuimhnich Peadarbriathran Iosa, a thubhairt ris, Mu'n goir an coileach, aicheadhaidh tu mi tri uairean. Agus air dol a mach dha, ghuil e gu geur.

C A I B. XXVII.

1 A ta Criosd air a thoirt thairis ceangailte do Philat. 5 Chroch Iudas e fein. 19 A ta Pilat a' faotainn rabhaidh o mhaoi, 24 ag ionnlad a lamh, 26 a' leigeadh Bharabais fa sgooil: 29 Ta Criosd air a chrùnadhl le droighionn, 34 air a cheusadh, &c.

A IR teachd do'n mhaduinn, ghabh uachdarain nan sagart uile, agus seanairean a' phobuill, comhairle le chéile an aghaidh Iosa, chum a chur gu bás.

2 Agus air dhoibh esan a cheanagal, thug iad leo e, agus thug iad

thairis e do Phontius Pilat an t-uachdaran.

3 An sin an uair a chunnaic Iudas a bhrath e, gu'n do dhìteadh e, ghabh e aithreachas, agus thug e air an ais na deich buinn fhichead airgid do na h-ard shagartaibh, agus do na seanairibh,

4. Ag radh, Pheacuich mi, ann am brath na fola neo-chiontaich. Ach thubhairt iadsan, Cioc e sin duinne? amhaire thusa air sin.

5 Agus air tilgeadh uaith nam bonn airgid anns an teampu'l, dh'imich e roimhe, agus chaidh e agus chroch's se e fein.

6 Agus ghlac na h-ard shagairt na buinn airgid, agus thubhairt iad, Cha chòir an cur san ionmhas, oir is luach fola iad.

7 Agus air gabhail comhairle dhoibh, cheannuich iad leo fearann a' chriadhadair, chum a bhi 'na àit-adhlaic do choigreachaibh.

8 Air an aobhar sin goirear do'n fhearrann sin, Fearann na fola, gus an la'n diugh.

9 (An sin choimhlionadh an ni a thubhradh le Ieremias am fàidh, ag radh, Agus ghabh iad na deich buinn fhichead airgid, luach an ti a mheasadh, neach a mheas iadsan a bha do chloinn Israel:

10 Agus thug siad iad air son fearainn a' chriadhadair, mar a dh'orduich an Tighearna dhomhsa)

11 Agus sheas Iosa an làthair an uachdarain: agus dh'fhiorsruich an t-uachdaran dheth, ag radh, An tusa Righ nan Iudhach? Agus thubhairt Iosa ris, Thubhairt thu.

12 Agus an uair a chuir na h-ard shagairt agus na seanairean cionta as a leth, cha do fhreagair e ni sam bith.

13 An sin thubhairt Pilat ris, Nach cluinn thu cia liòn nithe air am bheil iad a' toirt fianuis a'd' aghaidh?

14 Agus cha d'thug e freagradh dha air aon fhocal, ionnus gu'n do ghabh an t-uachdaran iongantas ro mhòr.

15 A nis ri àm na féisde chleachd

an t-uachdaran aon phriosunach a b'aill leo chur fa sgaoil do'n phobull.

16 Agus bha aca san àm sin priosunach ro chomharaichte, d'am b'ainm Barabas.

17 Air an aobhar sin an uair a bha iad cruinn an ceann a cheile, thubhairt Pilat riu, Cò is aill leibh mise a chur fa sgaoil duibh ? Barabas, no Iosa, d'an goirear Criod.

18 Oir bha fhios aige 'gu'm b'ann o pharmad, a thug iad thairis e.

19 Agus an uair a bha e 'nashuidhe air caithir a' bhreitheanais, chuir a bhean teachdaireachd d'a ionnsuidh, ag radh, Na biodh agadsa gnothuch sam bith ris an fhìrean ^u sin : oir is mòr a dh'fhuilaing mise an diugli ann am bruadar, air a shonsan.

20 Ach chuir na h-ard shagairt agus na seanairean impidh air a' phobull gu'n iarradh iad Barabas, agus gu milleadh iad Iosa.

21 Agus fhreagair an t-uachdaran agus thubhairt e riu, Cò do'n dithis is aill leibh mise a chur fa sgaoil duibh ? Thubhairt iadsan, Barabas.

22 Thubhairt Pilat riu, Ciòd ma seadh a ni mi ri h-Iosa, d'an goirear Criod ? Thubhairt iad ris uile, Ceasar e.

23 Agus thubhairt an t-uachdaran, C'ar son ? ciod an t-olc a rinn e ? ach is mò gu mòr a ghlaodh iadsan, ag radh, Ceasar e.

24 Agus an uair a chunnaic Pilat nach do bhuadhuich e bheag sam bith, ach gu'n d'éirich an tuilleadh buair-eis, air dha uisce a ghabhail, dh'ionnlaid e a lamhan am fianuis an t-sluagh, ag radh, A ta mi seneochiontach a dh'fhuil an fhìrein so : faicibhse sin.

25 Agus fhreagair am pobull uile, agus thubhairtiad, Biadh fhuil oirnne, agus air ar cloinn.

26 An sin leig e fa sgaoil Barabas dhoibh : ach air dha Iosa a sgiursadh, thug e thairis e chum a cheusadh.

27 An sin thug saighdearan an uachdarain leo Iosa do thalla a' bhreitheanais, agus chruinnich iad a' bhuidheann uile m'a thimchioll.

28 Agus air dhoibh a rùsgadh ^a, chuir iad uime falluing scarlaid.

29 Agus air dhoibh crùn dhroighinn fligheadh, chuir iad m'a cheann e, agus slat chuilce 'na laimh dheis : agus 'a lùbadh an gluin 'na làthair, rinn iad fanoid air, ag radh, Gu'm beannuichear thu, a Righ nan Iudhach.

30 Agus thilg iad smugaid air, agus ghlac iad an t-slat chuilce, agus bhual iad sa' cheann e.

31 Agus an déigh dhoibh fanoid a dheanamh air, thug iad an fhalluing dheth, agus chuir iad 'eudach fein uime, agus thug iad leo e chum a cheusadh.

32 Agus an uair a chaithd iad a mach, fhuair iad duine o Chirene, d'am b'ainm Simon ; esan dh'éignich iad chum a chrann-ceusaidsan a ghiùlan.

33 Agus an uair a thainig iad gu ionad d'an ainm Golgota, sin r'a radh, àite cloiginn,

34 Thug iad dha r'a òl fion geur, measgta le domblas : agus air dha a bhlasadh, cha'n òladh se e.

35 Agus an uair a cheus iad e, roinn iad a thruscan eatorra, a' tilgeadh crannchuir : chum gu'n coimhliontadh an ni a thubhradh leis an fhàidh, Roinn iad m' eudach eatorra, agus chuir iad crannchur air mo bhrat.

36 Agus air suidhe dhoibh, rinn iad faire air an sin :

37 Agus chuir iad a chùis-dhùtidh scriobhta os a chienn, IS E SO IO-SA RIGH NAN IUDHACH.

38 An sin cheusadh maille ris dà ghaduiche ^b ; fear air a laimh dheis, agus fear eile air a laimh chli.

39 Agus thug iadsan a bha dol seachad toibheum dha, a' crathadh an ceann,

40 Agus ag radh, Thusa a leagas an teampull, agus a chuireas suas an tri laithibh e, fòir ort fein : ma's tu Mac Dhé, thig a nuas o'n chranncheusaids.

41 Mar an ceudna thubhairt na h-ard shagairt, maille ris na scriobhuichibh, agus na seanairibh, a' fanoid air,

^a ionracan. ^b eudach a thoirt dheth.

b dà fhear-reubainn, dà chreachadair.

42 Shaor e daoin' eile, e fein a shaoradh ni'n comasach e: ma's e Righ Israel, thigeadh e nis a nuas o'n chriann-cheusaith, agus creididh sinn e.

43 Chuir e dhòigh an Dia; saoradh e a nis e, ma ta toil aige dha: oir thubhairt e, Is mise Mac Dhé.

44 Agus thug n: gaduichean a cheusadh maille ris, am beum ceudna dha.

45 A nis o'n t-seathadh uair bha dorchadas air an tìr uile gus an naothadh uair.

46 Agus mu thimchioll na naothadh uaire dh'éigh Iosa le guth ard, ag radh, Eli, eli, lama sabachtani? 's e sin r'a radh, Mo Dhia, mo Dhia,

ar son a thréig thu mi?

47 Agus air cluinntinn sin do chuid diubhsan a bha 'nan seasamh an sin, thubhairt iad, A ta 'm fear so glaoedhaich air Elias.

48 Agus air ball ruith a h-aon diubh, agus ghabh e spong, agus lion e do fhion geur i, agus air dha a eur air slait chuilce, thug e dha r'a òl.

49 Ach thubhairt càch, Leig dha, faiceamaid an dthig Elias g'a thearnadh.

50 Agus an uair a dh'éigh Iosa a ris le glaodh mòr, thug e suas a spiorad.

51 Agus feuch, reubadh brat-roinn an teampuill 'na dhà chuid, o mhullach gu lochdar; agus chriothnuich an talamh, agus sgoilteadh na creagan,

52 Agus dh'fheogladh na h-uaigh-ean, agus dh'éirich mòran do chorpaibh nan naomh, a bha 'nan codal,

53 Agus chaith iad a mach as na h-uaighibh an déigh aiseirighsan, agus chaith iad a steach do'n bhaile naomha, agus nochdadhl iad do mhòran.

54 A nis an uair a chunnaic an ceannard-ceud, agus iadsan a bha maille ris a' coimhead^c Iosa, a' ehrith-thalmhainn, agus na nithe eile a rinneadh, ghabh iad eagal mòr, ag radh, Gu firinneach b'e so Mac Dhé.

55 Agus bha an sin mòran bhan (ag amharc am fad,) a lean Iosa o Ghalile, a' frithealadh dha:

56 Am measg an robh Muire Mag-

dalen, agus Muire màthair Sheumas agus Ioses, agus màthair cloinne Shebede.

57 Agus air teachd do'n fheasgar, thainig duine saibhir o Arimatea, d'am b'ainm Joseph, a bha e fein 'na dheiisciobul aig Iosa mar an ceudna:

58 Chaith esan gu Pilat, agus dh'iarr e corp Iosa: an sin dh'aithn Pilat an corp a thabhairt da.

59 Agus ghlac Joseph an corp, agus phaisg e ann an lòn-eudach fiorghlan e,

60 Agus chuir se e 'na uaigh nuadh fein, a chladhaich e ann an carruig: Agus charuich e clach mhòr gu dorus na h-uaighe, agus dh'imich e roimhe.

61 Agus bha Muire Magdalene, agus a' Mhuire eile 'nan suidhe fa chomhair na h-uaighe.

62 A nis air an la màireach, an la'n déigh an ulluchaidh, chruinnich-eadh na h-ard shagairt agus na Phairisich gu Pilat,

63 Ag radh, A thighearn, is cuimhne leinn an uair a bha am mealltair ud fathast beo, gu'n dubhaint e, Eiridh mi'n déigh thri laithean.

64 Orduich uime sin an uaigh a bhi air a coimhead gu cinnteach gus an treas la, air eagal gu'n dthig a dheiisciobul san oidhche, agus gu'n goid iad leo e, agus gu'n abair iad ris an t-sluagh, Dh'éirich e o na marbhaibh: agus mar sin bìthidh am mearachd deireannach ni's miosa na'n ceud mhearrachd.

65 Thubhairt Pilat riu, Tha faire agaibh; imichiibh, deanaibh *an uaigh* co tearuinte 's is aithne dhuibh.

66 Agus dh'imich iad agus rinn iad an uaigh cinnteach, a' cur seula air a' chloich, maille ri faire.

C A I B. XXVIII.

1 *Ta aiseirigh Chriosd air a cur an cùill do na minaibh: 9 nocht Criosd e fein doibh; 11 thug na h-ard shagairt airgiod do na saighdearaibh chum gu'n abradh iad gu'n do ghoideadh as 'uaigh e, &c.*

A N déigh na sàbaid, aig briseadh na faire air a cheud là do'n

^c gleidheadh.

t-seachduin, thainig Muire Magdalen, agus a' Mhuire eile, a dh'fhaicinn na h-uaighe.

2 Agus feuch, bha crith-thalmhainn mhòr ann; oir thainig aingeal an Tighearna nuas o nèamh, agus air teachd dha charuich e a' chlach o'r dorus, agus shuidh e oirre.

3 Agus bha ghnùis mar dhealanach, agus eudach geal mar shneachda.

4 Agus air eagal roimhe chriothnuich an luchd coimhidd, agus chaidh iad an riochd mairbh.

5 Ach fhreagair an t-aingeal agus thubhairt e ris na mnaibh, Na biodh eagal oirbhse: oir a ta fhios agam gu bheil sibh ag iarruidh Iosa, a chaidh cheusadh.

6 Cha'n-eil e'n so; oir dh'éirich e, mar a thubhairt e: thigibh, faicibh an t-àit an robh an Tighearna 'na luidhe.

7 Agus imichibh gu luath, agus inn-sibh d'a dheisciobluibh gu'n d'éirich e o na marbhaibh: agus feuch, tha e dol roimhibh do Ghalile, an sin chi sibh e, feuch, thubhairt mise ribh e.

8 Agus dh'imich iad gu luath o'n uaigh, le h-eagal agus mòr ghairdeachas, agus ruith iad a dh'innseadh d'a dheisciobluibh.

9 Agus agimeachd dhoibh-san a dh'innseadh d'a dheisciobluibh, feuch, thachair Iosa fein orra, ag radh, Fàilte dhuibh. Agus thainig iad am fagus da, agus rug iad air a chosaibh, agus thug iad urram dha e.

10 An sin thubhairt Iosa riu, Na biodh eagal oirbh: imichibh, abraibh rim' bràithribh iadsan a dhol do Ghalile, agus an sin chi iad mi.

11 Agus an uair a bha iadsan ag

imeachd, feuch, thainig cuid do'n luchd faire do'n bhaile, agus nochd iad do na h-ard shagartaibh gach ni a thachair.

12 Agus air cruinneachadh dhoibh-san an ceann a chéile maille ris na seanairibh, agus air gabhail comhairle dhoibh, thug iad mòran airgid do na saighdearaibh,

13 Ag radh, Abraibhse gu'n d'thainig a dheisciobuil anns an oidhche, agus gu'n do ghoid iad e, an uair a bha sinne 'nar codal.

14 Agusma chluinneas an t-uachdar-an so, cuiridh sinne impidi air, agus ni sinn sibhse tearuinte.

15 Agus ghabh iad an t-airgiot, agus rinn iad mar a theagaisgeadh dhoibh: agus a ta a'chainnt so air a h-aithris am measg nan Iudhach gus an là'n diugh.

16 An sin chaidh an t-aon deisciobul deug do Ghalile, do'n bheinn far an d'orduich Iosa dhoibh.

17 Agus an uair a chunnaic iad e, thug iad urram dha e: ach bha cuid aca fa amharus.

18 Thainig Iosa, agus labhair e riu, ag radh, Thugadh dhomhsa gach uile chumhachd air nèamh agus air talamh.

19 Uime sin imichibhse, agus dean-aibh deisciobuil do f gach uile chin-neach, 'gam baisteadh ann an ainm an Athar, agus a' Mhic, agus an Spioraid naoimh:

20 A teagasg dhoibh gach uile ni-the a dh'áithn mise dhuibh a choimhead: Agus feuch, a ta mise maille ribh a ghnàth, gu deireadh an t-saoghal. Amen.

AN SOISGEUL A REIR MHARCUIS.

C A I B. I.

1 Dreibhd 8 Eoin Bhaisde. 9 A ta Iosa air a bhaisteadh: 14 A ta e searmonachadh; 16 A' gairm Pheadair, Aindreas, Sheumais agus Eoin, &c.

d luchd faire. e rinn iad aoradh dha. f ionpoichibh, teagaisgibh. 8 Oifig.

TOISEACH Soisgeil Iosa Criod Mhic Dhé:

2 A réir mar a ta e scriobhtha anns na faidhibh, Feuch, cuiream mo theachdaire roimh do ghnùis, a dh'ull-uicheas do slighe romhad.

3 Guth an tì a'dh'éigheas anns an fhàsach, Ulluichibh slighe an Tigh-earna, deanaibh a cheumanna dìreach.

4 Bha Eoin a' baisteadh anns an fhàsach, agus a' searmonachadh bais-tidh an aithreachais, chum maithean-ais pheacanna.

5 Agus chaidh a mach d'a ionn-suidh tir Iudea uile, agus luchd-àit-eachaidh Ierusalem, agus bhaisteadh leis iad uile ann an amhuinn Iordan, ag aideachadh am peacanna.

6 Agus bha Eoin air eudachadh 1 le fionna chàmhla, agus crios leathair m'a leasruidh : agus bu bhiadh dha locuist agus mil fhiadhlich.

7 Agus shearmonaich e, ag radh, A ta neach a' teachd a'm' dhéigh a's cumhachdaicheadh na mise, neach nach airidh mise air cromadh sìos agus barr-iall a bhròg fhuasgladh.

8 Bhaist mise gu dearbh sibh le h-uisge : ach baistidh esan sibh leis an Spiorad Naomha.

9 Agus tharladh anns na laithibh sin, gu'n d'thainig Iosa o Nasaret Ghalile, agus bhaisteadh e le h-Eoin ann an Iordan.

10 Agus air ball an uair a chaidh e suas as an uisge, chunnaic e na nèamhan air am fosgladh, agus an Spiorad mar choluman a' teachd a nuas air.

11 Agus thainig guth o nèamh, ag radh, Is tusa mo Mhac gràdhach, am bheil mo mhòr thlachd.

12 Agus air ball tharruing an Spior-ad e do'n fhàsach.

13 Agus bha e 'n sin san fhàsach dà fhichead latha air a bhuaireadh le Satan, agus bha e maille ris na fiadh bheathaichibh, agus fhritheil na h-aingil dha.

14 Agus an déigh Eoin a chur am priosun, thainig Iosa do Ghalile, a' searmonachadh soisgeil rioghachd Dhé.

15 Agus ag radh, Choimhlionadh an aimsir, agus a ta rioghachd Dhé am fagus; deanaibhse aithreachas, agus creidibh an soisgeul.

16 Agus air dha bhi 'g imeachd ri taobh fairge Ghalile, chunnaic e Si-

mon, agus Aindreas a bhràthair, a' tilgeadh lìn san fhairge : (oir b'ias-gairean iad.)

17 Agus thubhairt Iosa riu, Thigibh a'm' dhéighse, agus ni mi 'nar ias-gairibh air daoinibh sibh.

18 Agus air ball dh'fhàg iad an lìonta, agus lean iad esan.

19 Agus an uair a chaidh e beagan air aghaidh as sin, chunnaic e Seumas mac Shebede, agus Eoin a bhràthair, agus iad san luing a' càradh an lìonta.

20 Agus air ball ghoir e iad, agus dh'fhàg iad Sebede an athair san luing maille ris an luchd tuarasdail, agus lean iad esan.

21 Agus chaidh iad a steach do Chaper-naum, agus air ball air dha dol a stigh do'n t-sionagog¹ air an t-sà-baid, theagaing e.

22 Agus ghabh iad icngantas r'a theagaing : oir bha e 'gan teagasc mar neach aig an robh ùghdarras, agus cha b'ann mår na scriobhuichein.

23 Agus bha 'nan sionagog-san neach anns an robh spiorad neo-ghlan, agus ghlaodh e,

24 Ag radh, Leig leinn ; ciod ar gnothuch-ne riut, Iosa o^m Nasaret? an d'thainig thu g'ar sgrios-ne? Is aithne dhomh cò thu, aon naomha Dhé.

25 Agus chronuich Iosa e, ag radh, Bi d' thosd, agus thig a mach as.

26 Agus an uair a retub an spiorad neo-ghlan e, agus a ghlaodh e le guth ard, thainig e mach as.

27 Agus ghabh iad mòr iongantas uile, ionnuis gu 'n robh iad a' cur na ceiste so air a chéile, ag radh, Cioc e so? Cioc e an teagasc nuadh so? oir le h-ùghdarras a ta e toirt orduigh eadhon do na spioradaibh neo-ghlana, agus tha iad ùmhal dha.

28 Agus chaidh a chlu air ball a mach air feadh na tire uile timchioll Ghalile.

29 Agus gun dàil, air dhoibh dol a mach as an t-sionagog, chaidh iad a steach do thigh Shimoin agus Aindreas, maille ri Seumas agus Eoin.

30 Ach bha màthair-chéile Shimoine 'na luidhe ann am fiabhrus; agus ghrad labhair iad ris uimpe.

31 Agus thainig esan agus thug e i, a breith air laimh oirre; agus air ball dh'fhàg am fiabhrus i, agus fluritheil i dhoibh.

32 Agus an uair a bha 'm feasgar ann, air do'n ghréin dol fuidhe, thug iad d'a ionnsuidh iadsan uile a bha euslan, agus iadsan anns an robh deamhain.

33 Agus bha 'm baile uile air a chruinneachadh chum an doruis.

34 Agus leighis e mòran air an robh iomadh gnè cucale, agus thilg e mach mòran dheimhan, agus cha d'fhuilaing e do na deamhnaibh labhairt, airson gu'm b'aithne dhoibh ⁿ e.

35 Agus air dha éirigh sa' mhàduinn, fada roimh là, chaidh e mach, agus dh'imich e gu àite fàsail ^o, agus rinn e ùrnuigh an sin.

36 Agus lean Simon, agus an dream a bha maille ris e.

37 Agus air fhaotainn dhoibh thubhairt iad ris, A ta gach uile neach ga'd'iaraidh.

38 Agus thubhairt esan riu, Rachamaid ^p a dh'ionnsuidh nam bailte eile laimh ruinn, chum as gu'n searmonaich mi an sin mar an ceudna: oir is ann a chum na crìche so thainig mise mach.

39 Agus shearmonaich e 'nan sionagogaibh air seadh Ghàile uile, agus thilg e mach na deamhain,

40 Agus thainig lobhar d'a ionnsuidh, a' guidhe air, agus a'lùbadh a ghàlin da, agus ag radh ris, Ma's aill leat, tha thu comasach air mise a dheanamh glan.

41 Agus ghabh Iosa truas mòr dheth ^r, agus air sìneadh a mach a laimhe, bhean e ris, agus thubhairt e ris, Is aill leam, bi-sa glan.

42 Agus co luath 's a labhair e, air ball dh'fhalbh an loibhre ^s uaith, agus rinneadh glan e.

43 Agus thug e geur ordugh dha, agus air ball chuir e air falbh e;

44 Agus thubhairt e ris, Feuch nach innis thu bheag do neach air bith:

ach imich, nochd thu fein do'n t-sagart, agus tabhair mar iobairt air son do ghlanaidh na nithe a dh'aithu Maois, mar fhianuis dhoibh.

45 Agus air dhasan dol a mach, thòisich e air innseadh gu ro fhollais-each, agus air a' chùis a sgaoileadh m'an cuairt, air chor as nach feudadh Iosa dol tuilleadh gu follaiseach a steach do'n bhaile; ach bha e mach ann an àitibh uaigheach: agus thainig iad d'a ionnsuidh as gach aird.

C A I B. II.

1 *Leighis Criod neach air an robh am pairilis: 14 Tha e gairm Mhata o àite togail na cise, 16 ag itheadh mailleri cìs-mhaoraibh agus ri peacachaibh, &c.*

A GUS an déigh laithean àraidh, chaidh e a ris a steach do Chapernaum; agus chualas esan a bhi san tigh.

2 Agus air ball chruinnicheadh mòran an ceann a chéile, air chor as nach robh àit a chumadh iad, eadhon timchioll an doruis: agus labhair e am focal riu.

3 Agus thainig iad, a' tabhairt d'a ionnsuidh neach air an robh am pairilis, air a ghiùlan le ceathrar.

4 Agus a chionn nach b'urrainn iad teachd am fagus da leis an t-slugh, rùisg iad mullach an tighe, anns an robh e: agus air dhoibh a tholladh, leig iad sìos an leabadh air an robh an neach a bha tinn leis a' phairilis 'na luidhe.

5 Air do Iosa an creidimh-san fhaicinn, thubhairt e ris an neach air an robh am pairilis, A mhic, tha do peacaidh air am maitheadh dhuit.

6 Ach bha droing àraidh ^t do na sriobhuichiibh 'nau' suidhe an sin, agus iad a' reusonachadh 'nan cridhibh fein:

7 C'arson a ta am fear so a' labhairt toibheim mar so? Cò dh'fheudas peacaidh a mhaiteadh ach Dia a mhàin?

8 Agus air ball air aithneachadh do Iosa 'na spiorad fein gu'n robh iadsan a' reusonachadh mar sin ionn-

ⁿ dhaibh. ^o diomhair, uaigheach. ^p imicheamaid, theirigeamaid.

^r ris. ^s muire. ^t àraid.

ta fein, thubhairt e riu, C'ar son a ta sibh a' reusonachadh nan nithe sin ann' bhur cridhbih?

9 Co aca is usadh a radh ris an neach air am bheil am pairilis, Tha do pheacaidh air am maitheadh dhuit, no a radh, Eirich, agus tog do leabadh, agus imich?

10 Ach a chum as gu'm bi fios a-gaibh gu bheil uighdarras aig Mac an duine peacaidh a mhaitheadh air talamh, (thubhairt e ris an fhear air an robh am pairilis)

11 A deirim riut, Eirich, agus tog do leabadh, agus imich do d' thigh.

12 Agus dh'éirich esan air ball, agus thog e an leabadh, agus chaithd e mach 'nam fianuis uile, ionnus gu'n robh mòr iongantas orra uile, agus gu'n do ghlòruich iad Dia, ag radh, Cha'n fhaca sínne riamh a leithid so.

13 Agus chaithd e mach a rìs ri taobh na mara, agus thainig an sluagh uile d'a ionnsuidh, agus theagaisg e iad.

14 Agus ag dol seachad da, chunnaic e Lebhi *mac* Alpheuis'na shuidhe aig àite togail na cise, agus thubhairt e ris, Lean mise. Agus dh'éirich e, agus lean se e.

15 Agus tharladh, 'nuair a shuidh Iosa chum bìdh 'na thigh-san, gu'n do shuidh mòran chìs-mhaor agus pheacach maille ri Iosa, agus r'a dheisciobluibh: oir bha mòran ann, agus lean iad e.

16 Agus an uair a chunnaic na scriòbhuichean agus na Phairisich esan ag itheadh maille ri cìs-mhaoraibh agus ri peacachaibh, thubhairt iad r'a dheisciobluibh, C'ar son a ta e ag itheadh agus ag òl maille ri cìs-mhaoraibh agus ri peacachaibh?

17 Agus an uair a chuala Iosa so, thubhairt e riu, Cha 'n'eil feum acasan a ta slàn air an léigh, ach acasan a ta tinn: cha d'thainig mise a ghairm nam firean, ach nam peacach chum aithreachais.

18 Agus bu ghnàth le deisciobluibh Eoin, agus nam Phairiseach a bhi trosgadh^a: agus thainig iad, agus thubhairt iad ris, C'ar son a ta deis-

ciobuil Eoin, agus nam Phairiseach ri trosgadh, agus nach 'eil do dheisciobuils' a' trosgadh?

19 Agus thubhairt Iosa riu, Am bheil clann seomair an fhir nuadh-phòsda comasach air trosgadh a dheanamh, am feadh a bhithreas am fear nuadh-pòsda 'nam fochair b? am feadh a ta am fear nuadh-pòsda aca maille riu, cha'n fheud iad trosgadh a dheanamh:

20 Ach thig na laithean anns an dthoirear am fear nuadh-pòsda uatha; agus an sin ni iad trosgadh sna laithibh sin.

21 Agus cha 'n'eil duine sam bith a dh'fhuaigneach mìr do eudach nuadh air sean eudach: no, ma dh'fhuaigneach, buinidh am mìr nuadh, a chuir-eadh g'a lionadh suas, as an t-sean eudach, agus nithean an reubadh nì's miosa.

22 Agus cha chuir duine air bith fion ùr ann an seann searragaibh^c; no brisidh am fion nuadh na searragan, agus dòirtear am fion, agus caillear na searragan: ach is coir fion nuadh a chur ann an searragaibh nuadha.

23 Agus tharladh gu'n deachaidh e troimh^d na h-achaibh arbhair air latha na sàbaid, agus thòisich a dheisciobuil, ag imeachd dhoibh, ris na diasan arbhair a spònadh,

24 Agus thubhlairet na Phairisich ris, Feuch c'ar son a ta iad a' deanamh an ni nach 'eil ceaduicte air latha na sàbaid?

25 Agus thubhairt esan riu, Nach do leugh sibhse riamh ciod a rinn Daibhidh, 'n uair a bha uireasbhuidh air, agus ocras air fein agus orrasan a bha maille ris?

26 Cionnus a chaithd e steach do thigh Dhé ann an laithibh Abiatair an ard shagairt, agus a dh'ith e aran na fianuis^e, nach 'eil ceaduicte do neach air bith itheadh, ach do na sagartreibh, agus a thug e mar an ceudana do'n drèam a bha maille ris?

27 Agus thubhairt e riu, Dh'orduicheadh an t-sàbaid air son an duine, cha 'n e an duine air son na sàbaid:

^a trasgadh. ^b maille riu. ^c leathar-bhuidealaibh. ^d trid, air feadh.
^e an t-aran taisbeanta.

28 Air an aobhar sin is Tighearna f
Mac an duine air an t-sàbaid fein.

C A I B. III.

1 *Tha Criosd a' leigheas an duine aig an robh an làmh sheargta, agus niòran a dh'eucailibh eile:* 11 a' cronuchadh nan spiorad neo-ghlan, 13 agus a' taghadh a dhà abstol deug, &c.

A GUS chaidh e rìs a steach do'n t-sionagog, agus bha an sin duine aig an robh làmh sheargta.

2 Agus rinn iad faire air, a dh-fheuchainn an leighiseadh se e air laetha na sàbaid, chum's gu'm biodh cùis dhìtidh aca dha.

3 Agus thubhairt e ris an duine aig an robh an làmh sheargta, Eirich sa'mheadhon.

4 Agus thubhairt e riu, Am bheil e ceudichte maith a dheanamh air laithibh na sàbaid, no olc? anam a thearnadh, no a sgrios? ach dh'fhan iadsan 'nan tosd.

5 Agus an uair a dh'ámhairc e m'an cuairt orra le feirg, air dha bhi doilich air son cruais an eridhe, thubhairt e ris an duine, Sìn a mach do làmh. Agus shòn e mach i: agus rinneadh slán i mar an làmh eile.

6 Agus chaidh na Phairisich a mach, agus ghabh iad comhairle air ball maille ri luchd-leanmhuinn Heroid 'na agbaidsan, cionnus a dh'fheudadh iad a sgrios.

7 Ach chaidh Iosa maille r'a dheisciobluibh a leth chum na mara: agus lean sluagh mòr e o Ghalile, agus oï Iudea,

8 Agus o Ierusalem, agus o Idumea, agus o thaobh thall Iordan, agus iadsan a bha timchioll Thiruis agus Shidoin, thainig cuideachd mhòr dhiubh d'a ionnsuidh, 'nuair a chual iad cia mòr na nithe a rinn e.

9 Agus thubhairt e r'a dheisciobluibh, long bheag a bli feitheamh air, air son an t-slaugh, chum nach dòmhluicheadh iad e.

10 Oir leighis e mòran, ionnus gu'n do dhlu-theann iad ris, a mheud's air an robh plàighean, chum as gu'm peanadh iad ris.

11 Agus na spiorada neo-ghlan, an uair a chunnaic iad e, shleuchd iad da, agus ghlaodh iad, ag radh, Is tusa Mac Dhé.

12 Agus thug e sparradh teanñ dhoibh, nach deanadh iad aithnicht' e.

13 Agus chaidh e suas gu beinn, agus ghairm e iadsan a b'àill leis: agus thainig iad d'a ionnsuidh.

14 Agus dh'orduich e dà fhear dheug, chum's gu'm biodh iad maille ris, agus gu'n cuireadh e mach iad a shearmonachadh :

15 Agus gu'm biodh aca cumhachd a leigheas euslainte, agus a thilgeadh a mach dheamhan.

16 Agus air Simon thug e Peadar mar chomh-ainm :

17 Agus Seumas *mac* Shebede, agus Eoin bràthair Sheumais, (agus orra-san thug e Boanerges mar chomh-ainm, 's e sin re radh, Clann na tairneanaich.)

18 Agus Aindreas, agus Philip, agus Bartolomeus, agus Mata, agus Tomas, agus Seumas *mac* Alpheus, agus Tadeus, agus Simon an Canaanach,

19 Agus Iudas Iscariot, an neach sin a blhrath e: Agus chaidh iad do thighe.

20 Agus chruinnicheadh an sluagh a ris, ionnus nach robh e'n comas doibh uiread agus aran itheadh.

21 Agus an uair a chual a chairdean so, thainig iad a mach a bhreith air: oir thubhairt iad, Tha e air mhíchéil.

22 Agus thubhairt na scriobhuichein a thainig a nuas o Ierusalem, A ta Beelseub aige, agus is ann trìd phrionnsaidh nan deamhan a ta e tilgeadh a mach dheamhan.

23 Agus air dha'n gairm d'a ionnsuidh, thubhairt e riu ann an cosamhlachdaibh, Cionnus a dh'fheudas Satan Satan a thilgeadh a mach?

24 Agus ma bhitheas rioghachd roinnt 'na h-aghaidh fein, cha'n urrainn an rioghachd sin seasamh.

25 Agus ma bhitheas tigh air a roinn 'na aghaidh fein, cha'n urrainn an tigh sin seasamh.

26 Agus ma dh'éireas Satan 'na

aghaidh fein, agus gu'm bi e roinnte, cha'n urrainn e seasamh, ach a ta crloch aige.

27 Cha'n urradh neach air bith dol a steach do thigh duine làidir, agus 'airneis a thogailleis, mur ceangail e'n duine làidir an toiseach; agus an sin creachaidh e a thigh.

28 Gu deimhin a deirim ribh, Gu maithean na h-uile pheacanna do chloinn nan daoine, agus gach toibheum a labhras iad.

29 Ach ge b'e labhras toibheum an aghaidh an Spioraid Naoimh, cha'n fhaigh e maitheanas a choidhch, ach a ta e an cunnart peanais^l shiornuidh.

30 Air son gu'n dubhairt iad, Tha spiorad neo-ghlan aige.

31 An sin thainig a bhràithrean agus a mhàthair, agus air dhoibh seasamh a muigh, chuir iad fios d'a ionnsuidh, a' gairm air.

32 Agus bha'n sluagh 'nan suidhe m'a thimchioll, agus thubhairt iad ris, Feuch, ata do mhàthair agus do bhràithrean a muigh ga d' iarraidh.

33 Agus fhreagair e iad, ag radh, Co i mo mhàthair, no mo bhràithrean?

34 Agus sheall e m'an cuairt orrasan a bha 'nan suidhe m'a thimchioll, agus thubhairt e, Feuch mo mhàthair agus mo bhràithrean.

35 Oir ge b'e neach a ni toil Dé, is esan mo bhràthair, agus mo phiuikar, agus mo mhàthair.

C A I B. IV.

1 Cosamhlachd an t-sioladair, agus a bhrigh. 21 Is coir dhuinn solus ar n-eolais a phàirteachadh re muinntir eile. 26 Cosamhlachd an t-sìl a ta fàs ann an uaigneas, &c.

AGUS thòisich e air teagasg a' rìs làimh ris a' mhuiir, agus chruinnicheadh sluagh mòr d'a ionnsuidh, ionnus gu'n deachaidh e steach do luing, agus gu'n do shuidh e air a' mhuiir; agus bha'n sluagh uile ri taobh na mara air tìr.

2 Agus theagaisg e dhoibh mòran do nitibh ann an cosamhlachdaibh, agus thubhairt e riu 'na theagasg,

3 Eisdibh, Feuch, chaidh fear-cuir^m a mach a chur sìl:

4 Agus tharladh ag cur an t-sìl da, gu'n do thuit cuid deth ri taobh an rathaid, agus thainig euilaith an athair, agus dh'ith iad suas e.

5 Agus thuit cuid eile dheth air fearann creagach, far nach robh mòr thalamh aige, agus air ball dh'fhas e suas, do bhrigh nach robh doimhne talmhainn aige.

6 Ach air do'n ghréin éirigh, loisgeadh e; agus a chionn nach robh freumh^g aige, shearg e as.

7 Agus thuit cuid eile am measg droighinn, agus dl'fhas an droighionn suas, agus thachd se e, agus cha d'thug e toradh uaith.

8 Agus thuit cuid eile air talamh maith^P, agus thug e toradh uaith a' fàs suas agus a' meudachadh; agus thug e mach, cuid a dheich uiread fhichead, agus cuid a thrí fhichead uiread, agus cuid a cheud uiread 's a chuireadh.

9 Agus thubhairt e riu, An ti aig am bheil cluasa chum éisdeachd, éisdeachd e.

10 Agus an uair a bha e 'na aonar, dh'fhirosach iadsan, a bha 'na fhioch-air maille ris an dà fhlear dheug, an cosamhlachd deth.

11 Agus thubhairt e riu, Dhuibhse thugadh eòlas a ghabhail air nitibh ñiomhair rioghachd Dhé: ach dhoibh-san a ta'n leth muigh nithear gach ni an cosamhlachdaibh:

12 Chum as ag faicinn doibh gu'm faic iad, agus nach aithnich iad, agus ag cluinniinn dhoibh gu'n cluinn iad, agus nach tuig iad; air eagal àm air bith gu'm pilleadh iad, agus gu'm biodh am peacaidh air am maitheadh dhoibh.

13 Agus thubhairt e riu, Nach aithe-ne dhuibh an cosamhlachd so? agus cionnus ma ta a thuigeas sibh gach uile chosamhlachd?

14 Tha 'm fear-cuir a' cur an fhocail.

15 Agus is iad so iadsan ri taobh an rathaid, anns an cuirear am focal, an déigh dhoibh a chluinniinn, air ball a ta Satan a' teachd, agus a' togail leis

^l damnaidh, breitheanais. ^m sioladair. ⁿ freumhach. ^o math.

an fhocail, a shiòl-chuireadh 'nan cridhibh.

16 Agus is iad so iadsan mar an ceudna a chuireadh air fearann creagach; muinntir, an uair a chluinneas iad am focal, a ghabhas e air ball le gairdeachas:

17 Agus cha 'n'eil freumh acaionta fein, ach mairidh iad rè sealain; 'na dhéigh sin 'nuair a dh'éireas amhgar^P no geur-leanmluinn air son an fhocail, air ball a ta iad a' gabhail oilbheim.

18 Agus is iad so iadsan a chuir-eadh am measg an droighinn, an dream a dh'éisdeas ris an fhocal;

19 Agus a taro chùram ant-saoghal so, agus mealltaireachd saibhreis, agus anamlianna nithe eile teachd a steach, agus a' tachdadh an fhocail, agus nithear neo-thorach e.

20 Agus is iad so iadsan a chuir-eadh ann an talamh maith, an dream a chluinneas am focal, agus a ghabhas e, agus a bheir a mach toradh, cuid a dheich uiread fhichead, cuid a thri fichead uiread, agus cuid a cheud uiread 's a chuireadh.

21 Agus thubhairt e riu, An dthoirear coinneal chum gu'n cuirear i fuidh bheul soithich, no fuidh leabaidh? nach ann a chum a cur ann an coinnleir?

22 Oir cha 'n'eil ni air bith foluichte, nach foillsichear; agus cha robh ni air bith an cleith, nach dthig os aird.

23 Ma ta cluasa chum éisdeachd aig neach air bith, éisdeadh e.

24 Agus thubhairt e riu, Thugaibh fa'near ciod a chluinneas sibh: leis an tomhas a thomhaiseas sibh, tomhaisear dhuibh fein; agus bheirear tuilleadh dhuibhse ta 'g éisdeachd.

25 Oir ge b'e neach aig am bheil, bheirear dha: agus ge b'e neach aig nach 'eil, bheirear uaith an ni sin fein a ta aige.

26 Agus thubhairt e, Is amhuil rioghachd Dhé, mar gu'n cuireadh duine siol anns an talamh,

27 Agus gu'n coidleadh e, agus gu'n éireadh e a dh'oidhch, agus a là, agus gu'n gineadh an siol, agus gu'm

fàsadh e suas, air dòigh nach fhiosa da.

28 Oir bheir an talamh a mach toradh uaith fein, air tùs am fochann, a rìs an dias, an déigh sin an làn arbhar anns an déis.

29 Ach an uair a ta 'n toradh ab-aich, air ball cuiridh e an corran ann, a chionn gu bheil am fogharadh air teachd.

30 Agus thubhairt e, Ciod an ni ri 'n samhluch sinn rioghachd Dhé? no ciod e an cosamhlachd leis an coimhmeas sinn i^r?

31 Is cosmhul i ri gràinne mustaird, ni, 'nuair a chuirear san talamh e, is lughad do na h-uile phòraibh a ta air talamh.

32 Ach an déigh a chur, fàsaidh e suas, agus cinnidh e ni's mò na luibh sam bith eile, agus fàsaidh geugan mòra air, ionnus gu'm seud eunlaith an athair nid a dheanamh fuidh a sgàile.

33 Agus le iomadh d'a leithidibh sin do chosamhlachdaibh labhair e'm focal riu, a réir mar a b'urrainn iad a chluinntinn.

34 Ach gun chosamhlachd cha do labhair e riu: Agus mhìnich e na h-uile nithe d'a dheisciobluibh fein air leth.

35 Agus thubhairt e riu air an là sin fein, air teachd do'n fheasgar, Rachamaid thairis do'n taoblh eile.

36 Agus an uair a sgaoil iad an coimhthional, thug iad leo esan anns an luing mar a bha e, agus bha longa beaga eile 'na fhochair mar an ceudana.

37 Agus dh'éirich stoirm mhòr ghaoith ann, agus leumi na tonna a steach do'n luing, air chor as gu'n robh i nis làn.

38 Agus bha esan ann an deireadh na luinge, 'na chodal air cluasaig^s: agus dhùisg iad e, agus thubhairt iad ris, A mhaighstir, nach 'eil suim àgad gu'n caillear sinn?

39 Agus dh'éirich e, agus chronuich e ghaoth, agus thubhairt e ris an fhairge, Tosd, bi sàmhach. An sin luidh a' ghaoth, agus bha fèath^t mòr ann.

40 Agus thubhairt e riu, C'ar son a ta sibh co eagalach? cionnus nach teil creidimh agaibh?

41 Agus ghabh iad eagal ro mhòr, agus thubhairt iad r'a chéile, Ciad e an duine so, gu bheil a' ghaoth, agus an fhairge fein ùmhail da?

C A I B. V.

1 *Air do Chriosd na deamhain a chur a mach as an duine anns an robh legion diubh,* 13 *chaidh iad a stigh anns na mucaibh.* 25 *Leighis e bhean air an robh dortadh fola,* 35 *agus thog e o na marbhaibh nighean Iairuis.*

AGUS thainig iad gu taobh eile na mara, gu dùthaich nan Gadarach.

2 Agus an uair a chaidh e mach as an luing, air ball thachair air as na h-àitibh-adhlaic, duine anns an robh spiorad neo-ghlan,

3 Aig an robh a chòmhnuidh sna h-àitibh-adhlaic, agus cha b'urrainn neach air bith a cheangal, eadhon le slabhraidljbh:

4 Oir chaidh a cheangal gu tric le geimhlibh agus le slabhraidljbh, agus tharriuing e na slabhraidhean as a chéile, agus mhùn-bhris e na geimhlean: Agus cha b'urrainn duine sam bith a cheannsachadh.

5 Agus bha e ghnàth, a là agus a dh'oidhche, sna beanntaibh, agus sna h-ionadaibh-adhlaic, a' glaoigh, a' gus 'ga ghearradh fein le clachaibh.

6 Ach an uair a chunnaic e Iosa fada uaith, ruith e agus shleuchd e dha,

7 Agus ghlaodh e le guth mòr, agus thubhairt e, Ciad mo ghnothuch-sa riut, Iosa, a Mhic an Dé is ro airde? cuiream ort a h-uchd Dé, gun mo phianadh.

8 (Oir thubhairt e ris, Thig a mach as an duine, a spioraid neo-ghloin)

9 Agus dh'fhiösruich e dheth, Ciad is ainm dhuit? Agus fhreagair esan, ag radh, Legion is ainm dhomh: oir a ta sinn mòran ann.

10 Agus ghuidh e gu ro gheur air, gun e g'an cur a mach as an dùthaich sin.

11 Agus bha treud mòr mhuc an sin, ag ionaltradh am fagus do'n bheinn^u.

12 Agus ghuidh na deamhain uile air, ag radh, Cuir sinne dh'ionnsuidh nam muc, chum as gu'n rachamaid a steach ionnta.

13 Agus air ball thug Iosa cead doibh; agus air dol a mach do na spioradaibh neo-ghlana, chaidh iad a stigh anns na mucaibh, agus ruith an treud sìos gu dian le àite cas do'n fhairge, (bha iad mu thimchioll dà mhile) agus thachdadh iad san fhairge.

14 Agus theich iadsan a bha 'g ionaltradh nam muc, agus dh'innis iad sin, araoen anns a' bhaile, agus anns an tìr. Agus chaidh iad a mach a dh'fhaicinn ciad e an ni ud a thachair.

15 Agus thainig iad chum Iosa, agus chunnaic iad an ti anns an robh an deamhan, agus aig an robh an legion, 'na shuidhe, agus eudach uime, agus a chiall aige; agus ghabh iad eagal.

16 Agus dh'innis iadsan a chunnaic e dhoibh, cionnus a thachair do'n ti anns an robh an deamhan, agus mu thimchioll nam muc.

17 Agus thòisich iad ri guidh air imeachd a mach as an crìochaibh.

18 Agus air dha dol a stigh san luing, ghuidh an ti anns an robh an deamhan air, gu'm feudadh e bhi maille ris.

19 Gidheadh cha dò leig Iosa leis, ach thubhairt e ris, Imich dhachaidh dh'ionnsuidh do mhuinnir, agus innis dhoibh meud nan nithe a rinn an Tighearna dhuit, agus gu'n d'rinn e tròcair ort.

20 Agus dh'imich esan, agus thòisich e ri chur an céill ann an Decapolis meud nan nithe a rinn Iosa dha: agus ghabh iad iongantas uile.

21 Agus air dol do Iosa a ris thairis anns an luing do'n taobh eile, chruinnicheadh sluagh mòr d'a ionnsuidh; agus bha e laimh ris a' mhuir.

22 Agus feuch, thainig aon do uachdaranaibh nan sionagog, d'am b'ainm Iairus, agus an uair a chunn-

aic e esan, leig se e fein sìos aig a chosaibh.

23 Agus ghuidh e gu dùraclachd air, ag' radh, A ta mo nigliean bheag ann an cunnart grad bhàis; thig, *guidheam ort*, agus leag do lamhan oirre chum as gu'n slànuicheadar i, agus mairidh i beo.

24 Agus dh'innich *Iosa* maille ris, agus lean sluagh mòr e, agus dhòmhluich iad e.

25 (Agus bha bean àraighe an sin, air an robh dòrtadh fola rè dhà bhliadhna dheug,

26 Agus dh'fhuilaing i mòran o iomadh léigh, agus chaith i na bha aice, agus cha b'sheirridh i bheag e, ach gu'm bu mheisd;

27 'Nuair a chual i iomradh air *Iosa*, thainig i am measg an t-sluagh o chùlaobh, agus bhean i r'a eudach:

28 Oir thubhairt i, Ma dh'fheudas mi beantuinn ach r'a eudach, slànuicheadar mi.

29 Agus air ball thiormaicheadh tobar a fola: agus dh'aithnich i air a corp fein, gu'n do leighiseadh i o'n phlaigh sin.

30 Agus dh'aithnich *Iosa* air ball ann fein gu'n deachaidh cumhachd a mach as, agus air dha tionndadh sànt-sluagh, thubhairt e, Cò a bhean ri m'eudach?

31 Agus thubhairt a dheisciobuilis, A ta thu faicinn gu 'm bheil an sluagh ga d' dhòmhachadh, agus an abair thu, Cò a bhean rium?

32 Agus dh'amhairc e m'an cuairt g'a faicinns' a rinn so.

33 Ach air do'n mlinaoi bhi fa eag-al agus air chrith, air aithneachadh an ni a rinneadh innte, thainig i, agus leig si i fein sìos 'na làthair, agus dh'innis i 'n fhìrinne uile dha.

34 Agus thubhairt e rithe, A nigh-ean, shlànuich do chreidimh thu; imich an sìth, agus bi slàn o d' phlaigh.

35 Am feadh a bha e fathast a' labhairt, thainig *droing o thigh* uachdarain na sionagoige, ag radh, Fhuair do nighean bàs, c'ar son a chuireadh tu tulidealh dragha air a' mhaighstir?

36 Co luath 's a chual *Iosa* an comhradh so a labhradh, thubhairte e ri

uachdarain na sionagoige, Na biodh eagal ort, a mhàin creid.

37 Agus cha d'fhuilaing e do neach air bith a leantuin, ach Peadar, agus Seumas, agus Eoin bràth-air Sheumais.

38 Agus thainig e gu tigh uachdarain na sionagoige, agus chunnaic e 'n iomairt² agus iadsan a bha gul, agus a' caoineadh gu mòr.

39 Agus air teachd a steach dha, thubhairt e riu, C'ar son a ta sibh ris an iomairt so, agus ri bròn? cha 'n'eil an nìonag marbh, ach 'na codal.

40 Agus rinn iadsan gaire fochaid ris: ach air dhasan an cur uile mach, thug e leis athair agus màthair na h-inghin, agus iadsan a bha maille ris, agus chaidh e steach far an robh an nìonag 'na luidhe.

41 Agus air dha breith air an nìonag air laimh, thubhairt e rithe, Talitha cumi, 's e sin, air eadar-mhìneachadh, A chailin, (a deirim riut) éirich.

42 Agus air ball dh'éirich an nìonag, agus dh'innich i; oir bha i dà bhliadhna dheug a dh'aois: agus ghabh iad iongantas anabarrach.

43 Agus thug e ordugh teann doibh, nach faigheadh duin' air bith fios air so; agus dh'aithn e càileigin a thoirt di r'a itheadh.

C A I B. VI.

1 Rinneadh tàir air Crinsd le m'innitir a dhùcha. 7 Tha e tabhairt do'n da fhear dheug cumhachd os cionn spiorada neo-ghlana. 14 Iomadh barail mu Chriosd. 18 Chuireadh an ceann do Eoin Baiste, &c.

A GUS chaidh e mach as sin, agus thainig e d'a dhùthaich fein, agus lean a dheisciobuil e.

2 Agus an uair a thainig an t-sàbaid, thòisich e air teagasc anns an t-sionagog: agus air do mhòran a chluinntinn, ghabh iad iongantas, ag radh, Cia uaith a ta na nithe aig an fhear so? Agus ciod e an gliccas so thugadh dha, gu bheil a leithid so do fheartaibh air an deanamh le lamh-aibili-san?

3 Nach e so an saor, mac Mhuire, bràthair Sheumais agus Ioseis, agus

² am buaireas.

Iudais, agus Shimoin? Agus nach 'eil a pheathraiche an so 'nar fochar? Agus fhuair iad oilbheum ann b.

4 Ach thubhairt Iosa riu, Cha 'n'eil fàidh gun urram, ach 'na dhùthach fein, agus am measg a chairdean, agus 'na thigh fein.

5 Agus cha robh e 'n comas da mìorbuil air bith a dheanamh an sin, saor o gu 'n do chuir e a làmhan air beagan do mhuinnit a bha tinn, agus gu'n do leighis e *iad*.

6 Agus bha iongantas air air son am mi-chreidimh. Agus chaidh e timchioll nam bailte, a' teagasg.

7 Agus ghairm e chuige an dà fhearr dheug, agus thòisich e air an cur a mach dithis agus dithis, agus thug e dhoibh cumhachd air spiorad-aibh neo-ghlana;

8 Agus dh'aithn e dhoibh gun ni air bith thoirt leo air son na slighe, ach lorg a mhàin; gun mhàla, gun aran, gun airgiod 'nan sporan:

9 Ach bonn-bhròga^c bhi air an cosaibh, agus gun dà chòta bhi umpa.

10 Agus thubhairt e riu, Ge b'e ionad air bith anns an dtheid sibh a steach do thigh, an sin fanaibh gus am falbh sibh as an àite sin.

11 Agus cò air bith iad nach gabh ribh, agus nach éisd ribh, air dhuibhimeachd as an àite sin, crathaibh an duslach a bhitheas f'ar cosaibh, mar fhianuis 'nan aghaidh. Gu deimhlin a deirim ribh, Gur so-ionchair'd a bhitheas e do Shodom agus do Ghruorra aim an là a' bhreitheanais, na do'n bhaile sin.

12 Agus chaidh iad a mach, agus shearmonaich iad gu'n deanadh *daoine* aithreachas.

13 Agus thiùg iad a mach mòran dheamhan, agus dh'ung iad le h-ola mòran a bha tinn, agus leighis siad iad.

14 Agus chual Herod an righ uime, (oir chaidh ainm am follus) agus thubhairt e, A ta Eoin Bhaiste air eirigh o na marbhaibh, agus uime sin a ta feartan air an oibreachadh leis.

15 Thubhairt cuid eile, Gur e Elias a t'ann. Agus thubhairt cuid eile,

Gur fàidh a t'ann, no mar aon do na fàidhibh.

16 Ach an uair a chual Herod so, thubhairt e, 'S e Eoin d'aa do chuir mise an ceann, a th'ann; dh'éirich e o na marbhaibh.

17 Oir chuir Herod fein a mach agus ghlac e Eoin, agus cheangail e ann am priosun e, air son Herodiais bean phòsda Philip, a bhràthar fein, do bhrigh gu'n do phòs e i.

18 Oir thubhairt Eoin ri Herod, Cha 'n'eil e ceaduicte dhuit bean do bhràthar a bhi agad.

19 Uime sin bha diom^e mòr aig Herodias ris, agus bu mhiann leatha a clur gu bàs, acli cha b'urrainn i.

20 Oir bha eagal Eoin air Herod, air dha fios a bhi aige gu'm bu duine ceart agus naomh e, agus thug e fa'n-ear^f e, agus air dha a chluinntinn, rinn e mòran do nithibh *air a chomh-airle*. agus dh'éisd e ris gu toileach.

21 Agus air teachd do là iom-chuidh, rinn Herod, air comh-ainm an là an d'rughadh e, suipeir d'a uaislibh, agus d'a ard cheannardaibh, agus do mhaithibh Ghalile:

22 Agus an uair a chaidh nighean Herodiais so steàch, agus a rinn i, dannsa thaïtinn i ri Herod agus riussan a shuidh maille ris, agus thubhairt an righ ris a' chailin, Iarr ornsa ge b'e ni is àill leat, agus bheir mi dhuit e.

23 Agus thug e mionnan di, Ge b'e ni dh'iarras tu orm, bheir mi dhuit e, gu leth mo rioghachd.

24 Agus an uair a chaidh i mach thubhairt i'r a màthair, Ciad a dh'iarras mi? Agus thubhairt ise, Ceann Eoin Bhaiste.

25 Agus chaidh i air ball le cabh-aig a steach a dh'ionnsuidh an righ, agus dh'iarr i, ag radh, Is àill leam gu'n d'thugadh tu dhomh gun dàil ceann Eoin Bhaiste air mèis.

26 Agus bha 'n righ ro dhoilich; *gidheadh* air son a mhionnan, agus an dream a bha 'nan suidhe maille ris, cha robh toil aige a diultadh.

27 Agus air ball chuir an righ a mach fear-millidh, agus dh'aithn e a

^b ghabh iad oilbheum ris.

^c cuarain.

^d so-fhulaing.

^e dionb.

^f choimhid se.

cheann a thoirt a steach : agus dh'imir esan agus thug e 'n ceann deth anns a' phriosun,

28 Agus thug e cheann leis air mëis, agus thug e do'n chaiking e : agus thug an cailin d'a màthair e.

29 Agus an uair a chual a dheisciobuil *sìn*, thainig iad agus thog iad a chorp, agus chuir iad ann an uaigh e.

30 Agus chruinnicheadh na h-Abstóil chum Iosa, agus dh'innis iad da na h-uile nithe, araon gach ni a rinn iad, agus gach ni a theagaisg iad.

31 Agus thubhairt e riu, Thigibhs' air leth do àit uaigneach, agus gabh-aibh fois car tamuill blig : Oir bha mòran a' teachd agus a' dol, agus cha robh àine aca uiread as biadh itheadh.

32 Agus chaidh iad gu àite fàsail ann an luing air leth.

33 Agus chunnaic an sluagh iadsan a' falbh, agus dh'aithnich mòran e, agus ruith iad d'an cois as na bailtibh uile an sin, agus bha iad rompa, agus chruinnicheadh iad d'a ionnsuidh.

34 Agus an uair a chaidh Iosa mach, chunnaic e sluagh mòr, agus ghabh e truas mòr dhiubh, a chionn gu'n robh iad mar chaoráich gun bhluachaille aca : agus thòisich e air mòran do nithibh a theagast dhoibh.

35 Agus an uair a bha nis mòran do'n là air dol seachadh, thainig a dheisciobuil d'a ionnsuidh, ag radh, Ata'n t-àite so fàs, agus a ta nis mòran do'n là *air dol thairis*;

36 Leig air falbh iad, chum gu dtheid iad do'n tir m' an cuairt, agus do na bailtibh, agus gu ceannaich iad biadh dhoibh fein : oir cha'n eil ni air bith aca r'a itheadh.

37 Ach fhreagair esan, agus thubhairt e riu, Thugaibhse dhoibh r'a itheadh, Agus thubhairt iadsan ris, An dtheid sinn agus an ceannaich sinn luach dhà cheud peghinn a dh'aran, chum gu d'thugamaid dhoibh ni r'a itheadh ?

38 Ach thubhairt esan riu, Cia lion builinni a ta agaibh ? rachaibh agus faicibh. Agus air faotainn fios doibh, thubhairt iad, Cùig, agus dà iasg.

39 Agus dh'aithn e dhoibh a thoirt orra uile suidhe sìos 'nan cuideachd-aibh air an fheur uaine.

40 Agus shuidh iad sìos 'nam buidh-nibh fa leth, 'nan ceudaibh, agus 'nan leth-cheudaibh.

41 Agus air dha na cùig builinn-ean agus an dà iasg a ghabhail, agus amharc suas gu néamh, bheannuich, agus bhris e na builinnean, agus thug e d'a dheisciobluibh *iad*, chum gu'n cuireadh iad rompa iad ; agus roinn e 'n dà iasg orra uile.

42 Agus dh'ith iad uile, agus shàs-uideadh iad.

43 Agus thog iad dà chliabh dheug làn do'n bhiadh bhriste, agus do na h-iasgaibh.

44 Agus b'iad an dream a dh'ith do na builinnibh cùig mile fear.

45 Agus air ball choimh-éignich e a dheisciobuil gu dol anns an luing, agus dol roimhe dh'ionnsuidh na tacibh thall gu Betsaida, gus an cuireath e an sluagh air falbh.

46 Agus an uair a chuir e air falbh iad, chaidh e gu beinn a dheanamh ùrnuaigh.

47 Agus an uair a bha 'n t-anmocn ann, bha 'n long am meadhon na mara, agus esan 'na aonar air tìr.

48 Agus chunnaic e iadsan air am pianadh ag iomramh ; oir bha ghaoth 'nan aghaidh : agus thainig e d'an ionnsuidh mu thimchioll na ceathramh faire do'n oidhche, agimeachd air a' mhuij, agus b'aill leis dol seachad orra.

49 Ach an uair a chunnaic iadsan e 'gimeachd air a' mhuij, shaoil iad gu'm bu tannasg a bh'ann ; agus ghlaodh iad.

50 (Oir chunnaic iad uile e, agus bha iad fa bhuaireas) Agus air ball labhair e riu, agus thubhairt e riu, Biadh misneach mhaith agaibh, is mise ta ann, na biadh eagal oirbh.

51 Agus chaidh e suas d'an ionnsuidh do'n luing, agus luidh a' ghaoth : agus bha uamhas mòr thar tomhas orra, agus ghabh iad iongantas.

52 Oir cha dthug iad fa'near mòrbhail nam builinn ; oir bha 'n cridhe air a chruadhachadh.

53 Agus an uair a chaidh iad thairis, thainig iad gu talamh Ghenesaret, agus tharruing iad gu tìr.

54 Agus an uair a thainig iad a mach as an luing, air ball dh'aithnich iad e,

55 Agus ruith iad air feadh na tire sin uile m'an cuairt, agus thòisich iad air an droing a bha tinn a ghiùlan m'an cuairt air leapaichibh, ge b'e àit an cual iad esan a bhi.

56 Agus ge b'e air bith bailte, no cathraiche, no dùthaich an deachaidh e steach, chuir iad na daoine tinn air na sràidibh, agus ghuidh iad air gu'm feudadh iad beantuinn a mhàin ri iomall 'eudaich: agus a mheud 's a bhean ris, leighiseadh iad.

C A I B. VII.

1 *A ta na Phairisich a' faghail croin do na deisciobluibh, air son gu'n robh iad ag itheadh le làmharbh neo-ionnlaidte : 6 A ta Criosd air an làimh eile a' faghail croin doibhsan air son gu'n robh iad a' briseadh àitheanta Dhé le teagast, agus gnàthuchadh dhaoine, &c.*

A GUS chruinnicheadh na Phairisich d'a ionnsuidh, agus dream àraidih do na scriobhuichibh a thainig o Ierusalem.

2 Agus an uair a chunnaic iad cuid d'a dheisciobluibh ag itheadh arain le làmhaibh salacha (sin r'a radh neo-ionnlaidte,) fhuair iad cron *doibh*.

3 Oir cha 'n ith na Phairisich, agus na h-Iudhaich uile, biadh, mur ionnlaid iad an làmha gu minic, a' coimhead beul-aithris nan seanair.

4 Agus *air dhoibh teachd o'n mhàradh, mur tum^l siad iad, cha 'n ith iad.* Agus a ta mòran do nithibh eile a ghabh iad orra a choimhead, *mar a ta nigheadh chupan, agus photo, agus shoithiche umha^m, agus leapaicheanⁿ.*

5 An sin dh'fheòraich na Phairisich agus na scriobhuichean dheth, C'ar son nach 'eil do dheisciobuil agimeachd a réir beul-aithris nan seanair, ach a ta iad ag itheadh arain le làmhaibh neo-ionnlaidte ?

6 Ach fhreagair esan agus thubhairt e riu, Is maith a rinn Esaias

fàidheadaireachd mu'r timchiolls', a chealgairean, a réir mar a ta e scriobhta, A ta am pobull so toirt onoir dhomhsa le 'm bilibh, ach a ta an cridhe fada uam.

7 Ach is ann gu diomhanach a ta iad a' toirt aoraidh dhomhsa, a' teagast, àitheanta dhaoine mar theagast.

8 Oir air dhuibh àithne Dhé a thréigsinn, a ta sibh a' cumail orduchaidh dhaoine, *mdr a ta nigheadh photo agus chupan :* agus mòran eile d'an leithidibh sin a ta sibh a' deanamh.

9 Agus thubhairt e riu, Is maith a ta sibh a' cur air cùl àithne Dhé, chum gu'n coimhid sibh bhur orduchadh fein.

10 Oir thubhairt Maois, Thoir onoir do t'athair, agus do d' mhàthair: agus, Ge b'e neach a mhallaicheas athair no màthair, cuirear gu cinnteach gu bàs e.

11 Ach their sibhse, Ma their neach r'a athair, no r'a mhàthair, Biadh e 'na Chorban, sin r'a radh, 'na thiodhlacadh *do'n teampull*, ge b'e ni leis am faigheadh tu tairbhe uamsa;

12 Nach leig sibh dha as sin suas ni sam bith a dhéanamh air son 'athar, no a mhàthar;

13 A' cur focail Dé an neo-brigh le bhur beul-aithris fein, a dh'aithris sibh: agus mòran d'an leithidibh sin do nithibh a ta sibh a' deanamh.

14 Agus air gairm an t-sluaigne uile d'a ionnsuidh, thubhairt e riu, Eisdibh riums' uile, agus tuigibh.

15 Cha 'n'eil ni sam bith o'n taobh a muigh do'n duine, a theid a steach ann, d'am bheil e 'n comes a shalach-adh; ach na nithe ta teachd a mach as, is iad sin a ta salachadh an duine.

16 Ge b'e aig am bheil cluasa chum éisdeachd, éisdeadh e.

17 Agus an uair a chaidh e steach do'n tigh o'n t-sluagh, chuir a dheisciobuil ceisid air mu thimchioll a' chosamhlachd.

18 Agus thubhairt e riu, Am bheil sibhse mar so fathast gun tuigse? Nach 'eil fhios agaibh, ge b'e ni air bith a theid a steach san duine o'n

¹ ionnlaid. ^m prais.

ⁿ àiteacha-suidhe.

leth a muigh, nach 'eil e n comes da
esan a shalachadh ?

19 Do bhrigh nach dtheid e steach
d'a chridhe, ach do'n bhroinn, is
theid e mach do'n t-slochd shalchair,
a'glanadh gach uile bhìdh.

20 Agus thubhairt e, Is e an ni a
thig a mach as an duine, a shaluich-
eas an duine.

21 Oir is ann o'n taobh a stigh, a
crídhe dhaoine, a thig a mach droch
smuaintean, adhaltrannas, striopachas,
mortadh,

22 Goid, sannt, aingidheachd,
mealltaireachd, macnus^o, droch shùil,
toibheum, uabhar, amaideachd :

23 A ta na h-uile so uile a' teachd
a mach o'n taobh a stigh, agus a' sal-
achadh an duine.

24 Agus air dha éirigh as sin,
chaidh e gu críochaibh Thiruis agus
Shidoine: agus an uair a chaidh e steach
do thigh, cha b'aill leis fios a bhi aig
neach sam bith *air*; gidheadh cha'n
sfeudadh e bhi'm folach.

25 Oir chuala bean uiime, aig an
robh nighean bheag, anns an robh
spiorad neo-ghlan, agus thanig i a
agus thuit i aig a chosaibh :

26 (Agus bu Ghreugach a' bhean,
Ban-shiropheniseach a thaobh cinn-
ich) agus ghuidh i air gu'n tilgeadh
e an deamhan a mach as a h-ing-
ghin.

27 Ach thubhairt Iosa rithe, Fu-
laing do'n chloinn air tùs a bhi air
an sàsúchadh : oir cha 'n'eil e iom-
chuidh aran na cloinne a ghabhail,
agus a thilgeadh chum nan con.

28 Agus fhreagair ise agus thub-
hairt i ris, Is fior sin, a Thighearn :
gidheadh ithidh na coin fuidh 'n
bhord do sbruileach na cloinne.

29 Agus thubhairt esan rithe, Air
son na cainnte so fein, imich romhad,
a ta an deamhan air dol a mach a d'
nighinn.

30 Agus an uair a bha ise air
teachd a dh'ionnsuidh a tighe, fhuair
i an deamhan air dol a mach, agus a
h-inghean air a cur 'na luidhe air an
leabaidh.

31 Agus a rìs air dha imeachd o
críochaibh Thiruis agus Shidoine,

tainig e gu muir Ghalile, troimh
mheadhon chròich Dhècapolis.

32 Agus thug iad d'a ionnsuidh
duine bothar, aig an robh stadaich
'na chainnt: agus ghuidh iad air gu'n
cuireadh e a làmh air.

33 Agus thug e a leth o'n t-sluagh
e, agus chuir e a mheoir 'na chluas-
aibh, agus shil e^P, agus bhean e r'a
theangaidh.

34 Agus air dha amharc suas gu
nèamh, rinn e osna, agus thubhairt e
ris, Ephphata, 'se sin r'a radh, Bi fos-
gairte.

35 Agus air ball dh'fhosgladh a
chluasan, agus dh'fhuasgladh ceang-
al a theanga, agus labhair e gu
ceart.

36 Agus dh'aithn e dhoibh gun iad
a dh'innseadh sin do neach air bith :
ach mar is mò a thoirmisg esan doibh,
bu mhòid gu ro mhòr a chuir iadsan
an gniomh os aird ;

37 Agus bha iad gu ro mhòr air
an lionadh le h-ióngantas, ag radh,
Rinn e na h-uile nithe gu maith : tha
faraon a' tabhairt air na bothair gu'n
cluinn iad, agus air na baileibh gu'n
labhair iad.

C A I B. VIII.

1 A ta Criosd a' biadhadh a' phobuill
gu miòrbhuileach; 11 a' diultadh
comhar' thabhairt do na Phairisich;
14 ag iarraidh air a dheisciobtuibh
bhi air am faicill an aghaidh taois
ghoirt nam Phairiseach, agus He-
roid; 22 a' tabhairt a radhairc do
dhuine dall, &c.

A NNS na laithibh sin air do
shluagh ro mhòr a bhi ann, a-
gus gun ni air bith aca r'a iteadh,
ghairm Iosa a dheisciobuil d'a ionn-
suidh, agus thubhairt e riù,

2 A ta truas mòr agam do'n t-sluagh,
do bhrigh gu'n d'fhan iad a nis tri
laithean maille rium, agus nach 'eil
ni air bith aca r'a iteadh;

3 Agus ma leigeas mi d'an tighibh
fein 'nan trosg^r iad, fannuichidh iad
air an t-slighe: oir thanig cuid aca
am fad.

4 Agus fhreagair a dheisciobuill e,
Cia as a dh'fheudas neach iad so a

shàstuchadh le h-aran an so san fhàsach?

5 Agus dh'fhirosaich e dhiubh, Cia lòn builinn a ta agaibh? Agus thubhairt iadsan, Seachd.

6 Agus thug e ordugh do'n t-sluagh suidhe sìos air an làr: agus ghlaic e na seachd builinnean, agus air tabhairt buidheachais, bhris e, agus thug e *iad* d'a dheisciobluibh, chum gu'n cuireadh iad 'nan làthair *iad*: agus chuir iad sìos an làthair an t-sluaigh *iad*.

7 Agus bha aca beagan a dh'iасibh beaga: agus bheanuich e *iad*, agus dh'áithn e 'n cur sìos 'nan làthair mar an ceudna.

8 Agus dh'ith iad, agus shàsuich-eadh iad: agus thog iad *làn* sheachd bascaid do'n bhiadh bhriste, a bha dh'fhuighleach aca.

9 Agus bha iadsan a dh'ith mu thimchioll cheithir mìle; agus leig e air falbh iad.

10 Agus air ball chaidh e steach an luing maille r'a dheisciobluibh, agus thainig e gu crìochaibh Dhalmanuta.

11 Agus thainig na Phairisich a mach; agus thòisich iad ri ceisdean a chur air, ag iarruidh comharaidh uath o nèamh, 'ga dhearbhadh.

12 Agus air deanamh osna dhasan 'na spioraid, thubhairt e, C'ar son a ta an ginealach so ag iarruidh comharaidh? gu deimhin a deirim ribh nach dthoirear comhara do'n ghinealach so.

13 Agus dh'fhàg e iad, agus air dha dol a steach do'n luing a rìs, chaidh e do'n taobh eile.

14 Agus dhi-chuimhnich *na deisciobuil* aran a thoirt leo; agus cha robh aca ach aon bhuilinn^t maille riu san luing.

15 Agus dh'áithn e dhoibh, ag radh, Thugaibh an aire, bithibh air bhur faicill an aghaidh taois ghoirt nam Phairiseach, agus taois ghoirt Heroid.

16 Agus bha iadsan a' reusonachadh 'nam measg féin, ag radh, *Is ann* air son nach 'eil aran againn a ta e.

17 Agus air aithneachadh *sin* do Iosa, thubhairt e riu, C'ar son a ta sibh a reusonachadh do bhrigh nach

'eil aran agaibh? Nach 'eil fhirosaich a' tuigsinn? am bheil bhur cridhe fathast air a chruadhlachadh?

18 Air dhuibh sùilean a bhi agaibh, nach faic sibh? agus air dhuibh cluasan a bhi agaibh, nach cluinn sibh? agus nach 'eil sibh a' cuimhneachadh?

19 An uair à bhris mi na cùig builinnean am measg nan cùig mìle, cia lion cliabh làn do bhiadh briste a thog sibh? Thubhairt iadsan ris, A dhà dheug.

20 Agus an uair a bhris mi na seachd am measg nan ceithir mìle, cia lion bascaid làn do bhiadh briste a thog sibh? Agus thubhairt iadsan, Seachd.

21 Agus thubhairt e riu, Cionnus nach 'eil sibh a' tuigsinn?

22 Agus thainig e gu Betsaida, agus thug iad d'a ionnsuidh duine dall, agus ghuidh iad air gu'm beanadh e ris.

23 Agus rug e air laimh an doill agus threàruich e mach as a' bhaile e; agus a'ir dha a shileadh a chur air a shùilibh, agus a làmhan a chur air, dh'fheòruich e dheth an robh e faicinn ni air bith.

24 Agus dh'amhairc esan suas, agus thubhairt e, A ta mi faicinn dhaoine mar chraobhan agimeachd.

25 'Na dhéigh sin, chuir e a làmhan a rìs air a shùilibh, agus thug e air amharc suas: agus dh'aisigeadh a radhar dha, agus chunnaic e gach uile dhuine gu soilleir.

26 Agus chuir e dh'ionnsuidh a thighe féin e, ag radh, Na rach a steach do'n bhaile, agus na h-innis do neach air bith anns a' bhaile e.

27 Agus chaidh Iosa agus a deisciobuil a mach gu baitibh Chesarea Philipi: agus air an t-slighe chuir e ceisd air a dheisciobluibh, ag radh riu, Cò a tha daoine ag radh is mise?

28 Agus fhreagair iadsan, Eoin Baiste; agus cuid eile, Elias; agus cuid eile, Aon do na fàidhibh.

29 Agus thubhairt esan riu, Ach cò a tha sibhse ag radh is mi? Fhreagair Peadar agus thubhairt e ris, Is tu Criod.

30 Agus thug e sparradh dhoibh gun iad a dh'innseadh so uime do neach sam bith.

31 Agus thòisich e r'an teagast, gur éigin do Mhac an duine mòran do nithibh f'hlang, agus a bhi air a dhiultadh leis na seanairibh, agus na h-ard-shagartaibh agus na scriobh-uichibh, agus a bhi air a chur gu bàs, agus éirigh a rìs an déigh thri-làithean,

32 Agus labhair e a' chainnt so os aird. Agus rug Peadar air, agus thòisich e r'a chronuchadh.

33 Ach air dhasan tionndadh m'an cuairt, agus amharc air a dheicioblùibh, chronuich e Peadar, ag radh, Imich air mo chùlaobh, a Shatain : oir cha 'n'eil spéis agad do nithibh Dhé^u, ach do nithibh dhaoine.

34 Agus air gairm an t-sluaigh, agus a dheisciobuil d'a ionnsuidh, thubhairt e riu, Ge b'e neach leis an àill-teachd a'm' dhéighse, àicheadh-adh se e fein, agus togadh e a chrann-cèusaidh, agus leanadh e mise.

35 Oir ge b'e neach leis an àill an-am fein a choimhead, caillidh se e ; ach ge b'e neach a chailleas anam air mo shonsa, agus *air son* an t-soisgeil, coimhididh esan e.

36 Oir ciod e an tairbhe do dhuine, gedo chosnadhbh e an saoghal gu h-iomlan, agus anam a chall ?

37 No ciod a bheir duine an éiric anama ?

38 Oir ge b'e neach a ghabhas näire dhiomsa, agus do m' fhoclaidh, anns a' ghinealach adhaltrannach agus olc-sa, dheth-san gabhuidh Mac an duine näire, 'nuair a thig e an glòir Athar, maille ris na h-ainglibh naomha.

C A I B. IX.

2 *A ta cruth Iosa air atharrachadh :*

11 *A ta e a' teagast a dheisciobuil mu thimchioll teachd Elias ; 14 a' tilgeadh a mach an spioraid bhaileibh agus bhothair ; 50 a' roimh-innseadh a bhàis, agus aiseirigh ; &c.*

A GUS thubhairt e riu, Gu deimh-in a deirim ribh, gu'm bheil cuid dhiubhsan a ta 'nan seasamh an

so, nach blaís bàs, gus am faic iad rioghachd Dhé a' teachd le cumhachd.

2 Agus an céann shea làithean, thug Iosa Peadar, agus Seumas, agus Eoin leis, agus threòruich e iad leo féin air leth gu beinn aird : agus dh'atharruicheadh a chruth 'nam fianuis.

3 Agus rinneadh eudach dealrach, ro gheal mar an *sneachda* ; air mhodh nach robh e 'n comas do ghlanadair-eudaich sam bith air talamh a ghealachadh.

4 Agus dh'fhoillsicheadh dhoibh Elias maille re Maois : agus bha iad a' còmhradh ri h-Iosa.

5 Agus fhreagair Peadar, agus thubhairt e re h-Iosa, A mhaighstir, is maith dhuinne bhi 'n so : air an aobhar sin deanamaid tri bothain ; aon duitse, agus aon do Mhaois, agus aon do Elias.

6 Oir cha robh fhios aige ciod a theireadh e : oir bha iad fuidh eagal ro mhòr.

7 Agus thainig neul a chuir sgàile orra, agus thainig guth as an neul, ag radh, Is e so mo Mhac gràdhachsa, éisidh ris.

8 Agus air ball an uair a dh'amh-airc iad mu'n timchioll, cha 'n fhac iad neach air bith as sin suas, ach Iosa 'na aonar maille riu.

9 Agus ag teachd dhoibh a nuas o'n bheinn, dh'aithn e dhoibh gun na nithe a chunnaic iad innseadh do neach sam'bith, gus an Éireadh Mac an duine a rìs o na marbhaibh.

10 Agus ghleidh iad a' chainnt so aca fein, a' fiosrachadh d'a chéile ciod bu chiall do'n aiserigh o na marbh-aibh.

11 Agus dh'fheòraich iad deth, ag radh, C'ar son a deir na scriobh-uichean gur éigin Elias a theachd air tùs ?

12 Agus fhreagair esan agus thubhairt e riu, Thig Elias gu deimh-in air tùs, agus aisigidh e na h-uile nithe, agus mar a ta e scriobhta mu Mhac an duine, gu'm bheil e gu mòran do nithibh f'hlang, agus a bhi air a chur an dìmeas.

13 Ach a deirim ribh, gu bheil E-

^u *cha 'n'eil d'aire air nithibh Dhé.*

lias d'a rìreadh air teachd, agus riinn iad ris gach ni a thogair iad, a réir mar a ta e scriobhta uime.

14 Agus air dha teachd chum a dheisciobuil, chunnaic e sluagh mòr m'an timchioll, agus na scriobhuich-ean a' deasboireachd riu.

15 Agus air ball bha 'n sluagh uile, 'nuair a chunnaic iad e, fa uamhas mòr, agus air dhoibh ruith d'a ionnsuidh, chuir iad fàilt' air.

16. Agus dh'fhiorsuich e do na scriobhuichibh, Ciod e mu 'm bheil sibh a' deasboireachd riu ?

17 Agus air freagairt do neach do'n t-sluagh, thubhairt e, A mhaighstir, thug mi mo mhac a' t' ionnsuidh, anns am bheil spiorad balbh :

18 Agus ge b'e ionad sam bith an glac se e, a ta e 'ga tharruing as a chéile; agus a ta e cur cobhair as a bheul, agus a' giogsarnuich le fhiacalaibh, agus a ta e a' scargadh as : agus thubhairt mi re d' dheisciobluibh, iad g'a chur a mach, agus cha b' urradh iad.

19 Ach fhreagair esan, agus thubhairt e ris, O chinnich gun chreidimh, cia fhad a dh'fhuilgeas mi sibh ? thug-aibh e m' ionnsuidh.

20 Agus thug iad d'a ionnsuidh e : agus an uair a chunnaic se e, reub an spiorad air ball e, agus thuit e air an talamh, agus bha e 'ga aoirneagan a fein, agus a' cur cobhair as a bheul.

21 Agus dh'fhiorsuich e d'a athair, Cia fhad an aimsir o thainig so air ? agus thubhairt e, O bha e 'na leanabh.

22 Agus gu minic thilg e san teine e, agus anns an uisge, chum gu milleadh se e : ach ma ta thusa comasach air ni sam bith a dheanamh, gabh truas dinn, agus cuidich leinn.

23 Ach thubhairt Iosa ris, Ma's urrainn thusa creidsinn, a ta gach aon ni comasach do'n neach a chreideas.

24 Agus ghlaodh athair an leinibh a mach air ball, agus thubhairt e le deurailbh, A ta mi creidsinn, a Thighearn ; cuidich thusa le m' mlii-chreidimh.

25 Agus an uair a chunnaic Iosa an sluagh a' ruith cuideachd, chron-

uich e an spiorad neo-ghlan, ag radh ris, A spioraid bhaileibh agus bhothair, a ta mi 'g orduchadh dhuit, Thig a mach as, agus na rach h a steach ann ni s' mò.

26 Agus ghlaodh an spiorad, agus reub e gu ro chràiteach e, agus chaidh e mach as: agus bha e 'n riochd mairbh, ionnus gu'n dubhaint mòran, Tha e marbh.

27 Ach air do Iosa a ghlacadh air làimh, thog e suas e, agus dh'éirich e.

28 Agus an uair a chaidh e steach do'n tigh, dh'fhiorsuich a dheisciobuil deth os iosal, C'ar son nach b' urradh sinne a thilgeadh mach ?

29 Agus thubhairt esan riu. Cha'n 'eil e comasach gu'n d'theid a' ghnè so mach le ni air bith, ach le h-ùrnuiugh agus trosgadh.

30 Agus dh'imich iad as sin, agus chaidh iad tre Ghalile ; agus cha b'aill leis fhiors so bhi aig aon neach.

31 Oir theagaig e a dheisciobuil fein, agus thubhairt e riu, A ta Mac an duine air a thabhairt thairis do làmhaibh dhaoine, agus cuiridh iad gu bàs e, agus an déigh a chur gu bàs, éiridh e rìs an treas là.

32 Ach cha do thuig iad a' chainnt so, agus bha eagal orra fheòraich dhet.

33 Agus thainig e gu Capernaum, agus air bhi san tigh dha, dh'fhiorsuich e dhiubh, Ciod e mu 'n robh sibh a' deasboireachd eadruibh fein, air an t-slighe ?

34 Ach dh'fhan iadsan 'nan tosd : oir air an t-slighe bha iad a' reusonachadh eatorra fein, eo aca bu mhò a bhiodh.

35 Agus air suidhe dha, ghairm e 'n dà fhéar dheug d'a ionnsuidh, agus thubhairt e riu, Ge b'e neach leis am miann a bhi air thoiseach, bithidh esan air dheireadh air chàch uile, agus 'na sheirbhiseach do na h-uile.

36 Agus ghabh e leanabh, agus chuir e 'nam meadhon e: agus an uair a thog e suas 'na uchd e, thubhairt e riu,

37 Ge b'e neach a ghabhas ri h-aon d'an leithidibh so do leanabaibh a'm ainmse, a ta se a' gabhail riomsa: agus

ge b'e neach a ghabhas riumsa, cha mhise ris am bheil e a' gabhail, ach an Ti a chuir uaith mi.

58 Agus fhreagair Eoin e, ag radh, A mhaighstir, chunnaic sinne neach nach 'eil 'gar leanmhuinn, a' tilgeadh a mach dheimhan a'd ainmse; agus bhac' sinn e, chionn nach 'eil e 'gar leantuinn fén.

59 Ach thuibhارت Iosa, Na bacaibh e; oir cha 'n'eil neach sam bith a ni mòrbhui a'm' ainmse, d'am bheil e'n comas olc a labhairt gu h-ealamh umam.

40 Oir ge b'e neach nach 'eil 'nar d n-aghaidh, a ta e leibh.

41 Oir ge b'e neach a bheir cupan uisge dhuibhse r'a òl a'm' ainmse, chionn gur le Criosd sibh, gu deimhin a deirim ribh, nach caill e a dhuais.

42 Agus ge b'e bheir aobhar oilbheim dh'aon neach do na h-aonaibh beaga so, a ta creidsinn annamsa, b'fhearr dha gu'm biodh clach-mhuillin air a crochadh m'a mhuineal, agus gu 'm biodh e air a thilgeadh san fhairge.

43 Agus ma bheir do làmh aobhar oilbheim dhuit, gearr dhiot i: is fearr dhuit dol do'n bheatha air leth làimh, na dà làimh a bhi agad, agus dol gu h-ifrin, do'n teine nach mùchar a choidhich;

44 Far nach bàsaich an cnuimh, agus nach d'théid an teine as.

45 Agus ma bheir do chos aobhar oilbheim dhuit, gearr dhioti: is fearr dhuit dol a steach do'n bheatha air leth chois, na dà chois a bhi agad, agus a bli air do thilgeadh ann an ifrin, do'n teine nach mùchar a choidhich;

46 Far nach bàsaich an cnuimh, agus nach d'théid an teine as.

47 Agus ma bheir do shùil aobhar oilbheim dhuit, spòn asad i: is fearr dhuit dol a steach do rioghachd Dhé air aon sùil, na dà shùil a bhi agad, agus a bhi air do thilgeadh ann an teine ifrin:

48 Far nach bàsaich an cnuimh, agus nach d'théid an teine as.

49 Oir saillear gach aon neach le

teine, agus saillear gach aon iobairt le salann.

50 Is maith an salann: ach ma chailleas an salann a shailteachd, ciod e leis an dean sibh deadh-bhlasda e? Biodh agaibh salann annaibh fein, agus bithibh siocail r'a chíle.

C A I B. X.

2 A ta Criosd a' deasboircachd ris na Phairisich mu thimchioll dealachaidh fir agus mnà pòsda: 15 a' beannachadh cloinne a thugadh d'a ionnsuidh:

17 ag innseadh do dhuine saibhir cionnus a dh'fheudas e a' bheatha shuthain a shealbhachadh, &c.

A GUS air éirigh dha as sin, thainig e gu crìochuibh Iudea tre'n dùthaich a ta air an taobh thall do Iordan: agus thainig slòigh d'a ionnsuidh a rìs; agus mar bu ghnàth leis, theagaing e iad a rìs.

2 Agus air teachd do na Phairisich d'a ionnsuidh, dh'fhiorsuich iad deth, Am bheil e ceaduichte do dhuine a bhean a chur air falbh? 'ga dhearbhadh.

3 Ach fhreagair esan agus thubh-airt e riu, Ciod a dh'aithn Maois dhuibh?

4 Agus thubhارت iadsan, Thug Maois cead duinn litir-dhealaich a scriobhadh, agus a cur air falbh.

5 Agus fhreagair Iosa agus thubh-airt e riu, Air son cruais bhur cridhe, scriobh e'n àithne so dhuibh.

6 Gidheadh o thoiseach na cruth-eachd, rian Dia iad fear agus bean.

7 Air an aobhar so fàguidh duine athair agus a mhàthair, agus dlùleanaidh e'r a mhlnaoi phòsda;

8 Agus bithidh iad araon 'nan aon fheoil: ionnus nach dithis iad o sin suas, ach aon fheoil.

9 Air an aobhar sin an ni a chuir Dia cuideachd, na cuireadh duine o chéile.

10 Agus anns an tigh dh'fheòraich a dheisciobuil deth a rìs mu thimchioll an ni cheudna.

11 Agus thubhارت e riu, Ge b'e neach a chuireas air falbh a bhean fein, agus a phòsas bean eile, a ta e a' deanamh adhaltrannais 'na h-aghaidh:

12 Agus ma chuireas bean air falbh a fear fein, agus ma bhitheas i air a pòsadh ri fear eile, a ta i a' deanamh adhaltrannais.

13 Agus thug iad leanabana d'a ionnsuidh, chum as gu'm beanadh e riu; agus chronuich a dheisciobuil a' mhuinnitir a thug leo iad.

14 Ach an uair a chunnaic Iosa sin, bha e ro dhiombach, agus thubhairt e riu, Leigibh do na leanabanuibh teachd a m' ionnsuidh, agus na bacuibh iad: oir is ann d'an leithidibh a ta rioghachd Dhé.

15 Gu deimhin a deirim ribh, Ge b'e neach nach gabh rioghachd Dhé mar leanabh beag, nach d'théid e gu bràth a steach innse.

16 Agus ghlac e'na uchd iad, agus chuir e a lamhan orra, agus bheannuich e iad.

17 Agus an uair a chaidh e mach air an t-slighe, thainig neach 'na ruith, agus leig se e fein air a ghlùinibh dha, agus dh'fheòraich e dheth, A mhaighstir mhaith, ciod a ni mi chum gu sealbhaich mi a' bheatha mhaireannach?

18 Agus thubhairt Iosa ris, C'ar son a ghoireas^e tu maith dhiomsa? cha 'n'eil neach sam bith maith, ach a h-aon, *is e sin Dia*.

19 Is aithne dhuit na h-àitheanta, Na dean adhaltrannas, Na dean mortadh, Na goid, Na toir fianuis bhréige, Na dean eucoir^f, Thoir onoir do t'athair, agus do d' mhàthair.

20 Ach fhreagair esan agus thubhairt e ris, A mhaighstir, choimhid mi iad so uile o m'òige.

21 Agus air amharc do Iosa air, ghràdhaich se e, agus thubhairt e ris, A ta aon ni dh'uireasbhuidh ort: imich, reic na bheil agad, agus tabhair do na bochdaibh, agus bithidh agad ionmhas air nèamh; agus thig, tog an crann-cèusaидh, agus lean mise.

22 Agus bha doilghios air-san air son nam briathra sin, agus dh'fhalbh e gu turiseach; oir bha mòran saibhris aige.

23 Agus air amharc do Iosa m'an cuairt, thubhairt c'r'a dheisciobluibh,

Cia deacair^g do'n mhuinnitir sin aig am bheil mòr shaibhreas dol a steach do rioghachd Dhé!

24 Agus bha mòr uamhas air na deisciobluibh air son a bhriathra. Ach fhreagair Iosa a rìs, agus thubhairt e riu, A chlann, cia deacair dhoibh-san a chuireas an dòigh ann an saibhreas, dol a steach do rioghachd Dhé!

25 Is usadh do chàmhail dol trechrò na snàthaise, na do dhuine saibhir dol a steach do rioghachd Dhé.

26 Ach bha uamhas orrasan thar tomhas, ag radh eatorra fein, Cò ma seadh a dh'fheudas a bhi air a shaoradh?

27 Agus air do Iosa amharc orra, thubhairt e, Do dhaoinibh a ta so eucomasach, ach cha 'n'eil e do Dhia: oir do Dhia a ta na h-uile nithe comasach.

28 Agus thòisich Peadar air a radh ris, Feuch, thréig sinne na h-uile nithe, agus lean sinn thusa.

29 Ach fhreagair Iosa, agus thubhairt e, Gu deimhin a deirim ribh, nach 'eil neach sam bith a dh'fhàtigh, no bràithre, no peathraiche, no athair, no màthair, no bean-phèrsda, no clann, no fearann, air mo shonsa agus air son an t-soisgeil.

30 Nach faigh a cheud uiread san aimsir so féin, tighean, agus bràithrean, agus peathraichean, agus màthraichean, agus clann, agus fearann, maille ri geur-leanmuinn; agus anns an t-saoghal a ta ri teachd, a' bheatha mhaireannach.

31 Ach a ta mòran air thùs, a bhitheas air dheireadh; agus air dheireadh, a bhitheas air thùs.

32 Agus bha iad air an t-slighe a' dol suas gu Hierusalem: agus bha Iosa ag imeachd rompa; agus ghabh uamhas iad, agus ag dhoibh esan a leantuinn, bha eagal orra. Agus thug e an dà fhearr dheug air leth a'ris, agus thòisich e air na nithe a bha gu tachairt dà innseadh dhoibh,

33 Ag radh, Feuch, a ta sinn a' dol suas gu Hierusalem, agus bithidh Mac an duine air a thoirt thairis do na h-ard shagartaibh^h, agus do na scriobhuichibh: agus dìtidh iad chum

^c ghairmeas

^f mealltaireac'h.

^g doilich.

^h priomh shagartaibh.

bàis e, agus bheir iad thairis e do na Cinnich;

54 Agus ni iad fanoid air, agus sgiùrsaidh iad e, agus tilgidh iad smugaid air, agus cuiridh iad gu bàs e : agus air an treas la éiridh e rìs.

55 Agus thainig d'a ionnsuidh Seumas agus Eoin, mic Shehede, ag ràdh, A mhaighstir, is àill leinn gu'n dean thu dhuinne ge b'e ni a dh'iatras sinn.

56 Agus thubhairt esan riu, Ciod is àill libh mise a dheanamh dhuibh ?

57 Agus thubhairt iadsan ris, Deòn- uich dhuinne gu'n suidheamaid, a h-aon air do laimh dheis, agus am fear eile air do laimh chli ann do ghòlair.

58 Ach thubhairt Iosa riu, Cha'n aithne dhuibh ciod a ta sibh ag iarruidh : am bheil sibh comasach air a' chupan òl a dh'òlas mise ? agus a bli air bhur baisteadh leis a' bhaisteadh leis am baistear mise ?

59 Thubhairt iadsan ris, A ta sinn comasach. Ach thubhairt Iosa riu, Oluidh sibhse gu deimhin an cupan a dh'òlas mise ; agus baistear sibh leis a' bhaisteadh leis am baistear mise :

60 Ach suidhe air mo laimh dheis, agus air mo làimh chli, cha leamsa sin r'a thabhairt, ach dhoibhsan d'an d'ulluicheadh e.

61 Agus air cluinntinn so do'n deichnear, thòisich iad air mòr chorruich a ghabhail re Seumas agus Eoin.

62 Ach air do Iosa an gairm d'a ionnsuidh, thubhairt e riu, A ta fhios agaibh gu bheil aca-san a ta air am meas mar uachdarain air na Cinnich, àrd thighearnas orra ; agus gu bheil aig an daoinibh mòra làn ùghdarris orra.

63 Ach cha bhi e mar sin 'nar measg-sa : ach ge b'e neach le'n àill a bhi mòr 'nar measg, bithidh e 'na òglach aguibh :

64 Agus ge b'e neach agaibh le'n àill toiseach a bhi aige, bithidh e 'na sheirbhiseach do na h-uile.

65 Oir cha d'thainig eadhon Mac an duine chum gu'n deantadh frith-ealadh dtia, ach a dheanamh fritheal-

aidh, agus a thoirt anama fein mar éiric air son mhòrain.

66 Agus thainig iad gu Iericho : agus airimeachd dhasan agus d'a dheisciobluibh, agus do shluagh mòr, a mach a Iericho, bha Bartimeus an dall, mac Thimeuis, 'na shuidhe ri taobh na slighe, ag iarraidh déirce.

67 Agus air cluinntinn da gu'm b'e Iosa o Nasaret a bh'ann, thòisich e ri glaochdaich, agus a ràdh, Iosa, Mhic Dhaibhidh, dean tròcair orm.

68 Agus chronuich mòran e, chrum's gu'm biodh e 'na thosd : ach bu ro mhòid a ghlaodh esan, A Mhic Dhaibhidh, dean tròcair orm.

69 Agus sheas Iosa, agus dh'áithn e esan a ghairm d'a ionnsuidh : agus ghairm iad an dall, ag ràdh ris, Biodh misneach agad, éirich, tha e ga d'ghairm.

70 Agus air dhasan fhalluing i a thilgeadh uaith, dh'éirich e, agus thainig e gu h-Iosa.

71 Agus fhreagair Iosa, agus thubhairt e ris, Ciod is àill leat mise a dheanamh dhuit ? Thubhairt an dall ris, A Thighearn, mi dh'fhaotainn mo radhairc.

72 Agus thubhairt Iosa ris, Imich ; shlànúich do chreidimh thu. Agus air ball fhuair e a radharc, agus lean e Iosa san t-slighe.

C A I B. XI.

1. *Ata Iosa marcachd gu buadhach do Hierusalem; 12 a' mällachadh na craoibh air an robh duilleach gun mheas; 15 a' glanadh an teampuill; 20 ag earalachadh a dheisciobul chum iad a bhi seas-mhach sa' chreidimh, &c.*

A GUS an uair a thainig iad am fagus do Hierusalem, gu Betphage, agus Betani, aig sliabh nan crann-ola, chuir e uaith dithis d'a dheisciobluibh.

2 Agus thubhairt e riu, Rachaibh do'n bhaile ud thall fa'r comhair ; agus air ball an uair a théid sibh a steach ann, gheibh sibh searrach ceangailte, air nach do shuidh aon duine riamh ; fuasglaibh e, agus thugaibh leibh e.

5 Agus ma their neach air bith ribh, C'ar son a ta sibh a' deanamh so ? abraibh, Gu'm bheil feum aig an Tighearn air ; agus air ball cuiridh e'n so e.

4 Agus dh'imich iad, agus fhuair iad an searrach ceangailt a muigh aig an dorus, aig coinneachadh dà shlighe; agus dh'fhuasgail iad e.

5 Agus thubhairt cuid dhiubh-san, a bha 'nan seasamh an sin, riu, C'ar son a ta sibh a' fuasgladh an t-searrach?

6 Agus thubhairt iadsan riu mar a dh'áithn Iosa dhoibh : agus leig iad uatha iad.

7 Agus thug iad an searrach chum Iosa, agus chuir iad am falluingean air ; agus shuidh ésan air.

8 Agus sgaoil mòran am falluingean féin air an t-slighe : agus ghearr cuid eile geugan do na craobhaibh, agus sgaoil iad air an t-slighe iad.

9 Agus ghlaodh iadsan a bha 'g imeachd roimhe, agus iadsan a bha 'ga leantuinn, ag radh, Hosana, is beannuichte an ti a ta teachd ann an ainm an Tighearna.

10 Is beannuichte rioghachd ar n-Athar Daibhidh, a ta teachd [ann an ainm an Tighearna]; Hosana anns na h-àrdalibh.

11 Agus chaidh Iosa a steach do Hierusalem, agus do'n teampull ; agus an uair a dh'amhairc e air gach ni m'an cuairt, agus a bha 'm feasgar a nis air teachd, chaith e mach gu Betani maille ris an dà fhear dheug.

12 Agus air an là màireach, 'nuair a chaith iad a mach a Betani, 'dhfhàs e oerach.

13 Agus air faicinn craobh-fhìge fada uaith, air an robh duilleach, thainig e, dh'fheuchainn am faigh-eadh e ni sam bith oirre : agus air dha teachd d'a h-ionnsuidh, cha d'fhuair e ni sam bith ach duilleach ; oir cha robh àm tionail nam fìge fathast ann.

14 Agus fhreagair Iosa agus thubhairt e rithe, Nar itheadh neach sam bith toradh dhiotsa o so suas a choidhch. Agus chual a dheisciobuil e.

15 Agus thainig iad gu Hierusalem : agus air do Iosa dol a steach do'n teampull, thòisich e air an dream a bha reiceadh agus a' ceannach san teampull a chur a mach, agus thilg e thairis bùird luchd malairt an airgid, agus caithriche na muinntir a bha reiceadh choluman :

16 Agus cha'n fhuilgeadh e gu 'n ionchaireadh neach sam bith soith-each troimh b an teampull.

17 Agus theagaing e, ag radh riu, Nach 'eil e scriobhta, Goirear tigh ùrnuigh do m' thighse do^m na h-uile chinneachaibh ? Ach rinn sibhse 'na gharaidh luchd-reubainn e.

18 Agus chuala na scriobhuicéan agus na h-àrd shagairtⁿ so, agus dh'iarr iad cionnus a dh'fheudadh iad esan a mhilleadh : oir bha eagal-san orra, do bhrigh gu'n robh an sluagh uile fa iongantas mòr r'a theagasc.

19 Agus an uair a bha 'm feasgar air teachd, chaith e mach as a' chathair^o.

20 Agus air mhaduinn, ag gabhail seachad dhoibh, chunnaic iad an crann-fìge air crònadh o flireumh-aibh.

21 Agus air cuimhneachadh do Pheadar, thubhairt e ris, A mhaighstir, feuch, a ta chràobh-fhìge, a mhallaich thu, air crònadh.

22 Agus fhreagair Iosa, agus thubhairt e riu, Biadh creidimh Dhé agaibh.

23 Oir gu deimhin' a deirim ribh, ge b'e neach a their ris a' bheinn so, Togar thu, agus tilgear san fhairge thu, agus nach bi fa amharus 'na chridhe, ach a chreideas gu'n tachair na nithe a their e, thig gach ni a their e gu crich dha.

24 Air an aoibhar sin a deirim ribh, Ge b'e nithe air bith a dh'iarras sibh ann an ùrnuigh, creidibh gu'm faigh sibh, agus gheibh sibh.

25 Agus an uair a sheasas sibh a' dheanamh ùrnuigh, maithibh, ma ta ni air bith agaibh an aghaidh aon duine, chum gu maith bhur n-Athair a ta air nèamh bhur peacaidh féin duibhse.

26 Ach mur maith sibhse, cha mhò

a mhaiteas bhur n-Athair a ta air
nèamh bhur peacaidh fén duibhse.

27 Agus thainig iad a rìs gu Hie-
rusalem : agus air bhi dhasan a'
spaisdeireachd P anns an teampull,
thainig d'a ionnsuidh na h-àrd shag-
airt agus na scriobhuichean, agus na
seanairean.

28 Agus a deir iad ris, Cioc e an
t-ùghdarras le'm bheil thu a' deanamh
nan nithe so ? Agus cò thug dhuit
an t-ùghdarras so chum na nithe
dheanamh ?

29 Agus fhreagair Iosa agus a
thubhairt e riu, Feòraichidh mise mar
an ceudna aon ni dhibhse, agus freag-
raibh mi, agus innsidh mise dhuibhse
cioc e an t-ùghdarras le'n deanam na
nithe.

30 An ann o neamh, no o dhaoin-
ibh a thainig baisteadh Eoin ? freag-
raibh mi.

31 Agus bha iad a' reusonachadh
eatorra fein, ag radh, Ma their sin, O
nèamh, their esan ruin, C'ar son
ma seadh nach do chreid sibh e ?

32 Ach ma their sin, O dhaoinibh ;
bha eagal an t-sluaign orra, oir b'e
meas gach uile air Eoin gu'm b'fhaidh
e gu firinneach.

33 Agus air freagairt dhoibh, thubh-
airt iad re h-Iosa, Cha'n-eil fhios
aguinn. Agus fhreagair Iosa agus
thubhairt e riu, Cha mhò'a dh'innseas
mise dhuibhse cioc e an t-ùgdarras
le'n deanam na nithe.

C A I B. XII.

1 Ann an cosamhlachd an fhòn-lios a
shuidhicheadh air tuath mhi-thaing-
eil, a ta Criod ag innseadh roimh-
laimh diultadh nan Iudhach, agus
gairm nan Cinneach. 15 Tha e
seachnadh an ribe a'chuir na Phair-
isich, agus na Herodianach roimhe,
mu thimchioll iocadh cise do Cheas-
ar : 18 a' nochladh mearachd nan
Sadusach mu thimchioll aiseirigh
nam marbh, &c.

A G U S thoisich e air labhairt
A riu ann an cosamhlachdaibh.
Shuidhich duine àraidh fion-lios,
agus chuir e gàradh m'an cuairt air,
agus chladhaich e ionad bruthaidh

nam fion-dhearc, agus thog e tùr,
agus shuidhich e air tuath e, agus
ghabh e thurus as a dhùthraig.

2 Agus san àm dhiligheach chuir e
seirbhiseach chum na tuatha, chum's
gu'm faigheadh e do thoradh an
fhòn-lios o'n tuath.

3 Ach air dhoibh-san esan a ghla-
adh, bhuail iad e, agus chuir iad
uatha falamh e.

4 Agus a rìs chuir e seirbhiseach
eile d'an ionnsuidh ; agus chlach iad
e, agus reub iad a cheann, agus chuir
iad uatha e le h-eas-urram.

5 Agus a rìs chuir e neach eile d'an
ionnsuidh ; agus esan mharbh iad :
agus mòran eile, a' bualaigh cuid
diubh, agus a' marbhadh cuid eile.

6 Fathast uime sin air dha aon
Mhac a bhi aige, a b' ionmhuinn leis,
chuir e esan mar an ceudna fa dheoidh
d'an ionnsuidh, ag radh, Bheir iad
urram do m' Mhac.

7 Ach thubhairt an tuath sin 'nam
measg fein, Is e so an t-oighre ; thig-
ibh, marbhamaid e, agus bithidh an
oighreachd aguinn fén.

8 Agus rug iad air, agus mharbh
iad e, agus thilg iad a mach as an
fhòn-lios e.

9 Cioc e uime sin a ni Tighearn
an fhòn-lios ? Thig e agus sgriosuidh
e'n tuath sin, agus bheir e'm fion-
lios do dhaoinibh eile.

10 Nach do leugh sibh an scriob-
tuir so ? A' chlach a dhiult na clach-
airean, rinneadh ceann na h-oisinn
dith.

11 Rinneadh so leis an Tighearn,
agus is iongantach e 'nar sùilibhne.

12 Agus dh'iarr iad breith air, ach
bha eagal an t-sluaign orra ; oir thuig
iad gu'm b'ann 'nan aghaidh fén a
labhair e an cosamhlachd : agus air
fhàgail doibh, dh'imich iad rompa.

13 Agus chuir iad d'a ionnsuidh
dream àraidh do na Phairisich, agus
do luchd leanmhuinn Heriod, chum's
gu'n glacadh iad e 'na chainnt.

14 Agus air dhoibh-san teachd,
thubhairt iad ris, A mhaighstir, a ta
fhios aguinn gu bheil thusa firinne-
each, agus nach 'eil suim agad do
neach air bith : oir cha'n-eil thu ag

amharc air gnùis dhaoine, ach a' teag-
asg slighe Dhé ann am firinn. Am
bheil e ceaduicte cùs a thoirt do
Cheasar, no nach 'eil? an tabhair,
no nach tabhair sinn i?

15 Ach air dhasan an cealg a thuig-
sinn, thubhairt e riu, C'ar son a ta
sibh ga 'm bhuaireadh? thugaibh
peghinn a m' ionnsuidh, chum's gu'm
faiceam i.

16 Agus thug iad *d'a ionnsuidh i*,
agus thubhirt e riu, Cò d'an iomhaigh
so, agus *cò d' am buin* an scriobhadh
so? Agus thubhairt iadsan ris, Do
Cheasar.

17 Agus fhreagair Iosa, agus
thubhairt e riu, Thugaibh do Cheasar
na nithe a's le Ceasar, agus do Dha
na nithe a's le Dia. Agus ghabh iad
iongantas ris.

18 An sin thainig na Sadusaich
d'a ionnsuidh, a deir nach 'eil aise-
uirigh ann; agus dh'fheòraich iad
deth, ag radh,

19 A mhaighstir, scriobh Maois
duinne, Nam faigheadh bràthair
duine air bith bàs, agus gu 'm fàgadh
e bean, agus nach fàgadh e clann, gu'n
gabhadh a bhràthair a bhean *d'a ionn-
suidh*, agus gu 'n togadhl e slioichd
d'a bhràthair.

20 A nis bha seachdnar bhraith-
rean ann: agus ghabh an ceud fhear
dhiubh bean, agus an uair a dh'eug
e, cha d'fhág e slioichd.

21 Agus ghabh an dara fear i, agus
fhuair esan bàs, agus cha mhò a
dh'fhág esan slioichd: agus an treas
fear mar an ceudna.

22 Agus ghabh an t-seachdnar i,
agus cha d'fhág iad slioichd: 'nan
déigh uile, chaochail a' bhean mar an
ceudna.

23 Anns an aiseirigh uime sin, an
uair a dh'éireas iad, cò dhiubh d'am
bean i? oir blà i aig an t-seachdnar
'na mnaoi.

24 Agus fhreagair Iosa agus
thubhairt e riu, Nach 'eil sibh uime
sin ann am mearachd, do bhrigh nach
'eil eòlas agaibh air na scriobtuiribh,
no air cumhachd Dhé?

25 Oir an uair a dh'éireas iad o na
marbhaibh, ni 'm pòs iad, ni mò a
bheirear am pòsadh iad: ach a ta iad
inár na h-aingil a ta air nèamh.

26 Ach mu thimchioll nam marbh,
gu'n éirich iad, nach do leugh sibh
ann an leabhar Mhaois, cionnus a
labhair Dia ris anns a' phreas, ag radh,
Is mise Dia Abrahaim, agus Dia
Isaac, agus Dia Iacoib?

27 Cha 'n e Dia nam marbh e,
ach Dia nam beo: tha sibhse uime sin
ann am mearachd mòr.

28 Agus thainig neach do na
scriobhuichibh, agus an uair a chual
e iadsan a' deasboireachd r'a chéile,
agus a thuig e gu'n do fhreagair e
gu maith iad, chuir e ceist air, C'i a'
cheud àithne do na h-àitheantaibh
uile?

29 Agus fhreagair Iosa e, 'S i so
a' cheud àithne do na h-àitheantaibh
uile, Eisd, O Israel, an Tighearna ar
Dia-ne, is aon Tighearn e;

30 Agus gràdhaichidh tu an Tighe-
earn do Dha le d'uile chridhe, agus
le d'uile anam, agus le d'uil' inntinn,
agus le d'uile neart: 's i so a' cheud
àithne,

31 Agus is cosmhul an dara *dith-
ne* rithe so, Gràdhaichidh tu do
choimhearsnach mar thu féin: cha
'n'eil àithne eile ann a's mò na iad so.

32 Agus thubhairt an scriobhuiche
ris, Is maith, gu firinneach, a Mhaigh-
stir, a thubhairt thu: oir a ta aon Dia
ann, agus cha 'n'eil atharrach ann
ach e féin.

33 Agus esan a ghràdhachadh leis
an uile chridhe, agus leis an uile
thuigse, agus leis an uile anam, agus
leis an uile neart, agus neach a ghràdh-
achadh a choimhearsnaich mar e féin,
is mò sin na na h-uile làn iobairte-
loisgte, agus thabhartasa.

34 Agus air faicinn do Iosa gu 'n
do fhreagair e gu tuigseach, thub-
hairt e ris, Cha 'n'eil thu fada o riogh-
achd Dhé. Agus cha robh a mhisi-
nich aig neach air bith o sin suas
ceist a chur air.

35 Agus fhreagair Iosa agus
thubhairt e, a' teagasg anns an team-
pull, Cionnus a tha na scriobhuichean
ag radh gur e Criod Mac Dhaibhidh?

36 Oir thubhairt Daibhidh féin
tre 'n Spiorad naomh, Thubhairt an
Tighearn ri m' Thighearn-sa, Suidh
air mo làimh dheis, gus an cuir mi do
naimhde 'nan stòl fa d' chosaibh,

57 Air an aobhar sin a ta Daibhidh
féin a' gairm a Thighearna dheth ;
cionnus ma seadh is e mhac e? Agus
dh'éisd am mòr shluagh ris gu tait-
neach.

58 Agus thubhairt e riu 'na theag-
asg, Bithibh air bhur faicill o na
scriobhuichibh, leis an ionmuinn
imeachd ann an culaidhibh fada, agus
fàilte *faotaínn* air na margainbh,

59 Agus na ceud chaithriche auns na
sionagogaibh, agus na ceud àiteacha-
suidhe aig na féisdibh :

40 A dh'itheas suas tighean bhan-
trach, agus air sgàth deadh chioslais a
ni ùrnughean fada : gheibh iad sin
an dìteadh s a's mò.

41 Agus air do Iosa suidhe fa
chomhair àite-coimhidh an ionmhais,
thug e fa'near cionnus a bha 'm pob-
ull a' cur an airgid anns an ionmhas :
agus chuir mòran do dhaoinibh saibre
mòran ann.

42 Agus air teachd do bhantraich
bhochd, thilg i dà bhonn bheaga ann,
a ni feoirlin.

45 Agus air dha a dheisciobuil a
ghairm d'a ionnsuidh, thubharit e riu,
Gu deimhin a deirim ribh, gu'n do
chuir a' bhantrach bhochd so tuilleadh
san ionmhas, na iadsan uile a thilg
ann.

44 Oir thilg iadsan uile ann d'am
mòr phailteas ; ach thilg ise as a
gainne na bha aice uile, eadhon a
beathachadh gu h-iomlan.

C A I B. XIII.

1 A ta Criod ag innseadh roimh-laimh
sgrios an teampuill : 9 Geur-lean-
muinn air son an t-soisgeil, 10
agus gur eigin an soisgeul a bhi air a
shearmonachadh do gach uile chinn-
each : 14 Gu'n d'thig àmhghara
mòra air na h-Iudhachaibh : 24
*Dòigh a thearhd-san chum breithean-
ais, &c.*

A GUS an uair a bha e dol a mach
as an teampull, thubhairt neach
d'a dheisciobluibh ris, A Mhaighstir,
feuch ciod e a' ghnè chlach so, agus
ciod e a' ghnè aitreibh so.

2 Agus fhreagair Iosa agus thub-
hairt e ris, Am faic thu 'n aitreabh

mòr so ? cha'n fhàgar clach air
muin cloiche, nach sgarar o chéile.

3 Agus air suidhe dha air sliabh
nan crann-ola, fa chomhair an teamp-
uill, dh'fheòraich Peadar, agus Seumas,
agus Eoin, agus Aindreas os iosal
deth,

4 Innis duinne c'uin a bhitheas na
nithe sin, agus ciod e 'n comhara
'nuair a bhitheas na nithe sin gu léir
air an coimhlionadh.

5 Agus fhreagair Iosa iad, agus
thòisich e air a radh, Thugaibh an
aire nach meall aon neach sibh.

6 Oir thig mòran ann am ainmse,
ag radh, Is mis e : agus meallaidh iad
mòran.

7 Agus an uair a chluinneas sibh
coganna, agus tuairisgeul ^t choganna,
na biodh buaireas oirbh : oir is eigin
iad so a theachd ; ach cha 'n'eil an
deireadh ann fathast.

8 Oir éiridh cinneach an aghaidh
cinnich, agus rioghachd an aghaidh
rioghachd : agus bhithidh critheanna
tèlmhainn ann an iomadh àit, agus
bhithidh gorta agus trioblaidean ann :
's iad sin toiseach dhòruinnean ^u.

9 Ach thugaibh an aire dhuibh
féin : oir bheir iad thairis sibh do
chomhairlibh : agus anns na sionag-
ogaibh sgiùrsar sibh, agus cuirear
sibh an làthair uachdarana agus righ-
rean air mo shonsa, mar fhianuis
dhobhsan ^a.

10 Agus is éigin air tùs an soisgeul
a bhi air a shearmonachadh do na
h-uile chinneachaibh.

11 Ach an uair a bheir iad leo sibh,
'gar tabhairt thairis, na biodh e na
ro-chùram oirbh ciod e a labhras sibh,
agus na smuainichibh roimh-laimh
air : ach ge b'e ni a bheirear dhuibh
san uair sin féin, abraibh e : oir cha
sibhse ta labhairt, ach an Spiorad
naomh.

12 Agus bheir am bràthair a
bhràthair thairis chum bàis, agus an
t-athair a mhac : agus éiridh a' chlann
suas an aghaidh am párranta, agus
bheir iad fa'near an cur gu bàs.

15 Agus bithidh sibh air bhur
fuathachadh leis na h-uile dhaoinibh
air sgàth m'ainmese : ach an ti a

^s peanas, damnadh. ^t iomraighean.

^u àmhghara. ^a 'nan aghaidhsan.

bhuanaicheas chum na crìche, 's e so a shaorar.

14 Ach an uair a chi sibh gràinealachd an léir-sgrios, air an do labhair Daniel am fáidh, 'n a seasamh anns an ionad nach bu choir dh'i (tuigeadh an ti a leughas) an sin teicheadh iadsan, a ta ann an tìr Iudea, chum nam beanann :

15 Agus na d'thigeadh esan a ta air mullach an tighe, a nuas do'n tigh, agus na rachadh e steach, a thoirt ni air bith as a thigh.

16 Agus an ti 'ta sa' mhachair, na pilleadh e air ais a thogail fhalluinge leis.

17 Ach mo thruaigh iad na mnài sin a ta torrach, agus iadsan a ta toirt cìche sna làithibh sin !

18 Agus guidhibhse gun bhur teicheadh a bhi sa' gheamhradh.

19 Oir bithidh àmhghar anns na làithibh sin, amhuiil nach robh a leithid ann o thoiseach na cruitheachd a chruthaich Dia, gus a nis, agus nach mò a bhitheas.

20 Agus mur giorraicheadh an Tighearn na làithean ud, cha rachadh feoil air bith as : ach air son an t-sluaign thaghta, a thagh e féin, ghorraich e na làithean ud.

21 Agus an sin ma their neach air bith ribh, Feuch, a ta Criod an so, no, Feuch, a ta e 'n sin, na creidibh e.

22 Oir éirdh Criodan bréige, agus fàidhean bréige, agus ni iad comharan, agus miòrbhulean, chum, nam bu chomasach e, na daoine taghta fein a mhealladh.

23 Ach thugaibhs' an aire : feuch, roimh-innis mi dhuibh na h-uile nithe.

24 Ach anns na làithibh sin, an déigh an àmhghair ud, bithidh a' ghrian air a dorchachadh, agus cha toir a' ghealach a solus uaipéb :

25 Agus tuitidh reulta nèimhe, agus bithidh na cumhachdan a ta sna nèamhaibh air an crathadh.

26 Agus an sin chi iad Mac an duine a' teachd anns na neulaibh, maille ri mòr chumhachd, agus glòir.

27 Agus an sin cuiridh e aingil a mach, agus cruinnichidh e r'a chéile a dhaoine taghta féin o na ceithir

gaothaibh, o leth-iomall na talmhainn gu leth iomall nèimhe.

28 A nis fòghlumaibh cosamhlachd o 'n chraoibh-fhìge : an uair a bhith-eas a geug a nis maoth, agus a chuireas i mach a duilleach, a ta fhios agaibh gu bheil an samhradh am fagus :

29 Agus mar an ceudna sibhse, an uair a chi sibh na nithe tachairt, biodh fhios agaibh gu bheil e 'm fagus, eadhon aig na dorsaibh.

30 Gu deimhin a deirim ribh, nach dttheid an linn^c so thairis, gus an coimhlionar na nithe uile.

31 Theid nèamh agus talamh seach: ach cha dttheid m' fhocailse seach a choidhch.

32 Ach cha 'n'eil fios an là no na h-uaire sin aig neach air bith, cha 'n'eil aig na h-ainglibh a ta air nèamh, no aig a' Mhac, ach aig an Athair.

33 Thugaibh fa'near, deanaibh faire agus ùrnúigh: oir cha 'n'eil fhios agaibh c'uin a thig an t'àm.

34 Oir a ta Mac an duine mar dhuine a chaidh air thurus, agus a dh'fhàg a thigh fein, agus a thug d'a sheirbhisich cumhachd, agus obair féin do gach neach, agus a thug àithne do'n dorsair faire a dheanamh.

35 Uime sin deanaibhse faire, (oir cha 'n'eil fhios agaibh c'uin a thig maighstir an tighe; an ann air feasgar, no air mheadhon-oidhche, no aig gairm-choileach, no anns a' mhaduinn)

36 An t-eagal air teachd dha gu h-obann, gu 'm faigh e sibh 'nar codal.

37 Agus na nithe a deirim ribhse, a deirim ris na h-uile dhaoinibh, Deanaibh faire.

C A I B. XIV.

- 1 Comhairle an aghaidh Chriosd. 5 Dhòirteadh ola phriseil air a cheann.
- 10 Reic Iudas a Mhaighstir air son airgid. 12 Tha Criod fein ag innseadh roimh-laimh cionnus a bha e gu bhi air a bhrath le h-aon d'a dheisciobluibh. 22 Dh'òruïich e a Shuipeir, &c.

A GUS bha a' chàisg, agus féisd an arain neo-ghoirtichte an

déigh dà latha : agus dh'íarr na h-àrd shagairt agus na scriobhuichean, cionnus a ghlacadh iad esan le feill, agus a chuireadh iad gu bàs e.

2 Ach thubhairt iad, Cha 'n ann air an fhéisd, air eagal gu'n éirich buaireas am measg an t-sluaign.

3 Agus air bhi dha ann am Betani, ann an tigh Shimoin an lobhair, an uair a bha e 'na shuidhe air bòrd, thainig bean, aig an robh bocsa alabastair dg ola spicnaird, ro luach-mhoir ; agus bhris i 'm bocsa, agus dhòirt i air a cheann e.

4 Agus bha cuid diuhb diombach anna fèrn, agus ag radh, C'ar son a rinneadh an t-ana-caitheadh so air an ola ?

5 Oir dh'fheudadh i bhi air a reiceadh air son tuilleadh 's tri cheud peghinn, agus air a toirt do na bechd-aibh. Agus rinn iad gearan 'na h-aghaidh.

6 Ach thubhairt Iosa, Leigibh leatha ; c'ar son a ta sibh cur dragha oirre ? rinn i obair mhaith ormsa.

7 Oir a ta na bochdan a ghnàth maille ribh, agus ge b'e uair is àill libh, feudaidh sibh maith a dheanamh dhoibh : ach cha 'n-eil mise a ghnàth agaibh.

8 Rinn i na dh'fheudadh i : thainig i roimh-laimh a dh'ùngadh mo chuirp chum adhlaic.

9 Gu deimhin a deirim ribh, Ge b'e ball air bith air feadh an domhain uile am bi an soisgeul so air a shearmonachadh, bithidh mar an ceudna an ni so a rinn i air innseadh, mar chuimhne oirre,

10 Agus dh'imich Iudas Iscariot, aon do'n dà fhear dheug, chum nan àrd shagart, gu esan a bhrath dhoibh.

11 Agus air dhoibhsan so a chluinntinn, bha iad aoibhreach, agus gheall iad airgiad a thoirt da. Agus dh'íarr e cionnus a dh'fheudadh e gu h-iom-chuidh esan a bhrath.

12 Agus air a' cheud là do fhéisd an arain neo-ghoirtichte, an uair bu ghnàth leo an t-uan càisge a mharbh-adh, a deir a dheisciobuil ris, C'àit an toil leat sinne dhol a dh'ulluchadh, chum's gu'n itheadh tu chàisg ?

13 Agus chuir e dithis d'a dheisciobluibh, agus a deir è riu, Rachaibh a steach do'n bhaile, agus coinnichidh duine sibh a' giulan soithich uisge : leanaibh e.

14 Agus ge b'e àit an dtheid e stigh, abraibhse ri fear-an-tighe, A deir am Mhaighstir, C'àit am bheil an seomar aoidheachd, anns an ith mi a' chàisg maille re m' dheisciobluibh ?

15 Agus nochdaidh esan dhuibh seomar àrd, farsaing, 'na làn uidheam agus deasuchte : an sin ulluichibh dhuinn.

16 Agus chaidh a dheisciobuil a mach, agus thainig iad do'n bhaile, agus fhuair iad mar thubhairt e riu : agus dh'ulluich iad a' chàisg.

17 Agus air teachd do'n fheasgar, thainig esan maille ris an dà fhear dheug.

18 Agus an uair a bha iad 'nan suidhe, agus ag itheadh, thubhairt Iosa, Gu deimhin a deirim ribh, gu'm brath aon agaibhse, a ta 'g itheadh maille riump, mise.

19 Agus thòisich iad air a bhi dubhach, agus a radh ris an déigh a chèile, Am mise e ? agus fear eile, Am mise e ?

20 Agus air freagairt dhasan thubhairt e riu, Is fear do'n dà fhear dhéug e, a ta tumadh maraon riumsa sa' mhèis.

21 A ta Mac an duine gu deimhin ag imeachd, mar a ta e scriobhata uime, ach is an-aoibhinn do'n fhear sin le m' brathar Mac an duine : bu mhaith do'n duine sin mur beirte riamh e.

22 Agus ag itheadh dhoibh, ghlac Iosa aran, agus an déigh a bheannachadh, bhris e, agus thug e dhoibhsan e, agus thubhairt e, Gabhaibh, ithibh : is e so mo chorp-sa.

23 Agus air glacadh a' chupain, agus air breith buidheachais, thug e dhoibhsan e : agus dh'òl iad uile as.

24 Agus thubhairt e riu, Is i so m'fhuilse na Tiomna'-nuaidh, a dhòirtear air son mhòrann.

25 Gu deimhin a deirim ribh, Nach òl mi nì's mò do thoradhi na fionain d' gus an là sin an òl mi nuadh e ann an rioghachd Dhé.

26 Agus air dhoibh laoidh a sheinn,

chaidh iad a mach gu sliabh nan crann-ola.

27 Agus thubhairt Iosa riu, Gheibh sibh uile oilbheum annams' an nochd : oir a ta e scriobhta, Buailidh mi am buachaille, agus sgapar na caoraich.

28 Ach an déigh dhomh éirigh, théid mi roimhibh do Ghalile.

29 Ach thubhairt Peadar ris, Ge do gheibh iadsan uile oilbheum annad, gidheadh cha 'n fhaigh mise e.

30 Agus thubhairt Iosa ris, Gu deimhin a deirim riut, an diugh, air an oidhche so féin, mu'n goir an coileach dà uair, gu'n àicheadh thusa mi tri uairean.

31 Ach is ro mhòid a thubhairt esan, Ge do's éigin domh am bàs fhulang maille riut, cha'n àicheadh mi choidhch thu. Agus mar sin thubhairt càch uile mar an ceudna.

32 Agus thainig iad gu ionad d'am b'ainm Getsemane ; agus thubhairt e'r a dheisciobluibh, Suidhibhs' an so, gus an dean mise ùrnuigh.

33 Agus thug e leis Peadar, agus Seumas, agus Eoin, agus thòisich e air a bhi fuidh uamh-chlirith, agus fuidh anabarra bròin.

34 Agus thubhairte riu, Tha m'an-am ro blàrònach, eadhon gu bàs : faintibhs' an so, agus deanaibh faire.

35 Agus air dol beagan air aghaidh dha, thuit e air an talainh, agus rinn e ùrnuigh, nam bu chomasach e, gu'n rachadh an uair thairis air.

36 Agus thubhairt e, Abba, Athair, a ta gach ni so-dheanta dhuitse, cuir an cupan so seachad orm : gidheadh, nior b'e an ni a b'àill leamsa, ach an ni a's toil leatsa.

37 Agus thainig e, agus fhuair e iadsan 'nan codal, agus thubhairt e ri Peadar, A Shimoin, am bheil thu a'd' chodal ? nach b'urrainn thu faire a dheanamh aon uair ?

38 Deanaibh faire agus ùrnuigh, chum nach tuit sibh am buaireadh : a ta 'n spiorad gu deimhin togarrach, ach a ta 'n fheoil anmhunn e.

39 Agus air dhaimeachd a rìs, rinn e ùrnuigh, ag radh nam briathar ceudna.

40 Agus air pilltinn dha, fhuair e iad a rìs 'nan codal, (oir bha 'n sùilean trom) agus cha robh fhios aca cionnus a bheireadh iad freagradh air.

41 Agus thainig e 'n treas uair, agus thubhairt e riu, Coidlibh roimhibh a nis, agus gabhaibh fois : is leor e, thainig an uair ; feuch, a ta Mac an duine air a bhrath thairis do làmh-aibh nam peacach.

42 Eòribh, imicheamaid ; feuch, a ta 'n ti a bhrathas mise am fagus.

45 Agus air ball, air dha bhi fathast a' labhairt, thainig Iudas, aon do'n dà fhearr dheug, agus sluagh mòr maille ris le cloidhibh agus bataibh, o na h-ard shagartaibh, agus na scriobh-uichibh, agus na seanairibh.

44 Agus bha 'n ti a bhrath esan air toirt comharaidh dhoibh, ag radh, Ge b'e neach d'an d'thoir mise pòg is e sin e ; glacaibh e, agus thugaibh libh e gu tèaruinte.

45 Agus air teachd dha, chaidh e air ball d'a ionnsuidhs', agus thubhairt e, Fàilte dhuit, a mhaighstir ; agus phòg se e.

46 Agus chuir iadsan làml: ann, agus ghlac iad e.

47 Agus air tarruing claidheimh a dh'fhear do na bha làthair, bhual e òglach an àrd shagairt, agus ghearr e chluas deth.

48 Agus fhreagair Iosa agus thubhairt e riu, An d'thainig sibh a mach gu m' ghlacadhsa, mar gu b'ann an aghaidh fir-reubainn le cloidhibh agus le bataibh ?

49 Bha mi gach là maille ribh' san teampull, a' teagass, agus cha do ghlac sibh mi : ach a ta so chum gu biodh na scriobtuirean air an coimhliionadh.

50 Agus air do na h-uile a thréig-sinn, theich iad.

51 Agus lean òganach àraighe e, aig an robh lion-eudach air a chur m'a chorpa lomnochd ; agus rug na h-òganaich air.

52 Ach air dhasan an lion-eudach fhàgail, theich e lomnochd uatha.

55 Agus thug iad leo Iosa chum an ard shagairt : agus chruinnicheadh maraon ris na h-àrd shagairt uile,

agus na seanairean, agus na scriobh-uichean.

54 Agus lean Peadar e fada uatha, gus an deachaidh e steachi do thalla an àrd shagairt: agus bha e 'na shuidhe maille ris na seirbhisich, agus 'ga gharadhlis an teine.

55 Agus dh'iart na h-àrd shagairt, agus a' chomhairle uile fianuis an aghaidh Iosa, chum a chur gu bàs; agus cha d'fhuair iad.

56 Oir rinn mòran dhaoine fianuis bhréige 'na aghaidh, acli cha do choird am fianuis r'a chéile^f.

57 Agus air do dhream àraidih éirigh, thug iad fianuis bhréige 'na aghaidh, ag radh,

58 Chùala sinne e 'g radh, Leagaidh mi sios an teampull so, a rinn-eadh le làmhaibh, agus an trì làithibh, togaidh mi teampull eile, neo-dheanta le làmhaibh.

59 Agus mar sin fein cha robh am fianuis a' teachd r'a chéile.

60 Agus air éirigh suas do'n ard shagart sa' mheadhon, chuir e ceisd air Iosa, ag radh, Nach d'thoir thu freagradh air bith uait? ciod sin mu bheil iad so a' toirt fianuis a'd' aghaidh?

61 Ach d'fhan esan 'na thosd, agus cha do fhreagair e ni sam bith. A ris dh'fheòraich an t-àrd shagart deth agus thubhairt e ris, An tu Criosd, Mac an Ti bheannuicte?

62 Agus thubhairt Iosa, Is mi: agus chi sibh Mac an duine 'na shuidhe air deas làimh cumhachd Dhé, agus a' teachd le neulaibh nèimhe.

63 An sin reub an t-àrd shagart eudach, agus thubhairt e, Cioc am feum a ta againn tuilleadh air fianuisibh?

64 Chuala sibh an toibheum: ciod i bhur barails? - Agus thug iad uilebreath 'na aghaidh gu'n do thoill e 'm bàs.

65 Agus thòisich cuid diubh air smugaid a thilgeadh air, agus aghaidh fholach, agus a bhualadh le 'n dornainibh, agus a radh ris, Dean faidheadaireachd: agus ghabh na seirbhisich le 'm basaibh air.

66 Agus air do Pheadar a bhi

shios anns an talla, thainig aon do bhan-oglaichaibh an àrd shagairt:

67 Agus air faicinn Pheadair 'ga gharadh, agus air dh'i beachdachadh air, thubhairt i ris, Bha thusa cuid-eachd maille ri h-Iosa o Nasaret.

68 Ach dh'aicheadh esan, ag ràdh, Cha'n àithne dhomh, agus cha 'n'eil mi tuigsinn ciod a ta thu 'g ràdh. Agus chaidh esan a mach do'n fhordhorus^g; agus ghoir an coileach.

69 Agus air do bhan-oglaich fhaicinn a ris, thòisich i air a ràdh riu-san a bha 'nan seasamh a làthair, Is ann diubh a ta 'm fear so.

70 Agus dh'aicheadh e ris. Agus an ceann beagain 'na dhiéigh sin, thubhairt iadsan a bha 'nan seasamh a làthair a ris ri Peadar, Gu firinn-each's ann diubh sud thiù: oir is Galiléach thu, agus is cosmuil do chainnt riu.

71 Ach thòisich esan air mallachadh agus mionnachadh, ag radh, Cha'n aithne dhomh an duine so mu 'm bheil sibh a' labhairt.

72 Agus ghoir an coileach an dara uair. Agus chuimhnich Peadar am focal a thubhairt Iosa ris, Mu'n goir an coileach dà uair, àicheadhaidh tu mi tri uairean. Agus an uair a smuainich e air, ghuil e.

C A I B. XV.

1 A ta Iosa air a thabhairt ceangailte an làthair Philait. 15 Air son glaochdaich an t-sluaigh tha mort-air, eadhon Barabas, air a leigeil as, agus Iosa air a thoirt thairis gu bhi air a cheusadh: 17 Tha coron sgithich air a chur air, 19 chaidh smugaid a thilgeadh air, 20 agus fanoid a dheanamh air. 21 Tha e fannachadh le giùlan a' chroinn-cheusaidh; 27 air a chrochadh eadar dà ghaduiche; &c.

A G U S air ball' sa' mhaduinn chum na h-àrd shagairt maille ris na seanairibh, agus na scriobh-uichibh, agus a' chomhairle gu h-iomlan, comhairle, agus air dholibh Iosa a cheangal, thug iad leo e, agus thug iad thairis e do Philat.

^f cha robh am fianuis ionann, cha d'fhoghainn am fianuis.

^g ugh-dorus, sgàth-thighe.

2 Agus dh'fheòraich Pilat deth, e steach do'n talla, eadhon cùirt an An tusa righ nan Iudhach? Agus uachdarain^h: agus ghairm iad a' air freagairt dha, thubhairt e ris, chuideachd uile an ceann a chéile. Thubhairt thu e.

3 Agus chuir na h-àrd shagairt mòran do nithibh as a leth: ach cha do fhreagair esan aon ni.

4 Agus chuir Pilat a rìs ceist air, ag radh, Nach freagair thu ni sam bith? feuch cia lìon nithe air am bheil iad sin a' toirt fianuis a'd' aghaidh.

5 Ach cha do fhreagair Iosa ni sam bith tuilleadh; air chor as gu'n do ghabh Pilat iongantas.

6 A nis air an fhéisd bu ghnàth leis aon phriosunach, ge b'e air bith a dh'iarradh iad, a leigeadh as doibh.

7 Agus bha neach àraidi^h d'am b'ainm Barabas, ceangailte maille r'a chompanachaibh ceannairce, muinntir a bha air deanamh mortaidh anns a' cheannairc.

8 Agus air glaodhaich gu h-àrd do'n t-sluagh, thòisich iad air iarraidh air, a dheanamh dhoibh mar a rinn e'n còmhnuidh.

9 Ach fhreagair Pilat iad, ag radh, An àill libh gu'n cuir mi righ nan Iudhach fa sgaoil duibh?

10 (Oir bha fhios aige gu'm b'ann tre fharmad a thug na h-àrd shagairt thairis e)

11 Ach bhrosnaich na h-àrd shagairt an sluagh, clum as gu'm b'fhearr leis Barabas a chur fa sgaoil doibh.

12 Agus fhreagair Pilat, agus thubhairt e riu a rìs, Ciòd ma seadh is àill libh mi a dheanamh ris an duine sin, d' an goir sibh Righ nan Iudhach?

13 Agus ghlaodh iad a rìs, Ceus e.

14 An sin thubhairt Pilat riu, C'ar son, ciòd e'n t-olc a rinn e? Ach bu ro mhòid a ghlaodh iadsan, Ceus e.

15 Agus air do Philat bhi toileach gniomh taitneach a dheanamh do'n t-sluagh, dh'fhuasgail e Barabas dhoibh, agus thug e thairis Iosa, an déigh dha a sgiùrsadh, chum a cheusaidh.

16 Agus thug na saighdearan leo

e steach do'n talla, eadhon cùirt an uachdarain^h: agus ghairm iad a' chuideachd uile an ceann a chéile.

17 Agus chuir iad uime eudach purpuiri, agus air dhoibh coron droighinn fhigheadh, chur iad air e,

18 Agus thòisich iad air beannachadh dha, ag radh, Fàilte dhuit, a Righ nan Iudhach.

19 Agus bhuail iad sa' cheann e le slait chuilce, agus thilg iad smugaid air, agus a' lùbadh an glùn, thug iad urram dha.

20 Agus an déigh dhoibh fancoid a dheanamh air, thug iad deth an t-eudach purpuir, agus chuir iad eudach fèin uime, agus thug iad a mach e chum's gu'n ceusadh iad e.

21 Agus dh'éignich iad duine àraidi^h bha dol seachad, Simon o Chirene, (athair Alecsandeir agus Rufuis, a bha teachd as a' mhachair,) chum a chrann-ceusaidh a ghiùlan.

22 Agus thug iad e gu ionad d'am b'ainm Golgota, 's e sin air eadartheangachadh, àite cloiginn.

23 Agus thug iad da r'a òl, fion air a mheasgadh le mirr: ach cha do ghabh esan e.

24 Agus an uair a cheus iad e, roinn iad a thruscan, a'tilgeadh croinn air, ciòd a' chuid a bhiodh aig gach duine dheth.

25 Agus bha 'n treas uair ann, agus cheus iad e.

26 Agus bha scriòbhadh a chùis dhòtidh air a scriòbhadh os a cheann, RIGH NAN IUDHACH.

27 Agus cheus iad maille ris dà għaduichei^l; fear air a làimh dħeis, agus fear air a làimh chli

28 An sin choimhlionadh an scriobtuir, a thubhairt, Agus bha e air àir-eamh am measg nan ciontach.

29 Agus thug iadsan a bha dol seachad anacainnt dà, a' crathadh an ceann, agus ag radh, O thusa a leagas an teampull, agus a thogas e ann an tri làithibh,

30 Foir ort fein, agus tar^m a nuas o'n chrann-cheusaidh.

31 Agus mar an ceudna thubhairt na h-àrd shagairt agus na scriòbh-

^h pretorium. i corcuir. I dà chreachadair, dà flear-reubainn.

^m thig.

uichean r'a chéile, a' fanoid air, Shaor e daoin'eile, cha'n'eil e comasach air e féin a shaoradh.

52 Thigeadh a nis Criod Righ Israel a nuas o'n chrann-cheusaidh, chum's gu'm faic agus gu'n creid sinn. Agus thug iadsan a chaidh cheusadh maille ris, anacainnt da.

53 Agus an uair a thainig an seathadh uair, bha dorchadas air an talamh uile, gu ruig an naothadh uair.

54 Agus air an naothadh uair dh'éigh Iosa le guth àrd, ag ràdh Eloi, Eloi, lama sebachtani? is e sin, air eadar-theangachadh, Mo Dhaia, Mo Dhaia, c'ar son a thréig thu mi?

55 Agus air cluinnntinn sin do chuid diubhsan a bha 'nan seasamh a làthair, thubhairt iad, Feuch, a ta e gairm Eliais.

56 Agus ruith fear diubh, agus air dha spòng a lionadh do fhion geur agus a cur air slait chuilce, thug e deoch dha, ag ràdh, Leigibh *leis*; faiceamaid an dthig Elias g'a thoirt a nuas,

57 Agus air dó Iosa éigeach le guth àrd, thug e suas an deo.

58 Agus bha brat-roinn an team-puill air a reuhadh 'na dhà chuid o mhullach gu lochdar.

59 Agus an uair a chunnaic an ceannard-ceud, a bha 'na sheasamh fa chomhair, gu'n d'thug e suas an deo, a' glaoigh mar sin, thubhairt e, Gu firinneach b'e 'n duine so Mac Dhé.

60 Agus bha mar an ceudna mnài am fad uatha ag amharc: 'nam measg sin bha Muire Magdalén, agus Muire màthair Sheumais ba lugha, agus Ioseis, agus Salome;

61 Muinntir a lean e mar an ceud-na, an uair a bha e an Galile, agus a bha frithealadh dha; agus mòran eile do mhìnaibh a chaidh suas maille ris gu Hierusalem.

62 Agus a nis air teachd do'n fheasgar, (do bhrigh gu'm b'e là an ulluchaiddh e, eadhon an là roimh 'n t-sàbaid)

63 Thainig Ioseph o Arimatea, coimhrialach urramach, aig an robli

mar an ceudna sùil ri rioghachd Dhé, agus chaidh e steach gu dàna dh'ionn-suidh Philait, agus dh'i iarr e corp Iosa.

64 Agus b'ioghnadh le Pilat mì bha e cheana marbh: Agus air dha an ceannard-ceud a ghairm, dh'fheòr-aich e dheth, An robh fad o fhuair e bàs.

65 Agus air dha fios fhaotainn o'n cheannard-ceud, thug e'n corp do Ioseph.

66 Agus cheannaich esan lion-eudach grinn, agus thug e nuas e, agus phaisg e san lion-eudach e, agus chuir se e ann an uaighⁿ a chladh-aicheadh a carraig, agus charuich e clach gu dorus na h-uaighe.

67 Agus dh'amhairc Muire Magdalén, agus Muire màthair Ioseis, air an àit an do chuireadh e.

C A I B. XVI.

1 *Chuir aingeal an céill aiseirigh Criod do thri mnaibh.* 9 *Dh'fhoillsicheadh Criod do Muire Magdalén:* 12 *Chunncas e le dithis, a bha dol do'n dùthaich;* 14 *an déigh sin leis na h-Abstoil,* 15 *a chuir e mach a shearmonachadh an t-soisgeil:* 19 *Agus chaidh e fein suas gu néamh.*

A GUS air dol do'n t-sàbaid seach-ad, cheannaich Muire Magdalén, agus Muire màthair Sheumais, agus Salome, spòsraidh deadh bhuidh^o, chum's air dhoibh teachd gu'n ùngadh iad e.

2 Agus thainig iad gu ro mhoch airmaduinn a' cheud là do'n t-seachduin chum na h-uaighe, aig éirigh na gréine.

3 Agus thubhairt iad eatorra féin, Cò a charuicheas duinn a' chlach o dhorus na h-uaighe?

4 (Agus airdhoibh amharc, chunnaic iad gu'n robh a' chlach air a h-atharrachadh air falbh) oir bha i ro mhòr.

5 Agus air dhoibh dol a stigh do'n àit-adhlacaiddh, chunnaic iad òganach 'na shuidhe air an làimh dheis, uim' an robh truscan fada geal; agus bha eagal orra.

6 Agus thubhairt esan riu, Na

ⁿ àit-adhlacaiddh.

° luibhean cùbhraidh.

biodh eagal oirbh: a' ta sibh ag iarradh Iosa o Nasaret, a chéusadh: dh'éirich e, cha 'n'eil e 'n so: faicibh an t-ait anns an do chuir iad e,

7 Ach imichibh, innsibh d'a dheis-ciobluibh agus do Pheadar, gu 'm bheil e dol roimhibh do Ghalile: chi sibh an sin e, mar thubhairt e ribh.

8 Agus air dol a mach dhoibh, theich iad o'n uaigh; oir bha ball-chrith agus uamhunn orra: agus cha dubhaint iad ni sam bith ri neach air bith; oir bha eagal orra.

9 Agus air éirigh do Iosa sa' mhadauinn air a' cheud là do'n t-seachduin, nochdadh e air tùs do Mhuire Magdalén, as an do thilg e seachd deamhain.

10 Agus airimeachd dh'ise, dh'innis i sin dhoibhsan a bha maille ris, agus iad ri bròn agus gul.

11 Agus iadsan, an uair a chual iad gu'n robh e beo, agus gu 'm facadh leatha-san e, cha do chreid iad.

12 'Na dhéigh sin, nochdadh e do dhithis diubah ann an cruth eile, ag imreachd dhoibh, agus iad a' dol do'n dùthach.

13 Agus dh'imich iadsan agus dh'innis iad e do chàch: agus cha mhò a chreid iad iadsan.

14 An déigh sin nochdadh e do 'n

aon fhéar deug, agus iad 'nan suidhe aig biadh, agus thilg e orra am micheireadh, agus an cruas-cridhe, chionn nach do chreid iad iadsan a chunnaic e an déigh dha éirigh.

15 Agus thubhairt e riu, Imichibh air feadh an t-saoghal uile, agus searmonaichibh an soisgeul do gach dùilp.

16 Ge b'e chreideas agus a bhaistear, saorar e, ach ge b'e nach creid, ditear e.

17 Agus leanaidh na comharan so'n dream a chreideas: Ann am ainmse tilgidh iad a mach deamhain, labhradh iad le teangaibh nuadha,

18 Togaidh siad nathraiche nimhe, agus ma dh'olas iad ni air bith marbh-tach, cha chiùrr e iad; cuiridh iad an làmhan air daoinibh tinne, agus bithidh iad gu maith.

19 Mar sin an déigh do 'n Tighearna labhairt riu, ghabhadh suas gu néamh e, agus shuidh e air deas làimh Dhé.

20 Agus air dhoibhsan dol a mach, shearmonaich iad anns gach àit, air bhi do 'n Tighearn a' comh-oibreadh-adh leo, agus a' daingneachadh an fhocail leis na comharaibh a lean e, Amen.

AN SOISGEUL A REIR LUCAIS.

C A I B. I.

1 Roimh-radhl Lucais d'a shoisgeul gu h-iomlan. 5 Tha Eoin Baiste air a ghabhail am broinn a mhàthar, 26 agus Criosc air a ghabhail am broinn Mhuire. 59 Fàidheadair-eachd Elísabet, agus Mhuire mu shimchioll Chriosc, &c.

D O bhrigh gu'n do ghabh mòran os laimh eachdraidi scriobhadh ann an ordugh air na nitibh sin a ta air an coimhlionadh s 'nar measgne,

2 A réir mar a dh'aithris na daoine

sin dhuiinne iad, a chunnaic iad o thùs le 'n sùilibh, agus a bha 'nan luchd frithealadh an fhocal:

3 Chunncas domhsa mar an ceud-na, a Theophilus ro òirdheirc, air faotainn dearbh fhios nan uile nithe dhomh o'n fhìor thoiseach, scriobhadh a'd ionnsuidhs' an ordugh,

4 Chum's gu'm biodh fios agad air cinnteachd nan nithe anns an deachaidh do theagastg.

5 B HA ann an làithibh Heroid Brigh Iudea, sagart àraighe d'am

b'ainm Sacharias, do shealt Abia: agus bha a bhean do nigheanaibh Aaroin, agus b'ainm dh'i Elisabet.

6 Agus bha iad faraon ionraic am fianuis Dé, ag imeachd ann an uile aitheantaibh agus orduighibh an Tighearna, gu neo-lochdach.

7 Agus cha robh duine cloinne aca, do bhrigh gu'n robh Elisabet neo-thorach^u, agus bha iad araon aosmhóir.

8 Agus tharladh am feadh a bha esan a' frithéaladh mar shagart an làthair Dhé ann an ordugh a sheala,

9 A réir gnátha na sagartachd, b'e a chranncur túis a losgadh, air dha dol a steach do theampull an Tighearna.

10 Agus bha coimhthional an t-sluagh uile a' deanamh ùrnuiigh a muigh, ré àm na tùise.

11 Agus chunncas leis-san aingeal an Tighearna 'na sheasamh air taobh deas altaire na tùise.

12 Agus an uair a chunnaic Sacharias e, bha e fuidh thrioblaid, agus thuit eagal air.

13 Ach thubhairt an t-aingeal ris, Na gabh eagal, a Shachariais; oir fhuair t-ùrnuiigh éisdeachd, agus beiridh do bhean Elisabet mac dhuit, agus bheir thu Eoin mar ainm air.

14 Agus bitidh aoibhneas agus subhachas ort, agus ni mòran gairdeachas r'a bhreith.

15 Oir bitidh e mòr an làthair an Tighearna, agus cha'n òl e fion no deoch làidir; agus bitidh e air a lionadh leis an Spiorad naomha, eadhon o bhroinn a mhàthar.

16 Agus pillidh e mòran do chloinn Israel chum an Tighearna an Dé.

17 Agus théid e roimhe-san ann an spiorad agus ann an cumhachd Eliais, a thionndadh cridhe nan aithriché chum na cloinne, agus nan èasùmhal gu gliocas nam firean, a dh'ulluchadh pobuill deas do'n Tighearn.

18 Agus thubhairt Sacharias ris an aingeal, Cionnus a bhios fhios so agam? oir is seann duine mise, agus a ta mo bhean aosmhóir.

19 Agus fhreagair an t-aingeal agus thubhairt e ris, Is mise Gabriel

a sheasas an làthair Dhé: agus chuir-eadh mi a labhairt riutsa, agus a dh'innseadh an naidheachd^a mhaith so dhuit.

20 Agus feuch, bitidh tu balbh agus gun chomas labhairt, gus an là anns an d'thig na nithease gu crích, chionn nach do chreid thu mo bhriathrasa, a bhitheas air an coimhionadh 'nan àm féin.

21 Águs bha 'm phobull a' feith-eamh ri Sacharias, agus b'iongantach leo a' mhoille a rinn e san teampull.

22 Agus air teachd a mach dha, cha b'urrainn e labhairt riu: agus thuig iad gu 'm fac e sealadh^b nèamhaidh san teampull: oir bha e smèideadh orra, agus dh'fhan e 'na thosd.

23 Agus tharladh, an uair a choimhlionadh làithean a fhrithealaidh, gu 'n deachaидh e d'a thigh féin.

24 Agus an déigh nan là sin dh'fhas a bhean Elisabet torrach agus dh'fholaidh si i féin rè chùig mìos, ag ràdh,

25 Is ann mar so a rinn an Tighearna dhomh anns na làithibh an d'amhairec e orm, a thogail diom mo mhaslaidh am measg dhaoine.

26 Agus anns an t-seathadh mìos, chuireadh an t-aingeal Gabriel o Dhia, gu cathair do Ghalile, d'am b'ainm Nasaret,

27 Dh'ionnsuidh òigh a bha fa cheangal pòsaidh aig fear d'am b'ainm Joseph, do thigh Dhaibhidh; agus b'e ainm na h-òigh Muire.

28 Agus air dol a steach do'n aingeal d'a h-ionnsuidh, thubhairt e, Fàilte dhuit, o thusa d'an do nochdadh mòr dheadh-ghean, a ta'n Tighearna maille riut: is beannuichte thu am measg bhan.

29 Agus an uair a chunnaic i e, bha i fa thrioblaid inninn air son a chainnte, agns a' reusonachadh ciod a' ghnè altacha-beatha dh'fheudadh bhi'n so.

30 Agus thubhairt an t-aingeal rithe, Na biodh eagal ort, a Mhuire: oir fhuair thu deadh-ghean o Dhia.

31 Agus feuch, gabhaidh tu a'd'

^a clùrsa, roinn. ^u gun sliochd. ^a nuaidheachd, noimheachd, ^b taisbean.

bhroinn, agus beiridh tu mac, agus bheir thu Iosa mar ainm air.

52 Bithidh e mòr, agus goirear Mac an Ti a's ro àirde dheth; agus bheir an Tighearna Dia dha righ-chaithir athar fein Dhaibhidh.

53 Agus bithidh e 'na Righ air tigh Iacoib gu bràth, agus cha bhi crioch air a rioghachd.

54 Agus thubhairt Muire ris an aingeal, Cionnus a bhitheas so, do bhrigh nachi 'eil aithne agamsa air duine?

55 Agus fhreagair an t-aingeal agus thubhairt e rithe, Thig an Spiorad naomh ort, agus curidh cumhachd an Ti a's àirde sgàil ort: uinne sin an ni naomha sin a bheirear leat, goirear Mac Dé dheth.

56 Agus feuch, do bhan-charaid Elisabet, a ta ise fein torrach air mac 'na sean aois; agus 's e so an seathadh mìos dh'ise d'an goirteadh bean neo-thorach;

57 Oir cha 'n'eil ni sam bith do-dheanta do Dhia.

58 Agus thubhairt Muire, Feuch bau-oglaich an Tighearna, biodh e dhomhsa réir t-fhocail. Agus dh'fhalbh an t-aingeal uaipe c.

59 Agus air éirigh do Mhuire sna làithibh sin, chaith i le cabhaig do dhùthaich nam beann, gu baile do Iuda,

60 Agus chaith i steach do thigh Shachariais, agus chuir i fàilte air Elisabet.

61 Agus tharladh an uair a chual Elisabet beannachadh Mhuire, gu'n do leum an naoidhean 'na broinn: agus lionadh Elisabet leis an Spiorad naomha.

62 Agus għlaodh i mach le guth àrd, agus thubhairt i, Is beannuicħt' thu am measg bhan, agus is beannuicħte toradh do bħronn.

63 Agus cionnus a dh'ēirich so dhomhsa, gu'n d'thigeadh màthair mo Thighearna a'm ionnsuidh?

64 Oir feuch, co luath 's a thainig fuaim do bheannachaidh a'm chluas-aibh, bhriosc an naoidhean le h-aoibh-neas ann mo bhroinn.

65 Agus is beannuicħt' ise a

chreid: oir coimblionard na nithe a labhradh rithe leis an Tighearna.

66 Agus thubhairt Muire, A ta m'anam ag àrd-mholadh an Tighearna,

67 Agus a ta mo spiorad a' deanam gairdeachais ann an Dia mo Shlaniugħear:

68 Do blħiġ gu'n d'amhaire e air staid īosail à bhan-oglaich: oir feuch, o so suas goiridh gach linn beannuicħte dhiom.

69 Do blħiġ gu'n d'rinn an Ti a ta cumhachdach nithe mōra dhomh, agus is naomha ainm.

70 Agus a ta a thrċaisan o linn gu linn, do'n droing d'an eagħe e.

71 Nochd e neart le ghairdean, sgap e na h-uaibħrich ann an smuain-tibh an cridhe fein.

72 Thug e nuas na daoine cumhachdach o'n caithrichiibh riogħail, agus dh'ārduiħ e iadsan a bha īosal.

73 Lioni e 'n droing a bha ocrach le nithibh maithe, agus chuir e uauth na daoine saibħre falanħ.

74 Rinn e còmhnhadh e ri Israel òglach fein, ann an cuimhneachadh a thrċair.

75 Mar a labhair e r'ar n-aithrichib, do Abraham agus d'a shliochd gu bràth.

76 Agus dh'fhan Muire maille rithe mu thimchioll thri mìos, agus phill i d'a tigh fein.

77 A nis thainig làn inbhe Elisabet, gu'm biodh i air a h-aisead; agus rug i mac.

78 Agus chual a coimhearsnaich agus a cairde mar a nochd an Tighearna mōr thrċair dh'i: agus rinn iad gairdeachas maille rithe.

79 Agus tharladi air an ochdamh là gu'n d'thainig iad a thimchioll-għearradh an naoidhein; agus għoir iad Sacharias deth, a réir ainme athar.

80 Agus fħreagħir a mhàħħair, agus thubhairt i, Ni h-eadħ; ach goirear Eoin deth.

81 Agus thubhairt iad rithe, Cha 'n'eil aon neach do d' chàirdibh d' an goirear an t-ainm so.

82 Agus smèid iad air athair, ciol an t-ainm a b'äll leis thoirt air.

c uaiħe. d a chreid gu'n coimblionar. e congnamh. Eir.

63 Agus air iarraidh clàir-scriobh-aidh dhasan, scriobh e, ag ràdh, 'Se Eoin is ainm dha. Agus ghabh iad iongantas uile.

64 Agus air ball dh'fhosgladh a bheul, agus dh' fhuasgladh a theanga, agus labhair e, a' moladh Dhé.

65 Agus thainig eagal air an coimhearsnaich uile: agus dh' aithriseadh na nithe sin gu léir feadh dhùthach àrd Iudea uile.

66 Agus iadsan uile a chuala na nithe sin, thaig iad 'nan cridhe iad, ag ràdh, Ciod a' ghènè leinibh a bhitheas an so? Agus bha làmh an Tighearna maille ris.

67 Agus bha Sacharias athair air a lionadh leis an Spiorad naomh, agus rinn e fàidheadaireachd, ag ràdh,

68 Gu mabeannuicht' an Tighearna Dia Israel, air son gu'n d'fhiosraich e, agus gun d'thug e saorsa d'a phobull,

69 Agus gu'n do thog e suas dhuinne adharc slàinte, ann an tigh Dhaibhidh òglaich féin;

70 A réir mar a labhair e le beul fhàidhean naoxha féin, a bha ann o thoiseach an t-saoghail;

71 A thabhairt saorsa dhuinn o ar naimlidibh, agus o làimh na muinntir sin uile le'm fuathach sinn:

72 A choimhlionadh na tròcair a gheall e d'ar n-aithrichibh, agus a chuimhneachadh a choimhcheangail naomha féin:

73 Na mionnan a mhionnaich e d'ar n-athair Abraham,

74 Gu'n d'thugadh e dhuinn, air bhi dhuinn air ar saoradh o làimh ar naimhde, gu'n deanamaid seirbhis dha as eugmhais eagail,

75 Ann an naomhachd agus an am fireantachd 'na làthair féin, uile làithean ar beatha.

76 Agus thusa, a leinibh, goirear dhiot Fàidh an Ti a's àirde: oir théid thu roimh aghaidh an Tighearna, a dh' ulluchadh a shlighe;

77 A thabhairt eòlais na slàinte d'a phobull, ann am maitheanas am peacanna,

78 Tre thròcair ro mhòir ar Déne, leis an d'fhiosraich an ùr-inhaduinn o'n ionad a's àirde sinn,

79 A thoirt soluis dhoibhsan a ta 'nan suidhe ann an sgàil a' bhàis, a threòrachadh ar cos air slighe na sìth.

80 Agus dh'fhàs an leanabh, agus neartaicheadh an spiorad e, agus bha e san fhàsach gu là fhoillseachaidh do Israel.

C A I B. II.

1 Tha Augustus a' meas Impireachd nan Ronhanach uile. 6 Breith Chriosd: 8 Tha aingeal a' cur so an céill do na buachaillibh: 15 Tha mòran diubh a' cantuinn cliu do Dhia air a shon. 21 Tha Chriosd air a thimchioll-ghearradh. 28 Tha Simeon agus Anna a' deanamh fàidheadaireachd mu thimchiolt Chriosd; &c.

A GUS tharladh sna làithibh sin, gu'n deachuidh ordugh a mach o Cheasar Augustus, an domhan uile a mheas f.

2 (Agus rinneadh an ceud mheas so 'nuair a bha Cirenus 'na uachdar an air Siria)

5 Agus chaidh iad uile chum a bhi air am meas, gach aon fa leth d'a bhaile féin.

4 Agus chaidh Ioseph mar an ceudna suas o Ghalile, a baile Nasaret, do Iudea, gu baile Dhaibhidh, d'an goirear Betlehem, (do bhrigh gu'n robh e do thigh agus do shliochd Dhaibhidh)

5 Chum gu biodh e air a mheas maille re Muire a bha fa cheangal pòsaidh dha, agus i mòr-thorrach.

6 Agus tharladh, am feadh a bha iad an sin, gu'n do choimhlionadh làithean a h-inbhe, chum i bhi air a h-aisead.

7 Agus rug i a ceud ghn mic, agus phaisg i eam brat-speilidh, agus chuir i'na luidhe am prasaich e, do bhrigh nach robh àit aca san tigh òsda.

8 Agus bha anns an dùthaich sin buachaillean a' fantuinn a muigh, agus a' deanamh faire-oidhche air an treud.

9 Agus feuch, thainig aingeal an Tighearn' orra, agus dhealraich glòir

an Tighearna m'an timchioll ; agus
ghabh iad eagal mòr.

10 Agus thubhairt an t-aingeal
riu, Na biodh eagal oirbh : oir feuch,
a ta mi 'g innseadh dhuibh deadh
sgéil mhòir aoibhneis, a bhitheas do'n
uile shluagh :

11 Oir rugadh dhuibh an diugh
Slànuighear, ann an cathair Dhaibh-
idh^g, néach is e Criod an Tighearna.

12 Agus bithidh so 'na chomhara
dhuibh : Gheibh sibh an naoidhean
paistge ann am brat-speilidh, 'na
luidhe am prasaich.

13 Agus air ball bha maille ris an
aingeal cuideachd mhòr do armaitibh
nèimhe, a' moladh Dhé, agus ag
ràdh.

14 Glòir do Dhia anns na h-àrd-
aibh, agus air talamh sìth, deadh
ghean do dhaoinibh.

15 Agus tharladh, 'nuair a
dh'fhalbh na h-aingil uatha do
nèamh, gu'n dubhaint na buachaill-
ean r'a chèile, Rachamaid a nis
eadhon do Bhetlehem, agus faiceam-
aid an ni so a rinneadh, a dh'fhoill-
sich an Tighearna dhuinne.

16 Agus thainig iad gu grad, agus
fhuair iad Muire agus Ioseph, agus
an leanabh 'na luidhe sa' phrasaich.

17 Agus an uair a chunnaic iad
sin, dh'aithris iad an ni a dh'innseadh
dhoibh mu thimchioll an leinibh so.

18 Agus ghabh gach neach a
chuala so, ionantas ris na nithibh sin
a dh'innseadh dhoibh leis na buach-
aillibh.

19 Ach ghleidh Muire na nithe sin
uile, a' beachd-smuaineachadh orra h
'na cridhe.

20 Agus phill na buachailllean, a'
tabhairt glòir agus molaidh do Dhia
air son nan nithe sin uile a chual agus
a chunnaic iad, a réir mar a dubhradh
riu.

21 Agus an uair a choimhlionadh
oehd làithean chum an leanabh a
thimchioll-ghearradh, thugadh IOSA
mar ainm air, eadhon an t-ainm a
ghoir an t-aingeal deth mun do
ghabhadh sa' bhroinn e.

22 Agus an uair a choimhlionadh
làithean ai glanaidh, a réir lagha
Mhaois, thug iad esan gu Hierusa-
lem, chum a thaibeanadh do'n Tighearna,

23 (Mar a ta e scriobhita ann an
lagh an Tighearna, Gach ceud-ghin
mic a dh'foglas a' bhrù, gairmear
naomha do'n Tighearn e)

24 Agus a thabhairt iobairt a réir
mar a deirear ann an lagh an Tighearna,
Paidhil^l thurtur, no dà chol-
uman òga.

25 Agus feuch, bha duine ann an
Hierusalem d'am b'ainm Simeon ;
agus bha'n duine so ionraic agus
diadhaidh, agus bha dùil aige re sòlas
Israel : agus bha'n Spiorad naomh
air.

26 Agus dh'fhoillsicheadh dha leis
an Spiorad naomh, nach faiceadh e
bàs, gus am faiceadh e Criod an
Tighearna.

27 Agus thainig e le treòrachadh
an Spioraid do'n teampull : Agus an
uair a thug na pàrantan an leanabh
Iosa a stigh, chum's gu'n deanadh
iad air a shon a réir gnàthuchaiddh an
lagha,

28 An sin ghlac esan 'na uchd^m
e, agus bheannuich e Dia, agus
thubhairt e,

29 A nis, a Thighearn, a ta thu
leigeadh do d' sheirbhiseach siubhal
an sìth, a réir t'fliocail ;

30 Oir chunnaic mo shùile do
shláinte,

31 A dh'ulluich thu roimh ghnùis
nan uile shluagh :

32 Solus a shoillseachadh nan
Cinneach, agus glòir do phobuill Is-
rael.

33 Agus ghabh Ioseph agus a
mhàthair ionantas mu na nithibh a
labhradh uime.

34 Agus bheannuich Simeon iad,
agus thubhairt e ri Muire a mhàth-
air, Feuch, chuireadh an leanabh so
chum tuiteam agus aiseirigh mhòrain
ann an Israel, agus 'na chomhar an
aghaidh an labhrar :

35 (Agus théid claidheamh tre d'
anam-sa fein) chum's gu'm foill-

^g am bailc Dhaibhia... h 'gan tomhas. Gr. i an. 1 Càraig.
^m air a ghairdeinibh.

sichear smuainte cridlheacha mhòrain.

56 Agus bha Anna ban-fhàidh, nighean Phanueil, do thréibh Aseir; bha i ro aosmhor, agus chaith i seachd bliadhna maille ri fear o àm dh'i bhi 'na h-òigh.

57 Agus bu bhantrach i mu thimchioll ceithir bliadhna agus ceithir fishead a dh'aois, nach deachaidh o'n teampull, a' deanamh seirbhis *do Dhia* a là agus a dh'oidhche le trosgadh agus le h-ùrnuigh.

58 Agus air teachid dh'ise a stigh san uair sin féin, thug i moladh do'n Tighearn, agus labhair i m'a thimchioll riusan uile aig ar robh sùil ri saorsa ann an Ierusalem.

59 Agus an uair a choimhlion iad na h-uile nithe a réir lagha an Tighearna, phill iad do Ghalilé, d'am baile féin Nasaret.

60 Agus dh'fhàs an leanabh, agus neartuicheadh an spiorad e, air a lìonadh le gliocas; agus bha gràsa Dhé air.

61 Agus chaith a phàranta gach bliadhna gu Hierusalem, aig féisd na càisge.

62 Agus air bhi dha dà bhliadhna dheug a dh'aois, chaith iad suas gu Hierusalem, a réir gnàtha na féiske.

63 Agus air coimhlionadh nan là sin doibh, 'nuair a phill iadsan, dh'fhan an leanabh Iosa 'nan déigh ann an Hierusalem; agus cha robh fios aig Ioseph no aig a mhàthair air sin.

64 Ach air dhoibh a shaoilsinn gu'n robh e sa' cluideachd, dh'imich iad astar là; agus dh'iarr iad e measg an càirdean, agus an luchd eòlais.

65 Agus an uafr nach d'fhuair iad e, phill iad gu Hierusalem, 'ga iarruidh.

66 Agus tharladh 'n déigh thiri là, gu'n d'fhuair iad e san teampull, 'na shuidhe am meadhon an luchd teagaisg, arao'n gan éisdeachd, agus a' cur cheist orra.

67 Agus ghabh a' mhuinnitir a chual e uile iongantas r'a thuigse agus r'a fhreagraibh.

68 Agus air dhoibh fhaicinn, għlaç-

uamhas iad: agus thubhairt a mhàthair ris, A mhic, c'ar son a rinn thu mar so oirnn? feuch, bha t'athair agus mise gu brònach ga d'iaruidh.

69 Agus thubhairt esan riu, C'ar son a bha sibh ga m' iarruidh? nach robh fhiros agaibh gu'm bu choir dhomhsa bhi ann an tigh m' Atharⁿ?

70 Agus cha do thuig iadsan an ni a labhair e riu.

71 Agus chaith e sios maille riu, agus thainig e gu Nasaret, agus bha e ùmhail doibh: ach ghleidh a mhàthair na nithe sin uile 'na cridhe.

72 Agus thainig Iosa air aghaidh ann an gliocas agus am meudachd, agus ann an deadh-ghean aig Dia, agus aig daonibh

C A I B. III

- 1 *Searmonachadh Eoin Bhaiste.* 15
Fhianuis mu thimchioll Chriosd.
- 20 *Chuir Herod Eoin am priosun.*
- 21 *Tha Chriosd air a bhaisteadh,*
agus a' faghail fianuis o nèamh. 23
Aois agus sinnsireachd Chriosd.

ANIS anns a' chūigeadh bliadhna deug do impireachd Thiberius Cheasair, air bhi do Phontius Pilat 'na uachdaràn air Iudea, agus Herod 'na Thetrarch air Galile, agus Philip a bhràthair 'na Thetrarch air Iturea agus dùthach Thrachionitis, agus Lisanias 'na Thetrarch air Abilene.

2 An uair a bha Annas agus Caiaphas 'nan àrd shagartaibh, thainig focal Dé chum Eoin mhic Shachariais anns an fhàsach.

3 Agus thainig e do'n dùthach uile timchioll Iordan, a' searmonachadh baistidh an aithreachais, chum maiteanais pheacanna;

4 Mar a ta e scriobhta ann an leábar bhriathar an fhàidh Esaialis, ag ràdh, Guth an ti a dh'èigheas anns an fhàsach, Ulluichibh slighe an Tighearna, deanaibh a cheumanna direach.

5 Bithidh gach gleann air a lìonadh, agus gach beinn agus enoc air an Isleachadh; agus bithidh na nithe cama air an deanamh direach, agus na slighean garbha air an deanamh reidh;

ⁿ mu għnoħuichibh m' Athar.

6 Agus chi gach uile fheoil sláinte Dhé.

7 Uime sin thubhairt e ris an t-sluagh a thainig a mach chum bhi air am baisteadh leis, A shiòl nan nathraiche nimhe, cò thug rabhadh dhuibhse teicheadh o'n fheirg a ta-ri teachd?

8 Air an aobhar sin thugaibh a mach toradh iomchuidh an àithreachais, agus na tòisichibh air a ràdh annaibh fein, A ta Abraham 'na Athair againn : oir a deirim ribh, gur comasach Dia do na clachaibh so air clann a thògail suas do Abraham.

9 Agus a nis féin a ta 'n tuagh air a cur ri bun nan craobh : air an aóbar sin gach craobh nach toir a mach toradh maith, gearrar sios i, agus tilgear san teine i.

10 Agus dh'fheòruich an sluagh dheth, ag radh, Ciòd uime sin a ni sinne?

11 Agus fhreagair esan agus thubhairt e riu, An ti aig am bheil dà chòta, roinneadh e ris an ti aig nach 'eil; agus an ti aig am bheil biadh, deanhadh e mar an ceudna.

12 Agus thainig mar an ceudna cùs-mhaoir gu bhi air am baisteadh, agus thubhairt iad ris, A mhaighstir, ciòd a ni sinne?

13 Agus thubhairt esan riu, Na deanaibh^o ni air bith os cionn na dh'orduicheadh dhuibh.

14 Agus dh'fheòruich na saighdearan mar an ceudna dheth, ag radh, Agus ciòd a ni sinne? Agus thubhairt e riu, Na deanaibh foirneart air neach sam bith, no casaid-bhreig, agus bithibh toilichte le'r tuarasdal.

15 Agus air bhi do'n phobull a' feitheamh, agus na h-uile dhaoine a' reusonachadh 'nan cridheachaibh féin mu thimchioll Eoin, am b'e Criod a bh'ann;

16 Fhreagair Eoin, ag ràdh riu uile, Tha mise gu dearbh 'gar baisteadh le h-uisge ; ach a ta neach a' teachd is cumhachdaiche na mise, agus cha'n airidh mise air barr-iall a bhròg fhuasgladh : baistidh esan sibh leis an Spiorad naomh, agus le teine.

17 Aig am bheil a ghuit^P 'na

làimh, agus ro-ghlanaidh e ùrlar, agus cruinnichidh e 'n cruineachd d'a thaisg-thigh; ach loisgidh e am moll le teine nach fheudar a mhùchadh.

18 Agus ag earalachadh mòrain do nithibh eile, shearmonaich e do'n t-sluagh.

19 Ach air do Herod an Tetrarch bhi air a chronachadh leis air son Herodiais bean a bhràthar (Philip), agus air son gach olc a rinn Herod,

20 Chuir e so ris gach olc eile, gu'n do dhruid e Eoin am priosun.

21 Agus tharladh, 'nuair a bha 'n sluagh uile air am baisteadh, air do Iosa mar an ceudna bhi air a bhaisteadh, agus e ri ùrnuigh, gu'n d'fhosgadh néamh :

22 Agus gu'n d'thainig an Spiorad naomh a nuas air an coslas corporra, mar choluman, agus gu'n d'thainig guth o néamh, ag ràdh, Is tua mo Mhac gràdhach, am bheil mo mhòr thlachd?

23 Agus thòisich Iosa féin air a bhi mu thimchioll deich bliadhna fishead a dh'aois, air dha bhi (réir barail dhaoine) 'na mhac do Ioseph, mac Heli,

24 *Mhic Mhatait, mhic Lebhi, mhic Mhelchi, mhic Ianna, mhic Ioseiph,*

25 *Mhic Mhatatiais, mhic Amois, mhic Nauim. mhic Esli, mhic Nage,*

26 *Mhic Mhaait, mhic Mhattatiais, mhic Shemei, mhic Ioseiph, mhic Iudaih,*

27 *Mhic Ioanna, mhic Rhesa, mhic Shorobabeil, mhic Shalatiaeil, mhic Neri,*

28 *Mhic Mhelchi, mhic Adi, mhic Choqaim, mhic Elmodaim, mhic Er,*

29 *Mhic Iose, mhic Elieseir, mhic Ioreim, mhic Mhatait, mhic Lebhi,*

30 *Mhic Shimeoin, mhic Iudaih, mhic Ioseph, mhic Ionain, mhic Eliacim,*

31 *Mhic Mheléa, mhic Mhainain, mhic Mhatata, mhic Natain, mhic Dhaibhidh,*

32 *Mhic Iese, mhic Obeid, mhic Bhoois, mhic Shalmoïn, mhic Naasoin.*

33 *Mhic Aminadaib, mhic Araim,*

^O togaibh. ^P inmeal-fuscnaidh.

^I annadsa thu mi làn-toilichte.

mhic Esroim, *mhic* Phareis, *mhic* Iudaih,

54 *Mhic* Iacoib, *mhic* Isaacic, *mhic* Abraham, *mhic* Thara, *mhic* Nachoir,

55 *Mhic* Sharuich, *mhic* Ragau, *mhic* Phaleic, *mhic* Ebeir, *mhic* Shala,

56 *Mhic* Chainain, *mhic* Arphac-said, *mhic* Shem, *mhic* Noe, *mhic* Lameich,

57 *Mhic* Mhatusala, *mhic* Enoich, *mhic* Iareid, *mhic* Mhaleeil, *mhic* Chainain,

58 *Mhic* Enois, *mhic* Shet, *mhic* Adhaimh, *mhic* Dhé.

C A I B. IV.

1 *Buaireadh agus trosgadh Chriosd* :
15 *Tha e toirt buaidh air an diabhol* ; 14 *a' tòiseachadh ri searmonachadh*, 16 *Tha pobull Nasaret a' gabhail iongantsais r'a fhocláibh gràsmhor*. 53 *Tha e leigheas an duine san robh deamhan*, 38 *agus màthar-chéile Pheadair*, &c.

A GUS air do Iosa bhi làn do'n Spiorad naomh, phill e air ais o Iordan, agus threòraicheadh e leis an Spiorad do'n fhàsach,

2 Agus bha e air a bhuaireadh rè dhà fhichead là leis an diabhol ; agus cha d'ith e ni sam bith anns na làithibh sin : agus air dhoibh bhi air an crìochnachadh, an sin dh'fhas e ocrach.

3 Agus thubhairt an diabhol ris, Ma's tu Mac Dhé, abair ris a' chloich so bhi 'na h-aran.

4 Agus fhreagair Iosa e, ag ràdh, A ta e scriobhta, nach ann le h-aran a mhàin a thig duine beo, ach le gach uile fhocal Dé.

5 Agus air do'n diabhol a thabhairt gu beinn àrd, nochd e dha uile rioghachdan an domhain ann am mionaid aimsire.

6 Agus thubhairt an diabhol ris, Bheir mise an cumhachd so uile dhuit, agus an glòir ; oir thugadh dhomhsa sin, agus bheir mi e do neach air bith is toil team.

7 Uime sin ma ni thu aoradh dhomhsa, is leat iad uile.

8 Agus fhreagair Iosa agus thubh-

airt e ris, Tàr air mo chùlaobh, a Shatain : oir a ta e scriobhta, Ni thu aoradh do'n Tighearn do Dhia, agus dhasan 'na aonar ni thu seirbhis.

9 Agus thug se e gu Hierusalem, agus chuir e air binnein an teampuille, agus thubhairt e ris, Ma's tu Mac Dhé, tilg thu féin slos as so.

10 Oir a ta e scriobhta, Bheir e aithne d'a ainglibh mu d' thimchioll, thusa a choimhead.

11 Agus togaidh iad suas thu 'nan làmhaibh, air eagal gu'm buail thu uair air bith do chos air cloich.

12 Agus air freagairt do Iosa, thubhairt e ris, A dubhradh, Na buairt thusa an Tighearna do Dhia.

13 Agus an uair a chriochnuich an diabhol am buaireadh uile, dh'imich e uaith rè tamuill.

14 Agus phill Iosa ann an cumhachd an Spioraid chum Ghàile ; agus chaidh iomradhsan air feadh na dùcham'an cuairt gu h-ionlan.

15 Agus theagaig e 'nan sionagogaibh, a' faghail glòir o na h-uile dhaoinibh.

16 Agus thainig e gu Nasaret, far an d'àraicheadh e : agus chaidh e steach, mar bu ghnàth leis, air latha na sàbaid do'n t-sionagog, agus dh'éirich e 'na sheasamh chium leughaidh.

17 Agus thugadh dia leabhar an fhàidh Esaiais ; agus air fosgladh an leabhair dha, fhuair e 'n t-ait anns an robh e scriobhta,

18 Tha Spiorad an Tighearna orm, do bhrigh gu'n d'ùng e mi a shearmonachadh an t-soisgeil do na bochd-aibh ; chuir e mi a shlánuchadh na muinntir aig am bheil an cridhe briste, a ghairm^u fuasglaidh do na braighdibh, agus aiseag an radhaire do na dallaibh, a thoirt saorsa do'n muinntir a ta brùite,

19 A shearmanachadh bliadhna thaitнич an Tighearna.

20 Agus air dùnadadh an leabhair dha, thug e do'n fhear-frithealaidh e, agus shuidh e : agus bha sùile na bha san t-sionagog uile a' geur-amharc airasan.

21 Agus thòisich e air a ràdh ri,

^t *Na dearbh.* ^u *a shearmonachadh.*

An diugh a ta'n scriobtbur so air a choimhlionadh ann bhur cluasaibh-se.

22 Agus thug iad uile fianuis da, agus ghabh iad iongantas ris na briathraibh gràs-mhòr a thainig a mach as a bheul. Agus thubhaint iad, Nach e so mac Ioseip?

23 Agus thubhaint e riu, Gun amharus thubhaint sibh rium an gnàth-fhocail so, A léigh, leighis thu féin: ge b'e air bith iad na nithe a chuala sinn a rinneadh *leat* an Caper-naum, dean mar an ceudna iad an so a'd' dhùthaich féin.

24 Agus thubhaint e, Gu deimhin a deirim ribh, nach 'eil fàidh air bith taitneach 'na dhùthaich féin.

25 Ach gu firinneach a deirimse ribh, gu'n robh mòran bhantrach ann an Israël an làithibh Eliais, an uair a dhruideadh nèamh rè thri bliadhna agus shea miòs, agus a bha gorta mhòr air feadh na tire uile:

26 Ach cha do chuireadh Elias dh'ionnsuidh aon diubh, ach gu Sa-repta Shidoin, chum mnà a bha 'na bantraich,

27 Agus bha mòran lobhar ann an Israel ri linn Eliseuis an fhàidh; agus cha do ghlanadh a h-aon aca, acli Naaman an Sirianach.

28 Agus liònadh iadsan uile a bha san t-sionagog le feirg, an uair a chual iad na nithe sin,

29 Agus air éirigh suas doibh, thilg iad a mach as a bhaile e, agus thug iad leo e gu maluidh a' chnoic^a (air an robh am baile togta) chum a thilgeadh sìos an coinneamh a chinn.

30 Ach air gabhail dhasan trìd am meadhon, dh'fhalbh e:

31 Agus chaidh e sìos gu Caper-naum, baile do Ghalile, agus bha e 'gan teagasc air laithibh na sàbaid:

32 Agus ghabh iad iongantas r'a theagasc; do bhrigh gu'n robh fhocail le cumhachd.

33 Agus bha anns an t-sionagog duine anns an robh spiorad deamhain neo-ghloin, agus ghlaodh e le guth mòr.

34 Ag ràdh, Leig leinn; ciodear gnothuchne riut, Iosa o Nasaret? an d'thainig thu g'ar sgríos? a ta fhios agam cò thu, Aon naomha Dhé,

35 Agus chronaich Iosa e, ag ràdh, Bi d' thosd, agus thig a mach as. Agus air do'n deamhan esan a thilgeadh sìos 'nam meadhon, thainig e mach as, gun chiurradh sam bith a dheanamh air.

36 Agus thainig uamhas orra uile, agus labhair iad r'a chéile, ag ràdh, Ciod a' ghnè cainnte so? oir le h-ùghdarris agus cumhachd a tà e tort orduigh do na spioradaibh neo-ghlana, agus tha iad a' teachd a mach.

37 Agus chaidh iomradh airson a mach feadh gach àite do'n dùthach m'an cuairt.

38 Agus dh'éirich e as an t-sionagog, agus chaidh e steach do thigh Shimoin: agus bha fiabhrus mòr air màthair chéile Shimoin; agus ghuidh iad air as a leth.

39 Agus air dha seasamh os a ceann b, chronaich e 'm fiabhrus, agus dh'fhàg e i. Agus air éirigh dh'ise air ball, rinn i frithealadh dhoibh.

40 Agus ag dol fuidhe na gréine, iadsan uile aig an robh daoine euslan le iomadh gnè tinnis, thug iad d'a ionnsuidh iad: agus air dhasan a làmhan a chur air gach aon diubh, leighis e iad.

41 Agus chaidh mar an ceudna deamhain a mach a mòran, a' glaochadh agus ag ràdh, Is tu Criod Mac Dhé. Agus chronuich e iad, agus cha d'fhuilaing e dhoibh labhairt: oir bha fhios aca gu'm b'esan Criod.

42 Agus air teachd do'n là, chaidh e mach, agus dh'imich e gu àite fàsail: agus bha'n sluagh 'ga iarruidh; agus thainig iad d'a ionnsuidh, agus b'aill leo a chumail, chum's nach rachadh e uatha.

43 Ach thubhaint esan riu, Is éigin domhsa rioghachd Dhé a shearmonachadh do bhaitibh eile mar an ceudna: oir is ann chum so a chuireadh mi.

44 Agus shearmonaich e ann an sionagogaibh Ghalile.

^a beul-bhruach a' chnoic. ^b làimh rithe.

C A I B. V.

1 Tha Criosd a' teagasg an t-sluaigh a luing Pheadair; 4 le tarruing mhìorbhuiileach éisg tha e a' nochadh cionnus a bha e gu Peadar agus a chompanaich a dheanamh 'nan iasgairibh air daoinibh: 12 a' glanadh neach a bha 'na lobhar, 16 a' deanamh ùrnuiigh anns an fhàsach, 18 a' slànuchadh neach a bha tinn leis a' phairilis, &c.

A GUS tharladh, 'nuair a bha 'm pobull a dlù-theannadh air, chum focal Dé éisdeachd, gu'n do sheas e làimh ri loch Ghenesaret,

2 Agus chunnaic e dà luinge 'nan seasamh ri taobh an locha: ach bha na h-iasgairean air dol a mach asda, agus a' nigheadh an lionta.

3 Agus air dha dol a steach do aon do na longaibh bu le Simon, dh'iarr e air dol a mach beagan o thùr: agus air suidhe dha, theagaisg e 'n sluagh as an luing.

4 A nis an uair a sguir e do labhairt, thubhairte ri Simon, Cuir a mach chum na doimhne, agus leigibh sìos bhur lionta chum tarruing.

5 Agus fhreagair Simon, agus thubhairt e ris, A mhaighstir, shaothraich sinn feadh na h-oidhche uile, agus cha do ghlac sinn ni sam bith: ach air t'fhocalsa leigidh mi sìos an lion.

6 Agus an uair a rinn iad so, chuairtich iad tachdard mòr éisg; ionnus gu'n do bhriseadh an lion.

7 Agus smèid iad air an companachaibh, a bha san luing eile, teachd agus còmhnhadh a dheanamh leo. Agus thainig iad, agus lion iad an dà luing, ionnus gu'n robh iad an imbe dol fuidhe.

8 'Nuair a chunnaic Simon Peadar so, thuit e sìos aig glùinibh Iosa, ag ràdh, Imich uamsa, a Thighearn, oir is duine peach mi.

9 Oir ghlaic uamhas e féin agus iadsan uile bha maille ris, air son an tarruing éisg a ghlaic iad:

10 Agus mar an ceudna Seumas agus Eoin, mic Shebede, a bha 'nan companachaibh aig Simon. Agus thubhairt Iosa ri Simon, Na biodh

eagal ort; as so suas glacaidh tu daoine.

11 Agus an uair a thug iad an longa gu tir, air fàgail nan uile nithe dhoibh, lean iad esan.

12 Agus an uair a bha esan ann am baile àraigdh, feuch, duine làn do loibhre: agus air dha Iosa fhacinn, thuit e sìos air aghaidh, agus ghuaidh e air, ag ràdh, A Thighearn, ma's tol leat, tha thu comasach air mise a ghlanadh.

13 Agus shìn e a làmh, agus bhean e ris, ag ràdh, Is tol leam; bi gla. Agus air ball dh'fhàg an loibhre e.

14 Agus dh'aithn e dha, gun innseadh do neach air bith: Ach imich, agus nochd thu féin do'n t-sagart, agus tabhair seachad air son do ghlanaidh, mar a dh'aithn Maois, mar fhianuis doibh.

15 Ach bu mhòid a sgaoileadh iomradh-san: agus thainig sluagh mòr an ceann a chéile chum éisdeachd, agus a bhi air an slànuchadhl leis o'n eucailibh.

16 Agus chaidh e air leth chum an fhàsaich, agus rinn e ùrnuiigh.

17 Agus tharladh air latha arайдh, 'nuair a bha e a' teagasg, gu'n robh 'nan suidhe an sin Phairisich agus luchd teagaing an lagha, a thainig as gach uile bhaile do Ghalile, agus do Iudea, agus o Ierusalem: agus bha cumhachd an Tighearn a' làthair chum an slànuchadh.

18 Agus feuch, dh'iomchair daoine air leabaidh duine air an robh am pairilis: agus dh'iarr iad a thabhairt a steach, agus a chur 'na làithairsan.

19 Agus an uair nach d'fhuair iad seòl air am feudadh iad a thoirt a steach, le meud na cuideachd, chaidh iad suas air an tigh, agus leig iad sìos tre mhullach an tighe e fein agus a leaba, anns a' mheadhon an làthair Iosa.

20 Agus an uair a chunnaic e an creidimh, thubhairt e ris, A dhuine, tha do pheacaidh air am maitheadh dhuit.

21 Agus thòisich na scriobhuichean agus na Phairisich air reusonachadh, ag ràdh, Cò e so a ta laphairt

toibheim? cò dh'fheudas peacaidh a inhaiteadh ach Dia a mhain?

22 Ach air aithneachadh an smuainte do Iosa, fhreagair e agus thubhairt e riu, Ciod a ta sibh a' reusonachadh 'nar cridheachaibh?

23 Cò aca's usadh a ràdh, Tha do pheacaidh air am maitheadh dhuit, no ràdh, Eirich agus imich?

24 Ach a chum's gu'm bi fios agaibh gu bheil cumhachd aig Mac an duine peacaidh a mhaiteadh air talamh, (thubhairt e ri fear na pairilis) A deirim riut, éirich, agus tog do leaba, agus imich do d' thigh.

25 Agus dh'éirich e air ball 'nan làthair, agus thog e an leaba air an robh e 'na luidhe, agus chaidh e d'a thigh féin, a' tabhairt glòir do Dhia.

26 Agus ghlac uamhas iad uile, agus thug iad glòir do Dhia, agus lionadh -le h-eagal iad, ag ràdh, Chunnaic sinne nithe do-chreidsinn e an diugh.

27 Agus an déigh nan nithe sin, chaidh e mach, agus chunnaic e cìs-mhaor d'am b'ainm Lebhi, 'na shuidhe aig aite togail na cise: agus thubhairt e ris, Lean mise.

28 Agus air fàgail nan nithe dha, dh'éirich e, agus lean se e.

29 Agus rinn Lebhi féisd mhòr dha 'na thigh féin: agus bha cuid-eachd mhòr do chìs-mhaoraibh, agus do mhuinnitir eile a shuidh maille riu.

30 Agus rinn an scriobhuichean agus am Phairisich gearan an aghaidh a dheisciobul-san, ag ràdh, C'ar son a ta sibh ag itheadh, agus ag òl maille ri cìs-mhaoraibh agus ri peacach-aibh?

31 Agus fhreagair Iosa agus thubhairt e riu, Cha'n eil feum aca-san a ta slàn air an léigh ach aca-san a ta tinn.

32 Cha d'thainig mise a ghairm nam firean, ach nam peacach chum aithreachais.

33 Agus thubhairt iadsan ris, C'ar son a ta deisciobuil Eoin gu tric ri trosgadh agus a' deanamh ùrnuigh, agus mar an ceudna deisciobuil nam

Phairiseach; ach a ta do dheisciobuilse 'g itheadh agus ag òl?

34 Agus thubhairt esan riu, Am feud sibh a thoirt air cloinn seomair an fhir nuadh-phòsda trosgadh a dheanamh, am feadh a ta 'm fear nuadh-pòsda maille riu?

35 Ach thig na laithean an uair a bheirear am fear nuadh-pòsda uatha: an sin ni iad trosgadh anns na làithibh sin.

36 Agus labhair e mar an ceudna cosamhlachd riu, Cha chuir neach air bith mìr a dh'eudach nuadh air sean eudach: no, reubaidh an t-eudach nuadh e, agus cha d'thig am mìr do'n eudach nuadh ris an t-sean eudach.

37 Agus cha chuir duine sam bith fion nuadh ann an seann searragaibh; no, brisidh am fion nuadh na searragan, agus dòirtear e féin, agus caillear na searragan.

38 Ach is còir fion nuadh a chur ann an searragaibh nuadha; agus bithidh iad araon téaruinte.

39 Agus cha 'n'eil duine sam bith air dha sean fhòn òl, a dh'iarras air ball fion nuadh: oir a deir e, 'Se 'n sean fhòn is fearr.

C A I B . VI.

1 *Tha Criod a' cronuchadh doilleann Phairiseach mu thimchioll coimhead na sàbaid, le scriobtur, reuson, agus miòrbhuil, 13 u' taghadh dà abstol deug, 17 a' slànuachadh muintir a bha tinn, 20 a' searmonachadh d'a dheisciobluibh mu bheannachdaibh agus mallachdaibh, &c.*

A GUS tharladh air a' cheud latha sàbaid an déigh an dara là do fhéisd na càisgeg, gu'n deachaidh e trid na h-achaibh arbhair: agus spòn a dheisciobuil na diasan arbhair, agus dh'ith iad, an déigh am bruathadh le'n làmhaibh.

2 Agus thubhairt cuid do na Phairisich riu, C'ar son a ta sibh a' deanamh an ni nach 'eil ceudichte r'a dheanamh air laithibh na sàbaid?

3 Agus freagair Iosa iad, agus thubhairt e, Nach do leugh sibhse an

ni so rinn Dhaibhidh, 'nuair a bha ocras air fein, agus orrasan a bha maille ris :

4 Cionnus a chaidh e steach do thigh Dhé, agus a ghabh e aran na fianuish, agus a dh'ith e fein, agus a thug e mar an ceudna dhoibhsan a bha maille ris, ni nach 'eil cead-uichte itheadh ach do na sagartaibh a mhàin ?

5 Agus thubhairt e riu, Is Tigh-earna Mac an duine air an t-sàbaid fein.

6 Tharladh mar an ceudna air sàbaid eile, gu 'n deachaidh e steach do'n t-sionagog, agus gu'n do theagaisg e ; agus bha an sin duine, aig an robh a làmh dheas air seargadh.

7 Agus rinn na scriobhùichean agus na Phairisich faire, a dh'fheuchann an leighiseadh e air an t-sàbaid, chum's gu'm faigheadh iad cùis-dhìtidh i 'na aghaidh.

8 Ach thuig esan an smuaintean, agus thubhairt e ris an duine aig an robh an làmh sheartga, Eirich, agus seas a mach sa' mheadhon. Agus dh'éirich esan, agus sheas e.

9 An sin thubhairt Iosa riu, Feòruichidh mise aon ni dhibh, Am bheil e ceaduichte air laithibh na sàbaid maith a dheanamh, no olc ? anam a shiaoradh, no a sgrios ?

10 Agus air dha amharc m'an cuairt orra uile, thubhairt e ris an duine, Sìn a mach do làmh. Agus rinn e sin : agus dh'aisigeadh a làmh slàn da thar an làmh eile.

11 Agus lionadh iadsan do chuthach agus labhair iad r'a chéile, ciod a dheanadh iad ri h-Iosa.

12 Agus anns na laithibh sin chaidh esan gu beinn a dheanamh ùrnuigh, agus bhuanach e rè na h-oidhche ann an ùrnuigh ri Dial.

13 Agus air teachid do'n là, ghairm e d'a ionnsuidh a dheisciobuil : agus thagh e dà fhear dheug asda, d'an do gohir e Abstoil :

14 Simon (a dh'ainmich e mar an ceudna Peadar) agus Aindreas a bhràthair, Seumas agus Eoin, Philip agus Bartolomeus,

15 Mata agus Tomas, Seumas mac Alpheuis, agus Simon d'an goirear Selotes,

16 Iudas bràthair Sheumais, agus Iudas Iscariot, esan a bha 'na fhearr-brathaидh.

17 Agus thainig e nuas leo, agus sheas e air ionad còmhnard, agus coimhthional a dheisciobul, agus buidheann mhòr shluaign o Iudea uile agus o Hierusalem, agus o chois fairge Thiruis agus Shidoim, muinnitir a thainig g' à eisdeachd, agus gu bhi air an leigheas o'n eu slaintibh ;

18 Agus iadsan a bha air am pianadh le spioradaibh neo-ghlanan ; agus leighiseadh iad.

19 Agus dh'iarr an sluagh uile beantuinn ris : oir chaidh cumhachd a mach as, agus shlànach e iad uile.

20 Agus thog e suas a shùilean air a dheisciobluibh, agus thubhairt e, Is beannuichte sibhse ta bochd : oir is libh rioghachd Dhé.

21 Is beannuichte sibhse ta ocrach a nis : oir sàsuichear sibh. Is beannuichte sibhse ta caoidh a nis : oir gàiridh sibh.

22 Is beannuichte sibh 'nuair a bheir daoine fuath dhuibh, agus a chuireas iad as an cuideachd sibh, agus a bheir iad cainnt mhaslach dhuibh, agus a thilgeas iad a mach bhur n-ainm mar olc, air son Mhic an duine.

23 Déanaibhise gairdeachas san là sin, agus leumaibh le h-aoibhlneas : oir feuch, is mòr bhur duais air nèamh : oir is ann mar sin a rinn an aithriche air na fàidhbih.

24 Ach is anaobhinn duibhse ta saibhir : oir fhuair sibh bhur sólas.

25 Is anaobhinn duibhse ta saitheach : oir bitidh ocras oirbh. Is anaobhinn duibhse ta gàreachdaich a nis : oir ni sibh bròn agus gul.

26 Is anaobhinn duibhse 'nuair a labhras daoine ^m maith umaibh : oir is ann mar sin a rinn an aithriche ris na fàidhbih bréige.

27 Ach a derin ribhse ta 'g éisdeachd, Gràdhachibh bhur naimhde,

^h an t-aran taisbeanta. i cùis-chasaid. 1 tigh ùrnuigh Dhé.
^m na h-uile dhaoine.

deanaibh maith orrasan le'm fuathach sibh :

28 Beannuichibh iadsan a ta 'gar mallachadh, agus deanaibh ùrnuaigh air son na muinntir a ta buntuinn gu naimhdeil ribh.

29 Ris an ti a bhuaileas tu air aon ghial, cuin an gial eile ; agus do'n ti a bheir t'fhalluing dhiot, na bac do chòta mar an ceudna.

30 Tabhair d'ogach neach a dh'iarras ort ; agus o'n neach a bheir uait do mhaoin, na iarr air ais i.

31 Agus mar a b'aill libh daoine dheanamh dhuibh, deanaibhse mar an ceudna dhoibhsan.

32 Oir ma ghràdh aicheas sibh iadsan aig am bheil gràdh dhuibh, ciod am buidheachas a ta agaibh ? oir gràdh aichidh peacaich fén an droing aig am bheil gràdh dhoibh.

33 Agus ma ni sibh maith do'n mhuinntir a ni maith dhuibh, ciod am buidheachas a ta agaibh ? oir ni peacaich an ni so fein mar an ceudna.

34 Agus ma bheir sibh iasachdⁿ dhoibhsan o'm bheil dùil agaibh ri fhaotainn a rìs, ciod am buidheachas a ta agaibh ? oir bheir peacaich fén iasachd do pheacachaibh, chum's gu'm faigh iad uiread a rìs.

35 Ach gràdh aichibhse bhur naimhde, agus deanaibh maith, agus thugaibh iasachd, gun dùil a bhi agaibh ri ni sam bith 'na éiric^o : agus bithidh bhur duais mòr, agus bithidh sibh 'nar cloinn do'n Ti a's airde : oir a ta esan tabhartach dhoibhsan a ta mi-thaingeal agus olc.

36 Bithibhse uime sin tròcaireach, mar a ta bhur n-Athair tròcaireach.

37 Agus na tugaibh breth, agus cha toirear breth oirbh : na dìtbh, agus cha dìtear sibh : thugaibh maithseanas, agus bheirear maitheanas dhuibh.

38 Thugaibh uaibh, agus bheirear dhuibh ; deadh thomhas, air a gheinneadh, agus air a chrathadh ri chéile, agus a' cur thairis, bheir daoine ann bhur n-uichd ; oir leis an tomhas le'n toimhaisear dhuibh a rìs.

59 Agus labhair e cosamhlachd riu, Am feud an dall dall a threòrachadh ? nach tuit iad araon ann an slochd ?

40 Cha 'n'eil an deisbiobul os ceann a mhaighstir : ach ge b'e neach a ta coimhlionta, bithidh e mar a mhaighstir.

41 Agus c'ar son a ta thu faicinn an smùirnein a ta an sùil do bhràthar, agus nach 'eil thu toirt fainear an t-sail a ta ann do shùil fén ?

42 No cionnus a dh'fheudas tu ràdh ri d' bhràthair, A bhràthair, leig dhomh an smùirnein a thoirt a d'shùil, agus nach 'eil thu toirt fainear an t-sail a ta ann do shùil fén ? A chealgair, tilg a mach air tùs an t-sail as do shuil fén, agus an sin is léir dhuit gu soillear an smùirnein a ta ann an sùil do bhràthar a thoirt aside.

43 Oir cha deadh chraobh a bheir a mach droch thoradh : agus cha droch chraobh a bheir a mach deadh thoradh.

44 Oir aithnichear gach craobh air a toradh : oir cha tional daoine fígean do dhroighionn, no caoran fiona do'n fhearr-dhris.

45 Bheir duine maith ni maith a mach a deadh ionmhas a chridhe : agus bheir droch dhuine ni olc a mach a droch ionmhas a chridhe : oir is ann a pailteas a' chridhe a labhras a bheul.

46 Agus ca'r son a ghoireas sibh, a Thighearn, a Thighearn, dhiomsa, agus nach dean sibh na nithe a deirim ?

47 Gach neach a thig a m' ionnsuidhse, agus a chluinneas mo bhriathra, agus a ni iad, feuchaidh mi dhuibh cia ris is cosmhul e.

48 Is cosmhul e ri duine a thog tigh, agus a chladhaich domhain, agus a chuir a bhunait air carraig : agus an uair a thainig an tuil, bluail an sruth gu dian air an tigh sin, agus cha b'urrainn e charachadh ; oir bha e air a shuidheachadh P air carraig.

49 Ach an ti a chluinneas, agus nach dean, is cosmhul e ri dùine a thog tigh air an talamh gun bhun-

ait, air an do bhuail an sruth gu dian,
agus air ball thuit e ; agus bu mhòr
tuitem an tighe sin.

C A I B. VII.

1 *Air do Chriosd creidimh bu mhòr*
fhaoitainn ann an ceannard-ceud a
bha 'na Gheintileach, na ann an
aon neach do na h-Iudhachaibh, 10
leighis e sheirbhiseach gun teachd
d'a ionnsuidh, 11 Tha e togail
mic na bantraich ann an Nain o'n
bhàs, 19 a' dearbhadh do theachd-
airibh Eoin, le oibribh miorbhul-
each a rinn e 'nan làthair, gu'm
b'e séin an Criosd a bha ri teachd,
24 a' nochdadh do'n t-sluagh ciod i
a bharail mu Eoin, &c.

A NIS an uair a chriochnaich e a
bhriathrasan uile ann an éisd-eachd
an t-sluagh, chaith e steach
do Chapernaum.

2 Agus bha seirbhiseach ceannaird-
ceud àraidh, a b'ionmluinn leis, gu
tinn, agus ri h-uichd bàis.

3 Agus air cluinntinn mu Iosa
dha, chuir e seanairean nan Iudhach
d'a ionnsuidh, a' cur impidh air gu'n
d'thigeadh e, agus gu'n leighiseadh e
a sheirbhiseach.

4 Agus an uair a thainig iad gu
h-Iosa, ghuaidh iad air gu dùrachd-
ach, ag ràdh, Gu'm b'airidh e gu'n
deanadh esan so dha :

5 Oir is toigh leis ar cinneach-ne,
agus thog esan dhuinn sionagog^r.

6 Agus chaith Iosa maille riu.
Ach air dha bhi nis fagus do'n tigh,
chuir an ceannard-ceud cairde d'a
ionnsuidh, ag ràdh ris, A Thighearn,
na cuir dragh ort fén, oir cha'n
airidh mise gu'n rachadh tu steach
fa m' chleith.

7 Uime sin cha mhò a mheas mi
gu'm b'airidh mi fén air teachd a
t'ionnsuidh : ach a mhàin abair am
focal, agus slànuicheadar m' òglach.

8 Oir is duine mise fén air mo
chur fa ùghdarras, aig am bheil saighd-
eara sum, agus a deirim ris an fhear
so, Imich, agus imichidh e : agus ri
fear eile, Thig, agus thig e : agus ri
m' sheirbhiseach, Dean so, agus ni
se e.

9 Agus air cluinntinn nan nithe so
do Iosa, ghabh e iongantas ris, agus
air tionndadh dha, thubhairt e ris an
t-sluagh a lean e, A deirim ribh, nach
d'fhuair mi creidimh co mòr as so,
ann an Israeil fén.

10 Agus air pilltinn air an ais do'n
tigh do na teachdairibh a chuireadh
d'a ionnsuidh, fhuair iad an seirbhiseach
a bha tinn, slàn.

11 Agus tharladh an là 'na dhéigh
sin, gu'n deachaidh e chum baile
d'an goirear Nain ; agus chaith a
dheisciobuil^s maille ris, agus sluagh
mòr.

12 A nis an uair a thainig e 'm
fagus do gheatadh a' bhaile, feuch,
ghiùlaineadh a mach duine marbh,
aon mhac a mhàthar, agus bu bhan-
trach i : agus bha sluagh mòr do
muinntir a' bhaile maille rithe.

13 Agus an uair a chunnaic an
Tighearn i, ghabh e truas dith, agus
thubhairt e rithe, Na guil.

14 Agus thainig e agus bhean e
ris a' ghiùlan^t, (agus sheas iadsan a
bha 'ga ionchar) agus thubhairt e,
Oganaich, a deirim riut, Éirich.

15 Agus dh'Éirich an duine bha
marbh 'na shuidhe, agus thòisich e
air labhairt : agus thug e d'a mhàth-
air e.

16 Agus ghlac eagal iad uile : a-
gus thug iad glòir do Dhia, ag ràdh,
Dh'Éirich faidh mòr 'nar measg-ne ;
agus, Dh'amhairc Dia air a shluagh
fén.

17 Agus chaith an t-iomradh so
mach airsan air feadh Iudea uile,
agus na dùcha m'an cuairt uile.

18 Agus dh'innis a dheisciobuil do
Eoin mu thimchioll nan nithe sin
uile.

19 Agus ghairm Eoin d'a ionn-
suidh dithis àraidh d'a dheisciobluibh,
agus chuir e iad gu h-Iosa, ag ràdh,
An tusa esan a bha ri teachd, no'm
bi sùil againn ri neach eile :

20 Agus air teachd do na daoinibh
d'a ionnsuidh, thubhairt iad, Chuir
Eoin Baiste sinne a'd' ionnsuidh, ag
ràdh, An tusa 'n ti a bha ri teachd,
no'm bi sùil againn ri neach eile ?

21 Agus anns an uair sin fén

^r thing esan ar sionagog.^s mòran d'a dheisciobluibh.^t chiste mhairbh.

leighis e mòran o 'n euslaintibh agus o'm plàighibh, agus o dhroch spiorad-aibh, agus thug e 'n radharc do mhòran a bha dall.

22 Agus fhreagair Iosa, agus thubhairt e riu, Imichibhse agus iannsibh do Eoin na nithe a chunnaic agus a chuala sibh, gu'm bheil na doill a' faicinn, na bacaich agimeachd, na lobhair air an glanadh, na bodhair a' cluinntinn, na mairbh air an dùsgadh, an soisgeul air a shearmonachadh do na bochdaibh.

23 Agus is beanuicht' esan nach faigh oilbheum annamsa^u.

24 Agus an uair a dh'fhalbh teachdairean Eoin, thòisich e air labhairt ris an t-sluagh mu thimchioll Eoin, Ciod an ni a chaidh sibh a mach do'n fhàsach a dh'fhaicinn ? an i cuile air a crathadh le gaoith ?

25 Ach ciod e an ni chaidh sibh a mach a dh'fhaicinn ? an e duine air a sgeadachadh ann an eudach mìn ? feuch, iadsan a ta sgeadaichte le eudach riomhach, agus a' caitheadh am beatha gu sòghail, is ann an cuirtibh nan righ a ta iad.

26 Ach ciod e an ni chaidh sibh a mach a dh'fhaicinn ? an e fàidh ? seadh, a deirim ribh, agus ni's mò na fàidh.

27 Is e so an ti mu'm bheil e scriobhta, Feuch, cuiream mo theachd-aire roimh do ghnùis, a dh'ulluicheas do shlighe romhad.

28 Oir a deirim ribh, 'Nam measg-san a rugadh le mraibh, cha 'n'eil fàidh a's mò na Eoin Baiste : gidh-cadh an ti a's lugha ann an rioghachd Dhé, is mò e na esan.

29 Agus dh'fhìreanaich am pobull uile a chual e, agus na cùs-mhaor Dia, air dhoibh bhi air am baisteadh le baisteadh Eoin.

30 Ach chuir na Phairisich agus an luchd lagha cùl ri comhairle Dhé d'an taobh féin, am feadh nach do bhaisteadh iad leis.

31 (Agus thubhairt an Tighearna,) Cò ris uime sin a shamhlacheas mi daoine a' ghinealaich so ? agus cò ris a ta iad cosmhul?

32 A ta iad cosmhul ri cloinn a ta

'nan suidhe sa' mhargadh, agus a dh'éigheas r'a chéile, ag ràdh, Rinn sinne piobaireachd dhuibhse, agus cha d'rinn sibhse danusa : rinn sinne tuireadh dhuibhse, agus cha d'rinn sibhse gul.

33 Oir thainig Eoin Baiste, cha'n ann ag itheadh arain, no 'g òl fiona ; agus their sibh, A ta deamhan aige.

34 Thainig Mac an duine ag ith-eadh 's ag òl ; agus their sibh, Feuch duine geocach agus pòitear-fiona, caraid chis-mhaor agus pheacach.

35 Ach a ta gliocas air a firean-achadh leis a cloinn uile.

36 Agus dh'íarr duine àráidh do na Phairisich air, gu'n itheadh e biadh maille ris. Agus chaidh e steach do thigh an Phairisich, agus shuidh^a e sios chum bidh.

37 Agus feuch, an uair a fhuair bean anns a bhaile, a bha 'na peacach, fios gu'n robh e 'na shuidhe aig biadh ann an tigh an Phairisich, thug i leatha bocsa alabastair *làn do ola chùrbhraidh*.

38 Agus sheas i aig a chosaibh air a chùlachbh a' gul, agus thòisich i air a chosan a fhìlitichadh leis a deuraibh, agus thiormaich i *iad* le gruaig a cinn, agus phòg i a chosa, agus dh'ùng i leis an ola iad.

39 Agus an uair a chunnaic am Phairiseach, a thug cuireadh dha, so, labhair e ann féin, ag ràdh; Nam b'fhaidh an duine so, bhiodh fhios aige cò i a' bhean so ta beantuinn ris, agus ciod is gnè dh'i; oir is peacach i.

40 Agus fhreagair Iosa, agus thubhairt e ris, A Shimoin, a ta ni agam ri ràdh riut. Agus thubhairt esan, A mhaighstir, abair e.

41 Bha aig fear-fiacha àraidh dithis do fhéichneinilbh : bha aige air aon shear cùig ceud peghinn, agus air an feadh eile leth-cheud.

42 Agus do bhrigh nach robh aca ni leis an dioladh iad, mhaith e gu saor dhoibh araon. Innis demhsa uime sin, cò aca 's mò a ghràdh-aicheas e ?

43 Agus fhreagair Simon agus thubhairt e, 'S i mo bharail gur e an'

^u nach gabh oilbheum ri umisa.

^a luidh. Gr.

neach is mò d'an do mhaith e. Agus thubhairt e ris, Is ceart a thug thu breth.

44 Agus air tionndadh ris a' mhnaoi, thubhairt e ri Simon, Am faic thu bhean so? thainig mi steach do d' thigh, cha d'thug thu dhomh uisge chum mo chos; ach dh'ionnlaid ise mo chosa le deurainbh, agus thiormaich i *iad* le folt a cinn.

45 Cha d'thug thusa dhomh pòg: ach o thainig ise^b stigh, cha do sguir i a phògadh mo chos.

46 Cha d'ùng thusa mo cheann le h-ola: ach dh'ùng ise mo chosa le h-ola chùbbhraidh.

47 Uime sin a deirim riut, Gu'm bheil a peacaidh a ta lìonmhor, air am maiteadh; air an aoibhar sin e ghràdhach i gu mòr: ach ge b'e neach d'am maitear beagan, bithidh a ghràdh beag.

48 Agus thubhairt e ri the, Tha do pheacaidh air am maiteadh.

49 Agus thòisich iadsan a bhà 'nan suidhe aig biadh maille ris, air a ràdh anna féin, Cò e so a ta eadhon a' maiteadh pheacanna?

50 Agus thubhairt e ris a' mhnaoi, Shlànuich do chreidimh thu; imich an sìth.

C A I B. VIII.

2 Tha mnài a' frithealadh do Chriosd le am maoin. 4. Tha Criod, an déigh dha searmoin a dheanamh o àit gu h-àit, agus e air a leantuin le abstolaibh. a' labhairt cosamhlachd an t-sioloair, 16 agus na coinne; 21 a' cur an céill cò iad a mhàthair, agus a bhràithrean, 22 a' cronuchadh na gaoithe, &c.

A G U S tharladh an déigh sin, gu'n d'imich esan trìd gach cathair agus baile, a' searmonachadh, agus a' cur an céill soisgeil rioghachd Dhé, agus an dà fhear dheug 'na fhochair,

2 Agus mnài àraidh a leighiseadh o dhroch spioradaibh agus o euslaintibh, Muire d'an goirear Mag-

dalén, as an deachaidh seachd deamhain,

5 Agus Ioanna bean Chusa stiùbh-aird Heroid, agus Susanna, agus mòran eile, a bha frithealadh dha le am maoin.

4 Agus an uair a chruinnich sluagh mòr, agus a thainig iad as gach baile d'a ionnsuidh, labhair e ann an cosamhlachd:

5 Chaidh fear-cuir amach a chur a shìl: agus ag cur da, thuit cuid ri taobh an rathaid, agus shaltradh sìos e, agus dh'ith eunlaith an athair suas e.

6 Agus thuit cuid eile air carraig, agus air fàs da, shearg e, do bhrigh nach robh sùgh aige.

7 Agus thuit cuid eile am measg droighinn, agus air fàs do 'n droighionn maille ris, thachd se e.

8 Agus thuit cuid eile air talamh maith, agus dh'fhàs e suas, agus thug e toradh uaithe a cheud uiread 's a chuireadh. Agus air dha na nithe sin a ràdh, ghlaodh e, Ge b'e aig am bheil cluasa chum éisdeachd, éisdeachd e.

9 Agus dh'fhiorsraich a dheisciobail deth, ag ràdh, Ciod e an cosamhlachd so?

10 Agus thubhairt esan, Thugadh dhuihbhse èolas fhaotainn air rùn diòmhair rioghachd Dhé; ach do chàch an cosamhlachdaibh, ionnus ag faicinn doibh nach faiceadh iad, agus ag cluinnntinn doibh nach tuigeadh iad.

11 Ach is e so an cosamhlachd: Is e 'n siòl focal Dé.

12 Iadsan ri taobh an rathaid, is iad sin a dh'éisdeas: 'na dhéigh sin a ta 'n diabhol a' teachd, agus a' togail air falbh an fhocail as an cridheachaibh, air eagal gu'n creideadh iad agus gu'm biodh iad air an saoradh.

13 An dream air a' charraig, is iad sin iadsan, an uair a dh'éisdeas iad, a ghabhas am focal d'an ionnsuidh le gairdeachas; ach cha 'n'eil aca so freumh, muinntir a chreideas rè tamuill, agus an àm buairidh a tauiteam air falbh.

14 Agus an ni a thuit am measg droighinn, is iad sin an dream a dh'éisdeas, agus air dhoibh dol a mach, a ta iad air an tachdadh le eùram, agus le saiblireas, agus le sàimhe na beatha *so*, agus cha 'n'eil iad a' toirt toraidh uatha chum foirfeachd.

15 Ach an ni *a thuit* san talamh mhaith, is iad sin iadsan, air dhoibh am focal éisdeachd, a ta 'ga choimhlead ann an eridhe treibh-dhireach agus maith, agus a' toirt toraidh uatha le foighidind.

16 Cha 'n'eil neach air bith, air dha coinneal a lasadh, a dh'fholuich-eas fa shoitheach i, no chuireas fa leabaidh i : ach cuiridh e ann an coinnleir i, chum's gu'm faic iadsan a thig a stigh an solus.

17 Oir cha 'n'eil ni sam bith folaithe, nach deanar follaiseach ; no uaigneach, nach aithnichear, agus nach d'thig os àird.

18 Air an aobhar sin thugaibh fa'near eionnus a dh'éisdeas sibh : oir ge b'e neach aig am bheil, bheirear dha ; agus ge b'e neach aig nach 'eil, bheirear uáith eadhon an ni sin a shaoilear a bhi aige.

19 An sin thainig d'a ionnsuidh a mhàthair agus a bhràithre, agus cha b'urrainn iad teachd am fagus da leis an dòmhlas.

20 Agus dh'innseadh dha le *dream àraidi*, a thubhairt, Tha do mhàthair agus do bhràithre 'nan seasamh a muigh, ag iarraidh t'fhaicinn.

21 Agus fhreagair esan agus thubhairt e riu, Is iad mo mhàthair agus mo bhràithrean iadsan a dh'éisdeas ri focal Dé, agus a ni e.

22 Agus tharladh air là àraidi, gu'n deachaidh e féin agus a dheis-cio buil a stigh do luing : agus thubhairt e riu, Rachamaid thairis gu taobh thall an locha. Agus chuir iad a mach *o thìr*.

23 Ach ag seòladh dhoibh, thuit eodal airsan : agus thainig ànradh e gaoith a nuas air an loch, agus lionadh iad *le h-uisge*, agus bha iad ann an gàbhadh.

24 Agus thainig iad d'a ionnsuidh, agus dhùisg iad e, ag ràdh, A mhaighstir, a mhaighstir, tha sinn callte, An sin dh'éirich esan, agus chronuich e ghaoth, agus onfa an uisge : agus sguir iad, agus thainig fèath f ann,

25 Agus thubhairt e riu, C'ait am bheil bhur creidimh ? agus air dhoibh bhi fa eagal, ghabh iad longantas, ag ràdh, r'a chéile, Ciod a' ghnè dhuine so ? oir a ta e toirt àithne do na gaothaibh, agus do'n uisge fèin, agus a ta iad ùmbal dha.

26 Agus thainig iad air tìr aig dùthaich nan Gadareneach, a ta thall fa chomhair Ghàilie.

27 Agus an uair a chaidh e mach air tìr, choinnich duine àraidi as a' bhaile e, ains an robh dearhainn rè aimsir fhada, agus aig nach biodh eudach uime, agus nach fanadh ann an tigh, ach anns na h-àitibh-adhalic.

28 An uair a chunnaic e Iosa, ghlaodh e mach, agus thuit e sìos 'na làthair, agus thubhairt e le guth àrd, Ciod e mo ghnothuchsa riut, Iosa, a Mhic an Dé a's ro àirde ? guidheam ort, na pian mi.

29 (Oir bha e air toirt àithne do'n spiorad neo-ghlan dol a mach as an duine. Oir bu tric a rug e gu naimh-deil air : agus cheangladh e le slabhruidhibh, agus choimhidealbh an geimhlibh e ; agus air briseadh a chuibhreacha dlia, dh'iomaineadh e leis an déamhan do'n fhàsach.)

30 Agus dh'fheòraich Iosa dheth, ag ràdh, Ciod is aimh dhuit ? agus thubhairt esan, Legion : do bhrigh gu'n deachaidh mòran dheamhan a steach ann.

31 Agus ghuidh iad air, gun àithne thoirt doibh dol sìos do'n doimhneachd g.

32 Agus bha treud lòn-mhor mhuc an sin, ag ionaltradh air an t-sliabh : agus ghuidh iad air cead a thoirt doibh dol a steach anna. Agus thug e cead doibh.

33 An sin air dol do na deamhnaibh a mach as an duine, chaidh iad anns na mucaibh : agus ruith an treud

d seasmlachd.

e doiniorr, stoirm.

f ciuine.

g dubh-aigean.

mhuc gu dian sios le bruthach b' do'n
loch, agus thachdadhi iad.

34 Agus an uair a chunnaic an
dream a bha 'gam biadhadh an ni a
rinneadh, theich iad, agus dh'innis¹
iad e anns a' bhaile agus apns an
dùthaich.

35 Agus chaidh iadsan a mach a
dh'fhaicinn an ni a rinneadh; agus
thainig iad gu h-Iosa, agus fhuair iad
an duine as an deachaidh na deamhain,
'na shuidhe aig cosaibh Iosa, air
eudachadh, agus e 'na cheill: agus
ghabh iad eagal.

36 Agus dh'innis an dream a
chunnaic e dhoibh, cionnus a shlànuicheadh
an duine san robh na
deamhain.

37 An sin dh'iarr muinntir dùcha
nan Gadareneach uile airt, imeachd
uatha; oir ghilcadh le h-eagal mòr
iad: agus chaidh e san luing, agus
phill e air ais a ris.

38 A nis ghuidh an duine as an
deachaidh na deamhain air, e fein a
bhi maille ris: ach chuir Iosa uaith
e, ag ràdh,

39 Pill do d' thigh fein, agus cuir
an cèil meud nan nithe a rinn Dia
dhuit. Agus dh'imich e roimhe, ag
innseadh gu follaiseach air feadh a'
bhaile uile, meud nan nithe a rinn
Iosa dha.

40 Agus tharladh, an uair a phill
Iosa air ais, gu'n do ghabh an sluagh
gu toileach ris: oir bha iad uile 'ga
sfeitheamh.

41 Agus feuch, thaing duine da'm
b'aimm Iairus, a bha 'na uachdaran
air an t-sionagog: agus thuit e aig
cosaibh Iosa, agus ghuidh e air gu'n
d'thigeadh e d'a thigh:

42 Do bhrigh gu'n robh aon-ghin
nighinn aige, mu thimchioil dà
bhliadhna dheug, agus i faotainn a'
bhàis. (Ach air dha bhi 'g imeachd,
bha'n sluagh 'ga theannadh.)

43 Agus thaing bean air an robh
dòrtadh folà bhliadhna dheug, agus
a chaith a beathachadh uile ri léighibh,
agus nach b'urradh bhi air a
leigheas le neach air bith,

44 Thainig ise air a chìulaobh, agus

bhean i ri h-iomall eudaich: agus
sguir a dòrtadh folà air ball.

45 Agus thubhairt Iosa, Cò bhean
rium? Air àicheadh do na h-uile,
thubhairt Peàdar, agus iadsan a bha
'na fhochair, ris, A mhaighstir, tha 'n
sluagh ga d' dhòmhlaichadh, agus ga d'
theannadh, agus an abair thu, Cò
bhean rium?

46 Agus thubhairt Iosa, Bhean
neach éigin rium: oir mhotaich mi
cumhachd a' dol asam.

47 Agus an uair a chunnaic a'
bhean nach robh i'n ain-fhios^m.
thainig i air chrith, agus a' sleuchadh
dha, chuir i'n cèil da c'ar son
a bhean i ris, an làthair an t-sluagh
uile, agus mar a shlànuicheadh i gu
grad.

48 Agus thubhairt esan rithe, A
nighean, biodh misneach agad: shlànuicheadh
do chreidimh thu; imich an sith.)

49 Am feadh 's a bha e fathast a'
labhairt, thainig neach o thigh Uachdarain
na sionagoige, ag ràdh ris, Tha
do nighean marbh; na cuir dragh air
a' mhaighstir.

50 Ach air cluinntinn so do Iosa,
fhreagair se e, ag ràdh, Na biodh eagal
ort: a mhàin creid, agus bithidh i air
a slànuachadh.

51 Agus an uair a chaidh e do 'n
tigh, cha do leig e le neach air bith
dol a stigh, ach Peàdar, agus Eoin,
agus Séumas, agus athair agus màthair
na h-inglin.

52 Agus bha iad uile a' gul, agus
a' deanamh caoidh air a son: ach
thubhairt esan, Na guilibh: cha 'n'eil
i marbh, ach 'na codal.

53 Agus rinn iad gàire fanoid ris,
do bhrigh gu'n robh fhios aca gu'n
robh i marbh.

54 Agus air dha an cur a mach
uile, ghilac e air làimh i, agus ghlaodh
e, ag ràdh, A nighean, éirich.

55 Agus thainig a spiorad air ais,
agus dh'éirich i airball: agus dh'aithn
e biadh a thoirt d'i.

56 Agus ghabh uamhas mòr a
parantanⁿ: ach thug esan àithne
dhoibh gun an ni a rinneadh innseadh
do neach air bith.

¹ leathad, àite corrach. ² i bhliadhadh. ³ i theich iad, (agus chaidh iad,) agus dh'innis. ⁴ am folach. ⁵ a ginteirean.

C A I B. IX.

1 *Tha Criod a' cur a mach abstol a dh'oibreachadh mhiorbhuite, agus a shearmonachadh.* 7 *Tha togradh aig Herod Criod fhaicinn.* 17 *Tha Criod an déigh searmonachadh do'n t-sluagh, a' toirt lòin do chùig mìle aca gu mìorbhuiteach,* 22 *ag innseadh fhulangais roimh-laimh,* 25 *ag innseadh do na h-uile le'm b'aill a bhi 'nan deisciobuil da, gur éigin doibh eisiomplairs' a leantuinn.* 28 *Atharrachadh a chrutha, &c.*

A GUS ghairm e an dà fhearr dheug^o an ceann a chéile, agus thug e cumhachd agus ùghdarris doibh air na h-uile dheimhnabhair, agus a chum euslaintean a leigheas.

2 Agus chuir e mach iad a shearmonachadh rioghachd Dhé, agus a shlanuchadh nan euslan.

3 Agus thubhairt e riu, Na tugaibh ni air bith leibh chum na slighe, bat-aiche no mala, no aran, no airgiot; ni mò bhios dà chòta aig gach fear agaibh.

4 Agus ge b'e air bith tigh d'an d'théid sibh a steach, fanaibh an sin, agus as sin rachaibh a mach^P.

5 Agus cò air bith iad nach gabh ribh, air dhuibh dol a mach as a' bhaile sin, crathaibh dhibh eadhon an duslach o Bhar cosaibh mar fheianuis 'nan aghaidh.

6 Agus chaidh iadsan a mach, agus ghabh iad tre na bailtibh, a' searmonachadi an t-soisgeil, agus a' leigheas anns gach ait.

7 Agus chual Herod an Tetrarch na h-uile nithe a rinneadh leis: agus bha e an imcheist, do bhrigh gu'n dubhradh le cuid, gu'n robh Eoin air éirigh o na marbhaibh:

8 Agus le cuid, gu'n d'fhoillsieadh Elias: agus le cuid eile, gu'n robh aon do na sean fhàidhibh air éirigh a ris.

9 Agus thubhairt Herod, Thug mis' an ceann a dh'Eoin: ach cò e 'm fear so mu'n cluinneam a leithid so do nithibh? Agus db'iarr e fhaicinn.

10 Agus air pilltinn do na h-abstolaibh, dh'innis iad dha gach ni a

rinn iad. Agus thug e leis iad, agus chaidh e fa leth gu àite fàsail, a bhuineadh do'n bhaile d'an goirear Bet-saida.

11 Agus an uair a fhuair an sluagh fios air, lean iad e: agus ghabh e d'a ionnsuidh iad, agus labhair e riu mu thimchioll rioghachd Dhé, agus léighis e iadsan aig an robh feum air leigh-eas.

12 Agus an uair a thòisich an là-air teireachdainn thaining an dà fhearr dheug, agus thubhairt iad ris, Cuir air falbh an sluagh, chum 's gu'n d'théid iad do na bailtibh agus do'n tir m'an cuairt, agus gu'n gabh iad tàmh agus gu'm faigh iad biadh: oir tha sinn an so an àite fàsail.

13 Ach thubhairt esan riu, Thug-ailbhe dhoibh ni r'a itheadh. Agus thubhairt iadsan, Cha 'n'eil agaínn tuilleadh na cùig builinnean agus dà iasg: mur d'théid sinn agus biadh a cheannach do'n t-sluagh so uile.

14 Oir bha iad mu thimchioll cùig mìle fear. Agus thubhairt e r'a dheisciobluibh, Cuiribh nan suidhe-iad, leth-cheud anns gach cuideachd.

15 Agus rinn iad mar sin, agus chuir iad 'nan suidhe iad uile.

16 Agus ghabh e na cùig builinnean agus an dà iasg, agus air amharc suas gu nèamh, bheannuich e iad, agus bliris e, agus thug e d'a dheisciobluibh iad gu'n cur an làthair an t-sluagh.

17 Agus dh'ith iad, agus shàs-ucieadh iad uile: agus thogadh dà chliabh dheug do bhiadh briste, a bhadh'fhuighleach aca.

18 Agus tharladh, air dha bhi riùrnuiigh fa leth, gu'n robh a dheisciobuil maille ris: agus dh'fheòraich e dhiubh, ag ràdh, Cò their an sluagh is mise?

19 Fhreagair iadsan agus thubhairt iad, Eoin Baiste: ach their cuiid, Elias: agus cuid eile, gu bheil aon do na sean fhàidhibh air éirigh a ris.

20 Thubhairt e riu, Ach cò their sibhle is mi? Agus fhreagair Peadar, agus thubhairt e, Criod Dhé.

21 Agus air dha sparradh teann a

^o a dhà dheisciobul deug.

^P fanaibh an sin gus am fàg sibh an t-àit.

thoirt doibh, dh'aithn e gun iad a dh'innseadh so do neach sam bith,

22 Ag ràdh, Gur éigin do Mhac an duine mòran fhulang, agus a bhi air a dhiultadh leis na seanaireibh, agus an h-àrd shagartaibh, agus na scriobhuichibh, agus a bhi air a chur gu bàs, agus air a thogail suas air an treas là.

23 Agus thubhaint e r' i uile, Ma's àill le neach air bith teachd a'm' dhéighe, àicheadhadh se e féin, agus togadh e chramm-ceusaidh gach là, agus leanadh e mise.

24 Oir ge b'e neach le'm b'àill anam a thearnadh, caillidh se e: ach ge b'e neach a chailleas anam air mo sgàthsa, saoraidh esan e.

25 Oir ciod e an tairbhe do dhuine, ge do chosnadh e 'n saoghal gu h-iomlan, agus e féin a chall, no bhi air a sgrios?

26 Oir ge b'e neach a ghabhas näire dhiomsa agus do m' bhriathraibh, gabhaidh Mac an duine näire dheth-san, an uair a thig e 'na ghàidh fèin, agus an glòir Athar, agus nan aingeal naomha.

27 Ach a deirimse ribh gu firinn-each, gu bheil cuid 'nan seasamh an so, nach blais bàs, gus am faic iad rioghachd Dhé.

28 Agus tharladdi mu thimchioll oichd làithean an déigh nam briathar so^r, gu'n d'thug e leis Peadar, agus Eoin, agus Seumas, agus gu'n deachaidh e suas gu beinn a dheanamh ùrnuigh.

29 Agus an uair a bha e ri ùrnuigh, bha dreach a ghnùise air atharrachadh, agus rinneadh eudach geal agus dealrach.

30 Agus feuch, bha dithis fear a' còmhradh ris, eadhòn Maois agus Elias,

31 A nochdadh ann an glòir, agus a bha labhairt m'a bhàs^s, a bha esan gu choimhlionadh ann an Ierusalem.

32 Ach bha Pheadar, agus iadsan a bha maille ris, trom 'nan codal: agus an uair a dhùisg iad, chunnaithe iad a ghàidh, agus an dithis fear a bha 'nan seasamh maille ris.

33 Agus an uair a bha iadsan a'

dealachadh ris, thubhaint Peadar ri h-Iosa, A mhaighstir, is maith dhuinne bhi 'n so, agus deanamaid tri bothain, aon duitse, agus aon do Mhaoris, agus aon do Elias; gun fhios aige ciod a bha e 'g ràdh.

34 Am feadh a bha e ag ràdh so, thainig neul, agus chuir e sgàile orra: agus ghabh iad eagal an uair a bha fad a' dol a stigh san neul.

35 Agus thainig guth as an neul, ag ràdh, Is e so mo Mhac gràdhachsa, eisidh ris.

36 Agus an uair a rinneadh an guth so, fhuaradh Iosa 'na aonar: agus dù'han iadsan 'nan tosd, agus cha d'innis iad do neach air bith anns na làithibh sin aon ni do na chunnaic iad.

37 Agus tharladdi, an là 'na dhéigh sin, an uair a thainig iad a nuas o'n bheinn, gu'n do thachair sluagh mòr air.

38 Agus feuch, ghlaodh duine àrainn do'n t-sluagh, ag ràdh, Amhaighstir, guidheam ort, amhaire air mo mhac, oir is e m'aon duine cloinne e.

39 Agus feuch, a ta spiorad a' breith air, agus a ta e gu h-obann ag éigheach, agus a ta e 'ga tharruing as a chéile air chor 's gu bheil e cur cobhair a mach, agus an déigh a chomh-bhrutliadh is gann a dh'fhág as se e.

40 Agus ghuidh mi air do dheiscioibluibh gu'n cuircadh iad a mach e, agus cha b'urrainn iad.

41 Agus fhreagair Iosa agus thubhaint e, O ghinealaich mhi-chreidich agus fhiair^u, cia fhad a bhios mi maille ribh, agus a dh'fhuilgeas mi sibh? Thoir an so do mhaec.

42 Agus am feadh a bha e fathast a' teàchd, thilg an deannan sìos e, agus reub se e: agus chronuich Iosa an spiorad neo-ghlan, agus shlànuich e 'n leanabh, agus thug e d'a athair e:

43 Agus ghabh iad uamhas uile ri mòr chumhachd Dhé. Ach air dhoibh uile bhi gabhail iongantais ris na h-uile nitibh a rinn Iosa, thubhaint e r'a dh'fheisciobluibh,

44 Taisgibh na briathrasa ann bhur

^r nan nithe so. — ^s m'a shiubhal

^t eis m'aon ghéin e. ^u choirbte.

cluasaibh : oir tha Mac an duine gu bhi air a thoirt thairis do làmhaibh dhaoine.

45 Ach cha do thuig iadsan an còmhراidh so, agus bha e folaichte uatha, air chor as nach b'aithne dhoibh e^a : agus b'eagalach leo ceisd a chur air mu thimchioll a' chòmhraidh so.

46 An sin dh'éirich deasboireachd eatorra, cò aca bu mhò a bhitheadh.

47 Agus air do Iosa smuaintean an cridhe fhaicinn, ghabh e leanabh, agus chuir e làimh ris féin e,

48 Agus thubhairt e riu, Ge b'e ghabhas ris an leanabh so ann am ainmse, tha e a' gabhail riumsa : agus ge b'e neach a' ghabhas riumsa, tha e gabhail ris an ti a chuir uaith mi : cir an neach a's lugha 'nar measgfa uile, bitidh esan mòr.

49 Agus fhreagair Eoin, agus thubhairt e, A mhaighstir, chunnaic sinne duine àraigdh a' tilgeadh mach dheamhan a' tainmse ; agus bhac sinn e, chionn nach 'eil e 'gar lean-tuinn-ne.

50 Agus thubhairt Iosa ris, Na bacaibh e : oir ge b'e nach 'eil 'nar n-aghaidh, tha e leinn.

51 A nis an uair a choimhlionadh làithean a ghabhail suas, shuidhich e a ghnùis chum dol gu Hierusalem,

52 Agus chuir e teachdairean roimh a ghnùis : agus dh'imich iad, agus chaidh iad a steach do bhaile leis na Samaritanaich, a dh'ulluchadh air a shonsan.

53 Agus cha do ghabh iadsan ris, a chionn gu'n robh aghaidh mar gu'm biodh e dol gu Hierusalem.

54 Agus an uair a chunnaic a dheisciobuil Seumas agus Eoin so, thubhairt iad, A Thighearn, an aill leat gu 'n abramaid^b teine a theachd a nuas o néamh, agus an losgadh, eadhon mar a rinn Elias ?

55 Ach thionndaidh esan agus chronuich e iad, agus thubhairt e, Cha 'n'eil fhios agaibh ciod a' ghnè spioraid d'am bheil sibh :

56 Oir cha d'thainig Mac an duine a sgrios anama dhaoine, ach g'an

saoradh. Agus chaidh iad gu baile eile.

57 Agus tharladh, an uair a bha iad ag imeachd air an t-slighe, gu'n dubhaint duine àraigdh ris, A Thighearn, leanaidh mise thu ge b'e ait an d'théid thu.

58 Agus thubhairt Iosa ris, Tha tuill^c aig na sionnaich, agus nid aig eunlaith an athair, ach cha 'n'eil ait aig Mac an duine anns an cuir e cheann fuidhe.

59 Agus thubhairt e ri duine eile, Lean mise : ach thubhairt esan, A Thighearn, leig dhomh dol air tùs agus m'athair adhlae.

60 Ach thubhairt Iosa ris, Leig leis na mairbh am mairbh féin adhlae ; ach imich thusa agus searmonach rioghachd Dhé.

61 Agus thubhairt neach eile mar an ceudna, A Thighearn, leanaidh mise thu : ach leig dhomh air tùs mo chead a ghabhail diubhsan a ta aig mo thigh.

62 Ach thubhairt Iosa ris, Cha 'n'eil neach air bith, a chuireas a làmh ris a' chrann-araidh, agus a sheallas 'na dhéigh, iomchuidh air son rioghachd Dhé.

C A I B. X.

- 1 Tha Ceiosd a' cur a mach a dh'aon uair 70 deisciobul a shearmonachadh ; 17 ag iarraidh orra bhi irios-al, agus ag innseadh dhoibh ciod e an ni anns am buineadh dhoibh gairdeachas a dheanamh, 21 a' toirt buidheachas d'a Athair air son a ghràis, 23 a' cur an céill staid shona a dheisciobul, &c.

A N déigh nan nithe sin, dh'ord uich an Tighearna mar an ceudna deichnear agus tri fishead eile, agus chuir e lòn dithis is dithis roimh a ghnùis iad, do gach baile, agus ait, anns an robh e féin gu teachd.

2 Air an aobhar sin thubhairt e riu, Tha 'm foghara gu firinneach mòr, ach a ta an luchd oibre tearc : guidhibh uime sin air Tighearn an fhogharaidh, luchd oibre chur a mach chum fhogharaidh féin.

3 Imichibh : feuch, a ta mise 'gar

^a chum nach mothaidh iad e.

^b ordúicheamaid.

^c garaidh, brocluidh.

cur a mach mar uain am measg
mhadradh alluith.

4 Na ionchairibh sporan, no mala,
no brògan; agus na beannuichibh do
neach air bith san t-slighe.

5 Agus ge b'e tigh d'an d'théid
sibh a steach, abraibh air tùs, Sìth
do'n tigh so.

6 Agus ma bhios mac na sìth an
sin, gabhaidlì bhur sìth còmlnuidh
air: ach mur bi, pillidh *bhur sìth*
chugailbh fèin a ris.

7 Agus fanaibh anns an tigh sìp,
ag itheadh agus ag òl nan nithe a
bheirear dhuibh: oir is fiu an t-oib-
riche a thuarasdal. Na rachaibh o
thigh gu tigh.

8 Agus ge b'e baile d'an d'théid
sibh a steach, agus san gabh iad ribh,
ithibh na nithe sin a chuireas iad 'nar
làthair.

9 Agus leighisibh a' mhuinnitir a ta
euslan ann, agus abraibh riu, Tha
rioghachd Dhé air teachd am fagus
duibh.

10 Ach ge b'e baile d'an d'théid
sibh a steach, agus nach gabh iad
ribh, air dhuibh dol a mach air a
shràidibh, abraibh,

11 Eadhon duslach bhur baile a
lean ruinn, tha sinne a' glanadh dhinn
'nar n-aghaidhse: gidheadh, biodh
fhiös so agaibh gu'n do dhruid riogh-
achd Dhé ribh.

12 Ach a deirimse ribh, gur so-
iomchair' a bhitheas e do Shdom san
là ud, na do'n bhaile sin.

13 Is anaoibhinn duit, a Chorasin,
is anaoibhinn duit, a Bhetsaida; oir
nam bitheadh na h-oibre cùmhdachd-
ach a rinneadh annaibhse air an dean-
amh ann an Tirus agus ann an Sidon,
is fad o'n a dheanadh iad aithreachas,
'nan suidhe ann an saic-eudach agus
ann an luathire.

14 Ach bitidh e ni's so-iom-
chaire^e do Thirus agus do Shidon
anns a' bhreitheanas, na dhuibhse.

15 Agus thusa, a Chaper-naum, a ta
air t'ardachadh gu nèamh, tilgear sìos
gu h-ifrin thu.

16 Esan a dh'éisdeas ribhse, éisd-
idh e riomsa: agus esan a dhiultas
sibhse, tha e ga m' dhiultadh: agus

an neach a dhiultas mise, tha e a'
dhiultadh an ti a chuir uait mi.

17 Agus phill a'n deichnear agus
an tri fishead le gairdechas, ag ràdh,
a Thighearn, a ta na deamhain fèin
fa smachd agaинne trìd t'ainmsa.

18 Agus thubhairt e riu, Chunnaic
mi Satan, mar dhealanach, a' tuiteam
o nèamh.

19 Feuch, a ta mi tabhairt dhuibh
cumhachd saltairt air nathraichibh
agus air scorpionibh agus air uile
neart an nàmhaid; agus cha ghoirt-
ich ni air bith air aon dòigh sibh.

20 Gidheadh na deanaibh gaird-
eachas air son gu bheil na spioraid
fa'r smachd; ach deanaibh gairdeach-
as air son gu bheil bhur n-ainmeanna
scriobhta anns na nèamhaibh.

21 Anns an uair sin fèin rinn Iosa
gairdechas 'na spiorad; agus thubh-
airt e, Tha mi toirt buidheachais duit,
O Athair, a Thighearna nèimhe agus
talmhainn, air son gu'n d'fholach
thu na nithe o *dhaoinibh* glice agus
tuigseach, agus gu'n d'fhoillsich thu
iad do naoidheanaibh: seadh, Athair,
oir is ann mar sin bu toil leatsa.

22 Tha na h-uile nithe air an
tabhairt domhsa le m' Athair: agus
cha'n aithne do neach air bith cò e
am Mac, ach do'n Athair; no cò e
an t-Athair, ach do'n Mhac, agus an
neach d'an àill leis a' Mhac fhoill-
seachadh.

23 Agus air tionndadh r'a dheis-
ciobluiibh, thubhairt e riu os losal, Is
beannuichte na sùilean a chi na nithe
ta sibhse a' faicinn.

24 Oir a deirim ribh, Gu'm b'iom-
adh fàidh agus righ, le'm bu mhiann
na nithe fhaicinn a ta sibhse a' faic-
inn, agus nach fac *iad*; agus na nithe
a' chluinntinn, ta sibhse a' cluinntinn,
agus nach cual *iad*.

25 Agus feuch, sheas fear-lagha
àraigd suas, 'ga dhearbhadh f, agus
ag ràdh, A mhaighstir, ciod a ni, mi
chum gu sealbhaich mi a' bheatha-
maireannach?

26 Agus thubhairt e ris, Ciod a
tha scriobhta san làgh? cionnus a
leughas tu?

27 Agus ag freagairt dasan, thubh-

^d *thugaibh*. ^e *so-fhulainge*. ^f 'ga bhuaireadh.

airt e, Gràdhachidh tu an Tighearna do Dhia le d' uile chridhe, agus le d' uile anam, agus le d'uile neart, agus le d'uil' inntinn, agus do choimhearsnach mar thu féin.

28 Agus thubhairt esan ris, Is ceart a fhreagair thu : deansa so, agus bithidh tu beo.

29 Ach air dhasan toil a bhi aige e féin fhìreanachadh, thubhairt e ri h-Iosa, Agus còe mo choimhearsnach?

30 Agus fhreagair Iosa, agus thubhairt e, Chaithd duine àraidh sios o Hierusalem gu Iericho, agus thuit e am measg luchd-reubainng, agus air dhoibh a rùsgadh, agus a lotadh, dh'imich iad rompa, air fhàgail-san doibh leth-mharbh.

31 Agus tharladh gu'n d'imich sagart àraidh sios air an t-slighe sin : agus an uair a chunnaic se e, ghabh e seachad air an taobh eile.

32 Agus mar an ceudna air do Lebhiteach bhi dlùth do'h ionad sin, thainig e agus dh'amharc e air, agus ghabh e seachad air an taobh eile.

33 Ach air do Shamaritanach àraidh bli ghabail an rathaid, thainig e far an robh esan : agus an uair a chunnaic se e, ghabh e truas mòr deth,

34 Agus thainig e d'a ionnsuidh, agus cheangail o suas a chreuchdan, a' dortadh ola agus fiona anna, agus chuir e air ainmhidi féin e, agus thug e gu tigh òsda e, agus ghabh e curam dheth.

35 Agus air an là màireach, 'nuair a dh'fhalbh e, thug e mach dà pheighinn Romhanach, agus thug e do fhear an tigh òsda iad, agus thubhairt e ris, Gabh curam dheth ; agus ge b'e ni tuilleadh a chaitheas tu, an tràth philleas mise air m'ais, diolaidh mi dhuit e.

36 Cò a nis do'n truir so, a shaoleas tu, bu choimhearsnach dhasan a thuit am measg an luchd reubainn ?

37 Agus thubhairt esan, An ti a rinu ròcair air. An sin thubhairt Iosa sié, Imich thusa, agus dean mar an ceudna.

38 Agus ag imeachd dhoibh, chaidh e steach do bhaille àraidh ; agus ghabh

bean àraidh, d'am b'ainm Marta, d'a tigh féin e.

39 Agus bha piuthar aice d'an goirte Muire, a suidh aig cosaibh Iosa, agus a bha 'g éisdeachd fhocail.

40 Ach bha Marta air a ro chùradh le mòran frithealaidh, agus air seasamh dhi 'na làthair, thubhairt, i, A Thighearn, nach 'eil suim agad gu'n d'fhág mo phiuthar mise a'm' aonar ri frithealaidh ? uime sin abair rithe cuideachadh leam.

41 Agus fhreagair Iosa, agus thubhairt e rithie, a Mharta, a Mharta, tha thusa Ian curaim, agus dragha mu thimchioll mòrain do nithibh;

42 Ach a ta aon ni feumail. Agus riinn Muire roghainn do'n chuid mhaith sin, nach d'thoirear uaipe.

C A I B. XI.

1 *Tha Criod a' teagaisg d'a dheisciobluibh ùrnuiigh dheanamh gu bithchionta le dùrachd, 11 'gan deanamh cinnteach gu'n d'hoir Dia mar sin nithe maithe dhuinn : 14 Tha e tilgeadh mach deanhain a bha balbh; agus a' cronachadh nam Phairiseach air son an toibheim, &c.*

A GUS tharladh air dha bhi ann an ionad àraidh ri h-ùrnuiigh, nuair a sguir e, gu'n dubhaint neach àraidh d'a dheisciobluibh ris, A Thighearna, teagaisg dhuinne ùrnuiigh dheanamh, mar a theagaisg Eoin d'a dheisciobluibh féin.

2 Agus thubhairt e riu, 'Nuair a ni sibh ùrnuiigh, abraibh, Ar n-Athair a ta air néamh, Gu naomhaichear t'ainm.' Thigeadh do rioghachd. Deanar do thoil, mar air néamh, gu ma h-amhluidh sin air thalamh.

3 Tabhair dhuinn o là gu là ar n-aran lathail.

4 Agus maith dhuinn ar peacaidh : oir a ta sinne féin a' maitheadh do gach aon air am bléil fiachan againn. Agus na leig ann am buaireadh sinn, ach saor sinn o'n olc.

5 Agus thubhairt e riu, Cò agaibh-se aig am bi caraid, agus a théid d'a ionnsuidh air mheadhon-oidhche, agus a their ris, A charaid, their dhomh tri builinnean air iasachd ;

6 Oir thainig caraid dhomh a' m' ionnsuidh as a shlighe, agus cha 'n' eil ni agam a chuireas mi 'na làthair.

7 Agus gu'm freagair esan o'n taobh a stigh agus gu'n abair e, Na cuir dragh orm: tha 'n dorus a nis air a dhùnadhbh, agus tha mó chlann maille rium san leabaidh; cha'n fhaigh mi éirigh agus *an toirt* duit.

8 A deirim ribh, Ge nach éirich e agus nach toir e dha, air son gur e charaid e; gidheadh air son a liosdachd h, éiridh e agus bheir e dha mheud 's a ta dh'uireasbhuidh air.

9 Agus a deirimse ribh, Iarraibh, agus bheirear dhuibh: siribh, agus gheibh sibh: buailibh *an dorus*, agus fosgailear dhuibh.

10 Oir gach neach a dh'iarras, glacaiddh e: agus an ti a shireas, gheibh e: agus do'n ti a bhuaileas, fosgailear.

11 Ma dh'iarras mac aran air aon neach agaibhse ta 'na athair, an toir e dha clach? no ma *dh'iarras e* iasg, an toir e nathair dha an àit éisg?

12 No ma dh'iarras e ubh, an toir e scorpion da?

13 Air an aobhar sin ma 's aithne dhuibhse a ta olc, tioldhlaican maithé a thoirt d'ar cloinn, nach mòr is mó na sin a bheir bhur n-Athair nèamhaidh an Spiorad naomh dhoibhsan a dh'iarras air e?

14 Agus bha e tilgeadh a mach deamhain, agus bha e balbh. Agus air dol do'n deamhan a mach, labhair am balbhan; agus ghabh an sluagh iongantas.

15 Ach thubhairt cuiid diubh, Is ann trìd Bheelsebub priomnsadh i nan deamhan a ta e tilgeadh mach dheamhan.

16 Agus dh'iarr dream eile dhiubh, 'ga dhearbhadh, comhar air o nèamh.

17 Ach air dhasan an smuaintean a thuiginn, thubhairt e riu, Gach rioghachd a ta roinnte 'na h-aghaidh féin, fàsaichear i; agus gach tigh a ta roinnte 'na aghaidh féin, tuitidh e.

18 Agus ma ta Satan mar an ceudna air a roinn 'na aghaidh féin, cionnus a sheasas a rioghachd? oir tha sibhse ag ràdh, gu bheil mise trìd

Bheelsebub a' tilgeadh mach dheamhan.

19 Agus ma 's ann tre Bheelsebub ataimse tilgeadh mach dheamhan, cò e trìd am bheil bhur clann-sa 'gan tilgeadh mach? uime sin bithidh iadsan 'nam breitheanaibh oirbh.

20 Ach ma 's ann le mèur Dhé ataimse a' tilgeadh mach dheamhan, tha rioghachd Dhé, gun teagamh, air teachd oirbhse.

21 'Nuair a ghleidheas duine làidir fa armaibh a thalla! féin, tha na buineas da ann an sìth.

22 Ach an uair a thig duine a's treise na e, agus a bheir e buaidh air, bheir e uaith armachd uile ains an robh a dhòigh, agus roinnidh e a chreach.

23 An neach nach 'eil leamsa, tha e a'm' aghaidh, agus an neach nach 'eil a' cruinneachadh leamsa, sgapaidh e.

24 'Nuair a théid an spiorad neoghlach a mach a duine, imichidh e tre ionadaibh tiorma, 'g iarraidh fois: agus an uair nach faigh e sin, their e, Pillidh mi dh'ionnsuidh mo thighe as an d'thainig mi.

25 Agus air dha teachd, gheibh se e air a sguabadh agus air a dlieanamh maiseach.

26 An sin imichidh e, agus bheir e leis seachd spioraid eile a's-measa na e féin, agus air dñoibh dol a steach, gabhaidh iad còmlainidh an sin: agus bithidh deireadh an duine sin ni 's measa na a thoiseach.

27 Agus an uair a bha e labhairt nan nithe so, thog bean àraidh do'n t-sluagh a guth, agus thubhairt i ris, Is beannuicht' a' bhrù a ghiùlain thu, agus na ciocan a dheoghail thu.

28 Ach thubhairt esan, Is mó gur beannuicht' iadsan a dh'éisdeas ri focal Dé, agus a choimhdeas e.

29 Agus an uair a chruinnich an sluagh gu tuigh d'a ionnsuidh, thòisich e air a ràdh, Is droch ghinealach so: tha iad ag iarraidh combaraidh, agus cha toirear comhara dñoibh, ach comhara Ionais an fhàidh.

30 Oir mar a bha Ionas 'na chomhara do mhuinnitir Ninebheh, is ann mar sin mar an ceudna bhios Mac an duine do'n ghinealach so.

51 Eiridh ban-righinn na h-àirdre deas suas anns a' bhreitheanas maille ri daoinibh a' ghinealach so, agus dìtidh si iad: oir thainig ise o iomall-airbh na talmhainn, a dh'éisdeachd ri glicas Sholaimh; agus feuch, a ta ni's mò na Solamh an so.

52 Eiridh muinntir Ninebhech suas anns a' bhreitheanas maille ris a' ghinealach so, agus dìtidh iad e: oir rinn iadsan aithreachas le searmoين Icnais; agus feuch, a ta ni's mò na Ionas an so.

53 Cha 'n-eil neach sam bith, air dha coinneal a lasadh, a chuireas am folach i, no fuidh shoitheach; ach ann an coinnleir, chum 's gu 'm faic an dream a thig a stigh an solus.

54 'S i an t-sùil solus a' chuirp: uime sin an uair a bhios do shùil glan, bithidh do chorp uile làn soluis: ach an uair a bhios do shùil gu h-olc, bithidh do chorp mar an ceudna dorcha.

55 Uime sin thoir an aire, nach bi 'n solus a ta annad 'na dhorchadas.

56 Air an aobhar sin ma bhithreas do chorp uile soillseach, gun chuid sam bith dheth dorcha, bithidh e soillseach gu h-iomlan, mar an uair a shoillsicheas coinneal thu le dealradh.

57 Agus ag labhairt dhasan, dh'iarr Phairiseach àraidh air a dhinneir a gliabhail maille ris: agus chaidh e stigh, agus shuidh e chum bìdh.

58 Agus an uair a chunnaic am Phairiseach sin, b'ioighnadh leis nach d'ionnlaid se e féin roimh a dhinneir.

59 Agus thubhairt an Tighearna ris, A nis, Phairiseacha, glanaidh sibh-se an taobh a muigh do'n chupan agus do'n mhèis: ach a ta 'n taobh a stigh dhibh làn do reubainn agus a dh'aingidheachd.

40 Amadana, an ti a rinn an ni a ta 'n taobh a muigh, nach do rinn e an ni a ta 'n taobh a stigh mar an ceudna?

41 Ach thugaibh uaibh déirc do na nitibh a ta agaibh: agus feuch, a ta na h-uile nithe glan duibh.

42 Ach is anaoibhinn duibh, Phairiseacha: oir a ta sibh a' toirt deachaimh a mionnt, agus a rù, agus as gach uile ghnè luibheanna, agus a' gabhail thairis air breitheanas agus air gràdh Dhé: bu chòir dhuibh iad se a

dheanamh, agus gun iad sud fhàgail gun deanamh.

43 Is anaoibhinn duibh, Phairiseacha: oir is ionmhuinn libh na ceud àiteacha-suidhe anns na sion-agogaibh, agus failte *fhaotainn* air na margabhbh.

44 Is anaoibhinn duibh, a scriobh-uichean agus Phairiseacha, a cheirigairean: oir a ta sibh mar uaighean nach faicear, agus do nach toir na daoine a ta 'g imeachd thairis orra, an aire.

45 Agus fhreagair duine àraidh do'n luchd lagha, agus thubhairt e ris, A mhaighstir, le so a labhairt, tha thu toirt maslaidh dhuinne mar an ceudna.

46 Agus thubhairt esan, Is anaoibh-in duibhse mar an ceudna, a luchid-lagha: oir a ta sibh a' cur uallacha tromá do-ghiùlan air daoinibh, agus cha bhean sibh féin ris na h-uallaichibh le h-aon d'ar mèuraibh.

47 Is anaoibhinn duibh: oir a ta sibh a' togail àitean-adhlaic nam fàidh, agus is iad bhur n-aithrichè a mharbh iad.

48 Gu deimhin a ta sibh a' toirt fianuis gu bheil sibh ag aontachadh le gnìomharaibh bhur n-aithrichè: oir mharbh iadsan gu deimhin iad, agus a ta sibhse a' togail an àitean-adhlaic.

49 Air an aobhar sin thubhairt glicas Dé, Cuiridh mise fàidhean, agus abstoil d'an ionnsaiddh, agus *cuid* diubh marbhaidh iad, agus *cuid eile* geur-leanaidh iad:

50 Chum gu'n agrar air a' ghinealach so fuli nam fàidh uile a dhòirt-eadh o thoiseach an domhain;

51 O fhuil Abeil gu fuli Shachariais, a mhilleadh eadar an altair agus an teampull: gu deimhin a deirim ribh gu'n agrar i air a' ghinealach so.

52 Is anaoibhinn duibh, a luchid-lagha: oir thug sibh air falbh iuchair an eòlais: cha deachaidh sibh féin a steach, agus an dream a lha dol a steach, bhac sibh iad.

53 Agus an uair a bha e labhairt nan nithe so riu, thòisich na scriobh-uichean agus na Phairiseach air a chur chuige gu dian, agus a tharruинг gu labhairt air mòran do nitibh:

- 54 A deanamh feall-aire air, (agus) ag iarraidh ni eigin a ghlacadh as a bheul, chum gu'm biodh cùis dhìtidh aca 'na aghaidh.

C A I B. XII.

1 *Tha Criosd a' searmonachadh d'a dheisciobluibh iad a sheachnadh ceilg, agus geilt ann an cur a theaguisg an céill, 15 a' toirt rabhaidh do 'n t-sluagh a bhi air am faicill an aghaidh sainnt, le cosamhlachd an duine shaibhir a chuir roimhe, air d'a thalamh bàrr mòr a thoirt a mach, saibhlean bu mhò a thogail, 22 Cha 'n fheud sinn bki ro-chùranach mu nithibh talmhaidh; 51 ach is còir dhuinn rioghachd Dhé iarraidh, 53 déirc a thoirt uainn, &c.*

A NNS an àm sin, an uair a bha sluagh gun àireamh air cruinn-eachadh, ionnus gu 'n robh iad a' saltairt air a chéile, thòisich e air a ràdh r'a dheisciobluibh féin, Roimh gach ni bithibh' air bhur faicill o thaois ghoirt nam Phairiseach, eadhon cealgareachd.

2 Oir cha 'n'eil ni air bith foluichte, nach foillsichear; no uaigneach, air nach faighean fios.

3 Air an aodhar sin ge b'e ni a labhair sibh san dorchadas, cluinnear e san t-solus: agus an ni a labhair sibh 'sa chluais an seomraichibh uaig-neach, gairmear e air mullach nan tighean.

4 Agus a deirim ribhse, mo chàirde, Na biodh eagal oirbh roimh 'n mhuinnitir sin a mharbas an corp, agus 'na dhéigh sin aig nach 'eil ni tuilleadh dh'fheudas iad a dheanamh.

5 Ach nochdaidh mi dhuibh cò e roimh an còir dhuibh eagal a bhi oirbh: Biodh eagal an Ti ud oirbh, aig am bheil cumhachd, an déigh neach a mharbhadh, a thilgeadh do ifrinn; seadh, a deirim ribh, Biodh eagal an Ti so oirbh.

6 Nach 'eil cùig gealbhoinn air an reiceadh air dhà fheoirling, agus cha 'n'eil aon diubh air dhearmad am fianuis Dé?

7 Ach a ta eadhon fuitheine bhur cinn uile air an àireamh. Uime sin

na biodh eagal oirbh: is fearr sibbse na mòran ghealbhonn.

8 Agus a deirimse ribh, Ge b'e neach a dh'aidecheas mise am fianuis dhaoine, aidichidh Mac an duine esan mar an ceudna an lèathair aingle Dhé.

9 Ach ge b'e neach a dh'aicheadhas mise am fianuis dhaoine, aïcheadhar esan am fianuis aingle Dhé.

10 Agus ge b'e neach a labhras focal an aghaidh Mhic an duine, maitear dha e: ach do'n ti a labhras toibheum an aghaidh an Spioraid naoimh, cha toirear maiteanas.

11 Agus an uair a bheir iad sibh chum nan sionagog, agus nan uachdar, agus nan daoine cumhachdach, na biodh e 'na ro-chùram oirbh cionnus no ciod a fhreagras sibh, no ciod a their sibh:

12 Oir teagaisgidh an Spiorad naomha dhuibh anns an uair sin fein na nithe 's còir dhuibh a ràdh.

13 Agus thubhairt neach àraigdh do'n t-sluagh ris, A mhaighstir, abair re m' bhràthair an oighreachd a roinn rium.

14 Agus thubhairt e ris, A dhuine, cò a chuir mise a'm' bhreitheamh, no a'm' fhear-roinn os blur cionn?

15 Agus thubhairt e riu, Thugaibh an aire, agus gleidhibh sibh fein o shannt: oir cha 'n ann am mòr phailteas nan nithe ta e sealbhachadh tha beatha an duine.

16 Agus labhair e cosamhlachd riu, ag ràdh, Thug fearann duine shaibhir àraigdh bàrr pailte uait.

17 Agus smuainich e ann fein, ag ràdh, Ciod a ni mi, chionn nach 'eil agam àit anns an cruinnich mi mo thoraidh?

18 Agus thubhairt e, Ni mi so: leagaidh mi mo shaibhlean, agus togaidh mi saibhlean a's mò; agus cruinnichidh mi annta sin mo thoraidh uile, agus mo mhaoin.

19 Agus their mi ri m' anam, Anam, a ta agad mòran do nithibh maite air an tasgaidh fa chomhair mòraia bhliadhna; gabh fois, ith, ol, is bi subhach.

20 Ach thubhairt Dia ris, Amadain, air an oidhche so fein iarrat anam uit: an sin cò dha a bhumeas na nithe sin a dh'ulluich thu?

21 Is ann mar sin a ta 'n ti a thaisgeas ionmhas dha féin, agus nach 'eil saibhir a thaobh Dhé.

22 Agus thubhairt e r'a dheis-ciobluibh, Uime sin a deirimse ribh, na biodh ro-chùram oirbh mu thimchioll bhur beatha, ciod a dh'itheas sibh; no mu thimchioll bhur cuirp, ciod a chuireas sibh umaibh.

23 Is mó a' bheatha na 'm biadh, agus an corp na 'n t-eudach.

24 Thugaibh fa'near na fithich: oir cha 'n'eil iadsan a' cur nó buain; cha 'n'eil aca taisg-thigh no sabhal; agus a ta Dia 'gam beathachadh: Cia mòr is fearr sibhse na 'n eunlaith?

25 Agus cò agaibhse le ro-chùram is urrainn aon làmh-choille^m a chur r'a àirdé féin?

26 Mur 'eil sibh uime sin comasach air an ni a's lugha a dheanamh, c'ar son a ta sibh ro-chùramach mu nithibh eile?

27 Thugaibh fa'near na lilighean, cionnus a ta iad a' fàs: cha 'n'eil iad a' saoithreachadh, no a' sniomh: gidheadh a deirim ribh, nach robh Solamh féin 'na ghlòir uile, air a sgeadachadh mar aon diubh so.

28 Agus ma ta Dia mar sín a sgeadachadh an fheoir, a ta 'n diugh sa' mhachair, agus am màireach air a thilgeadh san àmhuinn; nach mòr is mó a sgeadaicheas e sibhse, O dhaoine air bheag creidimh?

29 Uime sin na iarraigheas ciod a dh'itheas sibh, na ciod a dh'òlas sibh, agus na bithibh amharusach.

30 Oir ua nithe so uile ta Cinnich an t-saoghail ag iarrai'dh: ach a ta fhios aig bhur n-Athairse gu bheil feum agaibh air na nithibh sin.

31 Ach iarraigheas rioghachd Dhé, agus cuirear na nithe so uile ribh.

32 Na biodh eagal ort, a threud bhig; oir is e deadh thoil bhur n-Athair an rioghachd a thoirt duibh.

33 Reicibh na bheil agaibh, agus thugaibh déire uaibh: deanaibh dhuibh féin sporain nach fàs sean, ionmhas nach teirig anns na nèamh-aibh, far nach d'thig gaduiche an fagus, agus nach truaill an reudanⁿ.

34 Oir ge b'e aít am bheil bhur

n-ionmhas, an sin bithidh bhur cridhe mar an ceudna.

35 Biodh bhur leasruidh criosaichte m'an cuairt, agus bhur lòchlain air an lasadh;

36 Agus sibh féin cosmuil ri daoinibh a ta feitheamh an Tighearna, 'nuair a philleas e o'n phòsadh, chum air dha teachd agus buraladh, gu'n grad-fhosgail iad dha.

37 Is beannuichte na seirbhisich sin, a gheibh an Tighearna, 'nuair a thig e, ri faire: gu deimhin a deirim ribh gu 'n criosaichi se e féin m'an cuairt, agus gu'n cuir e 'nan suidhe iad chum bìdh, agus gu'n d' thig e mach agus gu'n dean e frithdealadh dhoibh.

38 Agus ma thig e san dara faire, no ma thig e san treas faire, agus gu'm faigh e iad mar sin, is beannuichte na seirbhisich sin.

39 Agus biodh cinnt agaibh air so, nam biodh fhios aig fear an tighe cia an uair anns an d'thigeadh an gaduiche, gu'n deanadh e faire, agus nach fuligeadh e a thigh a bhi air a tholladh trìd.

40 Bithibhse uime sin deas mar an ceudna: oir thig Mac an duine 'nuair nach saoil sibh.

41 Agus thubhairt Peadar ris, A Thighearn, an ann ruinne ta thu labhairt a' chosamchlachda so, no ris gach uile?

42 Agus thubhairt an Tighearn, Cò e uime sin an stiùbhard firinneach agus glic sin, a chuireas a Thighearn os cionn a theaghlaich, a thoirt doibh an cuibhrinn bìdh 'na àm féin?

43 Is beannuichte an seirbhiseach sin, a gheibh a Thighearn an uair a thig e, a' deanamh mar sin.

44 Gu firinneach a deirim ribh, gu 'n cuir se e os cionn na bheil aige.

45 Ach ma their an seirbhiseach sin 'na chridhe, Tha mo Thighearn a' cur dàil 'na theachd; agus ma thòisicheas e air na h-òglaich agus na ban-òglaich a bhualadh, agus itheadh, agus ol, agus a bhi air mhisi:

46 Thig Tighearn an t-seirbhisich sin ann an là nach 'eil sùil aige ris,

^m bhan-lamh.

ⁿ leemann.

agus ann an uair nach fios da, agus gearraidi e 'na bhloighdibh e^o, agus bheir e a chuibrionn da maille ris na mi-chreidich.

47 Agus an seirbhiseach sin d'am b'aithne toil a mhaighstir, agus nach d'ulluich e féin, agus nach d'rinn a réir a thoile, buailear e le mòran bhuillean.

48 Ach an ti da nach b'aithne, agus a rinn nithe a b'airidh air buillibh, buailear esan le beagan do bhuillibh. Oir gach neach d'an d'thugadh mòran, iarrar mòran uaith: agus ge b'e ri 'n d'earbadh mòran, iarrar an tuilleadh air.

49 Thainig mise a chur teine air an talamh, agus ciod is àill leam, mata e cheana air fhadadh.

50 Ach a ta baisteadh agam ri bhi air mo bhaisteadh leis, agus cionnus a ta mi air mo theannadh gus an coimhlionar e!

51 Am bheil sibh a' saoilsinn gu'n d' thainig mise a thoirt sìth air an talamh? ni h-eadh, a deirim ribh, ach aimh-reit.

52 Oir bithidh a so suas cùigear an aon tigh air an roinn, triuir an aghaidh dithis, agus dithis an aghaidh triuir.

53 Bithidh an t-athair air a roinn an aghaidh a' mhic, agus am mac an aghaidh an athar; a' mhàthair an aghaidh na h-inghin, agus an nigh-ean an aghaidh na màthar; a' mhàthair chéile an aghaidh mnà a mic, agus bean a' mhic an aghaidh a màthar-chéile.

54 Agus thubhairt e mar an ceudna ris an t-sluagh, 'Nuair a chi sibh neul ag éirigh san àird e 'n iar, air ball their sibh, A ta fras a' teachd; agus a ta e mar sin.'

55 Agus an uair a chi sibh a' ghaoth a deas a' séideadh, their sibh, Bithidh teas ann; agus a ta e tachairt.

56 A chealgairean, is aithne dhuiibh breth a thoirt air aghaidh nan speur, agus na talmhainn: ach cionnus nach 'eil sibh a' toirt breth air an aimsir so?

57 Agus c'ar son nach 'eil sibh eadhon uaibh féin a' breithneachadh an ni sin a ta ceart?

58 'Nuair a théid thu maille ri d' eascaraid chum an uachdarain, dean dìchioll san t-slige air bhi air do shaoradh uaith^P; air eagal gu'n tarruing e chum a' bhreitheimh thu, agus gu'n tabhair am breitheamh thairis do'n mhaor thu, agus gu'n tilg am maor am priosun thu.

59 A deirim riut, nach d'théid thu mach as sin, gus an ioc thu eadhon a' pheghinn dheireannach.

1 *Tha Criosc a' searmonachadh aithreachais o'n sgrios a thainig air na Galiléaich, agus muinnitir eile.* 6 *Cosamhlachd na craoibh-fhìge gun toradh.* 11 *Tha Criosc a' slànuachadh na ninà a bha air a cromadh le h-eucail phiantaich rè ochd bliadhna deug; &c.*

A G U S bha làthair san àm sin daoine àraidh ag innseadh dha mu thimchioll nan Galiléach, muinnitir a mheasg Pilat am fuli maille r'an iobairtibh.

2 Agus fhreagair Iosa agus thubhairt e riu, Am bheil sibh a' saoilsinn gu'n robh na Galiléaich sin 'nam peacachaibh ni's mó na na Galiléaich uile, air son gu'n d' fhulaing iad a leithid so?

3 Ni h-eadh, a deirim ribh: ach mur dean sibh aithreachas, sgriosar sibh uile mar an ceudna.

4 No na h-ochd fir dheug sin air an do thuit an tùr ann an Siloam, agus a mharbh iad, an saoil sibh gu'n robh iadsan 'nam peacachaibh os cionn nan uile dhaoine a bha 'nan còmhnuidh an Ierusalem?

5 Ni h-eadh, a deirim ribh: ach mur dean sibh aithreachas, sgriosar sibh uile mar an ceudna.

6 Labhair e mar an ceudna an cosamhlachd so: Bha aig duine àraidh crann-fìge suidhichte 'na ghàadh fiona^t: agus thainig e 'g iarraidh toraidh air, agus cha d'fhuair e.

7 An sin thubhairt e ris a' ghàdh-

^o sgaraidi e uaith e. P air a bhi rèidh ris. ^r séichneinibh.
s fhion-lios.



dair^t, Feuch, a ta mi rè thri bliadhna a' teachd a' dh'iarraidh toraidh air a' chrann-fhige so, agus cha 'n'eil mi faotainn a bheag : gearr sios e, c'ar son a ta e fasachadh an talmhainn?

8 Agus fhreagair esan agus thubhairt e ris, A Thighearna, leig leis air a' bhliadhna so mar an ceudna, gus an cladhaich mi m'a thimchioll, agus gu'n cuir mi aolaclu^u m'a bhun :

9 Agus ma ghiùlaineas e toradh, is math sin : ach mur giùlain, 'na dhéigh sin gearraidh tu sios e.

10 Agus bha e. a' teagasc an aon do na sionagogaibh air an t-sàbaid.

11 Agus feuch, bha bean àraigil a làthair aig an robh spiorad an-mhuinneachd rè ochd bliadhna deug, agus bha i air a cromadh ri chéile, agus gun chomas aice air chor sam bith i fén a dhreachadh.

12 Agus an uair a chunnaic Iosa i, ghairm e d'a ionnsuidh i, agus thubhairt e rithe, A bhean, tha thu air d' fhuasgladh^a o d' anmuinneachd.

13 Agus chuir e a làmhan oirre : agus air ballb rinneadh direach i, agus thug i glòir do Dha.

14 Agus fhreagair uachdar an sionagoige, agus e làn do fheirg air son gu'n d'rinn Iosa leigheas air latha na sàbaid, agus thubhairt e ris an t-sluagh, Tha sea làithean anns an còir obair a dheanamh : orra so air an aobhar sin thigibh, agus bithibh air bhur leigheas, agus na b'ann air latha na sàbaid.

15 An sin fhreagair an Tighearn e, agus thubhairt e, A chealgair^c, nach fuasgail gach aon agaibh a dhàmh no asal o'n phrasaich, agus nach toir e gu uisge e air latha na sàbaid ?

16 Agus nach bu chòir a' bhean so, a ta 'na h-inghin do Abraham, a cheangail Satan a nis rè ochd bliadhna deug, a bhi air a fuasgladh o'n chuibhreach so air latha na sàbaid ?

17 Agus an uair thubhairt e na nithe sin, chuireadh a naimhdean uile gu näire : ach rinn an sluagh

uile gairdeachas, air son nan uile nithe glòrmhor a rinneadh leis.

18 An sin thubhairt e, Cia ris a ta rioghachd Dhé cosmuil? agus cia ris a shamhlaitheas mi i?

19 Tha i cosmuil ri gràinne do shiòl mustaird, a ghabh duine, agus a chuir e 'na ghàradh, agus dh'fhàs e, agus rinneadh craobh mhòr dlieth : agus rinn eunlaith an athair nid 'na geugaibh.

20 Agus thubhairt e a ris, Cò ris a shamhlaitheas mi rioghachd Dhé?

21 Tha i cosmuil ri taois ghoirt^d, a ghabh bean agus a dh'folaich i an tri tomhasaibh mine, gus an do ghoirticheadh an t-iomlan.

22 Agus chaidh e tre^e gach cathair agus baile beag, a' teagasc, agus a' gabhail na slighe gu Hierusalem.

23 An sin thubhairt neach àraigil ris, A Thighearn, an tearc iad a shaorar ? Agus thubhairt esan riu,

24 Deanaibh spairn chruaidh gu dol a stigh air a' gheata chumhann : oir a deirim ribh, gu'n iarr mòran dol a stigh, agus nach urrainn iad.

25 O'n uair a dh'éireas fear an tighe, agus a dhùineas e 'n dorus, agus a thòisicheas sibhse air seasamh a muigh, agus an dorus a bhualadh, ag ràdh, A Thighearn, a Thighearn, fogsail duinn ; agus air dhasan freagairt their e ribh, Cha'n aithne dhomh sibh, cò as a ta sibh :

26 An sin tòisichidh sibh air a ràdh, Dh' ith sinn agus dh'òl sinn a'd' làthair, agus theagaig sliu 'nar sràidibh.

27 Ach their esan, A deirim ribh, cha 'n aithne dhomh sibh, cò as a ta sibh ; imichibh uam uile, a luchd deanamh na h-eucorach.

28 An sin bithidh gul agus giosg-an fliacal, an uair a chi sibh Abraham, agus Isaac, agus Jacob, agus na fàidhean uile ann an rioghachd Dhé, agus sibh fén air bhur tilgeadh a mach.

29 Agus thig iad o'n àird an ear, agus o'n àirdle 'n iar, agus o'n àirdle tuath agus deas, agus suidhidh iad ann an rioghachd Dhé.

^t ghairdinear. ^u inneir. ^a air do shaoradh. ^b san uair sin fén.

^c A chealgairean. ^d laibhin. ^e troinb, trid. ^f àraigil.

30 Agus feuch, a ta daoine air dheireadh a bhitheas air thoiseach, agus air thoiseach a bhitheas air dheireadh.

31 Air an là sin féin thainig Phairisich àraidih d'a ionnsuidh, ag ràdh ris, Gabh ^s a mach, agus imich as so: oir tha toil aig Herod do mharbhadh.

32 Agus thubhairt e riu, Imichibh agus innisibh do'n t-sionnach sín, Feuch, a ta mi tilgeadh mach dheamhan, agus a ta mi deanamh leigheas an diughl, agus am màireach, agus air an treas là bithidh mi air mo dheanamh foirse.

33 Gidheadh, is éigin domh imeachd an diugh agus am màireach, agus an là 'na dhéigh sin: oir cha'n fheud e bhi gu'n cuirear fàidh gu bàs a mach a Jerusalem.

34 A Jerusalem, a Jerusalem, a mharblas na fàidhean, agus a chlachas an dream a chuirear a'd ionnsuidh: cia minic a b'aill leam do chlann a chruinneachadh, mar a chruinnicheas cearc a h-àlach fuidh a sgiathailbh, agus cha b'aill libh?

35 Feuch, dh'fhàgadh bhur tigh fàs agaibh: agus gu deimhin a deirim ribh, nach faic sibh mise, gus an d'thig an t-àm, anns an abair sibh, Is beannuicht' an ti a thig an ainm an Tighearna.

C A I B. XIV.

2 Tha Crìrsd a' slànuachadh neach air an robh a' mheud-bhronn, 7 a' teagasc irioslachd: 16 Le cosamhlachd na suipeire mòire, tha e a' nochdadh cionnus a bhios daoine saoghalta, a ni tàir air focal Dé, air an druideadh a mach a rioghachd nèimhe, &c.

AGUS tharladh, an tràth chaidh e gu tigh uachdarain àraidih do na Phairisich a dh'itheadh bìdh air latha na sàbaid, gu'n robh iad a' deanamh geur fhaire air.

2 Agus feuch, bha duine àraidih 'na làthair air an robh a' mheud-bhronn ^h.

3 Agus fhreagair Iosa, agus labhair e ris an luchd-lagha, agus ris na Phairisich, ag ràdh, Am bheil e cead-

uichte leigheas a dheanamh air latha na sàbaid?

4 Ach dh'fhan iadsan 'nan tosd. Agus air dha breith *air*, leighis se e, agus leig e uaith *e*:

5 Agus fhreagair e iadsan ⁱ, ag ràdh, Cò agaibhse, ma thuiteas asal no a dliamh ann an sloclid, nach tarruing a mach gu grad e air latha na sàbaid?

6 Agus cha b'urrainn iad a fhreagairt a ris anns na nithibh sin.

7 Agus labhair e cosamhlachd ¹ riu-san a fhuair cuireadh, 'nuair a thug e fa'near mar a thagh iad na ceud àiteacha-suidhe, ag radh riu,

8 'Nuair a gheibh thu cuireadh o neach air bith chum bainnse, na suidh anns a' cheud àit: air eagal gu'n d'fhuair duine a's urramaiche na thusa cuireadh uaith;

9 Agus gu'n d'thig an ti a thug cuireadh dhuitse agus dhasan, agus gu'n abair e riut, Thoir àit do'n duine so; agus gu'n tòisich thusa an sin le làaire air suidhe anns an àit a's Isle.

10 Ach an uair a gheibh thu cuireadh, imich agus suidh anns an àit a's Isle; chum, 'nuair a thig esan a thug cuireadh dhuit, gu'n abair e riut, A charaid, suidh suas ni's àirde: an sin gheibh thu urram an làthair na muinntir a ta 'nan suidhe air bord maille riut.

11 Oir ge b'e neach a dh'àrdaicheas e féin, islichear e; agus ge b'e neach a dh'islicheas e féin, àrdaichear e.

12 An sin thubhairt e ris an ti mar an ceudna a thug cuireadh dha, 'N uair a ni thu dinneir no suipeir, na gairm do chàirde, no do bhràithre, no do luchd-dàimh, no do choimhearsnaich shaibhre; air eagal gu'n toir iadsan mar an ceudna cuireadh dhuitse a ris, agus gu'm faigh thu chomain cheudna.

13 Ach an uair a ni thu cuirm ^m, gairm na bochdan, na daoine ciurramach, na bacailch, na doill:

14 Agus bithidh tu beannuichte, chionn nach urrainn iad a' chomain

^s Theirig, Rach. ^h dropsy. Sasg. ⁱ labhair e riu a ris.

¹ conhad, parabal. ^m feisid.

cheudna thoirt duit : oir gheibh thu eomain anir an aiseirigh nam fìrean.
 15 Agus an uair a chual aon do na shuidh maille ris air bord na nithe sin, thubhairt e ris, Is beannuicht' an ti sin a dh'itheas aran ann an rioghachd Dhé.

16 Ach thubhairt esan 'ris, Rinn duine àraidih suipeir mhòr, agus thug e cuireadh do mhòran :

17 Agus chuir e sheirbhiseach uaith an àm na suipeire a ràdh ris a' mhuinntir a fhuaire cuireadh, Thigibh, oir a ta na h-uile nithe a nis ullamh.

18 Agus thòisich iad uile a dh'aon ghuth air an leithsgeul a ghabhail. Thubhairt an ceud fhear ris, Cheann-aich mi fearann, agus is éigin domh dol a mach agus fhaicinn : guidheam ort, gabh mo leithsgeul.

19 Agus thubhairt fear eile, Cheann-aich mi cuig cuing' dhamh, agus a ta mi dol g'an dearbhadh : guidheam ort, gabh mo leithsgeul.

20 Agus thubhairt fear eile, Phòs mi bean, agus air an aobhar sin cha'n'eil e'n comas domh teachd.

21 Agus thainig an seirbhiseach sin, agus dh'innis e na nithe sin d'a thighearn. An sin air gabhail feirge do fhear an tighe, thubhairt e r'a sheirbhiseach, Gabh a mach gu grad gu sràidibh agus gu caol-shràidibh a' bhaile, agus thoir a stigh an so na bochdan, agus na daoine ciurramach, agus na bacaich, agus na doill.

22 Agus thubhairt an seirbhiseach, A Thighearn, rinneadh mar a dh'orduich thu, gidheadh tha àite *falamh* ann fathast.

23 Agus thubhairt an Tighearna ris an t-seirbhiseach, Gabh a mach gus na rathaidibh mòra agus na gàrachaibh, agus coimhéignich iad gu teachd a steach, chum's gu 'm bi mo thigh air a lìonadh.

24 Oir a deirim ribh, nach blais aon do na daoinibh ud a fhuaire cuireadhl, do m' shuipeirse.

25 Agus bha sluagh mòr ag im-eachd maille ris : agus air dha tionndadh, thubhairt e riù,

26 Ma thig neach air bith do m' ionnsuidhse, agus nach fuathaich e

athair, agus a mhàthair, agus a bhean phòsda, agus a chlann, agus a blàrraith-rean, agus a pheathraighean, seadh, agus a bheatha mar an ceudna, cha'n'eil e'n comas da bhi 'na dheisciobul domhsa.

27 Agus ge b'e neach nach giùlain a chrann-ceusaidh, agus nach lean mise, cha'n'eil e'n comas da bhi 'na dheisciobul domhsa.

28 Oir cò am fear aguibile leis am miann tùr a thogail, nach suidh sìos air tùs, agus nach meas an costus, a dh'fheuchainn am bheil aige na chuireas crìoch air ?

29 Air eagal an déigh dha a bhunadh a leagadh, agus gun bhi comasach air crioch a chur *air*, gu'n tòisich na h-uile a chi e ri fanoid air,

30 Ag ràdh, Thòisich an duine so air *tigh* a thogail, agus cha b'urrainn e a chriochnachadh.

31 No cò an righ ag dha dol a mach gu cogadh an aghaidh righ eile, nach suidh sìos air tùs, agus nach gabh comhairle, a dh'fheuchainn an urrainn e le deich mìle coinneamh a thoirt dasan a ta teachd le fishead mìle 'n a aghaidh ?

32 No air bhi dhasan fathast fad uaith, curridh e teachdaireachd a dh'iarraidh cumhachan sìth.

33 Mar sin mar an ceudna; gach neach agaibhse, nach tréig na h-uile nithe a ta aige, cha'n'eil e'n comas da bhi 'na dheisciobul domhsa.

34 *Tha'n salann maith* : ach ma chailleas an salann a bhlas, ciod e leis an deanar deadh-bhlasda e?

35 Cha'n'eil e iomchuidh chum an talmhainn, no chum an dùnainⁿ; ach tilgidh daoine mach e. An ti aig am bheil cluasa chum éisdeachd, éisdeadh e.

C A I B . X V .

1 *Cùsamhlachd na caorach caillte, 8 a' mhìr airgid, 11 a' mhic struidh-eil.*

A N sin thainig na cùs-mhaoir uile agus na peacach am fagus da, chum éisdeachd ris.

2 Agus rinn na Phairisich agus na scriobhuichean gearan, ag ràdh,

Tha 'm fear so gabhail pheacach d'a ionnsuidh, agus ag itheadh maille riu.

3 Agus labhair esan an cosamh-lachd so riu, ag ràdh,

4 Cò an duine dhibhse aig am bheil ceud caora, ma chailleas e aon diubh, nach fàg an naoi deug agus an ceithir fichead anns an fhàsach, agus nach d'théid an déigh na caorach a chailleadh, gus am faigh e i?

5 Agus air dha a faotainn, cuiridh e air a ghuallibh i le gairdeachas.

6 Agus an uair a thig e dhachaidh, gairmidh e a chàirdean agus a choimhairsnaich an ceann a chéile, ag ràdh riu, Deanaibh gairdeachas maille riumsa, chionn gu'n d'fhuair mi mo chaora bha cailte.

7 Mar sin, a deirim ribh, gu'm bi aoibhneas air nèamh air son aon pheacaich a ni aithreachas, ni's mò na air son naoi deug agus ceithir fichead fìrean, aig nach 'eil feum air aithreachas.

8 No cò a' bhean aig am bheil deich buinn airgid, ma chailleas i aon bhonn diubh, nach las coinneal, agus nach sguab an tigh, agus nach iarr gu dìchiollach gus am faigh i e?

9 Agus air dh'i fhaotainn, gairmidh i a ban-chairdean agus a ban-choimhairsnaich an ceann a chéile, ag ràdh, Deanaibh gairdeachas leam-sa, oir fhuair mi 'm bonn a chaill mi.

10 Mar an ceudna a deirim ribh, A ta gairdeachas an làthair aingle Dhé, air son aon pheacaich a ni aithreachas.

11 Agus thubhairt e, Bha aig duine àraidi dithis mhac :

12 Agus thubhairt am *mac a b'òige* dhiubh r'a athair, Athair, thoir dhomhsa a' chuid-roinn a thig *orm* do d' mhaoin. Agus roinn e eatorra a bheathachadh.

13 Agus an déigh beagain do làithibh, chruinnich am mac a b'òige a chuid uile, agus ghabh e a thurus do dhùthaich fad air astar, agus an sin chaith e a mhaoin le beatha struidheasaich^p.

14 Agus an uair a chaith e a chuid uile, dh'éirich gorta ro mhòr san tir

sin ; agus thòisich e ri bhi ann an uireasbhuidh.

15 Agus chaidh e agus cheangail se e fein ri aon do shaor-dbaoinibh na dùcha sin : agus chuir e d'a fhearrann e, a bhiadhadh^r mhuc.

16 Agus bu mhiann leis a bhrù a lònadh do na plaosgaibh^s a bha na mucan ag itheadh ; oir cha d'thug neach air bith dha.

17 Agus an uair a thainig e chuige^t fein, thubhairt e, Cia lòn do luchd tuarasdail m'atharsa aig am bheil aran gu leoir^u agus r'a sheachnad, 'nuair a ta mise a' bàsachadh le gorta ?

18 Eiridh mi, agus théid mi dh'ionnsuidh m'athar, agus their mi ris, Athair, pheacaich mi 'n aghaidh fhlaiteanais, agus a'd' làthairsa.

19 Agus cha'n fhiu mi tuilleadh gu'n goirte do mhacs dhiom : dean mi mar aon do d' luchd tuarasdail.

20 Agus dh' éirich e, agus chaidh e dh'ionnsuidh athar. Ach air dha bli fathast fad uaith, chunnaic athair e, agus ghabh e truas mòr *dheth*^a, agus ruith e, agus thuite air à muineal, agus phò^g se e.

21 Agus thubhairt am mac ris, Athair, pheacaich mi an aghaidh fhlaiteanais, agus a'd' làthairsa, agus cha'n fhiu mi tuilleadh gu'n goirte do mhac dhiom.

22 Ach thubhairt an t-athair r'a sheirbhisich, Thugaibh a mach a' chulaidh a's fearr, agus cuiribh uime i, agus cuiribh fàinne air a làimh, agus brògan air a chosaibh.

23 Agus thugaibh an so an laogh biadhta, agus marbhaibh e ; agus itheamaid agus biomaid subhach :

24 Oir bha mo mhac so marbh, agus tha e beo a rìs ; bha e cailte, agus fhuaradh e. Agus thòisich iad air bhi subhach.

25 A nis bha a mhac bu shine mach san fhearrann : agus an uair a thainig e, agus a thàr^b e 'm fagus do'n tigh, chual e 'n ceòl agus an dannsa.

26 Agus ghairm e chuige aon do na h-òglachaibh, agus dh'fheòraich e ciod bu chiail do na nithibh sin.

27 Agus thubhairt esan ris, Thain-

^p anacaithtich, ^r bhuachailleachd. ^s cochallaibh. ^t thuige, d'a ionnsuidh.

^u leòr. ^a ris. ^b tharruing.

ig do bhràthair; agus mharbh t'athair an laogh biadhta, chionn gu'n d'fhuair e rìs e slàn fallain.

28 Agus ghabh esan fearg, agus cha b'àill leis dol a stigh: air an aobhar sin thainig athair a mach, agus chuir e impidh air.

29 Ach fhreagair esan agus thubhairt e r'a athair, Feuch, a taims' a deanamh seirbhis duit an uiread so do bhliadhnaibh, agus uair air bith cha de bhris mi t'àithne, gidheadh cha d'thug thu meann riabh dhomh, chum gu'm bithinn subhach maille ri m' chàirdibh.

30 Ach an uair a thainig do mhac so, a dh'ith suas do bheathachadh maille ri striopaichibh, mharbh thu'n laogh biadhta dha.

31 Agus thubhairt e ris, A mhic, tha thusa a ghnàth maille rium, agus na h-uile nithe a's leamsa, is leatsa iad.

32 Bu chòir dhuinn a bhi subhach, agus aoibhneach: oir bha do bhràthair so marbh, agus tha e beo a ris; agus bha e caillte, agus fhuaradh e.

C A I B. XVI.

1 *Cosamhlachd an stiùbhaird eucorach.* 14 *Tha Criod a' cronachadh ceilg nam Phairiseach sanntach.*

19 *Cosamhlachd a' ghèòcaire shaibhir, agus an duine bhochd Lasarus.*

A GUS thubhairt e mar an ceud-na r'a dheisciobluibh, Bha duine saibhir àraidih ann aig an robh stiùbhard: agus chasaideadh ris e, mar neach a bha deanamh anacaithidh air a mhaoin.

2 Agus ghairm se e, agus thubhairt e ris, Ciòd so a ta mi cluinnntinn a d' thimchioll, thoir cunntas air do stiùbhardachd: oir cha'n fheud thu bhi ni's faide a'd' stiùbhard.

3 An sin thubhairt an stiùbhard ann féin, Ciòd a ni mi? oir a ta mo mhaighstir a' toirt na stiùbhardachd nam: cha'n urradh mi ruamhar a dheanamh, is nàr leam déirc iarraidh.

4 A ta fhios agam ciòd a ni mi, chum 'nuair a chuirear as an stiùbh-

ardachd mi, gu'n gabb iad a steach d'an tighibh mi.

5 Agus air dha gach aon diubhsan air an robh fiachan aig a Thighearn aghairm d'a ionnsuidh, thubhairt e ris a' cheud flear, Cia meud a ta aig mo Thighearn ortsa?

6 Agus thubhairt esan; Ceud tomhas^c ola. Agus thubhairt e ris, Gabh do scriobhadh, agus suidh sios gu h-ealamh, agus scriobh leth-cheud.

7 An sin thubhairt e ri fear eile, Agus cia meud a ta aig ortsa? Agus thubhairt esan, Ceud tomhasd cruin-eachd. Agus thubhairt e ris, Gabh do scriobhadh, agus scriobh ceithir fichead.

8 Agus mhol an Tighearn an stiùbhard eucorach, do bhrigh gu'n d'rinn e gu glic: oir a ta clann an t-saoghal so'n nan ginealach féin ni's glice na clann an t-soluis.

9 Agus a deirimse ribh, Deanaibh dhuibh féin cairdean le Mamon na h-eucorach; chum 'nuair a shiubblas sibh^e, gu'n gabhar sibh do àitibh-còmhnuidh siorruidh.

10 An ti a ta firinneach anns an ni a's lugh, tha e firinneach mar an ceudna ann am mòran: agus an ti a ta eucorach anns an ni a's lugh, tha e eucorach ann am mòran mar an ceudna.

11 Air an aobhar siu mur robh sibh firinneach anns an t-saibhreas eucorach, cò a dh'earbas ribh an saibhreas fior?

12 Agus mur robh sibh firinneach ann an euid duine eile, cò a bheir dhuibh an ni a's libh féin?

13 Cha'n eil seirbhiseach sam bith comasach air seirbhis a dheanamh do dhà thighearn; oir an dara cuid fuathaichidh e aon diubh, agus bheir e gràdh do'n flear eile; no gabhaidh e le aon diubh agus ni e tàir air an flear eile. Cha'n eil sibh comasach air seirbhis a dheanamh do Dhia agus do Mhamon.

14 Agus chuala na Phairisich, a bha sanntach, na nithe sin uile: agus rinn iad fanciad air.

15 Agus thubhairt e riu, Is sibhse an dream a ta 'gar fireanachadh féin

am fianuis dhaoine ; ach is aithne do Dhia bhur cridheacha : oir an ni sin a ta ro mheasail aig daoinibh, is gráineileachd e'm fianuis Dé.

16 *Bha'n lagh agus na fàidhean ann gu teachd Eoin*: o sin tha rioghachd Dhé air a searmonachadh ^f, agus a ta gach duine a' dol le dian stri a steach innse.

17 Agus is usadh do nèamlì agus do'n talamh dol thairis, na do aon lide do'n lagh tuiteam.

18 Gach neach a chuireas uaith a bhean, agus a phòsas bean eile, tha e deanamh adhaltrannais : agus ge b'e neach a phosas a' bhean a chuireadh air falbh o a fear, tha e deanamh adhaltrannais.

19 *Bha duine saibhir àraidh ann, a bha air a sgeadachadh le purpur agus lion-eudach grinn, agus bha e caitheadh a bheatha gach là gu sòghail le mòr ghreadhnachas.*

20 Agus bha duine bochd àraidh ann, d'am b'ainm Lasarus, a chuireadh 'na luidhe aig a dhorus, làn do chreuchdaibh,

21 Agus bu mhiann leis bhi air a shàsachadh leis an sbruileach a bha tuiteam o bhord an duine shaibhir : seadh, agus thainig na madraidh agus dh'imlich iad a chreuchda.

22 Agus tharladh gu'n d'fhuair an duine bochd bàs, agus gu'n do ghiùlaineadh leis na h-ainglibh e gu uichd Abrahaim : fhuair an duine shaibhir bàs mar an ceuðna, agus dh'adhlaiseadh e.

23 Agus ann an ifrinn thog e suas a shùilean, air dha bhi ann am piantaibh, agus chunnaic e Abraham fad uaith, agus Lasarus 'na uichd.

24 Agus għlaodh e, agus thubhairt e, Athair Abraham, dean trócair orm, agus cuir Lasarus, chum's gu'n tum e barr a mheoir ann an uisge, agus gu'm fuaraich e mo theanga ; oir a ta mi air mo ro-phianadh san lasair so.

25 Ach thubhairt Abraham, A inhic, cuimhnich gu'n d'fhuair thusa do nithe maithe ri àm dhuit bhi beo, agus Lasarus mar an ceudna droch nithe ; ach a nis a ta esan a' faotainn sòlais, agus a ta thusa air do phianadh.

26 Agus a bhàrr air so uile, tha doimhne mhòr air a cur eadar sinne agus sibhse, air chor agus iadsan leis am b'àill dol as so d'ar ionnsuidhse, nach 'eil e'n comas doibh, agus nach mó tha e'n comas do aon neach teachd as sin d'ar n-ionnsuidhne.

27 An sin thubhairt e, Uime sin guidheam ort, athair, gu'n cuireadh tu e gu tigh m'athar :

28 Oir a ta cùigear bhràithrean agam ; chum's gu'n d'thoir e fianuis doibh, air eagal gu'n d'thig iadsan mar an ceudna do'n ionad ro phian-tach so.

29 A deir Abraham ris, Tha Maois agus na fàidhean aca, éisdeadh iad riua-san.

30 Agus thubhairt esan, Ni h-eadh, Athair Abraham : ach ma théid neach d'an ionnsuidh o na marbhaibh, ni iad aithreachas.

31 Agus thubhairt e ris, Mur éisdeadh iad ri Maois agus ris na fàidhibh, cha mbò a chreideas iad, ge d'éireadh neach o na marbhaibh.

1 *Tha Criod a' teagastg gur còir dhuinn aobhar oilbheim a sheachnadh, 3 agus maitheanas a thoirt d'a chéile; 6 a' nochdadh mòr chumhachd beo chreidimh; 7 gu'm bheil sinne fa cheangal do Dhia, agus nach 'eil esan mar sin dhuinne, &c.*

A N sin thalbhairt e r'a dheisciob-luibh, Cha'n fheadar nach d'thig oilbheuman : ach is anaobhinn dasan tre 'n d'thig iad.

2 B'fhearr dha gu'm biodh clach-mbuilinn air a crochadh m'a mhuineal, agus gu'm biodh e air a thilgeadh san fhairge, na gu'n d'thugadh e oilbheum ^h dh'aon neach do'n mhuinntir bhig so.

3 Thugaibh an aire dhuibh féin : ma pheacaicheas do bhràthair a' t'aghaidh, cronaich e ; agus ma ghabh-as e aithreachas, thoir maitheanas da.

4 Agus ma pheacaicheas e a' t'aghaidh seachd uairean san là, agus gu'm pill e riut seachd uairean san là, ag ràdh, Tha aithreachas orm ; thoir maitheanas da.

^f soisgeulachadh. ^g gorm-dhearg, corcur. ^h aobhar tuislidh.

5 Agus thubhairt na h-abstoil ris an Tighearn, Meudaich ar creidimh.

6 Agus thubhairt an Tighearn, Nam biodh agaibh creidimh mar ghrainne do shiol mustaird, theireadh sibh ris a' chraobh Shicamin so, Bi air do spionadh as do fhreumhaibh, agus bi air do shuidheachadh sa' chuan; agus bhitheadh i umhhal dhuibh.

7 Ach cia agaibhse aig am bheil seirbhiseach a' treabhadh, no ri buachailleachd, a deir ris, an deigh dha teachd a steach o'n fhearrann, Thig air ball, agus suidh sios chum bidh?

8 Agus nach dòchadh e ràdh ris, Ulluch ni a ghabhas mise gu m' shuipeir, agus criosraich thu féin, agus fritheil domh, gus an ith agus an ol mi; agus 'na dhéigh sin ithidh agus òlaidh tusa?

9 An tabhair e buidheachas do'n t-seirbhiseach sin do bhrigh gu'n d'rinn e na nithe a dh'orduicheadh dha? ni'n saoileam gu 'n tabhair.

10 Mar sin sibhse, 'nuair a ni sibh na h-uile nithe a dh'aithneadh dhuibh, abraibh, Is seirbhisich neo-tharbhach sinn: oir rinn sinn a mhàin an ni budligeach dhuinn a dheanamh.

11 A nis, ag dol suas da gu Hierusalem, chaidh e tre mheadhon Shamarie agus Ghalilei.

12 Agus an uair a bha e dol a stigh do bhaile àraighe, thachair deichnear dhaoine air a bha 'nan lobhair, a sheas fad uaith:

13 Agus thog iad suas an guth, ag ràdh, Iosa, a mhaighstir, dean tròcair oirnn.

14 Agus an uair a chunnaic e iad, thubhairt e riù, Imichibh, nochdaibh sibh féin do sagartreibh. Agus ag imeachd dhoibh, għlanadh iad.

15 Agus an uair a chunnaic aon diuh gu'n do leighiseadh e, phill e air ais, a' toirt glòire do Dhia le guth àrd,

16 Agus thuit e air aghaidh aig a chosaibh-san, a' toirt buidheachais da: agus bu Shamaritanach e.

17 Agus fhreagair Iosa agus

thubhairt e, Nach do għlanadhi deichnear? ach an naoinear, c'ait am bheil iad?

18 Cha d'fhuaradħ a phill a thoirt glòire do Dhia, ach an toigreacħ so.

19 Agus thubhairt e ris, Eirich, imich; shlànuiċċi do chreidimh thu.

20 Agus an uair a dh'fheoraich na Phairisieħ dheth, c'uin a thigeadh rioghachd Dhé, fhreagair e iad agus thubhairt e, Cha d'thig rioghachd Dhé air chor gu mothaichear dh'i.

21 Cha mhô a their iad, Feuch an so, no, Feuch an sin: oir feuch, a ta rioghachd Dhé an taobh a stigh dhibhl.

22 Agus thubhairt e ris na deisiċiobluiħ, Thig na làithean anns am miannach libh aon do làithibh Mhic an duine fhaicinn, agus cha'n fhaic sibh e.

23 Agus their iad ribh Feuch an so, no, Feuch an sud: na rachaibh, agus na leanaibh iad.

24 Oir mar a ta 'n dealanach a dhealraicheas o aon ionad fa nèamh, a' soillseachadh gus an ionad eile fa nèamh, mar sin a bhitheas Mac an duine mar an ceudna 'na là féin.

25 Ach is éigin da air tùs mòran do nithibh fħulang, agus a bhi air a dhιultadh leis a' ghinealach so.

26 Agus mar a bha e ann an làithibh Noe, mar sin mar an ceudna bithidh e ann an làithibh Mhic an duine.

27 Bha iad ag ittheadh agus ag ol, a' pòsadh ages air an tabhairt ara pòsadh, gus an là an deachaidh Noe a steach do'n àirc: agus thainig an dilem, agus sgrios i iad uile.

28 Amħu il-fòs mar a thachair ann an làithibh Lot: bha iad ag ittheadh agus ag ol, a' ceannach agus a' reiedh, a' planndachadh agus a' togail atireabh:

29 Ach air an là sin féin anns an deachaidh Lot a mach a Sodom, fħrasadu teine agus pronnasc o nèamh, agus sgrios e iad uile:

30 Is ann mar sin a bhitheas anns an là am foillsichear Mac an duine.

31 Ann an là sin, an ti bhios air mullach an tighe, agus airneis anns

an tigh, na d'thigeadh e nuas gus a toirt leis : agus an ti a ta sa' mhachair, na pilleadh esan air ais mar an ceudna.

32 Cuimhnichibh bean Lot.

33 Ge b'e neach a dh'iarras a bheatha féin a thearnadh, caillidh e i; agus ge b'e neach a chailleas a bheatha, gleidhidh esan i.

34 A deirim ribh, anns an oidhche sin bithidh dithis dhaoine san aon leabaidh ; gabhar aon diubh, agus fàgar am fear eile.

35 Bithidh dithis bhan a' bleath^n cuideachd ; gabhar aon diubh agus fàgar a'bhean eile.

36 Bithidh dìthis dhaoine anns a' mhachair ; gabhar aon diubh agus fàgar am fear eile.

37 Agus fhreagair iadsan agus thubhairt iad ris, C'ait, a Thighearn ? agus thebhairt esan riu, Ge b'e ball am bi 'n corp, an sin cruinnichear na h-íolairean.

C A I B. XVIII.

3 Mu thimchioll na bantraich liosda.

9 *Mu'n Phairiseach agus mu'n chìs-mhaor.* 15 *Tha clann air an tabhairt gu Criod.* 18 *B'aille uachdaran àraidh Criod a lean-tuinn, ach a ta e air a bhacadh leis a shaibhreas.*

A GUS labhair e cosamhlachd riu, A a' nochdadh gur còir ùrnuigh a dheanamh a ghnàth, agus gun fhannachadh^o,

2 Ag ràdh, Bha breitheamh ann am baile àraidh, air nach robh eagal Dé, agus aig nach robh urram do dhuine.

3 Agus bha bantrach àraidh sa' bhaile sin, agus thainig i d'a ionnsuidh, ag ràdh, Cum eòir rium an aghaidh mo namaidh.

4 Agus cha b'àill leis rè tamuill : ach 'na dhéigh sin thubhairt e ann féin, Ge nach 'eil eagal Dé orm, no urram agam-do dhuine ;

5 Gidheadh air son gu bheil a' bhantrach so cur dragha orm, cumaidh mi còir rithe, air eagal leis a sìrtheachd gu'n sgìthich i mi.

6 Agus thubhairt an Tighearn,

Eisdibh ciod a deir am breitheamh eucorach.

7 Agus nach dean Dia dioghaltas air son a dhaoine taghta féin, a ta 'g éigheach ris a là agus a dh' oidhche, ge ta e fad-fhulangach mu'n tim-chioll ?

8 A deirim ribh gu'n dean e dioghaltas air an son gu luath. Gidheadh, an uair a thig Mac an duine, am faigh e creidimh air an talamh ?

9 Agus labhair e 'n cosamhlachd so ri dream àraidh bha 'g earbsadh asda féin gu 'n robh iad 'nam firean-aibh, agus a bha deanamh tàir air dream eile :

10 Chaidh dithis dhaoine suas do'n teampull a dheanamh ùrnuigh ; fear diubh 'na Phairiseach, agus am fear eile 'na chìs-mhaor.

11 Sheas am Phairiseach leis féin, agus rinn e ùrnuigh mar so, A Dhé, tha mi toirt buidheachais duit nach 'eil mi mar a ta daoin' eile, 'nan luchd foireigin, eucorach, adhaltrannach, no eadhon mar an cìs-mhaor so.

12 Tha mi a' trosgadh^P dà uair san t-seachduin, tha mi toirt deachaimh as na h-uile nithibh a ta mi sealbhachadh.

13 Agus air seasamh do'n chìs-mhaor fad air ais, cha b'àill leis fiu a shùl a thogail suas gu nèamh, ach bhual e uchd, ag ràdh, A Dhé, dean tròcair ormsa ta 'm pheachach.

14 A deirim ribh gu'n deachaidh am fear so slos d'a thigh air fhìreanachadh *nì 's mò na'm* fear ud eile : oir ge b'e neach a dh'àrdaicheas e féin, lslichear e ; agus ge b'e a dh'lslicheas e féin, àrdaichear e.

15 Agus thug iad d'a ionnsuidh mar an ceudna naoidehana, chum's gu'm beanadh e riu : agus an uair a chunnaic na deisciobuil so, chronaich siad iad.

16 Ach air do Iosa an gairm d'a ionnsuidh, thubhairt e, Fulgibh do na leanabaibh teachd a'm' ionnsuidhse, agus na bacabibh iad ; oir is ann d'an leithidibh so ta rioghachd Dhé.

17 Gu deimhin a deirim ribh, ge b'e nach gabh rioghachd Dhé mar leanabh beag, nach d'théid e air chor sam bith a steach innte.

18 Agus dh'fheòraich uachdaran àraiddh dheth, ag ràdh, A mhaighstir mhaith, ciod a ni mi chum gu sealbhaich mi a' bheatha mhaireannach?

19 Agus thubhairt Iosa ris, C'ar son a ghoireas tu maith dhiomsa? cha 'n'eil neach sam bith maith ach a h-aon, *eadhon* Dia.

20 Is aithne dhuit na h-àitheanta, Na dean adhaltrannas, Na dean mortadh, Na goid, Na toir fianuis bhréige, Thoir onoir^o do t'athair agus do d'mhàthair.

21 Agus thubhairt esan, Choimhid mi iad sin uile o m' òige.

22 Agus air cluinntinn so do Iosa, thubhairt e ris, Tha aon ni fathast a dh'uireasbhuidh ort: reic na h-uile nithe ta agad, agus roinn air na bochdaibh, agus bithidh agad ion-mhas air nèamh; agus thig, *agus* lean mise.

23 Agus an uair a chual e so, bha e ro dhoilich: oir bha mòr bheartas aige.

24 Agus an uair a chunnaic Iosa gu 'n robh e lan tuirse, thubhairt e, Cia deacair dhoibhsan^P aig am bheil saibhreas, dol a steach do rioghachd Dhe!

25 Oir is usadh do chàmhail dol tre chrò snàthaide, na do dhuine saibhir dol a steach do rioghachd Dhé.

26 Agus thubhairt iadsan a chuala so, Cò'ma seadh a dh'fheudas bhi air a shaoradh?

27 Ach thubhairt esan, Na nithe a ta eucoinasach do dhaoinibh, tha iad comasach do Dhia.

28 An sin thubhairt Peadar, Feuch, thréig sinne na h-uile nithe, agus lean sinn thusa.

29 Agus thubhairt esan riu, Gu deimhin a deirim ribh, nach 'eil aon neach a thréig tigh, no párrantan, no braithrean, no bean-phòsda, no clann air son rioghachd Dhé,

50 Nach faigh mòran ni 's mó

anns an aimsir so ta làthair, agus anns an t-saoghal a ta ri teachd a' bheatha mhaireannach.

31 Agus ghabh e 'n dà fhlear dheug d'a ionnsuidh, agus thubhairt e riu, Feuch, a ta sinn a' dol suas gu Hierusalem, agus bithidh na h-uile nithe a ta scriobhta leis na fàidhbih mu Mhac an duine, air an coimhlionadh.

32 Oir bheirear thairis e do na Cinnich, agus théid fanoid a dheanamh air, agus masluichear e, agus tilgear smugaidh air;

33 Agus sgiùrsaidh agus marbhaidh iad e: agus air an treas là éiridh e ris.

34 Agus cha do thuig iadsan aon ni dhiubh so: agus bha na briathra so folaithe orra, agus cha b'aithne dhoibh na nithe a dubhradh.

35 Agus tharladh, 'nuair a dhruid e ri Iericho, gu'n robh dall àraiddh 'na shuidhe ri taobh na slighe, ag iarraidh déirce.

36 Agus air cluinntinn an t-sluaigh a' dol seachad, dh'fheòraich e ciod e so.

37 Agus dh'innis iad da, gu'm b'e Iosa o Nasaret a bha gabhail seachad.

38 Agus ghlaodh e, ag ràdh, Iosa, Mhic Dhaibhidh, dean tròcair orm.

39 Agus chronaich iadsan a bha air thoiseach e, chum's gu'm biodh e 'na thosd: ach bu mhòid gu mòr a ghlaodh esan, A Mhic Dhaibhidh, dean tròcair orm.

40 Agus air seasamh do Iosa, dh'aithn e a thoirt d'a ionnsuidh: agus an uair a thainig e 'm fagus da, dh'fheòraich e dheth,

41 Ag ràdh, Ciod is àill leat mise a dheanamh dluit? agus thubhairt esan, A Thighearn, mi dh'fhaotainn mo radhairc.

42 Agus thubhairt Iosa ris, Gabh do radharc: shlànuich do chreidimh thu.

43 Agus air ball fhuair e a radharc, agus lean se e, a' toirt glòire do Dhia: agus thug an sluagh uile cliu do Dhia, 'nuair a chunnaic iad so.

C A I B. XIX.

1 *Mu thimchioll Shacheus a' chis-mhaoir.* 11 *Na deich puind airgid.* 28 *Tha Criosd a' marcachd do Hierusalem le greadhnachas,* 41 *a' caoidh air a son,* 45 *a' tilgeadh mach an luchd ceannachd agus reicidh as an teanpull;* &c.

A GUS air do *Iosa dol a steach, chaith e tre Iericho.*

2 Agus feuch, *bha* duine ann d'am b'ainm Sacheus, agus b'ard chis-mhaor esan, agus bha e saibhir :

3 Agus bha déidh aige air *Iosa fhaicinn, cò e, agus cha b'urrainn e air son an t-sluaign, chionn gu'n robh e iosal 'na phearsa.*

4 Agus ruith e roimhe, agus streap e suas ann an craoibh *Shicamoir,* chum gu faiceadh se e ; oir bha e gus an t-slighe sin a ghabhail.

5 Agus an uair a thainig *Iosa chum an àite sin, air dha amharc suas, chunnaic se e, agus thubhairt e ris,* A *Shacheus, thig a nuas gu grad ; oir is éigin domhsa stad an diugh aig do thigh.*

6 Agus thainig e nuas le cabhaig, agus ghabh e ris gu subhach.

7 Agus an uair a chunnaic iad so, rinn iad uile gearan, ag ràdh, Gu'n deachaidh e steach air aoidheachd gu duine a ta 'na pheacach.

8 Agus sheas Sacheus agus thubhairt e ris an *Tighearn, Feuch, a Thighearn, a ta mi toirt leth mo mhaoin do na bochdaibh : agus ma thug mi aon ni o neach air bith le casaid bhréig^t, bheiream dha a cheithir uiread.*

9 Agus thubhairt *Iosa ris^u,* Thainig sláint' an diugh a dh'ionnsuidh an tighe so, do bhrigh gur mac do Abraham esan mar an ceudna.

10 Oir thainig Mac an duine dh'iarraidh agus a thearnadh an ni sin a bha cailte.

11 Agus ag cluinniinn nan nithe sin dhoibh, chuir e ris, agus labhair e cosamhlachd, do bhrigh gu'n robh e 'm fagus do Hierusalem, agus gu'n do shaoil iadsan gu'm biodh

rioghachd Dhé air a grad fhoillseach-adh.

12 Air an aobhar sin thubhairt e, Chaidh duin' uasal 'araidh do dhùth-aich fad as a dh'faotainn rioghachd dha féin, agus a philltinn air ais.

13 Agus ghairm e a dheich seirbhisich^a, agus thug e dhoibh deich puind, agus thubhairt e riu, Cuiribh gu buil iad, gus an d'thig mise.

14 Ach bha fuath aig muinntir a dhùcha dha, agus chuir iad teachd-airreachd 'na dhéigh, ag ràdh, Cha'n aill leinn an duine so bhi 'na righ ornn.

15 A nis an uair a phill e air ais, an déigh dha an rioghachd fhaotainn, an sin dh'orduich e na seirbhisich ud bhi air an gairm d'a ionnsuidh, d'an d'thug e 'n t-airgiot, chum's gu'm biodh fhiros aige ciod a bhuan-aich gach aon diubh leis a bhualeachadh.

16 An sin thainig an ceud *fhear,* ag ràdh, A *Thighearn, bhuidhinn do phund deich puind.*

17 Agus thubhairt e ris, Is maith, a dheadh sheirbhisich : do bhrigh gu'n robh thusa fìrinneach ann an ro-bheagan, biodh agadsa uachdar-anachd air deich bältibh.

18 Agus thainig an dara *fear,* ag ràdh, A *Thighearn, rinn do phund cùig puind.*

19 Agus thubhairt e risean, Bi-samar an ceudna os cionn clùig bailte.

20 Agus thainig *fear eile,* ag ràdh, a Thighearn, feuch, do phund, a bha agamsa taisgte ann an neapaicin^b :

21 Oir bha eagal orm romhad, do bhrigh gur duine geur-theann thu : tha thu a' togail an ni nach do leag thu, agus a' buain an ni nach do chuir thu.

22 Agus thubhairt e ris, As do bheul féin bheiream breth ort, a droch sheirbhisich. Bha fhiros agad gu'm bu duine geur-theann mi, a' togail an ni nach do leag mi, agus a' buain an ni nach do chuir mi;

23 Air an aobhar sin c'ar son nach do chuir thu m' airgiot do'n bhanc^c,

^t *gu h-eucorach.* ^u *m'a thimchioll.* ^a *deichnear d'a sheirbhisich.*

^b *bréid, lamh-anart.* ^c *nach d'thug thu m'airgiot do'n luchd-malairt.*

agus air teachd dhomhsa thogainn e
le riadh ?

24 Agus thubhairt e riusan a bha
'nan seasamh a làthair, Thugaibh
uaith am pund, agus thoiribh dhasan
e aig am bheil na deich puind.

25 (Agus thubhairt iad ris, A
Thighearn, tha deich puind aige)

26 Oir a deirim ribh, Gu'n d'thoir-
ear do gach neach aig am bheil : ach
uaithsan aig nach 'eil, bheirear eadh-
on an ni sin a ta aige.

27 Ach thugaibh an so na naimh-
dean ud agamsa, leis nach b'àill mise
bhi 'm righ os an ceann, agus marbh-
aibh a'm' fhianuis iad.

28 Agus air dha so a ràdh, dh'im-
ich e rompa, a' dol suas gu Hierusa-
lem.

29 A nis an uair a dhruid e ri
Betphage agus Betani, làimh ris an
t-sliabh d'an goireard sliabh nan
crann-ola, chuir e dithis d'a dhei-
ciobluibh uaith,

30 Ag ràdh, Imichibh do'n bhaile
ta fa'r comhair; anns am faigh sibh,
air dol dhuibh a steach, searrach
ceangailte, air nach do shuidh aon
duine riamh : fuasglaibh, agus thug-
aibh an so e.

31 Agus ma dh'fheòraicheas neach
air bith dhibh, C'ar son a ta sibh 'g a
fhuasgladh? mar so a their sibh ris,
A ta feum aig an Tighearn air.

32 Agus air imeachd dhoibhsan a
chuireadh air falbh, fhuair iad mar
thubhairt e riu.

33 Agus an uair a bha iad a' fuasg-
ladh an t-searraich, thubhairt a
shealbhadairean riu, C'ar son a ta
sibh a' fuasgladh an t-searraich?

34 Agus thubhairt iadsan, Tha
feum aig an Tighearn air.

35 Agus thug iad gu h-Iosa e :
agus thilg iad am falluingean air an
t-searraich, agus chuir iad Iosa air.

36 Agus agimeachd dhasan, sgaoil
iad am falluingean fuidhe air an
t-sligte.

37 Agus an uair a thainig e 'm
fagus, eadhon gu dol sios sléibh nan
crann-ola, thoisich mòr chuideachd
nan deisciobul uile ri gairdeachas a
dheanamh, agus moladh a thoirt do

Dhia le guth àrd, air son nan uile
oibre cumhachdach a chunnaic iad,

38 Ag ràdh, Gu ma beànnuicht'
an righ a ta teachd an ainm an Tigh-
earna : sìth air nèamh, agus glòir
anns na h-àrdaibh.

39 Agus thubhairt cuid do na
Phairisich o mheasg an t-sluagh ris,
A mhaighstir, cronaich do dhei-
sciobuil.

40 Agus fhreagair esan, agus thub-
hairt e riu, A deirim ribh, nam fanadh
iad sin 'nan tosd, gu'n glaodhadh na
clacha fèin.

41 Agus an uair a thainig e 'm
fagus, chunnaic e 'm baile, agus ghuil
e air a shon,

42 Ag ràdh, O gu'm b'aithne
dhuit^c, eadhon dhuitse, air bheag sam
bith ann ad latha so fèin, na nithe a
bhuiteas do d' shìth ! ach a nis a ta
iad folaithe o d' shùilibh.

43 Oir thig na làithean ort, anns
an tilg do naimhde dìg mu d' thim-
chioll, agus an iadh iad umad m'an
cuairt, agus an druid iad a stigh air
gach taobh thu,

44 Agus an leag iad co iosal ris
an lär thu, agus do chlann annad,
agus nach fàg iad annad clach air
mùin cloiche ; do bhrigh nach b'aith-
ne dhuit aimsir t'fhirosrachaidh.

45 Agus chaidh e steach do'n
teampull, agus thòisich e air an dream
a bha reiceadh, agus a' ceannach ann
a thilgeadh mach,

46 Ag ràdh riu, Tha e scriobhta,
Is tigh ùrnuiigh mo thighsa ; ach
rinn sibhse 'na gharaidh luchd-reub-
ainn e.

47 Agus bha e gach là a' teagasg
san teampull. Ach dh'iarr na h-àrd
shagairt agus na scriobhnichean, a-
gus ceannardan a' phobuill esan a
mhilleadh,

48 Gidheadh cha robh fhios aca-
ciod a dheanadh iad : oir bha 'm pob-
ull uile ag eisdeachd ris le ro-air.

C A I B. XX.

1 Tha Criod a' dearbhadh gu'n robh
ùghdarris aige, le ceist mu bhaist-
eadh Eoin. 9 Cosamhlachd an fhion-
lios. 19 Mu thimchioll cìs a thoirt

do Chedsar. 27 Tha e dearbhadh mearachd nan Sadusach, a bha 'g àicheadh aiseirigh nam marbh, &c.

AGUS tharladh air aon do na làithibh sin, an uair a bha e teagast a' phobuill san teampull, agus a' searmonachadh an t-soisgeil, gu'n d'thainig na h-àrd shagairt agus na scriobhuichean air, maille ris na seanairibh.

2 Agus labhair iad ris, ag ràdh, Innis duinn ciod e an t-ùghdarras leis am bheil thu a' deanamh nan nithe so? no cò esan a thug an t-ùghdarras so dhuit?

3 Agus fhreagair esan agus thubhairt e riu, Feòraichidh mise mar an ceudna aon ni dhibhse; agus freagraibh mi:

4 Baisteadh Eoin, an ann o nèamh a bha e, no o dhaoinibh?

5 Agus reusonaich iad eatorra fèin, ag ràdh, Ma their sinn, O nèamh, their esan, C'ar son ma ta nach do chreid sibh e?

6 Ach ma their sinn, O dhaoinibh, clachuidh an sluagh uile sinn; oir is deimhin leo gu'm b'fhaidh Eoin.

7 Agus fhreagair iadsan, Nach robb fhios aca cia uaith a bha e.

8 Agus thubhairt Iosa riu, Ni mò a dh'innseas mise dhuibhse ciod e an t-ùghdarras tre'n deanam na nithe so.

9 An sin thòisich e air a' chosamhlachd so a labhairt ris an t-sluagh: Phlannduich duine àraídhean fion-lios, agus shuidnich e air tuath e; agus chaidh e air choigrich rè aimsir fhadha.

10 Agus anns an àm dhligheach chuir e seirbhiseach dh'ionnsuidh na tuatha, chum gu'n d'thugadh iad da do thoradh an fion-lios: ach ghabh an tuath air, agus chuir iad uatha falamh e.

11 Agus a ris chuir e seirbhiseach eile uaith; agus ghabh iad airsan mar an ceudna, agus mhaslaich iad e, agus chuir iad uatha falamh e.

12 Agus a thuilleadh air sin chuir e'n treas seirbhiseach uaith; agus lot iad esan mar an ceudna, agus thilg iad a mach e.

13 An sin thubhairt Tighearn an fion-lios, Ciod a ni mi? curridh mi

mho Mhac gràdhach d'an ionnsuidh: feudaidh e bi, air fhaicinn doibh, gu'n d'thoir iad urram dha.

14 Ach an uair a chunnai an tuath e, reusonaich iad eatorra fèin, ag ràdh, Is e so an t-oighre: thigibh, marbhamaid e, chum's gu'm bi 'n oighreachd againn fèin.

15 Agus thilg iad a mach as an fion-lios e, agus mharbh iad e. Ciod uime sin a ni Tighearn an fion-lios riu?

16 Thig e agus sgriosaidh e an tuath ud, agus bheir e'm fion-lios do dhaoinibh eile. Agus an uair a chual iad so, thubhairt iad, Nar leigeadh Dia.

17 Agus air dhasan amharc orra, thubhairt e, Ciod e so ma seadh a ta scriobhta, A' chlach a dhult na clachairean, rinneadh ceann na h-oisinn dith?

18 Ge b'e neach a thuiteas air a' chloich sin, brisear e: ach ge b'e neach air an tuit i, pronnaidh i gu luathreadh e.

19 Agus anns an uair sin fèin dh'iarr na h-àrd shagairt agus na scriobhuichean làmh a chur ann; ach bha eagal an t-sluaigne orra; oir thuig iad gu'm b'ann 'nan aghaidh fèin a labhair e'n cosamhlachd so.

20 Agus rinn iad geur fhaire *air*, agus chuir iad a mach luchd feill, a leigeadh orra fèin a bhi 'nam fìreanaibh, chum's gu'n deanadh iad greim air fhoclaibh, air chor's gu'n d'thugadh iad thairis e do chumhachd agus do ùghdarras an uachdarain.

21 Agus dh'fheòraich iad deth, ag ràdh, A mhaighstir, tha fhios againn gu bheil thu a' labhairt agus a' teagast gu ceart, agus nach 'eil suim agad do phearsa duine sam bith, achi gu bheil thu teagast slighe Dhé a réir na firinn.

22 Am bheil e ceaduichte òhuinn cùs a thoirt do Cheasar, no naen 'eil?

23 Ach thuig esan an cuilbheartachd, agus thubhairt e riu C'ar son a ta sibh ga m' bhuaireadh?

24 Nochdaibh dhomh peghinn: cia leis an dealbh agus an scriobhadh a ta oirre? Fhreagair iadsan agus thubhairt iad, Le Ceasar.

25 Agus thubhairt esan riu, Thug-aibhse air an aobhar sin do Cheasar na nithe 's le Ceasar, agus do Dhia na nithe 's le Dia.

26 Agus cha b'urrainn iad greim a dheanamh air fhoclaibh am fianuis an t-sluaignigh; agus ghabh iad iongantas r'a fhreagradh, agus dh'fhan iad 'nan todh.

27 An sin thainig d'a ionnsuidh dream àraidh do na Sadusaich (a ta 'g a'icheadh gu bheil aiseirigh ann) agus dh'fheòraich iad deth,

28 Ag ràdh, A mhaighstir, scriobh Maois dhuinn, Nam faigheadh bràth-air duin' air bith bàs, agus bean-phòsda aige, agus gu'm faigheadh e bàs gun chlann, gu'n gabhadh a bhràthair a bhean, agus gu'n togadh e suas sliochd d'a bhràthair.

29 Air an aobhar sin, bha seachdnar bhràithrean ann: agus ghabh an ceud shear bean, agus fhuair e bàs gun chlann.

30 Agus ghabh an dara fear i mar mhnaoi, agus fhuair esan bàs gun chlann.

31 Agus ghabh an treas fear i; agus mar an ceudna an t-seachdnar. Agus cha d'fhàg iad clann, agus fhuair iad bàs.

32 Fa dheireadh uile fhuair a' bhean bàs mar an ceudna.

33 Anps an aiseirigh uime sin, co dhiubh d'am bean i? oir bha i aig an t-seachdnar 'na minaoi.

34 Agus fhreagair Iosa, agus thubhairt e riu, Tha clann an t-saoghal so a' pòsadh, agus air an tabhairt am pòsadh:

35 Ach an droing sin a mheasar gur airidh iad air an t-saoghal ud fhaghail, agus an aiseirigh o na marbhaibh, cha 'n'eil iad a' pòsadh, no air an tabhairt am pòsadh.

36 Agus cha'n urrainn iad bàs fhaghail ni's mò; oir tha iad an coimh-inbhe ris na h-ainglibh, agus is iad clann Dé iad, air bhi dhoibh 'nan cloinn do'n aiseirigh.

37 Ach gu'n éirich na maibrbh, nochd Maois fein aig a' phreas, an uair a ta e gairm do'n Tighearn, Dia Abrahaimi, agus Dia Isaac, agus Dia Iacóib.

38 A nis cha'n e Dia nam marbh e, ach nam beo: oir a ta iad uile beo dhasan.

39 An sin fhreagair dream àraidh do na scriobhuichibh, agus thubhairt iad, A mhaighstir, is maith a labhair thu.

40 Agus cha robh chridh' aca tuilleadh ni sam bith fheòraich dheth.

41 Agus thubhairt e riu, Cionnus a deir iad gur e Criod mac Dhaibhidh?

42 Agus a deir Daibhidh féin ann an leabhar nan Salm, Thubhairt an Tighearn re m' Thighearn, Suidh air mo làimh dheis,

43 Gus an cuir mi do naimhde 'nan stòl fuidh d' chosaibh.

44 Tha Daibhidh air an aobhar sin a' gairm a Thighearna dheth, cionnus ma seadh is e a mhac e?

45 An sin thubhairt e r'a dheiscioibluibh, ann an éisdeachd an t-sluaignigh uile,

46 Thugaibh an aire dhuibh fén o na scriobhuichibh, leis am miannimeachd ann an culaidhibh fada, agus leis an ionmhuinn failte *fhaotainn* air na margainibh, agus na caithriclean a's àirde anns na sionagogaibh, agus na ceud àiteacha-suidhe aig féisidibh;

47 A shluigeas suas tighean bhant-rach, agus air sgàth deadh choslaist a ni ùrnuighean fada: gheibh iad sin an dìeadh a's mò.

C A I B. XXI.

1. *Tha Criod a' moladh na bantraich bhochd: 4 a' roimh-innseadh sgrios an teampuill, agus bhaile Ierusaléim; 25 mar an ceudna nan comhara bhios ann roimh an là dheireannach, &c.*

A GUS air dha amharc suas, chunnaic e na daoine saibhre a' tilgeadh an tiodhlacan ann an àite coimhead an ionmhais.

2 Agus chunnaic e mar an ceudna bantrach bhochd àraidh a' tilgeadh dà leth-fheoirling an sin.

3 Agus thubhairt e, Gu firinneach a deirim ribh gu'n do chuir a' bhant-rach bhochd so ni's mò ann na iad uile.

4 Oir thilg iad so uile d'am pait-eas a steach do thiodhlacaibh Dhé : ach thilg ise d'a h-uireasbhuidh féin am beathachadh uile a bha aice.

5 Agus air do chuid diubh bhi labhairt mu'n teampull, mar a bha e air a dheanamh maiseach le clachaibh sgiamhach, agus le tiodhlacaibh, thubhairt e,

6 A thaobh nan nithe so a chi sibh, thig na làithean, anns nach fágair clach air muin cloiche dhiubh, nach tilgear sìos.

7 Agus dh'fheòraich iadsan deth, ag ràdh, A mhaighstir, c'uin ma ta bhithreas na nithe so ? agus ciod e an comhara 'nuair a bhios na nithe so gu teachd gu crich ?

8 Agus thubhairt esan, Feuchainb nach meallar sibh ; oir thig mòran ann am ainmse, ag ràdh, Is mise Criod ; agus a ta 'n t-àm am fagus : uime sin na leanaibh iad.

9 Ach an uair a chluinneas sibh mu chogannaibh, agus mu cheannaireibh f, na biedh mòr gheilt oirbh : oir is éigin do na nitibh so tachairt air tùs, ach cha 'n'eil a' chrìoch air báll.

10 An sin thubhairt e riu, Eiridh cinneach an aghaidh cinnich, agus rioghachd an aghaidh rioghachd :

11 Agus bitidh criothanna mòra talmhainn ann an iomadh àit, agus gortaoidh, agus plàighean, agus nithe uamhasach, agus comharan mòra o néamh.

12 Ach rompa so uile cuiridh iad làmh annaibhse, agus geur-leanaidh iad sibh, 'gar tabhairt thairis do choimh-thionalaibh g, agus do phrios-unaibh, 'gar tabhairt chum righean agus uachdarana air sgàth m'ainmese.

13 Agus tachraidh so dhuibhse mar fhianuis.

14 Air an aobhar sin daingnichibh ann bhur cridhibh, gun smuaineachadh roimh làimh, ciod a fhreagras sibh air bhur son féin :

15 Oir bheir mise dhuibh beul a-gus gliocas, nach bi bher naimhdean uile comasach air labhairt no cur 'na aghaidh.

16 Agus brathar sibh le'r párant-aibh agus le'r bràithribh, agus le'r luchd dàimhe, agus le'r cairdibh ; agus bheir iad fainear *cuid* dhibh a chur gu bàs.

17 Agus bitidh fuath aig na h-uile dhaoinibh dhuibh air son m'ainmese.

18 Ach cha chaillear fulteinh do grhraig bhur cinn

19 Ann bhur foighidin sealbhaichibh bhur n-anama féin.

20 Agus an uair a chi sibh Ierusalem air a cuairteachadh le armaitibh, an sin biodh fhios agaibh gu bheil a fàsachadh am fagus.

21 (An sin teicheadh iadsan a ta ann Iudea chum nam beann) agus imicheadh iadsan a ta 'na meadhonsa mach aside ; agus na raéchadh iadsan a ta sa' mhachair, a steach innte.

22 Oir is iad sin làithean an diogh-altais, chum gu'n coimhlionar na h-uile nithe a ta scriobhtha.

23 Ach mo thruaigh na mnài a bhios torrach, agus iadsan a bhios a' toirt cìche anns na làithibh sin : oir bitidh teanntachd i mhòr san dùth-aich, agus fearg air a' phobull so.

24 Agus tuigidh iad le faobhar a' chlaidheimh, agus bheirear iad am braighdeanas chum nan uile chinn-each : agus bitidh Ierusalem air a saltairt sìos fuidh na Cinnich, gus an coimhlionar aimsire nan Cinneach.

25 Agus bitidh comharan anns a' ghréin, agus anns a' ghealaich, agus anns na reultaibh ; agus air an talamh airc nan cinneach, ann an iomachomhairle, an cuan agus na tonnan a' beuchdaich ;

26 Cridhe dhaoine 'gan tréigsinn trid eagal, agus feitheamh nan nithe sin a ta teachd air an domhan ; oir bitidh cumhachda nan nèamh air an crathadh.

27 Agus an sin chi iad Mac an duine a' teachd ann an neul, le cumhachd agus mòr ghlòir.

28 Agus an uair a thòisicheas na nithe so air tachairt, an sin amhaircibh suas, agus togaibh bhur cinn ; oir a ta bhur saorsa am-fagus.

29 Agus labhair e cosamhlachd

riu, Amhaircibh air a' chraoibh-fhlige, agus na craobhan uile;

30 'Nuair a bhios iad a cheana a' cur a mach *an duillich*, air fhaicinn duibh, aithnidh sibh uaibh féin, gu bheil an samhradh a nis am fagus.

31 Agus mar an ceudna sibhse, 'nuair a chi sibh na nithe so a' tach-airt, biodh fhios agaibh gu bheil rioghachd Dhé fagus do làimh.

32 Gu deimhin a deirim ribh, nach d'théid an linn¹ so thairis, gus an coimhlionar na nithe so uile.

33 Théid nèamh agus talamh thairis: ach cha d'théid mo bhriathrasa thairis a choidhch.

34 Agus thugaibh an aire dhuibh féin, air eagal uair air bith gu'm bi bhur cridhe fuidh uallaich lé geòcraigeachd^m, agus le misgⁿ, agus le ro-chùram mu nithibh na beatha so, agus gu'n d'thig an là sin oirbh gu h-obann.

35 Oir mar ribe thig e air na h-uile dhaoinibh, a ta 'g àiteachadh aghaidh na talmhainn uile.

36 Deanaibhse air an aobhar sin faire, a' deanamh ùrnuigh gach àm, chum's gu measar gur airidh sibh air dol as o na nithibh sin uile a ta gu teachd, agus seasamh an làthair Mhic an duine.

37 Agus bha e san là a' teagasg san teampull, agus san oidhche chaidh e mach, agus dh'fhan e air an t-sliabh, d'an goirear *sliabh* nan crann-ola.

38 Agus thainig an sluagh uile gu moch d'a ionnsuidh san teampull, a dh'éisdeachd ris.

C A I B. XXII.

1 Tha na h-Iudhaich a' gabhair comhairle 'n aghaidh Iosa. 3 Tha Satan ag aomadh Iudais gu esan a bhrath. 7 Tha na abstoil ag ulluchadh na càisge. - 19 Tha Criod ag ordachadh a shuipeir naomha. 52 a' dearbh-innseadh do Pheadar nach diobradh a chreidimh e. 54 ach gu'n dicheadhadh e esan tri uairean; 59 a' deanamh ùrnuigh, agus fuidh fhallas fola; 47 air a bhrath le pòig, &c.

A NIS dhruid *riu* feisd^o an arain neo-ghoirtichte, d'an goirear^p a' chaisg.

2 Agus bha na h-àrd shagairt^r agus na scriobhuichein ag iarraidh cionnus a dh'fheudadh iad esan a chur gu bàs; oir bha eagal an t-sluaign orra.

3 An sin chaidh Satan ann an Judas d'an comh-ainm Iscariot, a bha do aireamh an-dà fhir dheug.

4 Agus dh'imich e, agus labhair e ris na h-àrd shagartaibh agus ri ceannardaibh *an teampuill*, cionnus a bhrathadh se esan doibh.

5 Agus bha iad subhach, agus rinn iad coimhcheangal airgiod a thabhairt da.

6 Agus gheall esan, agus dh'iarr e àm iomchuidh air a bhrath dhoibh gun an sluagh a bhi làthair.

7 An sin thainig là an arain neo-ghoirtichte, anns am b'éigin an t-uancàisge a mharbhadh.

8 Agus chuir e uaith Peadar agus Eoin, ag ràdh, Imichibh, agus ulluichibh dhuinn a' chaisg, chum gu'n ith sinn i.

9 Agus thubhairt iadsan ris, C'ait an àill leat sinn a dh'ulluchadh?

10 Agus thubhairt e *riu*, Feuch, air dhuibh dol a steach do'n bhaile, tachraidh oirbh duine, a' giùlan soithich uisge; leanaibh e do'n tigh anns an d'théid e steach.

11 Agus abruibh ri fear an tighe, A deir am maighstir riut, C'ait am bheil an seòmar aoidheachd anns an ith mi a' chaisg maille ri m' dhei-siobluibh?

12 Agus feuchaidh e dhuibh àrd sheomar farsaing uidhimichte: ulluichibh an sin.

13 Agus dh'imich iad agus fhuair iad mar thubhairt e *riu*: agus dh'ulluich iad a' chaisg.

14 Agus an tràth thainig an uair, shuidh e sìos, agus an dà abstol deug maille ris.

15 Agus thubhairt e *riu*, Le mòr thogradh mhiannaich mi a' chaisg so itheadh maille ribh roimh dhomh-fulang:

¹ ginealach. ^m craos. ⁿ meisg. ^o féill. ^p gairmear.
^r prionh shagairt.

16 Oir a deirim ribh, nach ith mi dhith tuilleadh, gus an coimhlionar i ann an rioghachd Dhé.

17 Agus ghlae e cupan, agus air dha buidheachas a thabhairt, thubhairt e, Gabhaibh so, agus roinnibh eadruibh féin e.

18 Oir a deirim ribh, nach òl mi do thoradh na fionain, gus an d'thig rioghachd Dhé.

19 Agus ghlae e aran, agus an déigh buidheachas a thabhairt, bhrise, agus thug e dhoibhsan e, ag ràdh, 'Se so mo chorpas a ta air a thoirt air air bhur sonsa: deanuibh so mar chuimhneachan ormsa.

20 Agus mar an ceudna an cupan, an déigh na suipeir, ag ràdh, Is e 'n cupan so an tiomnadhl nuadh ann am fhuilse, a dhòirteadh air bhur sonsa.

21 Ach feuch, làmh an ti a bhrathas mise maille rium air a' bhòrd.

22 Agus gu fìrinneach a ta Mac an duine agimeachd a réir mar a dh'orduicheadh: ach is anaoibhinn do'n duine-sin leis am brathar e.

23 Agus thòisich iadsan air fios-rachadh eatorra féin, co aca bha gus an ni so a dheanamh.

24 Agus bha mar an ceudna comh-stri eatorra, co aca bu mhò a bhiodh.

25 Ach thubhairt esan riu, A ta aig righribh nan Cinneach tighearn-as orra; agus goirear daoine fial dhiubhsan, aig am bheil ùghdarras^s orra.

26 Ach na bithibhse mar sin: ach an neach a's mò 'nar measg, biodh e mar an-neach a's òige^t: agus an ti a's àirde, mar esan a ta ri frithealadh.

27 Oir co aca 's mò, an ti a shuidheas air bòrd, no esan a fhritheileas? nach e 'n ti a shuidheas; ach a ta mise 'nar measgsa mar fhear-frithealaidh.

28 Is sibhse iadsan a dh'fhan maille riumsa ann am dheuchainnibh^u,

29 Agus a ta mise 'g orduchadh dhuibh rioghachd, mar a' dh'orduich m'Athair dhomhsa:

30 Chum's gu'n ith agus gu'n òl

sibh air mo bhordsa ann am rioghachd, agus gu'n suidh sibh air caithrichibh rioghail, a' toirt breth air dà threibh dheug Israel.

31 Agus thubhairt an Tighearn, A Shimoin, a Shimoin, feuch, dh'iarr Satan sibhse, chum bhur criaradh mar chruineachd:

32 Ach ghuidh mise air do shonsa, nach diobradh do chreidimh thu: agus an uair a dh'iompochear thu^a, neartuich do bhràithre.

33 Agus thubhairt esan ris, A Thighearn, tha mise ullamh gu dol maille riut araon chum priosuin, agus a chum bàis.

34 Agus thubhairt esan, A deirim riut, a Pheadair, nach goir an coil-each an diugh, gus an aiceheadh thu tri uairean gur aithne dhuit mi.

35 Agus thubhairt e riu, 'Nuair a chuir mi uam sibh gun sporan, agus gun mhàla, agus gun bhrògan, an robh uireashbuidh ni sam bith oirbh? Agus thubhairt iad, Cha robh.

36 An sin thubhairt e riu, Ach a nis ge b'e aig am bheil sporan, togadh se e, agus mar an ceudna a mhàla: agus an ti aig nach 'eil claidheamh, reiceadh e fhalluing, agus ceannachadh e aon.

37 Oir a deirim ribh, gur éigin fathast an ni so ta scriobh^bta a choimhlionadh annamsa, Agus bha e air àireamh am measg nan ciontach: oir a ta crìoch aig na nithibh ud, a ta mu m' thimchiolla.

38 Agus thubhairt iadsan, A Thighearn, feuch, a ta dà chlaideamh an so. Agus thubhairt esan riu, Is leoir e.

39 Agus air dha dol a mach, chaidh e, mar bu ghnàth leis, gu sliabh nan crann-ola; agus lean a dheisciobuil e.

40 Agus an uair a thainig e do'n àit, thubhairt e riu, Deanaibh ùrnuigh, chum's nach tuit sibh ann am buaireadh.

41 Agus thairngeadh esan uatha mu thimchioll urchuir chloiche, agus leig se e féin air a ghluinibh, agus rinn e ùrnuigh,

^s smachd, curachd. ^t a's lugha. ^u bhuaireibh. ^a bhios tu air tionndadh.

42 Ag ràdh, Athair, ma's toil leat euir an cupan so tharum : gidheadh, na b'i mo thoilse, ach do thoilse gu robh deanta.

43 Agus dh'fhoillsicheadh dha aingeal o næamh, 'ga neartachadh.

44 Agus air bhi dha ann an cruaidh ghleachd anama, rinn e ùrnuigh ni bu dùrachdaiche : agus bha fhallas mar bhraona mòra fola a' tuiteam sìos air an talamh.

45 Agus air dha éirigh o ùrnuigh, thainig e chum a dheisciobul, agus fhuaire e 'nan codal iad tre thuirse.

46 Agus thubhairt e riu, C'ar son a ta sibh 'nar codal ? éiribh, agus deanabh ùrnuigh, chum's nach tuit sibh ann am buaireadh.

47 Agus an uair a bha e fathast a' labhairt, feuch sluagh, agus dh'imich esan d'am b'ainm Iudas, aon do'n dà fhéar dheug, rompa, agus dhruid e ri h-Iosa, chum a phògadh.

48 Ach thubhairt Iosa ris, A Iudais, am bheil thu le pòig a' brath Mhic an duine ?

49 Agus an uair a chunnaic iadsan a bha mu thimchioll-san an ni a bha gu tachairt, thubhairt iad ris, A Thigearn, am buail sinn leis a' chlaidheamh ?

50 Agus bhualil aon diubh seirbhiseach an àrd shagairt, agus ghearr e dheth a chluas dheas.

51 Agus fhreagair Iosa agus thubhairt e, Fulaingibh gu so. Agus bhean e r'a chluais, agus shlànuich e i.

52 An sin thubhairt Iosa ris na h-àrd shagartaibh agus ceannardaibh an teampuill, agus na seanairibh, a thainig d'a ionnsuidh, An d' thainig sibh a mach le cloidhibh agus le batreibh, mar gu b'ann an aghaidh fir-reubainn^b ?

53 'N uair a bha mi gach là maille ribh san teampull, cha do shin sibh a mach *bhur* làmhan a'm' aghaidh : ach 's i so bhur n-uairse, agus cumhachd an dorchadais.

54 An sin rug iad air, agus thug iad leo e^c do thigh an àrd shagairt. Agus lean Peadar am fad uaith e.

55 Agus air dhoibh teine fhadadh

ann am meadhon an talla, agus suidhë sìos am fochair a chéile, shuidh Peadar 'nam meadhon.

56 Ach chunnaic cailin àraidih e 'na shuidhë aig an teine, agus air dh'i amharc gu geür air, thubhairt i, Bha'm fear se mar an ceudna maille ris.

57 Agus dh'aicheadh esan e, ag ràdh, A bhean, cha'n aithne dhomh e.

58 Agus beagan 'na dhéigh sin chunnaic nach eile e, agus thubhairt e, 'S ann diubh thusa mar an ceudna. Agus thubhairt Peadar, A dhuine, cha'n ann.

59 Agus mu thimchioll ùine aon uaire 'na dhéigh sin, chathaichd neach eile air, ag ràdh, Gu firinneach bha'm fear so mar an ceudna maille ris ; oir is Galiléach e.

60 Agus thubhairt Peadar, A dhuine, cha'n aithne dhomh ciod a ta thu'g ràdh. Agus air ball am feadh a bha e fathast a' labhairt, ghoir an coileach.

61 Agus air tionndadh do'n Tigh-earn, dh'amhairc e air Peadar; agus chuimhnich Peadar focal an Tigh-earna, mar thubhairt e ris, Mun goir an coileach, àicheadh tu mi tri uair-ean.

62 Agus chaidh Peadar a mach, agus ghuil e gu goirt.

63 Agus rinn na daoine, a chum Iosa, fanoid air, 'ga bhualadh.

64 Agus an uair a dh'fholuich iad a shùilean, bhualil iad e san aghaidh, agus dh'fheòraich iad deth, ag ràdh, Dean faidheadaireachd cò e a bhualil thu ?

65 Agus labhair iad mòran do nithibh eile gu toibhieumach 'na aghaidh.

66 Agus an uair a bha 'n là air teachid, chruinnich seanadh an t-sluaign, agus na h-àrd shagairt agus na scriobhuichean an ceann a chéile, agus thug iad esan chum an comhairle,

67 Ag ràdh, An tusa Criod? innis dhuinn. Agus thubhairt e riu, Ma dh'innseas mi dhuibh, oha chreid sibh.

68 Agus ma dh'fheòraicheas mi

^b creachadair, meirlich.

^c agus thug iad e.

^d chòmhdaich.

ni air bith, cha toir sibh freagradh dhomh, agus cha leig sibh as *mi*.

69 O'n àm so bitidh Mac an duine 'na shuidhe air deas làimh cumhachd Dhé.

70 An sin thubhairt iad uile, An tua ma seadh Mac Dhé? Agus thubhairt e riu, A deir sibhse gur mi.

71 Agus thubhairt iad, Ciod tuill-eadh am feum a ta againn air fianuis? oir chuala sinn fein i as a bheul fein.

C A I B. XXIII.

1 *Tha Criod air a chasaid an làthair Philait.* 8 *Tha Herod a' deanamh fanoid air.* 12 *Rinneadh Herod agus Pilat 'nan cairdibh.* 18 *Tha Barabas air iarraidh leis an t-sluagh, agus air fhuasgladh le Pilat, agus tha Iosa air a thoirt thairis gu bhi air a cheusadh: &c.*

A GUS air éirigh d'an cuideachd uile, thug iad e gu Pilat.

2 Agus thòisich iad air a chasaid, ag ràdh, Fhuair sinn am fear so a' clonaadh a' chinnech, agus a' bacadh cùs a thoirt do Cheasar, ag ràdh, Gur e fein Criod an righ.

3 Agus dh'fheòraich Pilat deth, ag ràdh, An tua righ nan Iudhach? agus fhreagair esan agus thubhairt e, A deir tu e.

4 An sin thubhairt Pilat ris na h-àrd shagartaibh agus ris an t-sluagh, Cha 'n'eil mi faotainn coire air bith san duine so.

5 Agus bha iadsan ni bu ro dhéine, ag ràdh, Tha e buaireadh an t-sluagh, a' teagascg tre Iudea uile, a' tòiseachadh o Ghailile gus an àit so.

6 'N uair a chuala Pilat mu Ghailile, dh'fheòraich e 'm bu Ghailléach an duine.

7 Agus an uair a chual e gu'm b'ann fo uachdaranaichd^e Heroid a bha e, chuir se e gu Herod, a bha e fein an Ierusalem sna làithibh sin.

8 Agus an uair a chunnaic Herod Iosa, bha aoibhneas mòr air: oir bha déidh aige rè ùine fhada air esan fhaicinn, do bhrigh gu'n eual e mòran uime; agus bha dùilf aige

gu 'm faiceadh e mòrbhail éigin air a dheanamh leis.

9 An sin dh'fheòraich e mòran do cheisidibh dbeth; ach cha d'thug e freagradh sam bith air.

10 Agus sheas na h-àrd shagairt agus na scriobhuichean 'ga chasad gu dian.

11 Ach chuir Herod agus a luchd-cogaidh an neo-mheas e, agus rinn iad fanoid air, agus an déigh a sgeadachadh an eudach dealrach^g chuir e air ais gu Pilat e.

12 Agus rinneadh Pilat agus Herod 'nan cairdibh d'a chéile san làsin; oir bha iad roimhe sin an naimhdeas r'a chéile.

13 Agus an uair a ghairm Pilat an ceann a chéile na h-àrd shagairt, agus na h-uachdarain, agus an sluagh,

14 Thubhairt e riu, Thug sibh a'm' ionnsuidhs' an duine só, mar neach a ta tionndadh an t-sluagh a thaobh: agus feuch, air dhomh a cheasnachadh ann bhur làthair, cha d'fhuair mi coire air bith san duine so thaobh nan nithe sin mu'm bheil sibh a' deanamh casaid air;

15 No mar an ceudna Herod: oir chuir mi d'a ionnsuidh sibh, agus feuch, cha d'rinneadh ni air bith leis^h toillinneach air bàs.

16 Uime sin, air dhomhsa a smachdachadh, leigidh mi as e.

17 Oir b'éigin da aon a leigeadh as doibh air an fhéisd.

18 Agus ghlaodh iad a mach dh'aon ghuth, ag ràdh, Beir uainn am fear so, agus leig air a chomas duinne Barabas:

19 (Neach air son ceannairce àrainn a' rinneadh anns a' bhaile, agus air son mortaich, a thilgeadh am priosun.)

20 Air an aobhar sin labhair Pilat riu a ris, air dha bhi toileach Iosa a chur fa sgoilo.

21 Ach ghlaodh iadsan, ag ràdh, Ceus e, ceus e.

22 Agus thubhairt e riu an treas uair, C'ar son, ciod an crón a rinn e? cha d'fhuair mise cùis bhàis air bith ann: uime sin, an déigh dhomh a smachdachadh, leigidh mi as e.

^f fo chunthachd, fo riaghlaich.

^g dòchas. ^h ro gheal. ⁱ dha.

23 Agus luidh iadsan air le guthaibh mòra, ag iarraidh esan a cheusadh : agus bhuadhaich an guthannasan, agus *guthanna* nan àrd shagart.

24 Agus thug Pilat breth gu'n deanta na dh'iarr iad.

25 Agus leig e mach dhoibh esan a thilgeadh am priosun air son ceannairce agus mortaidh, an neach a dh'iarr iad ; ach thug e thairis Iosa d'an toil.

26 Agus an tràth thug iad leo e, rug iad air Simon, duine àraidh o Chirene, a bha teachd o'n dùthaich, agus chuir iad an crann-ceusaidh air, g'a ionchar an déigh Iosa.

27 Agus lean cuideachd mhòr e do'n t-sluagh, agus do mhnaibh, a bha mar an ceudna ri bròn i, agus 'ga chaoineadhsan.

28 Ach air tionndadh do Iosa riu, thubhairt e, A nigheana Ierusalem, na guilibh air mo shonsa, ach guilibh air bhur son féin, agus air son bhur cloinne :

29 Oir feuch, a ta na làithean a' teachd, anns an abair iad, Is beannuichte na *mnài* sheasgal, agus na bronna nach do ghiùlain *clann*, agus na ciocha nach d'thug bainne.

30 An sin tòisichidh iad air a ràdh ris na beanntaibh, Tuitibh oirnne ; agus ris na cnoccaibh, Folaichibh sinn.

31 Oir ma ni iad na nithe so ris a' chrrann ùr, ciod a ni iad ris a' chrionach ?

32 Agus thugadh mar an ceudna dithis eile a bha 'nan luchd droch-bheirt, chum bhi air an ceusadh maille ris.

33 Agus an uair a thainig iad do'n àit d'an goirear Calbhari^m, an sin cheus iad e féin, agus na droch dhaoine; fear dhiubhair alàimh dheis, agus am fear eile air a làimh chli.

34 An sin thubhairt Iosa, Athair, maith dhoibh ; oir cha 'n'eil fhios aca ciod a ta iad a' deanamh. Agus ag roinn eudaich dhoibh, thilg iad crannchur *air*.

35 Agus sheas an sluagh ag amharc : agus rinn na h-uachdarain fanoid *air* maille riusan, ag ràdh, Shaor e daoin' eile ; saoradh se e féin, ma's e so Criosc, aon taghta Dhé.

36 Agus rinn na saighdearan mar an ceudna fanoid air, a' teachd d'a ionnsuidh, agus a' taingseadh fiongeur dha,

37 Agus ag ràdh, Ma's tu righ nan Iudhach, teasaig thu féin.

38 Agus bha scriobhadh mar an ceudna air a scriobhadh os a cheann, ann an litrichibh Gréigis, agus Laidin, agus Eabhra, IS E SO RIGH NAN IUDHACH.

39 Agus thug aon do na droch dhaoinibh a chrochadh, toibheum dha, ag ràdh, Ma's tu Criosc, saor thu féin agus sinne.

40 Ach fhreagair am fear eile, agus chronaich se e, ag ràdh, Nach 'eil eagal Dé ort, agus gu bheil thu fuidh 'n aon dìteadh *ris* ?

41 Agus sinne da rìreadh an ceartas ; oir a ta sinn a' faotainn nan nithe sin a thoill ar gnìomharan : ach cha d'rinn an duine so cron air bith.

42 Agus thubhairt e ri h-Iosa, A Thighearn, cuimhnich ormsa 'nuair a thig thu do d' rioghachd.

43 Agus thubhairt Iosa ris, Gu deimhin a deirim riut, gu'm bi thu maille riumsa 'n diugh ann am pàras.

44 Agus bha e mu thimchioll na seathadh uaire, agus bha dorchadas air an talamh uile gus an naothadh uair.

45 Agus dhorchaicheadh a' ghrian, agus reubadh brat-roinn an teampuill 'na mheadhon.

46 Agus an uair a ghlaodh Iosa le guth mòr, thubhairt e, Athair, a ta mi tiomnadhl mo spioraid a'd' làmh-aibhsa : agus an uair thubhairt e so, thug e suas an deo.

47 A nis an uair a chunnaic an ceannard-ceud an ni a rinneadh, thug e glòir do Dhia, ag ràdh, Gu firinn-each b'ionracan an duine so.

48 Agus an sluagh uile a chruinnich dh'ionnsuidh an t seallaidh sin, an uair a chunnaic iad na nithe a rinneadh, phill iad air an ais, a' buайдh an uchd.

49 Agus sheas a luchd eòlais uile, agus na *mnài* a lean e o Ghalile, am fad uaith, ag amharc air na nithibh sin.

50 Agus feuch, duine àraigd d'am b'ainm Ioseph, comhairleach, a bha na dhùine maith, agus 'na fhìrean,

51 (Cha d'aontaich an duine so d'an comhairle no d'an gnòimh) O Arimatea, baile leis na h-Iudhachainbh, (neach mar an ceudna aig an robh sùil ri rioghachd Dhé.)

52 Chaidh 'esan gu Pilat, agus dh'iarr e corp Iosa.

53 Agus air dha a thoirt a nuas, phaisg e ann an lion-eudach e, agus chuir e ann an uaigh e a chladhaich-eadh a carraig, anns nach do chuir-eadh aon duine riagh roimhe.

54 Agus b'e sin là an ulluchaidh, agus bha 'n t-sàbaid am fagus.

55 Agus lean na mnài a thainig maille ris o Ghalile, agus chunnaic iad an uaigh, agus cionnus a chuir-eadh a chorp.

56 Agus phill iad, agus dh'ulluich iad spòsraidhⁿ, agus ola deadh bholaidh; agus ghabh iad tàmh air là na sàbaid, a réir na h-àithne.

C A I. B. XXIV.

2 Tha aiseirigh Chriosd air a cur an cùill le dà aingeal do na mnàibh a thainig a dh'amharc na h-uaighe: 9 tha iadsan 'ga innseadh dò mhuinnitir eile. 13 Dh'fhoillsicheadh Criosd fèin do'n dìlhis dheis-eiobul a chaidh gu h-Emaus: 36 'na dhéigh sin dh'fhoillsicheadh e do na h-abstalaibh, agus tha e 'gan crònachadh air son am mì chreidimh, 47 agus a' toirt àithne dhoibh; 49 tha e gealtuinn an Spiorad naoimh, 51 agus a' dol suas do nèamh.

ANIS air a' cheud là do'n t-seachduin, gu ro mhoch air mhaduinn, thainig iad chum na h-uaighe, a' toirt leo nan spòsraidh a dh'ulluich iad, agus mnài àraidh eile maille riu.

2 Agus fhuair iad a' chlach air a caruchadh o'n uaigh.

3 Agus air dhoibh dol a steach, cha d'fhuair iad corp an Tighearna Iosa.

4 Agus am feadh a bha iad an iomacheist fa'n ni so, feuch, sheas dithis dhaoine làimh riu ann an endaichibh dealrach.

5 Agus air bhi dhoibh fuidh eagal, agus a' cromadh an aghaidh chum na talmhainn, thubhairt iad riu, C'ar son a ta sibh ag iarraidh an ti a ta beo am measg nam marbh?

6 Cha n'eil e 'n so, ach dh'éirich e: cuimhnichibh mar a labhair e ribh air dha bhi fathast ann an Galile,

7 Ag ràdh, Is éigin do Mhac an duine bhi air a thabhairt thairis do làmhaibh dhaoine peachach, agus a bhi air a cheusadls, agus éirigh a ris an treas là.

8 Agus chuimhnich iad a bhriathran.

9 Agus air dhoibh pilltinn o'n uaigh, dh'innis iad na nithe so uile do'n aon fhear deug, agus do chàch uile.

10 Agus b'i Muire Magdalen, agus Ioanna, agus Muire màthair Sheumas, agus mnài eile maille riu, a dh'innis na nithe so do na h-abstolibh.

11 Agus mheasadh am briathra leo-san mar sgeula faoin, agus cha do chreid siad iad.

12 An sin air éirigh do Pheadar, ruith e chum na h-uaighe, agus air dha cromadh sìos, chunnaic e'n lion-eudach 'na luidhe leis fèin, agus dh'fhalbh e, a' gabhail iongantais leis fèin mu'n ni so a rinneadh.

13 Agus feuch, bha dithis diuhb a' dol air an là sin fèin gu baile d'am b'ainm Emaus, a bha tri fishead stàid o Hierusalem.

14 Agus bha iad a' labhairt eatorra fèin mu thimchioll nan nithe ud uile a thachair.

15 Agus an uair a bha iad a' còmhchradh, agus a' coimh-reusonachadh, thainig Iosa e fèin am fagus, agus dh'imich e maille riu.

16 Ach bha'n sùilean air an cumail, air chor as nach d'aitnihieh iad e.

17 Agus thubhairt e riu, Ciòd e an còmhchradh so air am bheil sibh a' teachd eadruibh fèin, ag imeachd duibh, agus sibh dubhach?

18 Agus fhreagair fear diuhb d'am b'ainm Cleopas, agus thubhairt e ris, Am bheil thus' a mhàin a' d'choigreach an Ierusalem, agus gun fhios

agad air na nitibh a rinneadh innleanns na làithibh so ?

19 Agus thbhairt e riu, Ciod na nithe ? Agus thubhairt iadsan ris, Na nithe a thaobh Iosa o Nasaret, a bha 'na fhàidh cumhachdach ann an gniomh agus ann am focal am fianuis Dé, agus an t-sluaign uile :

20 Agus cionnus a thug na h-àrd shagairt agus ar n-uachdarain thairis chum dìtidh bàis e, agus a cheus iad e.

21 Ach bha dùil againne gu'm b'esan an ti a bha gu Israel a shaoradh : agus a thuilleadh air so uile, 's e'n diugh an treas là o rinneadh na nithe so.

22 Agus mar an ceudna, chuir mnài àraidi dhinn féin, a chaidh gu moch a dh'ionnsuidh na h-uaighe, mòr ioghnadh^o oirnn :

23 Águs an uair nach d'fhuair iad a chorp, thainig iad, ag ràdh, gu'm fac iad sealladh do ainglibh, a thubhairt gu bheil e beo.

24 Agus chaidh dream àraidi dhiubhsan a bha maille ruinn féin, chum na h-uaighe, agus fhuair iad eadhon mar thubhairt na mnài ; ach cha'n fhac iad esan.

25 An sin thubhairt e riu, O dhaoine amaideach P, agus mall-chridheach a chreidsinn nan nithe sin uile a labhair na faidhean !

26 Nach b'éigin do Chriosd na nithe so fhlang, agus dol a steach d'a ghliòir ?

27 Agus air dha tòiseachadh o Mhaoris, agus o na faidhibh uile, dh'eadar-mhìnich e dhoibh anns na scriobtuiribh uile na nithe m'a thimchioll féin.

28 Agus dhruid iad ris a' bhaile, d'an robh iad a' dol : agus leig esan air gu'n rachadh e ni b'fhaide.

29 Ach choimhéignich iadsan e, ag ràdh, Fan maille ruinne, oir a ta e dlùth do'n fheasgar, agus tha deir-eadh an là ann. Agus chaidh e steach a dh'fhuireach maille riu.

30 Agus an uair a shuidh e gu biadh maille riu, air dha aran a ghlacadh, bheannuich se e, agus bhris se e, agus thug e dhoibh e.

31 Agus dh'fhosgladhi an sàilean, agus dh'aithnich iad e ; agus chaidh e as an t-sealladh.

32 Agus thubhairt iad r'a chéile, Nach robh ar eridhe a' lasadh ann-ainn, am feadh a bha e a' labhairt ruinn air an t-slighe, agus an uair a dh'fhosgail e dhuinn na scriobtuir-ean ?

33 Agus dh'éirich iad air an uair sin féin, agus phill iad gu Hierusalem, agus fhuair iad an t-aon fhear deug cruinn an ceann a chéile, agus an dream a bha maille riu,

34 Ag ràdh, Dh éirich an Tighearn da rìreadh, agus chunneas le Simon e.

35 Agus dh'innis iad na nithe a rinneadh air an t-slighe, agus mar a dh'aithnicheadh leo e ann am briseadh an arain.

36 Agus ag labhairt nan nithe so dhoibh, sheas Iosa féin 'nam meadhon, agus a deir e riu, Sith maille ribh.

37 Ach bha iadsan fuidh gheilt-chrith agus fuidh eagal, agus shaoil iad gur spiorad a chunnaic iad.

38 Agus thubhairt e riu, C'ar son a ta sibh fuidh bhuaireas^r, agus e'ar son a ta smuaintean ag éirigh suas ann blur cridhibh ?

39 Feuchairb mo làmhan agus mo chosan, gur mi féin a th'ann : laimh-sicibh mi, agus faicibh, oir cha'n eil aig spiorad feoil agus cnàmha, mar a chi sibh agamsa.

40 Agus an uair a thubhairt e so, nochd e dhoibh a làmhan agus a chosan.

41 Agus air bhi dhoibh fathast mi-chreideach tre aoibhneas, agus iad fuidh iongantas, thubhairt e riu, Am bheil biadh sam bith agaibh an so ?

42 Agus thug iad da mìr do iasg ròiste, agus do chìr-mheala.

43 Agus ghlac se e, agus dh'ith e 'nam fianuis.

44 Agus thubhairt e riu, 'S iad so na briathran a labhair mi ribh, 'nuair a bha mi fathast maille ribh, gur éigin do na h-uile nitibh a ta scriobhta ann an lagh Mhaoris, agus anns na faidhibh, agus anns na salm-

aibh am thimchiolla, bhi air an coimhlinadh.

45 An sin dh'fhsogail e an tuigse, chum gu'n tuigeadh iad na scriobtuir-ean.

46 Agus thubhairt e riu, Mar so a ta e scriobhta, agus mar so b'éigin do Chriosd fulang, agus éirigh o na marbhaibh an treas là :

47 Agus aithreachas agus maith-eanas peacaidh bhi air an searmon-achadh 'na ainmsan, do na h-uile chinneachaibh, a' tòiseachadh aig Ierusalem.

48 Agus is fianuisean sibhse air na nithibh so.

49 Agus feuch, cuireamsa gealladh m'Athar oirbh^s: ach fanaibhse ann am baile Ierusalem, gus an sgeadaichear le cumhachd o na h-àrdaibh sibh.

50 Agus thug e mach iad co fhad as Betani: agus thog e suas a làmh-an, agus bheannuich e iad.

51 Agus am feadh a bha e 'gam beannuchadh, dhealaicheadh riu e, agus thogadh suas gu nèamh e.

52 Agus rinn iad aoradh dha, agus philliad gu Hierusalem le gairdeachas mòr :

53 Agus bha iad a ghnàth anns an teampull, a' moladh agus a' beannuchadh Dhé. Amen.

AN SOISGEUL A REIR EOIN.

C A I B. I.

1 *Dia-achd, daonnachd, agus dreuchd Iosa Criosd.* 15 *Fianuis Eoin.* 39 *Gairm Aindreas, Pheadair, &c.*

A NNS an toiseach bha am Focal, agus bha 'm Focal maille ri Dia, agns b'e 'm Focal Dia.

2 Bha e so air tùs maille ri Dia.

3 Rinneadh na h-uile nithe leis; agus as eugmhais cha d'rinneadh aon ni a rinneadh.

4 Annsan bha beatha, agus b'i a bheatha solus dhaoine.

5 Agus tha 'n solus a' soillseachadh anns an dorchadas, agus cha do ghabh an dorchadas e.

6 Chuireadh duine o Dhia, d'am b'ainm Eoin.

7 Thainig esan mar fhianuis, chum fianuis a thoirt mu'n t-solus, chum gu'n creideadh na h-uile dhaoine trèldsan.

8 Cha b'esan an solus sin, ach chuireadh e chum gu d'thugadh e fianuis mu'n t-solus.

9 B'e so an solus fior a ta soillseachadh gach uile dhuine tha teachd chum an t-saoghail.

10 Eha e anns an t-saoghail, agus

rinneadh an saoghal leis, agus cha d'ainnich an saoghal e.

11 Thainig e dh'ionnsuidh a dhùcha fein, agus cha do ghabh a mhuiintir fe'n ris.

12 Ach a mheud 's a ghabh ris, thug e dhoibh cumhachd a bhi 'nan cloinn do Dhia, eadhon dhoibhsan a ta creidsinn 'na ainm :

13 A bha air an gineamhuin, cha'n ann o fhuil, no o thoil na feòla, no o thoil duine, ach o Dhia.

14 Agus rinneadh^t am Focal 'na fheoil, agus ghabh e còmhnuidh 'nar measgne, (agus chunnaic sinn a ghlòir, mar ghlòir aoin-ghin Mhic an Athar) lan gràis agus firinn.

15 (Thug Eoin fianuis uime, agus ghlaodh e, ag ràdh, 'Se so an ti mu'n do labhair mi, An ti a ta teachd a'm' dhéigh, tha toiseach aig orm; oir bha e romham).

16 Agus as a làn-san fhuair sinne uile, agus gràs air son gràis

17 Oir thugadh an lagh le Maeis, ach thainig an gràs agus an fhìrmhn le Iosa Criosd.

18 Cha'n fhaca neach air bith Dia riagh; an t-aonghin Mic, a ta ann

^s cuiridh mise na gheall m'Athair chugaibh.

^t dh'fhàs.

an uchd an Athar, is esan a dh'fhoill-sich e.

19 Agus is i so fianuis Eoin : An uair a chuir na h-Iudhaich sagairt agus Lebhithich o Hierusalem, chum gu'm feòraicheadh iad deth, Cò thusa ?

20 Dh'aidich esan, agus cha d'aicheadh e ; ach dh' aidich e, Cha mhi Criod.

21 Agus dh'fheòraich iad deth, Ciod ma seadh ? An tu Elias ? Agus a deir e, Cha mhi. An tu am fàidh ? Agus fhreagair e, Cha mhi.

22 An sin thubhairt iad ris, Cò thu ? chum gu'n tabhair sinn freagradh dhoibhsan a chuir uatha sinn : ciod a tha thu 'g ràdh ad thimchioll fein ?

23 Thubhairt e, Is mise guth an ti a għlaodhas^u anns an fhàsach, Dean-aibh dìreach slighe an Tighearna, mar thubhairt am fàidh Esaias.

24 Agus an dream a chuireadh leis an teachdaireachd, b'ann do na Phairisich iad.

25 Agus dh'fheòraich iad deth, agus thubhairt iad ris, C'ar son ma seadh a ta thu a' baisteadh, mur tu Criod, no Elias, no 'm fàidh ?

26 Fhreagair Eoin iad, ag ràdh, Ataims' a' baisteadh le h-uisge ; ach a ta neach 'na sheasamh 'nar measg, nach aithne dhuibh.

27 'S e so an ti, a ta teachd a'm' dhéighse, aig am bheil toiseach orm, neach nach airidh mise air barr-iall a bhròige fhuasgladh.

28 Rinneadh na nithe sò ann am Betani^a air an taobh thall do Iordan, far an robh Eoin a' baisteadh.

29 Air an là māireach chunnaic Eoin Iosa a' teachd d'a ionnsuidh, agus a deir e, Feuch Uan Dé, a ta toirt air falbh peacaidh an t-saoghal !

30 Is e so an ti mu'n dubhaint mi, Tha fear a' teachd a'm' dhéigh, aig am bheil barrachd orm ; oir bha e romham.

31 Agus cha robh aithne agamsa air : ach a chum gu'm bitheadh e air fhoillseachadh do Israel, uiime sin thainig mi a' baisteadh le h-uisge.

32 Agus thug Eoin fianuis, ag ràdh, Chunnaic mi 'n Spiorad a' teachd a nuas mar choluman o nèamh, agus ghabh e còmhnuidh air.

33 Agus cha b'aithne dhomhsa e : ach an ti a chuir mi a bhaisteadh le h-uisge, thubhairt esan rium, Ge b'e air am faic thu an Spiorad a' teachd a nuas agus a' gabhail còmhnuidh air, 's e sin an ti a bhaisteas leis an Spiorad naomh.

34 Agus chunnaic mi, agus rinn mi fianuis, gur e so Mac Dhé.

35 Air an là māireach a'ris sheas Eoin, agus dithis d'a dheisciobluiibh :

36 Agus air dha amharc air Iosa agus e ag imeachdb, a deir e, Feuch Uan Dhé !

37 Agus chual an dithis dheisciobul e a' labhairt, agus lean iad Iosa.

38 Agus air tionndadh do Iosa, chunnaic e iad 'ga leantuinn, agus a deir e riu, Ciod a tha sibh ag iarraidh ? Thubhairt iadsan ris, Rabbi, (se sin r'a ràdh, air eadar-theangachadh, A mhaighstir) e'ait am bheil thu gabhail còmhnuidh ?

39 A deir e riu, Thigibh agus faicibh. Thainig iad agus chunnaic iad c'ait an robh e gabhail còmhnuidh, agus dh'fhan iad maille ris an là sin : oir bha e mu thimchioll na deicheamh uaire.

40 B'e Aindreas, bràthair Shiomoin Pheadair, aon do'n dithis a chual Eoin a' labhairt, agus a lean esan.

41 Fhuair esan air tùs a bhràthair fein Simon, agus thubhairt e ris, Fhuair sinne am Mesias, is e sin, air eadar-theangachadh, Criod.

42 Agus thug e chum Iosa e, Agus an uair a dh'amhairc Iosa air, thubhairt e, Is tusa Simon mac Iona : goirear Cephas dhiot, is e sin air eadar-theangachadh, Peadard.

43 Air an là 'na dhéigh sin, bu toil le Iosa dol a mach do Ghalile, agus fhuair e Philip, agus a deir e ris, Lean mise.

44 A nis bha Philip o Bhetsaida, baile Aindreas agus Pheadair.

45 Fhuair Philip Natanael, agus a

^u Is mise esan aig am bheil a ghuth ag éigheach ^a Betabara.
b a' sràid-imeachd. ^c Christos Gr. i. e. Don ungta.

^d Petros Gr. i. e. carraig.

deir e ris, Fhuair sinne an ti mu'n do scriobh Maois anns an lagh, agus na faidhean, Iosa o Nasaret, mac Ios-eiph.

46 Agus thubhairt Natanael ris, Am feud ni maith air bith teachd a Nasaret? Thubhairt Philip ris, Thig agus faic.

47 Chunnaic Iosa Natanael a' teachd d'a ionnsuidh, agus a deir e uiine, Feuch Israeleach da rìreadh, anns nach 'eil cealg.

48 A deir Natanael ris, Cionnus is aithne dhuit mi? Fhreagair Iosa agus thubhairt e ris, Mun do ghairm Philip thu, 'nuair a bha thu fuidh 'n chrann-fhìge, chunnaic mise thu.

49 Fhreagair Natanael agus thubhairt e ris, Rabbi, is tua Mac Dhé, is tu Righ Israel.

50 Fhreagair Iosa agus thubhairt e ris, A chionn gu'n dubhaint mi riut, Chunnaic mi thu fuidh 'n chrann-fhìge, am bheil thu creidsinn? chi thu nithe a's mò na iad so.

51 Agus thubhairt e ris, Gu deimhin deimhin a deirim ribh, 'Na dhéigh so chi sibh nèamh fosgailte, agus aingil Dhé a' dol suas agus a' teachd a nuas air Mac an duine.

C A I B. II.

1 Tha Criod a' deanamh fìon do'n uisge, 12 a' dol do Chaper-naum, agus do Herusalem, 14 far am bheil e a' glanadh an teampuill o luchd reicidh agus ceannachd: 19 a' roimh-innseadh a bhàis agus aiseirigh, &c.

A GUS air an treas là bha pòsadh ann an Cana Ghalile; agus bha mòthair Iosa an sin.

2 Agus fhuair Iosa mar an ceudna agus a dheisciobuil cuireadh chum a' phòsaidh.

3 Agus air teireachdainn do'n fhion, thubhairt mòthair Iosa ris, Cha 'n'eil fion aca.

4 Thubhairt Iosa rithe, Ciod e mo gnothuchsa riut, a bhean? cha d'thainig m'uairse fathast.

5 Thubhairt a mòthair ris an luchd frithealaidh, Ge b'e ni a their e ribh, deanaibh e.

6 Agus bha sea sothicéan uisge do chloich air an cur an sin, a réir gnàtha glanaidh nan Iudhach, a ghabhadh dà fheircin no tri gach aon diubh.

7 Thubhairt Iosa riu, Lìonaibh na sothicé le uisge. Agus lion siad iad gus am beul.

8 Agus thubhairt e riu, Tàirngibh a nis, agus thugaibh chum uachdarain na cuirme^e. Agus thug iad ann e.

9 'Nuair a bhlais uachdaran na cuirme an t-uisge a rinneadh 'na fhion, (agus cha robh fhios aige cia as a thainig e; ach bha fhios aig an luchd frithealaidh a tharruing an t-uisge) ghoir uachdaran na cuirme am fear nuadh-pòsda f,

10 Agus thubhairt e ris, Cuiridh gach duine fion maith a làthair air tùs; agus an uair a dh'òlas daoine gu leoir, an sin am fion a's measa: ach gheleidh thus' am fion maith gus a nis.

11 An toiseach so do mhìorbhailibh rinn Iosa ann an Cana Ghalile, agus dh'fhoillsich e a ghloir; agus cheird a dheisciobuil ann.

12 An déigh so chaidh e sìos do Chaper-naum, e féin, agus a mòthair, agus a bhràithrean, agus a dheisciobuil, agus cha d'fhan iad ann mòran do làithibh.

13 Agus bha càisg nan Iudhach am fagus, agus chaidh Iosa suas gu Hierusalem.

14 Agus fhuair e 'nan suidhe anns an teampull luchd reicidh cruidh^g, agus chaorach, agus choluman, agus luchd malairt an airgid :

15 Agus air deanamh sgiùrsairh dha do chordaibh caola, dh'fhuadaich e mach as an teampull iad uile, agus na caoraich agus an croibh; agus dhoirt e mach airgiod an luchd malairt, agus thilg e na buird thairis;

16 Agus thubhairt e riusan a bha reiceadh choluman, Togaibh iad sin as so; na deanaibh tigh m'Atharsa 'na thigh marsandachd.

17 Agus chuimhnich a dheisciobuil gu'n robh e scriobhta, Dh'ith eudi do thighe suas mi.

18 An sin fhreagair na h-Iudh-

aich, agus thubhairt iad ris, Ciod an comhara nochdas tu dhuinne, do bhrigh gu bheil thu deanamh nan nithe sin?

19 Fhreagair Iosa agus thubhairt e riuit, Leagaibh sios an teampull so, agus an tri làithibh cuiridh mise suas e.

20 An sin thubhairt na h-Iudh-aich, Sea bliadhna agus dà fhichead bha 'n teampull so 'ga thogail, agus an cuir thusa suas an tri làithibh e?

21 Ach labhair esan mu theampull a chuirp.

22 Uime sin an uair bha e air éirigh o na marbhaibh, chuimhnich a dheisciobuil gu'n dubhainte so: agus chreid iad an scriobtuir, agus am focal a thubhairt Iosa.

23 A nis an uair a bha e an Ierusalem aig a' chàisg, air an fhéisdil, chreid mòran 'na ainm, an uair a chunnaic iad na mòrbhuilean a rinn e.

24 Ach cha d'earb Iosa e féin riuit, do bhrigh gu'm b'aithne dha na h-uile dhaoine,

25 Agus nach robh feum aige neach air bith a dheanamh fianuis air duine: oir bha fhios aige ciod a bha anns an duine.

C A I B. III.

1 Tha Criost a' teagaisg do Nicodemus feum na h-ath-ghineamhuin. 14 Mu chreidimh 'na bhàs. 16 Mòr ghràdh Dhé do'n domhan, &c.

AGUS bha duine do na Phairiseich, d'am b'ainm Nicodemus, a bha 'na uachdaran air na h-Iudhachaibh:

2 Thainig esan chum Iosa san oidehche, agus thubhairt e ris, A mhàighstir, tha fhios againn gur fear-teagaisg thu a thainig o Dhia: oir cha'n urradh duin' air bith na mòrbhuile so dheanamh a ta thusa a' deanamh, mur bi Dia maille ris.

3 Fhreagair Iosa agus thubhairt e ris. Gu deimhin deimhin a deirim riuit, mur beirear duine a'ris^m, nach feud e rioghachd Dhé fhaicinn.

4 Thubhairt Nicodemus ris, Cionnus a dh'fheudas duine bhi air a

bhreith 'nuair a ta e aosda? am bheil e comasach air dol a stigh an dara uair do bhroinn a mhàthar, agus a bhi air a bhreith?

5 Fhreagair Iosa, Gu deimhin deimhin a deirim riuit, mur bi duine air a bhreith o uisge, agus o'n Spiorad, cha 'n urrainn e dol a steach do rioghachd Dhé.

6 An ni sin a ta air a bhreith o'n fheoil, is feoil e; agus an ni sin a ta air a bhreith o'n Spiorad, is spiorad e.

7 Na gabh iongantas gu 'n dubhaint mi riuit, Is éigin duibh bhi air bhur breith a'ris.

8 Tha ghaoth a' séideadh far an àill leatha, agus tha thu a' cluinnntinn a fuaim ach cha 'n'eil fhios agad cià as a tha i teachd, no c' ait a tha i dol: is ann mar sin a tha gach neach a tha air a bhreith o'n Spiorad.

9 Fhreagair Nicodemus agus thubhairt e ris, Cionnus a dh'fheudas na nithe so bhi?

10 Fhreagair Iosa agus thubhairt e ris, Am bheil thusa a'd fhear-teagaisg Israel, agus nach aithne dhuit na nithe so?

11 Gu deimhin deimhin a deirim riuit, gu bheil sinne a' labhairt an ni a's fios duinn, agus a' toirt fianuis air an ni sin a chunnaic sinn; agus cha ghabh sibhse ar fianuis.

12 Ma dh'innis mi dhuibh nithe talmhaidh, agus nach creid sibh, cionnus a chreideas sibh ma dh'innseas mi dhuibh nithe nèamhaidh?

13 Agus cha deachaidh aon neach suas do nèamh, ach an ti a thainig a nuas o nèamh, Mac an duine a ta air nèamh.

14 Agus mar a thog Maois suas an nathair san fhàsach, is ann mar sin is éigin do Mhac an duine bhi air a thogail suas:

15 Chum's ge b'e neach a chreideas ann, nachlì sgriosar eⁿ, ach gu'm bi a' bheatha mhaireannach aige.

16 Oir is ann mar sin a ghràdh-aich Dia an saoghal, gu'n d'thug e aon-ghin Mhic féin, chum's ge b'e neach a chreideas ann, nach sgriosar e, ach gu'm bi a' bheatha shiornuidh aige.

17 Oir cha do chuir Dia a Mhac do'n t-saoghal, chum gu'n díteadh e 'n saoghal, ach a chum gu'm biodh an saoghal air a shaoradh trídsan.

18 An ti a chreideas ann, cha dítear e: ach an ti nach creid, tha e air a dhíteadh cheana, chionn nach do chreid e an ainm aoin-ghin Mhic Dhé.

19 Agus is e so an díteadh, gu'n d'chainig an solus do'n t-saoghal, agus gu'n do ghràdhaich daoine an dorchadas ní's mó na'n solus, a chionn gu'n robh an gniomharan oile.

20 Oir gach neach a ta deanamh uilc, tha e toirt fuath do'n t-solus, agus cha 'n'eil e teachd chum an t-soluis, air eagal gu'm biodh oibre air an cronachadh.

21 Ach an ti a ni 'n fhìrinn, thig e chum an t-soluis, chum's gu'm bi oibre follaiseach, gur ann an Dia a rinneadh iad.

22 An déigh sin thainig Iosa agus a dheisciobuil do thir Iudea, agus dh'fhan e 'n sin maille riu, agus bhaist e.

23 Agus bha Eoin mar an ceudna a' baisteadh ann an Enon, làimh ri Salim, do bhrigh gu'n robh mòran uisgeachan an sin: agus thainig iad, agus bhaisteadh iad.

24 Oir cha robh Eoin fathast air a thilgeadh am priosun.

25 An sin dh'éirich ceist eadar deisciobuil Eoin agus na h-Iudhaich, mu thimchioll glanaidh.

26 Agus thainig iad chum Eoin, agus thubhairt iad ris, A mhaighstir, an ti a bha maillé riut an taobh thall do Iordan, d'an d'thug thu fianuis, feuch, tha esan a' baisteadh, agus tha na h-uile dhaoine a' teachd d'a ionnsuidh.

27 Fhreagair Eoin agus thubhairt e, Cha 'n'eil duine comasach air ni sam bith a ghabhail, mur bi e air a thoirt da o néamh.

28 Tha sibhse féin a' toirt fianuis domhsa, gu'n dubhaint mi, Cha mhi Criosd, ach gu'n do chuireadh roimhe mi.

29 An ti aig am bheil a' bhean nuadh-phòsda, 'se 'm fear nuadh-phòsda e: ach caraid an fhir nuadh-

phòsda, a ta 'na sheasamh agus ag éisdeachd ris, tha e a' deanamh gairdeachais mhòir air son guth an fhir nuadh-phòsda: uime sin tha mo ghairdeachas so air a choimhlionadh.

30 Is éigin dasan fàs, ach dhomhsa bhi air mo lughdachadh.

31 An ti a thig a nuas, tha e os ceann nan uile: an ti a tha o'n talamh, tha e talmhaidh, agus labhraidh e air mhodh talmhaidh: an ti a thig o néamh, tha e os ceann nan uile.

32 Agus an ni a chunnaic agus a chual e, air sin tha e toirt fianuis; agus cha 'n'eil aon duine a' gabhail r'a fianuis.

33 An ti a ghabh r'a fianuis-san, chuir e a sheula ris, gu bheil Dia flor.

34 Oir an ti a chuir Dia uaith, tha e a' labhairt bhriathar Dhé: oir cha'n ann a réir tomhais a tha Dia a' toirt an Spioraid da.

35 Is toigh leis an Athair am Mac, agus thug e na h-uile nithe 'na làimh.

36 An ti a chreideas anns a Mhac, tha bheatha mhaireannach aige: ach an ti nach 'eil a' creidsinn anns a' Mhac, cha'n fhaic e beatha; ach a ta fearg Dhé a' gabhail còmhnuidh air.

C A I B. IV.

1 Tha Criosd a' còmhruadh ris a Bhan-samaritanaich, agus ga fhoill-seachadh féin d'i. 27 Tha dheisciobuil a' gabhail iongantais. 31 Tha e cur an céill doibh eud féin air son glòire Dhé. 39 Tha móran do na Samaritanaich a' creidsinn ann. 43 Tha e dol do Ghalile, &c.

A IR an aobhar sin an uair a thuig Iosa gu'n cuala na Phairisich gu'n robh e a' deanamh agus a' baisteadh tuilleadh dheisciobul na Eoin,

2 (Ge nach do bhaist Iosa féin iad, ach a dheisciobuil)

3 Dh'fhág e Iudea, agus chaidh e ris do Ghalile.

4 Agus b'éisgin da dol tre Shamarria.

5 An sin thainig e gu baile a bhuiñeardh do Shamaria, d'an goirear Sichar, sagus do'n fhearrann a thug Jacob d'a mhac Joseph.

6 A nis bha tobar Iacoib an sin.

Uime sin air do Iosa bhi sgìth leis a thurus, shuidh e mar sin làimh ris an tobar: agus bha e mu thimchioll na seathadh uaire.

7 Thainig bean o Shamaria a tharruing uisce: a deir Iosa rithe, Thoir dhomhsa deoch.

8 Oir bha a dheisciobuil air dol do'n bhaile a cheannach bìdh.

9 An sin thubhairt a' bhean o Shamaria ris, Cionnus a ta thusa agus gur Iudhach thu, ag iarraidh deoch uamsa, a ta a'm' Bhan-samaritan-aich? oir cha 'n'eil comunn aig na h-Iudhaich ris na Samaritanaich.

10 Fhreagair Iosa agus thubhairt e rithe, Nam b'aithne dhuit tioldh-lacadh. Dhé, agus cò e a ta 'g ràdh riut, Thoir dhomh deoch, dh'iarradh tu airtan, agus bheireadh e uisce beo dhuit.

11 A deir a' bhean ris, A Thigh-earn, cha 'n'eil innceal tarruing agad, agus tha 'n tobar domhain: uime sin cia as a ta 'n t-uisce beo sin agad?

12 Am mò thusa na ar n-athair Iacob, a thug dhuinne an tobar so, agus a dh'òl as e fein, agus a chlann, agus a spréidh?

13 Fhreagair Iosa agus thubhairt e rithe, Ge b'e neach a dh'òlas do'n uisce so, bithidh tart^P air a ris:

14 Ach ge b'e neach a dh'òlas do'n uisce a bheir mise dha, cha bhi tart gu bràth air: ach an t-uisce a bheir mise dha, bithidh e 'na thobar uisce ann, a' sruthadha suas chum na beatha maireannaich.

15 A deir a' bhean ris, A Thigh-earn, thoir dhomhsa an t-uisce so, chum's nach bi tart orm, agus nach d'thig mi an so a tharruing.

16 A deir Iosa rithe, Imich, gairm t'fhear-pòsda, agus thig an so.

17 Fhreagair a' bhean agus thubhairt i, Cha 'n'eil fear agam. Thubhairt Iosa rithe, Is math a thubhairt thu, Cha 'n'eil fear agam:

18 Oir bha cùigear fhearr agad, agus esan a ta agad a nis, cha'n e t'fhear fein e: thubhairt thu so gu flor.

19 A deir a' bhean ris, A Thigh-earn, tha mi faicinn gur fàidh thu.

20 Rinn ar n-aithriche aoradh san t-sliabh so; agus a deir sibhse, gur ann an Ierusalem a ta 'n t-ionad anns an coir aoradh a dheananamh.

21 A deir Iosa rithe, A bhean, creid mise, gu bheil an uair a' teachd, anns nach dean sibh aoradh do'n Athair aon chuid san t-sliabh so, no ann an Ierusalem.

22 Tha sibh a' deanamh aoraidh do'n ni nach aithne dhuibh: tha sinne a' deanamh aoraidh do'n ni a's aithne dhuinn: oir is ann o na h-Iudhachaibh a ta sláinte.

23 Ach a ta 'n uair a' teachd, agus a ta i nis ann, anns an dean am fior luchd-aoraidh aoradh do'n Athair ann an spiorad agus ann am firinn: oir a ta an t-Athair ag iarraidh an leithide so do luchd acairdh.

24 Is Spiorad Dia, agus is éigin d'a luchd-aoraidh, aoradh a dheananamh dha an spiorad agus am firinn.

25 A deir a' bhean ris, Tha fhios agam gu bheil am Mesias a' teachd, d'an goirear Criod: 'nuair a thig esan, innisidh e nah-uile nithe dhuinn.

26 A deir Iosa rithe, Is mise e, a ta labhairt riut.

27 Agus air a so thainig a dheisciobuil, agus b'iongantach leo gu'n robh e labhairt ri mnaoi: ach chadubhairt aon neach, Ciad a tha thu 'g iarraidh? no c'ar son a tha thu labhairt rithe?

28 An sin dh'fhàg a' bhean^a a soitheach uisce, agus dh'fhalbh i do'n bhaile, agus a deir i ris na daoinibh,

29 Thigibh, faicibh duine a dh'innis dhomhsa na h-uile nithe a rinn mi riagh: an e so Criod?

30 An sin chaidh iad a mach as a' bhaile, agus thainig iad d'a ionnsuidhsan.

31 San àm sin fein ghuidh a dheisciobuil air, ag ràdh, A mhaighstir, ith.

32 Ach thubhairt esan riu, Tha agamsa biadh r'a itheadh air nach 'eil fhios agaibhse.

33 Uime sin thubhairt na deisciobuil r'a chéile, An d'thug neach air bith nì d'a ionnsuidh r'a itheadh?

54 Thubhairt Iosa riu, Is e mo bhíadhsa toil an ti a chuir uaith mi a dheanamh, agus obair a chríoch-nachadh.

55 Nach abair sibhse, A ta uine cheithir mìos ann fathast, agus an-sin thig am fogharadh? feuch, a deirim ribh, Togaibh suas bhur sùilean, agus seallaibh air na h-achaibh; oir a ta iad a cheana geal chum an fhogharaidh.

56 Agus an ti a bhuaineas tha e faotainn tuarasdail, agus a' cruinn-eachadh toraidh chum na beatha maireannaich; chum's gu'n dean an ti a chuireas, agus an ti a bhuaineas, gairdeachas maraon^r

57 Agus an so tha 'n ràdh^t uidh flor, Gu bheil neach a' cur, agus neach eile a' buain.

58 Chuir mise sibhse a bhuaín an ni sin nach do shaothraich sibh: shaothraich daoin' eile, agus chaidh sibhse steach 'nan saothair.

59 Agus chreid mòran do Samaritanaich a' bhaile sin ann, ait son cainnté na mnà, a thug fianuis ag ràdh, Dh'innis e dhomh na h-uile nithe a rinn mi riabh.

60 Uime sin an uair a thainig na Samaritanaich d'a ionnsuidh, ghuidh iad air fantuinn maille riu: agus dh'fhuirich e 'n sin dà latha.

61 Agus chreid mòran tuilleadh air son fhocail féin:

62 Agus thubhairt iad ris a' mhnaoi, Tha sinn a' creidsinn, cha'n ann a so suas air son do chòmhraidsa: oir chuala sinn féin e, agus a ta fhios againn gur e so da rìreadh Criod, Slànuighear an t-saoghail.

63 Agus an déigh dà latha dh'fhalbh e as sin, agus chaidh e do Ghalile:

64 Oir thug Iosa féin fianuis, nach 'eil urram aig fàidh 'na thìr féin.

65 Uime sin an uair a thainig e do Ghalile, ghabh na Galiléach ris, air dhoibh na nithe sin uile fhaicinn a rinn e ann an Jerusalem air an fhéisd: oir chaidh iadsan mar an ceudna chum na féise.

66 An sin thainig Iosa a rìs do

Chana Ghalile, far an d'rinn e fion do'n uisge. Agus bha duine cumhachdach^t àraidh, aig an robh a mhac gu tinn ann an Capernaum.

67 'Nuair a chual esan gu'n robh Iosa air teachd a Iudea do Ghalile, chaidh e d'a ionnsuidh, agus ghuidh e air gu'n rachadh e sìos, agus gu'n slànuicheadh e a mhac: oir bha e ri-huchd bàis.

68 An sin thubhairt Iosa ris, Murfaic sibh comharan agus mòrbhilean, cha chreid sibh.

69 Thubhairt an duine cumhachdach ris, A Thighearn, rach^u sìos mum faigh mo leanaban bàs.

70 Thubhairt Iosa ris, Imich; tha do mhac beo. Agus chreid an duine am focal a labhair Iosa ris, agus dh'imich e.

71 Agus am feadh a bha e fathast a' dol sìos, choinnich a sheirbhisich e, agus dh'innis iad da, ag ràdh, Tha do mhac beo^a.

72 An sin dh'fheòraich e dhiubh an uair anns an deachaidh e'm feabhas: agus thubhairt iad ris, An dé air an t-seachdamh uair dh'fhàg am fiabhrus e.

73 An sin dh'aithnich an t-athair gu'm b'i an uair sin féin, anns an dubhairt Iosa ris, Tha do mhac beo; agus chreid e féin, agus a theaghlaich uile.

74 'Se so a rìs an dara mòrbhul a rinn Iosa, 'nuair a thainig e a Iudea do Ghalile.

C A I B . V.

1 Tha Iosa air latha na sàbaid a' leigheas an duine a bha fuidh ledn rè ochd bliadhna deug thar fhichead:

10 Tha na h-Iudhaich uime sin a' connsachadh ris, agus 'ga ghèur-leanmhuinn air a shon, &c.

N A dhéigh so bha féisd nan Iudhaich ann, agus chaidh Iosa suas gu Hierusalem.

2 A nis a ta ann an Ierusalem làimh ri geataidh^b nan caorach lochan, d'an goirear sa' chainnt Eabhruidhich, Betesda, aig am bheil cùig tighean-fasgaidh^c.

^r cuideachd, le chéile. ^s an gnàth-fhocal. ^t mòr, rioghail.

^u theirig, falbh, gabh. ^a gu maith. ^b margadh. ^c sgàth-thighean.

3 Annta sin bha 'nan luidhe mòr bhuidheann do dhaoinibh euslan, dall, bacach, seargta, a' feitheamh ri caruchadh an uisge.

4 Oir chaidh aingeal sìos an àm àraidh san lochan, agus chuir e'n t-uisge tre chéile: uime sin an ceud neach a rachadh sìos ann an déigh cur tre chéile an uisge, rinn-eadh slàne a dh'aon tinneas a bhiodh air.

5 Agus bha duine àraidh an sin, a bha ochd bliadhna deug thar fhichead ann an euslaint.

6 'N uair a chunnaic Iosa esan 'na luidhe, agus fios aige gu'n robh e nis àine fhada mar sin, a deir e ris, Am miann leat bhi air do dheanamh slàn?

7 Fhreagair an duine euslan e, A Thighearn, cha'n 'eil duin' agam, an uair a chuirear an t-uisge tre a chéile, a chuireas anns an lochan mi: ach am feadh a tha mise teachd, tha neach eile a'd dol sìos romham.

8 A deir Iosa ris, Eirich, tog do leaba, agus imich.

9 Agus air ball rinneadh an duine slàn, agus thog e a leaba, agus dh'imich e: agus bha 'n t-sàbaid ann air an là sin.

10 Uime sin thubhairt na h-Iudhachir is an ti a shlànuicheadh, Is i'n t-sàbaid a ta ann; cha 'n'eil e dligeach dhuit do leaba iomchar.

11 Fhreagair e iad, An ti a rinn slàn mi, thubhairt esan rium, Tog do leaba agus imich?

12 An sin dh'fheòraich iad deth, Cò an duine a thubhairt riut, Tog do leaba agus imich?

13 Agus cha robh fhios aig an ti a shlànuicheadh, cò e: oir chaidh Iosa as a shealladh, air do mhòr shluagh bhi anns an àit.

14 'Na dhéigh so fhuair Iosa e anns an teampull, agus thubhairt e ris, Feuch, rinneadh slàn thu: na peacuich ni's mò, air eagal gu'n tach-air ni's measa dhuit.

15 Dh'imich an duine, agus dh'innis e do na h-Iudhachaibh gu'm b'e Iosa a rinn slàn e.

16 Agus air a shon so rinn na h-Iudhach geur-leanmuinn air Iosa, agus dh'iarr iad a mharbhadh, do

bhrigh gu'n d'rinn e na nithe so air an t-sàbaid.

17 Ach fhreagair Iosa iad, Tha m'Athair ag oibreachadh gus a nis, agus tha mise ag oibreachadh.

18 Uime sin bu mhòid a dh'iarr na h-Iudhach a mharbhadh, a chionn nach e mhàin gu'n do bhris e'n t-sàbaid, ach gu'n dubhaint e mar an ceudna gu'm b'e Dia Athairsan, 'ga dheanamh fein coimh-ionann ri Dia.

19 Air an aobhar sin fhreagair Iosa, agus thubhairt e riu, Gu deimhin deimhin a-deirim ribh, nach 'eil am Mac comasach air ni sam bith a dheanamh uaith féin, ach an ni a chi e'n t-Athair a' deanamh: oir ge b'e nithe a ni esan, na nithe sin féin ni am Mac mar an ceudna.

20 Oir is ionmhuiunn leis an Athair am Mac, agus a ta e a' foillseachadh dha nan uile nithe a tha e féin a' deanamh: agus foillsichidh e dha eibre a's mò na iad so, air chor as gu'm bi iongantas oirbhise.

21 Oir mar a ta 'n t-Athair a' dùsgadh, agus a' beothachadh nam marbh, is amhuil sin a ta am Mac a' beothachadh an dream a's àill leis.

22 Oir cha 'n'eil an t-Athair a' toirt breth air duine sam bith; ach thug e gach uile blreibheanas do'n Mhac:

23 Chum's gu'n d'thugadh na h-uile dhaoine urram do'n Mhac, amhuil mar a ta iad a' toirt urraim do'n Athair. An ti nach 'eil a' toirt urraim do'n Mhac, cha 'n'eil e toirt urraim do'n Athair a chuir uaith e.

24 Gu deimhin deimhin a deirim ribh, An ti a dh'éisdeas ri m' fhocal-sa, agus a ta creidsinn anns an ti a chuir uaith mi, tha a' bheatha mhair-eannach aige, agus cha d'thig e chum ditidh; ach chaidh e thairis o bhàs gu beatha.

25 Gu deimhin deimhin a deirim ribh, Gu bheil an uair a' teachd, agus gu bheil i nis ann, anns an cluinn na mairbh guth Mhic Dhé: agus an dream a chluinneas, bithidh iad beo.

26 Oir mar a ta aig an Athair beatha ann féin, is amhuil sin a thug e do'n Mhac beatha a bhi aig ann féin;

27 Agus thug e mar an ceudna dha ùghdarris chum breth a thabhairt, do bhrigh gur e Mac an duine.

28 Na gabhaibh iongantas deth so: oir a ta 'n uair a' teachd, anns an cluinn iadsan uile a ta sna h-uaighibh a ghuthsan :

29 Agus théid iad a mach, iadsan a rinn maith, chum aiseirigh na beatha; agus iadsan a rinn olc, chum aiseirigh an damnaidh.

30 Cha 'n'eil mise comasach air ni sam bith a dheanamh uam féin: mar a chluinneam, bheiream breth: agus a ta mo blreitheanas ceart; do bhrigh nach 'eil mi 'g iarraighe mo thoile féin, ach toil an Athar a chuir uaith mi.

31 Ma bheir mise fianuis a m' thimchioll féin, cha 'n'eil m' fhanuis fior^e.

32 Tha neach eile a' toirt fianuis a m' thimchioll, agus a ta fhios agam gur fior an fhanuis a tha e deanamh mu m' thimchioll.

33 Chuir sibhse chum Eoin, agus thug e fianuis do'n fhirinn.

34 Ach cha 'n'eil mise a' gabhail fianuis o dhuine: ach a deirim na nithe so, chum gu 'm bi sibhse air bhur tearnadh.

35 B'esan an lòchran lasta^f agus dealrach: agus bha sibhse toileach car tamuill gairdeachas a dheanamh 'na sholus.

36 Ach a ta agamsa fianuis a's mò na fianuis Eoin: oir na h-oibre a thug an t-Athair dhomhsa chum gu'n criochnaichinn iad, tha na h-oibre sin féin a tha mise a' deanamh, a' toirt fianuis a m' thimchioll, gu'n do chuir an t-Athair uaith mi.

37 Agus an t-Athair féin a chuir uaith mi, thug e fianuis a m' thimchioll. Cha chuala sibh riabh a ghuth, ni mò a chunnaic sibh a choslas.

38 Agus cha 'n'eil fhocalsan agaibh a' gabhail còmhnuidh annaibh: oir an ti sin a chuir esan uaith, cha 'n'eil sibh 'ga chreidsinn.

39 Rannsaichibh^g na scriobtuir-ean, oir a ta sibh a' saoilsinn gu bheil a' bheatha mhaireannach agaibh annt-

asan, agus is iad sin a ta toirt fianuis a m' thimchiolla.

40 Gidheadh cha 'n aill libh teachd a m' ionnsuidhse, chum gu'm faigh-eadh sibh beatha.

41 Cha 'n'eil mise a' gabhail urrain^h o dhaoinibh.

42 Ach is aithne dhomh sibhse, nach 'eil gràdh Dhé agaibh annaibh.

43 Thainig mise an ainm m'Athar, agus cha 'n'eil sibh a' gabhail rium: ma, thig neach eile 'na ainm féin, gabhaidh sibh risean.

44 Cionnus a dh'fheudas sibh creidsinn, a ta gabhail urraim o chéile, agus nach 'eil ag iarraighe an urraim a thig o Dia a mhàin?

45 Na saoilibh gu'n dean mise bhur casaid ris an Athair: tha aon a tha deanamh casaid oirbh, Maois, anns am bheil sibh a' cur bhur dòchaisi.

46 Oir nan creideadh sibh Maois, chreideadh sibh mise: oir scriobh esan a m' thimchioll.

47 Ach mur creid sibh a scriobh-adhsan, cionnus a chreideas sibh mo bhriathrasa?

C A I B. VI.

1 Tha Criod a' biadhadh cuig mìle fear le cuig builinnibh arain agus dà iasg: 15 Air an aostrar sin b'áill leis an t-slùagh esan a dheanamh 'na righ: 16 Ach air dhasan a sgaradh féin uatha, chaidh e suas gu beinn, agus dh'imich e air a' chuan dh'ionnsuidh a dheisciobul, &c.

NA dhéigh sin chaidh Iosa thar muirⁱ Ghalile, no Thiberiais.

2 Agus lean sluagh mòr e, do bhrigh gu'm fae iad a mhiorbhuhilean a rinn e air an dream a bha euslan.

3 Agus chaidh Iosa suas air beinn, agus shuidh e an sin maille r'a dheisciobhluibh.

4 Agus bha chàisg, féisd nan Iudhach, am fagus.

5 An sin an uair a thog Iosa suas a shùilean, agus a chunnaic e gu'n d'thainig buidheann mhòr shluagh d'a ionnsuidh, a deir e ri Philip, Cia

^e ionchuidh. ^f lasrach. ^g Tha sibh a' rannsachadh. ^h gloire. ⁱ as am bheil sibh ag earbsadh. ^j fairge.

'n t-àit as an ceannach sinn aran chum's gu'n ith iad so ?

6 (Ach thubhairt e'so 'ga dhearbh-adhsan ; oir bha fhios aige féin ciod a dhleannadh e.)

7 Fhreagair Philip e, Cha leoir dhoibh luach dhà cheud peghinn a dh'aran, chum's gu'n gabhadh gach aon diubh beagan.

8 Thubhairt aon d'a dheisciobluibh, Aindreas, bràthair Shimoin Pheadair, ris,

9 Tha òganach an so, aig am bheil cùig builinnean eòrna, agus dà iasg bheaga : ach ciod iad so am measg na h-uiread ?

10 Agus thubhairt Iosa, Thugaibh air na daoinibh suidhe sìos. A nis bha mòran feoir anns an àit. Air an aobhar sin shuidh na daoine sìos, an àireamh timchioll chùig mile.

11 Agus ghlaic Iosa na builinnean, agus air breith buidheachais da, roinn e [air na deisciobluibh *iad*, agus na deisciobuil] orra-san a shuidh : agus mar an ceudna do na h-iasgaibh beaga, mheud 's a b'áill leo.

12 'N uair a shàsuicheadh iad, thubhairt e'r'a dheisciobluibh, Cruinnichibh am biadh briste ta thuilleadh ann, chum's nach caillear a bheag.

13 Air an aobhar sin chruinnich iad e'r'a chéile, agus lìon iad dà chliabh dheug do sbruileach nan cùig builinn eòrna, a bha dh'fhuigheall aig a' muinnntir a dh'ith.

14 An sin an uair a chunnaic na daoine sin am miòrbhui a rinn Iosa, thubhairt iad, Gu firinneach is e so am fàidh a bha gu teachd chum an t-saoghail.

15 Uime sin an uair a thuig Iosa gu'n robh iad air ti'm teachd agus breith air le làimh làidir, chum's gu'n deanadh iad righ dheth, dh'imich e ris do'n bheinn 'na aonar.

16 Agus an uair a thaínig am feasgar, chaiddh a dheisciobuil sìos chum na mara.

17 Agus air dol an luing dhoibh, chaiddh iad thar a' mhuir gu Capernaum : agus bha 'n dorchadas a nis ann, agus cha robh Iosa air teachd d'an ionnsuidh.

18 Agus ag séideadh do ghaoth mhoir, dh'éirich a' mhuir.

19 Uime sin an uair a rinn iad iomramh timchioll cùig no deich thar fhichead do stàidibh, chunnaic iad Iosa ag imeachd air a' mhuir, agus a' druideadh ris an luing, agus ghabh iad eagal.

20 Ach thubhairt esan riu, Is mise ta ann, na biodh eagal oirbh.

21 Uime sin ghabh iad gu toileach a steach do'n luing e : agus air ball ràinig an long an tir gus an robh iad a' dol.

22 Air an là 'na dhéigh sin, an uair a chunnaic an sluagh a sheas air taobh eile na mara, nach robh long^n eile an sin, ach an *long* sin anns an deachaidh a dheisciobuil a steach, agus nach deachaidh Iosa san luing maille r'a dheisciobluibh, ach gu'n d'fhalbh a dheisciobuil 'nan aonar ;

23 (Gidheadh thainig longa beaga eile o Thiberias, làimh ris an àit san d'ith iad an t-aran, an déigh do'n Tighearn buidheachas a thoirt)

24 Uime sin an uair a chunnaic an sluagh nach robh Iosa an sin, no a dheisciobuil, chaiddh iad féin mar an ceudna ann an longaibh, agus thainig iad gu Capernaum, ag iarraidh Iosa.

25 Agus air dhoibh fhaotainn air an taobh thall do'n mhuir, thubhairt iad ris, A mhaighstir, c'uin a thaínig thu 'n so ?

26 Fhreagair Iosa iad agus thubhairt e, Gu deimhin a deirim ribh, A ta sibh ga m' iarraidh, cha'n ann a chionn gu'm faca sibh na miòrbhui-ean, ach a chionn gu'n d'ith sibh do na builinnibh, agus gu'n do shàsuich-eadh sibh.

27 Deanaibh saothair cha'n ann air son a' bhìdh a theorfeas, ach air son a' bhìdh a mhaireas chum na beatha siorruidh, a bheir Mac an duine^ dhuibh : oir esan sheulaich^ Dia an t-Athair.

28 An sin thubhairt iad ris, Ciod a ni sinn, chum as gu'n oibrich sinn oibre Dhé?

29 Fhreagair Iosa agus thubhairt e riu, Is i so obair Dhé, gu'n creid sibh anns an ti a chuir e uaith.

50 Uime sin thubhairt iad ris, Ciod an comhar a ni thusa mata, chum gu'm faic sinn, agus gu'n creid sinn thu? ciod an obair a ni thu?

51 Dh'ith ar n-aithriche mana san fhàsach; a réir mar a ta e scriobhta, Thug e dhoibh aran o nèamh r'a itheadh.

52 An sin thubhairt Iosa riu, Gu deimhin deimlin a deirim ribh, nach d'thug Maois dhuibh an t-aran o nèamh; ach a ta m'Athairse toirt dhuibh an arain fhìor o nèamh.

53 Oir is e sin aran Dhé a ta teachd a nuas o nèamh, agus a ta tabhairt beatha do'n t-saoghal.

54 An sin thubhairt iad ris, A Thighearn, tabhair dhuinne an t-aran so'n còmhnuidh.

55 Agus thubhairt Iosa riu, Is mise aran na beatha: an ti a thig a m' ionnsuidhse, cha bhi oeras gu bràth air; agus an ti a chreideas annamsa, cha bhi tart gu bràth air.

56 Ach mar a thubhairt mi ribh, ge do chunnaic sibh mi, cha 'n'eil sibh a' creidsinn.

57 Gach ni a bheir an t-Athair dhomhsa, thig e a m' ionnsuidh; agus an ti a thig a m' ionnsuidh, cha tilg mi air chor sám bith a mach e.

58 Oir thainig mi nuas o nèamh, cha 'n ann chum gu'n deanainn mo thoil féin, ach toil an ti a chuir uaith mi.

59 Agus is i so toil an Athar a chuir uaith mi, nach caillinn a bheag sam bith do'n uile a thug e dhomh, ach gu'n togainn suas e ris air an là dheireannach.

60 Agus is i so toil an ti a chuir uaith mi, gu'm biodh a' bheatha mhàireannach aig gach neach a chi am Mac, agus a chreideas ann: agus togaidh mise suas e air an là dheireannach.

61 An sin rinn na h-Iudhaich gearan uime, a chionn gu'n dubhainte, Is mise an t-aran a thainig a nuas o nèamh.

62 Agus thubhairt iad, Nach e so Iosa mac Ioseiph, neach aig an aithne dhuinn athair agus a mhàthair?

cionnus ma seadh a deir e, Thainig mi nuas o nèamh?

63 Air an aobhar sin fhreagair Iosa agus thubhairt e riu, Na deanabhl gearan 'nar measg fèin.

64 Cha'n urradh neach air bith teachd a m' ionnsuidhse, mur tarruing an t-Athair a chuir uaith mise e: agus togaidh mise suas e air an là dheireannach.

65 Tha e scriobhta sna fàidhible, Agus bithidh iad uile air an teagast o Dhia. Gach p neach a chuala, agus a dh'fhòghluim o'n Athair, thig e m' ionnsuidhse.

66 Cha'n e gu'm faca neach sam bith an t-Athair, ach an ti a ta o Dhia; chunnaic esan an t-Athair.

67 Gu deimhin deimhin a deirim ribh, An ti a ta creidsinn annamsa, tha bheatha mhàireannach aige.

68 Is mise aran na beatha.

69 Dh'ith bhur n-aithriche mana san fhàsach, agus fhuair iad bàs.

70 Is e so an t-aran a tha teachd a nuas o nèamh, chum as gun ith neach dheth, agus nach faigh e bàs.

71 Is mise an t-aran beo, a thainig a nuas o nèamh: ma dh'itheas neach air bith do'n aran so, bithidh e beo gu siorruidh: agus an t-aran a bheir mise uam, is e m'fheoil e, a bheir mi air son beatha an t-saoghail.

72 Air an aobhar sin bha conn-sachadh aig na h-Iudhaich r'a chéile, ag ràdh, Cionnus a dli'fheudas an duine so fheoil a thoirt duinn r'a itheadh?

73 An sin thubhairt Iosa riu, Gu deimhin deimhin a deirim ribh, mur ith sibh feoi! Mhic an duine, agus mur òl sibh fhuil, cha 'n'eil beatha agaibh annaibh.

74 Esan a dh'itheas m' fheoilse, agus a dh'òlas m' fhuilse, a ta a' bheatha shiorruidh aige, agus togaidh mise suas e air an là dheireannach.

75 Oir is biadh gu fìrinneach m' fheoil, agus is deoch gu fìrinneach m' fhuil.

76 Esan a dh'itheas m' fheoilse, agus a dh'òlas m' fhuilse, tha e gabhail còmhnuidh annamsa, agus mise annsan.

57 Mar a ta'n t-Athair beo a chuir uaithe mise^s, agus ataimse beo tre^t 'n Athair; is amhail sin esan a dh'itheas mise, bithidh e mar an ceudna beo triomsa^u.

58 Is e so an t-aran sin a thainig a nuas o nèamh; cha 'n e mar a dh'ith bhur n-aithriche mana, agus fhuair iad bàs: esan a dh'itheas an t-aran so, bithidh e beo am feasd.

59 Thubhairt e na nithe so anns an t-sionagog, an uair a bha e a' teagast an Capernaum.

60 Uime sin air cluinntinn so do mhòran d'a dheisciobluibh, thubhairt iad, Is cruaidh a' chainnt so, cò a dh'fheudas eisdeachd rithe?

61 'N uair a thuig Iosa ann fèin gu'n robh a dheisciobuil ri gearan uime so, thubhairt e riu, Am bheil so a' toirt oilbhlaim dhuibh?

62 Agus ciòd nam faiceadh sibh Mac an duine a' dol suas do'n àit anns an robh e roimhe?

63 'S e 'n Spiorad a bheothaicheas, cha 'n 'eil tairbhe air bith san fheoil: na briathran a tha mise a' labhairt ribh, is spiorad agus is beatha iad.

64 Ach a ta cuid dibhse nach 'eil a' creidsinn. (Oir b'aithne do Iosa o thùs, cò iad nach robh a' creidsinn, agus cò an ti a bhrathadh e.)

65 Agus thubhairt e, Air an aobhar sin thubhairt mi ribh, nach urradh neach air bith teachd a m' ionnsuidh, mur bi e air a thoirt da o m' Athair.

66 O'n àm sin chaidh mòran d'a dheisciobluibh air an ais, agus cha d'imich iad ni's mó maille ris.

67 An sin thubhairt Iosa ris an dà fhéar dheug, An àill libhse falbh cuideachd.

68 An sin fhreagair Simon Peadar e, A Thighearn, cia dh'ionnsuidh an d'thíid sinn? agadsa tha briathra na beatha maireannach.

69 Agus a ta sinne a' creidsinn, agus a ta fhios againn gur tusa Criod^a - Mac an Dé bheo.

70 Fhreagair Iosa iad, Nach do thagh mise sibhse dà fhéar dheug, agus a ta fear agaibh 'na dhiabhol?

71 Ach labhair e mu Iudas Iscariot, mac Shimoin: oir is e so an ti a bha gu esan a bhrath, air dha bhi 'na aon do'n dà fhéar dheug.

C A I B. VII.

1 *Tha Iosa a' cronachadh àrd inntinn agus dànanais a chairdean, 10 a' dol suas o Ghalile gu féisd nam pailliun, 14 a' teagast anns an teampull. 40 Iomadh gnè bharail m'a thimchioll am measg an t-sluaigh, &c.*

A GUS an déigh nan nithe sin, bha Iosa ag imeachd mu'n quaist ann an Galile: oir cha b'aill leis a bhi 'gimeachd b ann an Iudea, a chionn gu'n robh na h-Iudhaich ag iarraidh a mharbhadh.

2 Agus bha féisd nan Iudhach, eadhon féisd nam pailliun, am fagus.

3 Uime sin thubhairt a bhràithre ris, Imich as so agus rach^c do Iudea, chum as gu faic do dheisciobuil mar an ceudna t' oibre a tha thu a' deanamh.

4 Oir cha dean neach air bith aon ni am folach, a dh'iarras e fèin a bhi am follus^d: ma ta thu a' deanamh nan nithe so, nochd thu fèin do'n t-saoghal.

5 Oir cha do chreid a bhràithre fèin ann.

6 An sin thubhairt Iosa riu, Cha d'thainig m' àmsa fathast; ach a ta bur n-àmsa ghnàth deas.

7 Cha 'n 'eil e 'n comas do'n t-saoghal sibhse fhuathachadh; ach fuathaichidh e mise, do bhrigh gu bheil mi toirt fianuis m'a thimchioll gu bheil oibre olc.

8 Rachaibhse suas chum na féisde so: cha d'théid mise suas fathast chum na féisde so, do bhrigh nach 'eil m'äm fathast air a choimhlionadh.

9 'Nuair thubhairt e na nithe so riu, dh'fhan'e an Galile.

10 Ach an uair a chaidh a bhràithre suas, an sin chaidh esan suas mar an ceudna chum na féisde, cha 'n ann os àird, ach mar gu b'ann os iosal.

^s Mar a chuir an t-Athair beo uaithe mise. ^t troimh. ^u tromham.

^a an Criod, am Mesius. ^b comhnuidh a ghabhail. ^c theirig.

^d bhi ionratdeach.

11 An sin dh'íarr na h-Iudhaich e air an fhéisd, agus thubhairt iad, C'ait am bheil e?

12 Agus bha borbhan e mòr am measg an t-sluaigh m'a thimchioll: oir thubhairt cuid, Is duine maith e: ach thubhairt cuid eile, Ni h-eadh; ach a ta e mealladh an t-sluaigh.

13 Gidheadh cha do labhair neach sam bith gu follaiseach uime, air eag-al nan Iudhach.

14 A nis mu mheadhon na féiske, chaidh Iosa suas do'n teampull, agus theagaisg e.

15 Agus ghabh na h-Iudhaich iongantas, ag ràdh, Cionnus is aithne do'n duine so litrichean, agus nach d'fhòghluim e.

16 Fhreagair Iosa iad, agus thubhairt e, Cha leam fén mo theagascg, ach leisean a chuir uaith mi.

17 Ma's àill le neach sam bith a thoilsan a dheanamh, bithidh fios aige mu'n teagascg, an ann o Dhia a ta e, no 'm bheil mise a labhairt uam fén.

18 An ti a labhras uaith fén, tha e 'g iarraidh a ghloire fén: ach ge b'e dh'íarris glór an ti a chuir uaith e, tha esan firinneach, agus cha 'n 'eil eucoir f air bith ann.

19 Nach d'thug Maois an lagh dhuibh, agus *gidheadh* cha 'n 'eil aon neach agaibh a' coimhlionadh an lagha? C'ar son a ta sibh ag iarraidh mise a mharbhadh?

20 Fhreagair an sluagh agus thubhairt iad, Tha deamhan agad: cò tha 'g iarraidh do mharbhadh?

21 Fhreagair Iosa agus thubhairt e riù, Rinn mise aon obair, agus a ta iongantas oirbh uile air an aobhar sin.

22 Thug Maois dhuibh an timchioll-ghearradh, (cha'n e gur ann o Mhaois a ta e, ach o na h-aithrichibh) agus timchioll-ghearradh sibhse duine air an t-sàbaid.

23 Ma tha duine air air an t-sàbaid a' gabhail timchioll-ghearradh, chum's nach bi lagh Mhaois air a bhriseadh; am bheil fearg agaibh riomsa, a chionn gu'n d'rinn mi duine uile slàn air an t-sàbaid?

24 Na tugaibh breth a réir coslais, ach thugaibh breth cheart.

25 An sin thubhairt cuid do mhuinnitir Ierusalem, Nach e so esan a tha iad ag iarraidh a mharbhadh?

26 Agus feuch, tha e labhairt os àird, agus cha 'n 'eil iad ag ràdh ni sam bith ris: am bheil dearbh fhios aig na h-iachdarain gur e so da rìreadh Criod?

27 Gidheadh is aithne dhuinn an duine so cia as da: ach an uair a thig Criod, cha 'n aithne do neach air bith cia as da.

28 An sin ghlaodh Iosa san team-pull, agus e a' teagascg, ag ràdh, Is aithne g dhuibh ar aon mise, agus cia as domh: agus cha d'thainig mi uam fén, ach a ta esan fior a chuir uaith mi, air nach 'eil eòlas agaibhse.

29 Ach a ta eòlas agams' air, oir is ann uaith a ta mi, agus chuir esan uaith mi.

30 An sin dh'íarr iad a ghlacadh: ach cha do chuir neach air bith làmh ann, a chionn nach robh uairsan fathast air teachd.

31 Agus chreid mòran do'n t-sluaigh air, agus thubhairt iad, 'Nuair a thig Criod, an dean e ni's mò do mhìorbhuiilibh na iad sin a rinn an duine so?

32 Chuala na Phairisich gu'n robh an sluagh a' borbhanaich nan nithe so m'a thimchioll: agus chuir na Phairisich agus na h-àrd shagairt maoir g'a ghlacadh.

33 An sin thubhairt Iosa^h, Fathast tamull beag tha mise maille ribh, agus an sin a ta mi dol chum an ti a chuir uaith mi.

34 Iarraidh sibh mi, agus cha'n fhaigh sibh mi: agus do'n aít am bi mi, cha'n urradh sibhse teachd.

35 An sin thubhairt na h-Iudhaich eatorra fén, C'ait an d'théid am fear so, nach faigh sinn e? an d'théid e chum na muintir a ta air an sgapadh am measg nan Greugach, agus an teagaisg e na Greugach?

36 Ciòd i a' chainnt so a thubhairt e, Iarraidh sibh mi, agus cha'n fhaigh sibh mi: agus do'n aít am bheil mise, cha'n urradh sibhse teachd?

37 Air an là dheireannach, là mòr sin na féiske, sheas Iosa agus ghlaodh

^e cogarsaich. ^f cealg. ^g An aithne? ^h thubhairt Iosa riù.

e, ag ràdh, Ma tha tart air neach sam bith, thigeadh e m'ionnsuidhse, agus òladh e.

38 An ti a chreideas annamsa, mar a deir an scriobtuir, sruthaidh as a bhroinn i aimhnichean do uisge beo.

39 (Ach labhair e so mu 'n Spiorad, a bha iadsan a chreideadh annsan gu fhangail : oir cha robh an Spiorad! fathast air a thabhairt, do bhrigh nach robh Iosa fathast air a ghlorachadh.)

40 Uime sin an uair a chuala mòran do'n t-sluagh a' chiannt so, thubhairt iad, Gu firinneach is e so am faidh.

41 Thubhairt cuid eile, 'S e so Criod. Ach thubhairt dream eile, An ann o Ghalile a thig Criod?

42 Nach dubhaint an scriobtuir, Gu'n d'thig Criod do shìol Dhaibhidh, agus a Bételehem, am baile an robh Daibhidh?

43 Air an aobhar sin dh'éirich eas-aonachd^m am measg an t-sluagh air a shonsan.

44 Agus b'aill le cuid diubah a ghlaicadh ; ach cha do chuir duin' air bith làmh ann.

45 An sin thainig na maoir chum nan àrd shagart agus nam Phairiseach ; agus thubhairt iadsan riu, C'ar son nach d'thug sibh libh e?

46 Fhreagair na maoir, Cha do labhair duine riamh mar an duine so.

47 An sin fhreagair na Phairiseach iad, Am bheil sibhse mar an ceudna air blur mealladh?

48 An do chreid aon air bith do na h-uachdaraín ann, no do na Phairiseach?

49 Ach an sluagh so aig nach 'eil eòlas an lagha, tha iad malluicthe.

50 A deir Nicodemus riu, (esan a thainig d'a ionnsuidh san oidhche, air dha bhi 'na aon diabh)

51 Am bheil ar laghne toirt breth air duine sam bith gus an cluinn e uaith féin an toiseach, agus gus am bi fhios aige ciad a tha e a' deanamh?

52 Fhreagair iadsan agus thubhairt iad ris, Am bheil thusa mar an ceudna o Ghalile? Rannsaich, agus faic : oir a Galile cha d'éirich fàidhⁿ.

53 Agus dh'imich gach aon d'a thigh féin.

C A I B. VIII.

1 Tha Criod a' toirt na mnà a ghlaicadh an adhaltrannas as saor: 12 a' searmonachadh gur e féin solus an t-saoghal, agus a' dhearbhadh gu bheil a theagaisg ceart; &c.

A CH' chaidh Iosa chum sléibh nan crann-ola:

2 Agus gu moch air mhaduinn thainig e ris do'n teampull, agus thainig an sluagh uile d'a ionnsuidh; agus air sudhe dha, theagaisg e iad.

3 Agus thug na scriobhuitean agus na Phairiseach bean d'a ionnsuidh a ghlaicadh an adhaltrannas; agus air dhoibh a cur anns a' mheadhon,

4 A deir iad ris, A mhaighstir, ghlaicadh a' bhean so anns a' ghniomh féin, a' deanamh adhaltrannais.

5 A nis dh'aithn Maois dhuinn san lagh, an leithide so a chlachadh: ciad ma seadh a deir thusa?

6 Thubhairt iad so 'ga dhearbhadh^o, chum gu'm biodh aca cuis-chasaid 'na aghaidh. Ach chrom Iosa sios, agus scriobh e le mheur air an lár, (mar nach biodh e 'gan cluinn-tinn.)

7 Mar sin air dhoibh buanachadh a' feòraich dheth, thog se e féin suas agus thubhairt e riu, An neach a ta gun pheacadh agaibhse, tilgeadh e cheud chlach oirre.

8 Agus chrom e sìos a rìs, agus scriobh e air an lár.

9 Agus an uair a chual iadsan so, (air dhoibh bhi air an agairt le'n coguis^p féin) chaidh iad a mach an déigh a chéile, a' tòiseachadh aig an dream bu shine, gus an dream mu dheireadh: agus dh'fhàgadh 'na aonar Iosa, agus a' bhean 'na seasamh sa' mheadhon.

10 Agus air éirigh suas do Iosa,

i a chom, a chliabh. 1 Spiorad näomh. ^m roinn, connsachadh.

ⁿ Rannsaich agus faic nach éirich fàidh a' Galile.

o 'ga fheuchainn, 'ga bhuaireadh. ^p coimh-fhios, coinsiens.

nuair nach fac e aon air bith ach a' bhean, thubhairt e rithe. A bhean, c'ait am bheil iad sud do luchd-casaid? an do dhìt duin' air bith thu?

11 Thubhairt ise, Cha do dhìt aon duine, a Thighearn. Agus thubhairt Iosa rithe, Cha mhò a tha mise ga d' dhàeadh: imich romhad, agus na peacuich ni's mó.

12 An sin labhair Iosa riu a rìs, ag ràdh, Is mise solus an t-saoghal: an ti a leanas mise, cha siubhail é an dorchadas, ach bithidh solus na beatha aige.

13 Uime sin thubhairt na Phairisich ris, Tha thu toirt fianuis a d' thimchioll féin; cha 'n'eil t-fhianuis flor.

14 Fhreagair Iosa, agus thubhairt e riu, Ge do tha mi toirt fianuis a m' thimchioll féin, gidheadh a ta m' fhianuis flor: oir a ta fhios agam cia as a thainig mi, agus c'ait am bheil mi dol; ach cha 'n'eil fhios agaibhse cia as a thainig mi, no c'ait am bheil mi dol.

15 Tha sibhs' a' toirt breth a réir na feòla, cha 'n'eil mise a' toirt breth air aon duine.

16 Agus ma bheir mise breth, tha mo bhreth firinneach: oir cha 'n'eil mi m'aonar, ach mise agus an t-Athair a chuir uaith mi.

17 Agus a ta e scriobhta ann bhur lagh féin, gu bheil fianuis dithis dhaoine flor.

18 Is aon mise a ta deanamli fianuis a m' thimchioll féin, agus a ta 'n t-Athair a chuir uaith mi, a' deanamh fianuis a m' thimchioll.

19 An sin thubhairt iad ris, C'ait am bheil t-Athair? Fhreagair Iosa, Cha 'n aithne dhuibhs' aon chuid mise no m' Athair: nam biodh eòlas agaibh ormsa; bhiodh eòlas agaibh air m'Athair mar an ceudna.

20 Labhair Iosa na briathra so an tigh-coimhead an ionmhais, ag teagasc dha-san teampull: agus cha do chuir duin' air bith làmh ann, oir cha robh uair fathast air teachd.

21 An sin thubhairt Iosa riu a rìs, Tha mise a' falbh, agus iarraidh sibh mi, agus bàsaichidh sibh ann bhur

peacadh: cha 'n urradh sibhse teachd do'n àit am bheil mise a' dol.

22 An sin thubhairt na h-Iudhach, Am marbh see féin? do bhrigh gu bheil e 'g ràdh, Far am bheil mis' a' dol, cha 'n urradh sibhse teachd.

23 Agus thubhairt e riu, Tha sibhse o shòis, tha mise o shuas: tha sibhse do'n t-saoghal so, cha 'n'eil mise do'n t-saoghal so.

24 Uime sin thubhairt mi ribh, Gu'm bàsaich sibh ann bhur peacaibh: oir mur creid sibh gur mise e, gheibh sibh bàs ann bhur peacaibh.

25 An sin thubhairt iad ris, Cò thusa? Agus thubhairt Iosa riu, An neach sin féin a thubhairt-mi ribh o thus.

26 Tha mòran agam ri ràdh, agus r'a bhreithneachadh m'ar timchiollsas: ach a ta 'n ti a chuir uaith mi firinneach; agus a ta mise a' labhairt ris an t-saoghal nan nithe a chuala mi uaithsan.

27 Cha do thùig iad gu'm b'ann mu thimchioll an Athair a labhair e riu.

28 An sin thubhairt Iosa riu, 'Nuair a thogas sibh suas Mac an duine, an sin bithidh fios agaibh gur mise e^r, agus nach 'eil mi deanamh ni sam bith uam féin; ach mar a theagaig m' Athair mi, gu bheil mi labhairt nan nithe so.

29 Agus tha 'n ti a chuir uaith mi maille rium: cha d'fhàg an t-Athair a'm aonar mi, do bhrigh gu bheil mi deanamh a ghnàth nan nithe sin a's taitneach leis.

30 An uair a bha e labhairt nan nithe so, chreid mòran ann.

31 An sin thubhairt Iosa ris na h-Iudhachaibh a chreid ann, Ma bhuanacheas sibh ann am fhocalsa, bithidh sibh da rireadh 'nar deisciobh ul agam;

32 Agus bithidh eòlas agaibh air an fhìrinn, agus ni'n fhìrinn saor sibh.

33 Fhreagair iad e, Is sinne sliochd Abrahaim, agus cha robh sinn riamh fuidh dhaorsa aig duine sam bith: cionnus a deir thusa, Bithidh sibh saor.

34 Fhreagair Iosa iad, Gu deimhin a deirim ribh, ge b'e ni peacadh, is seirbhiseach do'n pheacadh e.

35 Agus cha'n fhan an seirbhiseach san tigh gu bràth: *ach* fanaidh am mac gu bràth.

36 Uime sin ma ni am Mac saor sibh, bithidh sibh saor da rìreadh.

37 Tha fhios agam gur sibh slicehd Abrahaim; ach a ta sibh ag iarraidh mis' a mharbhadh, do bhrigh nach 'eil àit aig m' fhocal annaibh.

38 Tha mise a' labhairt an ni sin a chunnaic mi aig m'Athair: agus tha sibhise a' deanamh an ni a chunnaic sibh aig bhur n-athair fein.

39 Fhreagair iadsan agus thubhairt iad ris, 'Se Abraham ar n-athairne. A deir Iosa riu, Nam bu chlann do Abraham sibh, dheanadh sibh oibre Abraham.

40 Ach a nis tha sibh ag iarraidh mise a mharbhadh, duine a dh'innis duibh an fhìrinne, a chuala mi o Dhia: cha d'rinn, Abraham so.

41 Tha sibhse a' deanamh oibre bhur n-athar fein. An sin thubhairt iad ris, Cha d'rughadh an striopachas sinne; tha aon Athair againn, *eadhon* Dia.

42 An sin thubhairt Iosa riu, Nam b'e Dia bhur n-Athair, ghràdhaich-eadh sibh mise: oir chaidh mise mach, agus thainig mi o Dhia; agus cha d'thainig mi uam fein, ach chuir esan uaith mi.

43 C'ar son nach 'eil sibh a' tuig-sinn mo chòmhraidi? do bhrigh nach urradh sibh éisdeachd ri m' fhocal.

44 Tha sibhse o bhur n-athair an diabhol, agus is iad anamhianna bhur n-athar is toil libh a dheanamh: bha esan 'na mhortair^s o thùs, agus cha d'fhan e san fhìrinne, a chionn nach 'eil firinn ann. 'Nuair a labhras e breug, is ann uaith fein a ta e labhairt: oir is breugoire e, agus is e athair na bréige.

45 Agus do bhrigh gu bheil mise 'g innseadh na firinn, cha 'n'eil sibh ga m' chreidsinn.

46 Cò agaibhse chuireas peacadh as mo lethise? agus ma ta mi 'g inn-

seadh na firinn, c'ar son nach 'eil sibh ga m' chreidsinn?

47 An ti a ta o Dhia, éisidh e ri briathraibh Dhé: uime sin cha 'n'eil sibhse 'g éisdeachd, a chionn nach ann o Dhia a ta sibh.

48 An sin fhreagair na h-Iudhaich, agus thubhairt iad ris, Nach maith a deir sinn gur Samaritanach thu, agus gu bheil deamhan agad?

49 Fhreagair Iosa, Cha 'n'eil deamhan agam; ach a ta mi toirt urraim do m'Athair, agus a ta sibhse toirt easurraim dhomhsa.

50 Agus cha 'n'eil mi 'g iarraidh mo ghloire fein: tha neach a ta 'g iarraidh agus a' toirt breth.

51 Gu deimhin deimhin a deirim ribh, Ma choimhideas neach m' fhocalsala, cha'n fhaic e bàs am feasd.

52 An sin thubhairt na h-Iudhaich ris, A nis tha fhios againn gu bheil deamhan agad. Fhuair Abraham bàs, agus na fàidhean; gidheadh a deir thusa, Ma choimhideas duine m'fhocalsala, cha bhlaic e bàs am feasd.

53 Am mò thusa na ar n-athair Abraham, a fhuair bàs? agus fhuair na fàidhean bàs: cò a tha thu deanamh dhiot fein?

54 Fhreagair Iosa, Ma ta mi toirt ghloire dhomh fein, cha 'n'eil ach neo-ni a'm' ghliòir: 's e m'Athair a ta toirt ghloire dhomh, neach a deir sibhise gur e bhur Dia e:

55 Gidheadh cha do ghabh sibh eòlas air; ach a ta eòlas agams' air: agus nam abrainn, Nach aithne dhomh e, bhithinn cosmuil ribhse a'm' bhreugoire: ach is aithne dhomh e, agus a ta mi coimhead^t fhocail.

56 Bha déidh^u mhòr aig Abraham bhur n-athairse air mo là-sa fhaicinn: agus chunnaic se e, agus rinn e gairdeachas.

57 An sin thubhairt na h-Iudhaich ris, Cha 'n'eil thu fathast leth-cheud bliadhna dh'aois, agus am faca tu Abraham?

58 Thubhairt Iosa riu, Gu deimhin deimhin a deirim ribh, Mun robh Abraham ann, ATAIMSE.

59 An sin thog iadsan clachan chum an tilgeadh air: ach dh'fhol-

* na fkear-millidh dhaoine. ^t gleidheadh. ^u togradh, gairdeachas.

aich Iosa e fein, agus chaidh e mach as an teampull, a' dol tre am meadhon, [agus mar sin chaidh e seachad.]

C A I B. IX.

1 *Tha a rádharc air aiseag do'n duine a rugadh dall : 15 Tha e air a thoirl chum nam Phairiseach : 15 Tha iad a' gabhair corruih ris, agus 'ga thilgeadh mach as an t-sionagog ; 55 ach a ta Criod a' gabhair ris. &c.*

A GUS ag gabhair seachad do Iosa, chunnaic e duine a bha dall o rugadh e.

2 Agus dh'fheòraich a dheisciobuil deth, ag ràdh, A mhaighstir, cò a pheacach, an duine so, no a phàrantan, gu'n d'rugadh dall e ?

3 Fhreagair Iosa, Cha do pheacach aon chuid an duine so, no a phàrantan : ach a chum gu'm foilsichte oibre Dhé ann.

4 Is éigin domhsa oibre an ti a chuir uaith mi a dheanamh, am feadh is là e : tha 'n oidhche a' teachd, 'nuair nach urrainn aon duine obair a dhianamh.

5 Am feadh a ta mise san t-saoghal, is mi solus an t-saoghaile.

6 'Nuair a thubhairt e na nithe so, chuir e sile air an talamh, agus rinn e criadh^a do'n t-sile, agus sgaoil e a' chriadh air sùilibh an doill,

7 Agus thubhairt e ris, Imich, ionnlaid ann an lochan Shiloaim ('se sin air cedar-theangachadh, Air a chur.) Uime sin dh'imich e, agus dh'ionnlaid e, agus thainig e a' faicinn.

8 Uime sin thubhairt na coimhearsnaich, agus iadsan a chunnaic dall e roimhe sin, Nach e so esan a bha 'na shuidhe 'g iarraidh na déirce ?

9 Thubhairt cuid, Is e so e ; cuid eile, Tha e cosmuil ris : thubhairt e fein, Is mise e.

10 Air an aobhar sin thubhairt iad ris, Cionnus a dh'fhosgladh do shùilean ?

11 Fhreagair esan agus thubhairt e, Rinn duine d'an ainm Iosa criadh, agus sgaoil e air mo shùilibh i, agus

thubhairt e rium, Inich gu lochan Shiloaim, agus ionnlaid : agus dh'imich mi agus dh'ionnlaid mi, agus fhuair mi mo radharc.

12 An sin thubhairt iad ris, C'ait am bheil e ? Thubhairt esan, Cha'n aithne dhomh.

13 Thug iad chum nam Phairiseach esan a bha roimhe dall.

14 Agus b'i an t-sàbaid a bha ann an uair a rinn Iosa a' chriadh, agus a dh'fhosgail e shùilean.

15 An sin a ris dh'fheòraich na Phairisich dheth mar an ceudna cionnus a fhuair e a radharc. Agus thubhairt esan riu, Chuir e criadh air mo shùilibh, agus dh'ionnlaid mi, agus tha mi a' faicinn.

16 Uime sin thubhairt cuid do na Phairisich, Cha 'n'eil an duine so o Dhia, do bhrigh nach 'eil e gleidheadh na sàbaid. Thubhairt cuid eile, Cionnus a dh'fheudas duine a ta 'na pheacach, an leithide so do mhìorbhùilibh a dheanamh ? Agus bha eas-aonachdb 'nam measg.

17 A deir iad a ris ris an duine dhall, Ciad a deir tu uime, thaobh gu'n dh'fhosgail e do shùilean ? Agus thubhairt esan, Is fàidh e.

18 Ach cha do chreid na h-Iudhaich m'a thimchioll, gu'n robh e dall, agus gu'n d'fhuair e a radharc, gus an do ghairm iad pàranta an ti a fhuair a radharc.

19 Agus dh'fheòraich iad dhiubh, ag ràdh, An e so bhur macsa, a deir sibh a rugadh dall ? cionnus ma seadh a ta e nis a' faicinn ?

20 Fhreagair a phàrantan iad agus thubhairt iad, Tha fhios againn gur e so ar mac, agus gu'n do' rugadh dall e :

21 Ach cionnus a ta e nis a' faicinn, cha 'n'eil fhios againn ; no cò a dh'fhosgail a shùilean, cha'n aithne dhuinn : tha e fein air teachd gu aois, feòraichibh dheth, labhraidh e air a shon fein.

22 Thubhairt a phàrantan na briathara so, a chionn gu rohh eagal nan Iudhaich orra : oir shuidhich na h-Iudhaich a cheana eatorra fein, Nan aidicheadh duine sam bith gu'm

^a lathach. ^b roinn, sgaradh.

b'esan Criosd, gu'n rachadh a chur as an t-sionagog.

23 Air an aobhar sin thubhairt a pharanta, Tha e air teachd gu aois, feòraichibh dheth féin.

24 Air an aobhar sin ghairm iad an dara uair an duine a bha dall, agus thubhairt iad ris, Thoir glòir do Dhia: tha fhios againne gur peacach an duine so.

25 An sin fhreagair esan agus thubhairt e, Am peacach e ni h-aithne dhomh: air aon ni tha fhios agam, air dhomh bhi dall, gu bheil mi nis a' faicinn.

26 Ach thubhairt iad ris a ris, Ciod a rinn e dhuit? cionnus a dh'fhosgail e do shùilean?

27 Fhreagair e iad, Dh'innis mi dhuibh a cheana, agus cha d'éisd sibh; c'ar son a b'aill libh a chluinntinn a ris? a bheil a' mbiann oirbhse bhi 'nar deisciobuil aige mar an ceudna?

28 An sin chàin iad e, agus thubhairt iad, Is tusa a dheisciobul; ach is sinne deisciobuil Mhaois.

29 Tha fhios againn gu'n do labhair Dia ri Maois: ach mu thimchioll an shir so, cha 'n'eil fhios againn cia as da.

30 Fhreagair an duine agus thubhairt e riu, An so tha ni iongantach, nach 'eil fhios agaibh cia as da, agus gu'n d'fhosgail e mo shùilean;

31 Ach a ta fhios againn nach éisd Dia ri peacachaibh: ach ma ta neach air bith 'na flear-aoraidh do Dhia, agus a' deanamh a thoile, risan éisidh e.

32 O thoiseach an t-saoghal cha chualas gu'n d'fhosgail aon neach sùilean duine a rugadh dall.

33 Mur biodh an duine so o Dhia, cha b'urrainn e ni sam bith a dheanamh.

34 Fhreagair iadsan agus thubhairt iad ris, Rugadh thusa uile ann am peacaibh, agus am bheil thu 'gar teagascne? agus thilg iad a mach e.

35 Chual Iosa gu'n do thilg iad a mach e; agus air dha fhaontainn, thubhairt e ris, Am bheil thu creidsinn ann am Mac Dhé?

36 Fhreagair esan agus thubhairt e, Cò e, a Thighearn, chum gu'n creid mi ann?

37 Agus thubhairt Iosa ris, Chunnais thu araon e, agus an ti a ta labhairt riut, is esan e.

38 Agus thubhairt esan, Tha mi creidsinn, a Thighearn. Agus rinn e aoradh dha.

39 Agus thubhairt Iosa, Is ann chum breitheanais a thainig mise chum an t-saoghal so, chum iadsan nach 'eil a' faicinn, gu'm faiceadh iad; agus gu'm biodh iadsan a ta faicinn, air an deanamh dall.

40 Agus chuala cuid do na Phairisich, a bha maille ris na nithe so, agus thubhairt iad ris, Am bheil sinne dall mar an ceudna?

41 Thubhairt Iosa riu, Nam bitheadh sibh dall, cha bhiodh peacadh agaibh: ach a nis a deir sibh, Is léir dhuinn; uime sin tha bhur peacadh a' fantuinn.

C A I B. X.

1 'S e Criosd an dorus agus an deadh bhuachaillé. 19 Iomadh gnè bharailé m'a thimchioll. 24 Tha e dearbhadh le oibríbh gur e féin Criosd Mac Dhé, 39 a' dol as o na h-Iudhachaibh, 40 agus a' dol do'n taobh thall do Iordan, far an do chreid mòran ann.

G U deimhin deimhin a deirim ribh, An ti nach d'théid a stigh tre'n dorus do chrò nan caorach, ach a théid suas air sheòl eile, is gaduiche, agus fear-reubainn esan.

2 Ach an ti a théid a steach air an dorus, is esan buachaillé nan caorach,

3 Dhasan fosglaidh an dorsair; agus éisidh na caoraich r'a ghuth: agus gairmidh e a chaoraich féin air an ainm, agus treòraichidh e mach iad.

4 Agus an uair a chuireas e mach, a chaoraich féin, imichidh e rompa, agus leanaidh na caoraich e: oir is aithne dhoibh a ghuth.

5 Agus cha lean iad coigreach, ach teichidh iad uaith, do bhrigh nach aithne dhoibh guth choigreach.

6 An cosamhlachd so labhair Iosa riu: ach cha do thuig iadsan ciod iad na nithean a labhair e riu.

7 An sin thubhairt Iosa riu a ris, Gu deimhin deimhin a deirim ribh, gur mise dorus nan caorach.

8 Iadsan uile a thainig romhamsa,

is gaduichean agus luchd-reubainn iad : ach cha d'éisd na caoraich riu.

9 Is mise an dorus : ma théid neach air bith steach triomsa, tearnar e, agus théid e steach agus a mach, agus gheibh e ionaltradh.

10 Cha d'thig an gaduiche ach a ghoid, agus a mharbhadh, agus a mhilleadh : thainig mise chum's gu'm biodh beatha aca, agus gu'm biodh i aca ni's pailte.

11 Is mise am buachaille maith : leigidh^c am buachaillaedh maith anam sìos air son nan caorach.

12 Ach am fear-tuarasdail, agus an ti nach e am buachaille, agus nach leis féin na caoraich, chi e am madadh-alluidh a' teachd, agus fàgaidh e na caoraich, agus teichidh e : agus glacaidh am madadh-alluidh iad, agus sgapaidh e na caoraich.

13 Ach teichidh am fear-tuarasdail, a chionn gur fear-tuarasdail e, agus nach 'eil suim aige do na caoraich.

14 Is mise am buachaille maith, agus is aithne dhomh mo chaoraich féin, agus aithnichear le m' chaoraich féin mi.

15 Mar is aithne do'n Athair mise, agus is aithne dhomhsa an t-Athair : agus a ta mi leigeadh m'anama sìos air son nan caorach.

16 Agus a ta caoraich eile agam, nach 'eil do'n chrò so : is éigin domh iad sin mar an ceudna thoirt a stigh, agus éisidh iad ri m' ghuth ; agus bithidh aon treud ann, agus aon bhuachaille.

17 Air an aobhar so is ionmhuinne leis an Athair mise, air son gu'n leig mi sìos m'anam, chum's gu'n glac mi e rìs.

18 Cha 'n'eil neach air bith 'ga thoirt uam, ach a ta mi 'ga leigeadh sìos uam féin : tha cumhachd agam a leigeadh sìos, agus tha cumhachd agam a ghlacadh a rìs. An aithne so fhuair mi o m' Athair.

19 Air an aobhar sin dh'éirich eas-aonachd a rìs am measg nan Iudhach air son nam briathar so.

20 Agus thubhairt mòran diubh, Tha deamhan aige, agus tha e air

boile^f; c'ar son a tha sibh ag éisd-eachd ris ?

21 Thubhairt cuid eile, Cha'n iad so briathra duine am bheil deamhan ; am bheil deamhan comasach air sùile nan dall fhosgladh ?

22 Agus bha féisd-chuimhne an ath-choisreagaidh^g ann an Ierusalem, agus b'e 'n geamhradh a bha ana.

23 Agus bha Iosa a sràid-imeachd san teampull ann an sgàth-thigh^h Sholaimh.

24 An sin chruinnich na h-Iudhach mu thimchioll, agus thubhairt iad ris, Cia fhad a chumas tu ar n-anama an amharus ? ma's tu Criod, innis dhuinn gu follaiseach.

25 Fhreagair Iosa iad, Dh'innis mi dhuibh, agus cha do chreid sibh : na h-oibre a ta mi deanamh an ainm m'Athar, tha iad sin a' toirt fianuis mu m' thimchioll.

26 Ach cha 'n'eil sibhse a' creid-sinn ; oir cha'n ann do m' chaoraich sibh, mar thubhairt mi ribh.

27 Tha mo chaoraichse ag éisd-eachd ri m' ghuth, agus is aithne dhomh iad, agus leanaidh iad mi :

28 Agus bheiream a' bheatha mhair-eannach dhoibh, agus cha sgriosari iad am feasd, ni mò a spònas neach air bith as mo làimh iad.

29 M'Athair a thug dhomhsa iad, is mò e na na h-uile : agus cha'n urradh neach air bith an spionadh a làimh m'Athar.

30 Mise agus an t-Athair, is aon sinn.

31 Uime sin thog na h-Iudhaich clachan a rìs chum a chlachadh.

32 Fhreagair Iosa iad, Nochd mi dhuibh mòran a dh'oibrigh maithe o m'Athair ; cia do na h-oibrigh sin air son am bheil sibh ga m' chlachadh ?

33 Fhreagair na h-Iudhaich e, ag ràdh, Air son oibre maith cha 'n'eil sinn ga d' chlachadh ; ach air son toibheam, agus air son, air bhi dhuitse a'd' dhuine, gu bheil thu deanamh Dé dhiot féin.

34 Fhreagair Iosa iad, Nach 'eil e scriobhta ann bhur laghsa, Thubhairt mi, Is dée sibh ?

^c cuiridh. ^d an t-aodhaire. ^e toigh. ^f mhi-chéill. ^g féill an ath-nuadhachaidh. ^h àileir. ⁱ chaillear.

35 Ma thubhairt e dée riusan, dh'ionnsuidh an robh focal Dé, agus nach feudar an scriobtuir a bhriseadh!

36 An abair sibh risean, a naomh-aich an t-Athair, agus a chuir e chum an t-saoghal, Tha thu a' labhairt toibhleim; air son gu'n dubhairt mi, Is mi Mac Dhé?

37 Mur dean mi oibre m'Athar, na creidibh mi.

38 Ach ma ni, ge nach creid sibh mise, creidibh na h-oibre, chum gu'm bi fios agaibh agus gu'n creid sibh gu bheil an t-Athair annamsa, agus mise annsan.

39 Uime sin dh'iarr iad a rís a ghlacadh: ach chaidh e as an làimh.

40 Agus chaidh e rís do'n taobh thall do Iordan, do'n ionad anns an robh Eoin air tús ri baisteadh: agus rinn e còmhnuidh an sin.

41 Agus thainig mòran d'a ionnsuidh, agus thubhairt iad, Cha do rinn Eoin aon mliorbhui: ach bha na h-uile nithe thubhairt Eoin mu'n duine so fior.

42 Agus chreid mòran san àit sin air.

C A I B. XI.

1 Tha Criosd a' togail suas Lasarus an déigh dha bhi ceithir làithean san uaigh. 45 Tha mòran do na h-Iudhachaibh a' creidsinn. 47 Tha na h-àrd shagairt agus na Phàirsich a' cumail comhailre'n aghaidh Chriosd. 49 Tha Caiaphas a' deanamh fàidh-eadaireachd, &c.

A NIS bha duine àraidh gu tinn, d'am b'ainm Lasarus o Bhetani, baile Mhuire agus Mharta a peathar.

2 (B'i Mhuire sin a dh'ùng an Tighearn le ola luachmhoir, agus a thiormuich a chosa leis a folt, aig an robh a bràthair Lasarus gu tinn.)

3 Uime sin chuir a pheathraighe fios d'a ionnsuidh, ag ràdh, A Thighearn, feuch, tha 'n ti a's ionmhuinn leat tinn.

4 'Nuair a chual Iosa so, thubhairt e, Cha 'n'eil an tinneas so chum bàis, ach a chum glòire Dhé, chum gu'm

bi Mae Dhé air a ghlòrachadh d'a thaobh.

5 A nis b'ionmhuin le Iosa Marta, agus a piuthar, agus Lasarus.

6 Uime sin an uair a chual e gu'n robh esan tinn, dh'fhan e fathast dà latha anns an ionad an robh e.

7 'Na dhéigh sin thubhairt e r'a dheisciobluibh, Rachamaid a rís do Iudea.

8 Thubhairt a dheisciobuil ris, A Mhaighstir, a nis dh'iarr na h-Iudhachaibh do chlachadli; agus am bheil thu dol a rís an sin?

9 Fhreagair Iosa, Nach 'eil dà uair dheug san là? Ma dh'imicheas duine anns an là, cha tuislich e, oir tha e faicinn soluis an t-saoghal so.

10 Ach ma dh'imicheas duine anns an oidlche, tuislichidh e, do bhrigh nach 'eil an solus ann.

11 Na nithe so thubhairt e: agus ?na dhéigh sin a deir e riu, Tha ar caraid Lasarus 'na chodal; ach a ta mise a dol chum's gu'n dùisg mi as a chodal e.

12 An sin thubhairt a dheisciobuil, A Thighearn, ma tha e 'na chodal, bithidh e slàn.

13 Gidheadh labhair Iosa m'a bhàs: ach shaoil iadsan gu'n do labhair e mu thimchioll fois codail.

14 An sin thubhairt Iosa riu gu soilleir, Fhuair Lasarus bàs:

15 Agus a ta mi subhach air bhur sonsa nach robh mi an sin (chum's gu'n creid sibh;) ach rachamaid d'a ionnsuidh.

16 An sin thubhairt Tomas, d'an goirear Didimus, r'a choimh-dheisciobluibh, Rachamaidne mar an ceudana, chum's gu'm faigh sinn bàs maille ris.

17 An sin an uair a thainig Iosa, fhuair se e an déigh dha bhi cheana ceithir làithean san uaigh.

18 (A nis bha Betani fagus do Hierusalem, mu thimchioll cùig stàide deug uaith.)

19 Agus thainig mòran do na h-Iudhachaibh chum Mharta agus Mhuire, gu comh-fhurtachd a thoirt doibh a thaobh am bràthar.

20 An sin an uair a chuala Marta

gu'n robh Iosa a' teachd, chaidh i 'na chòdhail : ach shuidh Muire san tigh.

21 An sin thubhairt Marta ri h-Iosa, A Thighearn, nam biodh tusa an so, cha 'n fhaigheadh mo bhràthair bàs.

22 Ach a ta fhios agam a nis féin, ge b'e air bith nithe a dh'iarras tu air Dia gu'n d'thoir Dia dhuit iad.

23 Thubhairt Iosa rithe, Eiridh do bhràthair a rìs.

24 Thubhairt Marta ris, Tha fhios agam gu'n éirich e rìs san aiseirigh air an là dheireannach.

25 Thubhairt Iosa rithe, Is mise an aiseirigh, agus a' bheatha : an ti a chreideas annamsa, ge do gheibheadh e bàs, bithidh e beo ;

26 Agus ge b'e neach a ta beo, agus a' creidsinn annamsa, cha'n fhaigh e bàs am feasd. Am bheil thu creidsinn so ?

27 Thubhairt i rìs, Tha, a Thighearn : creideam gur tusa Criosd, Mac Dhé, a bha gu teachd chum an t-saoghal.

28 Agus air dh'i na nithe so ràdh, dh'fhalbh i, agus ghairm i a piuthar Muire os iosal, ag ràdh, Thainig am Maighstir, agus tha e ga d'ghairm.

29 'Nuair a chual ise sin, dh'éirich i gu grad, agus thainig i d'a ionnsuidh.

30 A nis cha robh Iosa fathast air teachd do'n bhaile, ach bha e anns an àit an do choinnich Marta e.

31 An sin na h-Iudhaich a bha maille rithe san tigh, agus a' toirt comh-fhurtachd dh'i, 'nuair a chunnaisc iad Muire gu'n d'éirich i gu grad, agus gu'n deachaidh i mach, lean iad i, ag ràdh, Tha i dol chum na h-uaighe, a chaoineadh an sin.

32 An sin an uair a thainig Muire do'n àit an robh Iosa, agus a chunnaisc i e, thuit i aig a chosaibh, ag ràdh ris, A Thighearn, nam biodh tusa an so, cha 'n fhaigheadh mo bhràthair bàs.

33 Uime sin an uair a chunnaisc Iosa i a' gul, agus na h-Iudhaich a thainig maille rithe a' gul mar an

ceudna, rinn e osna 'na spiorad, agus chuir se e féin fuidh àmhghar^m.

34 Agus thubhairt e, C'àit an do chuir sibh e ? Thubhairt iad ris, A Thighearn, thig agus faic.

35 GhUIL Iosa.

36 An sin thubhairt na h-Iudhaich, Feuch cionnus a ghràdhach se e ?

37 Agus thubhairt cuid diubh, Nach feudadh an duine so a' dh'fhosgal sùilean an doill, a thoirt fainear nach faigheadh eadhon am fear so bàs ?

38 Uime sin thainig Iosa ag osnaich a rìs ann féin, chum na h-uaighe, Agus b'uaimhⁿ i, agus bha clach air a cur oirre.

39 Thubhairt Iosa, Togaibh a' chlach. Thubhairt Marta, piuthar an duine mhairbh, ris, A Thighearn, tha nis drôch bholadh dheth ; oir is e so an ceathramh latha^o.

40 A deir Iosa rithe, Nach dubhairt mi riut, Ma chreideas tu, gu'in faic thu glòir Dhé ?

41 An sin thog iad a' chlach (o'n àit anns an robh an duine marbh air a chur.) Agus thog Iosa suas a shùilean, agus thubhairt e, Athair, tha mi toirt buidheachais duit gu'n d'éisd thu rium.

42 Agus bha fhios agam gu bheil thu 'g éisdeachd rium a ghnáth : ach thubhairt mi e air son an t-slugaigh a tha 'nan seasamh a m' thimchioll, chum gu'n creid iad gu'n do chuir thusa uait mi.

43 Agus an uair a labhair e na nithe so, ghlaodh e le gur mòr, A Lasarus, thig a mach.

44 Agus thainig esan a bha marbh a mach, agus a chosan agus a làmhan ceangailte leis an eudach mhairbh : agus bha aghaidh ceangailte m'an cuairt le neapaicin. A deir Iosa riu, Fuasglaibh e, agus leigibh leis im-eachd.

45 An sin chreid mòran do na h-Iudhaichaibh ann, a thainig chum Mhuire, agus a chunnaic na nithe a rinn Iosa.

46 Ach dh'fhalbh cuid diubh clum nam Phairiseach, agus dh'innis iad dhoibh na nithe a rinn Iosa.

^m thrioblaid. ⁿ chuas. ^o tha e ceithir làithean san uaigh.

47 An sin chruinnich na h-àrd shagairt agus na Phairisich comhairle, agus thubhairt iad, Ciod a tha sinn a' deanamh? oir a ta'n duine so deanamh mòrain mhìorbhuiile.

48 Ma leigeas sinn leis air an dòigh so, creididh na h-uile dhaoine ann; agus thig na Romhanaich^P, agus sgriosaidh iad^r ar n-àit, agus ar eìnneach.

49 An sin thubhairt fear àraidi dhìubh d' am b'ainn Caiaphas, air dha bhi 'na àrd shagart air a' bhliadhna sin, riu, Cha'n aithne dhuibh ni sam bith,

50 Ni mò tha sibh a' toirt fainear gur iomchuidh dhuinne gu'm faigheadh aon duine bàs air son an t-sluaighe, agus nach biodh an cinn-each uile air a sgrios.

51 Ach cha b'ann uaith féin a labhair e so: ach air dha bhi 'na àrd shagart air a' bhliadhna sin, rinn e fàidheadaireachd gu'm faigheadh Iosa bàs air son a' chinnich sin:

52 Agus ni h-ann air son a' chinnich sin a mhàin, ach a chum mar an ceudna gu'n cruinnicheadh e an ceann a chéile 'nan aon clann Dhé a bha air an sgapadh.

53 Uime sin o'n là sin a mach, chuir iad an comhairle r'a chéile chum esan a chur gu bàs.

54 Air an aobhar sin cha d'imich Iosa ni's mò os àird am measg nan Iudhach; ach chaidh e as sin do dhùthaich làimh rìs an fhàsach, gu baile d'an goirear Ephraim, agus an sin ghabh e còmhnuidh maille r'a dheisciobluibh.

55 Agus bha càisg nan Iudhach am fagus: agus chaidh mòran suas as an dùthaich do Hierusalem roimh 'n èàisg, chum iad féin a għlanadh.

56 An sin dh'iarr iad Iosa, agus labhair iad r'a chéile 'nan seasamh san teampull, Ciod bhur barailse? an e nach d'thig e chum na féisde?

57 A nis bha araon na h-àrd shagairt agus na Phairisich air toirt aithne, nam biodh fhios aig neach air bith e'ait an robh e, gu'n innseadh se e, chum's gu'n glacadh iad e.

C A I B XII.

1 Tha Iosa a' gabhail leith-sgeil Mhuire air son gu'n d'ùng i a chosan. 9 Tha 'n sluagh a' teachd 'nam buidhnibh a dh'fhaicinn Lasarus. 10 Tha na h-àrd shagairt a' gabhail comhairle Lasarus a mharbhadh. 12 Tha Criod a' marcachd gu Hierusalem. 25 Tha e a' roimh-innseadh a bhàis, &c.

A N sin thainig Iosa, seo laithean a roimh an chàisg, gu Betani, far an robh Lasarus a bha marbh, neach a thog esan o na marbhaibh.

2 Uime sin rinn iad suipeir dha an sin, agus bha Marta a' frithealadh; ach bha Lasarus 'na aon diubhsan a shuidh air bord maille rìs.

5 An sin ghabh Muire pund do ola spicnaird ro luachmhoir, agus dh'ùng i cosan Iosa, agus thiormuich i a chosan le a folt: agus lònadh an tigh le fàile^s cùbhruidh na h-ola.

4 An sin a deir aon d'a dheisciobluibh, Iudas Iscariot, mac Shimoin, a bha gu esan a bhrath,

5 C'ar son nach do reiceadh an ola so air son tri cheud peghinn, agus nach d'thugadh do na bochdaibh e?

6 Thubhairt e so, 'cha b'ann a chionn gu'n robh suim aige do na bochdaibh; ach a chionn gu'm bu għaduiche e, agus gu'n robh an sporan aige, agus gu'n do għiūlain e na nithe a chuireadh ann.

7 An sin thubhairt Iosa, Leig leatha: fa chomhair latha m' adhlaic ghleidh i so.

8 Oir tha na bochdan a għnàth agaibh maille ribb, ach cha 'n-eil mise agaibh a għnàth.

9 Agus bha fhios aig sluagh mòr do na h-Iudhachaibh gu'n robh e 'n sin: agus thainig iad, cha 'n ann a mhàin air son Iosa, ach a chum gu'm faiceadh iad mar an ceudna Lasarus, a thog esan o na marbhaibh.

10 Ach għabhbha na h-àrd shagairt comhairle, chum Lasarus mar an ceudna a mharbhadh;

11 Do bhrigh air a shonsan gu'n d'imich mòran do na h-Iudhachaibh, agus gu'n do chreid iad ann an Iosa.

12 Air an là māireach, air cluinn-

^P Romanaich. ^r dlihichidh iad, bheir iad air falbh. ^s boltrach.

tinn do mhòr shluagh a thainig chum na fèisde, gu'n robh Iosa a' teachd gu Hierusalem,

13 Ghlac iad geuga pailme, agus chaidh iad a mach 'na chòdhail, agus ghlaodh iad, Hosana, beannuichte gu robh Righ Israel a tha teachd an ainm an Tighearna!

14 Agus, air do Iosa asal òg fhaotainn, shuidh e air; a réir mar a ta e scriobhta,

15 Na biodh eagal ort, a nighean Shioin: feuch, a ta do Righ a' teachd, 'na shuidhe air loth asail.

16 Cha do thuig a dheisciobuil na nithe so air tùs: ach an uair a ghlòraicheadh Iosa, an sin chuimhnich iad gu'n robh na nithe so scriobhta uime, agus gu'n d'rinn iad na nithe so dha.

17 Uime sin rinn an sluagh a bha maille ris fianuis, gu'n do ghairm e Lasarus as an uaigh, agus gu'n do thog e o na marbhaibh e.

18 Air an aobhar sin mar an ceudanna choinnich an sluagh e, do bhrigh gu'n eual iad gu'n d'rinn e am miobhuil so.

19 Thubhairt na Phairisich uime sin eatorra féin, Am faic sibh nach 'eil sibh a' buadhachadh bheag sam bith? feuch, tha 'n saoghal air dol 'na dhéigh.

20 Agus bha Greugaich àraidih am measg na muinntir a chaidh suas chum aoradh dheanamh aig an fhéisd:

21 Air an aobhar sin thainig iadsan gu Philip, a bha o Bhetsaida Ghalile, agus dh'iarri iad air, ag ràdh, A. Thighearn, bu mhiann leinn Iosa fhaicinn.

22 Thainig Philip agus dh'innis e do Aindreas: agus a ris dh'innis Aindreas agus Philip do Iosa.

23 Agus fhreagair Iosa iad, ag ràdb, Thainig an uair, chum gu'm biodh Mac an duine air a ghlòrachadh.

24 Gu deimhin deimhin a deirim ribh, Mur faigh an gràinne cruin-eachd a thuiteas anns an talamh bàs, fanaidh e 'na aonar: ach ma gheibh e bàs, bheir e toradh mòr uaith.

25 Esan a glàrdhaicheas anam, eaillidh se e; agus esan a dh'fhuath-aicheas anam anns an t-saoghal so, gleidhidih se e chum na beatha mair-cannaich.

26 Ma ni neach air bith seirbhis dhomhsa, leanadh e mi; agus ge b'e ait am bi mise, an sin bithidh mo sheirbhiseach mar an ceudna: ma ni neach seirbhis dhomhsa, bheir m'Athair air onoir dha.

27 A nis tha m'anam fuidh àmh-ghar'; agus ciod a their mi? Athair, saor mi oán uair so: ach is an air a shron so a thainig mi chum na h-uaire so.

28 Athair, glòraich t-ainm. An sin thainig guth o néamh, Ghlòraich mi araon e, agus glòraichidh mi ris e.

29 Uime sin thubhairt an sluagh a sheas a làthair, agus a chuala so, Gu'n robh tairneanach ann: thubhairt cuid eile, Labhair aingeal ris.

30 Fhreagair Iosa agus thubhairt e, Cha'n ann air mo shonsa thainig an guth so, ach air bhur sonsa.

31 A nis tha breitheanas an t-saoghal so ann: a nis tilgear uachdaran an t-saoghal so mach.

32 Agus mise, ma thogar suas o'n talamh mi, tairngidh mi na h-uile dhaoine a'm' ionnsuidh.

33 (Ach thubhairt e so, a' ciallachadh ciod a' ghìnè bàis a gheibh-eadh e.)

34 Fhreagair an sluagh e, Chuala sinne as an lagh, gu'm fan Criosd gu'siorruidh: agus cionnus a deir thusa, Gur éigin do Mhac an duine bhi air a thogail suas? cò e Mac an duine so?

35 An sin thubhairt Iosa riu, Fathast rè tamuill bbig tha 'n solus maille ribh; gluaisibh am feadh 's a ta 'n solus agaibh, chum nach beir an dorchadas oirbh: oir an ti a ta 'g imeachd an dorchadas, cha'n aithne dha c'ait am bheil e dol.

36 Am feadh 's a ta 'n solus agaibh, creidibh san t-solus, chum gu'm bi sibh 'nar cloinn do'n t-solus. Labhair Iosa na nithe so agus dh'fhalbh e, agus dh'fholach se e féin uatha.

37 Ach ge do rinn e a choimhlion so do mhiorbhuilibh 'nan làthair, cha do chreid iad ann :

38 Chum gu'm biodh briathran an fhàidh Esaias air an coimhlionadh, a thubhairt e, A Thighearn, cò a chreid ar n-aithrisne^u? agus cia dha a dh'fhoilisicheadh gairdean an Tigh-earna?

39 Air an aobhar so cha robh e'n comas doibh creidsinn, do bhrigh gu'n dubhaint Esaias a ris,

40 Dhall e an sùilean, agus chruaidhich e an cridhe, chum nach faiceadh iad le'n sùilibh, agus nach tuigeadh iad le'n cridhe, agus nach pilleadh iad, agus gu'n slànuinchinn iad.

41 Thubhairt Esaias na nithe so, 'nuair a chunnaic e a ghloirsan, agus labhair e uime.

42 Gid^a adh chreid mòran do na h-Uachdaranaibh féin ann; ach air son nam Phairiseach cha d'aidich iad e, air eagail gu'n cuirte mach as an t-sionagog iad.

43 Oir b'annsa leo glòir dhaoine na glòir Dhé.

44 Agus ghlaodh Iosa, agus thubhairt e, An ti a ta creidsinn annamsa, cha'n ann annamsa tha e creidsinn, ach anns an ti a chuir uaith mi.

45 Agus an ti a tha ga m' fhaicinnse, tha e faicinn an ti a chuir uaith mi.

46 Thainig mi a'm' sholus chum an t-saoghal, chum ge b'e chreideas annam, nach fanadh e an dorchadas.

47 Agus ma chluinneas neach air bith mo bhriathransa, agus nach creid e, cha 'n'eil mise 'ga dhìeadh: oir cha d'thainig mi a dhìeadh an t-saoghal, ach a shaoradh an t-saoghal.

48 An ti a tha cur cùil riomsa, agus nach 'eil a' gabhail ri m' bhriathraibh, tha aige neach a bheir breth air: am focal a labhair mi, bheir e sin breth air san là dheireannach.

49 Oir cha do labhair mi uam féin; ach an t-Athair a chuir uaith mi, thug e àithne idhomh, ciod a theirinn, agus ciod a labhrainn.

50 Agus a ta fhios agam gur

beatha mhaireannach àithnesan: -air an aobhar sin na nithe tha mi a' labhairt, mar thubhairt an t-Athair riomh, mar sin a ta mi a' labhairt.

C A I B. XIII.

1 Tha Criosd a' nigheadh chos nan deisciobul, 13 ag earail orra bhi iriosal agus seirceil; 18 ag innseadh roimh-laimh, agus a' foill-seachadh do Eoin le comhara, gu'm b'e Iudas a bhrathadh e; 31 a' toirt àithne dhoibh iad a ghràdhachadh a chéile; 36 agus a' roimh-innseadh do Pheadar gu'n robh e gu esan àicheadh.

A NIS roimh fhéisd na càisge, air do Iosa fios a bhi aige gu'n robh uair air teachd, anns an rachadh e as an t-saoghal so chum an Athair, air da a muinntir féin a bha anns an t-saoghal a ghràdhachadh, ghràdh-aich e gu crích iad.

2 Agus an uair a bha 'n t-suipeir thairis^a, (air do'n diabhol a nis a chur an cridhe Iudais Iscariot, mhic Shimoin, esan a bhrath.)

3 Air aithneachadh do Iosa gu'n d'thug an t-Athair na h-uile nithe 'na làmhaibh, agus gur ann o Dhia a thainig 'e, agus gur ann a dh'ionnsuidh Dhé a bha e do;

4 Dh'éirich e o shuipeir, agus chuir e dheth fhalluing^b, agus għlac e làmh-anart, agus cheangail e uime e.

5 'Na dhéigh sin, thaom e uisge ann an soitheach-ionnlaid, agus thòisich e air cosan nan deisciobul ionnlaid, agus an tiormachadh leis an làmh-anart a bha ceangaile uime.

6 An sin thainig e gu Simon Peadar: agus thubhairt esan ris, A Thighearn, am bheil thusa 'g ionnlaid mo chosansa?

7 Fhreagair Iosa agus thubhairt e ris, An ni so ta mi deanamh cha 'n aithne dhuits' a nis; ach bithidh fios agad air an déigh so.

8 Thubhairt Peadar ris, Cha nigh thu mo chosansa gu bràth. Fhreagair Iosa e, Mur nigh mi thu, cha 'n'eil cuiad agad maille rium.

9 A deir Simon Peadar ris, A Thighearn, ni h-iad mo chosan a

^u iomradhne. ^a an uair e bha iad r'an suipeir. ^b eudach-uachdair.

mhàin, ach mar an ceudna mo làmh-an agus mo cheann.

10 A deir Iosa ris, An ti a ta air ionnlad, cha 'n'eil feum aige ach a chosan ionnlad, ach tha e gu h-iomlan glan: agus a ta sibhse glan, ach cha 'n'eil sibh uile glan.

11 Oir bha fhios aige cò a bhrathadh e; uime sin thubhairt e, Cha 'n'eil sibh uile glan.

12 An sin, an déigh dha an cosan ionnlad, agus fhalluing a ghabhail d'a ionnsuidh, shuidh e a ris, agus thubhairt e riu, Am bheil fhios ag-aibh ciod a rinn mi dhuibh?

13 Tha sibh a' gairm Maighstir, agus Tighearn dhiomsa: agus tha sibh ag ràdh gu maith; oir is mi sin.

14 Uime sin ma dh'ionnlaid mise, bhur Tighearn agus bhur Maighstir, bhur cosansa, is còir dhuibhse mar an ceudna cosan a chéile ionnlad.

15 Oir thug mi eisiomplair dhuibh, chum's mar a rinn mise dhuibh, gu'n deanadh sibhse mar an ceudna.

16 Gu deimhin deimhin a deirim ribh, Cha mhò an t-òglach na mhaighstir, agus cha mhò an teachdaire na 'n ti a chuir uaith e.

17 Ma's aithne dhuibh na nithe so, is beannuichte sibh ma ni sibh iad.

18 Cha 'n'eil mi labhairt oirbh uile; is aithne dhomh cò a thagh mi: ach is éigin an scriobtuir a choimhlionadh, An ti a ta 'g itheadh arain maille rium, thog e a shàil a'm' aghaidh.

19 A nis a deirim so ribh mun d'thig e gu crìch, chum 'nuair a tharas e, gu'n creid sibh gur mise e.

20 Gu deimhin deimhin a deirim ribh, An ti a ghabhas ri neach sam bith a chuireas mise uam, gabhaidh e riumsa: agus an ti a ghabhas riumsa, gabhaidh e ris an ti a chuir uaith mi.

21 Air do Iosa na nithe so ràdh, bha e fuidh thrioblaid 'na spiorad, agus rinn e fianuis, agus thubhairt e, Gu deimhin deimhin a deirim ribh, gu'm brath a h-aon agaibh mise.

22 An sin dh'amhaire na deisciobuil air a chéile, fuidh amharus cia uime a labhair e.

23 A nis bha aon d'a dheisciobuilibh 'na luidhe an uchd^c Iosa, neach a b'ionmhuinn le Iosa.

24 Air an aobhar sin sméid Simon Peadar airsain, gu'm feòraicheadh e cia uime a labhair e.

25 An sin air dhasan aomadh ri uchd Iosa, a deir e ris, A Thighearn, cò e?

26 Fhreagair Iosa, Is e 'n ti sin e, d'an toir mise an greim, an déigh dhomh a thumadh. Agus an uair a thum e 'n greim, thug se e do Judas Iscariot, mac Shimoin.

27 Agus an sin an déigh a' ghreama, chaith Satan a steach annsan. An sin thubhairt Iosa ris, An ni a ta thu a' deanamh, dean gu grad e.

28 A nis cha do thuig a li-áon diubhsan a bha 'nan suidhe air a' bhord e'ar son a thubhairt e so ris.

29 Oir shaoil cuid diubh, do bhrigh gu'n robh an sporan aig Judas, gu'n dubhaint Iosa ris, Ceannaich na nithe a ta dh'uireasbhuidh oirnn clum na feisde: no, gu'n d'thugadh e ni-éigin do na bochdaibh.

30 An sin an déigh dhasan an greim a ghabhail, chaith e mach air ball; agus bha'n oidhche ann.

31 Uime sin, 'nuair a chaidh esan a mach, thubhairt Iosa, A nis a ta Mac an duine air a ghlòrachadh, agus tha Dia air a ghlòrachadh ann.

32 Ma ta Dia air a ghlòrachadh ann, glòraichidh Dia esan mar an ceudna ann féin, agus air ball glòraichidh se e.

33 A chlann bheag, fathast àine bheag tha 'mise maille ribh. Iarrайдh sibh mi: agus mar thubhairt mi ris na h-Iudhachaibh, Do'n ait an d'théid mise, cha 'n'eil e 'n comas duibhse teachidh; mar sin a deirim ribhse nis.

34 Aithne nuadha bheiream dhuibh, Gu'n gràdhaidh sibh a chéile; mar a ghràdhaidh mise sibhse, gu'n gràdhaidh sibh féin a chéile mar an ceudna.

35 Le so aithnichidh na h-uile dhaoinse gur sibh mo dheisciobuise, ma bhios gràdh agaibh féin d'a chéile.

56 A deir Simon Peadar ris, A Thighearn, c'ait a théid thu? Fhreagair Iosa e, Do'n. ait an d'théid mi, cha'n urradh thusa nis mo leantuinn; gidheadh leanaidh tu mi 'na dhéigh so.

57 A deir Peadar ris, A Thighearn, c'ar son nach urradh mi do leantuinn a nis? Leigidh mi sios m'anam air do shon.

58 Fhreagair Iosa e, An leig thu t'anam slos air mo shonsa? Gu deimhin deimhin a deirim riut, Nach goir an coileach, gus an aicheadh thu mi tri uairean.

C A I E. XIV.

1 Tha Criod a' toirt comh-fhurtachd d'a dheisioibh le dòchas fhlath-eanaidh: 6 ag innseadh gur e féin an t-slighe, an fhàrrinn, agus a' bheatha, agus gur aon e féin agus an t-Athair: 13 a' toirt cinnte gu'm bi'n àrnughean 'na ainmsan eiseachdach: &c.

NA biodh bhur cridhe fuidh thriobh laidd: tha sibh a' creidsinn ann an Dia, creidibh annamsa mar an ceudna^e.

2 Ann an tigh m'Atharsa tha iomadh àite-còmhnuidh: mur biodh e mar sin, dh'innseinnse dhuibh: tha mi dol a dh'ulluchadh àite dhuibh.

5 Agus ma théid mi agus gu'n ulluch mi ait dhuibh, thig mi ris, agus gabhaidh mi sibh a m' ionnsuidh fein, chum far am bheil mise, gu'm bi sibhse mar an ceudna.

4 Agus is aithne dhuibh c'ait am bheil mi dol, agus is aithne dhuibh an t-slighe.

5 A deir Tomas ris, A Thighearn, cha'n eil fhios againn c'ait am bheil thu dol, agus cionnus a dh'fheudas èolas na slighe bhi againn?

6 A deir Iosa ris, Is mise an t-slighe, agus an fhàrrinn, agus a' bheatha: cha d'thig aon neach chum an Athar ach triomsa.

7 Nam b'ainthe dhuibh mise, b'ainthe dhuibh m'Athair mar an ceudna: agus a so suas is aithne dhuibh e, agus chunnaic sibh e.

d bhuaireas. e creidibh ann an Dia, agus creidibh annamsa.

f Fear-comhfhurtachd, Fear-comhairle, Fear-iuil.

8 A deir Philip ris, A Thighearn foillsich an t-Athair dhuinne, agus is leoír leinn e.

9 A deir Iosa ris, Am bheil mise ùine co fhada maille ribh, agus nach aithne dhuit fathast mi, Philip? an ti a chunnaic mise, chunnaic e 'n t-Athair; agus cionnus a deir thu, Foillsich an t-Athair dhuinn?

10 Nach eil thu creidsinn gu bheil mise anns an Athair, agus an t-Athair annamsa? na briathra a ta mi labhairt ribh, cha'n ann uam féin a ta mi 'gan labhairt: ach an t-Athair, a ta gabhail còmhnuidh annamsa, tha esan a' deanamh nan oibre.

11 Creidibh mise gu bheil mi anns an Athair, agus an t-Athair annamsa: no, creidibh mi air son nan oibre féin.

12 Gu deimhin deimhin a deirim ribh, An ti a chreideas annamsa, na h-oibre a ta mise a' deanamh, ni esan mar an ceudna, agus ni e oibre a's mò na iad so, do bhrigh gu bheil mise dol chum m'Athar;

13 Agus ge b'e ni a dh'iarras sibh a'm' ainmse, ni mise sin: chum's gu'm bi an t-Athair air a ghìorachadh anns a' Mhae.

14 Ma dh'iarras sibh ni air bith a'm' ainmse, ni mise e.

15 Ma's toigh libh mise, coimhidibh m'aitheanta.

16 Agus guidhidh mise an t-Athair, agus bheir e dhuibh Comhfhurtair eile, chum's gu fan e maille ribh gu bràth;

17 Spiorad na firinn, neach nach urrainn an saoghal a ghabhail, do bhrigh nach 'eil e 'ga fhaicinn, agus nach aithne dha e: ach is aithne dhuibhse e, oir tha e fantuinn maille ribh, agus bithidh e annaibh.

18 Cha'n fhàg mi sibh 'nar dill-eachdaibh; thig mi d'ar ionnsuidh,

19 Tamull beag fathast, agus cha'n fhaic an saoghal mi tuilleadh; ach chi sibhse mi: do bhrigh gu bheil mise beo, bithidh sibhse beo mar an ceudna.

20 Anns an là sin bithidh fios ag-aibh gu bheil mise ann am Athair,

agus sibhse annamsa, agus mise annaibhse.

21 An ti aig am bheil m'aitheanta, agus a ta 'gan coimhead, is esan aig am bheil gràdh dhomhsa : agus an ti aig am bheil gràdh dhomhsa, gràdhaichear le m'Athair e, agus gràdhaichidh mise e, agus foillsichidh mi mi féin da.

22 A deir Iudas (cha'n e Iscariot) ris, A Thighearn, c'ar son a dh'fhoill-sicheas tu thu féin dhuinne, agus nach dean thu sin do'n t-saoghal?

23 Fhreagair Iosa agus thubhairt e ris, Ma ghràdhaicheas neach mise, coimhidh e m'focal : agus gràdhaichidh m'Athair esan, agus thig sinn d'a ionnsuidh, agus ni sinn còmhnuidh maille ris.

24 An ti nach gràdhaich mise, cha choimhidh e mo bhriathra : agus am focal a ta sibh a' cluinntinn, cha leamis e, ach leis an Athair a chuir uaih mi.

25 Na nithe so labhair mi ribh, air dhomhbhi m'chòmhnuidh maille ribh :

26 Ach an Comhfhurtair, an Spiorad naomh, a chuireas an t-Athair uaih a'm' ainmse, teagaisgidh esan dhuibh na h-uile nithe, agus curidh e'n cuimhne dhuibh na h-uile nithe a labhair mise ribh.

27 Tha mi fàgail sìth agaibh, mo shìths' a ta mi tabhairt duibh : cha'n ann mar a bheir an saoghal, a tha mise tabhairt duibh. Na biodh bùr cridhe fuidh thrioblaid, agus na biodh eagal air.

28 Chuala sibh mar thubhairt mi ribh, Tha mi falbh, agus thig mi rìs d'ar ionnsuidh. Nam biodh gràdh agaibh dhomhsa, bhiodh aoibhneas oirbh, a chionn gu'n dubhairt mi, Tha mi dol g chum an Athar ; oir is mó m'Athair na mise.

29 Agus a nis dh'innis mi dhuibh so roimh dha teachd gu crìch, chum 'nuair a thig e gu crìch, gu creideadh sibh.

30 A so suas cha labhair mi mòran ribh : oir a ta uachdaran an t-saoghal so a' teachd, agus cha 'n'eil ni air bith aige annamsa.

31 Ach a chum's gu'm bi fios aig an t-saoghal gur iommuinn leam an t-Athair ; agus mar a thug an t-Athair aithne dhomh, mar sin a ta mi a' deanamh. Eiribh, rachamaid as so.

C A I B. XV.

1 An sòlas a ta aig deisciobluibh Chriosd, an gaol agus an coimhcheangal ata eadar iad agus esan, fa chosamhlachd fìonain agus a geuga.

18 Comhfhurtachd fuidh fhuath agus gheur-leanmuinn an t-saoghal. 26 Dreuchd an Spioraid naoimh, agus nan abstol.

1 S mise an fhònain fhìor, agus is e m'Ashair an treabhaiche.

2 Gach uile gheug annamsa nach 'eil a' giùlan toraidh, bheir e air falbh : agus gach uile gheug a ta tabhairt toraidh, glanaidh e i, chum as gu'n giùlain i tuilleadh toraidh.

3 A nis a ta sibhse glan tre an fhocal a labhair mi ribh.

4 Fanaibh annamsa, agus mise annaibhse. Mar nach urrainn a' gheug toradh a thoirt uaipeí féin, mur fan i san fhònain, cha mhò is urrainn sibhse, mur fan sibh annamsa.

5 Is mise an fhònain, sibhse na geuga : an ti a dh'fhanas annamsa, agus mise annsan, bheir esan mòr thoradh uaih : oir as m'eugmhais-se cha'n urradh sibh aon ni a dheanamh.

6 Mur fan neach annamsa, tha e air a' thilgeadh a mach mar ghéig, agus air crònadh ; agus tionailidh daoine iad, agus tiligidh iad san teine iad, agus loisgear iad.

7 Ma dh'fhanas sibh annamsa, agus ma dh'fhanas m'fhocailse annaibhse, iarraidh sibh gach ni a's aillibh, agus nithear dhuibh e.

8 An so tham'Athairse air a ghlòrachadh, gu'n d'thoir sibhse mòr thoradh uaibh ; agus bitheidh sibh 'nar deisciobuil dhomhsa.

9 Mar a ghràdhaich an t-Athair mise, mar sin ghràdhaich mise sibhse : fanaibh ann am ghràdhsa.

10 Ma choimhideas sibh m'aitheanta, fanaidh sibh ann am ghràdh :

mar a choimhid mise àitheanta m' Athar, agus a tha mi a' fantuinn 'na ghràdh.

11 Na nithe so labhair mi ribh, chum's gu fanadh mo għairdeachas annaibh, agus gu'm biodh bhur gairdeachas-sa làn.

12 Is i so m'aithmese, gu'n gràdh-aich sibhse a chéile, mar a għrādhaidh mise sibhse.

13 Gràdh a's mò na so cha 'n'eil aig neach air bith, gu'n leigeadu duine anam sios air son a chairde.

14 Is sibhse mo chaidse, ma ni sibh għalli ni a ta mi 'g aithneadu dħuibh.

15 A so suas cha għoir mi seirbhiech dħibb; oir cha'n aithne do'n t-seirbhiseach ciod a ta a Thighearn a' deanamh: ach għoir mi cairde dħibb; oir na h-uile nithe a chuala mi o m'Athair, thug mi flos duibhse orra.

16 Cha sibhse a thagh mise, ach is mise a thagh sibhse, agus dh'ordu ieħed^m mi sibh, chum gu'n rachadh sibh, agus gu'n d'tħugadħ sibh a mach toradħ, agus gu' maireadħ bhur toradħ: chum's ge b'e ni a dh'iarras sibh air an Athair ann am ainnse, gu'n tabħair e dħuibh e.

17 Tha mi 'g aithneadhi nan nithe so dħuibh, chum's gu'n gràdh-aich sibh a chéile.

18 Ma ta' n-saogħal gar fuathach-adh, tha fħios agħiġib gu'n d'fhuath-aich e mise roimħib.

19 Nam b'ann do n-t-saogħal sibh, għrādhaicheadh an saogħal a chuid fejn: ach do bħrigh nach ann do n-t-saogħal sibh, ach gu'n do thagh mise sibh as an t-saogħal, uime sin tha fuath aig an t-saogħal duibh.

20 Cuimhnichibb am focal a thubh-airt mi ribh, Cha 'n'eil an seirbhiseach ni's mò na a Thighearn. Ma rinn iad geur-leanm luuinn ormsa, ni iad geur-leanm luuinn oirbhse mar an ceudna: ma choimhid iad m'fħocal-sa, coimħididh iad bhur fċalsa mar an ceudna.

21 Ach na nithe so uile ni iad oirbh air son m'ainmese, do bħrigh nach aithne dħoibħ esan a chuir weith mi.

22 Mur bithinnse air teachd, agus air labhairet riu, cha bhiodh peacadħ aca: ach a nis cha 'n'eil leħiġseul am peacadħ aca.

23 An ti aig am bheil fuath dhomħsa, tha fuath aige do m'Athair mar an ceudna.

24 Mur bithinnse air deanamh nan oibre 'nam measg nach d'rinn aon neach eile, cha bħiodħi peacadħ aca: ach a nis chunnaic siad iad, agus dh'fhuathaich iad araon mise agus m'Athair.

25 Ach rinneadħ so chum gu'n coimħlioniadħ am focal a ta scriobha 'nan lagħ fén, Dh'fhuathaich iad mi gun aobħar.

26 Ach an uair a thig an Comfhurtair, a chuireas mise d'ar ionnsu idh o'n Athair, Spiorad na firinn, a tha teachd a mach o'n Athair, ni esan fianuis mu m' thimchiolls.

27 Agus ni sibhse fianuis mar an ceudna, do bħrigh gu bheil sibh maille riuum o thūs.

C A I B. XVI.

1 Tha Criod a' toirt comhfurtachd d' a dheiscioblūiħiħ an aghajid trioblaid le gealladħ an Spioraid naomih, agus aiseirigh agus a dhol suas air nēamħ; 23 a' toirt cintte dħoibħ gu'm bi na h-ùrnūgħe an nithear 'na ainmsan taitneach d'a Athair, &c.

N A nithe so labhair mi ribh, chum nach faigheadħⁿ sibh oilbheum.

2 Cuiridh iad as an t-sionagog sibh: seadħ, thig an uair, ge b'e neach a mħarħbas sibh, gu'n saoil e gu bheil e deanamh seirbhis do Dħia.

3 Agus ni iad na nithe so^o, do bħrigh nach aithne dħoibħ an t-Athair, no mise.

4 Ach dh'innis mi na nithe so dħuibħ, chum 'nuair a thig an t-àm, gu'n cuimħniċċi sibh gu'n d'innis mi dħuibħ iad. Ach cha dubħart mi na nithe so ribħ o thūs, do bħrigh gu'n roħ mi maille ribħ.

5 Ach a nis a ta mi dol chum an ti a chuir naith mi, agus cha 'n'eil a h-aon agħiġbhs' a' feħoraich dħiom, C'ait tha thu dol?

^m shuidħiċċ, shonraich.

ⁿ gabħadħ.

^o na nithe so [dħuibħ.]

6 Ach a chionn gu'n dubhaint mi na nithe so ribh, lion do-bròn bhur eridhe.

7 Gidheadh a ta mi 'g innseadh dhuibh na firinn, Is buannachd dhuibh mise a dh'fhalbh: oir mur falbh mi, cha d'thig an Comhfurtair d'ar ionnsuidhse; ach ma dh'fhalbhais mi, curidh mi esan d'ar ionnsuidh.

8 Agus an uair a thig esan, bheir e dearbh-shoilleireachd do'n t-saoghal mu pheacadh, agus mu fhìreantachd, agus mu bhreitheanas:

9 Mu pheacadh, do bhrigh nach 'eil iad a' creidsinn annamsa;

10 Mu fhìreantachd, do bhrigh gu bheil mi dol a dh'ionnsuidh m'Athar, agus nach faic sibh ni's mó mi;

11 Mu bhreitheanas, a chionn gu bheil uachdar an t-saoghail so air a dhìteadh.

12 Tha mòran nithe agam fathast ri ràdh ribh, ach cha'n urradh sibh an giùlan an tràthsa.

13 Ach an uair a thig esan, Spiorad na firinn, treòraichidh e sibh chum gach uile fhìrinn: oir cha labhair e uaith féin; ach labhraidh e na h-uile nithe a chluimeas e: agus foillsichidh e dhuibhse nithe a ta ri teachd.

14 Bheir esan glòir dhomhsa: oir gheibh e do m' chuidse, agus nochdaidh e dhuibhse e.

15 Na h-uile nithe a ta aig an Athair, is leamsa iad: air an aobhar so thubhairt mi, gu'm faigh e do m' chuidse, agus nochdaidh e dhuibhse e.

16 Tamull beag agus cha'n fhaic sibh mi; agus a ris, tamull beag agus chi sibh mi, do bhrigh gu bheil mi dol chum an Athair.

17 An sin thubhairt cui'd d'a dheisciobhluibh eatorra féin, Ciod e so a deir e ruinn, Tamull beag agus cha'n fhaic sibh mi: agus a ris, tamull beag agus chi sibh mi: agus, Do bhrigh gu bheil mi dol chum an Athair?

18 Air an aobhar sin thubhairt iad, Ciod e so a deir e, Tamull beag? Cha'n eil sinne a' tuigsinn ciod a deir e.

19 A nis dh'aithnich Iosa gu'n robh toil aca fheòraich dheth, agus thubhairt e riu, Am bheil sibh a' feòraich 'nar measg féin mar a thubhairt mi, Tamull beag agus cha'n fhaic sibh mi: agus a ris, tamull beag agus chi sibh mi?

20 Gu deimhin deimhin a deirim ribh, gu'n dean sibhse gul agus caoidh, achi ni'n saoghal gairdeachas: agus bithidh sibhse do-brònach, ach pillear bhur bròn gu gairdeachas.

21 'Nuair a bhios bean ri saothair-chloinne, bithidh i fa dhòigheas, chionn gu bheil a h-uair air teachd: achi an uair a bheireas i'n leanabh, cha chuimhnich i a h-àmhgar ni's mó, tre aoibhneas gu'n d'rughadh duine chum an t-saoghail.

22 Agus a ta nis uime sin doilgheas oirbhse: achi chi mise a ris sibh, agus ni bhur eridhe gairdeachas, agus bhur gairdeachas cha bhuin neach air bith uaibh.

23 Agus air an là sin cha'n fheòraich sibh ni air bith dhiomsa^p: Gu deimhin deimhin a deirim ribh, Ge b'e nithe dh'iarras sibh air an Athair ann am ainmse, gu'n tabhair e dhuibh iad.

24 Gus a so cha d'iarr sibh ni air bith a'm' ainmse: iarraibh, agus gheibh sibh, chum as gu'm bi bhur n-aoibhneas làn^r.

25 Na nithe so labhair mi rìbh am briathraig dorcha^s: achi thig an uair anns nach labhair mi ni's mó rìbh am briathraig dorcha, achi iunsidh mi gu soilleir mu'n Athair dhuibh.

26 Ann an là sin iarraidh sibh a'm' ainmse: agus cha'n eil mi 'g ràdh ribh, gu'n guidh mi an t-Athair air bhur son:

27 Oir is toigh leis an Athair féin sibh, air son gu'n d'thug sibh gràdh dhomhsa, agus gu'n do chreid sibh gur ann o Dhia a thainig mi.

28 Thainig mi mach o'n Athair, agus tha mi air teachd chum an t-saoghail: a ris, tha mi fàgail an t-saoghail, agus a' dol chum an Athair.

29 A deir a dheisciobuil ris, Feuch, a nis tha thu labhairt gu soilleir, agus

cha 'n'eil thu labhairt cosamhlachd air bith, ^{is} agus choimhid iad t'focal.

30 A nis tha fhios againn gur aithe-
ne dhuit na h-uile nithe, agus nach
feum thu duine air bith a dh'fheòr-
aich dhiot : air a shon so tha sinn a'
creidsinn gur ann o Dhia a thainig
thu.

31 Fhreagair Iosa iad, Am bheil
sibh a nis a' creidsinn ?

32 Feuch, thig an t-àm^t, seadh,
tha e cheana air teachd, anns an sgap-
ar o chéile sibh, gach aon g'a ionad
féin, agus am fàg sibh mise a'm' aon-
ar : gidheadh cha 'n'eil mise a'm'
aonar, oir tha an t-Athair maille
rium.

33 Na nithe so labhair mi ribh,
chum gu'm biodh sìth agaibh annam-
sa. Ann an t-saoghal bitidh àmh-
ghar agaibh : ach biodh deadh mhis-
neach agaibh, thug mise buaidh air
an t-saoghal.

C A I B. XVII.

1 Tha Criod a' deanamh ùrnuiigh r'a
Athair esan a ghlorachadh, 6 gu'n
coimhlideadh e abstoil, 11 ann an
aonachd, 17 agus anns an fhìr-
inn ; &c.

I ABHAIR Iosa na briathra so ;
agus thog e suas a shùilean gu
nèamh, agus thubhairt e, Athair,
thainig an uair ; glòraich do Mhac,
chum's gu'n glòraich do Mhac thusa
mar an ceudna ;

2 Chum mar a thug thu cumhachd
dha air gach feoil, na h-uile a thug
thu dha, gu'n d'thugadh esan dhoibh
a' bleatha mhaireannach.

3 Agus is i so a' bheatha mhair-
eannach, eòlas a bhi aca orts a an t-aon
Dia fior, agus air Iosa Criod a chuir
thu uait.

4 Ghlòraich mise thusa air talamh :
chrìochnaich mi 'n obair a thug thu
dhomh r'a dheanamh.

5 Agus a nis, Athair, glòraich
thusa mise maille riut féin^u, leis a'
ghlòir a bha agam maille riut mun
roibh an saoghal ann.

6 Dh'fhoillsich mise t'ainm do na
daoinibh a thug thu dhomh as an
t-saoghal : bu leatsa iad, agus thug

thu dhomhsa iad ; agus choimhid iad
t'focal.

7 A nis thuig iad gur ann uait a
tha na h-uile nithe, a thug thu dhomh-
sa.

8 Oir thug mi dhoibh na briath-
ran a thug thusa dhomh ; agus ghabh
siad iad, agus thuig iad gu fìrinneach
gur ann uaitse thainig mi, agus chreid
iad gu'n do chuir thu uait mi.

9 Air an sonsan tha mi guidh-
eadh : cha 'n'eil mi guidheadh air
son an t-saoghal, ach air son na
muinntir sìnn a thug thu dhomh, oir
is leatsa iad.

10 Agus is leatsa na h-uile nithe
a's leamsa, agus is leamsa na nithe
a's leatsa, agus a ta mi air mo ghlor-
achadh anna.

11 Agus a nis cha 'n'eil mise ni's
mò anns an t-saoghal, ach a ta iadsan
san t-saoghal, agus a ta mise a' teachd
a't'ionnsuidhsa. Athair naomha,
ceimhid iadsan tre t'ainm^a, a thug
thu dhomhsa, chum's gu'm bi iad
'nan aon, mar a ta sinne.

12 Am feadh 's a bha mise maille
riù anns an t-saoghal, cheimhid mi
iad tre t'ainmsa : ghleidh mi a'
mhuinntir a thug thu dhomh, agus
cha do chailleadh a h-aon diubh, ach
mac an sgrios ; chum gu biodh an
scoirtuir air a choimhlionadh.

13 Agus a nis tha mi teachd
a'd'ionnsuidhsa, agus tha mi labhairt
nan nithe so anns an t-saoghal, chum
gu'm biodh mo ghaerdeachas aca air
a choimhlionadh anna.

14 Thug mi t'focal dhoibh ; agus
thug an saoghal fuath dhoibh, air son
nach ann do'n t-saoghal iad, mar
nach 'eil mise do'n t-saoghal.

15 Cha 'n'eil mi guidheadh gu'n
d'thugadh tu as an t-saoghal iad, ach
gu'n coimhlideadh tu o'n olc iad.

16 Cha 'n'eil iadsan do'n t-saoghal,
mar nach 'eil mise do'n t-saoghal.

17 Naomhaich iad tre'n fhìrinneb :
is e t'fhocalsa an fhìrinne.

18 Mar a chuir thusa mise chum
an t-saoghal, mar sin chuir mise iad-
san chum an t-saoghal.

19 Agus air an sonsan tha mise
gam' naomhachadh féin, chum's gu'm

^t an uair. ^u a't' fhianuis. ^a ann ad a'inn. ^b tre t'fhìrinne.

bi iadsan mar an ceudna air an naomh-achadh tre'n fhìrinn.

20 Agus cha 'n-eil mi guidheadh air an sonsan a mhàin, ach mar an ceudna air son na muinntir sin a chreideas annamsa tre am focalsan :

21 Chum's gu'm bi iad uile 'nan aon; chum mar a ta thusa, Athair, annamsa, agus mise annadsa, gu'm bi iadsan mar an ceudna 'nan aon annainne; chum's gu'n creid an saoghal gu'n do chuir thusa uait mi.

22 Agus thug mise dhoibhsan a' ghlòir a thug thusa dhomhsa, chum's gu'm bi iad 'nan aon, mar a ta sinne 'nar aon;

23 Mise anntasan, agus thusa annamsa, chum's gu'n deanar coimhlionta iad ann an aon, agus a chum gu'm bi fios aig an t-saoghal gu'n do chuir thusa uait mi, agus gu'n do ghràdh-aich thu iadsan, mar a ghràdhaich thu mise.

24 Athair, is àill leafn an dream a thug thu dhomh, gu'm bi iad maille rium, far am bheil mi; chum's gu faic iad mo ghlòir a thug thu dhomh: oir ghràdhaich thusa mi mun do leagadh bunaite an domhain.

25 Athair chothromach, cha b'aithne do'n t-saoghal thusa; ach b'aithne dhomhsa thu, agus thuig iad so gu'n do chuir thusa uait mi.

26 Agus dh'fhoillsiech mise t'ainm dhoibh, agus foillsichidh mi e, chum's gu'm bi an gràdh leis an do ghràdh-aich thu mise, anntasan, agus mise annta.

C A I B. XVIII.

1 Tha Iudas a' brath Iosa. 6 Tha na maoir a' tuiteam air an talamh. 10 Tha Peadar a' gearradh cluais Mhalchuis dheth. 12 Tha Iosa air a għlacad, agus air a thoirt gu Annas agus Caiaphas. 15 Ach-eadh Pheadair; &c.

NUAIR a labhair Iosa na briathra so, chaidh e maille r'a dheisciobluibh thairis air sruth Chedroin, far an robh lios, anns an deachaidh e fein agus a dheisciobuil.

2 Agus b'aithne do Iudas, a bhrath esan, an t-àit: oir thainig Iosa gu

tric an sin maille r'a dheisciobluibh.

5 An sin air do Iudas buidheann agus maoir fhaotainn o na h-àrd shagairt agus na Phairisich, thainig e do'n àit sin le leusaibh, agus lòchranaibh, agus armaibh.

4 Uime sin air do Iosa fios a bhi aige air na h-uile nitibbh a bha gu teachd air, chaidh e mach, agus thubhairt e riu, Cò tha sibh ag iarraidh?

5 Fhreagair iadsan e, Iosa o Nasaret. A deir Iosa riu, Is mise e. Agus sheas mar an ceudna Iudas, a blath esan, maille riu.

6 An sin co luath 's a thubhairt e riu, Is mise e, chaidh iad air an ais, agus thuit iad air an lär.

7 An sin dh'fheòraich e dhiubh a ris, Cò tha sibh ag iarraidh? Thubhairt iadsan, Iosa o Nasaret.

8 Fhreagair Iosa, Thubhairt mi ribh gur mise e. Uime sin ma's mise tha sibh ag iarraidh, leigibh leo sin falbh:

9 Chum gu'n coimhliontadh am focal a labhair e, An dream a thug thu dhomh, cha do chaill mi aon diuh.

10 An sin air do Shimon Peadar claidheamh a bhi aige, tharruing se e, agus bhuaile òglach an àrd shagairt, agus ghearr e a' chluas dheas deth. Agus b'e ainm an òglaich Malchus.

11 An sin thubhairt Iosa ri Peadar, Cuir do chlaidheamh san truaill: an cupan a thug m'Athair dhomhsa, nach òl mi e?

12 An sin rug a' bhuidheann, agus an ceannard, agus maoir nan Iudach air Iosa, agus cheāngail iad e.

13 Agus thug iad leo e air tús gu Annas (oir b'esan athair-céile Chaiphais, a bha 'na àrd shagart air a' bhliadhna sin.)

14 A nis b'e Caiaphas a thug comhairle do na h-Iudhachaibh, gu'm b'iomchuidh gu'm faigh-eadh aon duine bàs air son an t-sluaign.

15 Agus lean Simon Peadar agus deisciobul eile Iosa. B'aithne do'n àrd shagart an deisciobul sin, agus

chaidh e steach maille ri h-Iosa do chuirt an àrd shagairt.

16 Ach sheas Peadar aig an dorus an leth muigh. Uime sin chaidh an deisciobul sin eile a b'ainthe do'n àrd shagart a mach, agus labhair e ris a' bhan-dorsair, agus thug e Peadar a steach.

17 An sin thubhairt a' bhan-oglach a bha gleidheadh an doruis ri Peadar, Nach ann do dheisciobluibh an duine so thusa mar an ceudna? thubhairt esan, Cha'n ann.

18 Agus bha na seirbhisich agus na maoir 'nan seasamh, air dhoibh teine guail a chur suas, oir bha'm fuachd ann, agus bha iad 'gan garadh féin: agus bha Peadar 'na sheasamh maille riu, agus 'ga gharadh féin.

19 An sin dh'fhiosraich an t-àrd shagart do Iosa mu thimchioll a theagaig.

20 Fhreagair Iosa e, Labhair mise os àird ris an t-saoghal; theagaig mi a ghnàth anns an t-sionagog, agus anns an teampull, far am bheil na h-Iudhaich a' cruinneachadh as gach àit, agus am folach cha do labhair mi ni air bith.

21 C'ar son a ta thu fiosrachadh dhiomsa? Fiosraich dhiubhsan a chuala, ciod a thubhairt mi riu: feuch, a ta fhos acasan ciod a thubhairt mi.

22 Agus an uair a thubhairt e na nithe so, bhuaile aon do na maoraibh, a bha 'na sheasamh a làthair, a bhas air Iosa, ag ràdh, An ann mar so a fhreagras tu an t-àrd shagart?

23 Fhreagair Iosa e, Ma labhair mi gu h-olc, dean fianuis air an olc; ach ma's ann gu maith, c'ar son a ta thu ga m' bhualadh?

24 (A nis chuir Anna e ceangailte gu Caiaphas an t-àrd shagart.)

25 Agus bha Simon Peadar 'na sheasamh agus 'ga gharadh: Uime sin thubhairt iad ris, Nach aon d'a dheisciobluibh thusa mar an ceudna? Dh'aicheadh esan, agus thubhairt e, Cha mhi.

26 Thubhairt aon do sheirbhisich an àrd shagairt, (caraid do'n fhear do'n ghearr Peadar a chluas,) Nach faca mise thu san lios maille ris?

27 An sin dh'aicheadh Peadar a ris, agus air ball ghoir an coileach.

28 An sin thug iad Iosa o Chaiaphas gu àit a' bhreitheanais: agus b'i mhaduinn a bh'ann, agus cha deachaidh iad féin dó àit a' bhreitheanais, chum's nach biodh iad air an salachadh; ach gu'n itheadh iad a' chàissg.

29 An sin chaidh Pilat a mach d'an ionnsuidhsan, agus thubhairt e, Ciad a' chasad a tha sibh a' toirt an aghaidh an duine so?

30 Fhreagair iadsan agus thubhairt iad ris, Mur b'fhear droch-bheit e, cha d'thugamaid thairis dbuitse e.

31 An sin thubhairt Pilat riu, Gabhaibhse e, agus thugaibh breth air a réir bhur lagha féin. An sin thubhairt na h-Iudhaich ris, Cha'n eil e ceuduichte dhuinne neach air bith a chur gu bàs:

32 Chum gu'm biodh focal Iosa air a choimhlionadh, a labhair e, a' ciallachadh ciod a ghèò bàis a bha e gu fhaotainn.

33 An sin chaidh Pilat a steach a ris do àit a' bhreitheanais, agus ghairm e Iosa, agus thubhairt e ris, An tusa Righ nan Iudhach?

34 Fhreagair Iosa e, Am bheil thu 'g ràdh so uait féin, no an d'innis daoin' eile dhuit e a m' thimchiolla?

35 Fhreagair Pilat, An Iudhach mise? Thug do chinneach féin, agus na h-àrd, shagart thairis dhomhsa thu: ciod a rinn thu?

36 Fhreagair Iosa, Cha'n ann do'n t-saoghals a tha mo rioghachdsa: nam b'ann do'n t-saoghals a bhiodh mo rioghachd, dheanadh mo sheirbhisich cogadh, chum nach d'thugta thairis do na h-Iudhachaibh mi: ach a nis cha'n ann o so a ta mo rioghachd.

37 Air an aobhar sin thubhairt Pilat ris, An righ thu ma seadh? Fhreagair Iosa, A deir thusa gur righ mi. 'S ann chum na crìche so a rugadh mi, agus chum na crìche so thainig mi do'n t-saoghal, chum's gu'n deanainn fianuis do'n Thírinn. Gach neach a ta air taobh na firinn, éisidh e ri m' ghuthsa.

38 Thubhairt Pilat ris, Ciad i an fhírinn? Agus air dha so a ràdh,

chaidh e mach a rìs chum nan Iudhach, agus a deir e riu, Cha'n eil mise a' faotainn coire air bith ann.

39 Ach a ta gnàth agaibhse, gu'n leiginn as duine dhuibh air a' chàisg: uime sin an àill libh mi a leigeadh righ nan Iudhach fa sgaoil duibh?

40 An sin għlaodh iadsan uile^d, ag ràdh, Cha'n e an durin so, ach Barabas. A nis b'fhear-reubainn Barabas.

C A I B. XIX.

1 Tha Criod air a sgiùrsadh, air a chrùnadh le droighinn, agus air a bhualadh. 4 Tha Pilat togarrach a leigeadh fa sgaoil, ach air dha bhi air aomadh le gàraich nan Iudhach, thug e thairis e gu bhi air a cheusadh. 23 Tha iad a' tilgeadh chrrann air eudach: 26 Tha e ag earbsadh a mhàthar ri Eoin: 28 A' faghail a' bhàis: &c.

AN sin air an aobhar sin għlac Pilat Iosa, agus sgiùrs se e.

2 Agus dh'fhigh na saighdearan crùn droighinn, agus chuir iad air a cheann e, agus chuir iad falluing phurpuir^e uime,

3 Agus thubhairt iad, Fàilt' ort, a righ nan Iudhach: agus bhuailead iad le'm basaibh e.

4 An sin chaidh Pilat a mach a rìs, agus a deir e riu, Feuch, a ta mise 'ga thoirt a mach d'ar ionnsuidh, chum's gu'm bi flos agaibh nach 'eil mise faotainn coire sam bith ann.

5 An sin thainig Iosa mach, agus an crùn droighinn air, agus an fħalluung phurpuir uime. Agus a deir Pilat riu, Feuch an duine.

6 Uime sin an uair a chunnaic na h-àrd shagairt agus na maoir e, għlaodh iad, ag ràdh, Ceus e, ceus e. A deir Pilat riu, Gabhaibhse e, agus ceusaibh e: oir cha 'n'eil mise a' faotainn coire sam bith ann.

7 Fhreagair na h-Iudhaich e, Tha lagħ againne, agus a réir ar lagħane is còir a chur gu bäs, air son gu'n d'rinn e Mac Dhé dheth fein.

8 Uime sin an uair a chuala Pilat a' chainnt sin, bu mhöid a bha dh'eagħ-ali;

9 Agus chaidh e steach a rìs a dh'ait a' bhreitheanais, agus a deir e ri h-Iosa, Cia as duit? ach cha d'tħug Iosa freagradh air.

10 An sin a deir Pilat ris, Nach labhair thu riūmsa? nach 'eil fħios agad gu bheil cumhachd agamsa do cheusadh, agus gu bheil cumhachd agam do chur fa sgaoil?

11 Fhreagair Iosa, Cha bhiodh cumhachd air bith agad a'm aghaidhse, mur d'tħugta dhuit o'n aird e: air an aobhar sin an ti a thug mise thairis dhuit, tha aige-san am peacadhi a's mó.

12 Agus o sin suas dh'iarr Pilat a chur fa sgaoil: ach għlaodh na h-Iudhaich, ag ràdh, Ma leigeas tu 'm fear so fa sgaoil, cha charaid do Cheasar thu: ge b'e neach a ta 'ga dheanamh fein 'na righ, tha e labh-airt an aghaidh Cheasar.

13 Uime sin an uair a chuala Pilat a' chainnt sin, thug e mach Iosa, agus shuidh e air a' chaithir-bhreitheanais, anns an ionad d'an goirear an Leac-ūrlar, ach anns an Eabħraf, Gabata.

14 Agus b'e là-ulluchaidh na càiġe e, agus mu thimchioll na seathadh uaire: agus a deir e ris na h-Iudhaichaib, Feuch bhur righ.

15 Ach għlaodh iadsan a mach, Beir uainn, beir uainn, ceus e. A deir Pilat riu, An ceus mi bhur rigħse? Fhreagair na h-àrd shagairt, Cha 'n'eil righ againne ach Ceasar.

16 An sin air an aobhar sin thug e thairis dhoibh e, gu bhi air a cheusadh. Agus għlaciad Iosa, agus thug iad leo e.

17 Agus chaidh e mach, a' giulan a chrrann-ceusaidd, do'n ionad d'an goirear àit a' chloġiġġi, d'an ainm san Eabħra, Golgota.

18 An sin cheus iad e, agus dithis eile maille ris, fear air gach taobh, agus Iosa sa' mheadhon.

19 Agus scriobh Pilat mar an ceudna tiodal, agus chuir e air a' chrrann-cheusaiddi e. Agus b'e an scriobħadħ, IOSA O NASARET RIGH NAN IUDHACH.

20 Uime sin leugh mòran do na

^d uile [a rìs.] ^e chorcuir. ^f Eabħrais.

h-Iudhachaibh an tiodal so: oir bba'n t-àit anns an do cheusadh Iosa fagus do'n bhaile: agus bha an scriobhadh an Eabhra, an Greugais, agus an Laidin.

21 An sin thubhairt àrd shagairt nan Iudhach ri Pilat, Na scriobh, Righ nan Iudhach; ach gu'n dubh-airt e féin, Is mi righ nan Iudhach.

22 Fhreagair Pilat, An ni a scriobh mi, scriobh mi e.

23 An sin an uair a cheus na saighdearan Iosa, ghlac iad a thruscan (agus rinn iad ceithir earrannan, earrann do gach saighdear) agus a chòta mar an ceudna: agus bha'n còta gun fhuaigheal, air fhigheadh o bhráigh sios gu h-iomlan.

24 Thubhairt iad uime sin eatorra féin, Na reubamaid e, ach tilgeamaid croinn air, cò aig a bhitheas e: chum gu'n coimhliontadh an scriobtuir, a deir, Roinn iad mo thruscan eatorra, agus thilg iad croinn air mo blàrat. Air an aobhar sin rinn na saighdearan na nithe so.

25 A nis sheas làimh ri crann-ceusaibh Iosa, a mhàthair agus piuthar a mhàthar, Muire bean Chleophais, agus Muire Magdalen.

26 Uime sin an uair a chunnaic Iosa a mhàthair, agus an deisciobul a b'iontmhuinn leis 'na sheasamh a làthair, thubhairt e r'a mhàthair, A bhean, feuch do mhac.

27 An sin a deir e ris an deisciobul, Feuch do mhàthair. Agus o'n àm sin a mach thug an deisciobul sin leis i d'a thigh féin.

28 An déigh so air do Iosa fios a bhi aige gu'n robh na h-uile nithe a nis air an criochnachadh, chum gu'n coimhliontadh an scriobtuir, a deir e, Tha tart orm.

29 A nis bha an sin soitheach làn do fhion geur: agus air dhoibhsan spong a fionadh do'n fhion gheur, agus a chur air hisop, shin iad chum a bheoil e.

30 An sin an uair a ghabh Iosa am fion geur, thubhairt e, Tha e criochnaichte: agus air cromadh a chinn da, thug e suas a spiorad.

31 An sin chum nach fanadh an cuirp air a' chrann-cheusaibh air an t-sàbaid, a chionn gu'm b'e là an ulluchaibh a bha ann (oir bu latha mòr an latha sàbaid sin) dh'iarr na h-Iudhach air Pilat gu'n rachadh an luirgne a bhriseadh, agus gu'n d'thugtadh air falbh iad.

32 An sin thainig na saighdearan, agus bhris iad luirgne a' cheud fir, agus luirgne an fir eile, a cheusadh maille ris.

33 Ach air dhoibh teachd chum Iosa, an uair a chunnaic iad gu'n robh e cheana marbh, cha do bhris iad a luirnesan.

34 Ach lot fear do na saighdearaibh a thaobh le sleagh, agus air ball thainig a mach fuil agus uisge.

35 Agus thug an ti a chunnaic sin fianuis, agus a ta fhianuis firinneach: agus a ta fhiros aige gu bheil e labhairt na firinn, chum gu'n creideadh sibhse.

36 Oir rinneadh na nithe so chum gu'n coimhliontadh an scriobtuir, Cha bhrisear cnàimh dheth.

37 Agus a ris a deir scriobtuir eile, Amhaicidh iad airson a lot iad.

38 'Na dhéigh so, dh'iarr Joseph o Arimatea (a bha 'na dheisciobul aig Iosa, ach am folach air eagal nan Iudhach) air Pilat comas corp Iosa a thoirt leis: agus leig Pilat sin leis: Thainig e air an aobhar sin, agus thug e leis corp Iosa.

39 Thainig mar an ceudna Nicodemus (a thainig air tùs gu Iosa san oidhche) agus thug e leis mu thimchioll ceud pund do mhírr agus do aloes air am measgadh feadh a chéile.

40 An sin ghabh iad corp Iosa, agus cheangailh iad e ann an lion-eudaichibh, maille ris an spòsraidh i, mar is gnàth leis na h-Iudhachaibh adhlac a dheanamh.

41 A nis bha lios anns an àit an do cheusadh e; agus anns an lios uaigh nuadh, anns nach do chuireadh aon duine riamh.

42 Air an aobhar sin air son ulluchaibh càisge nan Iudhach, do bhrigh gu'n robh an uaigh am fagus, chuir iad Iosa an sin.

^g shàth iad trid.

^h pha'isg.

i maille ris na luibhibh cùbhraidh.

¹ spòsraidh chur air corp; embalm. Sasg.

C A I B. XX.

I Tha Muire teachd a chum na h-uaighe; 3 agus Peadar agus Eoin, agus iad gun fhiös aca air aiseirigh-san. 11 Dh'fhoillsicheadh Criod do Mhuire Magdalen, 19 agus d'a dheisciobluibh. 24 Michreidimh agus aidmheil Thomais, &c.

A IR a' cheud là do'n t-seachduin thainig Muire Magdalen gu moch, agus an dorchadas fathast ann, chum na h-uaighe, agus chunnaic i a' chlach air a togail o'n uaigh.

2 Ruith i an sin, agus thainig i gu Simon Peadar, agus gus an deisciobul eile a b'ionmhuiinn le h-Iosa, agus a deir i riu, Thug iad leo an Tighearn as an uaigh, agus cha 'n-eil fhiös againn c'ait an do chuir iad e.

3 Uime sin chaidh Peadar a mach, agus an deisciobul sin eile, agus thainig iad chum na h-uaighe.

4 Agus ruith iad 'nan dithis maraon: agus ruith an deisciobul eile ni bu luaithe na Peadar, agus thainig e air tùs chum na h-uaighe.

5 Agus air cromadh sìos da, chunnaic e 'n lion-eudach 'na luidhe; gidheadh cha deachaidh e steach.

6 An sin thainig Simon Peadar 'ga leantuinn, agus chaidh e steach do'n uaigh^m, agus chunnaic e 'n lion-eudach 'na luidhe;

7 Agus an neapaicin a bha m'a cheann, cha'n ann 'na luidhe maille ris an lion-eudach, ach air leth air fhilleadh ann an aon ait.

8 An sin chaidh a steach mar an ceudna an deisciobul sin eile a thainig air tùs chum na h-uaighe, agus chunnaic, agus chreid e.

9 Oir cha do thuig iad fathast an scriobtuir, gu'm b'éigin gu'n éireadh esan a ris o na marbháibh.

10 An sin dh'imich na deisciobuil a ris chum an cuideachd fein.

11 Ach sheas Muire aig an uaigh a muigh, a' gul: agus ag gul dith, chrom i sìos, ag amharc a steach do'n uaigh,

12 Agus chunnaic i dà aingeal ann an culaidh^b geala, 'nan suidhe, fear aig a' cheann, agus fear aig na

cosaibh, san aít an robh corp Iosa 'na luidhe;

13 Agus a deir iadsan rithe, A bhean, c'ar son a ta thu gul? A deir i riu, Air son gu'n d'thug iad mo Thighearn leo, agus nach 'eil fhiös agam c'ait an do chuir iad e.

14 Agus an uair a thubhairt i so, phill i air a h-ais, agus chunnaic i Iosa 'na sheasamh, agus cha d'aithnich i gu'm b'e Iosa bha ann.

15 A deir Iosa rithe, A bhean, c'ar son a ta thu gul? cò ta thu 'g iarraidh? air saoilsinn d'ise gu'm b'e an gàradair a bl'ann, a deir i ris, A thighearn, ma thug thusa leat e, innis dhomhsa c'ait an do chuir thu e, agus bheir mise lean e.

16 A deir Iosa rithe, A Mhuire. Air tionndadh dh'ise, thubhairt i ris, Rabboni, 'se sin r'a ràdh, A Mhaighstir.

17 A deir Iosa rithe, Na bean rium: oir cha deachaidh mi fathast suas chum m'Athar: ach imich chum mo bhràithre, agus abair riu, Tha mise dol suas chum m'Athar fein agus bhur n-Atharsa, agus chum mo Dé fein agus bhur Dé-se.

18 Thainig Muire Magdalen agus dh'innis i do na deisciobluibh, gu'm fac i 'n Tighearn, agus gu'n dubhairt e na nithe so rithe.

19 Agus air teachd do'n fheasgar an là sin fein, air a' cheud là do'n t-seachduin, agus na dorsa dùinte far an robh na deisciobuil cruinn air eagal nan Iudhach, thainig Iosa agus sheas e sa' mheadhon, agus a deir e riù, Sìth dhuibh.

20 Agus air dha so a ràdh, nochd e dhoibh a làmhan agus a thaobh. Air sin bha aoibhneas air na deisciobluibh an uair a chunnaic iad an Tighearn.

21 An sin Thubhairt Iosa' riu a ris, Sìth dhuibh: mar a chuir an t-Athair uaith mise, mar sin a ta mise 'gar cursa uam.

22 Agus air dha so a ràdh, shéid e orra, agus a deir e riu, Gabhaibhse an Spiorad naomh.

23 Cò air bith iad d'am maith sibh am peacaidh, tha iad maithte dhoilh; agus cò air bith iad d'an cum sibh am

peacaidh gun am maitheamh, tha iad air an cumail.

24 Ach cha robh Tomas, aon do'n dà fhear dheug, d'an goirear Didimus, maille riu 'nuair a thainig Iosa.

25 Uime sin thubhairt na deisciobuil eile ris, Chunnaic sinne an Tighearn. Ach thubhairt esan riu, Mur faic mise aileadh' nan tairngean 'na làmhaibh, agus mur cuir mi mo mheur ann an aileadh nan tairngean, agus mur cuir mi mo làmh 'na thaobh, cha chreid mi.

26 Agus an ceann ochd làithean 'na dhéigh sin, bha a dheisciobuil a' ris a stigh, agus Tomas maille riu : thainig Iosa, agus na dorsa dùinte, agus sheas e sa' mheadhon, agus thubhairt e, Sìth dhuibh.

27 'Na dhéigh sin a deir e ri Tomas, Cuir an so do mheur, agus feuch mo làmhan ; agus sìn an so do làmh, agus cuir a'm' thaobh i : agus na bi mil-chreideach, ach creideach.

28 Agus fhreagair Tomas, agus thubhairt e ris, Mo Thighearn agus mo Dhia.

29 A deir Iosa ris, Air sòn gu faca tu mi, a Thomais, chreid thu : is beannuichte iadsan nach faca, agus a chreid.

30 Agus rinn Iosa gu fìrinneach mòran do mhìorbluisibh eile am fianuis a dheisciobuil, nach 'eil scriobhta san leabhar so.

31 Ach tha iad so scriobhita chum gu'n creideadh sibh gur e Iosa an Criod Mac Dhé, agus ag creidsinn daibh, gu'in biadh agaibh beatha trìd aimsean.

C A I B . XXI.

1 Tha Criod 'ga fhoillseachadh féin a' ris d'a dheisciobluibh, agus air aithneachadh leo leis an tarruинг mhòr éisg : 12 Tha e gabhail a dhìnneir maille riu ; 15 a' toirt sparraidh do Pheadar uain agus a chaoraich a bhìadhadh ; 18 a' roimh-innseadh a bhàis dha, 22 'ga chronachadh air son a thograigdh air fios fhaotainn mu bhàs Eoin.

25 Comh-dhùinadh an leabhair.

A N déigh nan nithe sin dh'fhoillsich Iosa e féin a ris d'a dheis-

ciobluibh aig muir Thiberias ; agus air an dòigh so nochd se e féin ;

2 Bha maille r'a chéile Simon Peadar, agus Tomas d'an goirear Didimus, agus Natanael o Chana Ghalile, agus mic Shebede, agus dithis eile d'a dheisciobluibh.

5 A deir Simon Peadar riu, Tha mi dol a dh'iastach. A deir iadsan ris, Tha sinne a' dol maille riut. Dh'imich iad a mach, agus chaidh iad a steach do luing air ball ; agus cha do ghlac iad ni air bith an oideche sin.

4 Ach an uair a bha a' mhadtuinn a nis air teachd, sheas Iosa air an tràigh^o : gidheadh cha robh fhios aig na deisciobluibh gu'm b'e Iosa bha ann.

5 An sin a deir Iosa riu, A chlann, am bheil biadh air bith agaibh ? Fhreagair iadsan e, Cha 'n'eil.

6 Agus thubhairt esan riu, Tilgibh an lòn air an taobh deas do'n luing, agus gheibh sibh. Thilg iad uime sin, agus a nis cha b'urrainn iad a tharruинг air son lòn-mhoireachd an éisg.

7 Uime sin a deir an deisciobul sin a b'ionmhuinn le Iosa, ri Peadar, 'Se 'n Tighearn a ta ann. A nis an uair a chuala Simon Peadar gur e 'n Tighearn a bh'ann, cheangail e a chòt-uachdair uime, (oir bha e lomnochd) agus thilg se e féin sa' mhuiir.

8 Thainig na deisciobul eile ann an luing bhig (oir cha robh iad fada o thìr, ach mu thinchioll dà cheud lamh-choille^P) a' tarruинг an lìn éisg.

9 Uime sin an uair a thainig iad air tir, chunnaic iad griosach an sin, agus iasg air a chur oirre, agus aran.

10 A deir Iosa riu, Thugaibh an so do'n iasg a ghlac sibh a nis.

11 Chaidh Simon Peadar suas, agus tharruинг e 'n lòn gu tir, làn do iasgaibh mòra, ceud agus leth-cheud agus tri : agus ge do bha 'n uiread sin ann, cha do bhriseadh an lòn.

12 A deir Iosa riu, Thilgibh, gabhaibh bhur dìnnear. Agus cha robh a chridh'r aig a h-aon do na deisciobluibh fheòraich dheth, Cò

thusa? oir dh'aithnich iad gur e'n Tighearn a bha ann.

15 An sin thainig Iosa, agus ghlac e aran, agus thug e dhoibh e, agus iasg mar an ceudna.

14 'Si so a nis an treas uair a nochd Iosa e fein d'a dheisciobluibh, an deigh dha eirigh o na marbhaibh.

15 An sin an deigh dhoibh an dinn-eir a ghabhail, a deir Iosa ri Simon Peadar, A Shimoin *mhic* Ionais, an bheil barrachd gràidh agad dhomhsa orra sin? A deir e ris, Tha, a Thighearn; tha fios agad gur toigh leam thu. A deir esan ris, Beathaich muain.

16 A deir e ris a ris an dara uair, A Shimoin *mhic* Ionais, an toigh leat mise? A deir e ris, Seadh, a Thighearn; tha fios agad gur toigh leam thu. A deir e ris, Beathaich mo chaoraichs.

17 A deir e ris an treas uair, A Shimoin *mhic* Ionais, an toigh leat mise? Bha Peadar doilich a chionn gu'n dubhaint e ris an treas uair, An toigh leat mise? Agus thubhairt e ris, A Thighearn, is aithne dhiut na h-uile nithe; tha fhiros agad gur toigh leam thu. A deir Iosa ris, Beathaich mo chaoraich.

18 Gu deimhin deimhin a deirim riut, an uair a bha thu òg, chriosraich thu thu fein, agus dh'imeich thu'n taobh bu mhiann leat: ach an uair a bhios tu aosmhor, sìnidh tu mach

do làmhan, agus criosaichidh neach eile thu, agus bheir e thu 'n taoth nach àill leat.

19 So thubhairt e, a' ciallachadh ciod a' ghnè bàis leis an d'thugadh e glòir do Dhia. Agus air dha so a rádh, a deir e ris, Lean mise.

20 An sin air do Pheadar tionndadh, chunnaic e an deisciobul a b'iomhuiunn le Iosa, a' leantuinn; an ti mar an ceudna a luidh air uchd Iosa air a shuipeir, agus a thubhairt ris, A Thighearn, cò e a blrathas thu?

21 Air do Pheadar esan fhaicinn, thubhairt e ri h-Iosa, A Thighearn, ciod a ni'm fear so?

22 A deir Iosa ris, Ma's aill leamsa e dh'fhanntuinn gus an d'thig mi, ciod e sin duitse? Leansa mise.

23 Uime sin chaidh an rádh so mach am measg nam bràithre, nach faigheadh an deisciobul sin bàs: gidheadh cha dubhaint Iosa ris, nach faigheadh e bàs: ach, Ma's i mo thoilse e dh'fhanntuinn gus an d'thig mi, ciod e sin duitse?

24 'Se so an deisciobul a ta deanamh fianuis air na nithibh so, agus a' scriobh na nithe so: agus a ta fhiros againne gu bheil fhanuis fior.

25 Agus a ta mar an ceudna mòran do nithibh eile a rinn Iosa, agus nam biodh iad uile scriobhta, 's i mo bharail nach cumadh an saoghal fein na rachadh a scriobhadh do leabhruibh. Amen.

GNIOMHARA NAN ABSTOL.

C A I B. I.

1 Dol suas Iosa gu nèamh, 10 An deigh a dhol suas tha dà aingeal a' toirt rabhaidh do na h-abstolaibh iad a dh'imeachd rompa, agus a shocrachadh an intinn air ath-theachd-san: 12 a réir sin tha iad a' pill-tinn, agus a' deanamh ùrnuaigh, agus

a' taghadh Mhatias 'na Abstol an àit Iudas.

R INN mi an ceud leabhar, a Theophiluis, mu thimchioll nan uile nithe a thionnsgaint Iosa a deanamh agus a theagast,

2 Gus an là an do theogadh suas e, an deigh dha, trid an Spioraid Naoimh,

áitheantan a thabhairt do na h-abstolaibh a thagh e :

5 D'an d'rinn e mar an ceudnia e féin a nochdadh beo an déigh fhulangais, le mòran do chomharaibh firinneach, air dha bhi air fhaicinn leo feadh dhà fhichead latha, agus e labhairt mu na nithibh sin a bhuiineadh do rioghachd Dhé :

4 Agus air dha bhi maille riu, dh'àithn e dhoibh gun iad a dhol o Hierusalem, ach feitheamh ri gealladh an Athar, *ars' esan*, a chuala sibh uamsa.

5 Oir bhaist Eoin gu deimhin le uisce : ach baistear sibhse leis an Spiorad naomh, air bheag do làithibh an déigh so.

6 Úime sin air cruinneachadh dhoibh an ceann a cheile, dh'fheòrach iad deth, ag ràdh, A Thighearn, an aisig thu san àm so an rioghachd do Israel?

7 Ach thubhairt esan riu, Cha bhuin e dhuibhise fios nan aimsir nonan àm lhaotainn, a chuir an t-Athair 'na chumhachd féin.

8 Ach gheibh sibhse cumhachd an uair a thig an Spiorad naomh oirbh : agus bithidi sibh 'nar fianuisibh dhomhsa, araon ann an Ierusalem, agus ann an Iudea uile, agus ann an Samaria, agus gu iomall na tal-mhairin.

9 Agus an uair a thubhairt e na nithe so, thogadh suas e, agus iadsan 'ga fhaicinn, agus thug neul as an sealladh e.

10 Agus am feadh a bha iadsan a' geur-amharc gu nèamh, agus esan a' dol suas, feuch, sheas dithis fhear làimh riu ann an eudach geal ;

11 Agus thubhairt iad, Fheara Ghalile, c'ar son a ta sibh 'nar seasamh ag amharc gu nèamh? An t-Iosa so a thogadh suas uaibh gu nèamh, is amhul sin a thig e, mar a chunnaic sibh e a' dol gu nèamh.

12 An sin phill iad gu Hierusalem, o'n t-sliabh d'an goirear *sliabh na crann-ola*, a tha'm fagus do Hierusalem, astar latha sàbaid as.

13 Agus an uair a thainig iad a stigh, chaidh iad suas do sheomar

uachdarach, far an robh a' fantuinn Peadar, agus Seumas, agus Eoin, agus Aindreas, Philip, agus Tomas, Bartolomeus, agus Mata, Seumas *mac Alpheuis*, agus Simon Selotes, agus Iudas *bràthair* Sheumais.

14 Bhuanait iad so uile a dh'aon inntinn ann an ùrnuigh [agus an guidhe,] maille ris na mnaibh, agus Muire màthair Iosa, agus maille r'a bhràithribh.

15 Agus anns na làithibh sin dh'éirich Peadar ann am meadhon nan deisciobul, agus thubhairt e, (b'e àireamh nan ainm a bha làthair, muimchioll ceud agus fishead.)

16 Fheara agus a bhràithre, b'éig-in an scriobtuir so bhi air a choimh-lionadh, a roimh-labhair an Spiorad naomh le beul Dhaibhidh timchioll Iudais, a bha 'na cheann-iuil^u acasan a ghlaic Iosa.

17 Oir bha e air àireamh maille ruinne, agus fhuair e cuibhrionn do'n fibrithealadh so.

18 A nis cheannaich am fear so fearann le duais na h-eucorach ; agus air dha tuiteam sios air aghaidh^a, sgàin e sa' mheadhon, agus bhrùchd a mhionach uile mach.

19 Agus rinneadh so aithnichte do luchd-àiteachaidh Ierusalem uile ; air chor as gu'n goirear do'n fhearrann sin 'nan cainnt féin, Aceldama, sin ri ràdh, Fearann fola.

20 Oir a ta e scriobhta ann an leabhar nan Salm, Biodh àite-còmh-nuidh 'na fhàsach, agus na gabhadh neach sam bith tàmh ann : agus, Glacadh neach eile a dhreuchd b.

21 Air an aobhar sin is còir aon do na daoinibh sin a bha maille ruinne, rè na h-aimsire sin uile anns an deachaidh an Tighearn Iosa steach agus a mach 'nar measgne,

22 A' tòiseachadh o bhaisteadh Eoin, gus an là an do thogadh suas uainn e, bhi air a dheanainh 'na flianuis air aiseirigh-san maille ruinne.

23 Agus shonraich iad dithis, Joseph d'an goireat Barsabas, d'am bu chomh-ainm Iustus, agus Matias.

24 Agus air deanamh ùrnuigh dhoibh, thubhairt iad, Thusa a Thigh-

earn, d'an aithne cridheacha nan uile dhaoine, foillsich cò do'n dithis so a thagh thu,

25 A ghabhail cuibhrinn do'n fhrithealadh agus do'n abstolachd so, o'n do thuit Iudas le seachran^c, gu dol g'a àit fén.

26 Agus thilg iad an crannchur; agus thuit an crannchur air Matias, agus bha e air àireamh maille ris an aon abstol deug.

C A I B. II.

1 Tha na h-abstoil air an lònadh leis an Spiorad naomh, agus a' labhairt iomadh gnè cainnt; tha cuid a' gabhail iongantais riu, agus cuid eile a' fanoid orra: 14 Tha Peadar, chum a' bhreug a dheanamh d'am barailsan, a' nochdadach gu'n do labhair na h-abstoil le cumhachd an Spiorad naoimh, gu'n d'éisrich Criod o na marbhaibh, gu'n deachaidh e suas air nèamh; &c.

A GUS an uair a thainig là na cuingis, bha iad gu léir a dh'aon inntinn ann an aon àit.

2 Agus thainig gu h-obann toirm o nèamh, mar shéideadh gaoithe ro thréin, agus lòn i an tigh uile far an robh iad 'nan suidhe.

5 Agus dli'fhoillsicheadh dhoibh teanganna sgoilte, mar do theine, agus shuidh e air gach aon diuhb fa leth:

4 Agus lionadh iad uile leis an Spiorad naomh, agus thoisich iad air labhairt le teangaibh eile, a réir mar a thug an Spiorad comas labhairt dhoibh.

5 Agus bha a' gabhail còmhnuidh ann an Ierusalem, Iudhaich, daoine cràbhach; do gach uile chinneach fuidh nèamh.

6 A nis an uair a sgaoileadh an t-lomradh so, thainig an sluagh an ceann a chéile, agus bha iad fuidh amhludh, do bhrigh gu'n cuala gach aon iad a' labhairt 'nau càinain^e fén.

7 Agus bha iad uile fuidh uamhas agus ghabh iad iongantas, ag ràdh r'a chéile, Feuch, nach Galileich iad sin uile a ta labhairt?

8 Agus cionnus a ta sinne 'gan

cluinntinn gach aon 'nar càinain fén, anns an d'rugadh sinn?

9 Partuich, agus Medich, agus Elamuich, agus luchd-àiteachaidh Mhesopotamia, Iudea, agus Chapedocia, Phontuis, agus Asia,

10 Phrigia, agus Phamphilia, na h-Eiphit, agus chrìoch na Libia timchioli Chirene, agus coigrich o'n Ròimh, Iudhaich agus Proselitich^f,

11 Muinntir Chrete, agus Arabia, tha sinn 'gan cluinntinn a' labhairt 'nar teangaibh fén gnìomhara mòrachach Dhé.

12 Agus bha iad uile fuidh uamhas, agus ann an ioma-chòmhairle, ag ràdh gach aon r'a chéile, Ciod is ciall da so?

13 Ach thubhairt droing eile a' fanoid, Tha na daoine so làn do fhìon ùr.

14 Ach air seasamh do Pheadar maille ris an aon fhear deug, thog e a ghuth, agus thubhairt e riu, Fheara Iudea, agus sibhse uile a luchd-àiteachaidh Ierusaleim, biodh fios so agaibh, agus eisidh ri m' bhriath-raibhse:

15 Oir cha 'n'eil iad so air mhisg, mar a ta sibhs' a' meas, oir is i an treas uair do'n là^g a ta ann.

16 Ach is e so an ni a dubhradh leis an fhàidh Ioeil:

17 Agus tarlaidh^h anns na làithibh deireannach, (arsa Dia) dòirtidh mise do m' Spiorad air gach uile fheoil; agus ni bhur mic agus bhur nigheana faidheadaireachd, agus chi bhur n-òg-anaich seallanna, agus bruadaraidh bhur seann daoine bruadaraidh:

18 Agus dòirtidh mise air m'òglachaibh, agus air-mo bhan-òglachaibh do m' Spiorad anns na làithibh sin, agus ni iad faidheadaireachd:

19 Agus nochdaidh mise iongantais anns na nèamhaibh shuas, agus comharan air an talamh shios; ful, agus teine, agus duibhneul deataich.

20 Iompoichear a' ghrian gu dorchadas, agus a' ghealach gu ful, mun d'thig latha mòr agus comharichte sin an Tighearna.

^c a dh'fhàg Iudas. ^d an uair a choimhlionadh latha na cuingis. ^e cainnt.

^f i. e. Geintilich a dh'iompoicheadh gu creidimh nan Iudhach. ^g i. e. an naothadh uair roimh mheadhon-là. ^h tachairidh. ⁱ chi bhur seann.

daoine aislingean.

21 Agus tarlaidh, ge b'e neach a ghairmeas air ainm an Tighearna, gu'n tearnar e.

22 Fheara Israel, éisdibh ris na briathraibh so : Iosa o Nasaret, duine a dhearbhadh le Dia 'nar measgsa, le cumhachdaibh agus le mòrbhuisibh agus le comharaibh, a rinn Dia leisan 'nar meadhonsa, mar a ta fhios agaibh féin ;

23 An duine so, a thugadh thairis le comhairle chinntich agus roimh-eòlas Dé, ghlac sibhse, agus le làmh-aibh dhroch dhaoine¹ cheus agus mharbh sibh e^m :

24 Neach a thog Dia suas, air dha piantanⁿ a' bhàis fhuasgladh ; do bhrigh nach robh e'n comes gu'n cumtdadh esan leis :

25 Oir a deir Daibhidh m'a thimchioll, Chunnaic mi an Tighearn romhan a ghnàth, oir a ta e aig mo dheas làimh, chuin nach gluaisteadh mi.

26 Air an aobhar so rinn mo chridhe gairdeachas, agus rinn mo theanga aoibhneas : tuilleadh fòs, gabhaidh m'fheoil còmhnuidh fhois-neach ann an dòchas^o :

27 Do bhrigh nach fàg thu m'anam shios ann an ifrinn^p, ni mò a dh'fhuilingeas tu do d' naomh Aon fèin gu faic e truaillidheachd.

28 Dh'fhoillsich thu dhomhsa slighean na beatha ; lìonuidh tu mi do shubhachas le d' ghnùis.

29 Fheara agus a bhràithre, leigibh leamsa labhairt gu dàna ribh mu'n phriomh-athair Daibhidh, araon gu'n d'fhuair e bàs, agus gu'n d'adhlaiceadh e, agus gu bheil uaigh maille ruinne gus an là 'n diugh :

30 Air an aobhar sin air dha bhi 'na fhàidh, agus fiosrach gu'n do mhionnaich Dia le mionnaibh dha, do thoradh a leasraidh, [a réir na feòla, gu togadh e suas Criod] gu suisde^r air a righ-chaithir-san.

31 Air dhasan so a roimh-fhaicinn, labhair e mu aiseirigh Criod, nach d'fhàgadh anam ann an ifrinn^s, agus nach fac fheoil truaillidheachd.

32 An t-Iosa so thog Dia suas, air am bheil sinne uile 'nar fianuisibh.

33 Uime sin air dha bhi air àrd-achadh let^t deas làimh Dhé, agus gealladh an Spioaid naoimh fhaotainn o'n Athair, dhòirt e mach an ni so, a tha sibhse nis a' faicinn agus a' cluinnntinn.

34 Oir cha deachaidh Daibhidh suas clum nan nèamh : ach a deir e féin, Thubhairt an Tighearn ri m' Thighearn, Suidh air mo làimh dheis,

35 Gus an cuir mi do naimhde 'nan stòl fuidh d' chosaibh.

36 Uime sin biodh fios gu cinn-teach aig tigh Israel uile gn'n d'rinn Dia 'na Thighearn agus 'na Chriosd, an t-Iosa so féin, a cheus sibhse.

37 A nis an uair a chual iad so, bha iad air am bioradh 'nan cridhe, agus thubhairt iad ri Peadar, agus ris a' chuid eile do 'na h-abstolaibh, Fheara agus a bhràithre, ciod a ni sinn ?

38 An sin thubhairt Peadar riu, Deanaibh aithreachas, agus lithibh air blur baisteadh gach aon agaibh ann an ainm Iosa Criod, chum maitheanais peacaidh, agus gheibh sibh tiodhlacadh an Spioraid naoimh.

39 Oir a ta 'n gealladh dhuibhse, agus d'ar cloinn, agus do na h-uile a ta fad o làimh, eadhon a mheud 'sa ghairmeas an Tighearn ar Dia.

40 Agus le móran do bhriathraibh eile rinn e fianuis agus dh'earalaich e iad^u, ag ràdh, Saoraibh sibh féin o'n ghinealach fhiar^a so,

41 An sin bhaisteadh iadsan a ghabh r'a fhocal gu toileach : agus an là sin féin chuireadh riu tìmchioll tri mìle anam.

42 Agus buanach iad gu seasmhach ann an teagastg nan abstol, agus ann an comh-chomunn, agus ann am briseadh arain, agus ann an ùrnughaibh.

43 Agus thainig eagal air gach anam : agus rinneadh móran do mhòrbhuisibh agus do chomharaibh leis na h-abstolaibh.

¹ le làmhán aingidh. ^m nuair a rinn sibh fanoid air, mharbh sibh e.

ⁿ cuibhreach, boinn. ^o earbsa. ^p san uaigh ^r gu'n suidhicheadh e.

^s san uaigh. ^t aig. ^u chomhaillich e iad, ghuaidh e orra. ^a olc.

44 Agus bha iadsan uile a chreid ann an aon àit; agus bha na h-uile nithe aca coitchionn^b,

45 Agus reic iad an seilbh agus am maoin, agus roinn iad air na h-uile iad, a réir mar a bha feum gach neach.

46 Agus ag buanachadh dhoibh gach là a dh'aon inntinn anns an teampull, agus a' briseadh arain o thigh gu tigh, chaith iad am biadh le gairdeachas agus le aon-fhillteachd cridhe,

47 A' moiadhd Dhé, agus deadh-ghean aca o'n t-sluagh uile. Agus chuir an Tighearn gach là ris an eag-lais an dream a shlànuichear.

C A I B. III.

1 Tha Peadar agus Eoin a' leigheas duine bhacaich; 12 ag innseadh do'n t-slnagh a bha air cruinneachadh nach do riineadh am mòrbhuit so le naomhachd nan Abstol, ach le cumhachd diadhaidh Chriosd; 15 'gan crónachadh air son esan a chur gu bàs; 19 'gan caraluchadh gu aithreachas, &c.

A GUS chaidh Peadar agus Eoin le chéile suas do'n teampull, aig uair na h-ùrnuigh, eadhon an naothadh uair^c.

2 Agus bha duine àraidih a bha na bhacachd o bhroinn a mhàthar air a ghiulan, neach a chuireadh gach là aig dorus sin an teampuill d'an goirnear Sgiamhach, a dh'irraidih déirce orrasan a bha dol a steach do'n teampull:

5 Neach an uair a chunnaic e Peadar agus Eoin air tì dol a steach do'n teampull, dh'íarr e déirc.

4 Agus air do Pheadar sealltuinn gu geur air, maille ri h-Eoin, thubhairt e, Amhairec oirnne.

5 Agus thug esan aire dhoibh an dòchas gu'm faigheadh e ni-eigin uatha.

6 An sin thubhairt Peadar, Airgirod no òr cha 'n-eil agam; ach an ni a ta agam, so bheiream dhuit: An ainm Iosa Criosd o Nasaret, éirich agus imich.

7 Agus air dha breith air a làimh dheis, thog e suas e; agus air ball neartaicheadh aobrunnan agus a throidhean.

8 Agus leum e suas, agus sheas, agus dh'imich e, agus chaidh e steach maille riù do'n teampull, ag imeachd, agus a' leumnaich, agus a' toirt cliu do Dhia.

9 Agus chunnaic an sluagh uile e ag imeachd, agus a' toirt cliu do Dhia.

10 Agus dh'aithnich iad esan gu'm b'e a bha 'na shuidhe aig geata Sgiamhach an teampuill ag iarraidih déirce: agus lìonadh iad le h-iongantas agus le h-uamhas air son an ni sin a thachair dha.

11 Agus ag cumail Pheadair agus Eoin [do'n bhacach a chaidh leigheas,] ruith an sluagh uile d'an ionnsuidh anns an sgàth-thighe^d d'an goirear sgàth-thighe Sholaimh, làntiongantais.

12 Agus air faicinn so do Pheadar, fhreagair e 'n sluagh, Fheara Israeil, c'ar son a ta iongantas oirbh mu'n ni so? no c'ar son a ta sibh a' geur-amharc oirnne, mar gu b'ann le'r cumhachd no ar naomhachd féin a thug sinn air an duine so imeachd?

13 Ghlòraich Dia Abrahaim, agus Isaac, agus Iacoib, Dia ar n-aithriche a Mhac Iosa; a thug sibhse thairis, agus a dh'aicheadh sibh an làthair Philait, an uair a b'i a bhrèth a chur fa sgoail.

14 Ach dh'aicheadh sibhse an t-Aon naomha, agus am Firean, agus dh'íarr sibh mortair a thiodhlacadh fhuibh,

15 Agus mharbh sibh Prionnsadh^e na beatha, a thog Dia o na marbh-aibh; air am bheil sinne 'nar fianuisibh.

16 Agus tre chreidimh 'na ainm neartaich e an ti so, a tha sibhse a' faicinn, agus a's aithne dhuibh: seadh, thug ainmsan agus an creidimh a ta tridsan, dhasan an t-slàinte ionlan so 'nar làthairse uile.

17 Agus a nis, a bhràithre, tha fhios agam gur ann tre aineolas a

^b ann an comh-pairt. ^c i. e. an treas uair an déagh mheadhon-là.

^d chrioplach. ^e àileir, phòrsa. ^f thabhairt. ^g Ceann-iuil, Ceannard.

rinn sibh e, mar a rinn mar an ceud-na bhur n-uachdharain.

18 Ach choimhlion Dia air an dòigh so na nithe sin a roimh-fhoill-sich e le beul fhàidhean uile, gu'm fuilingeadh Criod.

19 Air an aobhar sin deanaibhse aithreachas agus bithibh air bhur n-iompochadh, chum gu'm bi bhur peacaidh air an glanadh as, 'nuair a thig amanna fionnuaireachd o làthair an Tighearna,

20 Agus a chuireas e Iosa^h Criod d'ar ionnsuidh, a chaidh roimh-ord-uchadh i :

21 Neach is éigin do néamh a ghabhail, gu aimsiribh aisig nan uile nithe, air an do labhair Dia le beul fhàidhean naomha uile, o thoiseach an t-saoghal.

22 Oir gu firinneach thubhaint Maois ris na h-aithrichibh, Togaidh an Tighearn bhur Dia suas fàidh dhuibh, d'ar bràithribh, mar mise ; ris-san éisidh sibh anns na h-uile nithibh a labhras e ribh.

23 Agus tarlaidh, gach anam nach éisidh ris an fhàidh sin, gu'n sgriosar a mach as an t-sluagh e.

24 Seadh, dh'fhoillsich na fàidhean uile o Samuel, agus iadsan a lean o sin, a mheud diubah 's a labhair, roimh-làimh mu na làithibh so.

25 Is sibhse clann nam fàidh, agus a' choimh-cheangail a rinn Dia r'ar n-aithrichibh, ag ràdh ri Abraham, Agus ann ad shliochdsa bitidh uile theaghlach na talmhainn air am beannachadh.

26 Air do Dhia a Mhac Iosa thogail suas, chuir e d'ar n-ionnsuidhs' e air tùs, chum as gu'm beannuicheadh e sibh, leis gach aon agaibh iompochadh o bhur lochdaibh.

C A I E. IV.

1 Tha uachdharain nan Iudhach a' cur Pheadair agus Eoin am priosun, air son iad a bhi searmonachadh Iosa do'n t-sluagh : 5 an déigh an ceasnachadh tha Peadar ag aideachadh gu'n do Leighiseadh am

bacach le cumhachd diadhaidh Iosa a mhàin, agus gur ann trìdsan 'na aonar a ta slàinte shiorruidh r'a faghail, &c.

A GUS am feadh 'sa bha iad a' labhairt ris an t-sluagh, thainig orra na sagairt, agus ceannard an teampuill, agus na Sadusaich.

2 Agus bha iad fuidh dhoilgheas gu'n robh iadsan a' teagasc an t-sluagh, agus a' searmonachadh tre Iosa aiseirigh nam marbh.

3 Agus chuir iad làmh anna, agus chuir iad am priosun iad gus an là maireach^l : oir b'e nis am feasgar a bh'ann.

4 Gidheadh, chreid mòran diubh-san a chual am focal; agus b'e àireamh nan daoine timchioll chùig mile.

5 Agus tharladh air an là maireach, gu'n chruinnicheadh an ceann a cheile an uachdharain, agus an sean-airean, agus an scriobuicheadan, ann an Ierusalem,

6 Agus Annas an t-àrd shagart, agus Caiaphas, agus Eoin, agus Alastair^m, agus a mheud 's a bha do chinn-each an àrd shagairt.

7 Agus air dboibh iadsan a chur' anns a' mheadhon, dh'fhiorsaich iad, Ciòd e an cunhachd, no ciòd e an t-ainm anns an d'rinn sibh so ?

8 An sin air do Pheadar bhi air a lionadh leis an Spiorad naomh, thubh-airt e riu, Uachdarana a' phobuill, agus a sheanairean Israeil,

9 Ma tha sinne an diugh air ar ceasnachadh mu'n deadh ghnìomh a rinneadh do'n duine euslan, cionnus a shlànuicheadh e ;

10 Biodh e aithnichte dhuibhse uile, agus do phobull Israeil uile, gur ann tre ainm Iosa Criod o Nasaret, a cheus sibhse, a thog Dia o na marbhàibh, eadhon trìdsan a ta 'n duine so 'na sheasamh an so 'nar làthairse slànn.

11 'Si so a' chlach sin a dhiultadh libhse, a luchd togail, a rinneadh 'na ceann na h-oisinn.

12 Agus cha 'n'eil slàinte ann an

^h chum gu d'thig amanna fois o làthair an Tighearna, agus gu cuir e Iosa. i roimhe so a shearmonachadh dhuibh.

^m Alecsander.

neach air bith eile : oir cha 'n'eil
ainm air bith eile fuidh nèamh air a
thoirt am measg dhaoine, tre'm feud
sinn bhi air ar slànuchadhⁿ.

15 A nis an uair a chunnaic iad
dànachd Pheadair agus Eoin, agus a
thuig iad gu'm bu daoine gun fhògh-
lum agus cumanta iad, ghabh iad
iongantas, agus dh'aithnich siad iad^o
gu'n robh iadsan maille ri h-Iosa.

14 Agus air faicinn an duine a
leighiseadh 'na sheasamh maille riu,
cha robh ni air bith aca rì ràdh 'na
aghaidh.

15 Agus an déigh dhoibh ordugh-
adh dhoibhsan dol a mach as a'
chomhairle, chuir iad an cinn cuid-
eachd^p,

16 Ag ràdh, Ciod a ni sinn ris na
daoinibh so? Oir gu'n deachaidh
mòrbhuiil aithnichte^r dheanamh leo,
a ta e follaiseach do luchd àiteach-
aidh Ieruseleim uile, agus cha'n urr-
adh sinne àicheadh.

17 Ach a chum nach sgaoilear e
ni's mò air feedh an t-sluagh, bag-
ramaid orra gu geur, gun iad a labh-
airt air chor sam bith, no a theagasc
ann an ainm Iosa.

18 Agus air dhoibh an gairm,
dh'aithn iad dhoibh gun iad a labh-
airt air chor sam bith, no a theagasc
ann an ainm Iosa.

19 Ach fhreagair Peadar agus
Eoin agus thubhairt iad riu, Am
bheil e ceart am fianuis Dé, eisdeachd
ribhse roimh Dhia, thugaibh fein
breath.

20 Oir cha 'n'eil e'n comes duinne
gun na nithe a chunnaic agus a
chuala sinn a labhairt.

21 Ach air dhoibhsan tuilleadh
bagraidh a dheanamh orra, leig iad as
iad, gun dòigh air bith fhaotainn air
am feudadh iad peanas a dheanamh
orra, air son an t-sluagh : oir bha na
h-uile a' toirt glòire do Dhia air son
an ni a rinneadh.

22 Oir bha an duine air an d'rinn-
eadh am mòrbhuiil leighis so tuill-
eadh as dà fhichead bliadhna dh'aois.

23 Agus an uair a leigeadh as iad,
thainig iad dh'ionnsuidh am muinn-

tir féin, agus dh'innis iad na h-uile
nithe a thubhairt na h-àrd shagairt,
agus na seanairean riu.

24 Agus an uair a chual iadsan so,
thog iad suas a dh'aon inntinn an
guth ri Dia, agus thubhairt iad, A
Thighearn, is tusa an Dia a riù
nèamh agus talamh, agus an fhairge,
agus na h-uile nithe ta anna :

25 A thubhairt le beul Dhaibhidh
do sheirbhisich, C'ar son a ghabh na
Cinnich boil, agus a smuainich an
sluagh nithe diòmhanaich?

26 Sheas righre na talmhainn suas,
agus chruinnicheadh na h-uachdar-
ain an ceann a chéile, an aghaidh
an Tighearna, agus an aghaidh a
Chriod^s.

27 Oir gu fìrinneach chruinnich-
eadh an ceann a chéile 'n aghaidh do
Leinibh naoimh Iosa, a dh'ùng thu,
araon Herod agus Pontius Pilat,
maille ris na Cinneachaibh, agus
sluagh Israel,

28 A dheanamh gach ni a roimh
orduiach do làmh agus do chomhairle
a bhi deanta.

29 Agus a nis, a Thighearn, amh-
airc air am bagraibh : agus deònaich
do d' sheirbhisich féin, t'fhocal a
labhairt leis gach uile dhànochd,

50 Le d' làimh a shìneadh a mach
chum leighis : agus gu'm bi comhar-
an agus mòrbhuilean air an deanamh
tre ainm do Leinibh naoimh Iosa.

51 Agus air dhoibh ùrnuiigh a
dheanamh, chrathadh an t-àit anns
an robh iad cruinn ; agus lònadh iad
uile do'n Spiorad naomh, agus labh-
air iad focal Dé le dànochd.

52 Agus bha aig a' chuideachd a
chreid aon chridhe, agus aon anam :
agus ni mè a thubhairt neach air bith
dh'uibh, gu'm bu leis féin aon ni a
shealbhaich e, ach bha na h-uile nithe
coitchionn^t aca.

53 Agus le mòr chumhachd thug
na h-abstoil fianuis air aiseirigh an
Tighearna Iosa : agus bha mòr ghràs
orra uile.

54 Agus ni mò a bha aon neach
uireasbhuidheach 'nam measg : oir a
mheud 'sa bha 'nan sealbhadaribh

^a saoradh, sàbhàladh. ^b thug iad aire dhoibh. ^c an comhairle r'a chéile.

^d soilleir. ^e an aghaidh Aoìn ungta-san. ^f ann an comhpairt.

fearainn, no thighean, air dhoibh an reiceadh, thug iad luach nan nithe a chaidh reiceadh leo,

¶ 35 Agus chuir iad aig cosaibh nan abstol e: agus roinneadh e air gach neach a réir fheuma.

36 Agus air do fhearrann a bhi aig Ioses, d'an ghoireadh leis na h-abstolaibh Barnabas (is e sin, air eadar-theangachadh, Mac na comhfhurtachd) Lebhitheach, d'am bu dùthach Ciprus,

37 Reic se e, agus thug e 'n t-airgiot, agus chuir e aig cosaibh nan abstol e.

C A I B . V.

1 Tha Ananias, agus Saphira air son an ceilge a' tuiteam sios marbh le cronachadh Pheadair. 12 Mòran mhìorbhulean air an oibreachadh; 17 Chuireadh na h-abstoil a' ris am priosun, 19 ach a ta iad air an leigeadh as le aingeal, a thug ordugh dhoibh searmonachadh gu follaiseach: &c.

A CH reic fear áraidh d'am b'ainm Ananias, maille r'a mhnaoi Saphira, sealbh fearainn,

2 Agus cheil e cuid do'n luach, le fios a mhà, agus air dha cuid-eigin a thoirt leis, chuir e aig cosaibh nan abstol e.

3 Ach thubhairt Peadar, Ananais, c'ar son a lòn Satan do chridhe a dheanamh bréige do'n Spiorad naomh, agus a cheiltinn cuid do luach an fhearrainn?

4 Am feadh 's a dh'fhuirich e gun reiceadh, nach bu leat féin e? agus an déigh a reiceadh nach robh e a'd' chomas féin? c'ar son a smuainich thu ann do chridhe an gniomh so? cha d'rinn thu breug do dhaoinibh, ach do Dhia.

5 Agus an uair a chuala Ananias na briathra so, thuit e sìos, agus chaidh an deo as: agus thainig eagal mòr air na h-uile a chuala na nithe so.

6 Agus air éirigh do na h-òganachaibh, phaisg iad an eudach-mairbh e, agus air dhoibh a ghiùlan a mach, dh'adhlaic iad e.

7 Agus tharladh timchioll tri uaire 'na dhéigh sin, gu'n d'thainig a bhean a steach, gun fhios aice air an ni a rinneadh.

8 Agus fhreagair Peadar i, Innis dhomhsa an ann air an uiread so reic sibh am fearann? Agus thubhairt ise, Is ann, air son an uiread sin.

9 An sin thubhairt Peadar rithe, C'ar son a chomh-aontaich sibh Spiorad an Tighearna a dhearbhadh^u? feuch, tha cosa na muinntir a dh'adhluic t'fhear aig an dorus, agus giùlainidh iad thusa mach.

10 An sin thuit i air ball aig a chosaibh, agus chaidh an deo aside: agus air do na h-òganachaibh teachd a steach, fhuair iad i marbh, agus air dhoibh a giùlan a mach, dh'adhluic iad làimh r'a fear i.

11 Agus thainig eagal mòr air an eaglais uile, agus air na h-uile a chuala na nithe so.

12 Agus rinneadh mòran chomharan agus mhìorbhulean am meazg a' phobuill le làmhreibh nan abstol; (agus bha iad uile dh'aon inntinn ann sgàth-thig^a Sholaimh;

13 Agus cha robh chridh' aig a h-aon do chàch e féin a cheangal riu:) ach bha mòr mheas aig a' phobull orra.

14 Agus is mòid a chuireadh creidmhich ri's an Tighearn, buidheann mhòr^b araon do fhearaibh agus do mhnaibh:

15 Air chor as gu'n d'thug iad a mach a' muinntir euslan air na sràidibh, agus gu'n do chuir iad air leapaichibh agus air uirighibh^c iad, chum ag teachd do Pheadar gu'n cuireadh fhaileus, mar bu lugha, sgàilead air neach eigin aca.

16 Agus thainig mar an ceudna mòr shluagh as na baitibh m'an cuairt air Hierusalem, a' toirt leo muinntir euslain, agus dream a bha air am buaireadh le spioradaibh neo-ghlan: agus leighiseadh iad uile.

17 An sin dh'éirich an t-àrd shagart, agus iadsan uile a bha maille ris, (eadhon luchd-bharail nan Sadus ach) agus lìonadh iad le tnùth^e,

^a a bhuaireadh. ^b dilear, pòrsa. ^c sluagh mòr. ^d dubhar. ^e eud.

18 Agus chuir iad làmh anns na h-abstolaibh, agus chuir iad sa' phriosun chumanta iad.

19 Ach dh'fhosgail aingeal an Tighearna dorsan a' phriosuin san oidhche, agus thug e iadsan a mach, agus thubhairt e,

20 Imichibh, agus ag seasamh dhuibh labhraibh san teampull ris an t-sluagh, uile bhriathra na beatha so.

21 Agus an nair a chual iad so, chaidh iad gu moch a steach do'n teampull, agus theagaig iad. Ach thainig an t-àrd shagart agus iadsan a bha maille ris, agus ghairm iad a' chomhairle, agus seanadh chloinn Israeil uile an ceann a chéile, agus chuir iad do'n phriosun chum gu'n d'thugtadh iadsan *d'an ionn�uidh*.

22 Ach an uair a thaing na maoir, cha d'fhuair iad sa' phriosun iad, agus air pilltinn dhoibh, dh'innis iad,

23 Ag ràdh, Fhuair sinne gu firinneach am priosun dùinte gu ro thèarunte, agus an luchd-coimhead 'nan seasamh a mach fa chomhair nan dorus; ach an uair a dh'fhosgail sinn, cha d'fhuair sinn aon duine a stigh.

24 A nis an uair a chual an t-àrd shagart, agus ceannard an teampuill, agus uachdarain nau sagart na briathra so, bha iad fuidh amharus m'an timchioll ciod gus an d'thigeadh so.

25 An sin thainig neach *àraighe* agus dh'innis e dhoibh, ag ràdh, Feuch, a ta na daoine a chuir sibh sa' phriosun, 'nau seasamh san teampull, agus a' teagascg a' phobuill.

26 An sin dh'imich an ceannard maille ris na maoraibh, agus thug e leis iad gun ainneart: (oir bha eag-al orra roimh an t-sluagh, gu'm biodh iad air an clachadh *leo*.)

27 Agus an uair a thug iad *leo* iad, chuir iad ann am fianais na comhairle *iad*: agus dh'fheòraich an t-àrd shagart diubh,

28 Ag ràdh, Nach d'thug sinne geur ordugh dhuibh, gun teagascg a dheanamh san ainm so? agus feuch, lion sibh Jerusalem le'r teagascg, agus is àill libh ful an duine so a tharruing f oirnne.

29 An sin fhreagair Peadar agus na h-abstoil *eile*, agus thubhairt iad, Is còir géill a thoirt do Dhia n's mó na do dhaoinibh.

30 Thog Dia ar n-aithriche Iosa, a mharbh sibhse agus a chroch sibh air crann.

31 Esan dh'àrdaich Dia le a dheas làimh 'na Cheannard^g agus 'na Shlànughear, a thoirt aithreachais agus maiteanais peacaidh do Israel.

32 Agus tha sinne 'nar fianuisibh dha air na nitibh so: agus mar an ceudna an Spiorad naomh, a thug Dia dhoibhsan a ta ùmhal dha.

33 Agus an uair a chual iadsan so, bha iad air an gonadh^h, agus ghabh iad comhairle an cur gu bàs.

34 An sin dh'éirich Phairiseach àraidih anns a' chomhairle, d'am b'ainm Gamaliel, fear-teagaig an lagha, air an robh meas aig an t-sluagh uile, agus dh'orduich e na h-abstoil a chur a mach rè tamuill,

35 Agus thubhairt e riu. Fleara Israeil, thugaibh aire dhuibh féin, ciod a ta roimhibh a dheanamh mu thimchioll nan daoine sin.

36 Oir roimh na làithibh so dh'éirich Teudas suas, ag ràdh gu'm bu neach éigin mòr e féin, agus cheangail àireamh dhaoine, timchioll ceithir cheud, iad féin ris: mharbh-adh esan, agus a mheud 'sa dh'aontaich leis, sgaoileadh iad uile as a chéile, agus chaidh iad gu neo-ni.

37 An déigh an fhir so dh'éirich Iudas an Galiléach suas, ann an làithibh na cùs-mheasaidh, agus tharruing e mòran sluaigh 'na dhéigh: sgriosadh esan mar an ceudna, agus a mheud 'sa ghéill dai, sgapadh iad uile.

38 Agus a nis a deirim ribh, Fanabhbh o na daoinibh so, agus leigibh leo: oir ma's ann o dhaeinilbh a ta a' chomhairle so, no'n obair so, thig i gu neo-brigh!ⁱ

39 Ach ma's ann o Dhia a ta i, cha'n urradh sibhs' a cur gu neo-brigh: air eagal gu'n tarladh gu'm faighean sibh eadhon a' cogadh an aghaidh Dhé.

^f *thoirt.* ^g *Phrionnsadh.* ^h *chas iad am fiacla.* ⁱ *di'earb as.*
¹ *théid as dith.*

40 Agus dh'aontaich iad leis-san : agus an uair a ghairm iad nà h-abst-oil, agus a ghabh iad orra, dh'orduich iad dhoibh gun labhairt ann an ainm Iosa, agus leig iad as iad.

41 Agus dh'imich iadsan o làthair na comhairle, le gairdeachas a chionn gu'n do mheasadh gu'm b'fhiu iad eas-urram fhlang air son ainmesan.

42 Agus gach là anns an teampull, agus o thigh gu tigh, cha do sguir iad a bhi teagasc, agus a' searmonachadh Iosa Criod.

C A I B. VI.

1 *Thagh na h-abstoil seachdnar gu frithealadh do uireasbhuidh nam bochd : 5 B'aon diubh so Stephan, neach a bha làn do chreidimh, agus do'n Spiorad naomh : 12 Tha esan air a ghlacadh, agus air agairt gu h-eucorach an làthair na comhairle, leis an aitam a chuir e 'nan todh le deasboireachd.*

A GUS anns na làithibh sin, an uair a bha àireamh nan deisciobul a' meudachadh, dh'éirich gearan am measg nan Greugach an aghaidh nan Eabhrach, a chionn gu'n do dhearmaideadh am bantraichean san frithealadh laitheal.

2 An sin ghairm an dà fhéar dheug mòr chuideachd nan deisciobul d'an ionnsuidh, agus thubhairt iad, Cha'n-eil e iomchuidh sinne dh'fhàgail focal Dé, agus a frithealadh do bhordáibh.

3 Uime sin, a blàithre, iarraibh a mach 'nar measg seachdnar dhaoine fuidh dheadh iomradh, làn do'n Spiorad naomh agus do ghlíocas, a chuireas sinne os cionn an dreuchd so^m.

4 Ach buanaichidh sinne a ghnàth ann an ùrnuigh, agus am ministreileachd an fhocail.

5 Agus bha chainnt so taitneach an làthair na mòr chuideachd uile : agus thagh iad Stephan, duine làn do chreidimh agus do'n Spiorad naomh, agus Philip, agus Prochorus, agus Nicanor, agus Timon, agus Parmenas, agus Nicolas proseliteach do mhuiinnit Antioch.

6 Chuir iad iadsan an làthair nan abstol : agus air deanamh ùrnuigh dhoibh, chuir iad an làmhan orra.

7 Agus dh'fhàs focal Dé ; agus mheudaicheadh àireamh nàn deisciobul gu ro mhòr ann an Ierusalem ; agus bha cuideachd mhòr do na sagartaibh ùmhál do'n chreidimh.

8 Agus rinn Stephan, làn do chreidimh agus do chumhachd, mìorbhuilean agus comharan mòra am measg an t-sluagh.

9 An sin dh'éirich dream àraidh do'n t-sionagog, d'an goirear sionagog nan Libertineachⁿ, agus nan Cirennianach, agus mhuiinnit Alecsandria, agus na droinge o Chilicia, agus o'n Asia, a' deasboireachd ri Stepaan.

10 Agus cha b'urrainn iad cur an aghaidh a' għliocais agus an spioraid leis an do labhairt e.

11 An sin thug iad a steach os iosal daoine a thubhairt, Chuala sinne e labhairt bhriathar toibheumach an aghaidh Mhaois, agus Dhé.

12 Agus dhùisg iad suas an sluagh, agus na seanairean, agus na scriobh-uicheadan, agus thainig iad air agus għlak iad e, agus thug iad an làthair na comhairle e.

13 Agus chuir iad suas fianaisean bréige, a thubhairt, Cha'n-eil an duine so a' sgur do labhairt bhriathar toibheumach^o an aghaidh an ionaid naomha so, agus an lagha.

14 Oir chuala sinn e ag ràdh, gu'n sgrios an t-Iosa so o Nasaret an t-àit so, agus gu'n cǎochaille na^p gnàthanna a thug Maois dhuinne.

15 Agus air dhoibhsan uile a bha 'nan suidhe sa' chomhairle amharc gu geur air, chunnaic iad aghaidh mar aghaidh aingil.

C A I B. VII.

1 *Air do Stephan comes fhaghail freagairt air a shon fein, 2 tha e nochdadh gu'n d'rinn Abraham aoradh do Dhia gu taitneach ; 37 gu'n d'thug Maois fén fianuis mu Chriod ; 51 'gan cronachadh air son an ceannairce, agus morta Chriod : 54 Air a so tha iad 'ge chlachadh gu bàs, tha esan a' tiom-*

^m na h-oibre so.ⁿ Saoirsineach.^o maslach. P cleachdan. ordraighean.

nadh anama do Iosa, agus a' guidh-eadh Dhé air an sonsan.

A N sin thubhairt an t-àrd shagart, Am bheil ma ta na nithe so mar so?

2 Agus thubhairt esan, Fheara, a bhràithre, agus aithriche, eisidibh, Dh'fhoillsicheadh Dia na glòire d'ar n-athair Abraham, 'nuair a bha e ann am Mesopotamia, mun do ghabh e còmhnuidh ann an Charran,

3 Agus thubhairt e ris, Rach a mach a d' thìr féin, agus o d' chinn-each, agus thig chum na tire a nochdas mise dhuit.

4 An sin chaidh esan a mach a talamh nan Caldéach, agus ghabh e còmhnuidh ann an Charran: agus as sin, an déigh bàis athar, dh'atharrach se e do'n flearann so anns am bheil sibhse nis 'nar còmhnuidh.

5 Agus cha d'thug e dha oighreachd sam bith ann, cha d'thug fiu leud troidhe: gidheadh gheall e gu'n d'thugadh e mar sheilbh e dha féin agus d'a shliochd 'na dhéigh, ge nach robb fathast duine cloinne aige.

6 Agus labhair Dia air an dòigh so, Gu'm biodh a shliochd air chuairt ann an dùthaich choigrich, agus gu'n deanadh iad tràillean diubh, agus gu'm buineadh iad gu h-olc *riu* rè ceithir cheud bliadhna.

7 Agus air a' chinneach sin d'am bi iadsan fuidh dhaorsa, bheir mise breith, arsa Dia: agus an déigh nan nithe sin thig iad a mach, agus ni iad seirbhis dhomhsa anns an àit so.

8 Agus thug e dha coimhcheangal^r an timchioll-ghearraidh: agus mår sin ghin Abraham Isaac, agus thimchioll-ghearr se e air an ochdannh là: agus ghin Isaac Jacob, agus Jacob an dà phriomh-athair dheug.

9 Agus a' gabhail farmaid reic^s na priomh-aithriche Joseph do'n Eiphit: ach bha Dia maille ris,

10 Agus shaor se e as a thrioblaidh uile, agus thug e deadh-ghean^t agus giocas da an lèathair Pharaoh righ na h-Eiphit; agus chuir se e' na

uachdaran air an Eiphit, agus air a theaghlach féin uile.

11 Nis thainig gorta agus àmhghar mòr air an Eiphit uile, agus air talamh Chanaain; agus cha d'fhuair ar n-aithriche teachd-an-tìr^u.

12 Ach an uair a chuala Jacob gu'n robh arbhar san Eiphit, chuir e mach ar n-aithriche air tùs.

13 Agus air an dara *uair* rinneadh Ioseph aithnichte d'a bhràithribh; agus rinneadh cinneach Ioseph follaiseach do Pharaoh.

14 An sin chuir Ioseph *fios* uaith, agus ghairm e d'a ionnsuidh Jacob athair, agus a luchd dàimhe uile, cuig anama deug agus tri fishead.

15 Agus chaidh Jacob sìos do'n Eiphit, agus fhuair e bàs, e féin agus ar n-aithriche.

16 Agus ghiùlaineadh thairis iad gu Sicheim, agus chuireadh iad anns an àit-adhlaicadh a cheannaich Abraham air suim airgid o mhic Emoir athar Shicheim.

17 Ach an uair a dhruid àm a' gheallaidh, a mhionnaich Dia do Abraham, dh'fhàs an sluagh agus rinn eadh iad lòn-mhor san Eiphit,

18 Gus an d'éirich righ eile, do nach b'aithne Ioseph.

19 Bhuin esan^a gu cuilbheirteach r'ar cinneach, agus rinn e olc air ar n-aithrichibh, air chor as gu'n d'thug e orra an naoidheana a thilgeadh mach, chum nach siolaicheadh iad b.

20 Ann an àm sin rugadh Maois, agus bha e ro sgiamhach, agus dh'altrumadh e tri miòsan ann an tigh athar:

21 Agus an uair a thilgeadh a mach e, thog nighean Pharaoh leatha e, agus dh'altrum^c i e mar mhac dh'i féin.

22 Agus dh'fòghlumadh Maois ann an uile ghliocas nan Eiphteach, agus bha e cumhachdach am briathraibh agus an gnòncharaibh.

23 Agus an uair a bha e dà fhich ead bliadhna iomlan a dh'aois, thaing e 'na chridhe a bhràithre clann Israel fhiosrachadh e.

^r cùrradh, cùmnant. ^s chreic.

^t bùigh, fàbhor.

^u biatachd.

^a Ghìùlain se e fein. ^b nach fásadh sliochd orra, nach maireadh iad beo.

^c dh'oile. ^d dh'ionnsuicheadh. ^e dol a shealltuinn a bhràithre cloinn Israel.

24 Agus air dha duine àraidh *dhiubh* fhaicinn a' fulang eucoir, theasaig se e, agus air bualadh an Eiphitich dha, rinn e dioghaltas do'n fhearr air an d'rinneadh an eucoir :

25 Oir shaoil e gu'n tuigeadh a bhàrraithre, gu'n d'thugadh Dia le a làimhsan saorsa dhoibh; ach cha do thuig iadsan.

26 Agus air an là 'na dhéigh sin nochd se e féin doibh agus iad a' comhstrìbh, agus b'àill leis sìth a dheanamh eatorraf, ag ràdh, A dhaoine, is bràithre sibh féin, c'ar son a ta sibh a' deanamh eucoir air a chéile?

27 Ach chuir am fear a rinn an eucoir air a choimhearsnach uaith e, ag ràdh, Cò a rinn thusa a' d' uachdar an agus a' d' bhreitheamh oirnne?

28 Am miáin leat mise a mharbhadh, mar a *mharbh thu* an t-Eiphiteach an dé?

29 An sin theich Maois air son an fhocail so, agus bha e 'na choigreach ann an dùthaich Mhadiain, far an do ghin e dithis mhac.

30 Agus an uair a choimhlionadh dà fhichead bliadhna, dh'fhoillsicheadh dha ann am fàsach beinne Shina, aingeal an Tighearna ann an làsair theine ann am preas.

31 Agus an uair a chunnaic Maois so, ghabh e iongantas mu'n t-sealladhr, agus ag dha teachd am fagus gu beachdachadh *air*, thainig guth an Tighearna d'a ionnsuidh,

32 Is mise Dia t'aithriche, Dia Abrahaim, agus Dia Isaac, agus Dia Iacoib. An sin chriothnuich Maois, agus cha robh chridh' aige amharc g.

33 An sin thubhairt an Tighearn ris, Fuagsail do bhrògan o d' chosaisibh: oir is talamh naomh an t-àit am bheil thu d' sheasamh.

34 Chunnaic mi gu cinn teach àmhíghar mo phobuill a ta san Eiphit, agus chuala mi an osnaidh, agus thainig mi nuas g'an saoradh. Agus a nis thig, cuiridh mi do'n Eiphit thu.

35 Am Maois so féin a dhiùlt iadsan, ag ràdh, Cò riunn uachdar an agus breitheamh dhiotsa? esan chuir

Dia *gu bhi* 'na uachdar an agus 'na fhearr-saoraidh le làimh an aingil a dh'fhoillsicheadh dha sa' phreas.

36 Thug esan a mach iad an déigh dha mìorbhuilean, agus comharan a dheanamh ann an talamh na h-Eiphit, agus anns a' mhuiр ruaidh, agus anns an fhàsach rè dhà fhichead bliadhna.

37 'S e so am Maois ud a thubhairt ri cloinn Israel, Togaidh an Tighearn blur Dia suas fàidh dhuibh d'ar bràithribh, cosmluil riusma; ris-san éisidh sibh.

38 So esan a blia san eaglais anns an fhàsach, maille ris an aingeal a labhair ris ann am beinn Shina, agus maille r'ar n-aithrichibhne: neach a fhuair briathra na beatbha chum an tabhairt dhuinne:

39 Da nach b'àill le'r n-aithrichibh bhi ùmhal, ach chuir iad uatha e, agus 'nan cridhe phill iad air an ais do'n Eiphit,

40 Ag ràdh ri Aaron, Dean dhuinne dée a théid romhainn: oir mu thimchioll a' Mhaois so, a thug a mach sinn a tir na h-Eiphit, cha'n-eil fhios againn ciod a dh'éirich dha.

41 Agus rinn iad laogh sna làithibh sin, agus thug iad iobairt do'n dealbh, agus rinn iad gairdeachas ann an oibríbh an làmha féin.

42 An sin phill Dia, agus thug e thairis iad chum aoradh a dheanamh do armait, nèimhe, a réir mar a ta e scrìobhta ann an leabhar nam fàidh, An d'thug sibh dhomhsa beathaichean marbhta, agus iobairte rè dhà fhichead bliadhna anns an fhàsach, O a thigh Israel?

43 Seadh, thog sibh suas pàilliun Mholoch, agus reult blur dé Remphain, dealbhan a rinn sibh chum aoraidh dhoibh: uime sin atharraichidh mi sibh an taobh thall do Bhabilon.

44 Bha pailliun na fianuis aig ar n-aithrichibh san fhàsach, a réir mar a dh'aithn an ti a labhair ri Maois, gu'n deanadh se e a reir an t-samhlachaisi a chunnaic e.

45 An ni a thug mar an ceudna ar n-aithriche a bha 'nan déigh, a

steach maille ri h-Iosa do sheilbh nan Cinneach, a thilg Dia a mach roimh ghnùis ar n-aithriche, gu làithibh Dhaibhidh;

46 Neach a fhuair deadh-ghean am fianuis Dhé, agus a dh'iar pailliun fhaotainn do Dha Iacoib.

47 Ach thog Solamh tigh dha.

48 Gidheadh cha 'n'eil an ti a's àirde a' gabhlà cònlhnuidh ann an teampluibh làmh-dheanta; mar a deir am fàidh,

49 'Se nèamh mo righ-chaithir, agus an talamh stòl mo chos: ciod an tigh a thogas sibh dhomh? a deir an Tighearn: no ciod e ionad mo thaimh?

50 Nach do rinn mo làmh na nithe so uile?

51 A dhaoine cruidh-tmhuiineal-acha, agus neo-thimchioll-ghearrta ann an cridhe agus ann an cluasaibh, tha sibh a' ghnàth a' cur an aghaidh an Spioraid naoimh: mar a rinn bhur n-aithriche, mar sin a ta sibhse a' deanamh,

52 Cò do na fàidhibh air nach d'rinn bhur n-aithriche geur-lean-mhuinn? agus mharbh siad iadsan a roimh-fhoillsich teachd an Fhìrein ud; air an robh sibhse a nis 'nar luchd-brathaidh, agus 'nar mortairibh?

53 Sibhse a fhuair an lagh le frith-caladh nan aingeal, agus nach do choimhid e.

54 'Nuair a chual iad na nithe sin, bha iad air an gonadh 'nan cridhe, agus chas iad am fiacla ris.

55 Ach air dhasan bhi làn do'n Spiorad naomh, dh'amhairc e gu geur suas gu nèamh, agus chunnaic e glòir Dhé, agus Iosa 'na sheasamh air deas làimh Dhé,

56 Agus thubhaint e, Feuch, tha mi faicinn nan nèamlì fogailte, agus Mac an duine 'na sheasamh air deas làimh Dhé.

57 An sin għlaodh iadsan le guth mòr, agus dhruid¹ iad an cluasan, agus leum iad air a dh'aon inntinn,

58 Agus air dhoibh a thilgeadh a mach as a' chathair^m, chlach iad e: agus thilg na fianusean an eudach

sios aig cosaisibh òganaielh, d'am b'ainm Saul.

59 Agus chlach iad Stephan, agus e a' gaurn air Criod, agus ag rádh, A Thighearn Iosa, glac mo spiorad.

60 Agus air dha a leigeadh fèin air a għluinibh, ghlaodh e le guth mòr, A Thighearn, na cuir am peacadhi so as an leth. Agus air dha so a rádh, choidil e.

C A I B . VIII.

1 *Tha an soisgeul air a shearmonach-adh ann an Samaria le Philip, a rinn mòran mhorrhuilean, agus a bhaist mòran, agus am measg chàich Simon an Druidh.* 14 *Thainig Peadar agus Eoin a dhaingneach-adh na h-éaglais: le cur an làmh air an droing a chreid, tha 'n Spiorad naomh air a thiodhlacadh:* 18 *'nuair a b'āill le Simon an-tiodhlac ceudna cheannach uatha le h-airgiad, 20 tha e air a chronach-adh gu geur le Peadar, &c.*

A GUS bha Saul ag aontachadh *A* leis a bhàs-san. Agus dh'éirich anns an àm sin geur-leamhuinn mhèr an aghaidh na h-éaglais a bha ann an Ierusalem; agus bha iad uile air an sgapadh air feadh tire Iudea agus Shamaria, ach na h-abstoil a mhàin.

2 Agus għiùlain daoine diadhaidhⁿ Stephan chum adħlaic, agus rinn iad caoidh mhèr air a shon.

3 Ach bha Saul a' fàsachadh na h-éaglais, a' dol a steach do gach tigh; agus ag tarruing a' mach flear agus bhan, chuir e am priosun iad.

4 Uime sin dh'imich an droing a sgapadh, feadh gach àite, a' searmonachadh an fhocail.

5 An sin chaidh Philip sios do bhaile Shamaria, agus shearmonaich e Criod doibh.

6 Agus thug an sluagh a dh'aon toil aire do na nitibh a labhradh le Philip, ag éisdeachd ris^o, agus a' faicinn nam mòrbuile a rinn e.

7 Oir chaidh spiorada neo-ghlan a mach a mòran anns an robh iad, a' glaodhaich le guth mòr: agus chaidh mòran air an robh am pairilis^p, agus

¹ dhùin, stop. ^m a' bhaile, ⁿ crèb'ach.

^o riu. ^p crith-ghalar; palsy. Sasg.

a bha 'nam bacaich, a shlànuch-adh.

8 Agus bha gairdeachas mòr sa' bhaile sin.

9 Ach bha roimhe sin duine àraidh sa' bhaile sin d'am b'ainm Simon, a ghnàthaich druidheachd, agus a mheall^r inuinnit Shamaria, ag ràdh gu'm bu neach mòr éigin e féin.

10 Dhasan thug iad uile aire o'n bheag gus a' mhòr, ag ràdh, 'Se 'n duine so cumhachd mòr Dhé.

11 Agus thug iad an aire dha, a chionn gu'n do mheall e iad rè ùine fhada leis a dhruidheachd.

12 Ach an uair a chreid iad Philip, a' searmonachadh nan nithe a bhuineas do rioghachd Dhé, agus do ainm Iosa Criosd, bhaisteadh iad eadar fheara agus mhùnai.

13 An sin chreid Simon féin mar an ceudna: agus an uair a bhaisteadh e, dh'fhan e maille ri Philip, agus a' faicinn nan comhara agus nam feart a rinneadh, ghabh é iongantas ro mhòr.

14 Agus an uair a chuala na h-abstoil a bha ann an Ierusalem, gu'n do ghabh Samaria focal Dhé, chuir iad d'an ionnsuidh Peadar agus Eoin:

15 Agus air dol sios dhoibh, ghuidh iad air an son gu'm faigheadh iad an Spiorad naomh.

16 (Oir cha d'thainig e fathast a nuas air a h-aon aca: ach a mhàin bhaisteadh iad ann an ainm an Tighearna Iosa.)

17 An sin chuir iad an làmhan orra, agus fhuair iad an Spiorad naomh.

18 Agus an uair a chunnaic Simon gu'n robh an Spiorad naomh air a thabhairt tre làmhan nan abstol a chur orra, thaig e airgiot dhoibh,

19 Ag ràdh, Thugaibh dhomhsa mar an ceudna ari cumhachd so, ge b'e neach air an cuir mi mo làmha, gu'm faigh e an Spiorad naomh.

20 Ach thubhairt Peadar ris, Gu rachadh t'airgiot am mugha maille riut féin, a chionn gu'n do mheas thu gu'm feudadh tiodhlac Dhé a cheannach le h-airgiot.

21 Cha 'n'eil agad cuid no crannchur sa' chùis so: oir cha 'n'eil do chridhe direach^s am fianuis Dhé.

22 Gabh aithreachas uime sin do t'olc so, agus guidh air Dia, ma dh'fheàdar gu maithear dhuit smuaineadh do chridhe.

23 Oir a ta mi 'gad fhaicinn ann an domhlas na seirbhe, agus fuidh chuibhlreach na h-eucorach.

24 An sin fhreagair Simon, agus thubhairt e, Guidhbhse an Tighearn air mo shon, nach d'thig aon do na nithibh sin a thubhairt sibh orm.

25 An sin air dhoibhsan fianuis a dheanamh agus focal an Tighearna a labhairt, phill iad gu Hierusalem, agus shearmonaich iad an soisgeul ann am mòran do bhailtibh nan Samaritanach.

26 Agus labhair aingeal an Tighearna ri Philip, ag ràdh, Eirich agus imich chum n h-àirde deas, chum na slighe a ta dol sìos o Hierusalem gu Gasa, a ta 'na fhàsach^t.

27 Agus dh'éirich e, agus dh'imich e: agus feuch duine àraidh, caillteanach o Etiopia, aig an robh mòr ùghd-arras fuidh Chandace ban-righinn na h-Etiopia, agus a bhá os cionn a h-ionmhais uile, agus a bha air teachd gu Hierusalem chum aoradh a dheanamh,

28 Bha e a' piltinn air ais, agus 'na shuidhe 'na charbad, agus bha e a' leughadh an fhàidhli Esaiais.

29 An sin thubhairt an Spiorad ri Philip, Imich am fagus, agus druid ris a' charbad so.

30 Agus ruith Philip d'a ionnsuidh, agus chuala se e a' leughadh an fhàidhli Esaiais, agus thubhairt e, Am bheil thu a' tuigsinn nan nithe a tha thu a' leughadh?

31 Agus thubhairt esan, Cionnus is urradh mi, mur seòl neach éigin mi? Agus dh'iarr e air Philip teachd a nìos, agus suidhe maille ris.

32 A' chuibhlrionn do'n scriobtuir a bha e leughadli, b'i so i, Thugadh e mar chaora chum marbhaidh, agus mar uan a ta 'na thosd am fianuis an

^r a chuir uamhas air, a chuir 'nam breathal. ^s ceart, treibhdhireach.

^t troimh 'n fhàsach.

fhir-lomairt, mar sin cha d'fhosgail e a bheul:

53 'Na isleachadh thugadh a bhréitheanas air falbh: agus cò a nochdas a ghinealach? oir thogadh a bheatha o'n talamh.

54 Agus fhreagair-an cailleanach, agus thubhairt e ri Philip, Guidheam thu, cia uime deir am faidh so? uime fein, no mu neach éigin eile?

55 An sin dh'fhosgail Philip a bheul, agus a' tòiseachadh o'n scriobh-tur sin, shearmónaich e Iosa dha.

56 Agus an uair a dh'imich iad air an t-slighe, thainig iad gu-l-uisge àraidi: agus thubhairt an cailleanach, Feuch, uisge; ciod a ta bacadh mise bhi air mo bhaisteadh?

57 Agus thubhairt Philip, Ma ta thu a' creidsinn le d' uile chridhe, feudaidi tu. Agus fhreagair e agus thubhairt e, Tha mi a' creidsinn gur e Iosa Criod Mac Dhé.

58 Agus dh'aithn e 'n carbad a sheasamh: agus chaidh iad sìos le chéile do'n uisge, ar aon Philip agus an cailleanach; agus bhaist se e.

59 Agus an uair a thainig iad a nìos as an uisge, thug Spiorad an Tighearna Philip leis, agus cha'n fhac an cailleanach tuilleadh e: agus dh'imich e air aghaidh le gairdeachas.

60 Ach fhuaradh Philip ann an Asotos: agus shearmonaich e anns na bältibh uile, a' dol tre 'n duthaich, gus an d'thainig e gu Cesarea.

C A I B. IX.

1 Tha Saul, air dha bhi 'g imeachd gu Damascus, air a leagadh sìos gu talamh le solus, agus guth o'n èamh: 10 Tha e air a ghairm chum na h-abstolachd, 18 agus air a bhaisteadh le Ananias: 20 Tha e searmonachadh Chriod gu dàna. 23 Tha na h-Iudhaich, agus mar an ceudna na Greugaich a' cur cenhairle ri chéile chum a mharbh-adh: &c.

A GUS air do Shaul bhi fathast a' séideadh bagraidh, agus àir an aghaidh dheisciobul an Tighearna, chaidh e chum an àrd shagairt.

2 Agus dh'iarr e litrichean uaith

gu Damascus chum nan sionagog, chor nam faigheadh e aon neach do'n t-slighe so, co aca b'fhir no mnái iad, gu'n d'thugadh e leis ceangailte gu Hierusalem iad.

5 Agus ag imeachd dha, tharladh gu'n do dhruid-e ri Damascus: agus dhealaich gu h-obann mu'n cuairt air solus o'n èamh.

4 Agus air tuiteam dha air an talamh, chual e guth ag ràdh, ris, A Shauil, A Shauil, c'ar son a ta thu 'gam gheur-leanmhuinnse?

5 Agus thubhairt esan, Cò thu, a Thighearn? Agus thubhairt an Tighearn, Is mise Iosa a tha thusa a' geur-leanmhuim: is cruaidh dhuitse breabadh an aghaidh nan dealg.

6 Agus air dhasan bhi air chrith agus làrn uamhainn, thubhairt e, A Thighearn, ciod is aill leat mise a dheanamh? Agus thubhairt an Tighearn ris, Eirich, agus rach b a steach do'n bhaile, agus innsear dhuit ciod is còir dhuit a dheanamh.

7 Agus sheas na daoine bha 'g imeachd maille ris 'nan todh, a' cluinninn a' ghutha, ach gun neach air bith fhaicinn.

8 Agus dh'éirich Saul o'n talamh, agus air fosgladh a shùl dha, cha'n fhac e neach air bith: ach air dhoibh breith air a làimh, threòraich iad e gu Damascus.

9 Agus bha e tri làithean gun radharc, agus cha d'ith agus cha d'òl e ni air bith.

10 Agus bha deisciobul àraidi ann an Damascus, d'am b'ainm Ananias, agus thubhairt an Tighearn ris ann am foillsicheadh, Ananias. Agus thubhairt esan, Feuch a ta mi 'n so, a Thighearn.

11 Agus thubhairt an Tighearn ris, Eirich, agus imich do'n t-sràid, d'an goirear Dìreach, agus iarr ann an tigh Iudais, duine o Tharsus, d'an goirear Saul: oir feuch, a ta e ri ùrnuiigh.

12 Agus chunnaic e ann am foillseachadh duine d'an ainm Ananias, a' teachd a steach, agus a' cur a làimhe air, chum gu'm faigheadh e a radharc.

^u marbhaidh. ^a thachair. ^b theirig, gabh. ^c ni. ^e sealladh.

13 An sin fhreagair Ananias, A Thighearn, chuala mi o mhòran mu'n duine so, cia lìon olc a rinn e do d' naomhaibh ann an Ierusalem :

14 Agus a ta an so ùghdarras aige o uachdaranaibh nan sagart, iadsan uile a cheangal a ta gairm air t'ainm-sa.

15 Ach thubhairt an Tighearn ris, Imich ; oir is soitheach taghta dhomhsa e, chum m'ainm a ghiùlan am fianuis nan Cinneach, agus righ-rean, agus chloinn Israel.

16 Oir nochdaidh mise dha cia mòr na nithe a's éigin da fhubhail air sgàth m'ainmese.

17 Agus dh'imich Ananias, agus chaidh e steach do'n tigh ; agus ag cur a làmh air, thubhairt e, A Shauil, a bhràthair, chuir an Tighearn (*eadhon* Iosa a dh'fhoillsicheadh dhuitse anns an t-slighe air an d'thainig thu) mise chum gu'm faigheadh tu do radharc, agus gu'm biodh tu air do lionadh leis an Spiorad naomh.

18 Agus air ball thuit o shùilibh mar gu'm biodh lannan ; agus dh'aisteadh a radharc dha gun dàil, agus air dha éirigh, bhaisteadh e.

19 Agus air gabhail bìdh dha, neartaicheadh e. An sin bha Saul làithean àraidh maille ris na deisciobluibh a bha ann an Damascus.

20 Agus air ball shearmonaich e Iosa ^f anns na sionagogaibh, gur esan Mac Dhé.

21 Ach bha na h-uile a chual e fa uamhas, agus thubhairt iad, Nach e so esan a bha sgrios ann an Ierusalem iadsan a bha gairm air an ainm so, agus a thainig an so chum na crìche so, gu'n d'thugadh e ceangailte iad dh'ionnsuidh uachdarana nan sagart ?

22 Ach bu mhòid a neartaicheadh Saul, agus chuir e gu h-amhlaoadh na h-Iudhaich a bha chòmhnuidh ann an Damascus, a' dearbhadh gur e so an Criosc.

23 Agus air dol do mhòran làithean seachad, rinn na h-Iudhaich comhairle r'a chéile esan a mharbhadh.

24 Ach thugadh fios do Shaul air am feill ^g : agus bha faire aca air na geataibh a là agus a dh'oidhche chum a mharbhadh.

25 An sin ghabh na deisciobuil e san oidhche, agus chuir iad a mach thar a' bhallaadh e, agus leig iad sìos ann an cliabh e.

26 Agus an uair a thainig Saul gu Hierusalem, dh'fheuch e ri e féin a cheangal ris na deisciobluibh ; ach bha eagal orra uile roimhe, agus cha do chreid iad gu'm bu deisciobul e.

27 Ach ghabh Barnabas d'a ionnsuidh e, agus thug e chum nan abstol e, agus chuir e'n céill doibh cionnus a chunnaic e'n Tighearn anns an t-slighe, agus gu'n do labhair e ris, agus cionnus a shearmonaich e gu dàna ann an Damascus an ainm Iosa.

28 Agus bha e maille riu a' teachd a steach, agus a' dol a mach ann a Ierusalem.

29 Agus labhair e gu dàna an ainm an Tighearna Iosa, agus rinn e deasboireachd an aghaidh nan Greugach : ach chuir iadsan rompa esan a mharbhadh.

30 Ach an uair a thuig na bràithre so, thug iad sìos e gu Cesarea, agus chuir iad air falbh gu Tarsus e.

31 An sin bha fois aig na h-eaglaisibh tre Iudea uile, agus Ghalile, agus Shamaria, agus air dhoibh bhi air an togail suas, agus a' siubhal ann an eagal an Tighearna, agus ann an comhfhurtachd ^h an Spioraid naoimh, mheudaicheadh gu mòr iad.

32 Agus tharladh, air do Pheadarimeachd tre gach *aitc*, gu'n deachaidh e sìos mar an ceudna chum nan naomh a bha gabhail còmhnuidh ann an Lida.

33 Agus fhuair e an sin duine àraindh d'am b'ainm Eneas, a bha rè ochd bliadhna air a leabaidh, agus e gu tinn leis a' phairilisi.

34 Agus thubhairt Peadar ris, Eneas, tha Iosa Criosc ga d' leigh-eas : éirich agus dean do leába. Agus air ball dh'éirich e.

35 Agus chunnaic iadsan uile e, a

^c a tha air an gairm air t'ainm. ^f Criosc. ^g ceilg.

^h còmhnuadh, cuideachadh. ⁱ chrith-ghalar.

bha chòmhnuidh ann an Lida, agus ann an Saron, agus phill iad chum an Tighearna.

56 A nis bha ban-deisciobul àraigheann an Iopa d'am b'ainm Tabita, 'se sin, air eadar-theangachadh, Dorcas: bha a' bhean so làn do dheadh eibribh, agus do dhéircibh a rinn i.

57 Agus tharladh anns na làithibh sin, air dh'i bhi gu tinn gu'n d'fhuair i bàs: Agus air dhoibh a h-ionnlad, chuir iad ann an seòmar uachdarach i.

58 Agus air do Lida bhi fagus do Iopa, agus air cluinntinn do na deisciobluibh gu'n robh Peadar an sin, chuir iad dithis dhaoine d'a iennsuidh, a' guidheadh air e theachd d'an ionnsuidh gun dàil.

59 An sin dh'éirich Peadar, agus chaidh e maille riu. Agus an uair a bha e air teachd, threòraich iad suas e do'n t-seòmar uachdarach: agus sheas na bantraichean uile làimh ris a' caoineadh, agus a' nochdadadh nan còta agus nan truscan a rinn Dorcas am feadh a bha i maille riu.

40 Ach air do Pheadar an cur a mach uile, leig se e féin air a ghlùinibh agus rinn e ùrnuigh, agus air dhatonndadh ris a' chorpa, thubhairt e, A Thabita, éirich. Agus dh'fhsogail is a sùilean: Agus air dh'i Peadar fhaicinn, dh'éirich i 'na suidhe.

41 Agus thug e a làmh dh'i, agus thog e 'na seasamh i; agus an uair a ghairm e na naoimh agus na bantraichean, chuir e 'nan làthair beo i.

42 Agus fhuaradh fios air so tre Iopa uile; agus chredì mòran anns an Tighearna.

43 Agus tharladh gu'n d'fhan e mòran do làithibh ann an Iopa maille ri Simon àraighe fear-deasachaidh leathair.

C A I B. X.

1 *Air do Chornelius, duine cràbhach, àithne fhaghail o aingeal, chuir e fios air Peadar, 11 a tha air a theagascg ann an taisbean gun e dheanamh làir air na Cinneachaibh: 34 Am feadh a ta e scarmonachadh*

Chriosd do Chornelius agus d'a chuideachd, tha'n Spiorad naomh a' teachd a nuas orra, agus tha iad air am baisteadh.

A GUS bha duine àraigheann an Cesarea, d'am b'ainm Cornelius, ceannard-ceud do'n chuideachd d'an goirear a' chuideachd Eadailteach,

2 *Duine cràbhach, agus air an robh eagal Dé maille r'a thigh uile, a bha toirt mòrain déirce do'n t-sluagh, agus a' deanamh ùrnuigh ri Dia a ghnàth.*

3 *Chunnaic e ann an sealladh! gnosailleir, mu thimchioll na naothadh uaire do'n là, aingeal Dé a' teachd a stigh d'a ionnsuidh, agus ag ràdh, A Chorneliuis.*

4 *Agus air dhasan amharc gu geur air, ghabh e eagal, agus thubhairt e, Ciòd e, a Thighearn? Agus thubhairt e ris, Chaidh t'ùrnuighean agus do dhéircean suas mar chuimhneachan ann am fianuis Dé.*

5 *Agus a nis cuir daoine gu Iopa, agus cuir fios air Simon, d'an comhainm Peadar:*

6 *Tha e air aoidheachd maille ri Simon àraighe fear-deasachaidh leathair, aig am bheil a thigh làimh ris an fhairge: innsidh esan duit ciod is còir dhuit a dheanamh.*

7 *Agus an uair a dh'fhalbh an t-aineal a labhair ri Cornelius, ghairm e d'a ionnsuidh dithis do mhuinnitir a thighe, agus saighdear cràbhach do'n dream a bha ghnàth a' fitheamh air:*

8 *Agus an uair a chuir e an t-iomlan an céill doibh, chuir e iad gu Iopa.*

9 *Agus air an là màireach, 'nàir a bha iadsan air an turus, agus a' teachd am fagus do'n bhaile, chaidh Peadar suas air mullach an tighe a dheanamh ùrnuigh, mu thimchioll na seathadh uaire^m.*

10 *Agus dh'fhàs e ro ocrach, agus bu mhiann leis biadh itheadh: ach am feadh a' bha iadsan ag ulluchadh, thuit e ann an neul.*

11 *Agus chunnaic e nèamh fosgalite, agus soitheach àraighe a' teachd*

¹ foillseachadh, taisbeanadh. ^m i. e. meadhon-là.

a nuas d'a ionnsuidh, mar bhraith-línⁿ mhòir, ceangailte air a ceithir beannailbh^o, agus air a leigeadh sìos air an talamh :

12 Anns an robh gach uile ghné bheathaiche ceithir-chosach na talmhainn, agus bheathaiche alta, agus bhiasda snaigeach, agus eunlaith an athair.

13 Agus thainig guth d'a ionnsuidh, Eirich, a Pheadair; marbh agus ith.

14 Ach thubhairt Peadar, Ni h-eadh, a Thighearn; oir cha d'fth mi riamh aon ni coitchionn^p no neo-ghlan.

15 Agus *thubhairt* an guth ris a rìs an daradh uair, Na nithe sin a ghlan Dia, na gairm thusa coitchionn.

16 Agus rinneadh so tri uairean : agus thogadh an soitheach a rìs suas gu neamh.

17 A nis an uair a bha Peadar fuidh amharus ann féin ciod bu chiall do'n t-sealladh a chunnaic e, feuch, bha na daoine a chuireadh o Chornelius, an déigh dhoibh tigh Shimoin iarraidh, 'nan seasamh aig an dorus.

18 Agus air gairm dhoibh, dh'fheòraich iad an robh Simon d'an comh-ainm Peadar, air aoidheachd an sin.

19 Am feadh a bha Peadar a' smuaineachadh air an t-sealladh, thubhairt an Spiorad ris, Feuch, tha triuir dhaoine ga d' iarraidh.

20 Uime sin éirich, agus gabh sìos, agus imich maille riu, gun amharus air bith a bhi ort: oir is mise a chuir uam iad.

21 Agus chaidh Peadar sìos chum nan daoine [a chuireadh d'a ionnsuidh o Chornelius;] agus thubhairt e, Feuch, is mise an ti a tha sibh ag iarraidh: ciod e an t-aobhar mu'n d'thainig sibh?

22 Agus thubhairt iadsan, Fhuair Cornelius an ceannard-ceud, duine cothromach, air am bheil eagal Dé, agus fuidh dheadh ainm^r aig cinn-each nan Iudhach uile, rabhadh o Dha le aingeal naomha, fios a chur

orts a d'a thigh, agus briathran a chluinntinn uait.

23 An sin ghairm e steach iad, agus thug e aoidheachd *dhoibh*. Agus air an latha màireach dh'imich Peadar maille riu, agus chaidh dream àr-adh do na bràithribh o Iopa maraon ris.

24 Agus air an là màireach chaidh iad a steach do Chesarea: agus bha Cornelius a' feitheamh riu, agus air gairm a luchd dàimh agus a chairde disle an ceann a chéile.

25 Agus an uair a bha Peadar a' dol a stéach, choinnich Cornelius e, agus thuit e sìos aig a chosaibh, agus rinn e aoradh *dha*.

26 Ach thog Peadar suas e, ag ràdh, Seas suas; is duine mise mar an ceudna.

27 Agus ag còmhradh ris, chaidh e steach, agus fhuair e mòran cruinn.

28 Agus thubhairt e riu, Tha fios agaibh gu bheil e mi-dhligheadh do dhuine a tha 'na Iudhach, comhluadar a chumail ri neach a tha do chinn-each eile, no teachd am fagus da: ach nochd Dia dhomhsa, gun duine air bith a ghairm coitchionn no neo-ghlan..

29 Uime sin thainig mise 'nuair a chuireadh fios orm, gun aou ni a ràdh 'na aghaidh: air an aobhar sin tha mi feòraich c'ar son a chuir sibh fios orm.

30 Agus thubhairt Cornelius, O'n cheathramh là gus an uair so bha mi a' deanamh trosgaiddh, agus air an naothadh uair bha mi deanamh ùr-nuigh ann mo thigh, agus feuch, sheas duine a'm làthair ann an eudach dealrach^s,

31 Agus thubhairt e, A Chornelius, dh'éisdeadh t'ùrnuigh, agus tha do dhéircean air an cuimhneachadh am fianuis Dé.

32 Uime sin cuir gu Iopa, agus cuir fios air Simon, d'an comh-ainm Peadar; tha e air aoidheachd ann an tigh Shimoin fear-deasachaidh leath-air, làimh ris a' mhuir; neach 'nuair a thig e, a labhras riut.

33 Uime sin chuir mi air ball fios ort; agus is maith a rinn thu teachd. Air an aobhar sin tha sinne uile an

ⁿ lion-eudach. ^o oisnibh. ^p cumanta. ^r air am bheil deadh theisteach.

^s ro-gheal.

so a làthair am fiamuis Dé, a dh' eisdeachd nan uile nithe a tha air an aithneadh dhuitse le Dia.

54 An sin dh'fhosgail Peadar a bheul, agus thubhairt e, Gu firinn-each tha mi 'g aithneachadh nach 'eil Dia ag amharc air pearsaibh seach a chéile:

55 Ach anns gach uile chinneach a ta an neach air am bheil eagalsan, agus a ta 'g oibreachadh fìreantachd, taitneach aige.

56 Am focal a chuir Dia gu clann Israeil, a' searmonachadh sìth tre Iosa Criosd (neach is e Tighearna nan uile,)

57 Am focal sin is aithne 'dhuibh, a sgaoileadh air feadh tire Iudea uile, agus a thòisich o Ghalile, an déigh a' bhaistidh a shearmonaich Eoin:

58 Cionnus a dhi'ùng Dia Iosa o Nasaret leis an Spiorad naomh, agus le cumhachd; neach a chaidh m'an cuairt a' deanamh maith, agus a' slànuchadh nan uile a bha air am foireigneachadh^t leis an diabhol: oir bha Dia maille ris.

59 Agus tha sinne 'nar flanuisibh air na h-uile nitibh a rinn e, araon ann an tir nan Iudhach, agus ann an Ierusalem; neach a mharbh iad, 'ga chrochadh air crann:

60 Esan thog Dia suas air an treas là, agus nochd se e gu follaiseach,

61 Cha'n ann do'n t-sluagh uile, ach do fhianuisibh, a thaghadh le Dia roimh-làimh, *eadhon* dliuinne, a dh'ith agus a dh'òl maille ris an déigh dha éirigh o na marbhaibh.

62 Agus dh'aithn e dhuinne searmonachadh do'n t-sluagh, agus fianuis a dheanamh gur esan a dhi'orduicheadh le Dia 'na breitheamh air bheothaibh agus air mharbhaibh.

63 Dhasan tha na fàidhean uile a' toirt fianuis, gu'm faigh gach neach a chreideas ann maitheanas 'nam peacadh trèd ainmsan.

64 Am feadh a bha Peadar fathast a' labhairt nam briathar sin, thuirling^u an Spiorad naomh orrasan uile a chual am focal.

65 Agus ghabh na creidmhich do'n timchioll-ghearradh, a mheud diubh

'sa thainig maille ri Peadar, iongantas mòr, do bhrigh gu'n do dhoirt-eadh air na Cinneachaibh mar an ceudna tiodhlac an Spioraid naoimh.

66 Oir chuala siad iad a' labhairt le teangaibh, agus ag àrd-mholadh Dhé. An sin flireagair Peadar,

67 Am feud neach sam bith uisge a thoirmeasg, chum nach rachadh iad eo a bhaisteadh, a fhuair an Spiorad naomh, co maith ruinne?

68 Agus dh'orduich e iad a bhi air am baisteadh ann an ainm an Tigh-earna. An sin ghuidh iad air fantuinn maille riu laithean àraidi.

C A I B. XI.

1. *Fhuaradh cron do Pheadar air son comhluadar a ghleidheadh ris na Cinneachaibh: 4 tha e 'g innseadh a reusoin, agus tha sin a' taitneadh r'a luchd-ditidh. 19 Tha'n soisgeul air a sgaoileadh feadh Phenice, agus Chipruis, agus Antioch. 26 Tha na deisciobuil air an ainmeachadh 'nan Criosduidhean air tùs ann an Antioch, &c.*

A GUS chuala na h-abstoil agus na bràithirean a bha ann an Iudea, gu'n do ghabh na Cinnich mar an ceudna ri focal Dé.

2 Agus an uair a chaidh Peadar suas gu Hierusalem, rinn iadsan a bha do'n timchioll-ghearradh conspoid ris.

3 Ag ràdh, Chaidh thu steach a dh'ionnsuidh dhaoine nach robh air an timchioll-ghearradh, agus dh'ith thu maille riu.

4 Agus thòisich Peadar, agus chuir e'n t-iomlan an céill doibh an ordugh, ag ràdh,

5 Bha mi ann an cathair^a Iopa ri ùrnuigh; agus ann an neul chunnaiac mi sealladh, soitheach àraidi a' teachd a nuas, mar bhraith-lìn mhoir, air a leigeadh a' nuas o nèamh air a ceithir beannaibh^b; agus thainig i a'm ionnsuidhse.

6 Agus air dhomh beachdachadh gu geur oirre, thug mi fainear, agus chunnaiac mi beathaiche ceithir-chosach na talmhainn, agus na fiadhbheathaiche, agus na biasda snàigeach, agus eunlaith an athair.

^t thugadh fluidh cheannsal.

^u thuit. ^a baile. ^b oisnibh.

7 Agus chuala mi guth ag ràdh riùm, Eirich, a Pheadair; marbh agus ith.

8 Ach thubhairt mise, Ni h-eadh, a Thigearn: oir cha deachaidh riamlì aon ni còitchionn no neo-ghlan a steach do m' bheul.

9 Ach fhreagair an guth mi an daradh uair o néamh, Na nithe a ghlan Dia na meas thusa neo-ghlan^c.

10 Agus rinneadh so tri uairean: agus thogadhl an t-iomlan a ris suas gu néamh.

11 Agus feuch, air ball bha triuir dhaoine air teachd chum an tighe anns an robh mi, a chuireadh o Chesarea do m' ionnsuidh.

12 Agus thubhairt an Spiorad riùm dol maille riu, gun amharus air bith a bhi orm. Agus chaidh mar an ceudna an t-seathnar bhràithre so maille riùm, agus chaidh sinn a steach do thigh an duine:

13 Agus nochd e dhuinn cionnùs a chunnaic e aingeal 'na sheasamh 'na thigh, a thubhairt ris, Cuir daeine gu Iopa, agus cuir fios air Simon, d'an comh-ainm Peadar:

14 Neach a labhras briathra riut, leis an saorar thu féin agus do thigh uile.

15 Agus an uair a thòisich mi air labhairt, thuirling^d an Spiorad naomh orrasan, mar oirne air tùs.

16 An sin chuinmhich mise focal an Tighearna, mar a thubhairt e, Bhaist Eoin gun amharus le h-uisge; ach baistear sibhse leis an Spiorad naomh.

17 Uime sin ma thug Dia dhoibhsan a choimh-ionann tiodhlaca ruinne, a chreid anns an Tighearn Iosa Criod, cò mise gu'm bithinn comasach bacadh a chur air Dia.

18 Agus an uair a chual iad na nithe so, thosd iad, agus thug iad glòir do Dhia, ag ràdh, Thug Dia mo seadh mar an ceudna do na Cinneachaibh aithreachas chum na beatha.

19 A nis chaidh iadsan a sgapadh a mach leis an àmlighar^e a dh'éirich air son Stephain, gu ruig Phenice,

agus Cyprus, agus Antioch, gun am focal a labhairt ri aon neach ach ris na h-Iudhachaibh a mhàin.

20 Agus bha cuid diubh o Chiprus, agus o Chirene, dream air dhoibh dol a steach do Antioch, a labhairt ris na Greugachaibh, a' searmonachadh an Tighearna Iosa.

21 Agus bha làmh an Tighearna maille riu: agus chreid aireamh mhòr, agus phill iad chum an Tighearna.

22 Agus thainig sgeula air na nthibh sin gu cluasaibh na h-eaglais a bha ann an Ierusalem: agus chuir iad Barnabas uatha, chum gu'n rachadh e gu h-Antioch.

23 Neach an uair a thainig e, agus a chunnaic e grasa Dhé, a rinn gairdeachas, agus a dh'earail orra uile, gu'n dlùth-leanadh iad ris an Tighearna le rùn cridhe.

24 Oir bha e 'na dhuine maith, agus làn do'n Spiorad naomh, agus do chreidimli. Agus chuireadh sluagh mòr ris an Tighearna.

25 An sin chaidh Barnabas gu Tarsus, a dh'iarraidh Shauil:

26 Agus air dha fhaotainn, thug e leis e gu h-Antioch. Agus tharladh, gu'n robh iad rè bliadhna iomlain air an cruinneachadh maille ris an eaglais, agus gu'n dò theagaisg iad sluagh mòr; agus gu'n do ghoireadh Criodaidhean do na deisciobluibh air tùs ann an Antioch.

27 Agus anns na làithibh sin thainig faidhean o Hierusalem gu h-Antioch.

28 Agus air seasamh suas do aon diubh d'am b'ainm Agabus, dh'fhoillsich e tre an Spiorad, gu'm biodh gorta mhòr air feadh an domhain uilef: ni mar an ceudna a thachair ri linn Chlaudiuis Cheasair.

29 An sin chuir gach aon do na deisciobluibh roimhe, a réir a chomais, còmlinadh a chur chum nam bràithrean a bha chòmhnuidh ann an Iudea.

30. Ni mar an ceudna a rinn iad, agus chuir iad e chum nan seanair le làimh Bharnabais agus Shauil.

^c coitchionn. ^d thuit. ^e triobloid. ^f na tire uile.

C A I B. XII.

1 *Tha Righ Herod a' deanamh geur-leamhuiunn air na Criosdaidhibh, a' marbhadh Sheumais, agus a' cur Pheadair am priosun, neach a ta air a thoirt a mach le aingeal tre ùr-nuighibh na h-eaglais:* 23 *Tha Herod air a bhualadh le h-agineal, agus a' bàsachadh gu truagh:* 24 *Tha focal Dé an déigh a bhàis-san a' soirbheachadh.*

ANIS mu'n àm sin, shìn Herod an righ a làmhan, a deanamh uile air dream àraidi dò'n eaglais.

2 Agus mharbh e Seumas bràthair Eoin leis a' chlàidheimh.

3 Agus an uair a chunnaic e gu'n do thaitinn sin ris na h-Iudhachaibh, chaith e air aghaidh a ghlaçadh Pheadair mar an ceudna. (Agus b'iad làithean an arain neo-ghoirtichte a bh'ann.)

4 Agus għlac e agus chuir e'm priosun e, agus thug se e r'a gleidh-eadh do cheithir cheathrar shaighdear, fa rùn a thoirt a mach do'n t-sluagh an déigh na càisge.

5 Air an aobhar sin ghleidheadh Peadar anns a' phriosun: ach bha bith-ùrnuigh^g air a deanamh leis an eaglais ri Dia air a shon.

6 Agus an uair a b'àill le Herod a thoirt a mach, san oidhche sin fein bha Peadar 'na chodal eadar dithis shaighdear, ceangailte le dà shlabhruidh: agus bha'n luchd-faire fa chomhair an doruis a' coimhead a' phriosuin.

7 Agus feuch, thainig aingeal an Tighearna air, agus dhealraich solus anns a' phriosun: agus air bualadh taoibh Pheadair dha, dhùisg se e, ag ràdh, Eirich gu grad. Agus thuit a cheanglaiche d'a làmhaibh.

8 Agus thubhairt an t-agineal ris, Criosraich thu fein, agus ceangail ort do bhoun-bhrògan^h: agus rinn e mar sin. Agus a deir e ris, Tilg t'fhalluing i umad, agus lean mise.

9 Agus chaith e mach, agus lean se e, agus cha robh fhios aige gu'n robh e flor an ni a rinneadh leis an

aingeal: ach shaoil e gu'm bu tais-beanⁱ a chunnaic e.

10 Agus air dhoibh dol tre 'n cheud agus an dara faire, thainig iad chum a' gheataidh iaruinn a ta treòr-achadh do'n bhaile, a dh'fhosgail doibh leis fein: agus air dol a mach dhoibh, chaith iad air an aghaidh tre aon sràid, agus air ball dh'fhalbh an t-agineal uaith.

11 Agus an uair a thainig Peadar chuide fein, thubhairt e, A nis tha fhios agam gu firinneach gu'n do chuir an Tighearn aingeal uaith, agus gu'n do shaor e mi o làimh Heroid, agus o uile dhùil pobuil nan Iudhach.

12 Agus an uair a smuainich e air a' chùis, thainig e gu tigh Mhuire màtar Eoin, d'an comh-ainm Marcus, far an robh mòran cruinn, agus iad ri ùrnuigh.

13 Agus an uair a bha Peadar a' bualadh doruis a' gheataidh, thainig gruagach d'am b'ainm Rhoda a dh'éisdeachd.

14 Agus an uair a dh'aithnich i guth Pheadair, tre aoibhneas che d'fhosgail i'n geata, ach ruith i stigh, agus dh'innis i gu'n robh Peadar 'na sheasamh aig a gheata.

15 Ach thubhairt iad rithe, Tha thu air mhi-chéill. Ach bha ise toirt dearbh-chinnte^m gu'n robh e mar sin. An sin thubhairt iad, 'Se 'aingeal a ta ann.

16 Ach bhuanach Peadar a' bualadh an doruis: agus an uair a dh'fhosgail iad, agus a chunnaic iad e, bha iad làn uamhais.

17 Ach air dhasan smaëideadh orra le a làimh iad a bhi 'nan tosd, chuir e'n céill doibh cionnus a thug an Tighearn as a' phriosun e. Agus thubhairt e, Innsibh na nithe so do na bràithribh. Agus air dol a mach dha, chaith e gu' ait eile.ⁿ

18 Agus air teachd do'n là bha iomairtⁿ nach bu bheag am measg nan saighdear, ciod a thachair do Pheadar.

19 Agus air do Herod iarraidh, agus gun fhaotainn, rannsaich e an

^g gnath-ùrnuigh, sìor-ùrnuigh. ^h chitarain. ⁱ do bhrat, t'eudach-uachdair. ^m a' cathachadh. ⁿ buaireas.

luchd-coimhead, agus dh'orduich e an toirt air falbh *chum peanais*. Agus chaidh e sìos o Iudea gu Cesarea, agus rinn e còmhnuidh *an sin*.

20 Agus bha fearg mhòr aig Herod ri muinnntir Thiruis agus Shidoine: ach thainig iadsan a dh'aon inntinn d'a ionnsuidh, agus air dhoibh Blastus seomradair an righ a thoirt air an crann, dh'iarr iad sìth; do bhrigh gu'n robb an tìr air a beathachadh le *tìr* an righ.

21 Agus air là orduichte, air do Herod bhi air a sgeudachadh le eudach rioghail, agus na shuidhe air a righ-chaithir, labhair e gu deas-briathrach riuo.

22 Agus rinn an sluagh gairP, ag ràdh, *Is* guth Dé so, agus cha *ghuth* duine.

23 Agus air ball bhual aingeal an Tighearn' e, do bhrigh nach d'thug e a' ghilòir do Dhia: agus dh'itheadh le cnuimhibh e, agus chaidh an deo as.

24 Ach dh'fhàs focal an Tighearna agus mheudaicheadh e.

25 Agus phill Barnabas agus Saul o Hierusalem, air dhoibh am ministrileachd a choimhlionadh, a' toirt leo mar an ceudna Eoin, d'an comhainm Marcus.

C A I B. XIII.

1 *Tha Pòl agus Barnabas air an taghadh gu dol chum nan Cinneach.*

7 *Mu thinichioll Shergiuis Pauluis, agus Elimais an druidh.* 14 *A ta Pòl a' searmonachadh aig Antioch, gur e Iosa an Criosd.* 42 *Tha na Cinnich a' creidsinn;* &c.

A NIS bha anns an eaglais a bha aig Antioch, fàidhean, agus luchd-teagaisg àraidi; mar a ta Barnabas, agus Simeon d'an goirear Niger, agus Lucius o Chirene, agus Manaen, comhalta Heroid an Tetrarch, agus Saul.

2 Agus air bhi dhoibh ri ministrileachd do'n Tighearn, agus a' trosgadh, thubhairt an Spiorad naomh, Cuiribh a leth dhomhsa Barnabas agus Saul, chum na h-oibre gus an do ghairm mi iad.

3 An sin air dhoibh trosgadh agus ùrnuigh a dheanamh, agus an làmhan a chur orra, leig iad uatha *iad*.

4 Mar sin air dhoibhsan a bhì air an cur a mach leis an Spiorad naomh, chaidh iad sìos gu Seleucia; agus o sin sheòl iad gu Ciprus.

5 Agus air bhi dhoibh ann an Salamis, shearmonaich iad focal Dé ann an sionagogaibh nan Iudhach: agus bha mar an ceudna Eoin aca mar fhear-frithealaidh.

6 Agus an uair a chaidh iad tre'n eilean gu Paphos, fhuair iad druidh àraidi, fàidh bréige, Iudhach, d'am b'ainm Bariesus:

7 Neach a bha maille ri Sergius Paulus an t-uachdaran, duine tuigseach; air dhasan Barnabas agus Saul a ghairm d'a ionnsuidh, dh'farr e focal Dé a chluinntinn.

8 Ach chuir Elimas an druidh (oir is ann mar so a dh'eadar-theangaichear ainm) 'nan aghaidh, ag iarraidh an t-uachdaran a thionndadh o'n chreidimh.

9 An sin air bhi do Shaul (da'n goirear Pòl) làn do'n Spiorad naomh, agus ag amharc gu geur air,

10 Thubhairt e, O thusa a ta làn do'n uile cheilg, agus do'n uile dhroch-bheirt, a mhic an diabhoil, a nàmhaid na h-uile fhìreantachd, nach sguir thu do fhiaradh shlighean dir-each an Tighearna?

11 Agus feuch a nis, *tha làmh* an Tighearna ort, agus bithidh tu dall, gun a' ghrian fhaicinn rè tamuill. Agus air ball thuit ceò agus dorcharadas air; agus a' tionndadh m'an cuairt, dh'iarr e dream a threòraich-each air làimh e.

12 An sin an uair a chunnaic an t-uachdaran an ni a rinneadh, chreid e, air dha bhi làn iongantais mu theagast an Tighearna.

13 Agus air gabhail luinge do Phòl agus d'a chuideachd o Phaphos, thainig iad gu Perga na Pamphilia: agus air do Eoin am fàgail, phill e gu Hierusalem.

14 Ach air dhoibhsan imeachd o Pherga, thainig iad gu Antioch na Pisidia, agus chaidh iad a steach do'n

t-sionagog air latha na sàbaid, agus shuidh iad.

15 Agus an déigh leughadh an lagha agus nam Fàidh, chuir uachdarain na sionagoige d'an ionnsuidh, ag ràdh, Fheara *agus* a bhràithre, ma tha focal earail agaibh do'n t-sluagh, abraibh e.

16 An sin an uair a sheas Pòl suas agus a smèid e orra le làimh, thubh-aire, Fheara Israel, agus sibhse air am bheil eagal Dé, éisidhbh.

17 Thagh Dia a' phobuill so Israil ar n-aithriche, agus dh'ardaich e'm pobull 'nuair a bha iad air choigrich ann an talamb na h-Eiphit, agus le làimh àrd thug e iad a mach aside.

18 Agus mu thimchioll ùine dhà fhichead bliadhna ghiùlain e le'm beusaibh^r anns an fhasach.

19 Agus an uair a sgrios e seachd cinnich ann an tìr Chanaain, roinn e am fearann orrasan le crannchur.

20 Agus 'na dhéigh sin mu thimchioll ceithir cheud agus leth-cheud bliadhna, thug e *dhoibh* breitheamh-na, gu Samuel am fàidh.

21 Agus 'na dhéigh sin dh'iarr iad righ: agus thug Dia dhoibh Saul mac Chis, duine do thréibh Bheniamin, rè dha fhichead bliadhna.

22 Agus air dha esan atharrachadh, thog e suas Diabhidh gu bhi 'na righ dhoibh; d'an d'thug e mar an ceudna fianuis, ag ràdh, Fhuair mi Daibhidh *mac* Iese, duine a réir mo chridhe féin, a ni m'uile thoil.

23 Do shliochd an duine so thog Dia suas do Israel a réir a gheallaidh, Slànuighear, *eadhon* Iosa:

24 Air do Eoin roimh a theachd-san, baisteadh an aithreachais air tùs a shearmonachadh do phobull Israel uile.

25 Agus mar a choimhlion Eoin a thriall^s, thubhaint e, An ti a ta sibh a' saoilsinn is mise, cha mhi e. Ach feuch, a ta neach a' teachd a'm' dhéigh, nach fiu mi brògan a chos fhuasgladh.

26 Fheara *agus* a bhràithre, a chlann fine Abrahaim, agus a mheud agaibh air am bheil eagal Dé, 's ann

chugaibhs' a chuireadh fócal na sláinte so,

27 Oir iadsan a ta chòmhnuidh ann an Ierusalem, agus an uachdarain, air dhoibh bhi aineolach airson, agus air foclaibh nam Fàidh a ta air an leughadh gach sàbaid, le *esan* a dhíteadh choimhlion siad *iad*.

28 Agus ge nach d'fhuaire iad coire báis air bith *ann*, dh'iarr iad air Pilat gu'n cuirteadh *esan* gu bàs.

29 Agus an uair a choimhlion iad na h-uile nithe bha scriobhta mu thimchioll, thug iad a nuas o'n chrann e, agus chuir iad ann an uaigh e.

30 Ach thog Dia suas o na marbhaibh e:

31 Agus chunncas e rè mòrain làithean leo-san a chaidh suas maille ris o Ghalile gu Hierusalem, dream a ta 'nam fianuisibh dhasan do'n t-sluagh:

32 Agus a ta sinne a' soisgeulachadh dhuibhse a' gheallaidh^t, a rinn-eadh do na h-aithrichibh,

33 Gu'n do choimhlion Dia so dhuinne an clann, air dha Iosa thogail suas; mar a ta e scriobhta mar an ceudna san dara Salm, Is tu mo Mhacsá, an diugh għin mi thu.

34 Agus *mar dhearbhadh* gu'n do thog e suas e o na marbhaibh, gun e a philltinn air ais tuilleadh chum truailidheachd, thubhaint e mar so, Bheir mise dhuibh trócaire cinnteach Dhaibhidh.

35 Uime sin a deir e mar an ceudna ann an *Salm* eile, Cha'n fhuiling thu do d'Aon naomha gu'm faic e truailidheachd.

36 Oir an déigh do Dhaibhidh a ghinealach féin a riarachadh a réir toil Dhé, choidil e, agus chuireadh e chum aithriche, agus chunnaic e truailidheachd:

37 Ach an ti a thog Dia suas, cha'n fhac e truailidheachd.

38 Uime sin biodh fhios agaibhse, fheara *agus* a bhràithre, gur aon tre'n duine so a ta maitheanas peacaidh air a shearmonacha'h dhuibh :

39 Agus trìdsan a ta gach neach a chreidcas air a shaoradh o na h-uile

^r *dh'altrum e iad.*

^s *a thurus, a chùrsa.*

^t *ag innseadh deadh sgéil duibhse eadhon a' gheallaidh.*

nithibh, o nach roibh e'n comas duibh bhi air bhur saoradh le lagh Mhaois.

40 Thugaibh aire uime sin, nach d'thig oirbh an ni a ta air a ràdh anns na Fàidhibh,

41 Feuchaibh, a luchd-tarcuis, agus gabhaibh iongantas, agus rachadh as duibh^u: oir oibricheamsa obair ann bhur làithibhse, obair nach creid sibh idir, ge do chuireadh duine an ceill duibh e.

42 Agus an uair a chaidh na h-Iudhaich à mach as an t-sionagog, ghuidh na Cinnich gu'n rachadh na briathra so a labhairt riu féin an t-sàbaid 'na dhéigh sin.

43 A nis an uair a sgaoil an coimhthional, lean mòran do na h-Iudhachaibh agus do na proselitich chràbhach Pòl agus Barnabas: agus labhairt iadsan riu, agus chuir iad im-pidh orra fuireach ann an gràs Dhé.

44 Agus air an latha sàbaid a b'fhaigse, is beag nach do chruinnich am baile gu h-iomlan a dh'éisdeachd ri focal Dé.

45 Ach an uair a chunnaic na h-Iudhaich na slòigh, lìonadh iad le h-eud^a, agus labhairt iad an aghaidh nan nithe sin a labhradh le Pòl, a' labhairt 'nan aghaidh agus a' tabhairt toibheim.

46 An sin dh' fhàs Pòl agus Barnabas dàna, agus thubhairt iad, B'éigin focal Dé bhi air a labhairt ribhse air tùs: ach do bhrigh gu'n do chuir sibh cùl ris, agus gur i bhur breth oirbh féin nach siu sibh a' bheatha mhaireannach, feuch, a ta sinne a' pilltinn chum nan Cinneach.

47 Oir is ann mar sin a dh'áithn an Tighearna dhuinn, ag ràdh, Chuir mi thu mar sholus do na Cinnich, chum gu'm bitheadh tu mar shlàinte gu iomall na talmhainn.

48 Agus an uair a chuala na Cinnich so, rinn iad gairdeachas, agus ghlòraich iad focal an Tighearna: agus chreid a mheud 'sa bha orduichteb chum na beatha maireannach.

49 Agus sgaoileadh focal an Tighearna seadh na tire uile:

50 Ach bhrosnaich na h-Iudhaich na mnài chràbhach agus urramach, agus daoin' uaisle^c na cathrach, agus thog iad geur-leanmhuinn air Pòl agus Barnabas, agus thilg iad a mach as an críocheibh iad.

51 Ach chrath iadsan duslach an cos dhiubh 'nan aghaidh, agus thainig iad gu Ieonium.

52 Agus bha na deisciobuil air an sionadh le h-aoibhneas, agus leis an Spiorad naomh.

C A L B. XIV.

1 Tha Pòl agus Barnabas air an dian-ruagadh o Iconium. 8 Tha Pòl aig Listra a' leigheas a chrioplaich: uime sin mheasadh iad 'nan déibh. 19 Chlachadh Pol: 21 chaidh iad trèd iomadh eaglais, a' daingneachadh 'nan deisciobul ann an creidimh agus ann am saighidin: 26 agus air pilltinn gu h-Antioch dhoibh, dk'aithris iad na nithe a rinn Dia lev.

A GUS thàrladh ann an Ieonium, gu'n deachaidh iad arao'n a steach do shionagog nan Iudhach, agus gu'n do labhairt iad air chor as gu'n do chreid cuideachd mhèr do na h-Iudhachaibh, agus mar an ceudna do na Greugachaibh.

2 Ach bhresnaich na h-Iudhaich mhi-chreideach, agus lòn iad do dhroch rùn inntinn nan Cinneach an aghaidh nam bràithre.

3 Uime sin dh'fhan iad aimsir fhada a' labhairt gu dàna mu thimchioll an Tighearna, a rinn fianuis do fhocal a ghràis, agus a thug fainear comharan agus mòrbhilean a bhi air an deanamh le'n làmhainn.

4 Ach bha sluagh a' bhaile air an roinn: agus bha cuid diubh leis na h-Iudhachaibh; agus cuid eile leis na h-abstolaibh.

5 Agus an uair a thugadh ionnsuidh arao'n leis na Cinneachaibh, agus mar an ceudna leis na h-Iudhachaibh, maille r'an uachdaranaibh, chum iadsan a mhaslachadh agus a chlachadh,

^u rachaibh as an t-scalladh.

^a tnùth.

^b air an cur an ordugh.

^c prìomh dhaoine.

6 'Nuair a thuig iadsan so, theich iad gu Listra agus Derbe, bailte do Licaonia, agus chum na dùcha m' an cuairt.

7 Agus bha iad a' searmonachadh an t-soisgeil an sin.

8 Agus bha ann an Listra duine àraidi gun lùth 'na chosaibh 'na shuidhe, a bha bacach o bhroinn a mhàthar, neach nach d'imich riamh.

9 Chual esan Pòl a' labhairt : neach air dha amharc gu geur air, agus a thuigsinn gu robh creidimh aige chum a leigheas,

10 Thubhaint e le guth àrd, Seas suas gu dìreach air do chosaibh. Agus leum esan agus dh'imich e.

11 Agus an uair a chunnaic an sluagh an ni a rinn Pòl, thog iad an guth, ag ràdh ann an cànan Licaonia, Tha na Dée air teachd a nuas an cos-las dhaoine d'ar n-ionnsuidhne.

12 Agus ghoir iad do Bharnabas, Iupiter ; agus do Phòl, Mercurius, do bhrigh gu'm b'e am priomh fhear-labhairt e.

13 An sin thug sagart Iupiteir a bha fa chomhair an cathrachsan, tairbh agus blàth-fhleasgaidh d'chum nan geata, agus b'aill leis iobairt a dheanamh maille ris an t-sluagh.

14 Ach an uair a chuala na h-abstoil Barnabas agus Pòl so, reub iad an eudach, agus ruith iad a steach am measg an t-sluaign, ag éigheach.

15 Agus ag ràdh, A dhaoine, c'ar son a ta sibh a' deanamh nan nithe so? oir is daoinne sinne cosmhul ribh féin thaoblh fulangais, a' searmonachadh dhuibhse, pilttinn o na nitibh diomhain sin chum an Dé bheo, a rinn nèamh, agus an talamh, agus an cuan, agus na h-uile nithe a ta annata:

16 Neach anns na lùnnibh a chaith seachad, a dh'fhuiling do na h-uile Chinneachaibh imeachd 'nan slighibh féin.

17 Gidheadh, cha d'fhàg se e féin gun fhianuis, a' deanamh maith, agus a' toirt dhuinn uisge o nèamh, agus aimsire tarbhach, a' liònadh ar cridh-eacha le biadh agus le subhachas.

18 Agus ag ràdh nan nithe so

dhoibh, is gann a chum iad an sluagh gun iobairt a dheanamh dhoibh.

19 Agus thainig Iudhaich o Antioch agus o Iconium, agus chomh-airlich iad an sluagh, agus air dhoibh Pòl a chlachadh, tharruing iad a mach as a' bhaile e, a' saoilsinn gu robh e marbh.

20 Ach air seasamh do na deisciobluibh m'a thimchioll, dh'ëirich e, agus chaidh e steach do'n bhaile : agus air an là màireach dh'imich e maille ri Barnabas gu Derbe.

21 Agus an uair a shearmonaich iad an soisgeul do'n bhaile sin, agus a rinn iad mòran dleisciobul, phill iad gu Listra, agus Iconium, agus Antioch,

22 A' neartachadh anama nan deisciobul, agus ag earail f, orra buanachadh sa' chreidimh, agus a' teugasg gur ann tre iomadh àmhghiar is éigin duinn dol a steach do rioghachd Dhé.

25 Agus an uair a dh'orduich iad seanairean dhoibh anns gach eaglais, agus a rinn iad ùrnuigh maille ri trosgadh, dh'earb siad iad ris an Tighearn, anns an do chreid iad.

24 Agus an déigh dhoibh dol tre Phisidia, thainig iad gu Pamphilia.

25 Agus air dhoibh am focal a labhairt ann am Perga, chaidh iad sios gu Atalia :

26 Agus sheòl iad as sin gu Antioch, an t-àit o'n d'earbadh iad ri gràs Dhé, chum na h-oibre a choimhion iad.

27 Agus an uair a thainig iad, agus a chruinnich iad an eaglais an ceann a chéile, dh'aithris iad meud nan nithe a rinn Dia leo, agus gu'n d'fhsogail e dorus creidimh do na Cinneachaibh.

28 Agus dh'fhan iad an sin aimsir nach bu bheag maille ris na deisciobluibh.

C A I B. XV.

1 Tha connachadh mòr ag éirigh mu thimchioll an timchioll-ghearraidh :

6 Tha na h-abstoil a' cumail comhairle m' an chùis sin, 22 agus a' cur ordugh na comhairle ann an

litrichibh chum nan eaglais. 36 *Air do Phòl agus do Bharnabas bhi a' smuaineachadh air dol araoon a dh'amharc am bràithre, chuir iud-a mach air a chéile, agus dhealaich iad.*

A GUS theagaig dream àraidi a thainig a nuas o Iudea, na bràithre, *ag ràdh,* Mur timchioll-ghearrar sibh a réir gnàthha Mhaois, cha 'n'eil e'n comas duibh bhi air bhur slànuchadh.

2 Uime sin air do Phòl, agus do Bharnabas connsachadh agus deas-boireachd nach bu bheag a bhi aca riu, dh'orduich iad Pòl agus Barnabas, agus dréam àraidi eile dhiubh fein, a dhol suas chum nan abstol agus nan seanair gu Hierusalem mu thimchioll na ceiske so.

5 Agus air dhoibh bhi air an toirt air an aghaidh leis an eglais, chaidh iad tre Phenice, agus Shamaria, a' cur an céill iompochaidh nan Cinneach: agus thug iad aoibhneas mòr do na bràithribh uile.

4 Agus an uair a thainig iad gu Hierusalem, ghabhadh riu leis an eglais, agus na h-abstolaibh, agus na seanairibh, agus dh'innis iad meud nan nithe a rinn Dia leo-san.

5 Ach dh'éirich dream àraidi do bharail nam Phairiseach a bha 'nan creidmhich, ag ràdh, Gur coir an timchioll-ghearradh, agus àithneadh dhoibh lagh Mhaois a choimhead.

6 Agus thainig na h-abstoil agus na seanairean an ceann a chéile a dh'fheuchainn mu'n chùis so.

7 Agus an déigh mòrain deasboireachd, dh'éirich Peadar agus thubh-airt e riu, Fheara *agus a bhràithre,* tha flios agaibh o chionn fhada gu'n do ròghnuich Dia 'nar measgne, o m' bheulsa gu'n cluinneadh na Cinnich focal an t-soisgeil, agus gu'n creideadh iad,

8 Agus rinn an Dia d'an aithneadh an cridhe, fianuis dhoibh, a' tabhairt an Spioraid naoimh dhoibh, mar a *thug e dhuiinne;*

9 Agus cha d'rinn e eadar-dhealachadh eadar sinne agus iadsan, a' glanadh an cridhe le creidimh.

10 C'ar son vime sin a nis a ta sibh a' cur cathachaiddh air Dia g, le cuing a chur air muineal nan deisciobul, nach robh aon chuid ar n-aithriche no sinne comasach air a giùlan?

11 Gidheadh a ta sinn a' creidsinn, tre ghràs an Tighearna Iosa Criod, gu saorar sinn amhuil mar iadsan.

12 An sin dh'fhan a' chuideachd uile 'nan tosd, agus thug iad éisdeachd do Bharnaabas agus do Phòl, ag innseadh meud nan comliar agus nam miòrbhule a rinn Dia leo-san am measg nan Cinneach.

13 Agus an déigh dhoibh bhi 'nan tosd, fhreagair Seumas, *ag ràdh,* Fheara *agus a bhràithre,* éisdbh riumsa.

14 Chuir Simeon an céill cionnus a dh'fhiosraich Dia na Cinnich air tùs, le pobull a ghabhail as am measg d'a aum féin.

15 Agus da so tha briathra nam faidh a' coimh-fhreagairt; a réir mar a ta e scriobhta,

16 An déigh so pillidh mi, agus togaidh mi suas a ris pàilliun Dhaibhidh, a ta air tuiteam: agus togaidh mi a ris an ni a thuit deth, agus cuirdidh mi suas e:

17 Chum gu'n iarr fuigheall nan daoine an Tighearn, agus na h-uile Chinnich, air an goirear m'ainmse, a deir an Tighearn, a ta deanamh nan nithe sin uile.

18 Tha fios oibre fein uile aig Dia o thoiseach an t-saoghal.

19 Uime sin is i mo bhrethse, nach curi sinn mi-shuaimhneash orra-san do na Cinnich, a ta air pilltinn chum Dhé:

20 Ach gu'n scriobh sinn d'an ionnsuidh, iad a sheachnadh truaillidheachd iodhola, agus striopachais, agus ni tachdta, agus folia.

21 Oir a ta aig Maois o na linnibh cian anns gach baile daoine a ta 'ga shearmonachadh, air dha bhi air a leughadh gach latha sàbaid anns na sionagogaibh.

22 An sin chunneas do na h-abstolaibh, agus do na seanairibh, maille ris an eglais uile, daoine taghta dhiubh fein a chur gu Antioch, maille

ri Pòl agus Barnabas; *eadhon*, Iudas d'an comh-ainm Barsabas, agus Silas, daoine inbheach am measg nam bràithre:

23 Agus scriobh iad litriche leo air an dòigh so, Tha na h-abstoil, agus na seanairean, agus na bràithrean a' cur beannachd chum nam bràithre do na Cinnich a ta ann an Antioch, agus ann an Siria, agus ann an Cilicia.

24 Do bhrigh gu'n cuala sinne, gu'n do chuir dream àraidh a chaidh uaine mi-shuaimhneas oirbh le briathraigibh, ag atharrachadh bhuf inntinni, ag ràdh, *Gur còir dhuibh* bhi air bhur timchioll-ghearradh, agus an lagh a choimhead; do nach d'thug sinne a *leithid sin a dh'aithnè*:

25 Chunncas duinne, air dhuinn bhi cruinn a dh'aon toil, daoine taghta a chur d'ar ionnsuidhse, maille r'ar bràithribh gràdhach Barnabas agus Pòl;

26 Daoine a thug an anama féin air son ainme ar Tighearna Iosa Criosd.

27 Chuir sinn uime sin Iudas agus Silas uainn, a' dh'innseas *duibh* na nithe ceudna le cainnt bheoil.

28 Oir chunncas do'n Spiorad naomh, agus dhuinne, gun ni air bith tuilleadh a chur oirbh a dh'uallaich ach na nithe feumail so;

29 Sibh a sheachnadh nithe a chaidh iobradh do iòdholaibh, agus folà, agus ni tachdta, agus strìopachais: uatha só ma choimhideas sibh sibh féin, ni sibh gu maith. Slàn libh.

30 Uime sin an uair a leigeadh uatha iad, thainig iad gu h-Antioch: agus air cruinneachadh an t-sluagh dhoibh, thug iad seachad an litir.

31 Agus an uair a leugh iad *sin*, rinn iad gairdeachas air son na comhfurtachd.

32 Agus air bhi do Iudas agus do Shilas 'nam fàidhibh iad féin, le mòran bhriathraigibh dh'earailich, agus neartaich iad na bràithre.

33 Agus air fuireach rè ùine dhoibh, leigeadh air falbh an sìth iad o na bràithribh chum nan abstol.

34 Gidheadh chunncas do Shilas còmhnuidh a dheanamh an sin.

55 Dh'fhan Pòl mar an ceudna agus Barnabas ann an Antioch, a' teagasc agus a' searmonachadh maille re mòran eile mar an ceudna, focail an Tighearna.

36 Agus an déigh làithean àraidh, thubhairt Pòl ri Barnabas, Pilleanaid agus faiceamaid ar bràithre, anns gach baile anns an do shearmonaich sinn focal an Tighearna, cionnus a ta iad.

37 Agus b'àill le Barnabas iad a thoirt Eoin, d'an comh-ainm Marcus leo.

38 Ach cha do mheas Pòl gu'm bu choir dhoibh esan, a dh'fhalbh uatha o Phamphilia, agus nach deachaidh maille riu chum na h-oibre, a thoirt leo.

39 Dh'éirich uime sin conspoid eatorra co dian, as gu'n do sgaradh o chéile iad: agus mar sin-thug Barnabas leis Marcus, agus chaidh e air luing gu Ciprus;

40 Ach thagh Pòl Silas, agus dh'imich e, air dha bhi air earbsadh ri gràs Dé leis na bràithribh.

41 Agus shiubhail e tre Shiria agus Chilicia, a' neartachadh nan eaglais.

C A I B. XVI.

1 *Tha Pòl a' timchioll-ghearradh Thimoteuis: 7 air a ghairm leis an Spiorad o dhùthaich gu dùthaich; 14 ag iompochadh Lidia: 16 a' tilgeadh a mach spioraid fiosachd: 19 uime sin tha e féin agus Silas air an sgùrsadh, agus air an cur am priosun. 26 Tha dorsan a' phriosuin air am fosgladh, agus an dorsair air iompochadh. 55 Tha iadsan air an cur fa sgaoil.*

A N sin thainig e gu Derbe agus Listra: agus feuch, bha deis-ciobul àraidh an sin, d'am b'ainm Timoteus, mac mnà àraidh do'n chinneach Iudhach, a bha 'na creid-mheach; ach bu Ghreugach a b'athair dha:

2 A bha fa dheadh ainm aig na bràithribh a bha ann an Listra agus ann an Iconium.

3 Bha toil aig Pòl am fear so a

dhol a mach maille ris; agus ghabh e agus thimchioll-ghearr se e, air son nan Iudhach a bha anns na h-àitibh sin: oir bha fios ac' uile gu'm bu Ghreugach athair.

4 Agus mar a shiubhail iad tre na bailtibh, thug iad doibh na h-orduigh-ean r'an coinhead, a dh'orduicheadh leis na h-abstolaibh agus na seanairibh a bha ann an Ierusalem.

5 Agus mar sin bha na h-eaglais-ean air an daingneachadh anns a' chreidimh, agus mheudaicheadh iad gach là an aireamh.

6 A nis an uair a chaidh iad tre Phrigia, agus tir Ghalatia, agus a bhacadh dhoibh leis an Spiorad naomh am focal a labhairt san Ásia,

7 An déigh dhoibh teachd gu Misia, dh'fheuch iad ri dol gu Bitinia: ach cha do leig an Spiorad^m leo.

8 Agus air dhoibh gabhail seachad air Misia, chaidh iad sios gu Troas.

9 Agus chunncas sealladhⁿ le Pòl san oidhche: Sheas duine àraidi o Mhacedonia, agus ghuidh e air, ag ràdh, Thig thairis gu Macedonia, agus cuidich leinne.

10 Agus an uair a chunnaic a sealladh, air ball dh'iarr siñ dol thairis gu Macedonia, a' dearbh-thuiginn gu'n do ghairm an Tighearna sinn chum an soisgeul a shear-monachadh dhoibh.

11 Uime sin air dhuinn long a ghabhail o Throas, thainig sinn gu díreach gu Samotracia, agus air an là 'na dhéigh sin gu Neapolis;

12 Agus o sin gu Philipi, ceud^o bhaile na cuid sin, do Mhacedonia, agus b'ùr-threabhachas^p e: agus bha sinn a chòmhnuidh anns a' bhaile sin làithean àraidi.

13 Agus air là na sàbaid chaidh sinn a mach as a' bhaile ri taobh aimhne, far am b'abhaist ùrnuigh a dheananmh^r; agus air dhuinn suidhe, labhair sinn ris na mbaibh a chruinnicheadh an sin.

14 Agus dh'éisd bean àraidi ruinn d'am b'ainm Lidia, bean-reicidh pur-puir^s, o chathair Thiatira, a bha dean-anbh aoraidh do Dhia; aig an d'fhos-

gail an Tighearn a cridhe, ionnas gu'n d'thug i aire do na nithibh a labhradh le Pòl.

15 Agus an uair a bhaisteadh i, agus a teaghlaich, ghuidh i oirnn, ag ràdh, Ma mheas sibh mise-bhi dileas do'n Tighearn, thigibh a steach do m' thigh, agus deanaibh còmhnuidh ann. Agus choimh-eignich i sinn.

16 Agus tharladh, ag dol dhuinne chum ùrnuigh, gu'n do thachair oirnn ban-tràill àraidi, aig an robh spiorad-fiosachd, a thug mòr bhuanachd d'a maighstiribh le fiosachd a dheanamh:

17 Lean ise Pòl agus sinne, agus għlaodh i, ag ràdh, 'S iad na daoine so seirbhisich an Dé a's ro-airde, a ta a' nochdadh dhuinne slighe na sláinte.

18 Agus rinn i so rè mòrain do làithibh. Ach air do Phòl a bhi dollich, thionndaidh e agus thubhairt e ris an Spiorad, A ta mi toirt ordugh dhuit ann an ainm Iosa Criosd dol a mach aisde. Agus chaidh e mach air an uair sin fein.

19 Agus an uair a chunnaic a maighstirean gu'n d'fhalbh dòchas^t am buannachd, rug iad air Pòl agus air Silas, agus tharruing iad do'n mhargadh iad, chum nan uachdar-an.

20 Agus air dhoibh an toirt chum luchd-riaghluidh a' bhaile, thubhairt iad, Tha na daoine so a' buaireadh ar baile gu ro mhòr, air dhoibh bhi 'nan Iudhachaibh,

21 Agus a ta iad a' teagasc għnàt-hanna nach 'eil ceuduicte dhuinne a ghabhail no leantuinn, do bhrigh gur Romhanaich sinn.

22 Agus dh'éirich an sluagh dh'aon-fheachd 'nan aghaidh: agus reub na h-uachdarain an eudach diubh, agus dh'aitlin iad an sgiùrsadh le slataibh.

23 Agus an déigh dhoibh iomadh buille a leagadh orra, thilg iad am priosun iad, a' toirt sparraidh do fhear-coimhead a' phriosuin an gleidh-eadh gu tèaruinte.

24 Neach air dha an àithne sin fhaotainn, a thilg iad do'n phriosun

^m Spiorad Iosa. ⁿ taisbean. ^o pròlmh. ^p cholamhuin; colony. ^q Sasg.

^r do thig ùrnuigh a bhi. ^s corcuir. ^t earbsa.

a b'fhaide a stigh, agus a dhaingnich an cosa sa' cheap.

25 Agus mu mheadhon-oidhche air do Phòl agus do Shilas ùrnuigh a dheanamh, sheinn iad laoidh-mholaidh do Dhia; agus chuala na priosunaich iad.

26 Agus gu h-obann bha crith-thalmhainn mhòr ann, air chor as gu'n do chrathadh bunaitean a' phriosuin: agus air ball dh'fhosgladh na dorsan uile, agus dh'fhuasgladh cuibhreacha gach neach aca.

27 Agus air do fhear-coimhead a phriosuin dùsgadhl a codal, agus air faicinn dorsa a' phriosuin fosgalte, tharruing e a chlaidheamh, air tìⁿ e fein a mharbhadh, a' saoilsinn gu robh na priosunaich air teicheadh.

28 Ach ghlaodh Pòl le guth àrd, ag ràdh, Na dean cron sam bith ort fein; oir tha sinn uile an so.

29 Agus air gairm soluis dasan, leum e steach, agus thainig e air chrith, agus thuit e sìos an làthair Phòil agus Shilais;

30 Agus air dha an tabhairt a mach, thubhairt e, A mhaighstirean, ciod is còir domh dheanamh chum gu saorar^a mi?

31 Agus thubhairt iadsan, Creid anns an Tighearn Iosa Criod, agus saorar thu fein, agus do thigh.

32 Agus labhair iad focal an Tighearna ris, agus riusan uile a bha 'na thigh.

33 Agus air dha an toirt leis air an uair sin fein do'n oidhche, nigh e an creuchdan; agus bhaisteadh e fein, agus a mhuinnit uile, gun dàil.

34 Agus an uair a thug e d'a thigh iad, chuir e bord rompa, agus rinu e gairdeachas maille r'a theaghlaich uile, a' creidsinn an Dia.

35 Agus air teachd do'n là, chuir an luchd-riaghluigidh na maoir uatha, ag ràdh, Leig air an comas na daoine sin.

36 Agus dh'innis fear-coimhead a' phriosuin na briathra so do Phòl, Gu'n do chuir an luchd-riaghluigidh fios uatha sibhse a leigeadh as: uime sin rachaibh a mach, agus imichibh an sìth.

37 Ach thubhaïrt Pòl riu, an déigh dhoibh ar sgiùrsadh gu follaiseach gun ar dìeadh, agus gur Romhainach sinn, thilg iad am priosun sinn; agus a nis am b'àill leo ar cur a mach os iosal? ni h-eadh gu deimhin; ach thigeadh iad fein agus thugadh iad a mach sinn.

38 Agus dh'innis na maoir na briathra sin do na h-uachdaranaibh: agus ghabh iad eagal an uair a chuail iad gu'm bu Romhainach iad.

39 Agus thainig iad agus chuir iad impidh orra, agus air dhoibh an toirt a mach, ghuidh iad orraimeachd a mach as a' bhaile.

40 Agus air dol a mach as a' phriosun doibh, chaidh iad a steach do thigh Lidia: agus an uair a chunnait iad na bràithre, thug iad comhfhurtachd dheibh, agus dh'imich iad rompa.

1 Tha Pòl a' searmonachadh aig Te-salonica, 4 far am bheil cuid a' creidsinn, agus cuid eile a' deanamh geur-leanmhuinn air. 10 Tha e air a chur gu Berea, agus a' searmonachadh an sin. 15 Tha geur-leanmhuinn air a dkeanamh air; 15 tha e-teachd gu baile na h-Aithne, agus a' deasboireachd, agus a' searmonachadh dhoibh an Dé bheo: 34 tha cuid air an iompochadh gu Criod.

A NIS air dhoibh imeachd tre Amphipolis, agus Apolonia, thainig iad gu Tesalonica, far an robh sionagog aig na h-Iudhachaibh.

2 Agus mar bu ghnàth le Pòl, chaidh e steach d'an iónnsuidh, agus air tri làithibh sàbaid reusonaich b'e riù as na scriobtuiribh,

3 'Gam fosgladh agus a' dearbhadh gu'm b'éigin do Chriod fulang, agus éirigh a ris o na marbhaibh: agus gur e an t-Iosa so a ta mise a' searmonachadh dhuibh, Criod.

4 Agus chreid cuid diubh, agus lean iad ri Pòl agus ri Silas: agus do na Greugaich chràbhach buidheann mhòr, agus do na mnaibh inbheach àireamh nach bu bheag.

5 Ach air do na h-Iudhachaibh mi-chreideach bhi air am brosnachadh le tnùth^c, ghabh iad d'an ionnsuidh droch-dhaoine àraid do na corr-aihbh-margaidh^e, agus air tionall cuid-eachd moire dhiubh, chuir iad am baile uile thar a chéile, agus chuairt-ich iad tigh Iason, agus dh'iarr iad an toirt a mach chum an t-sluaigh.

6 Agus an uair nach d'fhuaire siad iad, tharruing iad Iason, agus braithrean àraidh chum uachdarain a' bhaile, ag éigheach, Tha na daoine so a chéile an saoghal bun os cionn, air teachd an so mar an ceudna ;

7 D'an d'thug Iason aoidheachd : agus a ta iad so uile a' cur an aghaidh ordugh Cheasair, ag ràdh, Gu bheil righ eile ann, *eadhon* Iosa.

8 Agus chuir iad buaireas^f fo'n t-sluaigh, agus fo uachdarain a' bhaile, 'nuair a chual iad na nithe so.

9 Agus air gabhail urrais^f dhoibh o Iason, agus o chàch, leig iad uatha iad.

10 Agus air ball chuir na bràithre Pòl agus Silas san oidhche gu Berea : agus air teachd dhoibhsan *an sin*, chaidh iad a steach do shionagog nan Iudhach.

11 Bha iad sin ni b'uaise na muinntir Thesalonica, oir ghabh iad am focal d'an ionnsuidh leis an uile thiogradh, a' rannsachadh nan scriobtuir gach aon là, a dh'fheuchainn an robh-na nithe sin mar so.

12 Uime sin chreid mòran diuh : agus mar an ceudna do mhnaibh uaisle do na Greugaich, agus do fhearaibh àireamh nach bu bheag.

13 Ach an uair a thuig na Iudhach o Thesalonica gu'n do shearmonaicheadh focal Dé le Pòl am Berea, thainig iad an sin mar an ceudna, a' brosnachadh an t-sluaigh.

14 An sin air ball chuir na bràithrean uatha Pòl, chum gu'n rachadh e mar gu b'ann chum na mara : ach dh'fhan Silas agus Timoteus an sin fathast.

15 Agus threòraich luchd-coimheadachd Phòil e gu baile na

h-Aithne^g ; agus air faghail àithne dhoibh gu Silas agus Timoteus, iad a theachd d'a ionnsuidhsan mar bu huaithe, dh'imich iad rompa.

16 A nis am feadh a bha Pòl a' feitheamh riu san Aithne, bha a spiorad air a bhrosnachadh^h ann, do bhrigh gu'm fac e am baile làn iodhol-aoraidh.

17 Air an aobhar sin rinn e deas-boireachd ris na h-Iudhachaibh, agus ris na daoinibh cràbhach anns an t-sionagog, agus air a' mhargadh gach là riu-san a thachair air.

18 An sin thug feallsanaichi àraigidh do na h-Epicurach, agus do na Stoicich, aghaidh air ; agus thubh-airt cuid, Ciad a b'aill leis an fhear bhith-bhriathrach so a ràdh ? thubh-airt cuid eile, Is cosmhùil gu bheil e a' searmonachadh dhée coimheach ; do bhrigh gu'n do shearmonaich e dhoibh Iosa, agus an aiseirigh.

19 Agus rug iad air, agus thug iad leo e gu Areopagus, ag ràdh, Am feud sinn fios fhaotainn ciod e an teagasc nuadhⁱ so, a labhrar leat ?

20 Oir a ta thu toirt nithe àraidh neo-ghnàthach chum ar cluas : b'aill leinn uime sin fios fhaotainn ciod is ciall doibh sin.

21 (Oir cha do chaith muinntir na h-Aithne uile agus a' choigrich a bha air chuairt 'nam measg, an ùine ri ni air bith eile, ach ri innseadh, no ri cuinntinn noimheachd éigin.)

22 An sin air seasamh do Phòl am meadhon Areopagus, thubhaint e, A muinntir na h-Aithne, tha mi faicinn gu bheil sibh anns na h-uile nithibh cràbhach thar tomhas :

23 Oir air dhomh bhi dol seachad, agus ag amharc air bhur nithibh naomha, fluair mi altair air an robh an scriobhadh so, DO'N DIA NEO-AITHNICHE. Uime sin esan d'èm bheil sibh a' deanamh aoraidh gun eòlas agaibh air, is e a tame a' searmonachadh dhuibh.

24 An Dia a rinn an saoghal, agus na h-uile nithe a ta ann, do bhrigh gur e féin Tighearna nèimhe agus na

^c farmad, eud. ^d do'n ghràisg. ^e tuairgne, gluasachd. ^f daingneachaidh. ^g Athens. ^h bhuaireadh. ⁱ daoine fòghlumta, eag-nuidhean. ^j nomha.

talmhainn, cha 'n'eil e gabhail còmh-nuidh ann an teampluibh làmh-dheanta :

25 Ni mò a bheirear aoradh dha le làmhaibh dhaoine, mar gu'm biadh uireasbhuidh ni sam bith air; oir is e fèin a ta tabhairt do na h-uile beatha, agus anail, agus nan uile nithe :

26 Agus rinn e dh'aon fhuil uile chinnich dhaoine, chum iad a ghabhail còmhnuidh air aghaidh na talmhainn uile, agus shonraich^m e na h-amanna roimh-orduichte, agus críochna an àite-còmhnuidh;

27 Chum gu'n iarraidh iad an Tighearn, dh'fheuchainn an tarladh dhoibh, le mìn-rannsachadh, gu'm faigheadh iad e, ge nach 'eil e fada o gach aon againn :

28 Oir annsan tha sinn beo, agus a' gluasad, agus tha ar bith againn; mar a thubhairt mar an ceudna dream àraidh d'ar bàrdaibh fèin, Oir is sinne fòs a ghinealsan.

29 Uime sin do bhrigh gur sinn gineal Dé, cha choir dhuinn a shaolsinn gu bheil an Diadhachd cos-mhul ri h-òr, no ri h-airgiot, no ri cloich, nithe a ghearradhⁿ le h-ealadhain agus innleachd dhaoine.

30 A nis air do Dhia amharc thairis air aimsiribh an aineolais so, tha e nis ag aithneadh do na h-uile anns gach ait aithreachas a dheanamh :

31 Do bhrigh gu'n do shuidhich e là anns an toir e breth air an t-saoghal am fìreantachd, tre'n duine sun a dh'orduich e; agus air so thug e dearbhadh do na h-uile dhaoinibh, le esan a thogail suas o na marbh-aibh.

32 Agus an uair a chual iad mu aiseirigh nam marbh, rinn cuid diubh fanoid: ach thubhairt cuid eile, Eisdidh sinn riut a rìs mu'n ni so.

33 Agus mar sin chaidh Pòl a mach as am meadhon.

34 Gidheadh, lean cuid do dhaoinibh ris, agus chreid iad, 'Nam measg so bha Dionisius an t-Areopagach, agus bean d'am b'ainm Damaris, agus dream eile maille riu.

1 Tha Pòl ri obair le a làmhaibh fèin, agus a' searmonachadh do na Cinneachaibh ann an Corintus: 9 Tha'n Tighearn a' toirt misнич dha ann an taisbean: 12 tha e air a chasaid an làthair an uachdarain Ghallio, ach air a leig'as: 18 'na dhéigh sin, a' dol o bhaile gu baile, tha e' a' neartachadh nam deiseiobul, &c.

A N déigh nan nithe so, dh'fhàg A Pòl baile na h-Aithne, agus thainig e gu Corintus;

2 Agus fhuair e Iudhach àraidh d'am b'ainm Accila, a rugadh am Pontus, air ùr-theachd as an Eadait, maille r'a mhaoi Priscilla, (a chionn gu'n d'orduich Claudius do na h-Iudhachaibh uile an Ròimh fhàgail) agus thainig e d'an ionnsuidh.

3 Agus a chionn gu'n robh e a dh'aon cheird riu, dh'fhan e maille riu, agus bha e ag obair (oir bu cheird doibh bhi deanamh phàilliuna.)

4 Agus thagair^o e anns an t-sionagog gach aon là sàbaid, agus chuir e impidh air Iudhaich agus Greugach.

5 Agus an uair a thainig Silas agus Timoteus o Mhacedonia, bha Pòl air a theannadh 'na spiorad, agus rinn e fianuis do na h-Iudhaich, gu'n b'e Josa an Criod.

6 Agus an uair a chuir iad 'na aghaidh, agus a labhair iad toibheuna, chrath e eudach, agus thubhairt e riu, Biodh bhur ful air bhur ceann fèin; tha mise glan: a so suas théid mi chum nan Cinneach.

7 Agus chaidh e as sin, agus thainig e gu tigh duine àraidh, d'am b'ainm Iustus, a bha deanamh aoraidh do Dhia, agus aig an robh a thigh làimh ris an t-sionagog.

8 Agus chreid Crispus, priomh^p uachdaran na sionagoige anns an Tighearna, maille r'a theaghlaich uile: agus chreid mòran do na Corintianach, air dhoibh éisdeachd ris, agus bhaisteadh iad.

9 An sin thubhairt an Tighearn ri Pòl ann an sealladh^r san oidhche, Na

^m shuidhich. ⁿ a dhualadh, a ghràbhaladh. ^o reusonaich. ^p àrd.
^r taisbean.

biodh eagal ort, ach labhair, agus na bi d' thosd :

10 Oir a ta mise maille riut, agus cha toir duine sam bith ionnsuidh ort, chum do chron a dheanamh : oir a ta mòr shluagh agamsa anns a' bhaile so.

11 Agus dh'han e bliadhna agus sea mìosan, a' teagascg focal Dé 'nam measg,

12 Agus an uair a bha Gallio 'na uachdaran air Achaia, dh'éirich na h-Iudhaich a dh'aon inntinn an aghaidh Phòil, agus thug iad e gu caithir a' bhreitheanais,

13 Ag ràdh, Tha'n duine so a' comhairleachadh dhaoine aoradh a dheanamh do Dhia an aghaidh an lagha.

14 Agus an uair a bha Pòl dol a dh'fhosgladh a bhéil, thubhaint Gallio ris na h-Iudhaich, Nam b'eucuir no droch ghniomh a bhiodh ann, O Iudhacha, bu reusonta gu'n giùlainn leibh :

15 Ach ma's ceisd a ta ann tim-choill fhocla agus ainmeanna, agus bhur lagha féin, amhaircibh féin air sin ; oir cha'n àill leamsa bhi m' bhreitheamh air an leithidibh sin do nithibh.

16 Agus dh'fhuadaich e iad o chaithir a' bhreitheanais.

17 An sin rug na Greugaich uile air Sostenes, uachdaran na sionag-oige, agus ghabh iad air an lathair caithir a' bhreitheanais : agus cha do ghabh Gallio suim do ni sam bith dhiubh sin.

18 Agus dh'han Pòl fathast ùine mhaith sa' bhaile sin, agus an sin an déigh a chead a ghabhail do na bràithribh, chaidh e air luing o sin gu Siria, agus maille ris-san Priscilla agus Acuila; an déigh a cheann a bhearradh^s ann an Cenclrea : oir bha moïd air.

19 Agus thainig e gu h-Ephesus, agus dh'fhàg é iadsan an sin : ach chaidh e féin a steach do'n t-sionagog, agus reusonaich e ris na h-Iudhachaibh.

20 Agus an uair a dh'iarr iad air

fuireach maille riu ni b'fhaide, cha d'aontaiche e.

21 Ach ghabh e a chead diubh, ag ràdh, Is éigin domh air gach aon chor an fhéisd^t so a ta teachd a choimhead annan Ierusalem: ach pillidh mi a' rìs d'ar ionnsuidhse, ma's toil le Dia. Agus sheòl e o Ephesus.

22 Agus thainig e tir aig Cesarea, agus air dha dol suas agus failt a chur air an eaglais, chaidh e sios gu h-Antioch.

23 Agus an uair a dh'han e rè tamuill an sin, dh'imich e, agus chaidh e an ordugh^u tre thìr Ghàlatia uile agus Phrigia, a' neartachadh nan deis-ciobul uile.

24 Agus thainig gu h-Ephesus Iudhach àraidi d'am b'ainm Apollos, a rugadh an Alecsandria, duine deas-bràithrach, agus cumhachdach anns na scriobtuiribh.

25 Bha'n duine so air a theagasc ann an slighe an Tighearna ; agus air dha bhi dian a' na spiorad, labhair agus theagaisg e gu dìchiollach na nithe a bhuineadh do'n Tighearn, agus gun èolas aige ach air baisteadh Eoin.

26 Agus thòisich e air labhairt gu dàna san t-sionagog. Agus air do Acuila agus do Phriscilla a chluinn-tinn, ghahh iad d'an ionnsuidh e, agus mhìnich iad dha slighe Dhé ni bu choimhlionta.

27 Agus an uair bu mhiann leis dol gu Achaia, an déigh a chomhairleachadh, scriobh na bràithre chum nan deisciobul iad a ghabhail ris : neach, air dha teachd, a rinn còmh-nadh^b mòr riu-san a chreid tre ghràs.

28 Oir le mòr dhìchioll rinn e deasboireachd^c ris na h-Iudhaich gu follaiseach, a' dearbhadh leis na scriobtuiribh, gur e Iosa an Criosc.

C A I B. XIX.

6 Tha an Spiorad naomh air a thabhairt le làmhaibh Phòil. 9 Tha na h-Iudhaich a' toirt toibheim d'a theagasc, a ta air a dhaingneach-

^s a lomadh. ^t an fhéill. ^u an eagar. ^a teth. ^b cògnath, congnamh.

^c le mòr sbairn thagair e.

adh le mòrbhuilibh. 15 *Tha na h-Iudhaich a bha cur spiorada fa gheasaibh air am bualadh leis an Diabhol.* 19 *Tha leabhairche druidheachd air an losgadh, &c.*

A GUS tharladh, 'nuair a bha Apollos ann an Corintus, air do Phòl dol tre na crìochaibh uachdarach, gu'n d'thainig e gu Ephesus. Agus air faotainn dheisciobul àraidh,

2 Thubhairt e riu, An d'fhuaír sibh an Spiorad naomh o chreid sibh? Agus thubhairt iadsan ris, Cha chuala sinn uiread as am bheil Spiorad naomh ann.

3 Agus thubhairt e riu, Ciod ma seadh anns an do bhaisteadh sibh? Agus thubhairt iadsan, Am baisteadh Eoin.

4 An sin thubhairt Pòl, Bhaist Eoin gu deimhin le baisteadh an aithreachais, ag ràdh ris an t-slaugh, iadsan a chreidsinn anns an neach a bha gu teachd 'na dhéighsan, sin r'a ràdh, ann an Iosa Criod.

5 Agus an uair a chual iad so, bhaisteadh iad ann an ainm an Tighearna Iosa.

6 Agus air do Phòl a làmhan a chur orra, thainig an Spiorad naomh orra; agus labhair iad le teangaibh, agus rinn iad fàidheadaireachd.

7 Agus bha ann uile timchoill dà fhèar dheug.

8 Agus chaidh esan a steach do'n t-sionagog, agus labhair e gu dàna rè thri miosa, a' deasboireachd agus a' comhairleachd nan nithe a bhuineas do rioghachd Dhé.

9 Ach an uair a chruadhaccheadh cuid, agus nach do chreid iad, ach a labhair iad olc mu'n t-slige sin an làthair an t-sluagh, dh'fhàg e iad, agus sgar e na deisciobuil uatha, agus bha e gach là a' deasboireachd ann an scoil neach àraidh *d'am b'ainm Tirannus.*

10 Agus rinneadh so rè dhà bhliadhna; air chor as gu'n cuala luchd-àiteachaidh na h-Asia uile, eadar Iudhaich agus Ghreugaich, focal an Tighearna Iosa.

11 Agus rinn Dia mòrbhilean nach bu bheag le làmhaibh Phòil:

12 Air chor as gu'n d'thugadh o chorpsan chum nan daoine tinne, neapaicinne no aprain, agus gu'u d'fhalbh an euslaintean uatha, agus gu deachaidh na droch spioraid a mach asda.

13 Agus ghabh dream àraidh do na h-Iudhaich, a bha 'g imeachd o àit gu h-àit, a' cur spiorada fa gheasaibh, os làimh ainh an Tighearna Iosa ainmeachadh os ceann na muinnitir sin anns an robh droch spioraid, ag ràdh, Cuireamaid fa gheasaibh sibh tre Iosa a ta Pòl a' searmònachadh.

14 Agus bha aig Sceoba Iudhaich àraidh, aon do na h-àrd shagartaibh, seachdnar mhac a bha deanamh so.

15 Agus fhreagair an droch spiorad, agus thubhairt e, Tha eòlas agam air Iosa, agus is aithne dhomh Pòl: ach cò sibhse?

16 Agus leum an duine anns an robh an droch spiorad orra, agus air dha làmh an uachdar fhaotainn orra, thug e buaidh orra, air chor as gu'n do theich iad a mach as an tigh sin lomnochd agus reubta.

17 Agus fhuair na h-Iudhaich uile agus mar an ceudna na Greugach a bha thàmh ann an Ephesus fios air so; agus thuit eagal orra uile, agus bha ainm an Tighearna Iosa air àrdachadh.

18 Agus thainig mòran diubhsan a chreid, ag aideachadh, agus ag innseadh an gnìomhara.

19 Agus thug mòran diubhsan a bha gnàthachadh dhroch inleachda, an leabhairche leo, agus loisg siad iad am fianius nan uile: agus dh'air-eamh iad an luach, agus fhuair iad e 'na leth-cheud mìle *benn* airgid.

20 Mar sin le cumhachd dh'fhàs agus bhuadhaich focal an Tighearna.

21 Agus an uair a choimhlionadh na nithe so, chuir Pòl roimhe 'na spiorad, an déigh dhaimeachd tre Mhacedonia, agus Achaia, dol gu Hierusalem, ag ràdh, An déigh dhomh bhi an sin, is éigin domh an Ròimh fhaicinn mar an ceudna.

22 Agus air dha dithis dhiubhsan a bha frithdealadh dha, Timoteus, agus

* a' cur spiora fo mhionnaibh, a' tilgeadh a mach spiorada.

Erastus, a chur do Mhacedonia, dh'fhan e féin rè tamuill san Asia.

23 Agus dh'éirich mu'n àm sin ionairt^e nach bu bheag mu thimchioll na slighe sin.

24 Oir bha ceard-airgid àraidh d'am b'ainm Demetrius *ann*, a bha deanamh theampull airgid^f do Dhianá, agus a thug buannachd nach bu bheag do'n luchd-ceirde.

25 Agus air dha iadsan a chruinn-eachadh an ceann a chéile, agus a' mhuinntir eile a bha dh'aon cheird riù, thubhairt e, Fheara, tha fhios agaibh gur ann o'n cheird so a ta ar beartas^g againne:

26 Os barr, tha sibh a' faicinn agus a' cluinnint gu bheil am Pòl so le chómhairle air tionndadh air falbh sluaigh mhòir, cha'n e mhàin ann an Ephesus, ach cha mhòr^h san Asia uile, ag ràdh, Nach dée iad a nithear le làmhaibh :

27 Air chor as nach e mhàin gu bheil e'n cunnart gu'n deanar tair air ar ceird; ach mar an ceudna gu cuirear teampull na bain-dé moire Diana an neo-prìs, agus gu claoídhearr a mòrachDSA, d'am bheil an Asia uile, agus an domhan a' deanamh aoraidh.

28 Agus an uair a chual iadsan *so*, lionadh le feirg iad agus ghlaodh iad, ag ràdh, *Is mòr Diana nan Ephesianach*.

29 Agus bha am baile uile air a lionadh le mi-riaghailt: Agus ruith iad a dh'aon toil chum àite-cruinnich an t-sluaign, a' tarruing leo Ghaiuis agus Aristarchuis Macedonaich, luchd comh-thuruis Phòil.

30 Agus an uair a b'aill le Pòl dol a steach chum an t-sluaign, cha do leig na deisciobuil leis.

31 Agus mar an ceudna chuir cuid do uachdaraisibh na h-Asia a bha 'nan càirdibh dha, fios chuige, a' guidheadh air nach rachadh e gu aite-cruinnich an t-sluaign.

32 Ghlaodh uime sin cui'd diubh aon ni, agus cui'd ni eile: oir bha an coimhthional tre a chéile, agus cha robh fios aig a' chuid bu mhò c'ar son a thainig iad cuideachd.

33 Agus tharruing iad a mach

Alecsander as an t-sluagh, air bhi do na h-Iudhachaibh 'ga iomain rompa. Agus smèid Alecsander le làimh, agus b'aill leis a leithsgeul a ghabhail ris an t-sluagh.

34 Ach an uair a thuig iad gu'm b'Iudhach e, rinneadh àrd iolach leo uile mu thimchioll ùine dhà uair, a' glaodhaich, *Is mòr Diana nan Ephesianach*.

35 Agus an uair a chiùnaich an cléireachⁱ an sluagh, thubhairt e, Fheara Ephesuis, cò an duine aig nach 'eil fios gu bheil cathair^j nan Ephesianach a' deanamh aoraidh do'n bhain-dia mhòir Diana, agus do'n dealbh^k a thuit a nuas o Jupiter?

36 Air an aobhar sin do bhrigh nach fheudar cur an aghaidh nam nithe so, is còir dhuibhse bhi ciùin, agus gun ni sam bith a dheanamh gu h-obann.

37 Oir thug sibh an so na daoine so, ge nach 'eil iad a' creachadh theampull, no a' toirt toibhleim d'ar bain-dia.

38 Uime sin ma ta aig Demetrius agus aig an luchd-ceird a ta maille ris, cùis an aghaidh neach air bith, tha'n lagh réidh dhoibh, agus tha uachdarain *ann*; agradh iad a chéile.

39 Ach ma ta ceisid sam bith agaibh mu nitibh eile, réiticear sin ann an coimhthional dilgheach.

40 Oir tha sinn an cunnart bhi air ar n-agairt air son ceannaire air an là'n diugh, do blàrigh nach 'eil cùis sam bith againn a dh'fheudas sinn a thoirt seachad mar aobhar a' chruinn-eachaidh so.

41 Agus air dha so a ràdh, sgaoil e an coimhthional.

C A I B. XX.

1 *Tha Pòl a' dol do Mhacedonia :*

7 *Tha e fritheadadh suipeir an Tighearna, agus u' searmònachadh:*

9 *air do Eutichus tuiteam sìos an cruth mairbh, thogadh suas beo e.*

17 *Tha Pòl aig Miletus a' gairm seanairean na h-eaglais an ceann a chéile, ag innseadh dhoibh ciod a bha gu tachairt dha féin, &c.*

A GUS an déigh do'n chomh-

^e buaireas. ^f dealbh-theampull.

ⁱ Cléireach-scriobhaidh a' bhaile.

^g saibhreas. ^h air bheag nithe.

^l baile. ^m bhuaireas.

deisciobuil d'a ionnsuidh, agus air dha a chead a ghabhail diúbh^m, thriall e gu dol do Mhacedonia.

2 Agus air dha dol tre na crioch-aibh sin, agus mòr earail a dheanamh orra, thainig e do'n Ghréig.

3 Agus dh'han e *an sin* tri mìosan: agus an uair a bha na h-Iudhaich ri feall-fholachⁿ air a shon, agus e air tì^o dol air luing do Shiria, chuir e roimhe pilltinn tre Mhacedonia.

4 Agus chaith 'na chuideachd gu h-Asia, Sopater o Bhorea; agus do mhuintir Thesalonica, Aristarchus agus Secundus; agus Gaius o Dherbe, agus Timoteus; agus do mhuintir na h-Asia, Tichicus agus Trophimus.

5 Air dhoibh soimeachd romhainne, dh'fheith iad ruinn ann an Troas.

6 Agus sheòl sinn o Philipi, an déigh làithean an arain neo-ghoirtichte, agus thainig sinn d'an ionnsuidhsan gu Troas ann an cùig làithibh, far an d'han sinn seachduin.

7 Agus an ceud *là do'n t-seachd-un*, air do na deisciobluibh cruinn-eachadh an ceann a chéile a bhriseadh arain, shearmonaich Pòl doibh, air bhi fiudhe^p imeachd uatha air an là màireach, agus lean e air labhairt gu meadhon-oidhche.

8 Agus bha mòran lòchran anns an t-seomar uachdarach, far an robh iad cruinn.

9 Agus bha òganach àraidh d'am b'ainm Eutichus 'na shuidhe ann an uinneig, air tuiteam gu trom 'na chodal: agus air do Phòl bhi rè fad a' searmonachadh, shàruicheadh leis a' chodal e, agus thuit e sìos o'n treas lobhta, agus thogadh marbh e.

10 Agus chaith Pòl sìos, agus thuit e air, agus air dha a glacadh 'na uchd, thubhaint e, Na biodh trioblaid^u oirbh; oir a ta anam ann.

11 Agus air dol suas da a rìs, blhrs e aran agus dh'ith e, agus labhair e riu rè ùine fhada, eadhon gu teachd na maidne, agus mar sin dh'fhalbh e.

12 Agus thug iad leo an t-oganach

agus e beo, agus rinn iad gairdeachas nach bu bheag.

13 Agus air dhuinne imeachd air thoiseach chum na luinge, sheòl sinn gu Asos, fa rùn Pòl a ghabhail a steach an sin: oir is ann mar sin a dh'orduich e, a' cur roimhe gu'n imicheadh e féin d'a chois.

14 Agus an uair a choinnich e sinn aig Asos, ghabh sinn a steach e, agus thainig sinn gu Mitilene.

15 Agus air seòladh dhuinn as sin, thainig sinn air *an là màireach* fa chomhair Chios; agus air an *latha* 'na dhéigh sin thainig sinn gu Samos, agus dh'han sinn aig Trogillium; agus air an *latha* b'fhlaisge thainig sinn gu Miletus.

16 Oir chuir Pòl roimhe seòladh seach Ephesus, chum nach tarladh dha moille a dheanamh anns an Asia: oir bha deifir air^s, chum nam feudadh e, bhi ann an Ierusalem air latha na Cuingeis.

17 Agus air cur fios o Mhiletus gu h-Ephesus, ghairm e d'a ionnsuidh seanairean na h-eaglais.

18 Agus an uair a thainig iad d'a ionnsuidh, thubhaint e riu 'Tha fhios agaibh, cionnus a bha mi 'nar measg anns an uile aimsir, o'n cheud là a thainig mi do'n Asia,

19 A'deanamh seirbhis do'n Tighearn leis gach uile irioslachd inntinn, agus maille ri mòran dheur, agus dheuchainnean, a thachair dhomh le ceilg nan Iudhach:

20 Agus cionnus nachi do gheleidh mi ni sam bith am folach a bha feumail *dhuibhse*, gun a nochdadh dhuibh, agus gun sibhse a theagasc am follas, agus o thigh gu tigh,

21 A'deanamh fianuis araon do na h-Iudhaich, agus do na Greugaich, mu aithreachas a thaobh Dhé, agus mu chreidimh a thaobh ar Tighearna Iosa Criosd.

22 Agus a nis feuch, a ta mi dol gu Hierusalem ceangailte san Spiorad, gun fhos agam ciod iad na nithe a tharlas dhomh an sin:

23 Ach a mhàin gu bheil an Spiorad naomh a' deanamh fianuis

^m an *glacadh* 'na uchd. ⁿ a' *luidhe* am *solach*, am *plail*. ^o a *rùn air*.

^P agus a *rùn air*. ^r *buaireas*. ^s *rinn e cabhag*.

anns gach baile, ag ràdh, Gu bheil
geumhlichean agus trioblaideant' a'
feitheamh orm.

24 Ach cha 'n-eil suim agam do ni
air bith, ni mò mheasam m'anam féin
luachmhòr dhomh, chum gu críoch-
naich mi mo thuras^u le h-aoibhneas,
agus gu coimhition mi a' mhinistreille-
eachd a fhuair mi o'n Tighearn Iosa,
a dheanamh fianuis do shoisgeul gràis
Dhé.

25 Agus a nis feuch, a ta fhios
agam nach faic sibhse uile, measg an
d'imich mise a' searmonachadh riogh-
achd Dhe, mo ghnùis nì's mó.

26 Uime sin a ta mi a' deanamh
fianuis duibh^a air an là'n diugh, gu
bheil mise glan o fhuil nan uile.

27 Oir cha do sheachainn mi uile
chomhairle Dhé fhoillseachadh dhuibh.

28 Air an aobhar sin thugaibh aire
dhuibh féin, agus do'n treud uile, air
an d'rinn an Spiorad naomh luchd-
coimheadb^b dhibh, a bheathachadh
eaglais Dhé^c, a cheannaich e le fhuil
féin.

29 Oir a ta fhios agamsa air so,
an déigh m'imeachdsa gu'n d'thig
madruidh-allaidh gharga 'nar measg,
nach caomhain an treud.

30 Agus éiridh daoine dhibh féin,
a labhras nithe fiara, chum deisciobuil
a tharruing 'nan déigh féin.

31 Uime sin deanaibh faire, a'
cuimhneachadh nach do sguir mise
rè thri bliadhna, a chomhairleachadh
gach aon agaibh a là agus a dh'oidhche
le deuraibh.

32 Agus a nis, a bhràithre, earbam
sibh ri Dia, agus ri focal a ghràis, a
ta comasach air bhur togail suas, agus
oighreachd a thoirt duibh am measg
na muinntir sin uile a ta air an
naomhachadh.

33 Cha do shanntaich mi airgiod,
no òr, no eudach duine sam bith.

34 Seadh, is aithne dhuibh féin,
gu'n do fhritheil na làmhan so do m'
uireasbhuidh féin, agus do'n mhuiñntir
sin a bha maille rium.

35 Nochd mi na h-uile nithe
duibh, gur ann le saothrachadh mar
so is còir dhuibh còmhnhadh a dhean-

amh riu-san a ta annmhunn^e; agus
focal an Tighearna Iosa a chuimh-
neachadh, mar a thubhairt e, Tha e
ni's beannuichte ni a thabhairt na
ghabhail.

36 Agus air dha na briathra so a
ràdh, leig se e féin air a ghluinibh,
agus rinn e ùrnuigh maille riu uile.

37 Agus ghuil iad uile gu goirt,
agus thuit iad air muineal Phòil, agus
phòg iad e,

38 Air dholbh bhi gu h-àraigdh
brònach air son nam briathar so a
thubhairt e, Nach faiceadh iad a
gnùis-san ni's mó. Agus thug iad
coimheadachd dha chum na luinge.

C A I B. XXI.

1 *Cha ghabh Pòl comhairleachadh o
dhol gu Hierusalem.* 3 *Mu Philip
an soisgeulaiche, agus a' cheathrar
nighean a bha 'nam ban-fhàidhlibh.*
17 *Tha Pòl a' teachd gu Hierusa-
lem, 27 far am bheil e air a ghla-
adh agus an cunnart mòr; &c.*

A GÜS air dhuinn dealachadh
riu-san, sheòl sinn romhainn,
agus thainig sinn gu dìreach gu Coos,
agus air an là märeach gu Rhodos,
agus as sin gu Patara.

2 Agus air dhuinn long fhaotainn
a bha a' gabhail thairis gu Phenicia,
chaidh sinn air bord, agus sheòl sinn
romhainn.

5 Agus air dhuinn teachd an seall-
adh Chipruis, agus fhàgail air an
làimh chlì, sheòl sinn gu Siria, agus
thainig sinn tir aig Tirus: oir is ann
an sin a bha an long gus a luchd a
chur a mach.

4 Agus air dhuinn deisciobuil
fhaotainn, dh'fhan sinn an sin seachd
làithean: muinntir a thubhairt ri Pòl
tre'n Spiorad, gun e dhol suas gu
Hierusalem.

5 Agus an uair a chròochnaich-
eadh na làithean sin, chaidh sinn a
mach, agus thriall sinn romhainn,
agus thainig iadsan uile maille ri
mnaibh agus ri cloinn 'nar cuideachd,
a mach as a' bhaile: agus leig sinn
air ar glùinibh sinn air an tràigh,
agus rinn sinn ùrnuigh.

^a àmhaghair. ^u thriall, chùrsa.

^b easbuigean.

^c eaglais an Tighearna.

^d gabham sibhse mar fhianuisibh.

^e lag

6 Agus an déigh dhuinn ar cead a ghabhail d'a chéile, chaith sinn do'n luing; agus phill iadsan d'an tighibh fein.

7 Agus an uair a chrìochnuich sinn ar turus^f o Thirus, thainig sinn gu Ptolemais, agus chuir sinn fàilte air na bràithribh, agus dh'fhan sinn aon latha maille riu.

8 Agus air 'an là màireach, air dhuinne, a bha do chuideachd Phòil,imeachd, thainig sinn gu Cesarea; agus chaith sinn a stéach do thigh Philip an t-soisgeulaiche, (a bha do'n t-seachdnar) agus dh'fhan sinn aige.

9 Agus bha ceathrar nighean aigesan, òighean, a bha ri faidhead-airreachd.

10 Agus ag fantuinn duinn mòran do làithibh *an sin*, thainig a nuas o Iudea fàidh àraidh, d'am b'ainm Agabus.

11 Agus air teachd dha d'ar ionnsuidhne, ghabh e' crios Phòil, agus cheangail e a làmhan agus a chosan fein, agus thubhairt e, Mar so a deir an Spiorad naomh, Is ann mar so a cheanglas na h-Iudhaich ann an Ierusalem an duine d'am buin an crioso, agus bheir iad thairis e do làmhreibh nan Cinneach.

12 Agus an uair a chuala sinne na nithe so, ghuidh sinn fein agus muinnitir an aite air, gun e' dhol suas gu Hierusalem.

13 An sin fhreagair Pòl, Ciod is ciall duibh a' gul, agus a' briseadh mo chridhe? oir a ta mise ullamh cha'n e mhàin gu bhi air mo cheangal, ach eadhon. gu bàsachadh ann an Ierusalem air son ainme an Tighearna Iosa.

14 Agus an uair nach gabhadh e comhairle, sguir sinne, ag ràdh, Deanar toil an Tighearna.

15 Agus an déigh nan làithean so air dhuinn bhi ullamh^g, chaith sinn suas gu Hierusalem.

16 Agus chaith mar an ceudna maille ruinn *cuid* do na deisciobluibh o Chesarea, a' toirt leo Mhnasoin o Chiprus, seann deisciobul àraidh, aig an robh sinn gu bhi air aoidheachd.

17 Agus an uair a thainig sinn gu Hierusalem, ghabh na bràithre ruinna gu subhach.

18 Agus air an ath *là*, chaith Pòl maille ruinne dh'ionnsuidh Sheumais; agus bha na seanairean uile a làthair.

19 Agus air dhasan fàilte chur orra, chuir e'n céill doibh fa leth na nithe a rinn Dia le mhìnistreileachd-san am measg nan Cinneach.

20 Agus an uair a chual iadsan so, thug iad glòir do'n Tighearn^h, agus thubhairt iad ris-san, Tha thu facinn, a bhràthair, cia lion mile do na h-Iudhachaibh a ta creidsinn, agus tha iad uile ro'eudmhor mu'n lagh.

21 Agus chual iad umadsa, gu bheil thu teagasg do na h-Iudhachaibh uile a ta measg nan Cinneach, Maois a thréigsinn, ag ràdh *riu*, Nach coir dhoibh *an clann a thimchioll-ghearradh*, no gluasad a réir nan gnàthi.

22 Ciod uime sin a *nìshear?* Gun teagamh, 's éigin do'n t-sluagh cruinneachadh: oir cluinnidh iad gu'n d'thainig thu.

23 Uime sin dean so a deir sinne riut: Tha ceathrar shear maille ruinne, air am bheil mòid;

24 Beir iadsan leat, agus bi air do għlanadh maille riu, agus dean costusⁱ leo, chum gu bear^m iad *an cinn*: agus gu'm bi' fhiros aig na h-uile nach 'eil ach neo-ni anns na chual iad mu d' thimchiolla, ach gu bheil thu fein mar an ceudna ag im-eachd gu riaghailteach, agus a coimhead an lagha.

25 Ach mu thimchioll nan Cinn-each a chreid, scrìobh sinne agus b'i ar breth, gun iad a ghleidheadh a h-aon do na nithibh sin, ach a mhàin iad fein a choimhead o nithibh a chaith iobradh do iħolħalaibh, agus o fhuil, agus o ni tachdta, agus o striopachas.

26 An sin għabb Pòl na daoine; agus air an là màireach air dha bhi air a ghlanadh maille riu, chaith e steach do'n teampull, a' foillseachadh coimhlionaidh làithean a għlanaidh,

^f triall, taisdeal, ciarsa. ^g thog sinn ar n-airneis, agus &c. ^h do Dha.

i a réir gnàthanna [an lagha.] ^l caitheamh, cosgus. ^m lom.

gus an d' thugtadh tabhartas air son gach aon aca.

27 Agus an uair a bha na seachd làithean air bheag nith'n air an coimhlionadh, air do na h-Iudhach-aibh o'n Asia esan fhaicinn san team-pull, bhrosnaich iad am pobull uile, agus chuir iad làmh ann,

28 Ag éigheach, Fheara Israel, cuidichibh: is e so an duine a ta teagasc nan uile dhaoine anns gach aít an aghaidh a' phobuill, agus an lagha, agus an àite so: agus os barr, thug e steach Greugaich do'n team-pull, agus shalaich e'n t-ionad naomha so.

29 (Oir chunnaic iad Trophimus an t-Ephesianach roimhle sin anns a' bhaile maille ris, agus shaoil iad gu'n d'thug Pòl a steach do'n teampull e.)

30 Agus għluiseadlu am baile gu-h-iomlan, agus ruith an sluagh cuid-eachd: agus air dhoibh breith air Pòl, tharruing iad a mach as an team-pull e: agus air ball dhùineadh 'na dorsa.

31 Agus an uair a b'áill leo a mħarbhadh, chaidh sgeula dh'ionnsuidk àrd cheannaird na cuideachd, gu'n robb Ierusalem uile tha'r a chéile^o.

32 Neach air ball a thug leis saighdearan, agus ceannardan-cheud, agus a ruith sìos d'an ionnsuidh: Agus an uair a chunnaic iadsan an t-àrd cheannard agus na saighdearan, sguir iad do bhualadh Phòil.

33 An sin thainig an t-àrd cheannard am fagus agus rug e air, agus dh'áithn e a cheangal le dà shlabhraidi; agus dh'fhiorsaich e, Cò e, agus ciod a rinn e.

34 Agus ghlaodh aon chuid am measg an t-sluagh aon ni, agus cuid eile ni éile: agus an uair nach robh e an comas da cinnteachd *na cùise a thuigsinn* air son na h-àrd bhruidhne, dh'orduich e esan a thoirt do'n chaisteal.

35 Agus an uair a thainig e chum na staidhreach, tharladh gu'n do għiūlaineadh e leis na saighdearaibh, air son foireigin an t-sluagh.

36 Oir lean am mòr shluagh e, a' glaodhaich, Beir uainn e.

37 Agus an uair a bha Pòl gu bhi air a thoirt a steach do'n chaisteal, thubhairt e ris an àrd cheannard, An cead domhsa ni a labhairt riut? agus thubhairt esan, An labhair thu Greig-is?

38 Nach tua an t-Eiphiteach sin a thog ceannairc roimh na làithibh so, agus a thug leat do'n fhàsach ceithir mile fear a bha 'nan luchdmortaidh?

39 Ach thubhairt Pòl, Is duine mise a tha m' Iudhach gun amharus o Tharsus, saor dhuine do bhaile ro inbheach ann an Cilicia: agus guidheam ort, thoir cead domh labhairt ris an t-sluagh.

40 Agus an uair a thug e cead da, Air do Phòl seasamb air an staidhir, smèid e le làimh air an t-sluagh, ag iarraidh éisdeachd: agus air fantuinn ro thosdach dhoibhsan, labhair e riu sa' chànan Eabhruidhich, ag ràdh.

C A I B. XXII.

1 Tha Pòl gu pailt a' cur an céill cionnus a dh'iompoicheadh chum a' chreidimh e, 17 agus a ghairmeadh e chum na h-abstolachd. 22

Ag dhasan na Cinnich atmearachadh, thog am pobull aon ghàir ris: 24 Bha e gu bhi air a sgùrsadh; 25 ach air dha a chòir-shaorsa mar Roimhanach agairst, leigeadh as e.

FHEARA, a bhràithre, agus F aithriche, eisdibhse ri m' dhionchainnt^P ribh a nis:

2 (Agus an uair a chual iadsan gu'n do labhair e riu sa' chànan Eabhruidhich, bu mhòid a thosd iad: agus thubhairt esan,)

3 Is Iudhach mise do rìreadh, a rugadh ann an Tarsus na Cilicia, ach a dh'oileadh^r sa' bhaile so, aig cosaiib Ghāmaliel, agus a theagaisgeadh gu coimhlionta a réir gnàtha lagha nan aithriche, agus bha mi eudmhor a thaobh Dhé, mar a ta sibhse uile an diugh.

4 Agus rinn mi geur-leannmuinn gu bàs air an t-sligh so, a' ceangal

ⁿ cha mhòr. ^o fa bhuaireas. ^P mo leihsgueul.
^r thogadh suas.

fhearr agus bhan, agus 'gan tarruing gu priosun :

5 Mar a ni an t-àrd shagart mar an ceudna fianuis domh, agus comhairle nan seanaire uile ; o'n d'fhuair mise mar an ceudna litriche chum nam bràithre, agus chaith mi gu Damascus, chum an dream a bha'n sin a thoirt ceangailte gu Hierusalem, chum gu deantadh peanas orra.

6 Agus tharladh, air dhomh bhi 'gimeachd, agus a' druideadh ri Damascus mu mheadhon-là, gu'n do dhealraich gu h-obann o nèamh solus mòr mu'n cuairt orm.

7 Agus thuit mi air an talamh, agus chuala mi guth ag ràdh, A Shauil, a Shauil, c'ar son a ta thu 'gam gheur-leanmhuinnse ?

8 Agus fhreagair mise, Cò thu, a Thighearn ? Agus thubhaint e rium, is mise Iosa o Nasaret, air am bheil thus a' deanamh geur-leanmhuinn.

9 Agus chunnaic na daoine a bha maille rium an solus gu deimhin, agus ghabh iad eagal ; ach cha chual iad guth an ti a labhair riumsa.

10 Agus thubhaint mise, Ciod a ni mi, a Thighearn ? Agus thubhaint an Tighearn rium, Eirich, agus imich gu Damascus, agus an sin labhrar riut mu thimchioll nan nithe sin uile a dh'orduicheadh dhuits' a' dheanamh.

11 Agus an uair nach bu léir dhomh tre ghlòir an t-soluis sin, air dhomh bhi air mo threòrachadh air làimh leasan a bha maille rium, thainig mi gu Damaçus.

12 Agus air do dhuine àraighe d'am b'ainm Ananias, a bha cràbhach a réir an lagha, agus air an robh death theisteas aig na h-Iudhachaibh uile a bha chòmhnuidh an sin,

13 Teachd am' ionnsuidh, agus seasamh làimh rium, thubhaint e rium, A Shauil a bhràthair, gabh do radhar. Agus air an uair sin fèin dh'amhairc mi suas, air.

14 Agus thubhaint esan, Thagh Dia ar n-aithriche roimh-làimh thusa, chum gu'n gabhadh tu eòlas air a thoil, agus gu'm faiceadh tu an t-Aon

cothromach sin, agus gu'n cluinneadh tu guth as a bheul.

15 Oir bitidh tu a' t'fhanuis aige chum nan uile dhaoine, air na nithibh a chunnait agus a chuala tu.

16 Agus a nis c'ar son a ta thu a' deanamh moille ? Eirich, agus bi air do bhaisteadh, agus ionnlaid uait do pheacanna, a' gairm air ainm an Tighearna.

17 Agus tharladh, 'nuair a phill mise gu Hierusalem, agus a bha mi a' deanamh ùrnuigh san teampull, gu'n deachaidh mi ann an neul,

18 Agus gu'm faca mi esan ag ràdh rium, Dean deifir, agus imich gu grad a Hierusalem ; oir cha ghabh iad ri d' theisteas mu m' thimchiolla.

19 Agus thubhaint mise, A Thighearn, tha fhios aca gu robh mise a' tilgeadh am priosun, agus a' sgiùrsadh anns gach sionagog iadsan a chreid annadsa.

20 Agus an uair a dhòirteadh ful do mhaitirich s Stephan, bha mise mar an ceudna a'm' sheasamh a làthair, agus ag aontachadh leis a mharbhadh, agus a' coimhead eudaich na muinntir a mharbh e.

21 Agus thubhaint e rium, Imich : oir curidh mise thu am fad chum nan Cinnceach.

22 Agus dh'éisd iad ris gus an fhocal so, agus thog iad an sin an guth gu h-àrd, ag ràdh, Beir o'n talamh a leithid so do dhuine ; oir cha chòir e bhi beo.

23 Agus an uair a bha iadsan ag éigeach, agus a' tilgeadh dhiubh an eudaich, agus a' tilgeadh luaithre san athar^t.

24 Dh'aithn an t-àrd cheannard esan a thoirt do'n chaisleal, ag orduchadh a cheasnachadh le a sgiùrsadh ; chum gu faigheadh e fios ciod i a' choire mu'n robh iad a' glaoedhaich mar sin 'na aghaidh.

25 Agus an uair a bha iad 'ga cheangal le iallaibh, thubhaint Pòl ris a' cheannard-ceilidh a sheas a làthair, Am bheil e ceaduichte dhuibhse duine a ta 'na Romhanach a sgiùrsadh, agus gun e air a dhíeadh ?

26 Agus an uair a chual an ceannard-ceud *so*, dh'imirich e agus dh'innis e do'n àrd cheannard, ag ràdh, Thoir fainear ciod a ni thu; oir is Romhanach an duine so.

27 An sin air teachd do'n àrd cheannard d'a ionnsuidh, thubhairt e ris, Innis domhsa, an Romhanach thu? Agus thubhairt esan, Is mi.

28 Agus fhreagair an t-àrd cheannard, Is mòr an t-suim air an do cheannaich mise an t-saorsa so. Agus thubhairt Pòl, Ach rugadh mise *saor*.

29 An sin dh'imirich iadsan uaith air ball a bha gus a cheasnachadh: agus ghabh an t-àrd cheannard mar an ceudna eagal 'nuair a thuig e gu'm bu Romhanach e, agus a chionn gu'n do cheangail se e.

30 Agus air an là màireach, air dha bhi togarràch air fios cinnteach fhaotainn ciod i a' choire a bha na h-Iudhaich a 'cur as a leth, dli'fhuasgail se e o a chuibhreachaibh, agus dh'àithn e do na h-àrd shagairtaibh agus d'an comhairle uile teachd a láthair, agus air dha Pòl a thoirt sìos, chuir e 'nam fianuis e.

C A I B. XXIII.

1 *Tha Pòl a' tagradh a chùis.* 2 *Tha Ananias ag orduchadh a bhualadh.* 7 *Connsachadh am measg u luchd-casaid,* 11 *Tha Dia a' toirt misнич dha.* 14 *Tha feall nan Iudhach an aghaidh Phòil air a nochdadadh do'n àrd cheannard.* 23 *Tha e'gachur gu Felics an t-uachdar-an.*

AGUS air dearcadh do Phòil air a' comhairle, thubhairt e, Fheara agus a bhràithre, anns an uile dheadh cheoguis chaith mise mo bheatlu a thaobh Dbè gus an là'n diugh.

2 Agus dh'àithn an t-àrd shagart Ananias dhoibhsan a bha 'nan seasamh làimh ris, a bhualadh air a bheul.

5 An sin thubhairt Pòl ris, Buailidh Dia thusa, a bhalla ghealaichte: oir am bheil thusa a'd' shuidhe a thoirt breth ormsa a réir an lagha,

agus an aghaidh an lagha ag orduchadh mo bhualadh?

4 Agus thubhairt iadsan a sheas làimh ris, Am bheil thusa a' toirt anacainnt^a do àrd shagart Dhé?

5 An sin thubhairt Pòl, Cha robh fhios agam^b, a bhràithre, gu'm b'e an t-àrd shagart e: oir a ta e scriobh-ta, Na labhair olc mu uachdaran do phobuill.

6 Ach an uair a thuig Pòl, gu robh cuid diubh 'nan Sadusaich, agus a' chuid eile 'nam Phairisich, ghlaodh e anns a' chomhairle. Fheara agus a bhràithre, is Phairiseach mise, mac Phairisich: is ann a leth dòchais agus aiseirigh nam marbh, a tha mi air mo thoirt am breitheanas.

7 Agus air dhasan so a labhairt, dh'éirich comhstribh eadar na Phairisich agus na Sadusaich: agus roinneadh an coimhthional *an aghaidh a chéile*.

8 Oir a deir na Sadusaich nach 'eil aiseirigh, no aingeal, no spiorad ann; ach a ta na Phairisich ag aid-eachadh gach aon diubh^c.

9 Agus dh'éirich gàird mhòr: agus air seasamh suas do na scriobh-uehibh a bha air taobh nam Phairiseach, chathaich iad 'nan aghaidh, ag ràdh, Cha 'n'eil sinne faotainn^e crón air bith san duino so: ach ma labhair spiorad no aingeal ris, na cogamaid an aghaidh Dhé.

10 Agus an uair a dh'éirich conn-sachadh mor *eatorra*, air do'n àrd cheannard bhi fa eagal gu'n rachadh Pòl a tharruing as a chéile leo, dh'àithn e do na saighdearaibh dol sìos, agus esan a thogail leis an làimh làidir as am meadhon, agus a thoirt do'n chaisteal.

11 Agus air an oidhche 'na dhéigh sin, sheas an Tighearn làimh ris, agus thubhairt e, Biodh misneach mhaith agad, a Phòil; oir mar a rinn thu fianuis a'm' thimchiolla ann an Ierusalem, is amhuil sin is éigin duit fianuis dheanamh anns an Ròimh.

12 Agus air teachd do'n là, chruinnich dream àraighe do na h-Iudhach-aibh an ceann a chéile^f, agus chuir

^a càineadh. ^b Cha d'thug mi fainear. ^c 'gan aideachadh le chéile.

^d iwlach. ^e faghail, faghainn. ^f rinn dream àraighe do na h-Iudhach-aich comh-bhann r'a chéile.

siad iad féin fa mhallacnadh, ag ràdh, nach itheadh agus nach òladh iad gus am marbhadh iad Pòl.

15 Agus bha iad os cionn dà fhichead fear a rinn an coimh-mhionnachadh so.

14 Agus thainig iad chum nan àrd shagart, agus nan seanair, agus thubhairt iad, Chuir sinne sinn féin fa àrd mhallaachadh, nach blaiseamaid ni sam bith gus am marbhamaid Pòl.

15 A nis uime sin iarraibhse maille ris a' chomhairle air an àrd cheannard, gu'n d'thugadh e d'ar ionnsuidhs' e am màireach, mar gu biodh a rùn oirbh fios fhaotainn ni bu choimhlionta air ni éigin m'a thimchoill: agus tha sinne deas chum esan a mharbhadh, mu'n d'thig e'm fagus duibh.

16 Agus an uair a chuala mac peathar Phòil am feall-fholach so, thainig e, agus air dha dol a steach do'n chaisteal, dh'innis e sin do Phòl.

17 An sin ghairm Pòl d'a ionnsuidh aon do na ceannardaibh-cheud, agus thubhairt e, Thoir an t-òganach so chum an àrd cheannaird; oir a ta ni àraidih aige r'a innseadh dha.

18 An sin thug e leis e, agus threòraich se e chum an àrd cheannaird, agus thubhairt e, Ghairm Pòl am priosunach mise d'a ionnsuidh, agus ghuidh e orm an t-òganach so thoirt a't ionnsuidhse, aig am bheil ni-eigin r'a innseadh dhuit.

19 An sin rug an t-àrd cheannard air a làimh, agus chaidh e a leth-taobh an uaigneas *muille ris*, agus dh'fhiorsraich e dheth, Ciod a tha agad r'a innseadh dhomhsa?

20 Agus thubhairt esan, Rinn na h-Iudhaich comhairle iarraidih ortsas, gu'n d'thugadh tu Pòl am màireach do'n chomhairle, mar gu'm biodh iad gu rannsachadh ni's géire a dheanamh air ni-eigin m'a thimchioll.

21 Ach na aontaich thusa leo: oir a ta os cionn dà fhichead fear dhiubh ri feall-fholach 'na aghaidh, a chuir iad féin fa mhallaachadh, nach ith agus nach òl iad gus am marblí iad

e: agus a nis tha iad ullamh, a feitheamh re gealladh uaitse.

22 An sin leig an t-àrd cheannard uaith an t-òganach, agus dh'aithn e dha, ag ràdh, Feuch, nach innis thu do neach sam bith, gu'n d'fhoillsich thu na nithe so dhomhsa.

23 Agus ghairm e d'a ionnsuidh dà cheannard-ceud, agus thubhairt e, Ulluichibh dà cheud saighdear a théid gu Cesarea, agus d'each agus trifichead marcach, agus dà cheud fearsleadha, air an treas uair do'n oidhche.

24 Agus ulluichibh eich, chum air dhoibh Pòl a chur orra, gu'n toir iad e gu téaruinte chum an uachdarain Felics.

25 Agus scriobh e litir air a' mhodh so:

26 Beatha agus slàinte o Chlaudius Lisiás, chum an uachdarain ro oirdheirc Felics.

27 Ghlacadh an duine so leis na h-Iudhachaibh, agus an uair a bha iad air ti a mharbhadh, thainig mise orra le saighdearaibh, agus thug mi dhiubh e, a' tuigsinn gu'm bu Romhánach e.

28 Agus air dhombh bhi toileach air fios an aobhair fhaotainn air son an d'agair iad e, thug mi sìos e chum an comhairle-san:

29 Agus thuig mi gu'n robh e air agairt mu cheisdibh d'an lagh féin, gun ni sam bith air a chur as a leth a b'airidh air bàs no air ceanglaichibh.

30 Ach an uair a dh'innseadh dhomh gu'n robh na h-Iudhaich gu feall a chaitheadh air an duine, air ball chuir mi a' t'ionnsuidhs' e, agus thug mi àithne mar an ceudna d'a luchd-casaid, gach cuis a bha aca'na aghaidh a chur an céill a'd' làthairse. Slàn leat.

31 An sin air do na saighdearaibh Pòl a ghabhail, a réir mar a dh'aithneadh dhoibh, thug iad san oidhche e gu' Antipatrís.

32 Agus air an là maireach leig iad do'n mharc-shluagh dol leis, agus phill iad féin do'n chaisteal.

33 Agus an uair a chaidh iad a stigh do Chesarea, agus a thug iad

an litir do'n uachdaran, chuir iad mar an ceudna Pòl 'na fhianuis.

54 Agus an uair a leugh an t-uachdaran *an litir*, dh'fhiosraiche cò an dùthaich o'n robh e. Agus an uair a thuig e gur ann o Chilicia *bha e*,

55 Thubhairt e, Eisdidh mi riut, 'nuair a thig do luchd-casaid mar an ceudna. Agus dh'aithn e esan a choimhead ann an talla-breitheanais Heroid.

C A I B. XXIV.

1 *Air do Phòl a bhi air a chasaid le Tertullus an cainntfhear,* 10 *tha e freagairt air a shon féin thaobh a chaitheamh-beatha agus a theagaig;* 24 *Tha e searmonachadh Chriosd do'n uachdaran agus d'a mhaoi.* 26 *Tha sùil aigesan ri ccannach uath, ach an dìomhanas:* 27 *fa dhereadh, 'nuair a chuireadh as a dhreuchd e, tha e fàgail Phòil am priosan.*

A GUS an ceann chùig làithean 'na dhéigh sin, chaidh Ananias an t-àrd-shagart sìos maille ris na seanairibh, agus ri Tertullus feartagraidi h àraidi, muinnitir a nochd iad féin an làthair an uachdarain an aghaidh Phòil.

2 Agus an uair a ghairmeadh a mach e, thòisich Tertullus air a chasaid, ag ràdh, Dho bhrigh gu bheil sinn trìdsa a' mealtuinn mòr shiochaint, agus gu'n d'rinneadh *iomadh* deadh ghnìomh do'n chinneach so tre do ghliocas-sa,

3 Tha sinne gabhail ri so, anns gach àm agus gach àit, Fhelics ro oirdheirc, maille ris gach uile bhuidh-eachas.

4 Ach, chum nach cuirinn mòr mhoille ort, guidheam ort, do d'shuairceas gu'n éisd thu rinn gu h-athghaoraid.

5 Oir fhuair sinn am fear so 'na phlàigh, agus a' dùsgadh i nan Iudhach uile gu ceannaire air feadh an domhain, agus 'na cheann-feadhna do luchd saobh-chreidimh nan Nasarenach.

6 Neach mar an ceudna a thogair

an teampull a shalachadli; agus a ghlaic sinne, agus b'aill leinn breth a thoirt air a réir ar lagha féin.

7 Ach air teachd do Lisias an tàrd cheannard oirnn, thug é le mòr ainneart as ar làmhaibh e,

8 Ag àithneadh d'a luchd-casaid teachd a'd ionnsuidhse; neach o'm feud thu le a cheasnachadh, fios fhaotinn air na h-uile nithibh a tha sinne a' cur as a leth.

9 Agus dh'aontaich na h-Iudhaich mar an ceudna, ag ràdh, Gu'n robh na nithe sin mar sin.

10 An sin air do'n uachdaran smèideadh air Pol e a labhairt, fhreagair esan, Is mòid mo mhisneach gu freagairt air mo shon féin, gu bheil fhios agam gu robh thusa rè mòrain bhliaidhna a'd bhreitheamh air a' chinneach so:

11 Oir feudaidh tu fios fhaotainn, nach mò na dà latha dheug o chaidh mi suas gu Hierusalem a dheanamh aoraidh.

12 Agus cha d'fhuair iad mi a' deasboireachd ri aon neach san teampull, no a' brosnachadh an t sluaigh gu ceannairc, aon chuid sna sionagogaibh, no anns a' bhaile.

13 Ni mò is urrainn iad na nithe sin a dhearbhadh a tha iad a' cur as mo leth.

14 Ach aidicream so dhuitse, gur ann a réir na slighe sin ris an abair iadsan saobh-chreidimh, a dheanamsa aoradh do Dhiam'athrichie, a' creid-sin nan uile nithe a ta scriobhita san lagh agus anns na fàidhibh:

15 Agus a ta dòchas agam an Dia, ris am bheil sùil mar an ceudna aca féin, gu'n d'thig aiseirigh nam marbh, nam firean ar aon agus nan neo-fhìrean.

16 Agus an so saothraicheam a ghnàth coguis' neo-lochdach a bhi agam thaobh Dhé, agus a thaobh dhaoine.

17 A nis an déagh mòrain bhliaidh-na, thainig mi a thoirt déirce chum mo chinnich, agus thabhartas.

18 Air a so f'huair Iudhaich àraidi, o'n Asia mi air mo ghlanadh san teampull, gun sluagh, gun bhuaireas.

19 Muinnitir d'am bu chòir bhi'n so a'd làthairse, agus m'agairt, nam.

^b *cainnt-fhear.* ⁱ *brosnachadh.* ^k *coimh-fhios, coinsiens.*

biodh ni sam bith aca a'm' aghaidh.

20 No abradh iad so féin, ma fhuair iad eucoir^m sam bith annamsa, 'nuair a sheas mi an làthair na comhairle.

21 Mur h-ann a mhàin air son an aon fhocail sc, a ghlaodh mi a'm' sheasamh'nam measg, Gur ann air son aiseirigh nam marbh, a ta mi air mo thoirt gu breitheanas leibhse an diugh.

22 Agus an uair a chuala Felics na nithe so, air dha eòlas ni bu diongmhalta bhi aige air an t-slighe sin, chuir e air dàil iad, ag ràdh, 'Nuair a thig Lisiás an t-àrd cheannard a nuas, làn-rannsaichidh mi'n bhur cùis.

23 Agus dh'àithn e do cheannard-ceed Pòl a ghleidheadh, agus e bhi fuasgaitⁿ aige, agus gun neach d'a muinntir féin a bhacadh o fhrithdealadh dha, no teachd d'a ionnsuidh.

24 Agus an déigh làithean àraiddh, 'nuair a thainig Felics maille r'a mhnaoi Drusilla, a bha'na Ban-Iudhach, chuir e fios air Pòl, agus dh'éisd e ris mu thimchioll a' chreidimh^o ann an Criosd.

25 Agus air dhasan bhi a' reuson-achadhl mu flìreantachd, stuaim P, agus breitheanas ri teachd, ghabh Felics eagal mòr, agus fhreagair e; Imich romhad an tràth-sa; 'nuair a bhios ùine agam, cuiridh mi fios ort.

26 Eba dùil aige mar an ceudna gu rachadh airgiot a thoirt da le Pòl, chum gu'm fuasgladh se e: uime sin chuir e fios air ni bu trice, agus labhair e ris.

27 Ach air do dhà bhliadhna bhi air an coimhlionadh, thainig Porcius Festus an àit Fhelics: agus air do Fhelics bhi toileach comain a chur air na h-Iudhachaibh^r, dh'fhàg e Pòl ceangailte.

C A I B. XXV.

2 Tha na h-Iudhaich a' casail Phòil an làthair Fhestuis: 8 Tha e freagairt air a shon féin, 11 agus a' togail a chùis gu Ceasar, &c.

A NIS 'nuair a thainig Festus do'n mhòr-roinn^s, an ceann tri làithean chaidh e suas o Chesarea gu Hierusalem.

2 Agus nochd an t-àrd shagart agus maithean nan Iudhach iad féin 'na làthair an agnaidh Phèil, agus chuir iad impidh air.

3 Ag iarrайдh fàbhoir 'na aghaidh, gu'n cuireadh e fios air gu Hierusalem, agus iad a' dheanamh feallfholach^t chum esan a mharbhadh air an t-slighé.

4 Ach fhreagair Festus, Gu'm bu chòir Pòl a ghleidheadh ann an Cesarea, agus gu'n rachadh e féin an sin gu h-aithghearr.

5 Uime sin, ars' esan, rachadh iadsan 'nar measg a dh'fheudas, sìos maille riumsa, agus ma ta coire air bith san duine so, cuireadh iad sin as a leth.

6 Agus air dha fantiunn 'nam measg os cionn deich làithean, chaidh e sìos do Chesarea, agus air an làmaireach shuidh e air a' chaithir-bhreitheanais, agus dh'àithn e Pòl a thoirt a làthair.

7 Agus an uair a thainig esan, sheas na h-Iudhaich a thainig a nuas o Hierusalem m'a thimchioll, a' cur choireanna lònigmhora agus mòra a leth Phòil, nach b'urrainn iad a dhearbhadh:

8 Nuair a fhreagair esan 'ga shaoradh féin, Cha d'rinn mi cionta sam bith an aghaidh lagha nan Iudhach, no'n aghaidh an teampuill, no'n aghaidh Cheasair.

9 Ach air bhi do Fhestus togarrach air toileachas-inntinn a thoirt do na h-Iudhachaibh, fhreagair e Pòl, agus thubhairt e, An àill leatsa dol suas gu Hierusalem, agus an sin dol fa bhreitheanas thaobh nan nithe sin ann mo làthairse?

10 An sin thubhairt Pòl, Tha mi m' sheasamh aig caithir-breitheanais Cheasair, far an coir breth a thoirt orm: air na h-Iudhachaibh cha d'rinn mi eucoir sam bith, mar is maith a ta fios agadsa.

^m mi-ghnìomh. ⁿ bithidh làn fhiös agam air. ^o na creidimh.

^P measarrachd. ^r gnìomh taitneach a dheanamh do na h-Iudhachaibh. ^s earruinn; province. Sasg. ^t plaid-luidhe.

11 Oir ma tha mi deanamh eu-coir, agus ma rinn mi ni sam bith a thoill bàs, cha 'n'eil mi diultadh bàs fhulang; ach mur 'eil ni sam bith dhiubh sin *fòr* a tha iad so a' cur as mo leth, cha'n fheud duine sam bith mo thoirt thairis doibh^u. Tha mi togail mo chùis gu Ceasar.

12 An sin an déigh do Fhestus labhairt ris a' choimhairle, fhreagair e, An do thog thu do chùis gu Ceasar? Gu Ceasar théid thu.

13 Air dol do làithibh àraidh seachad, thainig Agripa an righ agus Bernice gu Cesarea a chur fàilte air Festus.

14 Agus air dhoibh mòran làithean a chaitheadh an sin, chuir Festus cùis Phòil an céill do'n righ, ag ràdh, Dh'fhàgadh duine àraidh le Felices 'na phriosunach.

15 Air-san, an uair a bha mise ann an Ierusalem, rinn na h-àrd shagairt agus seanairean nan Iudhach caisaid *rium*, ag iairaidh binne^a 'na aghaidh.

16 D'an d'thug mise am freagradh so, Cha'n e gnàth nan Romhanach duine sam bith a thoirt thairis chum millidh^b, gus am bi aig an neach a tha air agairst, a luchd-casaid aghaidh ri h-aghaidh, agus gu'm bi cothrom aige air e féin a shaoradh o'n choire a chuireadh as a leth.

17 Uime sin an uair a thainig iad a raon an so, gun mhoille sam bith shuidh mi air an là màireach sa' chaithir-bhreitheanais, agus dh'àithn mi'n duine a thoirt a làthair.

18 Agus an uair a sheas a luchd tagraidih m'a thimchioll, cha do chuir iad coire air bith as a leth do na nithibh a shaoil mise:

19 Ach thug iad ceisdean àraidh 'na aghaidh mu thimchioll an creidimh^c féin, agus mu thimchioll Iosa àraidh, a fhuaир bàs, neach a thubhairt Pòl a bhi beo.

20 Agus a chionn gu robh mise amharusach mu thimchioll an leithid sin do cheisdibh, dh'fheòraich mi dheth^d am b'aill leis dol suas gu Hie-rusalem, agus an sin dol fa bhreith-eanas mu na nithibh so.

21 Ach an uair a dh'iarr Pòl a choimhead gus am fiosraichteadh a chùis-san le Augustus, dh'àithn mi e bhi air a ghleidheadh gus an cuirinn gu Ceasar e.

22 An sin thubhairt Agripa ri Festus, B'aill leamsa féin an duine so chluinnntinn. Am màireach, a deir esan, cluinnidh tu e.

23 Uime sin air an là màireach, 'nuair a thainig Agripa, agus Bernice, le mòr ghreadhnachas, agus a chaidh iad a steach 'maille ris na h-àrd cheannardaibh agus prìomh-dhaoinibh na cathrach do'n ionad eisdeachd, air do Fhestus àithne a thoirt, thugadh Pòl a làthair.

24 Agus thubhairt Festus, A righ Agripa, agus sibhse a dhaoine uile a ta làthair an so maille ruinn, tha sibh a' faicinn an duine so, mu'n do chuir sluagh nan Iudhach uile impidh ormsa, araoi ann an Ierusalem, agus an so, a' glaodhaich nach bu chòir e bhi ni b'fhaide beo.

25 Ach an uair a thuig mise nach d'rinn e ni sam bith a thoill bàs, agus a chionn gu'n do thog e féin a chùis gu Augustus, shonraich mi a chur d'a ionnsuidh.

26 Mu nach 'eil ni sam bith cinnteach agam r'a scriobhadh chum mo Tighearna. Uime sin thug mi mach e'dar ionnsuidhse, agus gu h-àraidh a'd ionnsuidhse, a righ Agripa, chum an déigh ramnsachadh a dheanamh, gu'm biodh agam ni eigin r'a scriobhadh.

27 Oir is mi-reusonta a'm bheachd-sa priosunach a chur uam, agus gun na cùisean a ta'na aghaidh ainmeachadh.

C A I B. XXVI.

2 Tha Pòl an làthair Agripa, a' cur an céill a chaithe'-beatha o c òige 12 agus cionnus a dh'iompoiheadh, e gu moirbhuleach, agus a ghairmeadh e gu bhi 'na abstol. 24 Tha Festus a' cur as a leth gu robh e air a'chuthach, agus esan a' freagairt gu séimh, &c.

A N sin thubhairt Agripa ri Pòl. Tha cead agad labhairt air

^u eha'n fheud duine sam bith an toileachadh le mise a thoirt thairis doibh. ^a diidh. ^b bàis, ^c an saobh-chreidimh. ^d thubhairt mi ris.

do shon féin. An sin shìn Pòl a mach a làmh, agus fhreagair e air a shon féin,

2 Ataim 'gam mheas féin sona, a righ Agripa, do bhrigh gu bheil mi gu freagairt air mo shon féin an diugh a'd' làthairsa, thaoblh nan nithe sin uile a ta air an cur as mo leth leis na h-Iudhachaibh :

3 Gu h-àraidh, a chionn gu bheil thusa èolach^e air gach gnàth agus ceisd a tha am measg nan Iudhach: uime sin guidheam ort, éisd rium gu foighidneach.

4 Tha mo bheathasa o m' òige, a chaitheadh air tùs am measg mo chinnich féin ann an Ierusalem, aithnichte do na h-Iudhachaibh uile,

5 D'am b'aithne mi o thùs, (nam b'aill leo fianuis a dheanamh) gu'n do chaith mi mo bheatha a'm' Phairiseach, a réir an luchd comh-bharail a's teinne d'ar creidimhne.

6 Agus a nis tha mi m' sheasamh fa bħreitħeanas air son dòchais a' għeallaidh a rinneadh le Dia d'ar n-aithrichibh :

7 Chum am bheil dùil aig ar dà thréibh dheugne teachd, a' deanamh seirbhisi do Dia a là agus a dh'oħħċe do għnàth; agus air son an dòchais so tha misse, a righ Agripa, air m'agħart leis na h-Iudhachaibh.

8 C'ar son a mheasar^f leibhse mar ni do-chreidiss, gu'n dùisgeadh Dia na mairbh ?

9 Gu deimhin mheas mise annam féin, gu'n bu chöir dhomh mòran nithe a dħeanamh an aghaidh ainme Iosa o Nasaret.

10 Ni mar an ceudna a rinn mi ann an Ierusalem: agus air faqtainn uġħidarras o na h-àrd shagartaibh, dhrujd mi mòran do na naoimh am priosunaibh; agus an uair a chuir-eadh gu bàs iad, thug mi mo ghuth 'nan aghaidh.

11 Agus a' deanamh peanais orra gu minic anns gach sionagog, choimhēignich mi iad gu toibheum għ labhairt; agus air dhomh bhi gu ro mhōr air boile 'nan aghaidh, rinn

mi geur-leaumhuinn orra, eadhon gu baitibh coigreach.

12 Air a so 'nuair a bha mi dol gu Damascus, le cumhachd agus barantash o na h-àrd shagartaibh;

13 Mu mheadhon-là, O a righ, chunnaic mi air an t-slidge solus o néamh, bu shoilleire na solus na gréine, a' dealrachadh mu'n cuairt orm, agus orrasan a bha'g imeachd maille rium.

14 Agus air tuiteam dhuinn uile air an talamh, chuala mi għu a' labhairt rium, agus ag ràdh anns a' chainnt Eabhruidhich, A Shauil, a Shauil, c'ar son a ta thu ga m' għeurb-leanmuuinn? Is cruaidh dhuit-se bhi breabdh an aghaidh nan dealg.

15 Agus thubhairt mise, Cò thu, a Thigħearn? Agus thubhairt esan, Is mise Iosa a tha thusa a' geur-leanmuuinn.

16 Ach éirich, agus seas air do chosaibh; oir dh'fhoijsiċ mi mi féin duit chum na criche so, gu'n orduichinn thu a'd' mħinisteir agus a'd' fħianuis araon air na nithibh sin a chunnaic thu, agus na nithibh anns am foijsiċ mi mi féin duit;

17 Ga d' shaoradh o'n t-slaugh, agus o na Cinneachaibh, chum am bheil mi nis ga d' chur,

18 A dh'fhosgladħ an sùl, chum gu tionndaidh iadi o dħorħadas gu solus, agus o chumhachd Shatain gu Dia, chum gu faqih iad maith-eanas peacaidh, agus o ħgreachid maille ris a' mħuinntir sin a ta air an naomhachadh tre'n chreidimh a ta annamsa.

19 Uime sin, a righ Agripa, charbli mi eas-ùmhal do'n taisbean néamhaidh:

20 Ach shearmonaich mi air tùs dħoibhsan ann an Damascus, agus ann an Ierusalem, agus air feadhi tire Iudea uile, agus an sin do na Cinneachaibh, iad a dħeanamh aith-reachais agus pilltinn ri Dia, a' deanamh oibre iomchuidh an aith-reachais!

21 Air son nan nithe so għlak na

^e [gur aithne dhomh] gu bheil thusa èolach. ^f C'ar son? an measar.

^g gu beum a thabhairt do ainm Iosa. ^h uġħidarras, comas. ⁱ agus gu'n tionndadha. ^j cubhaidh do aithreachas, airidh air aithreachas.

h-Iudhaich mi san teampull, agus b'áill leo mo mharbhadh^m.

22 Uime sin air dhomh còmhnaidh fhaotainn o Dhia, bhuanach mi gus an là'n diugh, a' deanamh fianuis do'n bheag agus do'n mhòr, gun ni air bith 'a labhairt ach na nithe sin a thubhairt na faidhean agus Maois a bha gu teachd :

23 Gu robh Criod gu fulang, agus gu robh e gu éirigh an ceud neach o na marbhaibh, agus gu'm foillsicheadh e solus do'n phobull, agus do na Cinneachaibh.

24 Agus air dha bhi labhairt nan nithe so air a shon féin, thubhairt Festus le guth àrd, Tha thu air mhi-chéillⁿ a Phòil : tha mòr fhòghlum ga d' chur air boile.

25 Ach thubhairt esan, Cha 'n'eil mi air boile, Fhestuis ro oirdheirc ; ach labhram briathra na firinn agus na céille.

26 Oir a ta fhios aig an righ roimh am bheil mise labhairt gu saor, air na nitibh so : oir tha cinnt agam nach 'eil a h-aon do na nitibh so an ain-fhios da ; oir cha'n ann an cùil a rinneadh so.

27 Am bheil thu creidsinn nam faidh, a righ Agripa ? tha fhios agam gu bheil thu 'g an creidsinn.

28 An sin thubhairt Agripa ri Pòl, Is beag nach 'eil thu 'gam aomadh gu bhi'm Chriosduidh.

29 Agus thubhairt Pòl, B'e mo ghuidhe air Dia, gu'm biodh cha'n e mhàin thusa, ach mar an ceudna iadsan uile a tha 'g éisdeachd rium an diugh, ann am beag agus am mòr, mar a ta mise, saor o na geimhlibh so.

30 Agus air dha na briathra so a labhairt, dh'éirich an righ, agus an t-uachdaran, agus Bernice, agus an dream a shuidh maille riu.

31 Agus air dol a leth-taobh dhoibh, labhair iad r'a chéile, ag ràdh, Cha 'n'eil an duine so a' deanamh ni air bith toillteannach air bàs, no air geimhlibh.

32 An sin thubhairt Agripa ri Festus, Dh'fheudta an duine so a

leigeadh as mur biiodh gu'n do thog e a chùis gu Ceasar.

C A I B. XXVII.

1 Tha Pòl a' gabhail luinge do'n Ròinidh, 19 ag innseadh roimh-làimh cunnairt an turuis, ach cha 'n'eilear a' toirt creideis da. 14 Tha iad air an séideadh chuige agus uath le storm, agus a' fulang long-bhrisidh ; 44 gidheadh tha iad a' teachd air tir gu tèarquinte.

A GUS an uair a thugadh breth sinne a sheòladh do'n Eadailt, thug iad Pòl thairis maille ri priosun-aich àraighe eile, do cheannard-ceud d'am b'ainm Iulius, do chuideachd Augustuis.

2 Agus air dhuinn dol air luing le Adramitium, thog sinn ar seòil, a' cur romhainn seòladh seachad air crìochaibh na h-Asia, air do Aristarchus Macedonach o Thesalonica bhi maille ruinn.

3 Agus air an là màireach, thainig sinn gu Sidon. Agus air do Iulius buntainn gu suairce^o ri Pòl, leig e dha dol a dh'ionnsuidh a chàirde chum comhfhurtachd fhaotainn.

4 Agus air dhuinn stiùradh as sin, sheòl sinn fuidh Chiprus, a chionn gu robh na gaolta^p 'nar aghaidh.

5 Agus air seòladh dhuinn tre'n fhairge ta làimh ri Cilicia agus Pamphilia, thainig sinn gu Mira cathair^r do Licia.

6 Agus fhuair an ceannard-ceud long an sin o Alecsandria, a bha seòladh do'n Eadailt, agus chuir e sinn a steach intte.

7 Agus an uair a sheòl sinn gu mall rè mòrain do làithibh, agus a thainig sinn air éigin fa chomhair Chniduis, a chionn nach do leig a' ghaoth leinn, sheòl sinn fuidh Chrete, fa chomhair Shalmone :

8 Agus air dhuinn seòladh air éigin seachad air, thainig sinn gu ionad àraighe d'an goirear, Na calaidh sgiamhach, am fagus d'an robh baile Lasea.

9 Agus air do mhòran ùine dol seachad, 'nuair a bha seòladaireachd

^m làm! a chur annari. ⁿ air a' chuthach. ^o caoimhneil. ^p an soàrbheas. ^r baile.

a nis cunnartach, a chionn gu'n deachaidh an trosgadh^s cheana seachad, chomhairlich Pòl iad,

10 Ag ràdh riu, Fheara, tha mi faicinn gu'm bi an t-seòladairreachd so le dochann agus call mòr, cha'n e mhàin do'n luchd agus do'n luing, ach d'ar n-anamaibh féin.

11 Gidheadh, is mó chreid an ceannard-ceud an seòladair agus maighstir na luinge, na na nithe a labhradh le Pòl.

12 Agus a chionn gu'n robh an cala neo-iomchuidh gus an geomhradh a chaitheadh ann, b'i comhairle na cuid bu mhò seòladh as sin mar an ceudna, agus nam feudadh iad air chor sam bith teachd gu Phenice, cala do Chrete a ta 'g amharc chum an iar-dheas, agus an iar-thuath, agus fantuinn rè a' gheamhraidh *an sin*.

13 Agus an uair a shéid a' ghaoth a deas gu ciuin, shaoil iad gu d'fhuair iad an rùn, agus ag togail an seòl dhoibh, stiuir iad ri taobh Chrete.

14 Ach an ceann beagain 'na dhéigh sin, shéid gaoth stoirmile^e 'na h-aghaidh^u, d'an goirear Euroclidon.

15 Agus air bhi do'n luing air a fuadachadh, agus gun chomas di dol an aghaidh na gaoithe, leig sinn ruith dh'i.

16 Agus air dhuinn ruith a stigh fuidh eilean beag àraidh d'am b'ainm Clauda, is ann le éigin a ràinig sinn air a' bhàta :

17 Agus air dhoibh a thogail suas, ghnàthaich iad gach gleus còmhnaidh, a' criosadh na luinge fuipe; agus air dhoibh bhi fa eagal gu'n tuiteadh iad sa' bheo-ghaineamh, leig iad an seòl sios, agus mar sin dh'iomaineadh iad.

18 Agus air dhuinne bhi gu ro-mhòr air ar luasgadh^a leis an stoirm, air an là 'na dhéigh sin thilg iad a mach *an luchd*;

19 Agus air an treas *la* thilg sinn le'r làmhaibh féin a mach acfúinn na luinge.

20 Agus an uair nach robh a' ghrian no na reulta r'am faicinn rè mòrain do làithibh, agus a luidh

stoirm nach bu bheag oirnn, thugadh an sin uaimh gach uile dhòchais gu teasaigteadh sinn.

21 Ach air dhuinn bhi fada 'nar trosg, an sin air seasamh do Phòl 'nam meadhon, thubhairt e, Fheara, bu choir dhuibh mo chomhairlese ghabhail, agus gun fhuasgladh o Chrete, agus an dochann agus an call so a sheachnad.

22 Agus a nis guidheam oirbh, biodh misneach mhaith agaibh: oir cha bhi call anama sam bith 'nar measg, ach a mhàin na luinge.

23 Oir air an oidhche nochd sheas làimh riumsa aingeal an Dé sin, d'am buin mi, agus d'an deanam seirbhìs,

24 Ag ràdh, A Phòil, na biodh eagal ort; is éigin duit bhi air do thoirt an làthair Cheasair: agus feuch, thiodhlaic^b Dia dhuit iadsan uile a ta seòladh maille riut.

25 Uime sin, fheara, biodh agaibh deadh mhisneach: oir a ta mi creidsinn Dhé, gu'n tachair ceart mar a labhradh rium.

26 Ach is éigin duinn bhi air ar tilgeadh air eilean àraidh.

27 Agus an uair a bha an ceathramh oidhche deug air teachd, air dhuinne bhi air ar séideadh chuige agus uaith ann an cuan Adria, mu mheadhon-oidhche b'i barail nam maraichean gu robh iad am fagus do thàr éigin :

28 Agus air leigeadh na luaidhe sìos doibh, fhuair iad *an doimhne* fishead aitheamh: agus an uair a chaidh iad beagan air an aghaidh, leig iad sìos an luaidh a ris, agus fhuair iad i 'na cùig aitheamh deug.

29 An sin air bhi dhoibh fa eagal gu'm buaileadh iad air fonadaibh garbha, thilg iad ceithir acraichean a deireadh na luinge, agus ghuidh iad an là a theachd.

30 Agus an uair a bha na maraichean air ti'd teicheadh a mach as an luing, agus a leig iad sìos am bàta do'n fhairge, a' gabhail orra bhi tilgeadh a mach acraichean a toiseach na luinge,

^s trasgadh. ^t an Rathach. ^u 'nar n-aghaidh. ^a séideadh o thonn gu tonn.

^b dheònuich. ^c grunnachadh dhoibh. ^d fonn.

31 Thubhairt Pòl ris a' cheannard-ceed, agus ris na saighdearaibh, Murfan iad sin san luing, cha'n eil e'n comes duibh bhi air bhur teasairg-inn.

32 An sinn ghearr na saighdearan curid a' bhàtaidh, agus leig iad leis tuiteam sios.

33 Agus am feadh a bha an là a' teachd, thug Pòl a chomhairl' orra uile biadh a ghabhail, ag ràdh, Is e so an ceathramh là deug dhuibh a' feith-eamh, agus a' fantuinn 'nar trosg, gun bhiadh sam bith a ghabhail.

34 Uime sin guidheam oirbh biadh a ghabhail : oir a ta so chum bhur sláinte : oir cha chaillear^e foiltean a ceann a h-aon agaibh.

35 Agus air dha na nithe so labh-airt, agus aran a ghlacadh, thug e buidheachas do Dha 'nan làthair uile, agus air dha a bhriseadh, thòisich e ri itheadh.

36 An sin ghlac iad uile misneach chuca, agus ghabh iadsan biadh mar an ceudna.

37 Agus bha sinn a dh'anamaibh uile anns an luing, dà cheud agus sea-deug agus tri fishead.

38 Agus an uair a shàsuicheadh iad le biadh, dh'eutromach iad an long, agus thilg iad a mach an cruineachd san fhairge.

39 Agus an uair a bha'n là air teachd, cha d'ainnich iad am fearann: ach thug iad an aire do lùib f' àr-aidh aig an robh tràigh, anns an robh mliann orra, nam b'urrainn iad, an long a chur gu tìr.

40 Agus air togail nan acraichean doibh, leig iad ris an fhairge i, agus an uair a dh'fhuasgail iad ceangalaichean na stiùire, agus a thog iad am prìomh sheòl^g ris a' ghaoith, sheòl iad chum na tràighe.

41 Agus air tuiteam dhoibh ann an ionad àraighe far an do choinnich dà fhairge a chéile, bhuaile iad an long air grund; agus air sàthadh d'a toiseach sa' ghrund, dh'fhan e gun charachadh, ach bhriseadh a deireadh le ainneart nan tonn.

42 Agus b'i comhairle nan saighdear gu marbhadh iad na priosunaich,

air eagal gu'n snàmhadh neach sam bith dhiubh a mach, agus gu rachadh iad as.

43 Ach air bhi do'n cheannard-ceed toileach Pòl a theasairginn, chum e air ais o'n comhairle iad, agus dh'èithn e dhoibhsan d'am b'aithe snàmh iad féin a thilgeadh sa' chuan air tùs, agus dol a mach air tir :

44 Agus do chàch dh'èithn e, cuid diubh dhol air clàraibh, agus cuid eile air mìribh briste do'n luing : agus mar sin tharladh gu'n deachaidd iad uile tèaruinte gu tir.

C A I B. XXVIII.

- 1 *An déigh an long-bhrisidh thug an sluagh borb aoidheachd gu suairce do Phòl.* 5 *Cha do chiùrradh a làmh le nathair nimhe a lean rithe.* 8 *Tha e a' slànuachadh mòrain eucale san eilean.* 11 *Tha iad a' gabhail an turuis chum na Ròimhe, &c.*

A GUS an uair a thearnadh iad, thuig iad an sin gu'm b'e Melita ainm an eilein.

2 Agus nochd an sluagh borb caoimheas nach bu bheag dhuinn : oir air fadadh teine dhoibh, ghabh iad ruinn uile, air son an uisge a bha ann, agus air son an fhuachd.

3 Agus air do Phòl dorlach bhioran a thional, agus an cur air teine, thainig nathair nimhe mach as an teas, agus shàs i' na làimh.

4 Agus an uair a chunnaic an sluagh borb a' bhéisd an crochadh r'a làimh, thubhairt iad r'a chéile, Gu cinnteach is mortair an duine so, da nach fuiling dioghaltas bhi beo, ge do theasairgeadh o'n fhairge e.

5 Agus air dhasan a' bhéisd a chrathadh dheth anns an teine, cha d'fhuilg e dochann sam bith.

6 Ach bha iadsan a' feitheamh c'uin a dh'atadh e, no a thuiteadh e sios marbh gu h-obann : ach an uair a dh'fheith iad àine fhadha, agus nach fac iad dochann sam bith a' teachid air, air caochadh an inntinn dhoibh, thubhairt iad gur Dia e.

7 Agus bha mu thimchioll an àite sin fearann aig prìomh dhuine an eilein, d'am b'ainm Publius, a ghabh

ruinne agus a thug rè thri làithean aoidheachd dhuinn gu cairdeil.

8 Agus tharladh gu robh athair Phubliuis 'na luidhe gu tinn le fiabhrus^b, agus gearrthach fola: air do Phòl dol a steach d'a ionnsuidh, rinn e ùrnuiigh, agus air dha a làmhan a chur air, leighis se e.

9 Agus an uair a rinneadh so, thainig mar an ceudna muinntir eile a bha euslan san eilean d'a ionnsuidh, agus leighiseadh iad:

10 Muinntir mar an ceudna a thug mòr urram dhuinn; agus ag falbh dhuinn, chuir iad na nithe sin leinn a bha feumail duinn.

11 Agus an déigh thri mìosa sheòl sinn ann an luing o Alecsandria, a chaith an geamhradh san eilean, d'am bu shuaiteantas Castor agus Pollucs.

12 Agus air teachd tìr dhuinn aig Siracuse, dh'fhan sinn *an sin* tri làithean.

13 Agus air seòladh dhuinn timchioll as sin, thainig sinn gu Rheetium: agus an ceann latha 'na dhéigh sin shéid a' ghaoth a deas, agus thainig sinn an t-ath là gu Pu teoli:

14 Air dhuinn bràithrean fhaotainn an sin, chuireadh impidh oirnn leo fantuinn seachd làithean maille riu: agus mar sin thríall sinn chum na Ròimhe.

15 Agus as sin, air faotainn ar sgéil do na bràithribh, thainig iad 'nar coinneamh gu Appiï-forum, agus na Tri tighibh-òsda; agus an uair a chunnait Pòl iad, thug e buidheachas do Dhia, agus ghabh e misneach.

16 Agus an uair a thainig sinn do'n Ròimh, thug an ceannard-ceud thairis na priosunaich do cheannard an fhreiceadaid: ach thugadh comas do Phòl a bli leis fein, maille ri an saighdear a bha 'ga ghleidheadh.

17 Agus tharladh, an déigh thri làithean, gu'n do ghairm Pòl maith-ean^c nan Iudhach an ceann a chéile. Agus an uair a chruinnicheadh iad, thubhairt e riu, Fheara agus a bhràithre, ge nach d'rinn mise ni sam bith an aghaidh a' phobuill no

ghnàthanna nan aithriche, thugadh thairis mi a'm phriosunach o Hierusalem do làmhaibh nan Romhanach.

18 Muinntir an déigh dhoibh mo cheasnachadh, leis am bu mhiann mo leigeadh as, a chionn nach robh coire bàis sam bith annam.

19 Ach an uair a bha na h-Iudhach a' labhairt an aghaidh so, b'éigin domh mo chùis a thogail gu Ceasar; cha'n e gu bheil coire sam bith agam r'a chur a leth mo chinnich.

20 Air an aobhar so uime sin chuir mi fios oirbhse, chum gu faicinn sibh, agus gu'n labhrainn ribh: oir is ann air son dòchais Israel a ta mi ceangailte leis an t-slabhraidh so.

21 Agus thubhairt iadsan ris, Cha d'fhuair sinne litriche sam bith a Iudea mu d' thimchioll, cha mhò a dh'fhoillsich no dh'innis a h-aon do na bràithribh a thainig, olc sam bith umad.

22 Ach bu mhaith leinn a chluinn-tinn uitse ciod i do bharail: oir mu thimchioll na gnè-chreidiadh so, tha flios againn gu'n labhrar sgach aít 'na h-aghaidh.

23 Agus air suidheachadh là ris, thainig mòran d'a ionnsuidh chum a cheithreanna; d'an do mhìnich e rioglachd Dhé, a' deanamh fianuis uimpe, agus a' cur impidh orra thaobh nan nithe a bhuineas do Iosa, ar aon a lagh Mhaois, agus as na fàidhribh, o mhochthrath gu feasgar.

24 Agus chreid cuid na nithe a labhradh, agus cha do chreid cuid eile dhiubh.

25 Agus air dhoibh bhi an aghaidh a chéile, sgooil iad, air do Phòl aon fhocal a rádh, Is maith a labhair an Spiorad naomh tre'n fhàidh Esaias, r'ar n-aithrichibh,

26 Ag rádh, Imich chum a' phobuill so, agus abair, Le cluinnintu cluinnidh sibh, agus cha tuig sibh; agus le faicinn chi sibh, agus cha'n aithnich sibh^d.

27 Oir a ta cridhe a' phobuill so air fàs reamhar, agus tha iad a' cluinnintu gu trom^e le'n cluasaibh, agus chaong^f iad an sùilean; air eag-

^b teasaich. i far am bu toil leis. I uaislean, priomh dhaoine.

^c cha léir dhuibh. ^d mail. ^e dhruid.

al gu faiceadh iad le'n sùilibh, agus gu'n cluínneadh iad le'n cluasaibh, agus gu'n tuigeadh iad le'n cridhe, agus gu'm pilleadh iad, agus gu'n slànuichinn's iad.

28 Uime sin biodh fhios agaibhse, gu'n do chuireadh slàinte Dhé chum nan Cinneach, agus éisidh iadsan.

29 Agus an uair thubhairt e na briathra so, dh'imich na h-Iudhaich

rompa, agus bha mòr reusonachadh paca eatorra féin.

30 Agus dh'fhan Pòl dà bhliadh-na ionlan 'na thigh-màil' féin, agus ghabh e ris na h-uile dhaoinibh a thainig d'a ionnsuidh,

31 A' searmonachadh rioghachd Dhé, agus a' teagasc nan nithe a bhuineas do'n Tighearn Iosa Criod, leis an uile dhànanachd, gun toirmseasg.

LITIR AN ABSTOIL PHOIL CHUM NAN ROMHANACH.

C A I B. I.

- 1 Tha Pòl a'moladh a dhreuchd do na Romhanachaibh, agus ag innseadh a thograigdh gu teachd d'an ionnsuidh.
- 16 Ciòd e soisgeul Chriod, agus an fhìreantachd a ta e a' foillseachadh.
- 18 Tha searg aig Dia ris gach uile ghnè peacaidh. 21 Ciòd iad peacanna nan Cinneach.

POL seirbhiseach Iosa Criod, a ghairmeadh 'na abstol a chuir-eadh air leth's chum Soisgeil Dè,

2 (A roimh-gheall e le fhàidhbh Féin anns na scriobtuiribh naomha.)

3 Mu thimchioll a Mhic Iosa Criod ar Tighearna, a rinneadh do shòl Dhaibhidh, a réir na feòla.

4 A dhearbhadh t' bhi 'na Mhac do Dhia le cumhachd, a réir Spioraid na naomhachd, tríd aiseirigh o na marbh-aibh :

5 Tre an d'fhuaire sinne gràs agus abstolachd chum umhlachd a' chreidimh am measg nan uile chinneach air sgàth ainmesan :

6 Am measg am bheil sibhse mar an ceudna air bhur gairm le Iosa Criod.

7 Chum nan uile a ta san Ròimh, air an gràdhachadh le Dia, air an gairm 'nan naoimh: Gràs gu robh dhuibhse, agus siothchaint o Dhia ar

n-Athair, agus o'n Tighearn Iosa Criod.

8 Air tùs, tha mi toirt buidheachais do m' Dhia trid Iosa Criod, air bhur sonsa uile, do bhrigh gu bheil bhur creidimh iomraideach air feadh an domhain uile.

9 Oir is e Dia m'fhanuis, d'am bheil mi a' deanamh seirbhis le m' spiorad ann an soisgeul a Mhic, gu bheil mi gun sgur a' deanamh iomraidih oirbh,

10 A ghnàth a' guidhe ann am ùrnuighibh (nam feudainn a nis fadheoidh air aon chor, le toil Dé turus soirbheasach fhaotainn) ri teachd d'ar ionnsuidhse.

11 Oir a ta deidh^u agam air sibhse fhaicinn, ionnas gu pártich mi tioldh-lacadh àraidh spioradail ribh, chum bhur neartachadh;

12 Sin ri ràdh, chum gu faigh mi comhfurtachd annaibhse^a, tríd chreidimh a chéile, bhur creidimhse, agus mo chreidimhse.

13 Agus cha'n àill leam, a bhràithre, e bhi'n ain-fhios duibhse gu'n do chuir mi romham gu minic teachd d'ar n-ionnsuidh, (ach bhacadh mi gus a so) chum gu faighinn toradh éigin 'nar measgsa fòs, mar am measg nan Cinneach eile.

^p dheasboireachd. ^r réidh. ^s sgàradh. ^t dh'orduicheadh. ^u togradh.

^a maraon ribhse.

14 Oir a ta mi fuidh fhiachaibh faraon do na Greugachaibh, agus do na daoinibh borba, araon dhoibhsan a ta glic, agus dhoibhsan a ta neo-ghlic.

15 Uime sin, mheud 's a ta 'n comas domh, tha mi ullamh chum an soisgeul a shearmonachadh dhuibhise mar an ceudna a ta san Ròimh.

16 Oir cha nàr leamsa soisgeul Chriosd: oir is e cumhachd Dhè e chum sláinte, do gach neach a chreid-eas, do'n Iudlach air tùs, agus mar an ceudna do'n Ghreugach.

17 Oir a ta fireantachd I)hé air a' foillseachadh ann tre chreidimh gu creidimh: mar a ta e scriobhta, Bithidh am firean beo tre chreidimh.

18 Oir a ta fearg Dhè air a foillseachadh o nèamh an aghaidh gach uile mhi-dhiadhuidheachd, agus eu-coir dhaoine, a tha bacadh^b na fìrinn ann an neo-flìreantachd.

19 Do bhrigh gu bheil an ni air am feudar fios fhaotainn a thaobh Dhé follaiseach annta-san^c; oir rinn Dia follaiseach dhoibh e.

20 Oir riamh o chruthachadh an t-saoghal a ta a nithe-san nach feudar fhaicinn, eadhon a chumhachd siorruidh agus a Dhiadhachd, air am faicinn gu soilleir, air dhoibh bhi so-thuiginn o na nithibh a rinneadh; chum gu biodh^d iad gun leithseul aca:

21 Do bhrigh 'nuair a b'aithne dhoibh Dia, nach d'thug iad glòir dha mar Dhia, agus nach robh iad taingeil, ach gu'n d'fhàs iad diòmhain 'nan reusonachadh féin, agus gu'n do dhorchaicheadh an cridhe amaideach.

22 Ag ràdh gur daoine glice iad féin, rinneadh amadain diubh:

23 Agus chaochail^e iad glòir an Dé neo-thruaillidh gu dealbh a rinn-eadh cosmhuil ri duine truaillidh, agus eunlaith, agus ainmhidhish ceithir-chosach, agus bhéisdibh snaigeach.

24 Uime sin thug Dia thairis iad mar an ceudna, tre anamhiannaibh an cridhe féin, chum neo-ghloine, a

thoirt easurraim d'an corporaibh féin eatorra féin:

25 Muinntir a chaochail fìrinn Dé gu bréig, agus a thug aoradh agus a rinn seirbhis do'n chreutair ni's mò na do'n Chruitbear, a ta beannuichte gu siorruidh. Amen.

26 Air a shon so thug Dia thairis iad do anamhiannaibh gràineile: oir chaóchail eadhon am mnà an gnàthachadh nàdurra chum a' ghnàtha a ta'n aghaidh nàdur.

27 Agus mar an ceudna na fir, air tréigsinn doibh gnàthachadh nàdurra na mnà, loisgeadh iad le'n togradh d'a chéile, firionnaich ri firionnaich ag oibreachadh gràineileachd^f agus iad a' faotainn diol-thuarasdail an seacharin anna féin, mar bu choir.

28 Agus amhuil mar nach bu taitneach leo eòlas Dé a chumail, thug Dia thairis iad do inntinn mhi-chéillidh, a dheanamh nithe nach robh ionchuidh:

29 Air dhoibh bhi air an lionadh do'n uile eucoir, strìopachas, ole, shannat, mhi-run: làn do fharmad, do mhortadh, do chonnsachadh^g, do cheilg, do dhroch-bheusaibh^h; nan luchd cogarsaich,

30 'Nan luchd-anacainnti, 'nan luchd fuath air Dia, 'nan luchd tarcais, uaibhreach, 'nan luchd ràiteachais,ⁱ, 'nan luchd cumadh uile, easùmhail do phàrantaibh,

31 Ea-céillidh, 'nan luchd-brisidh coimhcheangail, gun ghràdh nàdurra, do-réiteachaidh, neo-thruacanta:

32 Muinntir d'an aithne ceartas Dé (gu bheil iadsan a ni an leithide sin do nithibh toillteannach air bàs) gidheadh ni h-e mhàin gu bheil iad féin 'gan deanamh, ach a ta mar an ceudna tlachd aca do'n mhuintir a ni iad.

C A I B. II.

1 Iadsan a ta peacachadh, ge do tha iad a' cronachadh so an daoinibh eile, cha'n urrainn iad an leithseul féin a ghabhail, & agus is mòr is lugha na sin a dh'fheudas iad dol

^b cumail. ^c nam measg. ^d ionnas gu bheil. ^e dh'atharraich.

^f an ni sin a ta mi-chiatack. ^g chomhstri. ^h anamèineachd, cascaoineachd. ⁱ 'Nan luchd cul-chàineadh. ^j bòstail.

as o cheart bhreitheanas Dé, ma's Iudhaich no Cinnich iad. 14 Cha'n'eil na Cinnich comasach air dol as, 17 no idir na h-Iudhaich, 25 do nach'eil feum san tìmchioll-ghearradh, mur coimhid iad an lagh.

UIME sin a ta thu gun leith-sgeul, O a dhuine, cia air bith thu a tha toirt breth: oir an uair a tha thu toirt breth air neach eile, tha thu ga d' dhìteadh féin; oir thusa a ta toirt breth, tha thu deanamh nan nithe sin féin.

2 Ach a ta fios againne gu bheil breitheanas Dé a réir firinn, an aghaidh na muinntir a tha deanamh an leithide sin.

5 Agus an saoil thusa so, O a dhuine, a tha toirt breth orra-san a ni an leithide sin, agus a ta 'gan deanamh thu féin, gu'n d'théid thu as o bhreitheanas Dé?

4 No'n dean thu tarcuis air saibhreas a mhaiteis, agus floighidin, agus fhad-fhulangais, gun fhios bhi agad gu bheil maiteas Dé ga d' threòrachadh chum aithreachais?

5 Ach a réir do chruais agus do chridhe neo-aithreachail, a ta thu càrnadh^m suas feirge dhuit féin fa chomhair là na feirge, agus foillseachaidh ceart bhreitheanas Dé;

6 A bheir do gach aon a réir a ghnìomhara;

7 Dhoibhsan a ta le buanachadh gu foighidneach ann an deadh obair, ag iarraidh glòire, agus onoir, agus neo-bhàsmhorachd, a' bheatha mhair-eannach:

8 Ach dhoibhsan a ta conspoideach, agus nach'eil ùmhach do'n fhìrinng, ach a ta ùmhach do'n eucoir, diom agus fearg;

9 Amhghar agus teanntachd air gach anam duine a ta deanamh uilc, do'n Iudhach air tùs, agus mar an ceudna do'n Ghreugach.

10 Ach glòir, agus onoir, agus sìth, do gach duine a ni maith, do'n Iudhach air tùs, agus do'n Ghreugach mar an ceudna:

11 Oir cha'n'eil spéis aig Dia do phearsa seach a chéile.

12 Oir a mheud 'sa pheacaich gun an lagh, sgriosar iad gun an lagh: agus a mheud 's a pheacaich fuidh 'n lagh, dìtear iad leis an lagh:

13 (Oir cha'n iad luchd-éisdeachd an lagha a ta 'nam fireanaibh am fianuis Dé, ach bithidh luchd-deanamh an lagha air am fireanachadhⁿ.

14 Oir an uair a ta na Cinnich aig nach'eil lagh, a thaobh nàduir a' deanamh nan nithe a ta san lagh, air dhoibhsan a bhi gun lagh tha iad 'nan lagh dhoibh féin:

15 Muinntir a ta nochdadh obair an lagha scriobhta 'nan eridheach-aibh, air bhì d'an coguis a' deanamh fianuis leo, agus an smuaintean eatorra féin 'gan agairt, no a' gabhail an leithsgeil.)

16 San là anns an tabhair Dia breth air nitibh uaigheach dhaoine, a réir mo shoisgeilse, tríd Iosa Criod.

17 Feuch, goirear Iudhach dhiossa, agus tha thu cur dòigh san lagh, agus a' deanamh uaill a Dia;

18 Agus is aithne dhuit a theil, agus a ta thu a' dearbhadh nan nithe^o a's fearr, air dhuit bhi air do theagasc as an lagh,

19 Agus a ta thu dòchasach gur ceann-iuil^p thu féin do na dallaibh, solus dhoibhsan a ta an dorchádas,

20 Fear-fògluim do dhaoinibh neo-eagnaидh, fear-teagaisg do leanabaibh, aig am bheil samhladh an èolais agus na firinn a ta san lagh.

21 Thusa uime sin a ta teagasc neach eile,, nach'eil thu ga d' theagasc féin? thusa a ta searmonachadh gun ghoid a dheanamh, am bheil thu ri goid?

22 Thusa a deir gun adhaltrannas a dheanamh, am bheil thu deanamh adhaltrannais? thusa le'n gràin iòdhola^r, am bheil thu ri na cmh-ghoid?

23 Thusa a ta deanamh uaill as an lagh, an tabhair thu, le briseadh an lagha, easurram do Dhia?

24 Oir a ta ainm Dhé a' faòtann toibheim d'ar taoblha am measg nan Cinneach, mar a ta e scriobhata.

25 Oir a ta tairbhe gu firinneach anns an tìmchioll-ghearradh, ma

^m tasgaidh. ⁿ air an saoradh, air an glanadh o chionta. ^o a' gabhail tlachd do na nitibh. ^p fear-seòlaidh. ^r dealbhan.

ghleidheas tu an lagh : ach ma's fear-brisidh an lagha thu, tha do thim-chioll-ghearradh na neo-thimchioll-ghearradh dbuit.

26 Uime sin, ma għleidheas an neo-thimchioll-ghearradh^s fireantachd an lagha, nach measar a neo-thimchioll-ghearradhsan mar thim-chioll-ghearradh ?

27 Agus nach dit an neo-thimchioll-ghearradh thaobh nàluir, a ta a' coimhlionadh an lagha, thusa a tha tre'n litir agus tre'n timchioll-ghearradh a'd fhear-brisidh an lagha ?

28 Oir cha'n Iudhach esan, a tha mar sin o'n leth muigh ; agus cha'n e sin an timchioll-ghearradh, a tha gu follaiseach san fheoil.

29 Ach is Iudhach esan, a tha mar sin san taobh a stightht ; agus is e sin an timchioll-ghearradh a tha sa' chridhe, agus san spiorad, cha'n ann san litir, aig am bheil a chliu cha'n ann o dhaoinibh, ach o Dhaia.

C A I B. III.

1 Sochair nan Iudhach ; 3 nach do chaill iad : 9 gidheadh a ta an lagh 'gam fàgail shios mar an ceudna thaobh peacaidh. 20 Uime sin cha'n eil seoil air bith air an saoradh tre'n lagh, 28 ach a ta na h-uile air an saoradh trìd creidimh a mhàin, 31 gidheadh cha'n eil an lagh air a chur gu neo-brigh.

CIOD e uime sin barrachd an Iudhaich ? no ciod e tairbhe an timchioll-ghearraidh ?

2 Is mòr sin air gach dòigh : air tùs, do bhrigh gur ann riu-san a dh'earbadh briathra^u Dhé.

3 Oir ciod e sin ge nach do chreid cui'd ? an dean am mi-chreidimhsan firinn Dhé gun éifeachd ?

4 Nar leigeadh Dia : ach biodh Dia fior, agus gach duine 'na bhreugoire ; a réir mar a ta e scriobhta, Chum gu bi thu ceart ann do bhrithraibh, agus gu'n tabhair thu buaidh 'nuair a bheirear breth ort.

5 Ach ma mholas ar n-eucoirne fireantachd Dhé, ciod a deir sinn ? am bheil Dia eucorach a tha dean-

amh dioghaltais ? (labhrám mar dhuine.)

6 Nar leigeadh Dia : no cionnus a bheir Dia breth air an t-saoghal ?

7 Oir ma ta firinn Dhé tre mo blhéigse air a meudachadh chum a ghloiresan ; c'ar son a ta mise air mo dhàteadh mar pheacach ?

8 Agus c'ar son nach dean sinn olc, chum gu'n d'thig maith as ? (mar a labhrar gu toibheumach umainne, agus mar a deir cuid gu bheil sinn ag rádh) muinntir a tha an dteadh a réir ceartais.

9 Ciod uime sin ? am bheil barrachd aginne ? cha'n eil air aon chor : oir dhearbh sinn roimhe gu bheil araon na h-Iudhaich agus na Cinnich uile fuidh pheacadh ;

10 Mar a ta e scriobhta, Cha'n eil ionracan ann, cha'n eil fiu a h-aon :

11 Cha'n eil neach ann a thuigeas, cha'n eil neach ann a tha 'g iarraidh Dhé.

12 Chlaon iad uile as an t-sligte, tha iad uile mi-tharbhach, cha'n eil neach a tha deanamh maith, cha'n eil fiu a h-aon.

13 Is uaigh fhosgailte an scòrnach ; labhair iad cealg le'n teang-aibh ; tha nimh nan nathracha nimhe fuidh 'm bilibh :

14 Aig am bheil am beul làn do mhallaichadh agus do sheirbhe.

15 Tha an cosa luath a dhòrtadh fola.

16 Tha léir-sgríos agus truaighe 'nan slighibh :

17 Agus slighe na sìth cha'b'aithne dhoibh.

18 Cha'n eil eagal Dé fa comhair an sùl.

19 A nis tha fhios againn ge b'e nithe 'ta'n lagh a' labhairt, gur ann riu-san a ta fuidh 'n lagh a tha e 'gan labhairt : chum gu druidear gach uile bheul, agus gu'm bi an saoghal uile buailteach do dhàteadh Dhé^a.

20 Uime sin cha bhi feòil air bith air a fireantachd^b, 'na fhianuis-san, tre oibribh an lagha : oir is ann tre an lagh a ta eòlas peacaidh.

21 Ach a nis tha fireantachd Dhé

^s esan a tha neo-thimchioll-ghearra. ^t san ionad fholaichte. ^u oracla.
^a ciontach am fianuis Dé. ^b saoradh, glanadh.

air a foillseachadh as eugmhais an lagha, a' faotainn fianuis o'n lagh agus o na fàidhbih;

22 Eadhon fireantachd Dhé tre chreidimh Iosa Criosd, do na h-uile, agus air na h-uile a chreideas; oir cha 'n'eil eadar-dhealachadh ann:

23 Oir pheacach na h-uile, agus tha iad air teachd gearr^c air glòir Dhé;

24 Air dhoibh bhi air am fireanachadh gu saor le a ghràs, tre an t-saorsa a ta ann an Iosa Criosd:

25 Neach a shòraich Dia 'na iobairt-réitich, tríd creidimh 'na fhuil, chum fireantachd fhoillseachadh le maiteanas nam peacadh a chaidh seachad, tre fhad-fhulangas Dé;

26 A dh'fhoillseachadh, *deiream*, fireantachdsan san àm a ta làthair; chum gu'm biodh e cothromach, agus gu'm fireanachaидh e an ti a chreideas ann an Iosa.

27 C'ait uime sin *am bheil* uail? Dhruidheadh a mach i. Ciòd e an lagh *leis an do dhruidheadh a mach i?* *an e lagh nan oibre?* Ni h-e; ach tre lagh a' chreidimh.

28 Tha sinn uime sin a' meas gu bheil duine air fhìreanachadh tre chreidimh as eugmhais oibre an lagha.

29 An e Dia nan Iudhach a mhàin e? Nach e mar an ceudna Dia nan Cinneach? Gu deimhin nan Cinneach mar an ceudna:

30 Do bhrigh gur aon Dia, a dh'fhìreanaicheas d' an timchioll-ghearradh o chreidimh, agus an neo-thimchioll-ghearradh tre chreidimh.

31 Am bheil sinn uime sin a' cur an lagha an neo-brigh tre'n chreidimh? Nar leigeadh Dia: ach a ta sinne a' neartachadh e an lagha.

C A I B. IV.

1 Mheasadh creidimh Abraham dha mar fhìreantachd, 10 mun do thimchioll-ghearradh e. 13 Tre chreidimh a mhàin shealbhaich e féin agus a shliochd an gealladh.

16 Is e Abraham athair nan uile dhaoine a ta creidsinn. 24 Bilh-

^c fa dheireadh, a dheidh-laimh.

^e a' daingneachadh.

idh ar creidimhne mar an ceudna air a mheas duinn mar fhìreantachd.

CIOD ma ta a deir sinn a fhuair ar n-athair Abraham a réir na feòla?

2 Oir ma dh'fhìreanaicheadhd Abraham le oibríbh, tha aobhar uail aige, ach cha'n ann a thaobh Dhé.

3 Oir ciod a deir an scriobtuir? Chreid Abraham Dia, agus mheasadh sin da mar fhìreantachd.

4 A nis do'n ti a ni obair cha'n ann mar ghean-maith^f a mheasadh an tuarasdal, ach mar fhiachaibh.

5 Ach do'n ti nach dean obair, ach a ta creidsinn anns an ti a dh'fhìreanaicheas an duine midhiadhaidh, measar a chreidimh mar fhìreantachd.

6 Amhul mar a ta Daibhidh a' cur an céil beannachadh an duine sin d'am meas Dia fireantachd as eugmhais oibre, ag ràdh,

7 Is beannuichte iadsan a fhuair maiteanas 'nan euceirtibh, agus aig am bheil am peacadh air am folach.

8 Is beannuichte an ti nach cuir an Tighearn peacadh as a leth.

9 Am bheil ma ta am beannachadh so *teachd* air an timchioll-ghearradh a mhùin, no mar an ceudna air an neo-thimchioll-ghearradh? Oir deireamaid gu'n do mheasadh creidimh do Abraham mar fhìreantachd.

10 Cionnas ma ta a mheasadh *dha e?* An ann an uair a bha e san timchioll-ghearradh, no san neo-thimchioll-ghearradh? Cha'n ann san timchioll-ghearradh, ach san neo-thimchioll-ghearradh.

11 Agus fhuair e comhar an timchioll-ghearraidh, seuila fireantachd a' chreidimh a bha aige san neo-thimchioll-ghearradh, chum gu'm biodh e 'na athair acasan uile a ta creidsinn san neo-thimchioll-ghearradh, chum gu measfadh fireantachd dhoibhsan mar an ceudna:

12 Agus 'na athair an timchioll-ghearraidh dhoibhsan a ta ni a mhàin do'n timchioll-ghearradh, ach mar an ceudna a ta 'g imeachd ann an

^d a shaoras, a ghairmeas glan.

^f mar fhàbhor.

ceumaibh a' chreidimh sin ar n-Athar Abrahaim, a bha aige san neothimch-ioll-ghearradh.

15 Oir cha b'ann tre'n lagh a thugadh an gealladh do Abraham no d'a shiol, Gu'm biodh e 'na oighre air an t-saoghal, ach tre fhìreantachd a' chreidimh.

14 Oir ma ta iadsan a bhuineas do'n lagh 'nan oighreachaibh, tha creidimh air a dheanamh diòmhain, agus an gealladh gun bhrigh :

15 A chionn gu bheil an lagh ag oibreachadh feirge : oir far nach 'eil lagh, cha'n 'eil an sin briseadh lagha.

16 Uime sin is ann o chreidimh a ta'n oighreachd, ionnas gu'm biodh i tre ghràs : chum gu'm biodh an gealladh daingean do'n t-siòl uile, ni h-ann a mhàin dhoibhsan a bhuineas do'n lagh, ach mar an ceudna dhiobhsan a bhuineas do chreidimh Abrahaim, neach is e ar n-athairne uile,

17 (A réir mar a ta e scriobhtha, Dh'orduich mi thu a'd athair mhòrain chinneach) 'na làthairse anns an do chreid e, eadhon Dia, a ta beothachadh nam marbh, agus a ta gairm nan nithe sin nach 'eil idir ann mar gu'm biodh iad ann :

18 Neach an aghaidh dòchais a chreid an dòchas, chum gu'm biodh e na athair mhòrain chinneach ; a réir mar a dubhradh, Mar so bithidh do shliochd.

19 Agus air dha gun bhi anmlunn an creidimh, cha do chuir e an suim gu robh a chorp féin a nis marbh, air dha bhi timchioll ceud bliadhna dh'aois, no mairbhe bronnn Shara.

20 Agus cha do chuir e an amharus gealladh Dhé le mi-chreidimh ; ach bha e làidir an creidimh, a' tabhairt glòire do Dhia :

21 Agus bha làn-deimhin aige, an ti a thug an gealladh, gur comasach esan air a choimhlionadh.

22 Agus uime sin mheasadh so dhasan mar fhìreantachd.

23 A nis cha b'ann air a shonsan a mhàin a scriobhadh, gu'n do mheasadh so dha ;

24 Ach air ar soinne mar an ceudana, d'am measar e, ma chreideas sinn annsan a thog suas Iosa ar Tighearn o na marbhaibh,

25 A thugadh thairis air son ar ciontaidh, agus a thogadh suas a ris air son ar fireanachaidh.

C A I B . V.

1 Air dhuinn bhi air ar saoradh o chionta peacaidh tre chreidimh, tha sith againn maille ri Dia, agus gairdeachas an dòchas : 8 am feadh gu'n d' fhuair sinn réite tre fhuil Chriosd, 'nuair bu naimhde sinn, is mòr is mò na sin a shaorar sinn a nis air dhuinn an réite fhaoitainn.

12 Mar a thainig peacadh agus bàs tre Adhamh, is mòr is mò na sin a tha fireantachd agus beatha tre Iosa Chriosd. 20 Far an robh peacadh mòr thug gràsa barrachd.

UIME sin air dhuinne bhi air ar fireanachadh tre chreidimh, tha sith againn ri Dia, trìd ar Tighearn Iosa Chriosd.

2 Tre'm bheil againn mar an ceudna slighe tre chreidimh chum a' ghràis so anns am bheil sinn 'nar seasamh, agus a ta sinn a' deanamh gairdeachais an dòchas h gloire Dhé.

3 Agus cha'n e so a mhàin, ach a ta sinn mar an ceudna a' deanamh uaill ann an trioblaidibh, do bhrigh gu bheil fios againn gu'n oibrich trioblaid foighidin;

4 Agus foighidin, dearbhadh ! ; agus dearbhadh, dòchas :

5 Agus cha nàraich an dòchas, do bhrigh gu bheil gràdh Dhé air a dhòrtadh a mach ann ar cridheachaidh, tre'n Spiorad naomh a thugadh dhuinne.

6 Oir air dhuinne bhi fathast gun neart, an àm iomchuidh bhàsaich Chriosd air son nan dagine neo-dhiadhadh.

7 Oir^m is gann a dh'fhuilingeas duine bàs air son duine chothromach ; ach theagamh gu'm biodh aig neach eigin do mhisнич eadhon bàs fhlulang air son duine mhaith.

8 Ach a ta Dia a' moladh a ghràidh

^g saoradh, glanadh o chionta. ^h earbsa, dùil. ⁱ àmhgar. ^l fidreachadh, fein-fhiosrachadh. ^m A nis.

féin duinne, do bhrigh an uair a bha sinn fathast 'nar peacachaibh gu'n d'fhuiling Criod bas air ar son.

9 Is mòr is mò uime sin, air dhuinn a nis bhi air ar fireanachadh tre fhuil, a shaorarⁿ tridsan o fheirg sinn.

10 Oir ma 'se air bhi dhuinn 'nar naimhde, gu'n d'rinneadh réidh ri Dia sinn tre bhàs a Mhic; is mòr is mò air dhuinn bhi air ar deanamh réidh, a shaorar tre a bheatha sinn.

11 Agus ni h-e mhàin sin, ach a ta sinn a' deanamh gairdeachais an Dia, trid ar Tighearna Iosa Criod, trid an d'fhuair sinn a nis an réite.

12 Uime sin mar a thainig peacadh a steach do'n t-saoghal tre aon duine, agus bas tre'n pheacadh; mar sin mar an ceudna thainig bas air na h-uile dhaoinibh, do bhrigh gu'n do pheacaich iad uile.

13 Oir gus an lagh, bha peacadh anns an t-saoghal: ach cha chuirear peacadh a leth dhaoine far nach 'eil lagh.

14 Gidheadh, riogaich am peacadh o Adhamh gu Maois, eadhon air an dream nach do pheacaich a réir coslais easumhlachd Adhaimh, neach is e samhladh^o an ti ud a bha ri teachd:

15 Ach cha'n ann mar a' choire, a tha'n saor thiodhlac. Oir ma fhuair mòran bas tre choire aoin, is mòr is mò na sin a tha gràs Dhé, agus an tiodhlac tre ghràs a ta trid aon duine, Iosa Criod, pailte do mhòran.

16 Agus ni h-ann mar tre aon duine a pheacaich^P, mar sin a tha'n tabhartas: oir bha am breitheanas tre aon choire, chum dìtidh: ach a ta'n saor thabhartas o mhòran chiont- aibh chum fireanachaidh.

17 Oir ma's e is tre choire aon duine, gu'n do riogaich am bas tre h-aon, is mòr is mò na sin a riogaicheas iadsan, a gheibh pailteas gràis, agus tabhartais na fireantachd, ann am beatha tre aon, eadhon Iosa Criod.

18 Uime sin mar trid aon chionta^r a thainig breitheanas air na h-uile

dhaoinibh chum dìtidh, is amhul sin mar an ceudna trid aon fhìreantachd^s, thainig an saor thiodhlac air na h-uile dhaoinibh chum fireanachaidh na beatha.

19 Oir mar trid eas-umhlachd aon duine a rinneadh mòran 'nam peacachaibh, is amhul sin trid ùmhachd aon duine a nithear mòran 'nam fireanaibh.

20 Ach thainig an lagh a steach, chum gu meudaichte a' choire: ach far an do mheudaicheadh am peacadh, bu ro-mhò a mheudaicheadh gràs.

21 Chum as mar a riogaich am peacadh chum bàis, mar sin gu'n riogaicheadhd gràs tre fhìreantachd chum na beatha maireannaich, trid Iosa Criod ar Tighearn.

C A I B. VI.

1 Cha'n fheud sinn ar beatha a chaitheadh am peacadh; oir a ta sinn marbh dha mar tha'm baisteadh a' dearbhadh. 12 Na biodh riogaichd aig a' pheacadh ni's mò, 18 do bhrigh gu'n d'thug sinn sinn féin thairis do sheirbhis na fireantachd, 23 agus a chionn gur e am bas tuarasdal a' pheacaichd.

CIOD ma ta a deir sinn? Am buanaich sinn am peacadh, chum gu meudaicheadh gràs?

2 Nar leigeadh Dia: cionnas a dh'feudas sinne a ta marbh do'n pheacadh, ar beatha a chaitheadh xi's faide ann?

3 Nach 'eil fhios agaibh, a mheud agaibh is a bhaisteadh ann an Iosa Criod, gu'n do bhaisteadh chum a bhàis sinn?

4 Air an aobhar sin dh'adhlaiceadh sinn maraon ris tre'n bhaisteadh chum bàis: ionnas mar a thogadh Criod suas o na marbhaibh le glòir^t an Athar, mar sin gu gluaiseamaidne mar an ceudna ann an nuadhachd beatha.

5 Oir ma chaidh ar suidheachadh maraon ann an coslas a bhàis, bithidh sinn mar an ceudna air ar suidheachadh ann an coslas aiseirigh.

ⁿ thearnar, shabhalar. ^o samhlachas, comh-choslas, dealbh. ^P tre aon pheacadh. ^r trid chionta aon duine. ^s trid fhìreantachd aoin. ^t cumhachd.

6 Air fhios so a bhi againn, gu bheil ar seann duine air a cheusadh maraon *ris*, ionnas gu'm biodh corp a pheacaidh air a sgrios, chum a so suas nach deanamaid seirbhis do'n pheacadh.

7 Oir an ti a fhuair bàs, rinneadh saor e o'n pheacadh.

8 A nis ma fhuair sinn bàs maraon ri Criod, tha sinn a' creidsinn gu'm bi sinn beo maille ris mar an ceudna:

9 Air dhuinn fios a bhi againn air do Chriod éirigh o na marbhaibh, nach bàsaich e ni's mó; cha 'n'eil tighearnas aig a' bhàs ni's mó air.

10 Oir a mheud gu'n d'fhuair e bàs, is ann do'n pheacadh a fhuair e bàs aon uair a *mhaín*: ach a mheud gu bheil e beo, is ann do Dhia a ta e beo.

11 Mar sin mar an ceudna measaibhse gu bheil sibh féin gu deimhin marbh do'n pheacadh, ach beo do Dhia tríd Tosa Criod ar Tighearna.

12 Air an aobhar sin na rioghaich-eadh am peacadh ann bhur corp bàsmhor, air chor as gu'n d'thugadh sibh ùmhachd dha 'na anamhiann-aibh.

13 Agus na tugaibh bhur buill 'nan armaibh eucorach do'n pheacadh; ach thugaibh sibh féin do Dhia, mar dhroing a ta beo o na marbhaibh, agus bhur buill 'nan armaibh fireantachd do Dhia.

14 Oir cha bhi aig a' pheacadh tighearnas oirbh: oir cha 'n'eil sibh fuidh 'n lagh, ach fuidh ghràs.

15 Ciod uime sin? am peacaich sinn, do bhrigh nach 'eil sinn fuidh 'n lagh, ach fuidh ghràs? Nar leigeadh Dia.

16 Nach 'eil fhios agaibh, an ti d'an toir sibh sibh féin mar sheirbhisich chum ùmhachd, gur seirbhisich sibh do'n. ti d'an dean sibh ùmhachd; ma's ann do'n pheacadh chum bàis, no do ùmhachd chum fireantachd.

17 Ach buidheachas do Dhia, an déagh dhuibh a bhi 'nar seirbhisich do'n pheacadh, gu'n d'thug sibh o bhur cridhe ùmhachd do'n chumadh teagaisg sin d'an d'thugadh sibh thairis^u.

18 Air dhuibh ma ta bhi air bhur deanamh saor o'n pheacadh, rinn sibh seirbhis do'n fhìreantachd.

19 Tha mi labhairt mar dhuine, air son annmhuinneachd bhur feòla-sa: oir mar a thug sibh bhur buill mar sheirbhisich do neo-ghloine, agus do euceart chum euceirt, amhail sin a nis thugaibh bhur buill mar sheirbhisich do'n fhìreantachd, chum naomhachd.

20 Oir an uair a bha sibh 'nar seirbhisich do'n pheacadh, bha sibh saor o'n fhìreantachd.

21 Air an aobhar sin ciòd an toradh a bha agaibh an sin ains na nithibh sin, a ta nis a' cur näire oirbh? oir is e crìoch nan nithe sin am bàs.

22 Ach a nis air dhuibh bhi saor o'n pheacadh, agus 'nar seirbhisich do Dhia, tha bhur toradh agaibh chum naomhachd, agus a' chrioch a' bheatha mhaireannach.

23 Oir is e tuarasdal a' pheacadh am bàs: ach is e saor thiodhlacadh^a Dhé a' bheatha mhaireannach, tríd Tosa Criod ar Tighearna.

C A I B. VII,

1 *Chā 'n'eil aig an lagh cumhachd os ceann duine ni's faide na's beo e.*

4 *Ach tha sinne marbh do'n lagh.*

7 *Gidheadh cha 'n'eil an lagh 'na pheacadh, 12 Ach naomha, ceart, agus maith, &c.*

NACH 'eil fhios agaibh, a bhràithre, (oir is ann riusan d'an aithne an lagh a ta mi labhairt) gu bheil tighearnas aig an lagh air duine, am fad is beo e?

2 Oir a' bhean a ta pòsda ri fear, tha i ceangailte leis an lagh r'a fear am fad is beo e: ach ma gheibh a fear bàs, tha i fuasgalte o lagh a fir.

5 Uime sin am feadh is beo a fear, ma phòsar i ri fear eile, goirear ban-adhaltranach dhith: ach ma gheibh a fear bàs, tha i saor o'n lagh sin, air chor as nach ban-adhaltranach i, ge do robh i aig fear eile.

4 Air an aobhar sin, mo bhràithre, tha sibhse mar an ceudna marbh do'n lagh tre chorp Chriod; ionnas gu'm

^u *ris an do chomh-chumadh sibh, a thugadh dhuibh.*

^a *ghibht.*

blodh sibh pòsda ri fear eile, *eadhon* ris-san a thogadh o na marbhaibh, chum gu'n tugamaid toradh a mach do Dhia.

5 Oir an uair a bha sinn san fheòil, bha miannan nam peacadh, tre'n lagh, ag oibreachadh ann ar ballaibh, chum toradh a thoirt a mach gu bàs.

6 Ach a nis tha sinn air ar deanamh saor o'n lagh, air dha sin a bhi marbh b leis 'na chumadh sinn; chum gu'n deanamaid seirbhis ann an nuadhachd spioraid, agus ni *h-ann* an seanachd na litreach.

7 Ciod uime sin a deir sinn? am bheil an lagh 'na pheacadh? Nar leigeadh Dia. Ni *h-eadh*, cha b'aithne dhomh peacadh, ach tre'n lagh: oir cha bhiodh eòlas agam air sannt, mur abradh an lagh. Na sanntuich^c.

8 Ach air do'n pheacadh fàth^d a ghlacadh, tre'n àithne dh'oibrich e annam gach uile ghnè an-tograidh: oir as eugmhais an lagha *bha'm* peacadh marbh.

9 Oir bha mise beo as eugmhais an lagha uair-eigin: ach air teachd do'n àithne, dh'ath-bheothaich am peacadh, agus fhuair mise bàs.

10 Agus an àithne a *dh'orduicheadh* chum beatha, fhuaradh dhomhsa chun bàis i.

11 Oir air do'n pheacadh fàth a ghlacadh, tre'n àithne mheall e mi, agus le sin mharbh e mi.

12 Air an aobhar sin *tha'n* lagh naomha; agus *a ta'n* àithne naomha, agus cothromach, agus maith.

13 Uime sin an d'rinnseadh an ni sin a bha maith, 'na bhàs domhsa? Nar leigeadh Dia. Ach am peacadh, chum gu faicte^e gur peacadh e, ag oibreachadh bàis annamsa, leis an ni sin a ta maith; chum tre'n àithne gu'm fasadh am peacadh ro pheacach.

14 Oir a ta fhios againne gu bheil an lagh spioradail: ach a ta mise feòlmhor, air mo reiceadh fuidh'n pheacadh.

15 Oir an ni a ta mi deanamh, cha taitneach leam e; oir an ni a b'àill leam, cha'n e a dheanamh; ach an ni

a's fuathach leam, is e sin a ta mise a' deanamh.

16 Uime sin ma ta mi deanamh an ni nach b'àill leam, tha mi 'g aontachadh leis an lagh, gu bheil e maith.

17 A nis ma ta cha mhise ni's mò a tha deanamh so, ach am peacadh a tha gabhail còmhnuidh annam.

18 Oir a ta fhios agam, annamsa (sin ri ràdh, ann am fheòil) nach 'eil maith sam bith a' gabhail còmhnuidh: oir tha'n toil a làthair maille rium, ach *dòigh sani bith* chum maith a dheanamh ni faigheam.

19 Oir ni'n deanam am maith bu mhiann leam: ach an t-olc nach b'àill leam, is e sin a ta mi a' deanamh.

20 A nis ma ta mi a' deanamh an ni nach b'àill leam, cha mhise ni's mò a ta deanamh so, ach am peacadh a tha gabhail còmhnuidh annam.

21 Uime sin tha mi faotainn lagha, 'n uair a b'àill leam am maith a dheanamh, gu bheil an t-olc a làthair agam.

22 Oir a ta tlachd agam an lagh Dhé, a réir an duine an taobh a stigh.

23 Ach tha mi faicinn lagha eile a'm' bhallaibh a' cogadh an aghaidh lagha m'intinn, agus ga m' thabhairt am bruid do lagh a' pheacaidh, a ta ann am bhallaibh.

24 Och is duine truagh mi! cò a shaoras mi o chorp a' bhàis so?

25 Tha mi toirt buidheachais do Dhia^f, trìd Iosa Criod ar Tighearna. Uime sin, tha mise féin leis an inntinn a' deanamh seirbhis do lagh Dhè, ach leis an fheòil do lagh a' pheacaidh.

C A I B. VIII.

1 *Tha iadsan a ta ann an Criod, agus a' caitheadh am beatha réir an Spioraid, saor o dhíeadh.* 5 Ciod an cron a thig o'n fheòil, 14 agus ciod am maith a thig o'n Spioraid; 17 agus ciod e a bhi 'nar cloinn do Dhia; 19 droing aig am bheil, roimh na h-uile nithe, déidh air an saorsa. &c.

A IR an aobhar sin cha 'n'eil a nis díeadh sam bith do'n dream sin a tha ann an Iosa Criod, a tha

^b air dhuinn bàsachadh san ni.

^c leigte ris.

^d miannuich.

^e Ghràs Dhé.

gluasadf ni h-ann a réir na feòla, ach a réir an Spioraid.

2 Oir shaor lagh Spioraid na beatha, ann an Iosa Criod, mise o lagh a' pheacaidh agus a' bhàis.

3 Oir an ni nach robh an comas do'n lagh a dheanamh, do bhrigh gu robh e anmhunn tre'n fheòil, ag cur a' Mhic féin do Dhia an coslas feòla peacaich, agus 'na lobairt air son peacaidh, dhùt e am peacadh san fheòil:

4 Chum gu'm biodh fireantachd an lagha air a coimhlionadh annainne, a tha gluasad cha'n ann a réir na feòla, ach a réir an Spioraid.

5 Oir an dream a ta a réir na feòla, tha an aire air na nithibh sin a bhuineas do'n fheòil; ach an dream a ta a a réir an Spioraid, air na nithibh sin a bhuineas do'n Spiorad.

6 Oir an inntinn fheòlmhor is bàs i; ach an inntinn spioradail is beatha agus siothchaint i:

7 Do bhrigh gur naimhdeas an inntinn fheòlmhor an aghaidh Dhé; oir cha 'n'eil i ùmhal do lagh Dhé, is cha mhò a tha'n comas d'i bhi.

8 Uime sin cha'n urrainn iadsan a tha san fheòil Dia a thoileachadh.

9 Ach cha 'n'eil sibhse san fheòil, ach san Spiorad, ma tha Spiorad Dhé a' gabhair còmhnuidh annaibh. A nis mar 'eil Spiorad Chriosd aig neach, cha bhuin e dha.

10 Agus ma tha Criod annaibh, tha'n corp marbh gu deimhin a thaobh peacaidh; ach is beatha an spiorad a thaobh^g fireantachd.

11 Ach ma tha Spiorad an ti a thog Losa o na marbhaibh, a' gabhair còmhnuidh annaibh, an ti a thog Criod o na marbhaibh, beothaichidh e mar an ceudna bhur cuirp bhàsmhorsa, tre a Spioradsan a ta chòmhnuidh annaibh.

12 Uime sin, a bhràithre, tha sinn fa fhiachaibh, cha'n ann do'n fheòil, chum ar beatha a chaitheadh a réir na feòla.

13 Oir ma chaitheas sibh bhur beatha a réir na feòla, gheibh sibh bàs: ach ma mharbas sibh tre'n

Spiorad gnìomhara na colla, bithidh sibh beo.

14 Oir a mheud 's a ta air an treòrachadh le Spiorad Dhé, is iad mic Dhé.

15 Oir cha d'fhuaire sibh Spiorad na daorsa a rìs chum eagail; ach fhuaire sibh Spiorad na h-uchd-mhae-achd, tre an glaodh^h sinn, Abba, Athair.

16 Tha an Spiorad féin a' deanamh fianuis maraon r'ar spioradne, gur sinn clann Dhé.

17 Agus ma's clann, is oighreachan; oighreachan air Dia, agus comh-oighreachan maille ri Criod: ma 'se 's gu'm fuiling sinn maille rìs, chum gu glòraichear maraon ris sinn mar an ceudna.

18 Oir measam, nach fiu fulangais na h-aimsir a ta làthair *an coimhmeas* ris a' ghloir a dh'fhoillsicheadh ann-ainn.

19 Oir a ta dùil dhùr chdach a' chruthachaidh i a' feitheamh ri foills-eachadh cloinne Dhé.

20 Oir chuireadh an cruthachadh fuidh dhòmhanas, cha'n ann le thoil, ach trìdsan a chuir fuidh dhòmhanas e;

21 An dòchas gu'n saorar an cruthachadh féin fòs o dhaorsa na truaillidheachd, gu saorsa glòrmhor cloinne Dhé.

22 Oir a ta fhios againne gu bheil an cruthachadh uile^l g osnaich, agus am péin gu léir, mar mhnaoi ri saothair, gus an àm so:

23 Agus cha'n e so a mhàin, ach sinn féin mar an ceudna, aig am bheil ceud thoradh an Spioraid, tha eadhon sinne ag osnaich annainn féin, a' feitheamh ris an uchd-mhae-achd, eadhon saorsa ar cuirp.

24 Oir is ann le dòchas a shaorar sinn: ach dòchas a chithear, cha dòchas e: oir c'ar son a bhios dòchas aig duine ris an ni a ta e faicinn?

25 Ach ma ta dòchas^m againn ris an ni nach 'eil sinn a' faicinn, feithidh sinn gu foighidneach ris.

26 Tha an Spiorad féin mar an ceudna a' deanamh còmhnaidh le'r

^f a' siubhal, ag imeachd. ^g trèid, air sgàth. ^h éigh, gairm. ⁱ a' chreutair. ^l gach uile chreutair. ^m sùil.

n-anmhuiinneachd : oir cha 'n aithne dhuinn ciod a ghuidheamaid mar bu chòir dhuinn : ach a ta an Spiorad féin a' deanamh eadar-ghuidheⁿ air ar son le osnaibh do-labhairt.

27 Agus is aithne dhasan a ta rannsachadh nan cridheachan ciod i inntinn an Spioraid, do bhrigh gu bheil e a' deanamh eadar-ghuidhe air son nan naomh a réir *toil Dé*.

28 Agus a ta fhios againn gu'n comh-oibrich na h-uile nithe chum maith, do'n dream aig am bheil gràdh do Dhia, *eadhon* dhoibhsan a ghairmeadh a réir *a rùin*.

29 Oir an dream a roimh-aithnich e, roimh-orduich e iad mar an ceudna chum bhi comh-chosmuil ri dealbh a Mhic, chum gu'm biodh esan 'na cheud-ghin am measg mòrain bhràithre.

30 Agus an dream a roimh-orduich e, ghairm e iad mar an ceudna : agus an dream a ghairm e, dh'fhìreanaich e mar an ceudna : agus an dream a dh'fhìreanaich e, ghlòraich e mar an ceudna.

31 Ciod uime sin a deir sinn ris na nithibh sin ? Ma ta Dia leinn, cò dh'fheudas bhi 'nar n-aghaidh ?

32 An ti nach do chaomhain a Mhac féin, ach a thug thairis e air ar soin-ne uile, cionnus maille ris-san nach tabhair e mar an ceudna dhuinn gu saor na h-uile nithe ?

33 Cò chuireas coire sam bith a leth daoine taghta Dhé ? 'Se Dia a dh'fhìreanaicheas^o.

34 Cò a dhíteas ? 'Se Criod a fhuaire bàs, seadh tuilleadh fòs, a dh'éirich a'ris, agus a ta air deas làimh Dhé, neach a ta mar an ceudna a' deanamh eadar-ghuidhe air ar soinne.

35 Cò sgaras^p sinn o ghràdh Criod ? an dean trioblaid, no àmhghar, no geur-leanmuinn, no gorta, no lomnochduigh, no cunnart, no claidheamh ?

36 (A réir mar a ta e scriobhta, Air do shonsa mharbhadh sinn rè an là ; mheasadh sinn mar chaoraich chum marbhaidh.)

37 Ni h-eadh, ach anns na nithibh sin uile tha sin a' toirt tuilleadh agus buaidh, tridsan a ghràdhach sinn.

38 Oir a ta dearbh-bheachd agam, nach bi bàs, no beatha, no aingil, no uachdarachanachda, no cumhachda, no nithe a ta làthair, no nithe a ta ri teachd,

39 No àirde, no doimhne, no creatair sam bith eile, comasach air sinne a sgaradh o ghràdh Dhé a ta ann an Iosa Criod ar Tighearn.

C A I B. IX.

1 *Tha Pòl doilich air son nan Iudhach.* 7 *Cha b'iad sliochd Abrahaim uile clann a' gheallaidh.* 18 *Tha Dia a' deanamh tròcair air an droing a's toil leis.* 21 *Feudaidh an cumadaoir an nè a's toil leis a dheanamh ris a'chriadh.* 25 *Tha gairm nan Cinneach, agus cur-air-cùl nan Iudhach air an roimh-innseadh.* &c.

A an Criod, nior dheanamh breug, (air bhi do m' choguis a' deanamh fianuis domh san Spiorad naomh.)

2 Gu bheil doilgheas mòr orm, agus cràdh air mo chridhe an còmhnuidh.

3 Oir ghuidhinn mi féin a bhi dealaithe^r o Criod, air son mo bhràithre, mo luchd-dàimh a thaobh na feòla :

4 A ta 'nan Israelich ; d'am buin an uchd-mhacachd agus a' ghlòir, agus na coimhcheangail, agus tabhairt an lagha, agus seirbhis Dé, agus na geallanna ;

5 D'am buin na h-aithriche, agus o'm bheil Criod a thaobh na feòla, neach is e Dia os ceann nan uile, beannuicte gu slorruidh. Amen.

6 Cha'n e gu bheil focal Dé gun éifeachd. Oir cha'n Israelich iadsan uile a ta o Israel :

7 Agus ni mò do bhrigh gur sliochd do Abraham iad, a ta iad uile 'nan cloinn : ach ann an Isaac ainmichear do shiòl.

8 Is e sin ri ràdh, Cha'n iad clann na feòla clann Dhé : is iad clann a gheallaidh a mheas mar shiòl.

ⁿ guidhe, ^o a shaoras, a ghairmeas glan o chionta. ^p dhealaicheas malluichte.

9 Oir is e so focal a' gheallaidh, A réir an àm so^s thig mi, agus bithidh mac aig Sara.

10 Agus cha'n e mhàin so, ach Rebecca mar an ceudna 'nuair a thoírrcheadh i o aon, eadhon Isaac ar n-athairne.

11 (Oir mun do rugadh na naoidh-cana, agus mun d'rian iad maith no ole, chum gu'm biodh rùn Dé a réir an taghaidh seasmhach, cha'n ann o oibrigh, ach o'n ti a ghairmeas.)

12 A dubhradh rithe, Ni an neach a's seine seirbhis do'n neach a's òige.

13 A réir mar a ta e scriobhta, Ghràdhaich mi Iacob, ach dh'fhuathaich mi Esau.

14 Ciod a deir sinn ma ta? am bheil eucoir maille ri Dia? Nar leigeadh Dia.

15 Oir a deir e ri Maois, Ni mi tròcair, air an neach air an dean mi tròcair, agus gabhaidh mi truas do'n neach d'an gabh mi truas.

16 Uime sin cha'n ann o'n ti leis an àill, no o'n ti a ruitheas, ach o Dhia a ni tròcair.

17 Oir a deir an scriobtuir ri Pharaoh, Is ann chum na criche so fein a thog mi suas thu, chum gu'm foillsichinn mo chumhachd annad, agus chum gu'm biodh m'ainm iomraideach air feadh na taimhainn uile.

18 Uime sin ni e tròcair air an ti a's àill leis, agus an ti a's àill leis eruidhichidh se.

19 A deir tu ma ta rium, C'ar son a ta e ma seadh a' faghail croin? oir cò a chuir an aghaidh a thoile?

20 Ni h-eadh ach, O a dhuine, cò thusa a ta tagradh an aghaidh Dhé? An abair an ni a chumadh ris an ti a chum e, C'ar son a rinn thu mi mar so?

21 Nach 'eil cumhachd aig a' chriadh-fhear^t air a' chriadh, ionnas gu'n deanadh e do'n aon mheall aon soitheach chum onoir, agus soitheach eile chum eas-onoir.

22 Ciod ma's e, air bhi do Dhia toileach fhearg a nochdad, agus a

chumhachd a dheanamh aithnichte, gu'n d'fhuiling^u e le mòr fhad-fhulangas soithiche na feirge air an ulluchadh chum sgrios:

23 Agus chum gu'n deanadh e aithnichte saibhreas a ghlòire air soithichibh na tròcair, a dh'ulluich e roimh-làimh chum glòire?

24 Eadhon sinne a ghairm e, cha'n e mhàin do na h-Iudhachaibh, ach mar an ceudna do na Cinneachaibh.

25 Mar a deir e mar an ceudna ann an Osee, Goiridh mi mo phobull diubhsan nach robh 'nam pobull domh; agus bean ghràdhach dh'ise, nach robh gràdhach.

26 Agus tarlaidh, anns an ionad san dubhradh riu, Cha sibh mo phobullsa, an sin gu'n goirear Clann an Dé bheo dhiubh.

27 Tha Esaias mar an ceudna ag éigeach mù thimchioll Israel, Ge do tha àireamh chloinn Israel mar ghaineamh na fairge, is fuigheall a thearnar.

28 Oir crìochnaichidh e an obair, agus gearraidh e goirid i an ceartas^a: do bhrigh gu'n dean an Tighearn obair ghoirid air an talamh.

29 Agus mar a thubhairt Esaias roimhe, Mur fágadh Tighearn nan sluagh siol againne, dheantadh sinn mar Shodom, agus bhitheamaid cosmhul ri Gomorrra.

30 Ciod a deir sinn ma seadh? Gu'n d'ràinig na Cinnich, nach robh a' leantuinn fireantachd, air fireantachd, eadhon an fhìreantachd a ta o chreidimh :

31 Ach cha do ràinig Israel, a bha leantuinn lagha na fireantachd, air lagh na fireantachd.

32 C'ar son? A chionn nach aìn o chreidimh, ach mar gu'm b'ann o oibrigh an lagha a dh'iarr iad i: oir thuisllich iad air a' chloich-thuislidh sin;

33 Mar a ta e scriobhta, Feuch, cuiream ann an Sion clach-thuislidh, agus carruig oilbheim: agus gach neach a chreideas annsan, cha chuirear gu näire e.

^s Air an àm so. ^t fear deanamh shoithiche creadh. ^u gu'n do ghiùlain.

^a fireantachd.

C A I B. X.

5 *Tha an scriobtuir a' nochdadh an eadar-dhealachaidh a ta eadar fìreantachd an lagha, agus a' chreidimh; 11 agus nach cuirear a h-aon do na h-Iudhaich, no do na Cinnich sin uile a chreideas, fuidh amhlaoadh; 18 agus gu'n gabh na Cinnich ris an fhocal, agus gu'n creid iad. 19 Cha robh Israel aineolach air na nithibh sin.*

A BHRAITHRE, is e dùrachd b
mo chridhe, agus m'ùrnuigh ri
Dia air son Israel, gu'm biodh iad
air an tearnadh.

2 Oir a ta mi deanamh fianuis
doibh, gu bheil eud^c aca thaobh Dhé,
ach cha'n ann a réir eòlais.

3 Oir air dhoibh bhi aineolach
air fìreantachd Dhé, agus ag iarraidh
am fìreantachd féin a chur air chois,
cha do strìochd^d iad do fhìreantachd
Dhé.

4 Oir is e Criosd crìoch an lagha,
chum fìreantachd do gach neach a
chreideas.

5 Oir a ta Maois a' cur an céill na
fìreantachd a ta o'n lagh, *eadhon* an
duine a ni na nithe sin, gu'm bi e
beo leo.

6 Ach mar so deir an fhìreantachd
a ta o chreidimh, Na abair ann do
chridhe, Cò théid suas air nèamh?
(sin r'a ràdh, a thoirt Chriosd anuas;)

7 No, Cò a théid sìos do'n doimhne?
(sin r'a ràdh, a thoirt Chriosd a
ris air ajs o na marbhaibh.)

8 Ach ciod a deir i? Tha 'm focal
am fagus duit, ann do bheul, agus
ann do chridhe: 'se sin focal a'
chreidimh a tha sinne a' searmonachadh,

9 Ma dh'aidicheas tu le d' bheul an
Tighearn Iosa, agus ma chreideas tu
ann do chridhe, gu'n do thog Dia o
na marbhaibh e, gu'n saorar thu.

10 Oir is ann leis a' chridhe a
chreidear chum fìreantachd, agus leis
a' bheul a dh'aidichear chum sláinte.

11 Oir a deir ann scriobtuir, Ge'b'e
neach a chreideas annsan, cha nàr-
aichear e.

12 Oir cha 'n'eil eadar-dhealachadh
eadaran t-Iudhach agus an Greugach:

oir an t-aon Tighearn a ta os cionn
nan uile, tha e saibhir do na h-uile a
ghairmeas air.

13 Oir ge b'e neach a ghairmeas
air ainm an Tighearna, tearnar e.

14 Ach cionnus a ghairmeas iad
airsan anns nach do chreid iad? agus
cionnus a chreideas iad anns an ti air
nach cùal iad *iomradh?* agus cionnus
a chluinneas iad gun searmonuiche?

15 Agus cionnus a ni iad searmoin,
mur cuirear iad? mar a ta e scriobhta,
Cia sgiàmhach cosa na muintir sin
a ta searmonachadh soisgeil^e na sìth,
a ta toirt sgéil aoibhneich air nithibh
maithe!

16 Ach cha robh iad uile ùmhal
do'n t-soisgeul. Oir a deir Esaias,
A Thighearn, cò a chreid ar n-aithris-ne^f?

17 Uime sin, is ann o éisdeachd
a thig creidimh, agus éisdeachd tre
fhocal Dé.

18 Ach a deiream, Nach cùal iad?
Chuala gu deimhin, chaidh fuaim
air feadh gach tire a mach, agus
an briathra gu iomallaibh an domhain.

19 Ach a deiream, Nach robh fios
aig Israel? Air tùs, a deir Maois,
Cuiridh mi eud oirbh le *Cinneach*
nach 'eil 'nan Cinneach, agus le
Cinneach neo-thuigseach cuiridh mi
fearg oirbh.

20 Ach a ta Esaias ro dhàna, agus
a deir e, Fhuaradh mi leo-san nach
d'iarr mi; dh'fhoillsicheadh mi
dhoibhsan nach d'fhiorsaich air mo
shon.

21 Ach ri Israel a deir e, Shìn mi
mach mo làmhan rè an là gu h-iom-
lan ri pobull eas-ùmhal agus a labhras
a'm' aghaidh.

C A I B. XI.

1 *Cha do thilg Dia Israel uile uaith.*
7 Thaghadh cuid, ge do chruaidh-
icheadh a' chuid eile. 16 Tha
dòchas mu'n ath-philleadh. 18
Cha'n fheud na Cinnich uaill-thair
a dheanamh orra; 26 oir tha geall-
adh gu'n slànuichear iad. 53 Tha
breitheanais Dé do-rannsachaiddh.

A DEIREAM ma seadh, An
do thilg Dia a phobull uaith?

Nar leigeadh Dia. Oir is Israeleach mise féin mar an ceudna, do shliochd Abrahim, do thréibh Bheniamin.

2 Cha do thilg Dia uaith a phobhull a roimh-aithnich e. Nach 'eil fhios agaibh ciod e a deir an scriobtuir mu Elias? cionnus a ta e a' deanamh eadar-ghuidhais ri Dia an aghaidh Israel, ag ràdh,

3 A Thighearn, mharbh iad t'fhàidhean, agus leag iad sios t'alt-airean; agus dh'fhàgadh mise a'm' aonar, agus tha iad ag iarraidh m'anama.

4 Ach ciod a deir freagradh Dé ris, Dh'fhàg mi dhomh féin seachd mìle fear, nach do lùb an glùn do dhealbh Bhaail.

5 Agus mar sin mar an ceudna tha san àm so a làthair fuigheall a réir taghaidh a' ghràis.

6 Agus ma's ann tre ghràs, cha'n ann o oibríbh ni's mó: Ach ma's ann o oibríbh, cha'n ann o ghràs a sin suas: no cha'n obair a sin suas obair.

7 Ciod ma seadh? An ni sin a ta Israel ag iarraidh, cha do ràinig e air; ach ràinig an taghadh air, agus chaidh a' chuid eile a dhalladh:

8 Mar a ta e scriobhta, Thug Dia dhoibh spiorad na suaine, sùile chum nach faiceadh iad, agus cluasa chum nach cluinneadh iad, gus an là an diugh.

9 Agus a deir Daibhidh, Biodh am bord mar ribe, agus mar inneal-glacaidh, agus mar cheap-tuislidh, agus mar dhòl-thuarasdal dhoibh.

10 Biodh an sùilean air an dorchachadh, chum nach faic iad; agus crom-sa an druim an còmhnuidh.

11 A deiream uime sin, An do thuislich iad ionnas gu'n tuiteadh iad? Nar leigeadh Dia: ach tre an tuiteamsan tha sláinte air teachd chum nan Cinneach, chum iadsan a bhrosnachadh gu h-eud.

12 Ma's e an tuiteamsan saibhreas an domhain, agus an luglidachadh saibhreas nan Cinneach; cia's mó na sin a bhithreas an lànachd?

13 Oir is ann ribhse a labhram, a Chinneacha; do bhrigh gur mi ab-

stol nan Cinneach, tha mi toirt urram do m' dhreuchd h:

14 Ma dh'fheudas mi air chor sam bith mo choimh-fheòil a bhrosnachadh gu h-eud, agus gu'n tearuinn mi dream àraidh dhiubh.

15 Oir ma's e'n tilgeadhsan air falbh réiteachadh an domhain; ciod e an ath-ghabhail, ach beatha o na marbhaibh?

16 Oir ma ta an ceud-thoradh naomha, tha am meall *naomha* mar an ceudna: agus ma ta an fhreumh naomha, *tha na geuga mar sin* mar an ceudna.

17 Agus ma ta cui'd do na geug-aibh air am briseadh dheth, agus gu bheil thusa, a bha a'd chrann-ola fiadhaich, air do shuidheachadh 'nam measg, agus maille riu a' faotainn comh-pairt do fhreimh agus do reamhrachd a' chroinn-ola;

18 Na dean uail an aghaidh nan geug: ach ma ni thu uail 'nan aghaidh, cha tua a dh'iomchaireas an fhreumh, ach an fhreumh thusa.

19 A deir tu uime sin, Bhriseadh dheth na geuga, chum gu suidhichte mise 'nan ait.

20 Ro mhaith; air son am mìchreidimh bhriseadh iadsan dheth, agus a ta thusa a' seasamh tre chreidimh. Na bi àrd-inntinneach, ach fa eagal.

21 Oir mur do chaomhain Dia na geuga nàdurra, *biodh eagal ort* nach caomhain e thusa mar an ceudna.

22 Feuch uime sin maitheas agus geur cheartas Dé: geur cheartas d'an taobhsan a thuit; ach do d' thaobhsa, maitheas, ma bhuanachaes tu 'na mhaiteas; agus mur buanaich, gearr ar dheth thusa mar an ceudna.

23 Agus suidhichear iadsan mar an ceudna, mur buanaich iad 'nam mi-chreidimh: oir a ta Dia comasach air an suidheachadh a ris.

24 Oir ma ghearradh thusa as a' chrann-ola a bha fiadhaich a thaobh nàduir, agus gu'n do shuidhicheadh ann an deadh chrann-ola thu an aghaidh nàduir; cia mòr is mó na sin a suidhichear na geuga nàdurra. 'nan crann-ola féin?

25 Oir cha b'aill leam, a bhràithre, sibhse bhi aineolach air an rùn-diomhair so (chum nach biadh sibh glic 'nar barail féin) gu'n do tharladh doille ann an cuid do Israel, gus an d'thig iomlanachd nan Cinneach a steach.

26 Agus mar sin bitidh Israel uile air an slànuachadh: mar a ta e scriobhta, Thig am Fear-saoraidh o Shion, agus tionndadhaidh e midhiadhachd o Iacob.

27 Oir is e so mo chomh-cheangal riù, 'nuair a bheir mi air falbh am peacanna.

28 Thaobh an t-soisgeil, is naimh-dean iad air bhur sonsa: ach a thaobh an taghaidh, *tha iad gràdhaithe* air son nan aithriche.

29 Oir a ta tiodhlacan agus gairm Dhé gun aithreachas.

30 Oir mar a bha sibhse roimhe so eas-ùmhali do Dia, ach a nis a fhuair sibh tràcair trìd am mi-chreidimh-san:

51 Amhui sin a ta iadsan san àm so eas-ùmhali, chum trìd bhur tràcairse gu 'm faigh iad tràcair mar an ceudna.

52 Oir dhruid Dia iad uile ann am mi-chreidimh¹, chum tràcair a dheanainh air na h-uile.

53 O doimhne saibhris araon gliocais agus èolais Dé! Cia do-rann-sachaidh a bhreitheanais, agus dolorgachaидh a shlighean!

54 Oir cò aig an robh fios inntinn an Tighearna, no cò bu chomhairleach dha?

55 No cò thug dha air tùs, agus a làn-dìolar a ris dha e?

56 Oir is ann uaithesan agus trìdsan, agus air a shonsan a ta na h-uile nithe: dhasan gu robh glòir gu siorrhuidh. Amen.

C A I B. XII.

1 Is còir do thòrcair Dia sinne aomadh gu Dia a thoileachadh; 3 Cha chòir do dhuine sam bith meas tuilleadh 's maith bhi aige dheth féin: 6 ach is còir do gach aon feith-eamh air an dreuchd sin, a dh' eurb-

adh ris. 9 Tha gràdh, agus mòran do dhleasdanais eile air an iarrraig uainn. 19 Tha dioghal-tas gu sonraichte air a thoirmeasg dhuinn.

A IR an aobhar sin guidheam airbhbh, a bhràithre, tre thròr-airibh Dhé, bhur euirp a thabhairt 'nam beo-lobairt, naomha, thaitnich do Dhia, *ni a's e bhur seirbhis*^m reusonta.

2 Agus na bithibh air bhur cumadh ris an t-saoghal so: ach bithibh air bhur cruth-atharrachadh tre athnuadhachadh bhur n-inntinn, chum gu'n dearbh sibh ciod i toil mhaith, thaitneach, agus dhiongmhalta sin Dhé.

3 Oir a deiream trìd a' ghràis a thugadh dhomhsa, ris gach neach 'nar measg, gun smuaineachadh *uime féin* ni's airde na 's coir dha smuaineachadh; ach smuaineachadh am measarrachdⁿ, a réir mår a roinn Dia ris gach neach tomhas a' chreidimh.

4 Oir mar a ta mòran bhall againn ann an aon chorpa, agus nach e'n t-aon ghnìomh^o a th'aig gach ball:

5 Amhui sin ge do tha sinne 'nar mòran, is aon chorpa ann an Criod sinn, agus is buill sinn gach aon fa leth d'a chéile.

6 Uime sin air bhi do thiodhlacreibh againn, eadar-dhealaichte^p a réir a' ghràis a thugadh dhuinn, ma's fàidheadaireachd, *deanamaid fàidheadaireachd* a réir tomhais a' chreidimh:

7 No ma 's frithealadh, *thugamail aire* d'ar frithealadh; no an ti a theagaisgeas, *thugadh e aire* d'a theagasc;

8 No an ti a bheir earail^r, *thugadh e aire* d'a earail: an ti a roinneas an déirc, *roineadh e i* an treibh-dhreachd^s; an ti a riaghlas, *deanadh se e* maille ri dùrachd; an ti a ni trà-eair, *deanadh se e* gu suilbhair.

9 Biodh bhur gràdh gun cheilg. Biodh gràin agaibh do'n olc, leanabh gu dlùthi ris an ni a tha maith.

10 Bithibh teo-chridheach d'a chéile le gràdh bràthaireil, ann an

¹ cha do chreid iadsan. ¹ casumhlachd. ^m aoradh. ⁿ stuaim.

^o obair, oifig. ^p eagsamhail. ^r comhairle. ^s con-fhillteachd.

urram a toirt toisich gach aon d'a chéile:

11 Gun bhi leasg ann an gnothuichibh: dùrachdach^t 'nar spiorad; a' deanamh seirbhis do'n Tigh-earn:

12 A' dearamh gairdeachais an dòchas: foighidneach an trioblaid; maireannach ann an ùrnuigh:

13 A' comh-roinn ri uireasbhuidh nan naomh; a' gnàthachadh aoidh-eachd.

14 Beannuichibh an dream a ta deanamh geur-leanmhuinn oirbh: beannuichibh, agus na mallaichibh.

15 Deanaibh gairdeachas maille riusan a ta ri gairdeachas, agus caoidh maille riusan a ta ri caoidh.

16 Bithibh a dh'aon rùn^u d'a chéile. Na biodh bhur cion air nithibh àrd^a, ach cuiribh sibh fèin an comh-inbhe riu-san a ta ìosal. Na bithibh glic 'nar barail fèin.

17 Na lòcaibh olc air son uile do dhuine sam bith. Ulluichibh nithe ciatsach am fianuis nan uile dhaoinic.

18 Ma dh'fheudas e bhi, mheud 's a ta e'n comes duibh, bithibh an sìth ris na h-uile dhaoinibh.

19 A chàirde gràdhach, na deanaibh dioghaltais air bhur son fèin, ach thugaibh àit do'n fheirg: oir a ta e scriobhta, Is leamsa an dioghaltais; lòcaidh mi, deir an Tighearn.

20 Uime sin ma bhios do nàmhaid ocrach, thoir biadh dha; ma bhios e tartmhòrb, thoir deoch dha: oir le so a dheanamh càrnaidh tu eibhle teine air a cheann.

21 Na d'thugadh an t-olc buaidh ort, ach beir-sa buaidh air an olc leis a' mhaith.

C A I B. XIII.

1 Umhlachd, agus d'leasdanais eile a's còir dhuinn chur an gnìomh do uachdaranaibh. 8 'Se gràdh coimhlionadh an lagha. 11 Tha gèðcàir-eachd, agus misg, agus oibre an dorchasdais ro neo-chubhaidh do àm an t-soisgeil.

BIODH gach anam^c ùmhail do na h-àrd chumhachdaibh. Oir

cha 'n'eil cumhachd ann ach o Dhia: agus na cumhachdan a ta ann, is ann le Dia d a dh'orduicheadh iad.

2 Air an aobhar sin ge b'e air bith a chuireas an aghaidh a' chumhachd, tha e cur an aghaidh ordugh Dhé: agus iadsan a chuireas 'na aghaidh, gheibh iad breitheanas^c dhoibh fèin.

3 Oir cha 'n'eil uachdarain 'nan aobhar eagail do dheadh oibrabh, ach do dhrach oibrabh. Uime sin am miann leat bhi gun eagal an uachdarain ort? dean am maith, agus gheibh thu cliu uaith.

4 Oir is esan seirbhiseach Dhé chum maith dhuit. Ach ma ni thu an t-olc, biodh eagal ort; oir cha'n ann gu òlomhain a tha e giùlan a' chlaideadh: oir is e seirbhiseach Dhé e, 'na dhioghaltair feirge air an ti a ni olc.

5 Uime sin is éigin bhi ùmhail, ni h-ann a mhàin air son feirge, ach mar an ceudna air son coguis.

6 Oir air an aobhar so tha sibh mar an ceudna a' toirt cùs dhoibh: oir is iad seirbhisich Dhé iad, a sìor-fheitheamh air an ni so fèin.

7 Air an aobhar sin thugaibh do gach neach an dlighe fèin: cùin dhasan d'an dlighear cùin, cùs dhasan d'an dlighear cùs, eagal dhasan d'an dlighear eagal, agus urram dhasan d'an dlighear urram.

8 Na biodh fiacha sam bith aig aon neach oirbh, ach a mhàin a chéile a ghràdhachadh: oir an ti aig am bheil gràdh do neach eile, choimhlion e an lagh.

9 Oir an ni so, Na dean adhlatrannas, Na dean mortadh, Na goid, Na dean fianuis bhréige, Na santach, agus ma ta àithne sam bith eile aon, tha i air a cur sìos gu h-aithghearr fuidh 'n fhocal so, Gràdhach do choimhearsnach mar thu fèin.

10 Cha dean gràdh lochd do choimhairsnach: air an aobhar sin is e an gràdh coimhlionadh an lagha.

11 Agus so, air dhuibh fios na h-aimsir a bhi agaibh, gur mithich dhuinn a nis mosgladh o chodal: oir

^t beothail, faobharach. ^u inntinn. toil. ^a Na bithibh àrd-inntinneach.

^b iotmhòr. ^c gach neach.

^d fuidh Dhia. ^e dìteadh.

a ta ar sláinte nis ni's faisge na 'nuair a chreid sinn.

12 Tha cuid mhòr do'n oidhche air dol tharuin, tha an là am fagus : uime sin cuireamaid dhinn oibre an dorchadair, agus cuireamaid umainn armachd^f an t-soluis.

13 Gluaiseamaid gu cubhaidh mar anns an là ; cha'n ann an ruidhteir-eachd^g agus am misg, no an seomradaireachd agus am macrus, no an aisith agus am farmad.

14 Ach cuiribh umaibh an Tighearn Iosa Criosd, agus na deanaibh ulluchadh air son na feòla, chum a h-anamhianna a choimhlionadh.

C A I B. XIV.

1 Cha'n fheud daoine tàir a dheanamh, no chéile a dhìeadh air son nithe coimhdheis : 15 ach bhi faicill-each gun oilbheum a thoirt leo ; 15 oir a ta un t-absol a' dearbhadh gu bheil sin mi-cheadaichte, le iomadh reuson.

G ABHAIBH ris an neach a ta anmhunn^h sa' chreidimh, ach ni h-ann chum deasboireachd amharusach.

2 Oir a ta h-aon a' creidsinn gu'm feud e na h-uile nithe itheadh : ach a ta esan a ta anmhunn ag itheadh lùibheanna.

3 Na deanadh esan a ta 'g itheadh, tàir airson nach 'eil ag itheadh ; agus na tugadh esan nach 'eil ag itheadh, breth air an ti a dh'itheas : oir is ghabh Dia ris.

4 Cò thusa a ta toirt breth air seirbhiseach duin' eile ? d'a mhaighistir fein seasaidh, no tuitidh e : seadh, cumar suas e ; oir is comasach Dia air a chumail 'na sheasamh.

5 Tha meas aig neach air lài thar là : agus tha meas aig neach eile air gach là mar a chéile. Biodh làndearbhadh aig gach duine 'na inntinn fein.

6 An ti aig am bheil suim do'n là, is ann do'n Tighearn a tha suim aige dha ; agus an ti aig nach 'eil suim do'n là, is ann do'n Tighearn nach 'eil suim aige dha. An ti a ta 'g ith-

eadh, is ann do'n Tighearn a tha e 'g itheadh, oir tha e toirt buidheschais do Dhia ; agus an ti nach 'eil ag itheadh, is ann do'n Tighearn nach ith e, agus bheir e buidheachas do Dhia.

7 Oir cha 'n'eil a h-aon againn beo dha féin, agus cha 'n'eil a h-aon againn a' bàsachlaun dha féin.

8 Oir ma's beo anuinn, is ann do'n Tighearn a tha sinn beo : agus ma's bàs duinn, is ann do'n Tighearn a tha sinn a' bàsachadh : uime sin ma's beatha no bàs dhuinn, is leis an Tighearn sinn.

9 Oir is ann chum so a fhuair Criosd bàs, agus a dh'éirich e, agus a tha e beo a ris, chum gu'm biodh e 'na Thighearn air na beothaibh agus air na marbhaibh.

10 Ach c'ar son a ta thusa a' toirt breth air do bhràthair ? no c'ar son a ta thusa a' deanamh tarcais air do bhràthair ? oir seasaidh sinn gu léir am fianuis caithir-breitheanais Chriosd.

11 Oir a ta e scriobhtha, Mar is beo mise, a deir an Tighearn, lùbaidh gach glùn domhsa, agus aidichidh gach teanga do Dhia.

12 Air an aobhar sin bheir gach aon againn eunnas uime féin do Dhia.

13 Uime sin na tugamaid breth air a chéile ni's miò : ach gu ma fearr libh a' bhreath so thoirt, gun aobhar-tuiteam no oilbheim a thoirt do bhràthair.

14 Oir a ta fhios agam, agus is dearbh leam ams an Tighearn Iosa, nach 'eil ni sam bith neo-ghlan dheth fein : ach do'n ti a mheasas ni sam bith neo-ghlan, dhasan a ta e neo-ghlan.

15 Ach ma bhios doilgheas air do bhràthair air son bìdh, a nis cha 'n'eil thu a' gluasad a réir a' ghràidh. Na sgriosⁱ le d' bhiadh esan air son an d'fhuiling Criosd bàs.

16 Air an aobhar sin na labhrar olc mu bhur^m maith.

17 Oir cha bhiadh agus deoch rioghachd Dhé, ach fìreantachd, agus

^f éididh. ^g anabharr. ^h lag. ⁱ suim aig neach do là. ^l cuir am muigha, ^m ar.

síth, agus aoibhneas san Spiorad naomh.

18 Oir ge b'e ni seirbhis do Chriosd anns na nithibh so, tha e taitneach do Dhia, agus tha e dearbhata do dhaoinibh.

19 Uime sin leanamaid na nithe a bhios chum síthⁿ, agus na nithe a bhios chum togail suas a chéile.

20 Na sgrios obair Dhé air son bídh. Gu deimhin tha na h-uile nithe glan; ach is olc do'n duine sin a dh'itheas le h-oilbheum.

21 Is maith an ni gun fheòil itheadh, no fion òl, no ni air bith a dheanamh leis am faigh do bhràthair tuisleadh no oilbheum, no leis an deanar lag e.

22 Am bheil creidimh agad? Biodh e agad dhuit féin am fianuis Dé: Is beannuicte an duine sin nach dít e féin anns an ni sin a mheasas e ceaduicte.

23 Ach esan a ni eadar-dhealachadh^o tha e air a dhíteadh ma dh'itheas e, a chionn nach ann o chreidimh a tha e 'g itheadh: oir gach ni nach 'eil o chreidimh, is peacadh e.

C A I B. XV.

1 Is còir dhoibhsan a tha laidir giùlan leosan a ta anmhunn. 2 Cha'n fheud sinn sinn féin a thoileachadh, 3 oir cha d'rinn Criosd sin, 7 ach gabhail r'a chéile, mar a rinn Criosd ruinne uile, 9 araon ris na h-Iudhach-aibh agus ris na Cinneachaibh, &c.

UIME sin is còir dhuinne a ta làdir, giùlan le anmhuiineachd na muinnitir sin a ta lag, agus gun sinn féin a thoileachadh.

2 Toiliceadh gach aon againn a choimhairsnach g'a mhaith chum a thogail suas.

5 Oir cha do thoilich eadhon Criosd e féin; ach a réir mar a ta e scriobhla, Thuit toibheum^P na muinnitir sin a thug toibheum dhuit ormsa.

4 Oir ge b' iad nithe air bith a scriobhadh roimhe so, is ann chum ar teagaisgne a scriobhadh iad; chum

trìd foighidin agus comh-fhurtachd nan scriobtuir gu'm biodh dòchas^r againne.

5 A nis gu tugadh Dia na foighidin agus na comh-fhurtachd dhuibhse bhi dh'aon inntinn a thaobh a chéile, a réir Iosa Criosd:

6 Chum gu'm feud sibh a dh'aon inntin agus le aon bheul glòir a thoir do Dhia, eadhon Athair ar Tighearna Iosa Criosd.

7 Uime sin gabhaibhse r'a chéile, eadhon mar a ghabh Criosd ruinne, chum glòire Dhé.

8 A nis a deirim, Gu robh Iosa Criosd 'na mhinisteir an timchioll-ghearraidh air son firinn Dè, chum geallanna nan aithriche a dhaing-neachadh :

9 Agus chum gu'n tugadh na Cinnich glòir do Dhia air son a thròcair; a réir mar a ta e scriobhta, Air an aobhar so aidicheam thus am measg nan Cinneach, agus seinnidh mi ceol do d'ainm.

10 Agus a rìs a deir e, Deanaibh gairdeachas, a Chinneacha, maille r'a phobullsan.

11 Agus a rìs, Molaibh an Tighearn, a Chinneacha uile, agus thug-aibh cliu dha, a shlòigh uile.

12 Agus a rìs deir Esaias, Bithidh freumh Iese ann, agus an ti a dh'éireas suas chum uachdaranaichd bhi aige air na Cinneachaibh, annsan curidlì na Cinnich an dòchas,

13 A nis gu'n lionadh Dia an dòchais sibhse do'n uile aoibhneas agus shiothchaint ann an creidsinn, chum gu'm bi sibh paitt ann an dòchas, tre chumhachd an Spioraid naoimh.

14 Agus a ta cinnt agamsa féin d'ar taobhsa, mo bhràithre, gu bheil sibhse làn do mhaiteas, air bhur lionadh leis an uile eòlas, agus comasach mar an ceudna air a chéile a chomhairleachadh^t.

15 Gidheadh, a bhràithre, scriobh mi d'ar ionnsuidh leis an tuilleadh dànanais, an càil-eigin, mar gu cuirinn an cuimhne sibh, air son a' ghráis a thugadh dhomhsa o Dhia,

ⁿ a stiùras chum siocaint. ^o a ta fuidh amharus. ^P masladh. ^r dùil, earbsa. ^s aidicheam dhuit, bheiream cliu dhuit. ^t theagastg.

16 Ionnas gu'm bithinn a'm' mhinisteir aig Iosa Criod do na Cinneachaibh, a' frithealadh soisgeil Dé, chum gu'm biodh tabhartas u nan Cinneach taitneach, air a naomhachadh leis an Spiorad naomh.

17 Uime sin tha aobhar uail agam trid Iosa Criod, anns na nithibh sin a bhuineas do Dia.

18 Oir cha bhi dàmachd agam labhairt air a' bhéag do na nithibh sin, nach d'oibrich Criod leam, chum na Cinnich a dheanamh ùmhail am focal agus an gniomh.

19 Le cumhachd chomharan agus mhìorbhùilean^a, le cumhachd Spioraid Dé; ionnas o Hierusalem agus mu'n cuairt gu Illiricum, gu'n do làn-shearmonaich mi soisgeul Criod.

20 Seadh, mar sin bha ro-dhéidh agam air an t-soisgeul a shearmonachadh, cha'n ann san ionad san robh Criod air ainmeachadh, chum nach togainn m'obair air bunait neach eile:

21 Ach a réir mar a ta e scriobhita, Chi iadsan ris nach do labhradh uime: agus tuigidh iadsan, nach cuala.

22 Uime sin mar an ceudna chuireadh gu minic bacadh orm o theachd d'ar ionnsuidhse.

23 Ach a nis do bhrigh nach 'eil agam ionad ni's mò anns na crìochain so, agus gu bheil mòr thogradh agam o cheann mòrain bhliadhnaibh teachd d'ar ionnsuidhse;

24 Ge b'e uair a thriallas mi de'n Spàinn, thig mi d'ar ionnsuidhse; oir tha dùil agam sibhse fhaicinn san dol seachad, agus bhi air mo thoirt air m'aghaidh libhse chum an ionaid sin, ma bhios mi air tùs an eàil-eigin air mo lìonadh le'r comhluadarsa.

25 Ach a nis tha mi dol gu Hierusalem, a' frithealadh do na naomhaibh.

26 Oir bu toil leo-san ann am Macedonia, agus ann an Achaia, comh-rionn àraidh a dheanamh ris na naomhaibh bochda ta ann an Ierusalem.

27 Bu toil leo gu deimhin, agus tha iad fa fhiachaibh dhoibh. Oir ma rinneadh na Cinnich 'nan luchd

comhpairt d'an nithibh spioradailsan, is coir dhoibh ministreileachd a dheanamh dhoibhsan sna nithibh a bhuineas do'n cholinn b.

28 Uime sin air dhomh so a chriochnachadh, agus an uair a sheulaicheas mi an toradh so dhoibh, gabhaidh mi d'ar taobhsa^c do'n Spàinn.

29 Agus a ta fhios agam, air dhomh teachd d'ar ionnsuidhse, gu'n d'thig mi ann an lànachd beannachaibh soi-seil Chriod.

30 A nis guidheam oirbh, a bhràithre, air sgàth an Tighearna Iosa Criod, agus air son gràidh an Spioraid, gu'n dean sibh gleachdad maraon riunsa ann an ùrnuaighibh air mo shon ri Dia;

31 Chum gu saorar mi uatha-san nach 'eil a' creidsinn ann an Iudea; agus chum gu'm bi mo sheirbhis air son^d Ierusalem, taitneach do na naomhaibh :

32 Chum's gu'n d'thig mi d'ar ionnsuidhse le h-aoibhneas tre thoil Dé, agus gu faigh mi suaimhneas maille ribh.

33 A nis gu robh Dia na sìth maille ribh uile. Amen.

C A I E. XVI.

3 Tha Pòl a' toirt ordugh do na bràithribh failte chur air mòran;

17 agus a' comhairleachadh dhoibh aire a thoirt do'n mhuinnitir a ta togail connsaich agus a' toirt oilbheim: 21 agus an déigh iomadh beannachd a' criochnachadh le breith buidheachais do Dia.

E ARBAM ribh^e Phebe ar piuth-E ar, a ta 'na searbhanta do'n eaglais a tha ann an Cenchrea:

2 Chum's gu'n gabh sibh rithe anns an Tighearn, mar is cubhaidh do naomhaibh, agus gu'n dean sibh còmhnaidh rithe anns gach gnothuch anns am bi feum aice oirbh: oir rinn i féin còmhnaidh ri mòran, agus riunsa mar an ceudna.

3 Cuiribh failte air Priscilla agus Acila ma chomh-oibrichean ann an Iosa Criod:

4 (Muinntir a leag sìos am muin-

^a ofrail, iobairt. ^b fedlmhor.
^c bhur ròd-sa. ^d spairn. ^e thaobh. ^f Molam dhuibh.

eal féin air son m'anamasa: d'am bheil a' toirt buidheachais cha'n e mhàin mise, ach mar an ceudna eaglaisean nan Cinneach uile.)

5 Mar an ceudna cuiribh fàilte air an eaglais a tha 'nan tighsan. Cuiribh fàilte air Epenetus a's ionmhuinn leamsa, neach is e ceud thoradh Achaim do Chriod.

6 Cuiribh fàilte air Muire, a rinn saothair mhòr air ar soinne.^h

7 Cuiribh fàilte air Andronicus agus Iunias mo luchd-dàimh agus mo chomh-phriosunaich, a tha cliuiteach am measg nan abstol, agus a bha ann an Criosd romhamsa.

8 Cuiribh fàilte air Amplias a's ionmhuinn leamsa san Tighearn.

9 Cuiribh fàilte air Urbanus ar comh-oibriche ann an Criosd, agus air Stachis fear mo ghràidhse.

10 Cuiribh fàilte air Apelles a tha dearbhita ann an Criosd. Cuiribh fàilte orrasan a tha do *theaghlaich Aristobulus*.

11 Cuiribh fàilte air Herodion mo charaid. Cuiribh fàilte orrasan do *theaghlaich Narcisuis*, a tha san Tighearn.

12 Cuiribh fàilte air Triphena agus Triphosa, *mndi* a tha saothreachadh san Tighearn. Cuiribh fàilte air Persis a's ionmhuinn *team, bean* a shaothraich gu mòr anns an Tighearn.

13 Cuiribh fàilte air Rufus a tha taghta san Tighearn, agus air a mhàthair agus mo *mhàthairse*.

14 Cuiribh fàilte air Asinceritus, Phlegon, Hermas, Patrobas, Hermes, agus na bràithribh a tha maille riù.

15 Cuiribh fàilte air Philologus, agus Iulia, Nereus, agus a phiuthar, agus Olimpas, agus na naoimh uile a tha maille riù.

16 Cuiribh fàilte air a chéile le pòig naomha. Tha eaglaisean Chriodi a' cur fàilte oirbh.

17 A nis guidheam oirbh, a bhràith-

re, comharaichibh iadsan a tha togail roinneanⁱ agus a' toirt oilbheim, an aghaidh an teagaisg a dh'fhòghluim sibh; agus seachnaibh iad.

18 Oir cha 'n'eil an leithide so a' deanamh seirbhis d'ar Tighearn Iosa Criosd, ach d'am broinn féin; agus a ta iad le briathraibh milse agus le miodal a' mealladh cridheacha na muinntir sin nach 'eil ole^m.

19 Oir a ta bhur n-ùmhlichdsanⁿ air teachd chum nan uile dhaoine. Uime sin a ta mise a' deanamh gairdeachais d'ar taobhsa: gidheadh b'aill leam sibhse bhi glic chum a' mhaith, ach aon-fhillte thaobh an uilc.

20 Agus bruthaidh Dia na siòthchaint Satan f'ar cosaibh gu h-aithghearr. Gràsa^o ar Tighearna Iosa Criosd gu robh maille ribh. Amen.

21 Tha Timoteus mo chomh-oibrache cur fàilte oirbh, agus Lucius agus Jason agus Sosipater, mo luchd-dàimhe.

22 Tha mise Tertius, a scriobh an litir so, a' cur fàilte oirbh san Tighearn.

23 Tha Gaius, a tha toirt aoidh-eachd dhomhsa agus do'n eaglais uile, a' cur fàilte oirbh. Tha Erastus stiùbhard a' bhaile a' cur fàilte oirbh, agus Cuartus bràthair.

24 Gràsa ar Tighearna Iosa Criosd gu robh maille ribh uile. Amen.

25 A nis dhasan a tha comasach air sibhse a dhaingneachadh a réir mo shoisgeilse, agus searmonachaидh Iosa Criosd, (a réir foillseachaidh an rùndiomhair, a bha'm folach o thoiseach an domhain,

26 Ach a dh'fhoillsicheadh a nis, agus tre scriobtuiribh nam fàidh a réir àithne an Dé bhith-bhuain, a tha air a dheanamh aithnichte do na h-uile chinneachaibh chum ùmhlichd a' chreidimh.)

27 Do Dhia a tha mhàin glic, gu robh glòir trìd Iosa Criosd gu siorruidh. Amen.

^g Asia. ^h air bhur sonsa. ⁱ eaglaisean Chriod (uile). ^l sgàradh, aimhréite, chonnsaichean. ^m a ta neo-lochdach. ⁿ clu-bhar n-ùmhlichdsan. ^o Deadh-ghean.

CEUD LITIR AN ABSTOIL PHOIL CHUM NAN
CORINTIANACH.

C A I B. I.

1 An déigh fáilte agus breith buidheachais, 12 tha e 'gan earalachadh bhi dh'aon inntinn, agus 'gan cronachadh air son an aimhréite. 18 Sgriosaidh Dia glicas nan daoine eagnuidh le amaideachd searmonachaidh; &c.

POL a ghairmeadh gu bhi 'na ab-stol do Iosa Criod, tre thoil Dé, agus Sostenes ar bràthair,

2 Chum eaglais Dé, a ta ann an Corintus, chum na droinge a tha air an naomhachadh ann an Iosa Criod, air an gairm gu bhi 'nan naoimh, maille riusan uile a tha gairm air ainnm ar Tighearna Iosa Criod anns gach aít, an Tighearna-san, agus ar Tighearna-ne.

3 Gràsa dhuibhse, agus sìth o Dhia ar n-Athair, agus o'n Tighearn Iosa Criod.

4 Tha mi toirt buidheachais do Dhia a ghnàth d'ar taobhsa, air son gràsa Dhé a thugadh dhuibhse ann an Iosa Criod;

5 Air son gu'n d'rinneadh saibhir leis-san sibh anns gach uile ni, anns gach ùr-labhradh, agus anns gach eòlas :

6 A réir mar a dhainguicheadh fianuis Chriod annaibh :

7 Ionnas nach 'eil sibh an déidh-làimh ann an tiodhlac sam bith; a' feitheamh ri foillseachadh ar Tighearna Iosa Criod,

8 Neach mar an ceudna a dhaingnicheas sibh gus a' chrìch, chum's gu'm bi sibh neo-lochdach a'n an là ar Tighearna Iosa Criod.

9 Tha Dia firianeach, leis an do ghairmeadh sibh chum comh-chomh-uinn a mhic Iosa Criod ar Tighearna.

10 A nis guidheam oirbh, a bhràithre, trìd ainme ar Tighearna Iosa Criod, gu'n labhair sibh uile an t-aon ni, agus nach bi roinnean^r 'nar measg ; ach gu'm bi sibh ceangailte r'a cheile gu diongalta ann an aon inntinn, agus ann an aon bharail^s.

11 Oir nochdadh dhomhsa, a bhràithre, mu'r timchiolla, leo-san a tha do theaghlaich Chloe, gu bheil comhstri^t 'nar measg.

12 A nis a deiream so, gu'n abair gach aon agaibh, Is le Pòl mise^u, agus is le Apollos mise, agus is le Cephas mise, agus is le Criod mise.

13 Am bheil Criod air a roin? an e Pòl a cheusadh air bhur son? no an ann an ainnm Phòil a bhaisteadh sibh?

14 Tha mi toirt buidheachais do Dhia, nach do bhaist mi h-aon agaibh, ach Crispus agus Gaius.

15 Air eagal gu'n abradh neach, gu'n do bhaist mi a'm ainnm féin.

16 Agus bhaist mi mar an ceudna teaghlaich Stephanais : a thuilleadh air so, ni'm fios domh an do bhaist mi aon neach eile.

17 Oir cha do chuir Criod mi a bhaisteadh, ach a shearmonachadh an t-soisgeil ; cha'n ann an glicas focal, chum nach cuirte crann-ceusaидh Criod an neo-brigh.

18 Oir a ta searmonachadh a' chroinn-cheusaïdh 'na amaideachd dhoibhsan a chaillear ; ach dhuinne a shlànuicheadar, is e cumbachd Dhé e.

19 Oir a ta e scriobhta, Sgriosaidh mi glicas nan daoine glice, agus cuisidh mi air cùl tuigse nan daoine tuigseach.

20 C'ait am bheil an duine glic? c'ait am bheil an scriobhluiche? c'ait am bheil deasboir an t-saoghal so?

^r easaonachda, sgaraidh.

^s bhreath. ^t connachadh.

^u Is deisciobul do Phòil mise.

Nach do rinn Dia gliocas an t-saoghail so amaideach?

21 Oir an uair, ann an gliocas Dé, nach b'athne do'n t-saoghal so Dia tre ghliocas, bu toil le Dia le arnaideachd an t-searmonachaiddh iadsan a shlànuchadh^a a ta creidsinn.

22 Oig a ta na h-Iudhaich ag iarraidh comharaidh, agus a ta na Greugach a' sreachd gliocais:

23 Ach a ta sinne a' searmonachadh Chriosc air a cheusadh, 'na cheaptuislidh do na h-Iudhachaibh, agus do na Greugachaibh 'na amaideachd;

24 Ach dhoibhsan a ta air an gairm, araoна Iudhaich agus Greugach, Criosc cumhachd Dhé, agus gliocas Dhé:

25 Do bhrigh gur glice amaideachd Dhé na dacine, agus gur treise an mhuiinneachd Dhé na daoine.

26 Oir chi sibh féin bhur gairm, a bhráithre, nach iomadh iad *dhibh* a ta glic a thaobh na feòla, nach iomadh cumhachdach, nach iomadh uasal.

27 Ach roghnaich Dia nithe amaideach an t-saoghal so, chum gu'n cuireadh e näire air na daoinibh glice; agus ròghnaich Dia nithe anmhunna an t-saoghal, chum gu'n cuireadh e gu näire na nithe cumhachdach;

28 Agus nithe an-uasal an t-saoghlail, agus nithe tarcuiseach ròghnaich Dia, agus na nithe nach 'eil ann, chum gu'n cuireadh e na nithe a ta ann, an neo brigh:

29 Ionnas nach deanadh feòil sam bith uaill 'na fhanuis.

30 Ach uaithesan a ta sibhse ann an Iosa Criosc, neach a rinneadh dhuinne le Dia 'na ghliocas, 'na fhíreantachd, 'na naomhachd, agus 'na shaorsa:

31 Ionnas, a réir mar a ta e scriobhta, An ti a ni uaill, deanadh e uaill anns an Tighearn.

C A I B. II.

1 *Tha e cur an céill ge nach 'eil a shearmonachadh ann an oirdheirceas cainnte, 4 no ann an gliocas dhaoine; 5 gidheadh gu bheil e a' coimh-sheasamh ann an cumhachd Dhé; &c.*

A GUS an uair a thainig mise d'ar ionnsuidhse, a bhráithre, cha b'ann le oirdheirceas cainnte, no gliocais a thainig mi, a' cur an céill duibh teisteis Dhé.

2 Oir chuir mi romham gun eòlas a ghabhaile air ni sam bith 'nar measg, ach air Iosa Criosc, agus esan air a cheusadh.

3 Agus bha mi 'nar measg ann an anmhuiinneachd, agus ann an eagal, agus am mòr chrith.

4 Agus cha *robh* m'fhocal agus mo shearmonachadh ann am briathraibh mìlse^c gliocais daonna, ach ann an làn dearbhadh an Spioraid, agus a chumhachd:

5 Chum gu'm biodh bhur creidimhse ni h-ann an gliocas dhaoine, ach an cumhachd Dhé.

6 Ach gidheadh tha sinn a' labhairt gliocais am measg nan daoine ion-lan: ach cha'n e gliocas an t-saoghal so, no uachdarana an t-saoghal so, a théid an neo-brigh.

7 Ach tha sinn a' labhairt gliocais Dé ann an rùn-dliomhair, a' *ghliocais sin a bha* folaithe, a dh'orduich Dia roimh an t-saoghal chum ar glòir-ne.

8 An gliocas nach b'athne do aon neach do uachdaranaibh an t-saoghal so: oir nam b'athne dhoibh e, cha cheusadh iad Tighearn na glòire.

9 Ach a réir mar a ta e scriobhta, Cha'n fhaca sùil, agus cha chuala cluas, agus cha d'thainig ann an cridhe duine, na nithe a dh'ulluich Dia dhoibhsan aig am bheil gràdh dha.

10 Ach dh'fhoillsich Dia dhuinne iad le a Spiorad féin: oir tha an Spiorad a' rannsachadh nan uile nithe, eadhon, nithe doimhne Dhé.

11 Oir cò an duine d'an aithne nithe duine, ach do spiorad an duine a ta ann? mar sin cha 'n'eil fios aig neach sam bith air nithibh Dhé, ach aig Spiorad Dhé.

12 A nis fhuair sinne, cha'n e spiorad an t-saoghal, ach an Spiorad a ta o Dhia; chum gu'm biodh fios nan nithe sin againn a thugadh dhuinn gu saor o Dhia.

^a a shaoradh, a thearnadh. ^b aithne a bhí agam. ^c tairngeach, drùiteach. d roimh na linnibh.

13 Nithe mar an ceudna a ta sinn a' labhairt, cha'n ann am briathraibh a theagaisgeas gliocas dhaoine, ach am briathraibh a theagaisgeas an Spiorad naomh; a' coimh-meas nithe spioradail ri nithibh spioradail e.

14 Ach cha ghabh an duine nàdurra ri nithibh Spioraid Dé: oir is am-aideachd leis iad; agus cha 'n'eil e'n comas da eòlas a ghabhail *orra*, do bhrigh gur ann air mhodh spioradail a thuigearf iad.

15 Ach bheir an duine spioradail breth air na h-uile nithibh, gidheadh cha 'n'eil e féin fuidh bhreth duine sam bith.

16 Oir cò d'am b'aithne inntinn an Tighearna, agus a theagaisgeas e? ach tha inntinn Chriosd againne.

C A I B. III.

2 Tha bainne ionchuidh air son cloinne.

3 Tha stri agus aimhréite 'nan conchara cinnteach air inntinn feòlmhoir.

7 Cha 'n'eil anns an ti a shuidhicheas, agus anns an ti a dh'uiscicheas, ach neo-ni. 9 Is comh-oibríchean ministeire an t-soisgeil do Dhia. 11 'Se Criosd an t-aon bhunadh. 16 Is iad daoine teampuill Dhé, 17 a' s còir a choimhead naomha. 19 Is amaideachd aig Dia gliocas an t-saoghal so.

A GUS, a bhráithre, cha'n fheudainnse labhairt ribhse mar ri daoinibh spioradail, ach mar ri daoinibh feòlmhor, amhuil ri naoidheanaibh ann an Criosd,

2 Bheathaich mi le bainne sibh, agus cha'n ann le biadh: oir fathast cha'b'urradh sibh a ghabhail, agus a nis féin cha'n urradh sibh.

5 Oir a ta sibh fathast feòlmhor: oir a thaobl gu bheil farmad 'nar measg, agus stri, agus aimhréite, nach 'eil sibh feòlmhor, agus agimeachd mar dhaoine?

4 Oir an uair a deir neach, Is le Pòl mise, agus neach eile, Is le Apollos mise, nach 'eil sibh feòlmhor?

5 Cò e ma seadh Pòl, agus cò e Apollos, ach ministeirean tre'n do

chreid sibh, eadhon mar a thug an Tighearn do gach aon?

6 Shuidhich mise, dh'uissich A-pollos: ach 'se Dia a thug am fàs.

7 Uime sin ma seadh, cha'n eil anns an ti a shuidhicheas no anns an ti a dh'uiscicheas, brigh sam bith; ach ann an Dia a ta toirt an fhàis.

8 An ti a shuidhicheas, agus an ti a dh'uiscicheas, is aon iad: agus gheibh gach aon a dhuais féin, a reir a shaothair féin.

9 Oir is cómh-luchd-oibre do Dhia sinne: is sibhse treabhachas^g Dhé, is sibh aitreabh Dhé.

10 A réir gráis Dé a thugadh dhomhsa, mar fhear-togail-aitreabh glic leag mi ambunadh, agus a ta neach eile a'togail air, ach thugadh gach neach an aire cionnus a thogas e air.

11 Oir bunaith eile cha'n urradh duine sam bith a chur, ach am bunait a chuireadh a cheana, eadhon Iosa Criosd.

12 A nis ma thogas neach air a' bhunadh so, òr, airgiot, clacha luachmhor, fiadh, feur, connlach;

13 Nithean obair gach aon duine follaiseach: oir nochdaidh an là i, do bhrigh gu'm foillsichear i le teine; agus dearbhaidh an teine obair gach aon, ciad is gnè dh'i.

14 Ma dh'fhanas obair neach sam bith a thog e air, gheibh e duais.

15 Ma loisgear obair neach sam bith, fuilgidh e call: ach saorar e féin; gidheadh mar tre theine.

16 Nach 'eil fhios agaibh gur sibh teampull Dé, agus gu bheil Spiorad Dé 'na chòmhnuidh annaibh?

17 Ma thruailleas neach air bith teampull Dhé, sgriosaidh Dia an ti sin: oir a ta teampull Dhé naomha, agus is sibhse e.

18 Na mealladh neach air bith e féin: ma shaoileas neach air bith 'nar measg e féin bhi glic san t-saoghal so, biadh e 'na amadan, chum's gu'm bi e glic.

19 Oir is amaideachd aig Dia gliocas an t-saoghal so: oir a ta e scrìobhta, Glacaidh e na daoine glice 'nan innleachdaibh féin.

^e a' mìneachadh nithe spioradail am briathraibh spioradail. ^f bhreithnichear, mhothaicheadar. ^g tuathanachd. ^h bunachar, önn.

20 Agus a rìs, Is aithne do'n Tighearn smuainte nan daoine glice, gur diòmhain iad.

21 Uime sin na deanadh neach air bith uaill a daoinibh : oir is leibhse na h-uile nithe :

22 Ma 'se Pòl, no Apollos, no Cephas, no an saoghal, no beatha, no bàs, no nithe a ta làthair, no nithe a ta ri teachd ; is leibhse iad uile ;

23 Agus is le Criosd sibhse ; agus is le Dia Criosd.

C A I B. IV.

1 Ciod e am meas a bhuiheadh do dhaoinibh bhi aca air ministeiribh.
7 Cha 'n'eil againn ni air bith ach na fhuair sinn. 9 Na h-abstoil 'nam ball-amhairc do'n t-saoghal, do ainglibh, agus do dhaoinibh, 15 mar shal agus anabas an t-saoghal ; 15 gidheadh is iad ar n-aithriche ann an Criosd, 16 agus bu chòir dhuinn an leanmhuium.

BIODH a shamhail so do mheas aig duine dhinne, mar mhiniest-eiribh Chriosd, agus mar stiùbhard-aibh rùna-dìomhair Dhé.

2 Os bàrr iarrar ann an stiùbhard-aibh, gu faighear neach dileas.

5 Ach agamsa is ro-bheag an ni gu'n d'thugtadh breth orm leibhse, no le breitheanas duine : seadh, cha n'eil mi toirt breth orm féin.

4 Oir cha 'n fhios domh ni sam bith do m' thaobh féin, gidleadh cha 'n'eil mi le so air m'fhireanachadh : Ach is e an Tighearn an ti a bheir breth orm.

5 Uime sin na tugaibh breth air ni sam bith roimh an àm, gus an d'thig an Tighearn, neach faraon a bheir gu soilleireachd nithe folaithe an dorchadais, agus a dh'fhoillsicheas comhairlean nan cridheacha : agus an sin gheibh gach neach cliu o Dhia.

6 Agus, a bhràithre, ghabh mi na nithe so a'm' ionnsuidh féin, agus a dh'ionnsuidh Apollois ann an samhladh¹, air bhur sonsa : chum gu fòglumadh sibh uainne, gun bharail a bhi agaibh air daoinibh os ceann na bheil scriobhta, chum nach biadh a

h-aon agaibh air a shéideadh suas air son aon duine an aghaidh dàin'eile.

7 Oir cò tha deanamh eadar-dhealachaidh orts a neach eile ? Agus ciod e a ta agad nach d'fhuair thu ? a nis ma fhuair thu e, c'ar son a ta thu deanamh uaill mar nach faigheadh tu ?

8 A nis tha sibh sàitheach, a nis rinneadh saibhir sibh, rioghaich sibh as ar n-eugmhaisne : Agus b'fhearr leam gu'm bu righre sibh, chum gu'm biodhmaidne 'nar righribh maille ribh.

9 Oir is i mo bharail gu'n do chuir Dia sinne na h-abstoil a mach fa dheireadh, mar dhroing a ta air an orduchadh chum bàis. Oir rinneadh sinn'nar ball-amhairc^m do'n t-saoghal, agus do ainglibh, agus do dhaoinibh.

10 Is amadain sinne air son Chriosd, ach a ta sibhse glic ann an Criosd : tha sinne lag, ach a ta sibhse laidir : a ta sibhse ann an urram, ach sinne ann an eas-urram.

11 Gus an uair so féin, tha sinn araon ocrach, agus iotmor, agus lomnochd, agus air ar bualadh do dhornaibh, agus gun aon àite-còmhnuidh seasmhach againn ;

12 Agus ri saothair, ag oibreadh le'r làmhaibh féin : Air fulang anacainnt dhuinn, tha sinn a' beannachadh : 'nuair a gheur-leanar sinn, tha sinn 'ga fhlolang :

13 Air fagbail toibheim dhuinn, tha sinn a' guidheadh : rinneadh sinn mar shalachar an t-saoghal, mar anabas nan uile nithe gus an là'n diugh :

14 Ni'n scriobham na nithe so a chur näire oirbh, ach mar mo chloinn ghràdhach a ta mi 'gar comhairleachadh.

15 Oir ma ta deich mile luchd-teagaisg agaibh ann an Criosd, gidheadh cha 'n'eil agaibh mòran aithriche : oir ann an Iosa Criosd ghin mise sibh trèid an t-soisgeil.

16 Uime sin guidheam oirbh, bithibh'narluchd-leanmuinn ormsaⁿ.

17 Chum na crìche so chuir mi

i luchd-frithealaidh air. I coslas.

m sealladh, speulclair.

n' eissionplairese.

Timoteus d'ar ionnsuidh, neach a ta 'na mhac gràdhach dhomh, agus dùleas san Tighearna, neach a chuireas an cuimhne dhuibh mo shligheansa a ta ann an Criod, a réir mar a ta mi teagasc anns gach àit anns gach eaglais.

18 A nis a ta cuid air an séideadh suas mar nach d'thiginn d'ar ionnsuidh.

19 Gidheadh thig mi d'ar ionnsuidh gu h-aithghearr, ma's toil leis an Tighearn, agus bithidh fios agam, cha'n ann air cainnt na muinntir a ta air an séideadh suas, ach air an cumhachd.

20 Oir cha'n ann am focal a ta rioghachd Dhé, ach ann an cumhachd.

21 Ciod is àill leibh? An d'thig mi d'ar ionnsuidh le slait, no ann an gràdh, agus ann an spiorad na macan-tachd^o?

C A I B. V.

1 *A ta an duine fèdmhor ni's mò 'na chùis-nàire dhoibh, na 'na aobhar gairdeachais.* 7 *Is còir an t-seann gheur-thaois a ghlanadh a mach.* 10 *Is còir peacaich ghráineil a sheachnad.*

THA e air aithris gu coitchionn P gu bheil neo-ghloine^r 'nar measg, agus a leithid sin do neo-ghloine, nach 'eil uiread as air ainm-eachadh am measg nan Cinneach, gu'm biodh aig neach bean athar.

2 Agus a ta sibh air bhur séideadh suas, agus cha d'rinn sibh bròn mar bu chòir, chum gu tugtadh air falbh uaibh am fear a rinn an gnìonh so.

3 Oir gu deimhin air dhomhsa bhi uaibh an corp, ach a làthair agaibh an spiorad, thug mi breth eheana, mar gu bithinn a làthair, air an neach a rinn so mar so;

4 An ainm ar Tighearna Iosa Criod, air dhuibhse, agus do m' spioradsa bhi cruinn an ceann a chéile, maille ri cumhachd ar Tighearna Iosa Criod,

5 À shàmhuil so do dhuine a thoirt thairis do Shatan chum sgrios na feòla, chum gu'm bi an spiorad air a shaoradh^s ann an là an Tighearna Iosa.

6 Cha 'n'eil bhur n-uaill maith; nach 'eil fhios agaibh gu'n goirtich^t beagan do thaois ghoirt^u am meall uile?

7 Glanaibh a mach uime sin an t-seann thaois ghoirt, chum gu'm bi sibh 'nar meall nuadh, mar a ta sibh neo-ghoirtichte. Oir a ta eadhon Criod ar n-uam càisge air iobradh air ar son.

8 Uime sin cumamaid an fhéill^a, na b'ann le seann thaois ghoirt, no le taois ghoirt a' mhìoruin agus an uilc; ach le aran neo-ghoirtichte an treibhdhireis agus na firinn.

9 Scriobh mi d'ar ionnsuidh ann an litir, gun chomhluadar a bhi agaibh ri luchd neo-ghloine^b.

10 Gidheadh ni h-ann gu h-uile ri luchd neo-ghloine an t-saoghal so, nori luchd sainnt, no luchd foireigne^c, no luchd iodhol-aoraidh; oir an sin b'éigin duibh dol a mach as an t-saoghal.

11 Ach a nis scriobh mi d'ar ionnsuidh, gun chomhluadar a ghleidheadh, ma ta neach air bith d'an goirlear bràthair 'na fhear-neo-ghloine, no sanntach, no 'na fhear-iodhol-aoraidh, no 'nafhear-anacainnt, no 'na mhisgeir, no 'na fhear-foireigne, maille r'a leithid so do dhuine gun uiread as biadh itheadh.

12 Oir ciod e mo ghnothuchsa breth a thoirt orrasan a ta am muigh? nach 'eil sibhse a' toirt breth air an droing a ta stigh?

13 Ach a ta Dia a' toirt breth orrasan a ta 'n leth muigh. Uime sin cuiribh air falbh an droch dhuine sin as bhur meadhon féind.

C A I B. VI.

1 *Cha'n fheud na Corintanaich dragh a chur air am braithribh le'n agairt chum lagha,* 6 *gu h-àraidh an làthair nan anacreid-*

^o ceunnachs. ^P cumanta. ^r strìopachas. ^s shàbhadaladh, thearnadh.

^t geuraich. ^u gheur-thaois. ^a an fhéisd. ^b strìopachais. ^c reubainn, anacothrom. ^d as bhur cuideachd.

each. 9 *Cha sealbhuiuch na neofhíreanaich rioghachd Dhé.* 15
 'S iad ar cuirp buill Chriosd, 19
 agus teampuill an Spioraid naoimh:
 16 *Uime sin cha'n fheudar an truailleadh.*

AM bheil a chridh' aig aon neach
 agaibh, aig am bheil cùis an
 aghaidh duin' eile, dol fuidh bhreith-
 eanas nan daoine eucorach, agus ni
 h-ann fuidh bhreitheanas nan naomh?

2 Nach 'eil fhios agaibh gu'n toir
 na naoimh breth air an t-saoghal?
 agus ma bheirear breth air an
 t-saoghal leibhse, an e nach fiu sibh
 bhi 'nar breithibh air na cùisibh a's
 lughá?

3 Nach 'eil fhios agaibh gu'n toir
 sinne breth air ainglibh? cia mò na
 sin air nithibh a bhuineas do'n bheatha
 so?

4 Uime sin ma ta breitheanais^e
 agaibh mu thimchioll nan nithe sin a
 bhuineas do'n bheatha so, cuiribh
 'nan suidhe *chum breitheanais* an
 dream a's lughá meas anns an eag-
 lais.

5 Chum bhur näire labhram. An
 ann mar sin nach 'eil aon duine glic
 'nar measg? nach eil fiu a h-aon a's
 urradh breth a thoirt eadar a
 bhráithre?

6 Ach a ta bràthair a' dol gu lagh
 le bràthair, agus so an làthair nan
 anacreideach.

7 A nis uime sin a ta gu cinnteach
 lochd 'nar measg, do bhrigh gu bheil
 sibh a' dol gu lagh r'a chéile: c'ar
 son nach fearr leibh eucoir fhlang?
 c'ar son nach fearr leibh calldach a
 ghabhail?

8 Gidheadh a ta sibh a' deanamh
 eucoir agus diobhaile, agus sin air
 bhur bráithribh?

9 Nach 'eil fhios agaibh nach
 sealbhaich luehd deanamh na
 h-eucorach rioghachd Dhé? Na
 meallar sibh: cha sealbhaich luchd-
 strìopachais, no luchd-iodhol-aoraidh,
 no luchd-adhaltrannais, no luchd-
 macnuis, no na daoine a ta ciontach
 do neo-ghloine mhi-nàdurra.

10 No gaduichean, no daoine
 sanntach, no misgeirean, no luchd-

anacainnt, no luchd-foreigne, riogh-
 achd Dhé.

11 Agus mar so bha cuid dibhse:
 ach a ta sibh air bhur n-ionnlad, ach
 a ta sibh air bhur naomhachadh;
 ach a ta sibh air bhur fíreanachadh
 an ainnm an Tighearna Iosa, agus
 tre Spiorad ar Dé-ne.

12 Tha na h-uile nithe ceadaichte
 dhomhsa, ach cha 'n'eil na h-uile
 nithe iomchuidh^g: tha na h-uile
 nithe ceadaichte dhomh, ach cha
 chuirear mi fuidh chumhachd ni
 sam bith.

13 *Tha am biadh air son na bronn,*
 agus a' bhrù air son a' bhìdh: ach
 sgriosaidh Dia faraon so agus sud.
 A nis cha 'n ann do neo-ghloine a
 tha an corp, ach do'n Tighearn: agus
 an Tighearn do'n chorpa.

14 Agus thog Dia faraon an
 Tighearn suas, agus togaidh e sinne
 suas trìd a chumhachd fèin mar an
 ceudna.

15 Nach 'eil fhios agaibh, gur
 iad bhur cuirp buill Chriosd? uime
 sin an gabh mise buill Chriosd, agus
 an dean mi buill strìopacha dhuibh?
 Nar leigeadh Dia.

16 An e nach 'eil fios agaibh, an
 ti sin a tha ceangailte ri strìopacha,
 gur aon chorpa rithe e? Oir (a deir e)
 bithidh dithis 'nan aon fheòil.

17 Ach an ti a tha ceangailte ris
 an Tighearn, is aon Spiorad ris e.

18 Teichibh o strìopachas. Tha
 gach aon pheacadh a ni duine an leth
 muigh do'n chorpa: ach an ti a ni
 strìopachas, tha e peacachadh an
 aghaidh a chuirp fèin.

19 An e nach 'eil fhios agaibh
 gur e bhur corp teampull an Spioraid
 naoimh a ta annaibh, a ta agaibh o
 Dia, agus cha leibh fèin sibh?

20 Oir cheannachadh le luach
 sibh: uime sin thugaibh glòir do
 Dia le bhur corp, agus le bhur
 spiorad, a's le Dia.

C A I B. VII.

1 *Mu phòsadhl, 4 leigheas an strìop-achais;* 10 agus nach bu chòir do
 bhannaibh-pòsaidh bhi air am fiasgladh air bheag aobhair. 18 Is còir

do gach duine bhi toilichte leis a ghairm. 25 C'ar son is còir roghuinn a dheanamh do digheachd: 35 na reusoin air son am bu chòir pòsadh, no gun phòsadh.

A NIS a thaobh nan nithe mu'n do scriobh sibh a m' ionnsuidh: Is maith do fhear gun bheantuinn ri mnaoi.

2 Gidheadh, chum strìopachas a sheachnadh, biodh a bhean féin aig gach fear, agus aig gach mnaoi a fear féin.

3 Thugadh am fear an deadh-ghean dligheach do'n mhnaoi; agus a' bhean mar an ceudna do'n fhear.

4 Cha 'n'eil comas a cuirp féin aig a' mhnaoi, ach aig an fhear: agus mar an ceudna cha 'n'eil comas a chuirp féin aig an fhear, ach aig a' mhnaoi.

5 Na cumaibh bhur dlighe o chéile, ach le toil a chéile rè tamuill, chum sibh féin a thoirt do throsgadh agus do ùrnuigh; agus thigibh cuid-eachd a ris, chum nach buair Satan sibh air son bhur neo-gheamnuidh-eachd.

6 Ach labhram so mar ni cead-achteh, agus cha'n ann mar àithne.

7 Oir bu mhiann leam gu'm biodh na h-uile dhaoine mar mi féin: gidheadh a ta a thiodhlac féin aig gach duine o Dhia, aig aon neach mar so, agus aig neach eile mar sud.

8 Uime sin a deiream ris an droing nach 'eil pòsda agus ris na bantrach-aibh, Is maith dhoibh ma dh'fhanas iad eadhon mar a ta mise.

9 Gidheadh mur fheudar leo iad féin a ghleidheadh geamnuidh, pòsadh iad: oir is fearr pòsadh na losgadh.

10 Agus dhoibhsan a ta pòsda àithneam, gidheadh cha mhise, ach an Tighearn, gun a bhean a dhealachadh r'a fear:

11 Ach ma dhealaicheas i, fanadh i gun phòsadh, no biodh i réidh r'a fear: agus na cuireadh am fear naith a bhean.

12 Ach ris a' chuid eile a deireamsa, cha'n e an Tighearn, Ma

bhios aig bràthair sam bith bean anacreideach i, agus gu bheil i toileach còmhnuidh a ghabhail maille ris, na cuireadh e uauth i.

13 Agus a' bhean aig am bheil fear anacreideach, agus gu bheil esan toileach còmhnuidh a ghabhail maille rithe, na cuireadh i uaipe e!.

14 Oir a ta am fear anacreideach air a naomhachadh leis a' mhnaoi^m, agus a ta a' bhean anacreideach air a naomhachadh leis an fhearⁿ: no bhiodh bhur clànn neo-ghan; ach a nis a ta iad naomha.

15 Ach ma dh'fhalbhas am fear anacreideach, falbhadh e. Cha 'n'eil bràthair no piuthar fa dhaorsa 'nan leithidibh sin do chàsaibh: ach ghaire Dia sinne chum sith.

16 Oir ciod am fios a ta agadsa, O bhean, nach slànuich^o thu t'fhear? no ciod am fios a ta agadsa, O fir, nach slànuich thu do bhean?

17 Ach a réir mar a roinn Dia ris gach duine, mar a ghaire an Tighearn gach aon, mar sin gluaiseadh e: agus mar sin a ta mise 'g orduchadh anna na h-eaglaisibh uile.

18 An do ghaimeadh neach sam bith agus e timchioll-ghearrta? na deanar e neo-thimchioll-ghearrta: an do ghaimeadh neach sam bith gun e bhi timchioll-ghearrta? na timchioll-ghearrar e.

19 Cha 'n'eil éifeachd san timchioll-ghearradh, agus cha 'n'eil éifeachd san neo-thimchioll-ghearradh, ach ann an coimhead àitheanta Dhé.

20 Fanadh gach aon anns a' ghairm anns an do ghaimeadh e.

21 An do ghaimeadh thu a'd' thràill^p? na biodh suim agad dheth; ach ma dh'fheudas tu bhi saor, gu ma h-e sin do roghainn.

22 Oir an ti a ghaimeadh san Tighearn 'na thràill, is duine saor an Tighearna e: mar an ceudna an ti a ghaimeadh agus e saor, is e seirbhiseach^r Chriosd e.

23 Cheannachadh air luach sibh; na bithibh 'nar tràillibh do dhaoinibh.

ⁱ mar chomhairle. ⁱ mhi-chreidmheach, gun chreidimh. ⁱ na fàgadh
i.e. ^m sa' mhnaoi. ⁿ san fhear. ^o saor, sàbhail. ^p a'd' dhaor-òglach,
 a'd' sheirbhiseach. ^r daor-òglach.

24 A bhràithre, san staid anns an do ghairmeadh gach neach, an sin fanadh e maille ri Dia.

25 A nis a thaobh òighean, cha'n eil àithne agam o'n Tighearn : gidheadh bheiream mo bhreth, mar neach a fhuair tràcair o'n Tighearn gu bhi dileas.

26 Measam uime sin gu bheil so maith air son na teannachd^s a ta làthair, a deiream, gu bheil e maith do dhuine bhi mar sin.

27 Am bheil thu ceangailte ri mnaoi ? na iarr fuasgladh. Am bheil thu fuasgailte o mhnaoi ? na iarr bean.

28 Ach ma phòsas tu, cha do pheacaich thu ; agus ma phòsas òigh, cha do pheacaich i : gidheadh, bithidh aig an leithidibh so trioblaid san fheòil ; ach caomhnam sibh.

29 Ach a deiream so, a bhràithre, gu bheil an aimsir goirid sna bheil ri teachd : ionnas faraon gu'm bi iadsan aig am bheil mnài, mar nach biodh mnài aca ;

30 Agus iadsan a ta ri caoidh, mar nach biodh iad ri caoidh ; agus iadsan a ta ri gairdeachas, mar mhuinntir nach 'eil ri gairdeachas ; agus iadsan a ta ri ceannachd, mar dhaoiné nach 'eil a' sealbhachadh :

31 Agus iadsan a ta gnàthachadh an t-saoghal so, mar dhroing nach 'eil 'ga mhi-ghnàthachadh^t : oir théid sgiamh^u an t-saoghal so seachad.

32 Ach b'àill leam sibhse bhi gun ro-chùram. An ti nach 'eil pòsda, bithidh càram nan nithe sin a bhuineas do'n Tighearn air, cionnus a thoilicheas e an Tighearn :

33 Ach an ti a ta pòsda, bithidh càram nithe an t-saoghal air, cionnus a dh'fheudas e a bhean a thoileachadh.

34 Tha mar an ceudna eadar-dhealachadh eadar bean agus òigh : tha càram oirre-se nach 'eil pòsda mu nitibh an Tighearna, chum's gu'm bi i naomha, faraon 'na corp agus 'na spiorad ; ach bithidh càram air a' mhnaoi a ta pòsda mu nitibh an t-saoghal, cionnus a dh'fheudas i toil a fir a dheanamh.

35 Agus so labhram chum bhur

tairbhe féin, cha'n ann chum gu'n curinn ribe^a oirbh, ach a chum an ni sin a ta ciatsfach^b, agus gu'm feitheadh sibh air an Tighearn gun bhuir-eadh.

36 Aeh ma shaoileas duine sam bith gu bheil e 'ga ghiùlan fèin gu mi-chiatsfach thaobh a mhaighdin, ma chaidh blàth a h-aimsir thairis, agus gur còir a dheanamh mar sin, deanadh e na's àill leis, cha'n eil e a' peacachadh : pòsadh iad.

37 Gidheadh, an ti sin a tha suidhichte gu daingeann 'na chridhe, agus gun éigin sam bith air, ach aig am bheil cumhachd air a thoil féin, agus a chuir roimhe 'na chridhe a mhaighdean a choimhead, tha e a' deanamh gu maith.

38 Uime sin ma seadh, a ta an ti a bheir seachad am pòsadh i, a' deanamh gu maith ; ach a ta an ti nach tabhair ann am pòsadh i, a' deanamh ni's fearr.

39 Tha bhean ceangailte leis an lagh rè na h-ùine a's beo d'a fear : ach ma gheibh a fear bàs, tha i saor gu pòsadh ri aon neach a's toil leatha ; a mhàin anns an Tighearn.

40 Ach tha i ni's sona, ma dh'fhanas i mar sin, a réir mo bhrethese : agus is i mo bharailse^c gu bheil Spiorad Dhé agam.

C A I B. VIII.

1 *Fantuinn o bhìdhéannaibh a dh'lob-radh do iòdholain.* 8 *Cha'n fheud sinn ar saorsa Chriosduidh a mhi-ghnàthachadh, chum oilbheim d'ar bràithribh ; 11 ach is còir dhùinn ar n-eòlas a chìosachadh le gràdh.*

ANIS a thaobh nithe a dh'lob-radh do iòdholain, tha fhios againn gu bheil eòlas againn uile. Atuidh an t-eòlas suas, ach bheir gràdh fèghlum.

2 Agus ma ta aon duine a' saoil-sinn gu bheil eòlas ni sam bith aige, cha'n aithne dha aon ni fathast mar bu chòir dha aithneachadh.

3 Ach ma ta gràdh aig duine sam bith do Dhia, tha esand air aithneachadh leis.

^s na h-éigin, a' chruaidh-chais. ^t 'ga chaitheadh. ^u dreach, cumadh. ^a riabh. ^b cubhaidh, tlachdmhor. ^c tha mi cinnteach. ^d an duine so.

4 Uime sin, mu thimchioll itheadh nam nithe sin a dh'ioibradh do iodhol-airbh, tha fhios againne nach ni air domhan iodhol, agus nach 'eil Dia sam bith eile ann ach a h-aon.

5 Oir ge do tha iad ann d'an goirear Dée, ma's ann air nèamh no air talamh (amhuil mar a ta iomadh Dia, agus iomadh Tighearn ann.)

6 Gidheadh dhuinne cha 'n'eil ach aon Dia, an t-Athair, o'm bheil na h-uile nithe, agus sinne air a shonsan^e; agus aon Tighearn Iosa Criosd, trìd am bheil na h-uile nithe, agus sinne trìdsan.

7 Gidheadh cha 'n'eil an t-eòlas so anns na h-uile dhaoinibh: oir tha cuid le coguis thaobh an iodhoil gus an àm so, ag itheadh a bhìdh mar ni a dh'ioibradh do iodhol; agus air d'an coguis a bhi anmhunn, tha i air e salachadh.

8 Ach chà mhol biadh sinn do Dhia: oir ma dh'itheas sinn, ni'm feirr sinn e; ni mo mur ith sinn, is misd sinn e.

9 Ach thugaibh an aire nach bì an comas f so a ta agaibh air aon dòigh 'na aobhar oilbheum do'n dream a ta lag.

10 Oir ma chi neach thusa aig am bheil eòlas a' suidhe chum bìdh ann an teampull iodhoil, nach neartuichear coguis an ti sin a ta lag chum na nithe sin a dh'ioibradh do iodholaibh itheadh:

11 Agus tre t-eòlas-sa an d'théid do braithair lag am mugha^g, air son an d'fhuair Criosd bàs?

12 Ach le peacachadh dhuibh mar sin an aghaidh nam bràithre, agus leis an coguis anmhunn a lotadh, tha sibh a' peacachadh an aghaidh Criosd.

13 Uime sin ma bheir biadh aobhar oilbheim do m' bhràthair, cha'n ith mi fedil a choidhich, chum nach tabhair mi aobhar oilbheim do m' bhràthair.

C A I B. IX.

1 Tha e nochadh a shaorsa, 7 agus

gu'm buineadh do'n mhìnisteir bhi air a bheathachadh leis an t-soisgeul: 15 gidheadh d'a dheadh-gheann maith fèin gu'n d'fhan esan o bhi costail dhoibh, 22 agus o oilbheum a thoirt do neach sam bith an cùisibh coimhdheis. 24 Tha ar beatha cosmhùil ri réis.

N A C H abstol mise? nach 'eil mi saor? Nach fhaca mi Iosa Criosd ar Tighearn? nach sibhse m'obair san Tighearn?

2 Mur 'eil mi a'm' abstol do dhaoinibh eile, gidheadh gu cinnteach tha mi dhuibhse; oir is sibhse seula m' abstolachd anns an Tighearn.

3 Is e so mo fhreagrachd do'n droing a chuireas ceisd orm,

4 Nach 'eil againne comas^h ith-eadh agus òl?

5 Nach 'eil againne comas piuthar, bean-phòsda a thoirt leinn mu'n cuairt, amhuil mar na h-abstoil eile, agus bràithrean an Tighearna, agus Cephas?

6 No am bheil mise agus Barnabas a mhàin, gun chomas againn bhi saor o obair?

7 Cò a théid chum cogaidh uair air bith air a chostus fèin? cò a shuidhicheasi fion-lios, agus nach ith d'a thoradh? no cò a bheathaicheas treud, agus nach blais do bhainne an treud?

8 An ann mar dhuine a labhrám na nithe so? no nach abair an lagh na nithe so mar an ceudna?

9 Oir a ta e scriobhla ann an lagh Mhaois, Na cuir ceangal air beul an daimh a tha saltair^l an arbhair. Am bheil càram nan damh air Dia?

10 No nach ann gu h-àraig^m air ar soinne a deir e so? gu deimhin is ann air ar soinne tha e scriobhta: chum gur ann an dòchas is còir do'n treabhache treabhadt; agus a chum an neach a bhuaileas ann an dòchas, gu'm bi e 'na fhearr comhpairt d'a dhòchas.

11 Ma chuir sinne nithe spior-adail dhuibhseⁿ, an ni mòr e ma

^e annsan. ^f a' chòir, an cumhachd. ^g an sgriosar, an caillear do bhràthair lag. ^h cumhachd, còir. ⁱ phlanndaitheas. ^l a' bualadh, briseadh. ^m gu h-uile. ⁿ annaibhse.

bhuaineas sinn bhur nithe feòlmhor-sa?

12 Ma tha muinnitir eile 'nan luchd-comhpait do'n chumhachd^o so thar-uibh, nach mò is coir dhuinne bhi? Gidheadh, cha do chuir sinn an cumhachd so an cleachda; ach a ta sinn a' fulang nan uile nithe, chum nach cuireamaid bacadh air soisgeul Chriosd.

13 Nach 'eil fhios agaibh gu bheil iadsan a ta saothreachadh mu thim-chioll nithe naomha, air am beathachadh o'n teampull? agus iadsan a ta frithdealadh do'n altair, gu bheil comh-roinn^P aca ris an altair?

14 Agus mar sin dh'orduich an Tighearn mar an ceudna dhoibhsan a ta searmonachadh an t-soisgeil, an teachd-an-tir fhaotainn o'n t-soisgeil.

15 Ach cha do ghnàthaich mise a h-aon diubh so, agus cha do scriobh mi na nithe so, chum gu'n deantadh mar sin dhomh: oir b'fhearr dhomh am bàs fhaghail, na gu'n cuireadh neach air bith m'uall an neo-brigh.

16 Oir ge do shearmonaich mi an soisgeul, cha 'n'eil aobhar uaill agam: oir a ta éigin air a cur orm; seadh, is anaobhinn domh, mur searmonaich mi an soisgeul.

17 Oir ma's ann gu toileach a ta mi deanamh so, tha duais agam: ach ma's ann an aghaidh mo thoile a tha ministreileachd^r air a h-earbsadh riùm,

18 Ciod i mo dhuais ma seadh? eadhon so, chum ag searmonachadh an t-soisgeil domh, gu'n suidhichinn^s soisgeul Chriosd gun chostus, chum nach mi-ghnàthaichinn mo chumhachd san t-soisgeul.

19 Oir ge do tha mi saor o na h-uile dhaoinibh, gidheadh rinn mi mi féin a'm- sheirbhiseach^t do na h-uile, chum gu'n cosnainn an tuilleadh.

20 Agus rinneadh mi do na h-Iudhachaibh mar Iudhach, chum gu'n cosnainn na h-Iudhaich; dhoibh-

san a ta fuidh 'n lagh, mar dhuine fuidh 'n lagh, chum gu'n cosnainn iadsan a ta fuidh 'n lagh;

21 Dhoibhsan a ta gun lagh, mar dhuine gun lagh, (ge nach 'eil mi gun lagh do Dhia, ach fuidh lagh do Chriosd) chum gu'n cosnainn iadsan a ta gun lagh.

22 Rinneadh mi dhoibhsan a ta anmhunn^u mar dhuine anmhunn, chum gu'n cosnainn an droing a ta anmhunn: Bha mi san uile chruth do na h-uile, chum air gach uile dhòigh gu'n slànuichinn^a cuid éigin.

23 Agus so deanam air son an t-soisgeil, chum gu'm bi mi a'm' fhear comh-roinne dheth^b.

24 Nach 'eil fhios agaibh iadsan a ta ruith anns a' bhlár-réise, gu'n ruith iad uile, ach is aon duine a gheibh an duais^c? gu'ma h-amhuil a ruitheas sibhse, ionnas gu'n glac sibh an duais.

25 Agus a ta gach uile ghleachd-air measarra anns na h-uile nitibh: a nis a ta iadsan a' deanamh sin chum's gu'm faigh iad crùn truailidh, ach sinne air son crùin neo-thruailidh.

26 Uime sin is amhuil a ruith-eamsa, ni h-ann mar gu neo-chinnteachd: is amhuil a chuiream cath, ni h-ann mar neach a bluaileas an t-athar:

27 Ach trom-bhuaileam mo chorpa, agus cuiream fuidh smachd e: an t-eagal air chor sam bith an déigh dhomh searmonachadh^e do dhroing eile, gu'n cuirear mi féin air cùl^f.

C A I B. X.

- 1 Tha sacramainte nan Iudhach 'nan sanhladh air ar sacramaintibhne,
- 14 agus am peanas mar rabhadh dhuinn iòdhol-aoradh a sheachnadh.
- 21 Cha'n fheud sinn bhi 'nar luchd comhpait do bhord an Tighearna, agus dhiabhol faraon: &c.

O S bàrr, a bhràithre, cha b'aill leam sibhse a bhi aineolach, gu robh ar n-aithrich eile uile fuidh 'n neul,

^o chomas. ^P comhpait. ^r frithdealadh, cùram. ^s deanainn. ^t a'm' thràill. ^u lag. ^a saorainn, tearnuinn, sàbhalainn. ^b gu'm bi comhpait agam dheth maille ribhse. ^c geall. ^d mar neach nach 'eil am follas. ^e gairm a thoirt. ^f gu diùltar, gu tilgear mi féin.

agus gu'n deachaidh iad uile tre'n mhuir;

2 Agus gu'n do bhaisteadh iad uile do Mhapis san neul, agus anns a' mhuir;

3 Agus gu'n d'ith iad uile an t-aon bhiadh spioradail;

4 Agus gu'n d'òl iad uile an t-aon deoch spioradail: (oir dh'òl iad do'n charruig spioradail sin a lean iad: agus b'i a' charruig sin Criod.)

5 Ach le mòran diubh cha robh Dia toilichte: oir sgriosadh san fhàsach iad.

6 A nis bha na nithe sin 'nan saimpreiribh^h dhuinne, chum nach miannaicheamaid droch nithe, eadhon mar a mhiannaich iadsan.

7 Agus na bithibhse 'nar luchd-iodhol-aoraidh, mar a bha cuid diubhsan; a réir mar a ta e scriobhta, Shuidh am pobull sios a dh'itheadh agus a dh'òl, agus dh'éirich iad a chluicheadh.

8 Agus na deanamaid strìopachas, mar a riinn cuid diubhsan, agus a thuit diubh an aon là tri mìle fichead.

9 Agus na dearbhamaid i Criod¹, mar a dhearbh cuid diubhsan, agus a sgriosadh iad le nathraichibh nimhe.

10 Agus na deanaibhse gearan, mar a riunn cuid diubhsan gearan, agus a sgriosadh iad leis an sgriosadair m.

11 A nis thachair na nithe so uile dhoibhsan mar eiseimpreiribh: agus scriobhadh iad chum teagaisgⁿ duinne, air am bheil deireadh an domhain^o air teachd.

12 Uime sin an ti a shaoileas a bhi 'na sheasamh, thugadh e aire nach tuit e.

13 Cha do thachair deuchainn^p air bith ribh, ach ni a ta coitchionn^r do dhaoinibh: ach tha Dia dileas, nach leig dhuibh bhi air bhur feuchainn thar bhur comas; ach a ni maille ris an deuchainn slighe dol as mar an an ceudna, chum gu'm bi sibh comasach air a giùlan.

14 Air an aobhar sin, a mhuinntr mo ghràidh, teichibh o iodhol-aoradh.

15 Labhram mar ri daoinibh tuigs-each: thugaibhse breth air an ni a deiream.

16 Cupan a' bheannachaiddh a ta sinne a' beannachadh, nach e comunn folia Chriod e? An t-aran a ta sinn a' briseadh, nach e comunn cuirp Chriod e?

17 Oir ge do tha sinne 'nar mòr-an, is aon arans, agus aon chorp sinn: oir a ta againn uile comhpait do'n aon aran.

18 Thugaibh fainear Israel a réir na feòla: nach 'eil aca san a ta 'g itheadh nan iobairt comh-roinn ris an altair?

19 Ciad a deiream uime sin? gu bheil brigh air bith anns an iodhol, no gu bheil brigh air bith san ni a dh'iobradh do iodholaibh?

20 Ach a deiream, na nithe a ta na Cinnich ag iobradh, gur ann do dheimhnaibh a tha iad 'gan iobradh, agus nach ann do Dhia: agus cha b'aill leam comunn a bhi agaibhse ri deamhnaibh.

21 Cha 'n'eil e an comas duibh cupan an Tighearna òl, agus cupan dheimhan. Cha 'n'eil e an comas duibh comh-roinn a bhi agaibh do bhord an Tighearna, agus do bhord dheimhan.

22 Am brosnaich sinn an Tighearn gu feirg? an treise sinn na esan?

23 Tha na h-uile nithe ceadaichte dhomh, ach cha 'n'eil na h-uile nithe iomchuidh^t: tha na h-uile nithe ceadaichte dhomh, agus cha tabhair na h-uile nithe fòghlum.

24 Na iarradh neach air bith an ni sin a bhuineas dha féin: ach iarradh gach aon an ni sin a thig ri maith neach eile.

25 Ithibh gach ni a reicear am margadh na feòla, gun cheisid air bith fheòraich^u air son coguis.

26 Oir is leis an Tighearn an talamh, agus a làn.

^g cha do thaitinn mòran diubh ri Dia. ^h sgàilibh, samhlachasaibh.

ⁱ buaireamaid. ^l Dia. ^m mhilltear. ⁿ rabhaidh. ^o nan linn.

^p buaireadh, cruaidh-fheuchainn, dearbhadh. ^r cumanta. ^s bhuilinn.

^t tarbhach. ^u fharraid.

27 Ma bheir aon neach dhiubhsan nach 'eil 'nan creidmhich cuireadh dhuibh, agus gur toil leibh dol maille ris; ithibh gach ni a chuircear roimh-ibh, gun ni sam bith fheòruich air son coguis.

28 Ach ma deir duine sam bith ribh, Dh' iobradh an ni so do iodhol-albh, na ithibh, air a shonsan a nochd dhuibh e, agus air son coguis^a. [Oir is leis an Tighearn an talainh, agus a làn.]

29 Air son coguis deiream, cha'n i do choguis féin, ach coguis an neach ud eile: oir c'ar son a bhefear breith air^b mo shaorsasa le coguis duin eile?

30 Oir, ma tha comhpairt bìdh agamsa tre ghràs, c'ar son a labhrar olc umam a thaobh an ni sin air son aim bheil mi a' toirt buidheachais?

31 Uime sin cò aca dh'itheas no dh'òlas sibh, no ge b'e ni a ni sibh, deanaibh na h-uile nithe chum glòire Dhé.

32 Na tugaibh aobhar oilbheim do na h-Iudhachaibh, no do na Greugachaibh, no do eaglais Dé:

33 A réir mar a ta mise a' deanamh toile nan uile dhaoine anns na h-uile nitibh, gun bhi 'g iarraidh mo bhuanachd féin, ach buannachd mhòrain, chum gu slànuichear iad.

C A I B. XI.

1 Tha e faotainn cron doibh, gu robh 'nan coimhthionail am fir a' deanamh ùrnuigh, agus an cinn air an còmhdaichadh, agus am mnài gun chòmhdaichadh air an cinn: 17 agus do bhrigh gu robh gu coitchionn an cruinneachadh ni h-ann chum maith, ach chum uilc; gu sonraichte, air son gu robh iad le'm feisidibh féin a' mi-naomhachadh suipeir an Tighearna, &c.

BITHIBH SE 'nar luchd-leaná-mhuinn ornsa^c, mar amhuiil a ta mise air Criod.

2 A nis molam sibh, a bhràithre, do bhrigh gu bheil cuimhne agaibh ornsa anns na h-uile nitibh, agus gu bheil sibh a' coimhead nan ord-

uighean, mar a thug mise dhuibh iad.

3 Ach bu mhiann leam fios a bhi agaibh, gur e Criod ceann gach fir, agus gur e am fear ceann na mnà, agus gur e Dia ceann Chriod.

4 Gach fear a ta deanamh ùrnuigh no fàidheadaireachd, agus folach air a cheann, tha e toirt eas-urrain d'a cheann.

5 Ach gach bean a ta [deanamh ùrnuigh no fàidheadaireachd gun fholach air a ceann, tha i toirt eas-urrain d'a ceann: oir is ionann sin agtis ge do bhiodh i air a bearradh.

6 Oir mur bi folach air ceann na mnà, bearrar i mar an ceudna: ach ma's granndad do mhnaoi i bhi air a bearradh no air a lomadh, cuireadh i folach oirre.

7 Oir gun amharus cha chòir do fhear a cheann a chòmhdaichadh^e, do bhrigh gur h-e ìomhaigh agus glòir Dhé: ach is i a' bhean glòir an fhìr.

8 Oir cha 'n'eil am fear o'n mhnaoi, ach a' bhean o'n fhear.

9 Agus nior chruthaicheadh am fear air son na mnà, ach a' bhean air son an fhìr.

10 Uime sin is còir do'n mhnaoi cumhachd^f a bhi aice air a ceann, air son nan aingeal.

11 Gidheadh, cha 'n'eil am fear as eugmhais na mnà, no a' bhean as eugmhais an fhìr anns an Tighearn.

12 Oir mar a ta a' bhean o'n fhear, is amhuiil sin a ta 'm fear tre'n mhnaoi mar an ceudna: ach is ann o Dhia ta na h-uile nithe.

13 Measaibh annaibh féin: am bheil e ciatfach do mhnaoi ùrnuigh a dheanamh ri Dia gun fholach air a ceann.

14 Nach 'eil nàdur féin a' teagast dhuibh, ma bhios gruag fhada air fear, gur nàr dha e?

15 Ach ma bhios gruag fhada air mnaoi, is glòir dh'i e: oir thugadh a gruag dh'i air son còmhdaichg^g.

16 Ach ma bhios neach air bith connspoideach, cha 'n'eil a leithid sin

^a coimh-fhios, coinsiens. ^b a' dhìtear. ^c air m'eisiomplairse. ^d grànnna.

^e fholach. ^f se sin r'a ràdh folach, a leigeil fhaicinn gu bheil i fa chumhachd a fir. ^g folaitch.

do ghnàthachadh agaíne, no aig eag-laisibh Dhé.

17 A nis anns an ni so a chuiream an céill *duibh*, cha mhol mi *sibh*, do bhrigh gu bheil sibh a' teachd an ceann a chéile cha'n ann chum an ni a's fearr, ach an ni a's measa.

18 Oir air tùs, air cruinneachadh dhuibh an ceann a chéile san eaglais, tha mi cluinnntinn gu bheil roinnean ^h'nar measg; agus tha mi an cuid 'ga creidsinn.

19 Oir is éigin saobh-chreidimh i a bhi eadaruibh, chum gu'n deanar follaiseach an dream a ta' dearbhita 'nar measg.

20 Uime sin an uair a thig sibh an ceann a chéile do aon àit, cha'n e sin suipeir an Tighearna itheadh.

21 Oir ithidh gach aon air tùs a shuipeir féin, agus a ta neach ocrach, agus neach eile air mhisg.

22 An e nach 'eil tighean agaibh chum itheadh agus òl annta? no am bheil sibh a' deanamh tair' air eaglais Dé, agus a' nàrachadh na muinntir aig nach 'eil? Ciad a deiream ribh? Am mol mi sibh anns a' chùis so? cha mhol.

23 Oir fhuair mise o'n Tighearn an ni mar an ceudna a thug mi dhuibhse, Gu'n do ghlac an Tighearn Iosa aran, anns an oidhche an do bhrathadh e:

24 Agus air breith buidheachais, bhris se e, agus thubhairt e, Gabh-aibh, ithibh; is e so mo chorpsa, a ta air a bhriseadh^l air bhur sonsa: deanaibh so chum cuimhne ormsa^m.

25 Agus air a' mhodh cheudna an cupan, an déigh na suipeir, ag ràdh, Is e an cupan so an coimhcheangalⁿ nuadh ann am fhuilse: deanaibhse so, cia minic as a dh'òlas sibh e, chum cuimhne ormsa.

26 Oir cia minic as a dh'itheadh sibh an t-aran so, agus a dh'òlas sibh an cupan so, tha sibh a' foillseachadh bàis an Tighearna gus an d'thig e.

27 Uime sin, ge b'e neach a

dh' itheadh an t-aran so, agus^o a dh'òlas cupan so an Tighearna gu neo-iomchuidh, bitidh e ciontach do chorp agus do fhuil an Tighearna.

28 Ach ceasnucieadhd^P duine e féin, agus mar sin itheadh e do'n aran so, agus òladh e do'n chupan so:

29 Oir ge b'e dh'itheadh agus a dh'òlas gu neo-iomchuidh, tha e 'g itheadh agus ag òl breitheanais dha féin, do bhrigh nach 'eil e a' deanamh aithneadh air corp an Tighearna^r.

30 Air a shon so tha mòran 'nar measg lag agus tinn, agus tha mòran 'nan codal.

31 Oir nan d'thugamaid breth oirnn fein, cha d'thugtadh breth oirnn.

32 Ach an uair a bheirear breth oirnn, tha sinn air ar smachdachadh leis an Tighearn, chum nach bitheamaid air ar dìeadh maille ris an t-saoghal.

33 Uime sin, mo bhràithre, 'nuair a thig sibh an ceann a chéile, chum itheadh, fanaibh r'a chéile.

34 Agus ma bhios ocras air aon neach, itheadh e aig an tigh; chum nach d'thig sibh an ceann a chéile gu breitheanas^s. Agus cuiridh mise gach ni eile an ordugh 'nuair a thig mi.

C A I B. XII.

1 Tha tiодhlacan spioradail iomadach thaobh gnè, 7 gidheadh a ta iad uile gu tairbhe. 8 agus chum na crìche so air an tabhairt air caochladh dòigh: 12 chum a réir mar a tà buill a' chuirp nàdurra uile chum 16 maise, 22 agus seirbhis an aon chuirp; 27 mar sin gu bitheamaidne d'a chéile, a dheanamh suas cuirp dhùmhair Chriosd.

A NIS a thaobh nithe^t spioradail, a bhràithre, cha'n àill leam sibh bhi aineolach.

2 Tha fios agaibh gu robh sibh 'nar Cinnich, air bhur tarruing gu

^h eas-aonachda, sgaraidh. ⁱ saobh-bharailean, éiriceachd. ^l air a shabhairt. ^m mar chuimhneachan ormsa. ⁿ tiomadh. ^o no. ^P dearbh-adh. ^r deanamh eadar-dhealachadh eadar corp an Tighearna agus biadh eile. ^s chum dìtidh. ^t thiodhlaca.

iodholaibh balbha, a réir mar a threòraicheadh sibh.

5 Uime sin tha mi toirt fios duibh, nach abair duine sam bith a tha labhairt o Spiorad Dé, gu bheil Iosa mallaichte: agus nach urradh duine sam bith a ràdh gur e Iosa an Tiglearn, ach trèid an Spioraid naoimh.

4 A nis tha eadar-dhealachadh thiодhlaca ann, ach *cha 'n'eil ach aon Spiorad ann.*

5 Agus tha eadar-dhealachadh frithealaidh^u ann, gidheadh *cha 'n'eil ach aon Tighearn ann.*

6 Agus tha eadar-dhealachadh oibreachaidh ann, ach is è an t-aon Dia, a tha 'g oibreachadh nan uile nithe anns na h-uile.

7 Ach a ta foillseachadh an Spioraid air a thoirt do gach neach, chum tairbhe.

8 Oir do aon duine tha focal a' ghliocais air a thoirt leis an Spiorad; agus do dhuin' eile focal an èolais leis an Spiorad cheudna;

9 Do neach eile creidmh leis an Spiorad sin fein; do dhuin' eile tabhartas leighis trèid an Spioraid cheudna;

10 Do neach eile oibreachadh mhìorbhuite; do neach eile faidheadaireachd; do neach eile aithneachadh spiorad; do neach eile *iomadh* gnè theanga; agus do neach eile eadar-mhìneachadh theanga.

11 Ach na nithe sin uile tha an t-aon Spiorad ceudna ag oibreachadh, a' roinn ris gach aon fa leth a réir mar is àill leis.

12 Oir mar is aon an corp, agus mòran do bhallaibh aige, agus a ta uile bhuill an aon chuirp sin, ge h-iomadh iad, 'nan aon chorp; mar sin a ta Criosc.

13 Oir trèid aon Spioraid bhaisteadh sinn uile do aon chorp, ma's Iudhaich sinn no Greugaich, ma's daor no saor sinn; agus thugadh deoch r'a h-òl duinn uile chum aon Spioraid.

14 Oir cha'n aon bhall an corp, ach mòran.

15 Ma deir a' chos, Do bhrigh nach mi an làmh, cha'n ann do'n chorp mi; nach 'eil i do'n chorp air a shon sin?

16 Agus ma deir a' chluas, Do bhrigh nach mi an t-sùil, cha'n ann do'n chorp mi; nach ann do'n chorp i air a shon sin?

17 Nam *biodh* an corp uile 'na shùil, c'ait am *biodh* a' chlaisteachd? Nam *biodh* e uile 'na chlaisteachd, C'ait am *biodh* am boladh?

18 Ach a nis shuidhich Dia na buill gach aon diubh sa' chorp, mar bu toil leis.

19 Agus nam *biodh* iad uile 'nan aon bhall, c'ait am *biodh* an corp.

20 Ach a nis *tha iad* 'nam mòran bhall, ge nach 'eil ann ach aon chorp.

21 Agus cha'n urradh an t-sùil a ràdh ris an làmh, Cha 'n'eil feum agam ort: no a ris, an ceann ris na cosailh, Cha 'n'eil feum agam oirbhse.

22 Ach gu ro mhòr ni's mò tha na buill sin do'n chorp, a's anmhuinne^a thaobh coislais, feumail.

23 Agus air na *buill* sin do'n chorp a's lugha urram 'nar meas-ne, tha sinn a' cur an tuilleadh urraim, agus na *buill* sinn dhinn a's lugha maise, tha aca sin gu ro mhòr an tuilleadh maise.

24 Oir air na *buill* mhaiseach againn cha 'n'eil uireasbhuidh: acli rinn Dia an corp a chomb-chumaadh r'a chéile, air dha an tuilleadh urraim gu mòr a thoirt do'n *chuid* air an robh uireasbhuidh:

25 Chum nach *biodh* casaonachd air bith sa' chorp; ach gu'm *biodh* an t-aon chùram aig na buill d'a chéile.

26 Agus ma dh'fhuilgeas aon bhall, comh-fhuilgidh na buill uile: no ma gheibh aon bhall urram, ni na buill uile gairdeachas maraon ris.

27 A nis is sibhse corp Chriosc, agus is buill sibh fa leth.

28 Agus chuir Dia dream àraighe san eaglais, air tùs abstola, san dara àit faidhean, san treas àit luchd-teagaisg, a ris mòrbhuitean, 'na dhéigh sin tabhartais leighis, luchd-cuideachaidh, uachdar anachda, iomadh gnè theanga.

29 Am bheil na h-uile 'nan abstol-

aibh? Am bheil na h-uile 'nam faidhbh? Am bheil na h-uile 'nan luchd-teagaig? Am bheil na h-uile 'nan luchd-deanamh mhìorbhuile?

50 Am bheil aig na h-uile tabhartais leighis? An labhair na h-uile le teangaibh? An dean na h-uile eadar-theangachadh?

51 Ach biodh miann dùrachdach nan tiodhlac a's fearr oirbh: agus gidheadh nochdamsa dhuibh slighe a's ro-fhearr.

C A I B. XIII.

1 Cha 'n'eil brigh sam bith anns na tiodhlacaibh uile, d'am feabhas, as eugmhais a' ghràidh: 4 A chluasan, 13 agus a bharrachd air dòchas agus creidimh.

GE do labhrainn le teangaibh dhaoine, agus aingeal, agus gun ghràdh agam, tha mi a'm' umha^c a ni fuaim, no a'm' chiombal a ni gleangarsaich.

2 Agus ge do robh agam faidheadaireachd, agus ge do thuiginn na h-uile rùna-dliomhair, agus gach uile eòlas; agus ge do bhiodh agam gach uile ghné creidimh, ionnas gu'n atharraichinn sléibhte, agus mi gun ghràdh agam, cha 'n'eil annam ach neo-ni.

3 Agus ge do chaithinn mo mhaoin uile chum na bochdan a bheathachadh, agus ge do bheirinn mo chorpa thum a losgaidh, agus gun ghràdh agam, cha 'n'eil tairbhe sam bith dhomh ann.

4 Tha an gràdh fad-fhulanagach, agus caoimhneil; cha ghabh an gràdh farmad; cha dean an gràdh ràiteachas, cha 'n'eil e air a shéideadh suas,

5 Cha ghiùlain se e féin gu micheatafach, cha'n iarr e na nithe sin a bhuineas da féin, cha 'n'eil e so-bhrosnachaidh chum feirge, cha smuainich e olc sam bith.

6 Cha dean e gairdeachas san eucoir, ach ni e gairdeachas san fhìrin:

7 Fuilgidh e na h-uile nithe, creididh e na h-uile nithe, bithidh

sùil e aige ris na h-uile nithe, giùlainidh e na h-uile nithe.

8 Cha d'thíid an gràdh air cùl a choidhch: ach ma's faidheadaireachda ta ann, théid iad air cùl; ma's teangaidh, sguiridh iad; ma's eòlas, cuirear air cùl e.

9 Oir a ta eòlas againn ann an cuid, agus tha sinn ri faidheadaireachd ann an cuid.

10 Ach an uair a thig an ni a ta iomlan, cuirear air cùl an ni sin nach 'eil ach ann an cuid.

11 'Nuair a bha mi a'm' leanaban, labhair mi mar leanaban, thuig mi mar leanaban, reusonaich^f mi mar leanaban: ach air fàs domh a'm' dhuine, chuir mi na nithe leanabaidh air cùl.

12 Oir tha sinn a'faicinn san àm so gu dorcha tre ghloing^g; ach an sin chi' sinn aghaidh ri h-aghaidh: san àm so is aithne dhomh ann an cuid; ach an sin aithnidh mi eadhon mar a ta aithneadh orm.

13 Agus a nis fanaidh creidimh, dòchash, gràdh, na tri nithe so; ach is e'n gràdh a's mò dhiubh so.

C A I B. XIV.

1 Tha e moladh faidheadaireachd, 2 agus a' toirt urraim dh'i roimh labhairt le teangaibh, 6 le cosamh-lachd air a thoirt o innealaibh-ciùil: 12 is còir an gnàthachadh faraon, chum togail suas na h-eaglais, 22 mar a' chrìoch sin gus an d'orduicheadh iad. 26 Tha fìor-fheum gach aon diubh air a theagasc, &c.

LEANAIBH gràdh, agus biodh mòr mhianni thiodhlaca spioradail oirbh, ach gu ma mò bhur togradh gu'n deanadh sibh faidheadaireachd.

2 Oir an ti a labhras an an teangaidh choimhich!^h, ni h-ann ri daoinibh a labhras e, ach ri Dia: oir cha 'n'eil neach sam bith 'ga thuigsinn; ge do tha e anns an Spiorad a' labhairt rùna-dliomhair.

3 Ach an ti a tha deanarsa faidheadaireachd, tha e a' labhairt ri

^b seirc. ^c pkrais. ^d còmhdaichidh, folachidh. ^e dòchas, earbsa.

^f smuainich. ^g ann an sgàthan. ^h carbsa. ⁱ dhéidh, iarrtus. ^l choigrich.

daoinibh chum tògail suas^m, agus chum earail, agus chum comhfhurtachd.

4 An ti a ta labhairt an teangaidh choimhich, tha e 'ga thogail fèin suas: ach an ti a ni fàidheadaireachd, tha e togail suas na h-eaglais.

5 Bu mhaith leam gu labhradh sibh uile le teangaibh, ach b'fhearr leam sibh a dheanamh fàidheadaireachd, oir is mò an ti a ni fàidheadaireachd, na an ti a labhras le teangaibh, mur eadar-theangaich eⁿ, chum gu faigheadh an eaglais fòghlum.

6 A nis a' bhràithre, ma thig mi d'ar ionnsuidh a' labhairt le teangaibh, ciod an tairbhe a ni mi dhuibh, mur labhair mi ribh am foillseachadh, no an eòlas, no am fàidheadaireachd, no an teagasc?

7 Air an doigh cheudna na nithe gun anam a ni fuaim, ma's pìob no clàrsach, mur dean iad eadar-dhealachadh 'nam fuaimibh, cionnus a thuigear an ni a sheinnear air a' pìob no air a' clàrsacha?

8 Oir ma bheir a' ghall-tromp fuaim neò-chinniteach uaipe^o, cò a dh'ulluicheas e fèin chum a' chatha?

9 Is amhul sin sibhse, mur labhair sibh leis an teangaidh briathra so-thuigsiinn, cionnus a dh'aithnichear an ni a labhrar? oir is ann ris an athar a labhras sibh.

10 Tha, feudaidh e bi, an uiread do ghuthannaibh^p san t-saoghal, agus cha'n eil a h-aon diubh gun bhlagh^r.

11 Uime sin mur tuig mi brigh a' ghutha, bithidh mi do'n ti a labhras borbs^s; agus bithidh an ti a labhras, borb dhomhsa.

12 Mar sin mar an ceudna sibhse, do bhrigh gu bheil déigh agaibh air tiadhlaacaibh spioradail, iarraigibh sibh fèin a thoirt barrachd chum togail suas^t na h-eaglais.

13 Uime sin an ti a labhras ann an teangaidh choimhich, guidheadh e gu'n deanadh e eadar-theangachadh.

14 Oir ma ni mise ùrnuigh ann

an teangaidh choimhich, tha mo spiorad a' deanamh ùrnuigh, ach tha mo thugse neo-tharbhach.

15 Ciad ma seadh? ni mi ùrnuigh leis an spiorad, agus ni mi ùrnuigh leis an tuigse mar an ceudna: seinnidh mi leis an Spiorad, agus seinnidh mi leis an tuigse mar an ceudna.

16 No 'nuair a bheannuicheas tu leis an spiorad, cionnus a deir an ti a tha ann an àit an duine gun fhòghlum, Amen ri d' bħreith-buidheachais, o nach aithne dha an ni a deir tu?

17 Oir gu deimhin a ta thusa toirt buidheachais gu maith, gidheadh cha'n eil an neach eile air a thogail suas^u.

18 Bheiream buidheachas do m' Dha, gu'n labhram le teangaibh tuilleadh na sibh uile:

19 Ach b'fhearr leam cùig focail a labhairt san eaglais le m' thugse, chum gu teagaisginn daoin' eile mar an ceudna, na deich mile focal ann an teangaidh choimhich.

20 A bhràithre, na bithibhse 'nar leanabaibh an tuigse: gidheadh, ann am mòruna^a bithibh 'nar leanabaibh, ach ann an tuigse bithibh 'nar daoine fairfe.

21 Tha e scròbhta san lagh, Labhraidh mi ris a' phobull so ann an teangaibh eile, agus am bilibh eile: gidheadh an déigh sin uile cha'n eisd iad rium, a deir an Tighearn.

22 Uime sin a ta teanganna coimheach 'nan comhara, ni h-ann do'n droing a ta creidsinn, ach dhoibhsan a ta mi-chreideach: ach a ta fàidheadaireachd ni h-ann air an sonsan nach 'eil a' creidsinn, ach air an sonsan a tha creidsinn.

23 Uime sin ma chruinnicheadas an eaglais uile san aon àit, agus ma labhras iad uile le teangaibh coimheach agus gu'n d'thig droing a ta gun fhèglum a steach, no daoine mi-chreideach, nach abair iad gu bheil sibh air a' chuthach^b?

24 Ach ma ni iad uile fàidheadaireachd, agus gu'n d'thig duine gun chreidimh a steach, no neach a

^m fòghluim, teagaisg. ⁿ mur eadar-theangaich neach. ^o uaithe.

^p chainntibh, chàinainibh. ^r bhrigh, seadh. ^s fiadhaich, barbarra.

^t fòghluim. ^u air fhòghlum. ^a droch mhèin, olc. ^b air mhi-chéill, air boile.

ta gun fhòghlum, cronusclear^c e leis na h-uile, agus bheirear breth air leis na h-uile :

25 Agus mar sin a ta nithe folaithe a chridhe air am foillseachadh ; agus mar sin, air dha tuiteam air aghaidh, ni e aoradh do Dhia, ag aithris^d gu bheil Dia gu fìrinneach annaibhse.

26 Ciad e sin ma ta, a bhràithre ? air teachd an ceann a chéile dhuibh, tha salm, tha teagastg, tha teanga, tha foillseachadh, tha eadar-theangachadh, aig gach aon agaibh. Deanar na h-uile nithe chum fòghluim^d.

27 Ma labhras aon neach ann an teangaidh choimhich, labhradh dithis, no air a' chuid a's mò triuir, agus sin an déigh a chéile ; agus deanadh a h-aon eadar-theangachadh.

28 Ach mur bi eadar-theangair ann, fanadh e' na thosd san eaglais ; no labhradh e ris féin, agus ri Dia.

29 Labhradh dithis no triuir do na fàidhibh, agus thugadh a' chuid eile breith.

30 Ach ma dh'fhoillsicheadh ni do neach eile a tha 'na shuidhe, biodh an ceud dhuine^e na thosd.

31 Oir feudaidh sibh uile fàidheadaireachd a dheanamh gach aon an déigh a chéile, chum's gu faigh na h-uile fòghlum, agus na h-uile comhfhurtachd.

32 Agus a ta spioradaf nam fàidh ùmhail do na fàidhibh.

33 Oir cha'n e Dia uighair na mi-riaghailt^f ach na sìth, mar ann an eaglaisibh nan naomh uile.

34 Biodh bhur mnài 'nan tosd sna h-eaglaisibh ; oir cha 'n'eil e cead-aichte dhoibh labhairt : ach is còir dhoibh bhi ùmhail, mar a deir an lagh mar an ceudna.

35 Agus ma's miann leo ni sam bith fhòghlum, fedòraicheadh iad d'am fearaibh féin aig an tigh e : oir is mi-chiatsfach do mhàinibh labhairt san eaglais.

36 An ann uaibhse thainig focal Dé a mach ? no an ann d'ar n-ionnsuidhse a mhàin a thainig e.

37 Ma shaoileas duine sam bith^h

gur fàidh, no gur duine spioradail e féin, aidicheadh e na nithe a scriobhamsa d'ar n-ionnsuidh, gur h-iad àitheantan an Tighearna.

38 Ach ma ta neach sam bith aineolach, biodh e aineolach.

39 Uime sin, a bhràithre, biodh ro-thogràdh agaibh air fàidheadaireachd a dheanamh, agus na bacaibh labhairt le teangaibh.

40 Deanar na h-uile nithe gu deadh-mhaiseach, agus a réir ordugh.

C A I B . X V .

1 O aiseirigh Chriosd, 12 tha e dearbhadh gu'n eirich sinne, an aghaidh na muinnitir sin a tha 'g àicheadh eiseirigh na colla : 21 Toradh, 35 agus dòigh na h-aiseirigh, 51 agus caochladh na muinnitir sin a gheibhear beo, air an là dheireannach.

O S barr, a bhràithre, cuiream an céill duibh an soisgeul a shearmonaich mi dhuibh, ris an do ghabh sibhse mar an ceudna, agus anns am bheil sibh 'nar seasamh ;

2 Trìd mar an ceudna am bheil sibh air bhur tearnadadh, ma chumas sibh gu daingeani an ni a shearmonaich mi dhuibh, mur do chreid sibhse gu dliomhain.

3 Oir thug mi dhuibh air tùs an ni a fhuair mi mar an ceudna, Gu'n d'fhuair Chriosd bàs air son ar peacaidh a réir nan scriobtuir :

4 Agus gu'n d'adhlaiceadh e, agus gu'n d'eirich e a ris air an treas là a réir nan scriobtuir :

5 Agus gu facas e le Cephas, 'na dhéigh sin leis an dà fhear dheug.

6 'Na dhéigh sin, chunncas e le tuilleadh as cuig ceud bràthair air aon àm ; d'am bheil a' chuid a's mò beo gus a nis, ach a ta cuid dhuibh 'nan codal.

7 'Na dhéigh sin, chunncas e le Seumas ; agus a ris leis na h-abstolairibh uile.

8 'Nan déigh uile chunncas leamsa e mar an ceudna, mar neach a rugadh an an-àm.

^c spreagar, comhairlichear. ^d ag innseadh, a' foillseachadh. ^e togail suas. ^f tiadhaca spioradail. ^g eas-ordugh, tuaigne. ^h Ma tha duine sam bith cinnteach. ⁱ ma gheildeas sibh air chuimhne.

9 Oir is mi a's lugha do na h-abstolaibh, nach fiu abstol a ghairm dhiom, do bhrigh gu'n robh mi a' geur-leanmuinn eaglais Dé.

10 Ach tre ghràs Dé is mi an ni a's mi: agus cha robh a ghràs, a bhulicheadh orm, gun bhrigh; ach shaothraich mi ni's pailte na iad uile; gidheadh cha mhise, ach gràs Dé a bha maille rium.

11 Uime sin cò air bith iad *dhinn*, mise no iadsan, is ann mar so a tha sinne a' searmonachadh, agus is ann mar so a chreid sibhse.

12 A nis ma sheármhonaichear Criod gu'n d'éirich e o na marbh-aibh, cionnus a deir cuid 'nar measg-sa, Nach 'eil aiseirigh nam marbh ann?

13 Ach mur 'eil aiseirigh nam marbh ann, ni mò a dli'éirich Criod.

14 Agus mur d'éirich Criod, gu deimhin *is* diomhain ar searmoin-ne, agus *is* diomhain bhur creidimhse mar an ceudna.

15 Seadh fhuardh sinne 'nar fianuisibh bréige air Dia; do bhrigh gu'n d'rinn sinn fianuis a thaobl Óché, gu'n do thog e suas Criod: neach nach do thog e suas, mur éirich na mairbh.

16 Oir mur éirich na mairbh, ni mò a dli'éirich Criod:

17 Agus mur d'éirich Criod, tha bhur creidimhse diomhain; tha sibh fathast am bhur peacaibh.

18 Mar sin mar an ceudna tha an droing a choidil ann an Criod, caillte.

19 Ma's anns a' bheatha so a mhàin a tha dòchas agaínn ann an Criod, is sinn a's truaighe do na h-uile dhaoinibh.

20 Ach a nis tha Criod air éirigh o na marbhaibh, agus rinneadh an ceud thoradh dhuibhsan a choidil doth.

21 Oir mar is ann tre dhuine *thàinig* am bàs, is ann tre dhuine *thig* aiseirigh nam marbh mar an ceudna.

22 Oir mar ann an Adhamh, a ta na h-uile a' faghail a' bhàis, is amh-

uil sin mar an ceudna a nithear na h-uile beo ann an Criod.

23 Ach gach uile dhuine 'na ordugh féin: Criod an ceud thoradh, 'na dhéigh sin iadsan a's le Criod aig a theachd.

24 An sin *bithidh* a' chrioch dheireannach, 'nuair a bheir e suas an rioghachd do Dhia, eadhon an t-Athair; 'nuair a chuireas e as do' gach uile uachdarachd, agus gach uile ùghdarras, agus chumhachd.

25 Oir is éigin gu'n riogaich e, gus an cuir e a naimhdean uile fa chosaibh.

26 Sgriosar an nàmhaid deireannach, am bàs.

27 Oir chuir e na h-uile nithe fa chosaibh. Ach an uair a deir e gun do chuir e na h-uile nithe fuidh, is ni follaiseach gu bheil esan a chuir na h-uile nithe fuidh, an leth muigh *dhet* so.

28 Agus an uair a chuirear na h-uile nithe fuidh, an sin *bithidh* am Mac féin fuidh'n ti a chuir na h-uile nithe fuidh-san, chum gu'm bi Dia 'na uile anns na h-uile.

29 No ciod a ni iadsan, a bhaistear air son nam marbh, mur éirich na mairbh air aon dòigh? c'ar son ma seadh a bhaistear iad air son nam marbh?

30 Agus c'ar son a ta sinne an gàbhadh sgach uair?

31 Air bhur gairdeachas-sa^m a tha agam ann an Iosa Criod ar Tigh-earn, tha mi faghail a' bhàis gach là.

32 Ma chòmhraigⁿ mi mar dhuine^o ri fiadh-bheathaichibh ann an Ephesus, ciod i mo thairbhe, mur éirich na mairbh? itheamaid agus òlamaid, oir am màireach gheibh sinn bàs.

33 Na meallar sibh: truaillidh droch chomhluadar^p deadh bheusa.

34 Dùisgibh chum fireantachd^r, agus na deanaibh peacadh; oir cha 'n'eil eòlas Dé aig cuid: chum bhur naire labhram so.

35 Ach a deir neach éigin, Cionnus a dh'éireas na mairbh? agus ciod a' ghnè cuirp leis an d'thig iad?

36 Amadain, an ni sin a chuireas

¹ a chuireas e sìos. ^m a' ghairdeachas air bhur sonsa. ⁿ chog mi, chuir mi cath. ^o a réir gràtha dkaoinne. ^p droch chòmhraig. ^r gu ceart, gu cubhaidh.

tu, cha bheothaichear e, mur bàsaich e air tÙs.

57 Agus an ni a chuireas tu, cha'n e an corp a bhithreas a ta thu cur, ach gràinne 'om, feudaidh e bi do chruineachd, no do sheòrta éigin eile.

58 Ach a ta Dia a' toirt cuirp dha mar bu toil leis, agus do gach uile shiòl a chorp fèin.

59 Cha'n aon fheòil gach uile fheòil: ach a ta feòil air leth aig daoinibh, agus feòil eile aig ainmhidhbh, feòil eile aig iasgaibh, agus feòil cile aig eunaithibh.

40 Agus a ta cuirp nèamhaidh ann, agus cuirp thalmhaidh: gidheadh a ta glòir air leth aig na corpabhbh nèamhaidh, agus glòir eile aig na corpabhbh talmhaidh.

41 Tha aon ghlòir aig a' ghréin, agus glòir eile aig a' ghealaich, agus glòir eile aig na reultaibh; oir a ta eadar-dhealachadh eadar reult agus reult thaobh gloire.

42 Agus is ann mar sin a bhios aiseirigh nam marbh. Cuirear ann an truaillidheachd e, togar ann an neo-thruaillidheachd e.

43 Cuirear e ann an eas-urram, togar ann an glòir e: cuirear ann an anmhuiinneachd e, éiridh e ann an cumhachd:

44 Cuirear e 'na chorp nàdurra, éiridh e 'na chorp spioradail. Tha corp nàdurra ann, agus corp spioradail.

45 Agus mar so tha e scriobhta, Rinneadh an ceud dhuine Adhamh 'na anam beo, an t-Adhamh deir-eannach 'na Spiorad a bheothaicheas.

46 Gidheadh cha'n e an ni spioradail a bha ann air tÙs, ach an ni nàdurra; agus 'na dhéigh sin an ni spioradail.

47 An ceud duine o'n talamh, talmhaidh: an dara duine, an Tighearn o nèamh.

48 Mar an duine talmhaidh, is amhul sin iadsan a tha talmhaidh: agus mar a ta an duine nèamhaidh, is ann mar sin iadsan a ta nèamhaidh.

49 Agus mar a ghìùlain sinn dealbh^s an duine thalmhaidh, giùlainidh sinn mar an ceudna dealbh an duine nèamhaidh.

50 A nis so a deiream, a bhràithre, nach feudar le feòil agus fuil rioghachd Dhé a shealbhachadh mar oighreachd; ni mò a shealbhaicheas truaillidheachd neo-thruaillidheachd.

51 Feuch, labhram ni diomhair ribh; Cha choidil sinn uile, ach caochlaidhear sinn uile,

52 Ann an tiota^t, am priobadh na sùl, ri guth na trompaide deireann-aich, (oir séididh an trompaid) agus éiridh na mairbh neo-thruaillidh, agus caochlaidhear sinne.

53 Oir is éigin do'n chorp thruaillidh so neo-thruaillidheachd a chur uime, agus do'n chorp bhàsmhor so neo-bhàsmhorachd a chur uime.

54 Agus an uair a chuireas an corp truaillidh so neo-thruaillidheachd uime, agus a chuireas an corp bàsmhor so neo-bhàsmhorachd uime, an sin coimhlinnar am focal a ta scriobha Shluigeadh suas am bàs le buaidh.

55 O bhàis, c'ait am bheil do ghath? O uaigh, c'ait am bheil do bhuaidh?

56 Is e am peacadh gath a' bhàis; agus is e neart a' pheacaidh an lagh.

57 Ach buidheachas do Dhia, a tha toirt dhuinne na buadha, trìd ar Tighearna Iosa Criod.

58 Uime sin, mo bhràithre gràdhach, bitibhse daingean, neo-ghluasadach, a' sìr-mheudachadh ann an obair an Tighearna, air dhuibh fios a bhi agaibh nach 'eil bhur saothair diomhain anns an Tighearna.

C A I B. XVI.

1 Tha e guidheadh orra fuasgladh air uireasbuidh nam braithre bochda ann an Ierusalem; 10 a' moladh Thimoteuis; agus an déagh comh-airlean càrdeil, 16 a' criochnachadh na litreach le ionadh failte.

A NIS a thaobh an tional air son nan naomh, mar a dh'orduich mi do eaglaibh Ghalatia, mar sin deanaibhse mar an ceudna.

2 Air ceud là gach seachdùin, cuireadh gach aon agaibh làimh ris ann an stòr anns an ioumhas^u, a réir mar a

^s ionhaigh, dreach, coslas, ^t platha, mionaid.

^u taisgeadh gach aon agaibh làimh ris ann an stòr.

shoirbhich leis, chum nach bi tionail r'an deanamh 'nuair a thig mise.

3 Agus an uair a thig mi, cò air bith iad a mholas sibh le'r litrichibh, euiridh mi iadsan a ghiùlan bhur tabhartais gu Hierusalem.

4 Agus ma's iomchuidh mise a dhol mar an ceudna, théid iadsan a'm' chuideachd.

5 Agus thig mi d'ar n-ionnsuidhse, 'nuair a théid mi tre Mhacedonia : (oir tha mi dol tre Mhacedonia.)

6 Agus feudaiddh e bi gu'm fan mi, no eadhon gu'n caith mi an geomhradh maille ribh, chum's gu'n d'hoir sibh air m'aghaidh mi, ge b'e àit d'an d'théid mi.

7 Oir cha'n àill leam bhur faicinn a nis san dol seachad, ach tha dùil agam fantuinn rè tamuill maille ribh, ma leigeas an Tighearn dhomh.

8 Ach fanaidh mi ann an Ephesus gu Cuingeis.

9 Oir dh'fhosgladh dorus mòr agus éifeachdach dhomhsa, agus tha mòran eascairdean^a ann.

10 A nis ma thig Timoteus, feuchaidh gu'm bi e gun eagal maille ribh : oir tha e a' saothreachadh ann an obair an Tighearna, mar a ta mise.

11 Uime sin na deanadh neach sam bith tair air : ach thugaibh air aghaidh e an sith, chum's gu'n d'thig e a' m' ionnsuidhse : oir tha sùil agam ris maille ris na bràithribh.

12 Mu thimchioll ar bràthar Apollois, ghuidh mi gu dùrrachdach air teachd d'ar n-ionnsuidhse maille ris na bràithribh : ach cha b'i a thoil air chor sam bith teachd san àm so ;

ach thig e 'nuair a gheibh e àm iomchuidh.

13 Deanaibh faire, seasainn gu daingean sa' chreidimh, bithibh fearailb, bithibh làdir^c.

14 Biadh bhur n-uile nithe air an deanamh le gràdh.

15 Agus guidheam oirbh, a bhràithre, (o's aithne dhuibh teagh-lach Stephanais, gur h-iad ceud thoradh Achaia, agus gu'n d'thug siad iad féin chum frithealaidh dó na naomhaibh.)

16 Gu'm bi sibh ùmhail d'an leithidibh sin, agus do gach zon a ni obair agus saothair maille ruinne.

17 Tha mi subhach ri teachd Stephanais, agus Fhortunatus, agus Achaicus : oir rinn iad suas an ni sin a bha dh'uireasbhuidh d'ar taobhsa.

18 Oir thug iad suaimhneas^d dom' spioradsa, agus d'ar spioradsa : uime sin biadh meas agaibh air an leithidibh sin^e.

19 Tha eaglaisean na h-Asia a' cur failte oirbh. Tha Acuila agus Priscilla, maille ris an eaglais a tha 'nan tigh, a' cur mòr fhàilte oirbh anns an Tighearn.

20 Tha na bràthrean uile a' cur failte oirbh. Cuiribhse failte air a chéile le pòig naomha.

21 Fàilte uamsa Pòl le m'làimh fein.

22 Ma tha neach sam bith nach gràdhaich an Tighearn Iosa Criod, biadh e 'na Anatema, Maranata^f.

23 Gu robh gràs an Tighearna Iosa Criod maille ribh.

24 Mo ghràdhsa maille ribh uile ann an Iosa Criod. Amen.

^a tuchd cur an aghaidh an t-soisgeil. ^b duineil. ^c nearctaichibh sibh féin. ^d fois. ^e aithníchibh an leithide sin. ^f biadh e malluichte gu bràth.

DARA LITIR AN ABSTOIL PHOIL CHUM NAN
CORINTIANACH.

C A I B. I.

3 Tha an t-abstol a' toirt misnich dhoibh an aghaidh thrioblaid thaobh na comhfurtachd agus an fhuasglaidh a thug Dia dhasan 'na uile thrioblaidibh féin, 8 gu sonraichte 'na chunnart san Asia: 12 agus a' gairm an coguis-san, agus a choguis féin chum fianuis gu'n do shearmon-aich e an soisgeul gu tréibhdhireach, &c.

POLO abstol Iosa Criod tre thoil Dé, agus Timoteus ar bràth-air, chum eaglais Dé a ta an Corintus, maille ris na h-uile naoimh a ta ann an Achaia uile:

2 Gràs dhuibhse, agus siòthchaint o Dhia ar n-Athair, agus o'n Tighearn Iosa Criod.

3 Beannuicte gu robh Dia, eadhon Athair ar Tighearna Iosa Criod, Athair nan tròcair, agus Dia na h-uile chomh-fhurtachd;

4 A tha toirt comhfurtachd dhuinne 'nar n-uile àmhghar^g, chum sinne bhi comasach air comhfurtachd a thoirt dhoibhsan a ta ann an àmhghar sam bith, trìd na comhfurtachd leis am bheil sinn féin a' faotainn comhfurtachd o Dhia.

5 Oir mar a ta fulangais Chriosd^h pailt annainne, is amhuil sin a ta ar comhfurtachdne mar an ceudna pailte tre Chriosd.

6 Agus ma tha sinn fuidh àmhghar, is ann air son bhur comhfurtachd agus bhur slàintese, a tha air a h-oibreachadh le sibh a dh'fhlang nam fulangas ceudna, a tha sinne a' fulang: no ma's comhfurtachd dhuinn. is ann chum bhur comhfurtachd agus bhur slàintese.

7 Agus a ta ar dòchas daingean d'ar taobhsa, do bhrigh gu bheil fios agaínn, mar a ta sibh 'nar luchd-comhpait do na fulangasaibh, gu'n bi sibh mar an ceudna do'n chomhfurtachd.

8 Oir cha b'aill leinn, a bhràithre, sibhse bhi ain-fhiosrach mu thimchioll ar n-àmhghair a thachair dhuinne san Asia, gu'n do bhruthadh sinn gu ro mhòr thar ar neart, ionnas gu robh sinn fuidh amharus eadho a mu'r beatha:

9 Ach bha againn binn i ar bàis annainn féin, chum nach biodh againn dòigh annainn féin, ach ann an Dia a dhuisgeas na mairbh:

10 Neach a shaor sinne o bhàs co mòr, agus a ta 'gar saoradh; anns am bheil ar dòchas gu'n saor e sinn fathast:

11 Air dhuibhse bhi a' comh-oibreachadh le chéile ann an ùrnuigh air ar soinne, chum gu tugair buidheachas le mòran air ar soinne, a leth an tiodhlaic a thugadh dhuinne, tré mhòran.

12 Oir is e so ar gairdeachasne, fianuis ar coguis, gur ann an aon-fhillteachd^l agus an tréibhdhireas diadhaidh^m, agus cha'n ann an gliocas feòlmhor, ach ann an gràs Dé, a chaith sinn ar beatha san t-saoghal, agus gu h-àraidh d'ar taobhsa.

13 Oir cha 'n'eil sinn a' scriobhadh nithe sam bith eile d'ar n-ionnsuidhse, ach nan nithe a ta sibh a' leughadhⁿ, no a ta sibh ag aideachadh, agus a ta dùil agam a dh'aidich-eas sibh gus a' chrìoch;

14 Amhuil mar a dh'aidich sibh an càil, gur sinne bhur gairdeachas, mat

^g thrioblaid. ^h fulangais air son Chriosd. ⁱ breth. ^k siompluidheachd.

^m an treibhdhireas a's mò; treibhdhireas Dhé. ^{Gr.} ⁿ a's ailkhne dhuibh.

is sibhse mar an ceudna ar gairdeachasne ann an là an Tighearn Iosa.

15 Agus anns a' mhuinighin so b'aill leamsa teachd d'ar n-ionnsuidh air tús, ionnus gu faigheadh sibhse ath-glárás^o:

16 Agus gabhail uaibhse^P gu Macedonia, agus teachd o Mhacedonia a rís d'ar n-ionnsuidhse, agus a bhi air mo thoirt air m'aghaidh leibhse san t-slige gu Iudea.

17 Uime sin an uair a chuir mi so romham, an do ghnàthaich mi eu-truimeachd^r? no an ann a réir na feòla a ta mi cur romham, na nithe a a chuiream romham, ionnus gu biodh agam seadh, seadh, agus ni h-eadh, ni h-eadh?

18 Ach mar a ta Dia firinneach, cha b'e ar còmhradh ribhse seadh, agus ni h-eadh?

19 Oir Mac Dhé Iosa Criod, a shearmonuicheadh 'nar measgsa leinne, eadhon leamsa, agus le Siluanus, agus le Timoteus, cha robh e 'na sheadh agus 'na ni h-eadh, ach annsan bha seadh.

20 Oir geallanna Dhé uile annsan is seadh iad, agus annsan is amen iad, chum glòire Dhé d'ar taobhne.

21 A nis an ti a dhaingnicheas sinne maille ribhse ann an Criod, agus a dh'ùng sinn, is e Dia:

22 Neach mar an ceudna a chuir seula oirnne, agus a thag dhuinn geall-daingnich^s an Spioraid ann ar cridhish.

23 Ach goiream Dia mar fhianuis air m'anam^t, gur ann chum sibhse a chaomhnadh nach d'thainig mi fathast gu Corintus.

24 Cha'n e gu bheil againne tigh-earnas air bhur creidimhse, ach is luchd-cuideachaidd sinn d'ar n-aoibhneas: oir is ann tre chreidimh a sheasas sibh.

C A I B. II.

1 Air dha an reuson a chur an cèill air son nach d'thainig e d'an ionnsuidh, 6 tha e 'g iarraidh orra maitheanas agus comhfhurtachd a thoirt do'n duine a dhruideadh a

mach leo as an eaglais, 10 eadhon mar a thug e féin mar an ceudna maithetanas da, air son fhòr aithreachais: &c.

A CH chuit mi so romham annam féin, gun teachd a rìs fuidh dhoilgheas d'ar n-ionnsuidh.

2 Oir ma ni mise doilich sibhse, cò e ma ta ni subhach mise ach an ti air an do chuireadh doilgheas leam?

3 Agus scriobh mi an ni so fèm d'ar n-ionnsuidh, chum air dhomh teachd, nach cuirte doilgheas orm leis a' mhuinnitir sin o'm bu choir dhomh aoibhneas fhaotainn, air dhomh bhi muinghinneach asaibh uile, gur e m'aoibhneas bhur n-aoibhneas uile.

4 Oir a trioblaid mhòir agus cràdh cridhe, scriobh mi d'ar n-ionnsuidh le iomadh deur; cha'n ann chum gu'm biodh doilgheas oirbh, ach chum gu'm biodh fios agaibh air a' ghràdh a ta agam gu ro-phailte dhuibh.

5 Ach ma thug neach sam bith aobhar doilgheis, cha do chuir e doilgheas ormsa, ach an cail: chum nach cuirinn ro-uallach oirbh uile.

6 Is leoir d'a leithid sin do dhuine am peanas so, a leagadh air le mòran.

7 Ionnu air an làimh eile, gur mó is còir dhuibh maiteanas agus comhfhurtachd a thoirt da, air eagal gu'm biodh a leithid so do dhuine air a shlugadh suas le anabarra doilgheis.

8 Uime sin guidheam oirbh, gu'n daingnicheadh sibh bhur gràdh dha.

9 Oir is ann chum na cricheadh so a scriobh mi d'ar n-ionnsuidh, chum gu'm biodh fios bhur dearbhaile agam, am bheil sibh ùmhail anns na h-uile nithibh.

10 Ge b'e neach d'an toir sibh maitheanas ann an ni sam bith, bheireamsa mar an ceudna: oir ma thug mise maitheanas ann an ni sam bith, ge b'e d'an d'thug mi am maitheanas, is ann air bhur sonsa thug mi e, am fianuis Chriod^u;

11 Air eagal gu faigheadh Satan an cothrom oirnn le chuilbheartachd:

^o ath-thiodhlacadh. ^P dol bhur Rathadsa. ^r iomluas.

^s earlas. ^t an aghaidh m'anama. ^u am pearsa.

oir cha 'n'eil sinn aineolach air inn-leachdaibh.

12 Os bàrr, 'nuair a thainig mi gu Troas chum soisgeul Chriosd *a shear-monachadh*, agus a dh'fhosgladh dorus dhomh leis an Tighearn,

15 Cha robh fois agam ann mo spiorad, do bhrigh nach d'fhuair mi Titus mo blàrathair: ach air gabhail mo chead diubh, dh'imich mi o sin do Mhacedonia.

14 A nis buidheachas do Dhia, a ta ghnàth a' toirt oirnne buadhachadh ann an Criosd, agus a ta foillseachadh *deadh* àile eòlais féin leinne anns gach aít.

15 Oir tha sinne do Dhia 'nar n-àile cùbhruidh Chriosd, anns an droing a shlànuicheadar, agus anns an droing a sgriosar^a.

16 De'n aon droing *tha sinn 'nar boltrach bàis* chum bàis; agus do'n droing eile, 'nar boltrach beatha chum beatha: agus cò *a ta* foghainteach chum nan nithe so?

17 Oir cha 'n'eil sinne mar mhòran, a thruailleas focal Dé: ach mar o thréibh dhireas, ach mar o Dhia, tha sinn a' labhairt am fianuis Dé ann an Criosd^b.

C A I B. III.

1 *Air eagal gu'n cuireadh luchd-teagaaisg bréige as a leth gu robh e deanamh uaill gu dìomhain, tha e a' nochdadh gu robh gràsa nan Corintianach 'nan aobhar molaidh d' a whinistreileachd.* 6 *Air so tha e a' coimh-shineadh ministeirean an tagha, agus an t-soisgeil r'a chéile, &c.*

AN tùisich sinn a rìs air sinn féin a mhòladh? no am bheil feum againn, mar aig dream àraidi, air litrichibh molaidh d'ar n-ionnsuidhse, no air litrichibh molaidh uaibh?

2 Is sibhse ar litir-ne a ta scriobhta 'nar^c cridhibh, air a h-aithneachadh agus air a leughadh leis na h-uile dhaoinibh;

3 *Air dha bhi follaiseach gur sibh litir Chriosd, a fhrithealadh leinne, a*

tha air a scriobhadh cha'n ann le dubh, ach le Spiorad an Dé bheo; cha'n ann air clàraibh cloiche, ach air clàraibh feòlmhor a' chridhe.

4 Agus tha a leithid so dh'earbsad againne tre Chriosd thaobh Dhé.

5 Cha'n e gu bheil sinn foghainteach uainn féin chum ni sam bith a smuainteachadh^e mar uainn féin: ach is ann o Dhia *a ta* ar foghainteachd;

6 Á rinn sinne mar an ceudna 'nar ministeiribh foghainteach na tiomna-nuaidh^f, cha'n ann do'n litir, ach do'n Spiorad: oir marbhaidh an litir, ach bheir an Spiorad beatha.

7 Ach ma bha ministreileachd^g a bhàis, ann an scriobhadh air a ghearradh^h air clachaibh, glòrmhor, ionnus nach b'urradh clann Israel amhare gu geur air gnùis Mhaois, air son glòire a ghnùise, a chuireadh air cùl;

8 Cionnus nach mò na sin a bhios ministreileachd an Spioraid glòrmhor?

9 Oir ma bha ministreileachd an ditidh glòrmhor, is ro mkò na sin a bheir ministreileachd na fireantachd barrachd ann an glòir.

10 Oir eadhon an ni a rinneadh glòrmhor, cha robh glòir sam bith aige sa' chàs so, thaobh na glòire a ta toirt barrachd.

11 Oir ma bha an ni a chuireadh air cùl glòrmhor, is ro mhò na sin a ta an ni a bhuanaccheas glòrmhor.

12 Uime sin do bhrigh gu bheil againn a shamhail so do dhòchasⁱ, tha sinn a' cleachdadh mòr dhànochd^j cinnte.

15 Agus cha'n 'eil sinn mar Mhaois, a chuir folach air aghaidh, chum nach amhairceadh clann Israel gu geur gu crìch an ni a chuireadh air cùl.

14 Ach dhalladh an inntinn: oir gus an là a' diugh ann an leughadh na seann-tiomnaidh^m, tha'm folach ceudna a' fantuinn gun atharrachadh, ni a chuireadh air cùl ann an Criosd.

15 Ach eadhon gus an là'n diugh

^a a. chaillear. ^b mu Chriosd. ^c ann bhur. ^d do dhòchas. ^e a mheas, a reusonachadh. ^f a' choimhcheangail nuaidh. ^g frithhealadh. ^h ghràbhaladh. ⁱ earbsa. ^j shioilleireachd. ^m an t-seann-tiomnaidh.

'nuair a leughar Maois, tha am folach air an cridhe.

16 Gidheadh 'nuair a philleas e chum an Tighearna, togar am folach dheth.

17 A nis 'se an Tighearn an Spiorad sin: agus far am bheil Spiorad an Tighearna, tha saorsa an sin.

18 Ach air bhi dhuinne uile le aghaidh gun fholach, ag amharc mar ann an sgàthan air glòir an Tighearna, tha sinn air ar n-aitharrachadh chum na h-iomhaighⁿ ceudna, o ghàlair gu glòir, mar le Spiorad an Tighearna.

C A I B. IV.

1 *Tha e cur an céill gu'n do shearmonaich e an soisgeul le dìchioll agus ann an tréibh dhireas; 7 agus cionnus a dh'oibrich na trioblaidean agus an geur-leanmhuinn a dh'fhuiling e air a shon, chum cliu cumhachd Dhé, &c.*

UIME sin air do'n mhinistreil eachd so bhi againn, a réir mar a fhuair sinn tròcair, cha 'n'eil sinn a' fannachadh^o:

2 Ach chuir sinn cùl ri nithibh folaichte na näire^P, gun sinn bhi a' sruabhal ann an ceilg, no a' truailleadh focal Dé, ach le foillseachadh na firinn, 'gar moladh féin do choguis nan uile dhaoine ann an sealladh Dhé.

3 Ach ma ta ar soisgeulne folaichte^r, is ann doibhsan a ta cailte^s tha e folaichte:

4 Anns an do dhall dia an t-saoghail so inntinn na droinge nach 'eil 'nan creidmhich, air eagal gu'n dealraigeadh orra solus soisgeil għolmhoir Chriosd, neach a's e iomhaigh Dhé,

5 Oir cha 'n'eil sinne 'gar searmonachadh féin, ach Iosa Criod an Tighearn; agus sinn féin 'nar seirbhisich dhuibhse air son Iosa.

6 Oir is e Dia a thubhaint ris an t-solus soillseachadh a dorchadas, a dhealraich ann ar cridhibhne, a thoirt soluis eòlais glòire Dhé, ann an gnùis Iosa Criod.

7 Ach a ta an t-ionmhas so againn ann an soithichibh credha, chum gu'm bi oirdheirceas a' chumhachd o Dhia, agus cha'n ann uainne.

8 *Tha sinn fuidh trioblaid air gach taobh, gidheadh clà 'n'eil sinn ann an teanntachd^t; tha sinn ann an iom-chomhairle, gidheadh gun sinn ann an ea-dòchas;*

9 Air ar geur-leanmhuinn, gidheadh gun sinn air ar tréigsinn; air ar tilgeadh slös, gidheadh gun sinn air ar sgrios;

10 A' giùlan a ghlinnàth bàsachaidh an Tighearna Iosa mu'n cuairt, auns a' chorpa, chum gu biodh beatha Iosa mar an ceudna air a deanamh follaiseach ann ar corpne.

11 Oir tha sinne a tha beo, a ghlinnàth air ar toirt chum bàis air son Iosa, chum gu biodh mar an ceudna beatha Iosa air a deanamh follaiseach 'nar feoil bhàsmhoirie.

12 Uime sin tha bàs ag oibreachadh annainne, ach beatha annaibhse.

13 Air dhuinn an spiorad creidimh sin féin a bhi againn, a réir mar a ta e scriobhta, chreid mi, agus uime sin labhair mi: tha sinne a' creidsinn mar an ceudna, agus uime sin tha sinn a' labhairt;

14 Air dhuinn fios a bhi againn, an ti a thog suas an Tighearn Iosa, gu'n tog e sinne suas mar an ceudna trid Iosa, agus gu'n cuir e 'na làthair sinn maille ribhse.

15 Oir tha na h-uile nithe air bhur sonsa, chum gu biodh an gràs a tha saibhir, tre bhuidheachas mhòrain, ro phailte clum glòire Dhé.

16 Uime sin cha 'n'eil sinn a' fannachadh, ach ge do thruallear ar duine o'n leth muigh, gidheadh tha an duine o'n leth stigh air ath-nuadhachadh o là gu là.

17 Oir a ta ar n-àmhghar eutrom, nach 'eil ach rè sealain^u, ag oibreachadh dhuinne trom chudthrom glòire a ta ni's ro anabharraich agus siormhaireannach;

18 Air dhuinn bhi ag amharc cha'n ann air na nithibh a tha r'am faicinn, ach air na nithibh nach 'eil r'am

ⁿ an dealbha, an riochda. ^o a' lagachadh. ^P a' mhaslaidh, na h-easoneoir. ^r fa'fholach. ^s a tha 'gan sgrios féin. ^t cumhaingeachd. ^u tiota, mionaid.

faicinn : eir tha na nithe a chithear, aimsireil ; ach tha na nithe nach faicear, siorruidh.

C A I B. V.

1 *Gu bheil esan an dòchas glòire shiorruidh, agus le sùil ri he, agus ris a' bhreth dheireannaich, a' deanamh dìchill air deadh choguis a choimhead; 12 cha'n ann chum gu deanadh e bòsd as fèin thaobh so, 14 ach mar neach a fhuaire beatha o Chriosd, a ta e dìchiollach chum a bheatha a chaitheadh do Chriosd a mhàin, &c.*

O IR a ta fios againn, nan sgaoil-teadh o chéile ar tigh talmhaidh a' phàilliun so, gu bheil againn aitreabh o Dhia, tigh nach do thogadh le làmhaibh, siorruidh anns 'na nèamhaibh.

2 Oir a ta sinn ri osnaich an so, a' miannachadh bhi air ar n-eudachadh a' le ar tigh o nèamh :

5 O air dhuinn bhi air ar n-eudachadh, nach faighear lomnochd sinn.

4 Oir tha sinne a tha anns a' phàilliun so ri osnaich, air dhuinn bhi fuidh uallaich? ni h-e air son gu'm bu mhiann leian bhi air ar rùsgadh, ach air ar n-eudachadh, chum gu bi bàsmhorachd air a slugadh suas le beatha.

5 A nis an ti a dh'oibrich sinne chum so féin, is e Dia e, a thug dhuinne mar an ceudna geall-daing-nich b' an Spioraid.

6 Uime sin *tha sinne a' ghnàth deadh-mhisneachail, air dhuinn fios a bhi againn am feadh a ta sinn aig an tigh sa' cholunn, gu bheil sinn air choigrich o'n Tighearn :*

7 (Oir a ta sinn a' gluasad^c a réir creidimh, agus cha'n ann a réir seallaidh.)

8 Tha deadh mhisneach againn, agus bu ròghnuiche leinn gu mòr bhi air choigrich as a' cholunn, agus a bhi làthair maille ris an Tighearn.

9 Uime sin a ta sinn a' deanamh ar dìchill, chum cò aca bhios sinn a làthair no air choigrich, gu'm bi sinn taitneach dhasan.

10 Oir is éigin duinn uile bhi air ar nochdadh an làthair caithir-breith-eanais Chriosd ; chum gu faigh gach neach na nithe a rinn e sa' cholunn, a réir an ni a rinn e, ma's maith no olc e.

11 Uime sin air dhuinn fios a bhi againn air uamhas an Tighearna, tha sinn a' cur impidh air daoinibh ; ach a ta sinn follaiseach do Dhia, agus tha dòchas agam mar an ceudna gu bheil sinn air ar deanamh follaiseach ann bhur coguisibhse.

12 Oir cha'n eil sinn 'gar moladla féin a ris dhuibhse, 'ach a ta sinn a' toirt fàthd uaill dhuibh d'ar taobh, chum gu bi freagradh agaibh dhoibhsan a tha deanamh uaill ann an gnùis, agus ni h-ann an cridhe.

13 Oir ma tha sinn a dh'easbhuidh céille, is ann do Dhia : agus ma ta ar ciall againn, is ann duibhse.

14 Oir a ta gràdh Chriosd 'gar coimh-éigneachadh, airdhuinn breith-neachadh mar so, ma' fhuair a h-aon bàs air son nan uile, gu'n robh na h-uile marbh :

15 Agus gu'n d'fhuair e bàs air son nan uile, chum iadsan a ta beo, nach biodh iad a so suas beo dhoibh féin, ach dhasan a dh'fhuiling am bàs air an son, agus a dh'éirich a ris.

16 Uime sin, cha'n aithne dhuinn a so suas aon duine a réir na feòla : seadh, ge b'aithne dhuinn Criosd a réir na feòla, gidheadh a nis cha'n aithne dhuinn e ni's mó.

17 Uime sin ma ta neach sam bith ann an Criosd, is creutair nuadh e : chaidh na seann nithe seach, feuch, rinneadh na h-uile nithe nuadh.

18 Agus is ann o Dhia a ta na h-uile nithe, neach a rinn sinne réidh ris féin tre Iosa Criosd, agus a thug dhuinn ministreileachd na réite ;

19 Eadhon, gu robh Dia ann an Criosd a' deanamh an t-saoghal réidh ris féin, gun bli a' meas an cionta dhoibh ; agus dh'earb e ruinne^e focal na réite.

20 Uime sin is teachdairean sinn air son Criosd, mar gu cuireadh Dia impidh leinne : tha sinne a' guidh-

^a cluth-eudachadh, còmhachadh. ^b earlas. ^c a' gluasad, ag imeachd, a' siubhal. ^d cotlrom. ^e chuir e annaine. Gr.

eadh oirbh as uchd^f Chriosd, bithibh réidh ri Dia.

21 Oir rinn se esan da nach b'athne peacadh, 'na lobairt pheacaidh air ar soinne; chum gu bitheamaid air ar deanamh 'nar fíreantachd Dhé annsan.

C A I B. VI.

1 Gu'n do dhearbh se e féin 'na mhinisteir fírinneach do Chriosd, araon le earailbh, 5 agus le ionracas a bheatha, 4 agus leis gach gnè trioblaid agus maslaidh fhulang gu foighidneach air son an t-soisgeil: 10 umpa so tha e labhairt gu dàna riu, chionn gu bheil a chridhe fosgaillte dhoibh; 15 agus tha dùil aige ris an aigne cheudna uatha; &c.

UIME sin tha sinn mar chomh-oibricean leis-san, a' guidheadh oirbh, gun sibh a' ghabhail gràis Dé an diomhanas:

2 (Oir a deir e, Ann an àm taitneach dh'éisd mi riut, agus ann an là slàinte rinn mi còmhnidh leat: feuch, a nis an t-àm taitneach; feuch, a nis là na slàinte.)

3 Gun bhi tabhairt aobhair oilbheim air bith ann an aon ni, chum nach faigheadh a' mhinistreileachd g-mi-chliu:

4 Acli anns gach ni 'gar dearbhadh féin mar mhinisteiribh Dhé, ann am mòr fhoighidin, ann an àmhgharaibh, ann an uireasbuidh, ann an teann-tachdaibh,

5 Ann am buillibh, ann am prios-unaibh, ann an luasgadh o àit gu h-àit, ann an saothair, ann am faire, inn an trosgaibh,

6 Ann am fior-ghloine, ann an èolas, ann am fad-fhulangas, ann an caoimhneas, anns an spiorad naomh, ann an gràdh gun cheilg,

7 Ann am focal na firinn, ann an cumhachd Dhé, le airm na fíreanachd air an làimh dheis agus chlì,

8 Tre urram agus eas-urram, tre nhì-chliu agus dheadh-chliu: mar nealltaribh, gidheadh fírinneach;

9 Mar dhroing nach aithnichear, gidheadh air am bheil deadh aithne;

^f air son, an àit. ^g [ar] ministreileachd, [ar] frithealadh, ^h leis an Spiorad naomh. i dealbhaibh.

mar dhroing a ta faghaf a' bhais, gidheadh feuch, tha sinn beo; mar dhroing a smachdaichead, agus gun am marbhadh;

10 Mar dhroing a ta brònach, gidheadh a ghnàth a'deanamh gairdeachais; mar dhaoine bochda, gidheadh a ta deanamh mòrain saibhir; mar dhaoine aig nach 'eil ni sam bith, gidheadh a' sealbhachadh nan uile nithe.

11 Tha ar beul-ne fosgailte dhuibhse, O a Chorintianacha, tha ar cridhe air a dheanamh farfuing.

12 Cha 'n'eil sibh ann an cumhangachd annainne, acli tha sibh ann an cumhangachd ann bhur n-innibh féin.

13 A nis mar ath-dhìoladh san nì-sin féin, (labhram mar ri m' chloinn) bithibhse farsuing mar an ceudna.

14 Na cuing-cheanglar gu neo-chothromach sibh maille ri mìchreidmhich: oir ciod e caidreabhl na fireantachd ri neo-fhíreantachd? agus ciod e commun an t-soluis ris an dorchadas?

15 Agus ciod an réite a ta aig Chriosd ri Belial? no ciod i cui'd a' chreidmhich, maille ri anacreideach?

16 Agus ciod a' choimh-réite a ta aig teampull Dé ri h-ìodholaibh? oir is sibhse teampull an Dé bheo; a réir mar a thubhairt Dia, Gabhaidh mise còmhnuidh annta, agus gluaisidh mi 'nam measg; agus bithidh mise a'm' Dhia acasan, agus bithidh iadsan 'nan sluagh agamsa.

17 Uime sin thigibh a mach as am meadhon, agus dealaichibh riu, deir an Tighearn, agus na beanabhlis an ni neo-ghlan; agus gabhaidh mise a m' ionnsuidh sibh,

18 Agus bithidh mi a'm' Athair-dhuibh, agus bithidh sibhse 'nar mic agus 'nar nigheanaibh dhomhsa, deir an Tighearn uile-chumhachdach.

C A I B. VII.

1 Tha e 'gan earalachadh chum gloine beatha, 2 agus chum an inntinn bhi aca dhasan a ta aige dhoibh; 3 air eagal gu saoilte gu'n robh e

II. C O R I N T.

cúr so an amharus, tha e' cur an céill doibh meud a' chomhfhurtachd a' shuair e 'na thrioblaidibh, o'n sgeul a thug Titus dha air a bhrón diadhaidh, a rinn an litir a chuir e d'an ionnsuidh roimhe oibreachadh annnta, &c.

UIME sin, a mhuinnitir mo ghráidh, air dhuinn na geallanna so bhi againn, glanamaid sinn féin o gach uile shalachar feòla agus spioraid, a' coimhlionadh naomhachd ann an eagal Dé.

2 Gabhaibh ruinne: cha d'rinn sinn eucoir air aon duine, cha do thruaill sinn aon duine, cha do mheall sinn aon duine.

3 Cha'n ann chum bhur dítidh a labhram so: oir thubhairt mi roimhe, gu bheil sibh ann ar cridhiblone chum bàsachadh maille *ribh*, agus a bhi beo maille *ribh*.

4 Is mòr mo dhànanachd cainnte d'ar taobhsa, is mòr m'uail as bhur leth: lònadh le comhfhurtachd mi, tha mi thar tomhas aoibhneach ann ar n-uile àmhgar-ne.

5 Oir an uair a thainig sinn gu Macedonia, cha d'fhuair ar feòil fois sam bith, ach bha sinn fuidh àmhgar air gach taobh; an leth am muigh *bha* còmhraig, an leth a stigh *bha* eaglai:

6 Ach, an Dia a bheir comhflurtachd doibhsan a tha air an leagadh sios, thug é comhfhurtachd dhuinne le teachd Thituis:

7 Agus ni h-e le a theachdsan a mhàin, ach mar an ceudna leis a' chomhfhurtachd a' fhuair esan uaibhse, 'nuair a chuir e an céill duinn bhur dian-thogradh, blur caoidh^m, bhur teas-ghrádh dhomhsa; air chor as gur mòid a riñn mi gairdeachas.

8 Oir ge do chuir mi doilgheas oirbh leis an litir, cha 'n'eil aithreachas orm, ge do bha aithreachas orm: oir tha mi facinn gu'n do chuir an litir sin doilgheas oirbh, ge nach do rinn i so ach rè tamuill.

9 A nis tha gairdeachas orm, cha'n ann air son sibh a bhi doilich, ach gu roibh sibh doilich chum aithreachaisⁿ: oir bha doilgheas oirbh air mhodh

diadhuidh, chum nach d'thigeadh call oirbh ann an aon ni d'ar taobhne.

10 Oir oibrichidh am bròn diadhaidh aithreachas chum slàinte do nach gabhar aithreachas: ach oibrichidh doilgheas an t-saoghail bàs.

11 Oir feuch, an ni so féin doilgheas diadhuidh bhi oirbh, ciod e meud an dùrachd a' dh'oibrich e annaibh, seadh, ciód an glanadh oirbh féin^o, seadh, ciód an ro-dhom, seadh, ciód an t-eagal, seadh ciód an dian-thogradh, seadh, ciód an t-eud, seadh, ciód an togradh dioghaltais? anns gach ni dhearbh sibh sibh féin bhi glan sa' chùis so.

12 Uime sin ge do scríobh mi d'ar n-ionnsuidh, cha b'ann air a shonsan a rinn an eucoir, no air a shonsan air an d'rinneadh an eucoir, ach a chum gu foillsichte dhuibh ar càrnanne mu'r timchiolls' am fianuis Dé.

13 Uime sin fhuair sinn comhfhurtachd air son bhur comhfhurtachd: seadh, bu ro mhò a rinn sinn gairdeachas, air son gairdeachais Thituis, do blàrigh gu'n d'fhuair a spiorad suaimhneas uaibhse uile.

14 Oir ma rinn mi bòsd^p sam bith risean asaibhse, cha 'n'eil näire orm; ach mar a labhair sinn n-a-uile nithe am fìrinn ribhse, is amhui sin a' fhuaranadh fìrinneach ar bòs asaibhse ri Titus.

15 Agus a ta dùrachd a chridhesan ni's pailte d'ar taobhsa, air dha bhi a cuimhneachadh bhur n-ùmhach uile, mar a ghabh sibh ris le h-eage agus ball-chrit.

16 Uime sin tha gairdeachas orm gheil dànamachd agam asaibh anns gac ni.

C A I B. VIII.

- 1 *Tha e'gam brosnachadh gu tione seirceil a dheanamh air son na naomh bochda ann an Ierusalen le eisempleir nam Macedonach, le moladh an dian thograidh a bhaca féin roimhe, 9 le eisemple. Chríosd, 14 agus leis an tairbi spioradail a thigeadh dhoibh féi o'n tabhartas sin: &c.*

¹ uamhunn. ^m bròn. ⁿ a tharrachadh inntinn. ^o an saoradh, an leithsgéul. ^p uail, mordhail.

A NIS, a bhràithre, tha sinn a' teirt fios duibh air gràs Dé, a a thugadh do eaglaisibh Mhacedonia:

2 Eadhon gu'n robh, ann am mòr dhearbhadh àmhghair, pailteas an aoibhneis, agus doimhne am bochd-uinn, ro phailte chum saibhris am fialuidheachd^r.

3 Oir (bheiream fianuis) gu robh iad uatha fein toileach a réir an comais, seadh, thar an comas:

4 A' guidheadh oirnne gu dùrachdach, gu'n gabhamaid an tiodhlac, agus comh-roinn an fhrithealaidh do na-naomhaibh.

5 Agus ni h-ann mar a shaoil sinne^s, ach thug siad iad fein air tùs do'n Tighearn, agus 'na dhéigh sin dhuinne a réir toil Dé:

6 Air-chor as gu'n do chuir sinn impidh air Titus, a réir mar a thòisich e roimhe, mar sin gu'n crìoch-naicheadh e annaibhse an gràs^t sin fein mar an ceudna.

7 Uime sin mar a ta sibh pailte anns gach uile ni, ann an creidimh, ann an ùr-labhradh, agus ann an eòlas, agus ann an uile dhìchioll, agus ann bhur gràdh dhuinne, bithibh pailte anns a' ghràs so mar an ceudna.

8 Ni'n labhram so mar aithne, ach a thaobh dùrachd dhaoin' eile, agus a dhearbhadh tréibhdhireis bhur graidh-se.

9 Oir is aithne dhuibh gràs ar Tighearna Iosa Criod, ge do bha e saibhir, gidheadh gu'n d'rinneadh bochd e air bhur sonsa, chum gu biodh sibhse saibhir trèd a bhochd-iunnsan.

10 Agus anns an ni so bheiream no chomhairle: oir a ta so tarbhach^u ilhuibhse, a thòisich roimhe, cha'n e nhàin air deanamh, ach air a bhi ogarrach o cheann bliadhma.

11 A nis air an aobha sin coimhionainn an gnàomha^a; ionnus mar a' ha sibh ullamh chum na toile, mar sin gu'm bi sibh ullamh chura coimhionaidh as na bheil agaibh.

12 Oir ma bhios air tùs inntinn hoileach ann, gabhar ris a réir mar

a ta aig neach, agus ni h-ann a réir nan nithe nach 'eil aige.

13 Cha'n ann chum gu'm biodh socair aig daoin' eile, agus àmhghar agaibhse.

14 Ach a' thaobh coimh-cheartais, chum san àm so nis gu'm bi bhur pailteas-sa 'na choimh-leasachadh air an uireasbhuidhsan, agus mar an cèidna chum gu'm bi am pailteasan 'na choimh-leasachadh air bhur n-uireasbhuidhse, air chor as gu'm bi coimh-cheartas eadruibh,

15 A réir mar a ta e scriobhta, An ti a thionail mòran, cha robh anabarr aige; agus an ti a thionail beagan, ach robh easbhuidh air.

16 Ach buidheas do Dhia, a chuir an càram dùrachdach sin fein d'ar taobhsa ann an cridhe Thituis.

17 Oir gu deimhlin ghabh e ris an impidh, ach air dha bhi ni bu togarr-aiche, chaidh e d'a thoil fein d'ar n-ionnsuidh.

18 Agus chuir sinne maille ris am bràthair, aig am bheil a chliu san t-soisgeul, feadh nan eaglais uile:

19 (Agus cha'n e so a mhàin, ach thaghadh e leis na h-eaglaisibh mar an ceudna mar chompanach turuis dhuinne, leis an tiodhlac so a fhrith-ealadhi leinne chum glòire an Tighearna sin fein, agus chum foillseachaidh bhur n-inntinn ullamhsa.)

20 A' seachnadh so, nach tugadh neach air bith mi-chliu dhuinne thaobh a' phailteis so a fhrithealadh leinne:

21 Air dhuinn bhi solarachadh nithe ciatfach, cha'n e mhàin am fianuis an Tighearna, ach mar an ceudna am fianuis dhaoine.

22 Agus chuir sinn maille riu ar bràthair, a dhearrbh sinn gu minic dùrachdach am mòran do nithibh, ach a nis ni's ro dhùrachdaiche, thaobh an ro-earbsa ta aige^b asaibhse.

23 Ma dh'fhiosraicheadh ni sam bith mu Thitus, is e mo chompanachsa e, agus mo chomh-oibrich d'ar taobhsa: no mu thimchioll nam braithre, is iad teachdairean nan eaglais, agus glòir Chriod.

^r an daonnachda. ^s a bha dòchas againne. ^t tiodhlacadh. ^u iomchubh-aidh. ^a an deanamh. ^b agam.

24 Uime sin nochdaibh dhoibhsan, agus am fianuis nan caglais, dearbhadh bhur gràidhsa agus ar n-uaillne d'ar taobh.

C A I B. IX.

1 *Tha e g' innseadh an reusoin air son, ge do b'aithne dha am mòr thoghradh féin, an do chuir e Titus agus na bràithre roimh-làimh d'an ionnsuidh g'am brosnachadh gu déirc a thabhairt gu pailte, do bhrigh gur gné shìol-chuir iad, 10 a bheir bàrr pailte dhoibh féin, 15 agus aobhar irobairt mòr mholaidh do Dhia.*

O IR a thaobh frithealaidh do na naomhaibh, is neo-fheumail dhomhsa, scriobhadh d'arn-ionnsuidh.

2 Oir is aithne dhomh togarrachd bhur n-inntinn, as leth an deanam uailt asaibhse ris na Macedoniaich, ag ràdh, Gu robh Achaia ullamh o cheann bliadhna; agus bhrosnaich bhur n-eudsra ro-mhòran.

3 Gidheadh chuir mi na bràithre d'ar n-ionnsuidh, air eagal gu'm biodh ar uailt asaibh diomhain sa' chùis so; chum, mar a thubhairt mi, gu'm biodh sibh ullamh:

4 Air eagal ma thig na Macedoniaich maille rium, agus gu'm faigh iad sibhse neo-ullamh, gu'm bi làire oirnne (gun a ràdh oirbhise) a dànapas na h-uaill so.

5 Uime sin bħreithnich mi gu'm b'fheumail impidh chur air na bràithribh, iad a dhol air tùs d'ar n-ionnsuidhse, agus bhur tabhartas air an do labhradh ribh roimhe, a dheanamh deas, chum gu'm biodh sin ullamh, mar thiodhlac^c, agus cha'n ann mar ni a dh'aindeoin.

6 Ach so deiream, An ti a chuireas gu gann, buainidh e gu gann mar an ceudna; agus an ti a chuireas gu pailte, buainidh e gu pailte mar an ceudna.

7 Thugadh gach duine seachad a réir rùin a chridhe; na b'ann an doilgheas, no le h-éigin: oir is toigh le Dia an neach a bheir seachad gu suilbir.

8 Agus is comasach Dia air gach gràs a dheanamh ro phailte dhuibhse, chum air dhuibh anns gach uile ni

làn leoир a bhi agaibh à ghnàth, gu'm biodh sibh pailte chum gach deadh obre.

9 (A réir mar a ta e scriobhta, Sgoil e a chuid; thug e do na bochdaidh: mairidh fhìreantachd a choidhch.)

10 A nis an ti a bheir sìol do'n fhear-cuird, agus aran chum bìdh, gu tugadh e agus gu meudaicheadh e bhur curachdsa, agus gu tugadh e do thoradh bhur fìreantachd fàs.)

11 Air dhuibh bhi air bhur deanamh saibhir anns gach uile ni chum gach uile thabhartais, ni a dh'oibrich-eas leinne breith-buidheachais do Dhia,

12 Oir a ta frithealadh na seirbhise, cha'n e mhàin a' leasachadh uireasbhuidh nan naomh, ach a ta e mar an ceudna pailte tre mhòran breith-buidheachais do Dhia;

13 (Air dhoibh bhi tre dhearbhadh an fhrithealaidh-sa a' toirt glòire do Dhia air son bhur n-ùmhachd do shoisgeul Chriosd a réir bhur n-aídheil, agus air son bhur tabhartais dhaonnachdaich^e dhoibhsan, agus do na h-uile dhaoinibh.)

14 Agus trèd an ùrnuigh air bhur sonsa, aig am bheil mòr dhéidh oirbh air son gràis Dé a ta ro phailte annaibh.

15 Buidheachas do Dhia air son a thiodhlaic do-labhairt^f.

C A I B. X.

1 *An aghaidh nan abstol bréige, a bha deanamh tàir air an muinn-eachd a phearsa agus air a làthair chorporra, tha e cur an céill an neart agus an t-ùghdairas spioradail sin leis an d'armaicheadh e an aghaidh cumhachda a naimhdean uile; 7 a' toirt cinnte dhoibh, air dha teachd, gu'm faigheadh iad e co chumhachdach ann am focal agus a ta e nis ann an scriobhadh, agus e as an làthair: &c.*

A NIS tha mise féin Pòl a' guidh-eadh oirbh, tre mhacantas agus shèimheachd Chriosd, neach air dhomh a bhi làthair a ta lòsal 'nar

^c ghean-maith. ^d do'n t-sioladar. ^e fhialuidh. ^f do-chur-an-céill.

measg, ach air dhiomh a bhi uaibh a ta dàna oirbh.

2 Ach iarrám oirbh *dh'athchuinge*, gun sibh a thoirt orm an uair a bhios mi làthair, bhi dàna, leis a' mhuin-gings leis an saoilear mi bhi dàna 'n aghaidh droinge àraidh a tha toirt meas oirnne, mar gu bitheamaid ag imeachd a réir na feòla.

3 Oir ge do tha sinn ag imeachd^h anns an fheòil, cha'n ann a réir na feòla ta sinn a' cogadh:

4 (Oir ar n-airm chogaidh ni'm feòlmhor iad, ach cumhachdach o Dhia chum daingnichean a leagadh.)

5 A' tilgeadh sìos reusonachaидh, agus gach ni àrd a dh'àrdaicheas e fèin an aghaidh eòlais Dé, agus a' toirt am braighdeanas gach smuainteach chum ùmhachd Chriosd :

6 Agus dioghaltas ullainh againn r'a dheanamh air gach uile easumh-lachd, 'nuair a choimhlionar bhur n-ùmhachdса.

7 An amhaire sibh air nithibh a réir an coslais? ma tha dochasi aig aon neach as fèin, gur le Chriosd e, smuainicheadh e so a rìs uauth fèin, mar is le Chriosd esan, gur le Chriosd sinne mar an ceudna.

8 Oir ge do' dheanainn càileigin ni's mó dh'uaili as ar cumhachdne, (a thug an Tighearna dhùinn chum fèghluim^l, agus cha'n ann chum bhur sgrios-sa) cha bhiodh näire orm:

9 Chum nach measar mi mar gu'm bithinn a' cur eagail oirbh le litrichibh.

10 Oir a ta a litrichean (a deir iadsan) cudthromach agus làidir, ach a ta a làthaireachd chorporra an-mhunn^m, agus a chainnt taireil.

11 Smuainicheadh a leithid sin do dhuine so, mar a ta sinne ann am focal tre litrichibh, agus sinn as làthair, mar sin gu'm bi sinn ann an gnìomh, air dhuinn a bhi làthair.

12 Oir cha 'n'eil a dhàndadasⁿ againne sinn fèin a chur an àireamh, no a choimeas ri dream àraidh a mholas iad fèin: ach air dhoibhsan bhi 'gan tomhas fèin eatorra fèin,

agus 'gan coimeas fèin riu fèin, cha 'n'eil iad glie.

13 Ach cha dean sinne uaill a nithibh a tha thar ar tomhas, ach a réir tomhais na riaghail^o a roinn Dia dhuinne, eadhòn tomhas a ruigeas oirbhise.

14 Cha 'n'eil sinne 'gar sìneadh fèin thar ar tomhas, mar nach ruigeamaid sibhse; oir thainig sinn eadhòn chugaibhse^p, le soisgeul Chriosd :

15 Gun sinn a bhi deanamh uaill a nithibh a ta thar ar tomhas, eadhòn a saothairibh dhaoin' eile; ach a ta dòchas againn, 'nuair a mheudaich-ear bhur creidimhse, gu'm faigh sinn farsaingeachd gu pailte annaibh a réir ar riaghailne,

16 Chum an soisgeul a shearmonachadh anns na h-ionadaibh an taobh thall duibhse, agus cha'n ann chum uaill a dheanamh ann an riaghail duin' eile, a nithibh a ta ullamh a chéana.

17 Ach an ti a ni uaill, deanadh e uaill anns an Tighearn.

18 Oir cha'n e an ti a mholas e fèin a tha ionmholtar, ach an ti a mholas an Tighearn.

C A I B. XI.

1 *Tre ro-nheud a chìraim do na Corintianaich, d'an robh e'n coslas tuilleadh spéis thoirt do na h-abstolaibh bréige na dhasan, tha e a' tòiseachadh dh'aindeoin ri e fèin a mhòladh, 5 ag innseadh nach robh e a bheag goirid air na h-abstoil bu nhò, 7 gu'n do shearmonaich e an soisgeul dhoibh gu saor, 13 a' nochdadh nach robh e a bheag a dheidh-làimh air an luchd-oibre chealgach sin, thaobh aon sochair a bhuiねadh do'n lagh, &c.*

B'FHEARR leam gu'n giùlaineadh sibh beagan le m' amaideachd; agus da rìreadh giùlainibh leam.

2 Oir a ta mi eudmhor umaibh le h-eud diadhuidh: oir rinn mi ceangal pòsaidh eadar sibh agus aon fhear, chum bhur cur mar òigh fhìor-ghloin an làthair Chriosd.

3 Ach a ta eagal orm, air dòigh

^g mhisnich, urrasachd. ^h gluasad, siubhal. ⁱ earbsa. ^l togail suas.
^m lag. ⁿ a mhisnich. ^o riaghailt. ^p thugaibhse. ^r dearbhta.

sam bith, mar a mheall an nathair Eubha leis a cuilbheartachd, mar sin gu'n truailllear bhur n-inntinnse o'n aon-fhillteachd a ta ann an Chriosd.

4 Oir nan deanadh an neach a thig Iosa eile a shearmonachadh nach do shearmonaich sinne, no nam faigh-eadh sibhse spiorad eile, nach d'fhuair sibh, no soisgeul eile ris nach do ghabh sibh, dh'fheudadh sibh gu maith giùlan *leis*.

5 Oir is i mo bharailse nach robh mi a bheag goirid air na h-abstolaibh a b'airde.

6 Ach ge do tha mi neo-fhòghluimte ann an cainnt, gidheadh cha'n-eil mi mar sin ann an eòlas; ach rinneadh sinn làn-fhollaiseach anns na h-uile nithibh 'nar measgsa.

7 An d'rinn mi cionta le mi féin isleachadh chum gu'm biodh sibhse air bhur n-àrdachadh, no a chionn gu'n do shearmonaich mì soisgeul Dé a nasgaidh dhuibh?

8 Chreach mi eaglaisean eile, a' gabhail tuarasail *uatha*, chum seirbhí is a dheanamh dhuibhse.

9 Agus an uair a bha mi làthair maille ribhse agus uireasbhuidh orm, cha do leig mi mo-throm air duine sam bith: oir leasaich na bràithrean, a thainig o Mhacedonia m'uireasbhuidh: Agus anns na h-uile nithibh choimhidh mi mi féin o m' throm a leigeadh oirbhse, agus coimhididh.

10 Mar a ta firinn Chriosd annam, cha chumar an uailloch so uam ann an crìochainbh na h-Achaia.

11 C'ar son? An ann a chionn nach 'eil gràdh agam dhuibh? Tha fios aig Dia.

12 Ach an ni a ta mi deanamh, ni mi fathast e, chum gu toir^s mi air falbh cionfàth^t uathasan le'm bu mhiann cionfàth fhaotainn, chum anns an ni as am bheil iad a' deanamh uailloch, gu faighearr iad eadhon mar sinne.

13 Oir is ann d'an leithidibh sin a ta abstola bréige, luchd-oibre cealgach, 'gan cur féin ann an cosamhlachd abstola Chriosd.

14 Agus cha'n iongantach sin: oir cuirear Satan féin an cruth^u aingil soille.

^s gearr. ^t cothrom. ^u riochd.

15 Uime sin cha ni mòr e ge do chuirear a mhinisteirean mar an ceudna ann an cruth mhinisteirean na fireantachd; aig am bi an crìoch dheireichannach a réir an oibre.

16 A deiream a rìs, Na measadh aon neach gur amadan mi; no fòs, gabhaibh rium mar amadan féin, chum gu'n dean mi beagan uailloch asam féin.

17 An ni a labhram, ni h-ann a réir an Tighearna a labhram e, ach mar gu b'ann gu h-amaideach anns an dàmadas uaille so.

18 Do bhrigh gu bheil mòran a' deanamh uailloch a réir na feòla, ni mise uailloch mar an ceudna.

19 Oir giùlánidh sibh gu toileach le amadanibh, do bhrigh gu bheil sibh féin glic.

20 Oir fuilgidh sibh ma bheir neach an daorsa sibh, ma dh'itheas^a neach sibh, ma bheir neach bhur cuid dhibh, ma dh'àrdaicheas neach e féin, ma bhuailleas neach air an aghaidh sibh.

21 Labhram thaobh eas-urrain, mar gu'm bitheamaid anmhunn: ach, ge b'e ni anns a' bheil neach air bith dàna, (labhram gu h-amaideach) a ta mise dàna ann mar an ceudna.

22 An Eabhruch iad? mar sin tha mise mar an ceudna: An Israel-ich iad? mar sin tha mise mar an ceudna: An sliochd do Abraham iad? mar sin tha mise mar an ceudna:

23 Am ministeirean do Chriosd iad? (labhram mar dhuine mi-chéillidh) ataimse os an ceann san ni so: ann an saothairibh ni's pailte, ann am buillibh ni's ro mhòb, am priosunainbh ni's trice, am bàsaibh gu minic.

24 Fhuair mi o na h-Iùdhachaibh cùig uairean dà fhichead buille ach a h-aon.

25 Ghabhadh le slataibh orm tri uairean, chlachadlı mi aon uair, dh'fhuiling mi long-bhriseadh tri uairean; là agus oidliche bha mi sandoimhne:

26 Ann an turusaibh gu minic, ann an gàbha aimhnichean, ann an cunnartaibh fhear-reubainn, ann an

^a chlaoidheas. ^b thar tomhas.

cunnartaibh o m' chinneach féin, ann an cunnartaibh o na Cinneachaibh, ann an cunnartaibh sa bhaile, ann an cunnartaibh san fhàsach, ann an cunnartaibh san fhairge, ann an cunnartaibh am measg bhràithre breugach^c;

27 Ann an saothair agus sgiosd, am fairibh gu minic, ann an ocras agus tart, an trosgaibh gu minic, am fuachd agus an lom-nochdaidh.

28 A bhàrr air na nithibh a ta an leth muigh, an ni a ta teachd orm gu lathail, ro-chùram nan eaglais uile.

29 Cò a ta lag, agus nach 'eil mise lag? cò a ta faotainn oilbheim, agus nach 'eil mise a' losgadh?

30 Ma's éigin domh uaill a dheanamh, is ann as na nithibh a bhuineas do m' anmhuinneachd a ni mi uaill.

31 Tha fios aig Dia, eadhon Athair ar Tighearna Iosa Criod, a tha beannuicte gu siorruidh, nach 'eil mi deanamh bréige.

32 Ann an Damascus chuir uachdar-an a phobuill fuidh Aretas an righ, freiceadan air baile nan Damasceneach, ann an rùn mise a ghlacadh:

33 Ach tre uinneig leigeadh sios ris a' bhalla mi ann an cliabh, agus chaidh mi as a làmhaibh.

C A I B. XII.

1 Chum abstolachd a mholadh, ge d'fheudadh e uaill a dheanamh as a thaisbeinibh iongantach, 9 gidheadh is fearr leis uaill a dheanamh as anmhuinneachd; tha e faotainn croin doibh a chionn gu'n d'éignich iad e chum na h-uaille dhomhain so: 14 a' gealltunn teachd a' ris d'an ionnsuidh: &c.

G U deimhin cha 'n'eil e iom-chuidh dhomhsa uaill a dheanamh: ach thig mi chum seallanna agus taisbeana an Tighearna.

2 Baithne dhomh duine ann an Criod ceithir-bliadhna-deug roimhe so (ma's anns a' choluinn, ni'm fios domh; no as a choluinn, ni'm fios domh; aig Dia a ta fios) a leithid sin do dhuine thogadh chum an treas néamh.

3 Agus b'aithne domh a leithid sin do dhuine (ma's anns a' choluinn, no as a' choluinn, ni'm fios domh: aig Dia a ta fios:)

4 Gu'n do thogadh suas e gu pàras, agus gu'n cual e briathra do-labhairt nach feud duine a' labhairt e.

5 Ma' leithid sin do dhuine ni mi uaill: ach asam féin cha dean mi uaill, mur dean mi a m' anmhuinneachdaibh^f.

6 Oir ge do b'àill leam uaill a dheanamh, cha bhi mi a'm' amadan; oir labhraidh mi an fhìrinn: gidheadh a ta mi a' cumail orm fein, air eagal gu'm bi meas aig duine dihom thar mar a ta e 'gam fhaicinn, no a' cluinnntinn umam.

7 Agus air eagal gu'm bithinn air m'àrdachadh thar tomhas, tre ro-mheud nan taïsbean, thugadh dhomh sgolb san fheoil, teachdaire Shatain chum gu'm buaileadh e mi^g, air eagal gu'm bithinn air m'àrdachadh thar tomhas.

8 Air a shon so ghuidh mi an Tighearn tri uairean, gu'n imicheadh so uam.

9 Agus thurbhairt e rium, Is leoир mo ghràs-sa dhuit: oir a ta mo chumhachd air a dheanamh fairfe ann an anmhuinneachd. Uime sin is ro thoiliche a ni mi uaill a' m' anmhuinneachdaibh, chum gu'n gabh cumhachd Chriod còmhnuidh orm.

10 Uime sin tha mi gabhail tlachd ann an anmhuinneachdaibh, am maslaibh, ann an uireasbhuidhibh, ann angeur-leanmhuinnibh, ann an team-tachdaibh^h air son Chriod: oir an uair a ta mi lag, an sin a ta mi làidir.

11 Rinneadh a'm' amadan mi le uaill a dheanamh; dh'éignich sibhse mi: oir bu choir dhomh bhi air mo mholadh leibhse: oir cha robh mi bheag sam bith fuidh na h-abstolaibh a's airde, ge nach 'eil annam ach neo-ni.

12 Gu deimhin dh'oibricheadh comharan abstoil ann bhur measgsa anns gach uile fhoighidin, ann an

^c fallsa, mealltach. ^d sgios agus briseadh-cridhe. ^e nach urradh duine a labhairt. ^f laigsibh. ^g chum gabhail le dornaibh orm. ^h trioblaidibh, aindeisibh.

comharaibh agus an iongantasalbh, agus an cumhachdaibh i.

13 Oir ciod an ni anns an robh sibh ni bu lugha na eaglaisean eile, mur e nach do leig mi féin mo throm cirbh? thugaibh maitheanas domh san eucoir so.

14 Feuch, a ta mi ullamh anis an treas uair gu teachd d'ar n-ionnsuidh; agus cha chuir mi mo throm oirbh; oir cha'n e bhur cuid a tha mi 'g iarraidh, ach sibh féin: oir cha 'n'eil e dh'fhiachaideh air a' chloinn ionnhas a chruinneachadh fa chomhair nam páronta, ach air na párontaibh fa chomhair na cloinne.

15 Agus is ro thogarrach a ni mise caitheadh agus a chaithearr mi air son bhur n-anaimasa, ge mar is ro phailte a ta gràdh agam dhuibh, gur lugha blur gràdhsa dhomh.

16 Ach biodh e mar sin, nach do chuir mi trom oirbh: gidheadh air dhomh bhi innleachdach, ghlac mi le seòltachd sibh.

17 An d'rinn mise trìd aon neach dhiubhsan a chuir mi d'ar n-ionnsuidh buannachd dhíbh?

18 Ghuidh mi air Titus *dol d'ar n-ionnsuidh*, agus chuir mi bràthair maille ris: an d'rinn Titus buannachd dhíbh? nach do għluais sinn san aon spiorad? agus anns na h-aon cheumaibh?

19 A ris, am bheil sibh a' saoilinn gu bheil sinne gabhal ar leithsgeil ribh? tha sinn a' labhairt am fianuis Dé ann an Criosd: achi a ta an t-iomlan, a chàirde, chum bhur fòghluimse!

20 Oir is eagal leam air dhomh teachd nach faigh mi sibh mar is miann leam, agus gu faighear mise dhubhse mar nach bu mhiann leibl: air eagal gu'm bi connsachadh, farmad, fearg, comhstri, cùl-chàineadh, cogarsaich, ardain^m, ceannairce 'nar measg:

21 An t-eagal air teachd dhomh a ris, gu'n islich mo Dhia mi 'nar measg, agus gu dean mi caoidh air son mòrain do'n droing a pheacaich a cheana, agus nach do ghabh aith-

reachas do'n neo-ghloine, agus striop-achas, agus mhacnus a rinn iad.

C A I B . XIII.

1 Tha e bagairt gaige agus cumhachd abstolachd an aghaidh pheacach cruaidh-mhuinealach: 5 agus a' comhairleachadh dhoibh an creidimh a dhearbhadh, 7 agus am beatha a leasachadh mun d'thig e: 11 tha e a' comh-dhùinadh na litreach le earail choitchionn agus le h-ìrnúigh.

I S i so an treas uair a ta mi a' teachd d'ar n-ionnsuidh: am beul dithis no triuir do fhianuisibh bithidh gach focal seasmhach.

2 Dh'innis mi cheana, agus tha mi roimh-làimh ag innseadh dhuibh mar gu'm bithinn a làthair an daradh uair, agus a nis air dhomh bhi as blur làthair, scriobham chum na droinge a pheacaich roimhe so, agus chum chàich uile, ma thig mi a ris, nach caomhain mi:

3 O tha sibh ag iarraidh dearbhaidh air Criosd a' labhairt annamsa, neach d'ar taobhsa nach 'eil annhunn, achi a ta cumhachdach annaibh.

4 Oir ge do cheusadh e trìd an-mhuinneachd, gidheadh a ta e beo tre chumhachd Dhé: oir a ta sinne mar an ceudna annhunn annsan, gidheadh bithidh sinn beo maille ris tre chumhachd Dhé d'ar taobhsa.

5 Ceasnuichibh sibh féin, am bheil sibh sa' chreidimh; dearbhaibh sibh féin: nach aithne dhuibh sibh féin, gu bheil Iosa Criosd annaibh, mur daoine a chuireadh air cùlⁿ sibh?

6 Ach tha dòchas agam gu'm bi fhios agaibh nach daoine a chuireadh air cùl sinne.

7 A nis tha mi guidheadh air Dia gun sibhse a dheanamh: uilc air bith; cha'n ann chum gu'm faicear sinne bhi dearbhta, achi chum gu'n deanadh sibhse an ni sin a ta maith^o, ge do robh siunne mar dhaoine a chuireadh air cùl.

8 Oir cha'n urradh sinn ni air bith a dheanamh an aghaidh na firinn, achi air son na firinn.

¹ gnìomharaibh cumhachdach. ¹ bhur togail suas. ^m àrd-inntinn-eachd, atmhoireachd. ⁿ daoine neo-dhearbha. ^o ciatsfach.

9 Oir tha sin subhach an uair a tha sinn *féin* anmhunn, agus sibhse làdir: agus tha sinn a' guidheadh so mar an ceudna, sibhse bhi diongmhalta.

10 Is ann uime so a scriobh mi na nithe so *d'ar n-ionnsuidh* air dhomh bhi as bhur làthair, chum air dhomh bhi làthair nach bithinn garg, a réir a' chumhachd a thug an Tighearna dhomh chum fòghluim^b, agus ni h-ann chum sgries.

11 Fa dheoidh, a bhràithre, slàn

leibh: bithibh diongmhalta^a, bithibh subhach, bithibh a dh'aon inntinn, bithibh siothchail; agus bithidh Dia a' ghràidh agus na siothchaint maille ribh.

12 Cuiribh fàilte air a chéile^c le pòig naomha.

13 Tha na naoimh uile a' cur beannachd *d'ar n-ionnsuidh*.

14 Gràs an Tighearna Iosa Criod, agus gràdh Dhé, agus comh-chomunn an Spioraid naoimh, *gu robh* maille ribh uile. Amen.

LITIR AN ABSTOIL PHOIL CHUM NAN GALATIANACH.

C A I B. I.

6 Tha iongantas air *gu'n do thréig* iad esan agus an soisgeul co luath: 8 agus tha e a' mallachadh na droinge sin a shearmonaicheas aon soisgeul eile ach na shearmonaich e *féin*; 11 *dh'f'òghluim e'n soisgeul cha b'ann o dhaoinibh, ach o Dhaia, &c.*

POL abstol (cha'n ann o dhaoinibh, no tre dhuine, ach tre Iosa Criod, agus tre Dhaia *an t-Athair*, a thog suas e o na marbháibh.)

2 Agus na bràithrean uile a tha maille riùm, chum eaglaisean Ghatalia:

3 Gràs duibh, agus sìth o Dhaia *an t-Athair*, agus o ar Tighearn Iosa Criod,

4 A thug e *féin* air son ar peacaidhne, chum *gu'n saoradh e sinn o'n droch shaoghail a ta làthair, a réir toile Dé agus ar n-Atharne*:

5 Dhasan *gu robh* glòir *gu saorghal nan saoghal*. Amen.

6 Is iongnadh leam *gu'n d'thugadh* thairist^d sibh co luath uaithsan a

ghairm sibh trèd^u gràis Criod, gu soisgeul eile:

7 Ni nach soisgeul eile; ach a ta dream àraidh 'gar buaireadh, le'n àill soisgeul Criod a thilgeadh bun os cionna^a.

8 Ach nan deanamaidne, no ainseal o rèamh, soisgeul eile a shearmonachadh dhuibh, ach *an soisgeul a shearmonaich sinne dhuibh, biodh e mallaichte*.

9 Amhul mar a thubhairt sinn roimhe, deireams' a nis a rìs mar an ceudna, Ma shearmonaicheas neach sam bith soisgeul eile dhuibh, ach *an soisgeul a ghabh sibh, biodh e mallaichte*.

10 Oir am bheil mi nis a' cur impidh air^b daoinibh, no air Dia? no am bheil mi 'g iarraidh daoine a thoileachadh? oir nam bithinn fathast a' thoileachadh dhaoine, cha bhithinn a'm' sheirbhiseach aig Criod.

11 Ach a ta mi toirt fios duibh, a bhràithre, an soisgeul a shearmonaich-eadh leamsa, nach ann a réir duine a ta e.

^a togail suas. ^b fairfe, iomlan. ^c Altaichibh beatha a chéile. ^d gu'n d'atharrachicheadh. ^e chum. ^f fhàradh, chlaon-thruailleadh. ^g a' cur m'earbsa a.

12 Oir cha b'ann o dhuine a fhuaire mi e, "ni mò a theagaisgeadh dhomh e, ach trìd fhoillseachaidh Iosa Criod.

15 Oir chuala sibh mo chaitheadh-beatha-sa^c san aimsir a chaidh seachad, ann an creidimh nan Iudhach, gu'n d'riinn mi thar tomhas geur-leanmhuinn air eaglais Dé, agus gu'n d'fhàsaich mi i:

14 Agus gu'n d'thainig mi air m'aghaidh ann an creidimh nan Iudhach thar mòran do m' chomh-aoisibh am measg mo chinnich féin, air dhomh bhi ni bu ro eudmhoire mu ghnàthannaibh mo shinnsreachd.

15 Ach an uair a b'i deadh thoil Dé, a sgar o bhroinn mo nhàthar mi, agus a ghairm mi trìd a ghràis,

16 A Mhac féin fhoillseachadh annam^d, chum-gu searmonaichinn e am measg nan Cinneach; air ball cha do chuir mi comhairle ri feòil agus fail:

17 Ni mo chaidh mi suas gu Hierusalem, chum na muinntir sin a bha 'nan abstolaibh romham; ach chaidh mi gu h-Arabia, agus a rìs thainig mi air m'ais gu Damascus.

18 An déigh sin an ceann thri bliadhna chaidh mi suas gu Hierusalem, a dh'fhaicinn Pheadair, agus dh'fan mi maille ris cùig làithean deug.

19 Ach neach air bith eile do na h-abstolaibh cha'n fhaca mi, ach Seumas bràthair an Tighearna.

20 A nis *anns* na nithibh a scrìobh-am dhuibh, feuch, an làthair Dhé, cha 'n'eil mi deanamh bréige.

21 'Na dhéigh sin thainig mi gu crìochaibh Shiria agus Chilicia;

22 Agus cha robh eòlas orm a thaobh m' fhaicinn aig eaglaisibh Judea, a bha ann an Criod:

23 Ach a mhàin chual iad, An ti anns an àm a chaidh seachad a bha 'gar geur-leanmhuinn, gu bheil e nis a' searmonachadh a' chreidimh a bha e a' sgrios roimhe so^e.

24 Agus thug iad glòir do Dia air mo shonsa.

C A I B. II.

1 Tha e cur an céill c'uin a chaidh e suas gu Hierusalem, agus c'ar son, agus nach do thimchioll-ghearradh Titus, 11 agus gu'n do chuir e'n aghaidh Pheadair, agus gu'n d'innis e dha a reuson, 14 c'ar son a ta e féin, agus muinntir eile, a tha 'nan Iudhach, a' creidsinn gu'm bi iad air am fireanachadh tre chreidimh ann an Criod, agus cha'n ann trìd oibre; &c.

A N sin an ceann cheithir bliadhna deug chaidh mi a rìs suas gu Hierusalem, maille ri Barnabas, a' toirt Thituis leam mar an ceudna.

2 Agus chaidh mi suas a réir fhoillseachaidh, agus chuir mi an céill dhoibh an soisgeul a ta mi a' searmonachadh am measg nan Cinneach, ach ann an uaigneas dhoibhsan d'an robh meas, an t-eagal air chor sam bith gu'n ruithinn, no gu'n do ruith mi an domhanas.

3 Ach cha b'éigin do Thitus féin a bha a'm' chuideachd, bhi air a thimchioll-ghearradh, ge bu Glreugach e:

4 Agus sin air son bhràithre bréige, a ghoid a steach^f 'nar measg, a thainig a steach os ìosal a dh'fhaicinn ar saorsa, a ta againn ann an Iosa Criod, chum ar toirt fa dhaorsa.

5 Do nach do ghéill sinn eadhon rè uaire; chum gu'm buanaicheadh^g firinn an t-soisgeil maille ribhse.

6 Ach o'n droing sin, a mheasadh gu'm bu ni éigin iad, (ciod air bith a bha iad roimhe, cha 'n'eil suim ann domhsa: cha 'n'eil meas aig Dia do phearsa duine) oir iadsan a mheasadh gu'm bu ni eigin iad, cha do phàirtich iad le'n còmhراadh bheag sam bith riumsa.

7 Ach air an làimh eile, 'nuair a chunnaic iad gu'n d'carbadh soisgeul an neo-thimchioll-ghearradh^h riumsa, mar a dh'earbadh soisgeul an timchioll-ghearradh ri Peadar;

8 (Oir an ti a dh'oibríbh gu h-éifeachdachⁱ ann am Peadar chum abstolachd an timchioll-ghearradh,

^c mo ghiùlan. ^d leam. ^e uair-eigin. ^f a thugadh steach os ìosal. ^g fanadh. ^h gu bràghmhor.

dh'oibrich e gu cumhachdach annam-sa mar an ceudna chum nan Cinneach.)

9 Agus an uair a thug Seumas, agus Cephas, agus Eoin, a tha aif am meas 'nam postaibh, an gràs a thugadh dhomh, thug iad dhomhsa agus do Bharnabas deas-làmh a' chomuinn; ionnas *gu' rachamaid* chum nan Cinneach, agus iad féin chum an tim-chioll-ghearradh.

10 A mhàin *b'aill leo* gu'm bitheamaid cuimhneach air na bochdaibh; ni mar an ceudna a bha ro-thoil i agam féin a dbeanamh.

11 Ach an uair a thainig Peadar gu h-Antioch, sheas mi 'na aghaidh es an eudan, a chionn gu'n robh e'r a chòireachadh.

12 Oir roimh do dhream àraidih teachd o Sheumas, dh'ith e biadh maille ris na Cinnich: ach an uair a thainig iadsan, chaidh e a thaobh agus thearbaidh se e féin, aireagal na muinntir a bha do'n timchioll-ghearradh.

13 Agus rinn na h-Iudhaich eile gnùis-mhealladh maille ris mar an ceudna; ionnas gu'n d'thugadh Barnabas mar an ceudna a thaobh le'n cluain i.

14 Ach an uair a chunnaic mise nach do ghluais iad san t-slìghe dhirich^m, a réir firinn an t-soisgeul, thubhairt mi ri Peadar 'nam fianuis uile, Ma tha thusa, a tha a'd' Iudhach, a' caitheadh do bheatha a réir nan Cinneach, agus cha'n ann a réir nan Iudhach, c'ar son a ta thu 'g éigneachadh nan Cinneach am beatha chaitheadh mar na h-Iudhaich?

15 Air dhuinne a tha 'nar n-Iudhach a thaobh nàdúir, agus cha'n ann 'nar peacaich do na Cinneachaibh,

16 Fios a bhi againn nach 'eil duine air fhìreanachadh o oibríbh an lagha, ach tre chreidimh Iosa Criod, chreid sinne féin ann an Iosa Criod; chum gu'm bitheamaid air ar fìreanachadh o chreidimh Criod, agus cha'n ann o oibríbh an lagha: oir o oibríbh an lagha cha bhi feòil sam bith air a fìreanachadh.

17 Ach air dhuinn bhi 'g iarraidh

bhi air ar fìreanacliaidh tre Chriosd, ma gheibhear 'nar peacaich sinn fín, *un bheil* uime sin Criod 'na mhiniest-eir peacaidh? Nar leigeadh Dia.

18 Oir ma thogas mi a rìs suas na nithe a leag mi, tha mi deanamh ciontach dhiom fín.

19 Oir a ta mise tre'n lagh marbh do'n lagh, chum gu'm bithinn beo do Dia.

20 Tha mi air mo cheusadh maille ri Criod: gidheadh a ta mi beo; ach cha mhise, ach Criod a ta beo annam: agus a' bheatha a ta mi nis a' caitheadh san fheòil, caitheam i tre chreidimh Mhic Dhé, a ghràdh-aich mi, agus a thug e féin air mo shon.

21 Cha 'n'eil mi a' cur gràis Dé an neo-brighⁿ: oir ma tha fìreantachd tre'n lagh, is ann gun aobhar a fhuair Criod bas.

C A I B. III.

1 *Tha e feòraich ciod a dh'aom iad gus an creidimh a thréigsinn, agus dòigh a chur san lagh.* 6 *Tha'n droing a tha creidsinn air am fìreanachadh,* 9 *agus air am beannachadh nuille ri Abraham:* 10 *agus a ta e dearbhadh so le ionadh reuson.*

O A Ghalatianacha amaideach, cò a chuir druidheachd oirbh, ionnas nach biodh sibh ùmhàl do'n fhìrinn, d'an robh Criod air a nochdadh gu soilleir^o fa chomhair bhur sùl, air a cheusadh 'nar measg?

2 So a mhàin *b'aill leam fhòghlum uaibh,* An ann o oibríbh an lagha a fhuair sibh an Spiorad, no o císd-eachd a' chreidimh?

3 Am bheil sibh co amaideach *as sin?* air dhuibh töiseachadh san Spiorad, am bheil sibh a nis air bhur deanamh foirfe leis an fheòil?

4 An d'fhuiling sibh na h-uiread sin do nithibh gu dìomhain? ma's ann da rìreadh gu dìomhain.

5 An ti uime sin a tha frithealadh dhuibh an Spioraid, agus ag oibreachadh mhiòrbhuiile 'nar measg, an ann trìd oibre an lagha, no trìd eisdeach a' chreidimh *a ni e so?*

ⁱ *ro-thogradh.* ¹ *gnùis-mhealladh,* ^m *ceilg.* ² *gu tréibhdhireach.* ⁿ *air cùl.* ^o *gu dealbhach.*

6 Amhuil mar a chreid Abraham Dia, agus a mheasadh sin dha mar fhìreantachd.

7 Uime sin biodh fhios agaibh, an droing a tha do'n chreidimh, gur iad sin clann Abrahaim.

8 Oir air fhaicinn roimhe do'n scriobtuir gu'm fìreanaicheadh Dia na Cinnich tre chreidimh, shearmonaich e an soisgeul roimh-làimh do Abraham, *ag rádh*, Beannuichear na h-uile Chinnich annadsa.

9 Uime sin tha an droing a tha do'n chreidimh, air am beannachadh maille ri Abraham, fior chreidinreach.

10 Oir a mheud 's a ta do oibrigh an lagha, tha iad fuidh'n mhallachadh: oir a ta e scriobhta, *Is* malluichte gach neach nach buanaich p' anns na h-uile nithibh a ta scriobhta ann an leabhar an lagha chum an deanamh.

11 Ach is ni follaiseach, nach fìreanaichear neach sam bith tre'n lagh am fianuis Dé: oir, Bithidh am fìrean beo tré chreidimh.

12 Agus cha 'n'eil an lagh o chreidimh: ach, An duine a ni iad gheibh e beatha anna?

13 Shaor Criod sinne o mhallachadh an lagha, air dha bhi air a dheanamh 'na mhallachadh air ar son: oir a ta e scriobhta, *Is* malluichte gach aon a chrochar air crann:

14 Chum gu'n d'thigeadh beannachadh Abrahaim air na Cinnich trèd Iosa Criod; ionnas gu faigheamaid gealladh an Spioraid tre chreidimh.

15 A bhràithe, labhram mar dhuine; ge nach bi ann ach coimhcheangal's duine, ma tha e air a dhaingneachadh, cha chuir neach air bith air cùl e, agus cha chuirear ni sam bith ris.

16 A nis is ann do Abraham a thugadh na geallanna agus d'a shiòl. Ni'n abair e, Agus do shioltuibh, mar gu'm biadh e labhairt mu mhòran; ach mar mu aon, Agus do d' shiolsa, neach a's-e Criod.

17 Agus a deiream so, nach fheudar gu'n cuir an lagh, a thugadh an

ceann cheithir cheud agus d'héich bliadhna fichead 'na dhéigh an coimhcheangal an neo-brigh, a dhaingnich-eadh roimhe le Dia ann an Criod, ionnas gu'n cuireadh e an gealladh air cùl.

18 Oir ma's ann o'n lagh a ta an oighreachd, cha 'n'eil i ni's mò o'n gealladh: ach thug Dia gu saor i do Abraham tre gealladh.

19 C'ar son uime sin a *thugadh* an lagh? thugadh e air son eusaontais, gus an d'thigeadh an siol, d'an d'rinneadh an gealladh; air orduchadh le ainglibh an làimh eadarmheadhonair.

20 A nis an t-eadar-mheadlionair, cha'n ann air son aoine a ta e 'na eadar-mheadhonair; ach is aon Dia.

21 Uime sin am *bheil* an lagh an aghaidh gheallanna Dé? Nar leigeadh Dia: oir nam biodh lagh air a thabhairt a bhiodh comasach air beatha thoirt uaith, gu deimhin is ann o'n lagh a bhiodh fìreantachd.

22 Ach dh'fhàg an scriobtuir na h-uile *dhaoine* dùinte sa' pleacadh, chum gu'm biodh an gealladh tre chreidimh Iosa Criod air a thoirt dhoibhsan a ta creidsinn.

23 Ach mu'n d'thainig an creidimh, choimhdeadh sinn fuidh'n lagh, air ar druideadh a steach chum a' chreidimh, a bha gubhi air fhoilseachadh.

24 Uime sin b'e an lagh ar n-oidh-fhòghluim^u g'ar *treòrachadh* gu Criod, chum gu bitheamaid air ar fìreanachadh tre chreidimh.

25 Ach air 'teachd do'n chreidimh, cha 'n'eil sinn ni's mò fuidh oidh-fhòghluim.

26 Oir is sibhse uile mic Dhé tre chreidimh ann an Iosa Criod.

27 Oir a mheud agaibh 'sa bhaisteachd do Criod, chuir sibh umaibh Criod.

28 Cha 'n'eil Iudhach no Greugach, cha 'n'eil saor no daor, cha 'n'eil firionn no bainionna? ann: oir is aon sibh uile ann an Iosa Criod.

29 Agus ma's le Criod sibh, is sibh siol Abrahaim gun amharus,

^P fan. ^T ieo. ^S cunradh, cùmhant. ^T labhradh, rinneadh. ^U ar maighstir-scoile. ^A boirionn.

agus is oighreacha *sibh* a réir a' gheallaidh.

C A I B. IV.

1 *Bha sinn fuidh'n lagh, gus an d'thainig Criod, mar a ta an t-oighre fuidh a thuiteir gus an d'thig e gu h-aosi.* 5 *Ach shaor Criod sinn o'n lagh: 7 uime sin cha 'n'eil sinn 'nar seirbhisich ni's faide dha.* 14 *Tha e cur an cuimhne dhoibh an deadh-ghean dasan, agus a dheadh-rùin fén doibhsan; 22 agus tha e nochdadh gur sinne clann Abrahim thaobh na mnà saoire.*

A NIS a deiream, am feadh a bhios an t-oighre 'na leanabh, nach 'eil eadar-dhealachadh sam bith eadar e agus seirbhiseach, ge d' is e Tighearn nan uile;

2 *Ach a ta e fuidh luchd-coimhidh agus fuidh luchd-riaghluidh gu teachd na h-aimsire a dh'orduich an t-athair.*

3 *Agus mar an ceudna sinne, 'nuair a bha sinn 'nar leanabaibh, bha sinn ann an daorsa fuidh cheud fhòghlum an t-saoghail:*

4 *Ach an uair a thainig coimhionadh na h-aimsire, chuir Dia a Mhac fén uaith a ghineadh o mhnaoi, a rinneadh fuidh'n lagh,*

5 *Chum gu'n saoradh e iadsan a bha fuidh'n lagh, ionnas gu faigheamainde uchd-mhacachd na cloinne.*

6 *Agus do bhrigh gur mic sibh, chuir Dia Spiorad a Mhic fén ann bhur cridhibh, ag éigheach, Abba, Athair.*

7 *Uime sin cha seirbhiseach thu ni's mò, ach mac; agus ma's mac, is oighre mar an ceudna air Dia tre Chriod.*

8 *Gidheadh, an uair nach b'aithne lhuibh Dia, rinn sibh seirbhis lhoibhsan nach 'eil 'nan dée thaobh ràduir.*

9 *Ach a nis air dhuibh Dia aithnachadh, no' mar is fearr a dh'fheudar ràdh, bhi air bhur n-aithneachadh e Dia, cionnus a ta sibh ag ath-hilleadh chum nan ceud-thoiseach nmhunn uireashuidheach c, d'am*

miann leibh bli a rìs fuidh dhaorsa?

10 *Tha sibh a' coimhead làithean, agus mhìosan, agus amisirean, agus bhliadhnan.*

11 *Tha eagal orm d'ar taobh, gu'n do chaith mi gu diomhain mo shaothair oirbh.*

12 *Guidheam oirbh, a blàithre, bithibh mar a ta mise, oir a ta mise mar sibhse; cha d'rinn sibh eucoir sam bith orm.*

13 *Tha fhios agaibh gu'm b'ann tríd anmhuiinneachd na feòla, a shearmonaich mi dhuibh an soisgeul air tùs.*

14 *Agus air mo bhuaireadh a bha ann am fheòil, cha d'rinn sibh tarcuis, agus cha do ghabh sibh gràin diom^d; ach ghabh sibh riùm mar aingeal^e Dé, mar Iosa Criod.*

15 *Ciod e ma seadh f an sonas sin a bha agaibh? oir a ta mi deanamh fianuis duibh, nam bu chomasach e, gu'n spionadh sibh a mach bhur suile fén, agus gu'n d'thugadh sibh dhomhsa iad.*

16 *Uime sin an d'rinneadh nàmhaid duibh dhiom, air son mi dh'innseadh na fìrinn duibh?*

17 *Tha iadsan eudmhòr umaibh, ach cha'n ann gu maith; ach b'aill leo sinne dhruideadh a mach, chum gu'm biadh sibhse eudmhòr umpa fén.*

18 *Ach is maith a bhi eudmhòr ann an ni maith a ghnàth, agus cha'n e mhàin an uair a ta mise a làthair maille ribh.*

19 *Mo chlann bheag, air am bheil mi a rìs ri saothair, gus an dealbhar Criod annaibh,*

20 *B'aill leam bhi nis a làthair maille ribh, agus mo ghuth a chaochadh, oir a ta mi fuidh amharus umaibh.*

21 *Innsibh dhomh, sibhse le'm miann bhi fuidh'n lagh, nach cluinni sibh an lagh?*

22 *Oir a ta e scriobhta, gu robh aig Abraham dithis mhac; aon ri ban-oglaich^g, agus am mac eile ri mhnaoi shaoir.*

23 *Agus esan a bh'aige ris a'*

^b *thuiteiribh.* ^c *anmhunn agus bochd.* ^d *cha do chuir sibh cul ris.*

^e *theachdaire.* ^f *C'ait am bheil.* ^g *mhaoi dhacir, ban-tràill.*

bhan-oglaich, ghineadh a réir na feòla e : ach esan a bh'aige ris a' mhnaoi shaoir, tre ghealladh.

24 Na nithe so is samhladh iad h ; oir is iad so an dà choimh-cheangal i ; aon diubh o bheinn Shinai, a ta a' breith chum daorsa, a's i Agar.

25 Oir is i Agar beinn Shinai ann an Arabia, agus tha i a' coimh-fhreagrach do Ierusalem a tha nis ann, agus tha i fuidh dhaorsa maille r'a cloinn.

26 Ach a ta an Ierusalem a ta shuas saor, agus is màthair dhuinn uile i.

27 Oir a ta e scriobhta, Dean gairdeachas, a bhean neo-thorach l nach 'eil a' breith cloinne ; bris a mach agus glaodh, thusa nach 'eil ri saothair : oir is lionmhoire clann na mnà aonaranacha m' na ma mnà aig am bheil fear.

28 A nis, a bhràithre, is sinne, mar a bha Isaac, clann a' gheallaidh.

29 Ach mar a rian esan a rugadh réir na feòla, san àm sin geur-lean-mhuinn airson a rugadh a réir an Spioraid, is amhul sin a ta nis mar an ceudna.

30 Ach ciod a deir an scriobtuir ? Tilg a mach a' bhan-oglaich agus a mac : oir cha bhi mac na ban-oglaich 'na loighre maille ri mae na mnà saoire.

31 Uime sin a bhràithre, cha sinne clann na ban-oglaich, ach na mnà saoire.

C A I B. IV.

1 Tha e 'gam brosnachadh gu seasamh 'nan saorsa, 3 agus gun an tim-chioll-ghearradh a ghnàthachadh : 15 ach roghuinn a dheanamh do ghràdh, ni a's e coimhlionadh an lagha : 19 tha e a' cur sios vibre na feòla, 22 agus ag uinmeachadh toraidh an Spioraid ; 25 agus 'g an earalachadh n' chum gluasachd san Spiorad.

UIIME sin seasainn gu daingean anns an t-saorsa leis an d'rinn

hasda so tha ni eile r'a thughsinn. m' tréigte n' a' cur impidh orra.

P brigh, neart. Geuraichidh.

Criosd saor sinn, agus na bithibh a' ris air buhr cuibhreachadh le cuing na daorsa.

2 Feuch, a deireamsa Pòl ribh, ma thimchioll-ghearrar sibh, nach bi tairbhe air bith dhuibh ann an Criosd.

3 Oir a ta mi a' ris a' deanamh fianuis do gach uile dhuine a thim-chioll-ghearrar, gu bheil a dh'fhiach-aibh air an lagh gu h-iomlan a coimhlionadh.

4 Cha 'n-eil tairbhe sam bith ann an Criosd dhuibhse o a ta air buhr fireanachadh tre'n lagh ; thuit sibh o ghràs.

5 Oir a ta sinne tre'n Spiorad a' feitheamh ri dòchas fireantachd o chreidimh.

6 Oir ann an Iosa Criosd, cha 'n-eil éifeachd p sam bith ann an timchioll-ghearradh, no ann an neo-thimchioll-ghearradh, ach ann an creidimh a dh'eibricheas tre ghràdh.

7 Is maith a ruith sibh ; cò a bhac sibh, o bhi ùmhail do'n fhìrinn ?

8 Cha d'thainig an impidh so o'nti a ghairm sibh.

9 Goirtichidh r' beagan do thaois gohoirt am meall uile.

10 Tha muinghin agam asaibh san Tighearn, nach bi sibh dh'aon dòigh air atharrachadh inntinn : ach an ti a ta cur dragha oirbh, giùlainidh e a bhréitheanas, cò air bith e.

11 Agus mise, a bhràithre, m'shearmonaicheas mi fathast an tim-chioll-ghearradh, c'ar son a nithean fathast geur-leanmuinn orm ? an si bhiodh oilbheum a' chroinn-cheusaidh air a chur air cùl ?

12 B'fhearr leam gu'm biodh iad san a ta cur mi-shuaimhneas s' oirbl eadhon air an gearradh uaibh t.

13 Oir, a bhràithre, ghairmeall chum saorsa sibh ; a mhàin na dean aibh an t-saorsa 'na cion-fàth do' fheòil, ach le gràdh deanaibh seirbhí d'a chéile.

14 Oir tha an lagh uile air coimhlionadh ann an aon fhocal

i chumhnant. i sheasg, gun sliochd. m' vinneadh Criosd gun tairbhe dhuibh.

s dragha. t air an gearradh as buhr comunn.

eadhon an so; Gràdhachidh tu do choimhearsnach mar thu féin.

15 Ach ma bhios sibh a' teumadh agus ag itheadh a chéile, thugaibh aire nach claoídhear leis a chéile sibh.

16 A deiream ma seadh, Gluaisibh^u san Spiorad, agus cha choimhlion sibh ana-mhiann na feòla.

17 Oir a ta an fheòil a' miannachadh an aghaidh an Spiorad, agus an Spiorad an aghaidh na feòla: agus a ta iad sin an aghaidh a chéile; ionnas nach faigh sibh na nithe bu mhiann leibh a dheanamh.

18 Ach 'ma threòraicheadh leis an Spiorad sibh, cha 'n'eil sibh fuidh'n lagh.

19 A nis tha oibre na feòla follaiseach, a's iad *so*, adhaltrannas, strìopachas, neo-ghloine, macnus^a,

20 Iodhol-aoradh, druidheachd^b, naimhdeas, consachadh, co-fharpuis^c, fearg, comh-stri, aimhreite, saobh-chreidimh^d,

21 Farmad, mortadh, misg, ruidh-teireachd^e, agus an leithide sin: mu bheileam ag innseadh dhuibh roimh-làimh, mar a dh'innis mi dhuibh a cheana mar an ceudna, nach sealbhach iadsan a ni an leithide sin rioghachd Dhé mar oighreachd.

22 Ach is e toradh an Spiorad gràdh, aobhneas, sìth, fad-fhulangas, caomhalachd, maitheas, creidimh^f,

23 Macantas^g, stuaim: an aghaidh an samhuil sin cha 'n'eil lagh.

24 Agus iadsan a's le Criod, cheus iad an fheòil, maille r'a h-an-tograibh agus a h-ana-mhiannaibh.

25 Ma's beo dhuinn san Spiorad, gluaiseamaid san Spiorad mar an ceudna.

26 Na bitheamaid déidheil air glòir dhùmhaibh^h, a' brosnachadh a' chéile, a' gabhail farmaid r'a chéile.

C A I B. VI.

1 Tha e 'g iarraidh orra buntainn gu sèinidh ri bràthair a thuilich, 2 agus uallach a cheile a ghiùlan, 6 bhi tabhartach d'an luchd-teagaisg, 9

^u siubhlaibh, imichibh. ^a mi-nàire. ^b buitseachas. ^c comortus. ^d éiríeachd. ^e anabharr, geocaireachd, craos. ^f firinn. ^g ciuineas. ^h earraghloir. ⁱ a' chiuineis. ^l eallacha. ^m uaill. ⁿ annfein. ^o lagaich. ^p cothrom.

agus gun sgitheachadh do mhaith a dheanamh: 12 tha e nochdadh ciol gus am bleih iadsan a ta searmhachadh an timchioll-ghearraidh: 14 cha dean e féin uaill a ni sam bith ach a crann-ceusaidh Criod.

A neach ann an coire air bith gu h-obann, sibhse a ta spioradail, togairbhs suas a shamhul sin do dhuine, ann an spiorad na macantachdi; a' toirt aire dhuit féin, nach buairear thu mar an ceudna.

2 Giùlainibh uallachal a chéile, agus mar sin coimhlionaibh lagh Criod.

3 Oir ma shaoileas duine gur ni éigin e féin, gun bhi ann ach neo-ni, tha e 'ga mhealladh féin.

4 Ach dearbhadh gach neach obair féin, agus an sin bithidh aobhar gairdeachais^m aige d'a thaobh féinⁿ a mhàin, agus ni h-ann a thaobh neach eile.

5 Oir giùlainidh gach neach uallach fein.

6 Comh-roinneadh an neach a ta air a theagasc san fhocal, ris an neach a ta 'ga theagasc, anns na h-uile nithibh maithe.

7 Na meallar sibh; cha deanar fanoid air Dia: oir ge b'e ni a shìol-chuireas duine, an ni ceudna buainidh e.

8 Oir an ti a chuireas d'a fheòil féin, buainidh e o'n fheòil truaillidh-eachd; ach an ti a chuireas do'n Spiorad, buainidh e o'n Spiorad a' bheatha shuthainn.

9 Agus na sgìthicheamaid do mhaith a dheanamh: oir ann an àm iomchuidh, buainidh sinn, mur fannach^o sinn.

10 Uime sin a réir mar a ta fath^p, againn, deanamaid maith do na h-uile dhaoinibh, ach gu h-àraig dhoibhsan a ta do theaghlaich a' chreidimh.

11 Tha sibh a' faicinn meud na litreach a scriobh mi dhuibh le m làimh féin.

12 A mheud le'm miann iad féin

a thaisbeanadh gu sgiamhach san fheòil, tha iad 'gar n-eigneachadh chum bhi air bhur timchioll-ghearradh; a mhàin chum nach deantadh geur-leanmhuinn orra air son crann-ceusaidh Chriosd.

13 Oir cha 'n'eil iadsan féin a tha air an timchioll-ghearradh a' coimhead an lagha: ach is àill leo sibhse bhi air bhur timchioll-ghearradh, chum as gu dean iad uaill ann bhur feòil.

14 Ach nar leigeadh Dia gu dean-ainse uaill ach ann an crann-ceusaidh ar Tighearna Iosa Chriosd, tre'm bheil an saoghal air a cheusadh-

dhomhsa, agus mise do'n t-saoghal.

15 Oir ann an Iosa Chriosd cha 'n'eil éifeachd air bith ann an timchioll-ghearradh, no ann an neothimchioll-ghearradh, ach ann an cruthachadh^r nuadh.

16 Agus a mheud 's a shiubblas a réir na riaghail so, sìth orra, agus tròcair, agus air Israel Dé.

17 O so a mach na cuireadh neach sam bith dragh orm; oir a ta mi giùlan chomharan an Tighearna Iosa anu mo chorpa.

18 A bhràithre, *gu robh gràs ar Tighearna Iosa Chriosd maille r' spiorad.* Amen.

LITIR AN ABSTOIL PHOIL CHUM NAN EPHESIANACH.

1 *An déigh fàilte, 3 agus breith-buidh-eachais air son nan Ephesianach, 4 tha e labhairt mu thaghadh, 6 agus uchd-mhacachd thaobh gràis, 11 ni a's e am fìor thobar o'm bheil slàinte a' chinneadh-daonna a' sruthadh, &c.*

POL abstol Iosa Chriosd tre thoil Dé, chum nan naomh a ta ann an Ephesus, agus nan creidmheach ann an Iosa Chriosd:

2 Gràs dhuibh, agus sìth o Dhia ar n-Athair, agus o'n Tighearn Iosa Chriosd.

3 Beannuichte *gu robh* Dia eadhon Athair ar Tighearna Iosa Chriosd, a bheannuich sinne leis gach uile bheannachadh spioradail ann an ionadaibh nèamhaidh^s ann an Chriosd:

4 A réir mar a thagh e sinne annsan, mun do leagadh bunaite an domhain, chum gu'm bitheamaid naomha, agus neo-choireach 'na làthairsan ann an gràdh:

5 A roimh-orduich sinne chum uchd-mhacachd na cloinne tre Iosa

Chriosd dha féin, a réir deadh-ghean a thoile,

6 Chum cliu glòire a ghràis, tre an d'rinn e sinne taitneach^t ann a *Mhac gràdhach*:

7 Anns am bheil agaïnne saorsa^u tre fhuilsan, maitheanas nam peacadh, réir saibhreis a ghràis;

8 Anns an roabh e rophailte dhuiinne san uile għliocas, agus thugise:

9 A dh'fhoillsich dhuinn rùndiomhair a thoile, réir a dheadh-ghean féin, a rùnaich e ann féin:

10 Chum ann am fríthealadh coimhlionaidh nan aimsir, gu'n cruinn-icheadh e ann an aon na h-uile nithe ann an Chriosd, araon na nithe a ta air nèamh, agus na nithe a ta air talamh, *eadhon* annsan:

11 Anns an d'fhuaire sinne mar an ceudna oighreachd, air dhuinn bhi air ar roimh-orduchadh a réir rùin an ti a ta 'g oibreachadh nan uile nithe réir comhairle a thoile féin;

12 Ionnas gu'm bitheamайдine a

^r creutair. ^s nithibh nèamhaidh.
^t mòr dheadh-ghean.

^u trèd an do nochd e dhuinne
^u fuasgladh.

chuir air tùs dòchas ann an Criod, chum cliu a ghloire-san.

13 Anns an do chuir sibhse mar an ceudna dòchas, air dhuibh focal na fìrinn a chluinntinn, eadhon soisgeul bhur slàinte: neach an déigh dhuibh creidsinn ann, chuireadh seula oirbh le Spiorad naomha sin a' gheallaidh,

14 Neach is e geall-daingnich^a ar n-oighreachdne, gu teachd saorsa na seilbhe a cheannachadh^b, chum cliu a ghloire.

15 Uime sin air cluinntinn domhsa mar an ceudna bhur creidimhse anns an Tighearn Iosa, agus bhur gràidh do na naoimh uile,

16 Ni'n sguiream do bhi toirt buidheachais air bhur son, a' luadh oirbh ann am ùrnuighibh;

17 Gu'n d'thugadh Dia ar Tighearna Iosa Criod, Athair na glòire, spiorad gliocais agus foillseachaidh^c dhuibh, ann an eòlas airson^d ;

18 Sùile bhur n-inntinn bhi air an soillseachadh, chum fios a bhi agaibh ciód e dòchas a ghairmesan, agus ciód e saibhreas glòire oighreachdsan anns na naomhaibh,

19 Agus ciód e ro-mheud a chumhachd d'ar taobhne a ta creidsinn, a réir oibreachaidh a thréin neirt;

20 A dh'oibrich e ann an Criod, 'nuair a thog e o na marbhaibh e, agus a chuir e'na shuidhe air a dheasalaimh fein e anns na h-ionadaibh nèamhaidh,

21 Gu ro àrd os ceann gach uile uachdarachd, agus cumhachd, agus neirt, agus tighearnais, agus gach ainme a dh'ainmichear, cha'n e mhàin san t-saoghal so, ach san t-saoghal ri teachd mar an ceudna.

22 Agus chuir e na h-uile nithe fuidh a chosaibh, agus thug se e gu bhi 'na cheann os ceann nan uile nithe do'n eaglais,

23 A ta 'na corp aige, lànachd an ti a ta liònahd nan uile nithe anns na h-uile.

C A I B. II.

5 Leis a choimeas r'a chéile ciód a

bha sinn thaobh nàduir, 5 agus ciód a tha sinn thaobh gràis, 10 tha e cur an céill gu'n d'rinneadh sinn air son dheadh oibre; agus air dhuinn bhí air ar toirt am fagus tre Chriosd, 11 nach còir dhuinn ar beatha a chaitheadh mar Chinnich, 12 agus mar choigrich, amhul anns an àm a chaidh seachad, 19 ach mar luchd aon bhaile ris na naoimh, agus mar theaghlaich Dhé.

A GUS bheothaich e sibhse a bha marbh ann an euceartaibh agus ann am peacaibh,

2 Anns an do għluais^e sibh sna h-amannaibh a chaidh seachad, a réir gnàthaf an t-saogħail so, a réir uachdarain^f cumhachd an athair, an spioraid a tha nis ag oibreachadh ann an cloinn na h-easumhlachd.

3 Am measg an robh againn uile mar an ceudna ar caitheadh-beatha roimhe so, ann an ana-mhiannaibh ar feòla, a' deanamh toil na feòla, agus nan smuainte^g; agus bha sinn a thaobh nàduir 'nar cloinn na feàrg, eadhon mar chàch.

4 Ach Dia, a ta saibhir ann an tròcair, air son a mhòr għraidih leis an do għraddhaich e sinn,

5 Eadhom air dhuinn a bhi marbh ann am peacaibh, chomh-bheothaich e sinn maille ri Criod, (le gràs a ta sibh air bhur slànuchadhi.)

6 Agus chomh-thog, agus chomhshuidhich e sinn ann an ionadaibh nèamhaidh ann an Iosa Criod:

7 Chum gu'm foillsicheadh e anns na linnibh ri teachd saibhreas ro phailt a għraisi, ann an caoimhneas d'ar taobhne trid Iosa Criod.

8 Oir is ann le gràs a ta sibh air bhur slànuchad, tre chreidimh; agus cha'n ann uaibh fein: is e tioldh-lacadhⁱ Dhé e:

9 Cha'n ann o oibribh, chum nach deanadh neach air bith uaill:

10 Oir is sinne obairsan, air ar cruthachadh ann an Iosa Criod chum dheadh oibre, air son an d'ulluich Dia roimh-làimh sinn, chum gu'n gluaiseamaid annta.

^a earlas. ^b dh'fhuasgladh. ^c taisbeanaidh. ^d chum esan aideachadh.

^e Anns an robh sibh ag imeachd. ^f gnàthachaidh. ^g prionnsaidh. ^h na h-inntin, a' chridhe. ⁱ tearnadħ, saoradħ, sàbħaladħ. ^l saor thabhartas.

11 Uime sin cuimhnichibh, air dhuibh a bli san aimsir a' chaidh thairis 'nar Cinnich san fheòil, d'an goirear an neo-thimchioll-ghéarradh leosan d'an goirear an t-imchioll-ghéarradh làmh-dheanta san fheoil;

12 Gu robh sinn san àm' sin as eugmhais Chriosd, 'nar coimhich do chomh-fhlaitheachd^m Israel, agus 'nar coigrich do choimh-cheanglaibh a' gheallaidh, as eugmhais dòchais, agus gun Dhia anns an t-saoghal:

13 Ach a nìs ann 'an Iosa Criosd, tha sibhse a bha roimhe so fad o làimh, air bhur toirtam fagus tríd fola Chriosd.

14 Oir is esan ar siothchaintne, a rinn aon dhinn araon, agus a bhris sìos balla meadhonach an eadar-dhealachaidh;

15 Air dha an naimhdeas a chur air cùl tre fheòil féir, eadhon lagh nan àitheanta, a chuireadh sìos ann an orduighibh, chum gu'n deanadh e ann féin do dhithis aon duine nuadh, a' deanamh sìth.

16 Agus gu'n deanadh e réidh far-aon iad ri Dia ann an aon chorpa tríd a' chroinn-cheusaidh, air dha an naimhdeas a mharbhadh le sin:

17 Agus thainig e agus shearmonaich e siothchaint dhuibhse a bha am fad, agus dhoibhsan a bha am fagus.

18 Oir tridsan tha araon slighe againn gu dol a steach tríd aon Spioraid chum an Athar.

19 A nis uime sin cha 'n'eil sibh ni's mò 'nar coigrich agus 'nar coimhich, ach 'nar luchd aon bhaile ris na naomhaibh, agus 'nar muinntir-teaghlaich Dhé;

20 Agus tha sibh air bhur togail suas air bunait nan abstol agus nam fàidh, air bhi do Iosa Criosd féin 'na chloich-chinn na h-oisinn;

21 Anns am bheil an aitreabh uile, ceangailte gu ceart r'a chéile, a' fàs suas chum bhi 'na teampull naomha san Tighearn :

22 Anns am bheil sibhse mar an ceudna air bhur comh-thogail suas chum bhi 'nar tigh-còmhnuidh do Dhia tríd an Spioraid.

C A I B: III.

5 Rinneadh an rùn-diomhair, 6 gu'm biadh na Cinnich air an saoradh, fhoillseachadh do Phòl; 8 agus thugadh an gràs dhasan, sin a shearmonachadh: 13 tha e 'g iarraidh orra gun iad a dh'fhlannachadh air son a thrioblaidsan, 14 agus tha e guidheadh, 19 iadsan a thuigsinn mòr ghràidh Chriosd d'an taobh.

A IR an aobhar so, tha mise Pòl a'm' pluriosunach Iosa Criosd, air bhur sonsa, a Chinneacha;

2 O chualaⁿ sibh mu fhrithealadh gràis Dé, a thugadh dhomhsa air bhur sonsa^o:

3 Gu'n d'rinn e aithnichte dhomh tre fhoillseachadh^p, an rùn-diomhair (mar a scriobh mi roimhe gu h-aithghearr,

4 Leis am feud sibh air dhuibh a leughadh, m'eòlas ann an rùn-diomhair Chriosd a thuigsinn.)

5 Ni ann an linnibh eile air nach d'thugadh fios do chloinn nan daoine, mar a ta e nis air fhoillseachadh d'a abstolaibh naomha agus d'a fhàidhlibh tríd an Spioraid;

6 Gu'm biodh na Cinnich 'nan comh-oighreachaibh, agus 'nan comhchorp, agus 'nan luchd-comhpait d'a ghealladh san ann an Criosd, tríd an t-soisgeil :

7 Air an d'rinneadh mise a'm' mhinisteir, a réir tiodhlaic gràis Dé a thugadh dhomh, a réir oibreacaidh eifeachdaich a chumhachdsan.

8 Dhomhsa, a's lugha na'n ti a's lugha do na naomhaibh uile, thugadh an gràs so, saibhreas Chriosd nach feudar a rainsachadh a shearmonachadh am measg nan Cinneach;

9 Agus gu'n deanainn soilleir do no na h-uile dhaoinibh, ciod e comunn an rùn-diomhair sin, a bha folaithe ann an Dia o thoiseach an t-saoghal, a chruthaich na h-uile nithe tríd Iosa Criosd;

10 Clum gu'n deantadh aithnichte nis do na h-uachdaranaichdaibh agus do na cumhachdaibh ann an ionadaibh nèamhaidh, leis an eaglais, gliocas eagsamhui^r Dhé,

^m chomh-chomunn. ⁿ Ma chuala. ^o d'ar taobhsa. ^p thaisbean.
^r ionadh-gnètheach.

11 A réir an rùin shiorruidh^s a rùnaich e ann an Iosa Criosd ar Tighearn :

12 Anns am bheil againn dàmachd agus slighe gu dol a steach ann am muinghin trìd a chreidimhsan.

13 Uime sin iarram nach lagaich sibh a leth mo thrioblaideansa air bhur son, ni a's e bhur glòirse.

14 Air an aobhar so lùbam mo ghlùine do Athair ar Tighearna Iosa Criosd,

15 Air an ainmichear an teaghach uile air nèamh agus air talamh,

16 Gu'n deònaicheadh e dhuibh a réir saibhreis a ghlòire, bhi air bhur neartachadh gu treun^t, trìd a Spioraid-san anns an duine an leth stigh ;

17 Ionnas gu'n gabh Criosd còmhnuidh ann bhur cridhe tre chreidimh; chum air dhuibh bhi air bhur freumhachadh, agus air bhur stéidheachadh^u ann an gràdh,

18 Gu'm bi sibh comasach maille ris na naomhaibh uile, air a thuiginn ciod e leud, agus fad, agus doimhne, agus àirde ;

19 Agus air gràdh Chriosd aithneachadh, a chaidh thar gach uile eòlas, chum as gu'm bi sibh air bhur lionadh le uile lànachd Dhé.

20 A nis dhasan d'an comas na h-uile nithe a dheanamh gu h-anabarrach rophailt thar gach nì a's urradh sinne iarruidh no smuaineachadh, a réir a' chumhachd a ta'g oibreachadh gu h-éifeachdach annainn,

21 Dhasan *gu robh* glòir anns an eaglais trìd Iosa Criosd, air feadh gach uile linn, gu saoghal nan saoghala. Amen.

C A I B. IV.

1 Tha e 'gan earalachadh chum aonachd ; 7 agus a' cur an céill gu'n d'thug Dia chum na crìche so tiодh-lacan eagsaighuil do dhaoinibh, 15 ionnas gu'm biodh eaglais air a togail, 6 agus gu'm fùsadh i suas ann an Criosd : 18 Tha e 'gan gairm o neo-gloine nan Cinneach, &c.

UIME sin tha mise priosunach an Tighearna, a' guidheadh

^s *A reir roimh-shuidheachaidh nan linn.*

^a *imich, siubhail.*

^b *comh-bhann.*

^c *iomlan, a cheangal*

^d *gu'n gluais*^a sibh gu cubhaidh do'n ghairm leis an do ghairmeadh sibh ;

2 Leis gach uile irioslachd inntinn agus mhacantas, le fad-fhulangas, a' giùlan le chéile ann an gràdh ;

3 A' deanamh dìchill air aonachd an Spioraid a choimhead ann an ceangal^b na sìth.

4 Is aon chorpa agus aon Spiorad a *ta ann*, amhuil mar an ceudna a ghairmeadh sibh ann an aon muinghin bhur gairme ;

5 Aon Tighearn, aon chreidimh, aon bhaisteadh,

6 Aon Dia agus Athair nan uile, a *tha os ceann nan uile*, agus tre na h-uile, agus annaibhse uile.

7 Ach thugadh gràs do gach aon agaunn a réir tomhais tiodhlaic Chriosd.

8 Uime sin a deir e, Air dol suas da an àird', thug e bruid am braighdeanas, agus thug e tiodhlaican do-dhacainibh.

9 (A nis gu'n deachaidh e suas, ciod e ach gu'n deachaidh e air tùs sìos gu ionadaibh iochdrach na talmhainn ?

10 An ti a chaidh sìos, is e sin fèin e a chaidh suas mar an ceudna gu ro àrd os ceann nan uile nèamh, chum gu'n lionadh e na h-uile nithe.)

11 Agus thug e droing àraidh gu-bhi nan abstolaibh ; droing eile, gu-bhi 'nam fàidhbh ; agus droing eile, gu-bhi 'nan soisgeulaichibh ; agus droing eile, gu-bhi 'nan aodhairibh^c, agus 'nan luchd-teagaisg ;

12 Chum na naoimh a dheasachadh chum oibre na ministreileachd, chum tògail suas cuirp Chriosd :

13 Gus an d'thig sinn uile ann an aonachd a' chreidimh, agus eòlaibh Mhic Dhé, chum duine iomlain, chum tomhais àirde lànachd Chriosd :

14 Chum as nach bi sinu a so suas 'nar leanabaibh, air ar tonn-luasgadh, agus air ar giùlan mu'n cuairt leis gach uile ghaoith teagaisg, le cleasachadh dhaoine, agus seòltachd cealgach, leis am bheil iad gu h-innleachdach ri feall-fholach chum meallaidh :

^a *le cumhachd.*

^b *bonn-shuidheachadh*

^c *buachaillibh.*

^d *a dheanamh*

iomlan, a cheangal gu diongalta r'a chéile.

15 Ach a' labhairt na fìrinn ann an gràdh, gu'm fàs sinn suas anns na h-uile nitibh chuigesan^e, a's e an ceann, *eadhon* Criod.

16 O'm bheil an corp uile, air a cheangal gu ceart, agus air a dblùthachadh trid an ni sin a tha gach alt a' toirt uaith, a réir oibreachaidh éifeachdaich ann an tomhas gach buill, a' faghail fàs cuirp, chum a thogail fein suas ann an gràdh.

17 So uime sin a deiream, agus guidheam am fianuis an Tighearna, gun sibh a dh'imeachd a so suas mar a ta na Cinnich eile ag imeachd, ann an dòlmhanas an inntinn fein;

18 Aig am bheil an tuigse air a dorchachadh, air dhoibh bhi 'nan coimhich do bheatha Dhé, thaobh an aineolaist a ta annta, tre chruas an cridhe:

19 Muinntir, air dhoibh am mothachadh a chall, a thug iad fein thairis do mhi-naire^f, chum gach uile neo-ghloine chur an gniomh le ciocras.

20 Ach cha d'fhòghluim sibhse Criod mar so;

21 O chuala^g sibh e, agus o theagaisgeadh leis sibh, mar a ta an fhìrinn am an Iosa :

22 Gu'n cuir sibh dhibh thaobh a' cheud chaitheadh-beatha, an seann duine, a tha truaillidh a réir nan ana-mhian cealgach :

23 Agus gu'm bi sibh air bhur n-ath-nuadhachadh ann an spiorad bhur n-inntinn :

24 Agus gu'n cuir sibh umaibh an nuadh dhuine, a tha air a chiruthachadh a réir Dhé am fireantachd agus am fior naomhachd.

25 Uime sin air dhuibh a' bhreug a chur uaibh, labhraibh an fhìrinn gach neach r'a choimhairsnach : oir is buill sinn d'a chéile.

26 Biodh fearg oirbh, agus na peacaichibh : na luidheadh a' ghrian air bhur corruiuch :

27 Agus na tugaibh àit do'n diabhol.

28 An ti a ghoid, na goideadh e ni's mó : ach gu ma fearr leis saothair a dheanamh, ag oibreachadh an ni

a ta maith le a làmhaibh, chum's gu'm bi aige ni r'a phàirteachadh ris an neach air am bheil uireas-bhuidh.

29 Na d'thigeadh cainnt thruaillidh air bith a mach as bhur beul, ach an ni sin a ta maith chum deadh-fhòghluim, ionnas gu'n toir e gràs do'n luchd-éisdeachd.

30 Agus na cuiribh doilgheas air Spiorad naomha Dhé, leis an dochuireadh seula oirbh gu là na saorsa.

31 Biodh gach uile sheirbhe, agus corruiuch, agus fearg, agus gàrrthaich^h, agus toibheum i air an togail uaibh, maille ris gach uile mhìorun.

32 Agus bithibh caoimhneil teochridheach d'a chéile, a' tabhaint maitheanais d'a chéile, *eadhon* mar a thug Dia maitheanas dhuibhse ann an Criod.

C A I B. V.

2 An déigh earailean coitchionn chum gràidh, 3 chum strìopachas a sheachnadh, 4 agus na h-uile neo-ghloine, 7 gun chomhluadar a churmail ri daoinibh aingidh, 15 imeachd gu faicilleach, 18 agus bhi air an lònadh leis an Spiorad, 22 tha e labhairt mu dheasdanasaibh fa leth, cionnas is còir do mhnàibh bhi ùmh-al d'am fearaibh-pòsda, &c.

UIME sin bithibhse 'nar luchd-leamhnuim air Dia, mar chloinn ghràdhaich ;

2 Agus gluaisibh ann an gràdh, eadhon mar a ghràdhaich Criod sinne, agus a thug se e fein air ar son, 'na thabhartas agus 'na iobairt deadhbholaidh do Dia.

3 Ach na biodh strìopachas, agus gach uile neo-ghloine, no sannt,uir-eas air an ainmeachadh 'nar measg, mar is cubhaidh do naomhaibh.

4 No draosdachdⁱ, no còmhraadhamaideach, no bao-shùgradh, nithe nach 'eil iomchuidh : ach gu ma fearr leibh breith-buidheachais.

5 Oir a ta fios agaibh air so, nach 'eil aig fear-strìopachais air bith, no aig neach neo-ghlan, no aig duine sanntach, (a tha 'na fhear-iòdhol-aor

^e annsan. ^f mhacnus. ^g Ma chuala. ^h àrd ghlaodhaich. ⁱ anacainnt.

¹ draosdachd, cainnt shalach.

aidh) oighreachd ann an rioghachd Chriosd agus Dhé.

6 Na mealladh neach air bith sibh le briathraibh diomhain : oir air sonnan nithe sin tha fearg Dhé a' teachd air cloinn na h-easumhlachd.

7 Na bithibhse uime sin 'nar luchd-combpairt riu.

8 Oir bha sibh uair-eigin 'nar dorchadas, ach a nis tha. *sibh* 'nar solus san Tighearn : gluaisibh mar chloinn an t-soluis.

9 (Oir a ta toradh an Spioraid m' anns an uile mhaiitheas, agus ionracas, agus fhìrinna.)

10 A' dearbhadh ciod an ni a tha taitneach do'n Tighearn.

11 Agus na biodh comh-chomunn agaibh ri oibríbh neo-tharbhach an dorchadair, ach gu ma fearr leibh an cronachadh.

12 Oir is gràineil eadhon r'an innseadh na nithe a ta air an deanamh leo os iosal.

13 Ach a ta na h-uile nithe a tha air an cronachadh, air an deanamh follaiseach leis an t-solus : oir gach uile ni a ni soilleir, is solus e.

14 Uime sin a deir e, Mosgail, thusa a tha d' chodal, agus éirich o na marbhaibh, agus bheir Criosd solus duit.

15 Feuchaibh uime sin gu'n gluais sibh gu faicilleach, cha'n ann mar amadain, ach mar dhaoine glice,

16 Ag ath-cheannachⁿ na h-aimsire, do bhrigh gu bheil na làithean olc.

17 Air an aobhar sin na bithibhse neo-ghlic, ach a' tuigsinn ciod i toil an Tighearna.

18 Agus na bithibh air mhisi le fionn, anns am bheil anabarr ; ach bithibh air bhur lònadh do'n Spiorad :

19 A' labhairt ribh féin^o ann an salmaibh, ann an laoidhibh, agus ann an dànaibh spioradail, a' seinn agus a' deanamh ciuil 'nar cridhe do'n Tighearn.

20 A' toirt buidbeachais a ghnàth air son nan uile nithe do Dhia eadhon an t-Athair, ann an ainm ar Tighearna Iosa Criosd ;

21 Air dhuibh bhi ùmhal d'a héile ann an eagal Dé.

22 A mhnài, bithibh ùmhal d'ar fearaibh féin, mar do'n Tighearn.

23 Oir is e am fear ceann na mnà, eadhon mar is e Criosd ceann na h-eaglais : agus is esan Slànuighear a' chuirp.

24 Uime sin mar a ta'n eaglais ùmhal do Chriosd, mar sin *biodh* na mnài d'am fearaibh féin mar an ceudna anns gach ni :

25 Fheara, gràdhachibh bhur mnài féin, eadhon mar a ghràdhach Criosd an eaglais, agus a thug se e féin air a son ;

26 Chum gu naomhaicheadh, agus gu'n glanadh e i le ionnlad an uisge-trìd an fhocail,

27 Chum gu'n cuireadh e 'na làthair féin i 'na h-eaglais ghlor-mhoir, gun smal, gun phreasadh^p, no ni air bith d'an leithidibh sin ; ach chum gu'm biodh i naomha, agus neo-lochdach^r.

28 Is amhluidh sin is còir do na fearaibh am mnài féin a ghràdhachadh, mar an cuirp féin : an ti a ghràdhacheas a bhean, tha e 'ga-ghràdhachadh féin.

29 Oir cha d'thug duine air bith riamh fuath d'a fheoil féin ; ach altrumaidh agus eiridnidh^s e i, eadhon mar a ta an Tighearn a' deanamh do'n eaglais :

30 Oir is buill sinn d'a chorp, d'a fheoil, agus d'a chnàmhàibbsan.

31 Air an aobhar so fàgaidh duine athair agus a mhàthair, agus dlùth-leanaidh e r'a mhnaoi, agus bithidh an dithis 'nan aon fheoil.

32 Is diomhaireachd mhòr so : aeh labhram mu Chriosd agus an eaglais.

33 Gidheadh, thugadh gach aon agaibhse fa leth gràdh d'a mhnaoi amhui mar dha féin ; agus feuchadh a' bhean gu'n d'hoir i urram d'a fear.

C A I B. VI.

- 1 *Dleasdanas cloinne d'am pàrrantaibh, 5 sheirbhiseach d'am maighstiribh.* 10 *Is cogadh ar beatha, 12 cha'n ann a mhàin an aghaidh folta agus feòla, ach mar an ceudna*

^m *an t-soluis.* ⁿ *a' fuasgladh.*

^o *'nar measg féin, r'a chéile,*

^p *chasadh.* ^r *gun ghò.* ^s *giullaichdadh.*

an aghaidh nainhde spioradail. 13
Airm a' chriosdaidh, 18 agus *cionnus is còir an gnàthachadh.* 21 *Tha Tichicus air a mhòladh.*

A CHLANN, bithibh ùmhial d'ar pàrantaibh féin san Tighearn; oir a ta so ceart.

2 Thoir onoirt do t' athair agus do d' mhàthair, (is i so a' cheud àithne le gealladh.)

3 Chum gu'n éirich gu maith dhuit, agus gu'm bi thu fad-shaoghalach air an talamh.

4 Agus aithriche, na brosnaichibh bhur clann chum feirge: ach tog-aibh^u iad ann an oilean agus ann an teagast an Tighearna.

5 A sheirbhiseacha, bithibh ùmhial d'ar maighstiribh a réir na feòla, le h-eagal^a agus crith, ann an tréibhdhùreas bhur cridhe, mar do Chriosd:

6 Cha'n ann le sùil-sheirbhis, mar dhroing a ni toil dhaoine, ach mar sheirbhisich Chriosd, a' deanamh toil Dé o'n chridhe;

7 Le deadh thoil a' deanamh seirbhis, mar do'n Tighearn, agus cha'n ann do dhaoinibh:

8 Air dhuibh fios a bhi agaibh, ge b'e maith air bith a ni aon neach, gu'm faigh e an ni so féin o'n Tighearn, ma's saor no daor e.

9 Agus a mhaighstirean, deanabhse na nithe ceudna dhoibhsan, a' leigeadh dhibh bagraidh: air dhuibh fios a bhi agaibh gu bheil bhur maighstir féin air nèamh mar an ceudna, agus nach 'eil gnùis-bhreth maille ris.

10 Fa dheoidh, mo bhràithre, bithibh làdir san Tighearn, agus ann an neart a chumhachdsan.

11 Cuiribh umaibh uil' armachd Dhé, chum's gu'm bi sibh comasach air seasamh an aghaidh cuilbheirtean an diabhoil.

12 Oir cha 'n'eil sinn a' gleachdadh a mhàin ri fuil agus feòil, ach ri uachdarachdaibh, ri cumhachdaibh, ri riaghlaibh dorchadais an t-saoghail so, ri aingilheachd spioradail^b ann an ionadaibh àrdac^c.

13 Uime sin glacaibh d'ar n-ionnsuidh uile armachd Dhé, chum's

gu'm bi sibh comasach air seasamh an aghaidh a' bhuaireadh san droch là, agus air dhuibh na h-uile nithe a dheanamh, chum seasamh.

14 Seasaihbh uime sin, air bhi d'ar leasaidh air an crioslachadh^d le firinn, agus uchd-éididh na fireantachd^e umaibh;

15 Agus ulluchadh soisgeil na sìth mar bhrògan agaibh air bhur cosaihbh;

16 Thar gach uile ni, a' glacadh chugaibh sgeith a' chreidimh, leis am bi sibh comasach air uile shaighde teinteach an droch Spioraid a mhùchadh.

17 Agus glàcaibh clogaid na slàinte, agus claidheamh an Spioraid, ni a's e briathar Dhé:

18 A' deanamh ùrnuigh a ghnàth leis gach uile ghnè ùrnuigh agus asluchaiddh san Spiorad, agus a' deanamh faire chum an ni so féin maille ris gach uile bhuanachadh, agus ghuidheadh air son nan naomh uile;

19 Agus air mo shonsa, chum gu tiubhrar dhemh comas labhairt, le fosgladh me bheoil ann an dànochd, chum gu foillsich mi rùn-diomhair an t-soisgeil.

20 Air son am bheil mi a'm theachdaire ann an geimhlibh: chum gu labhair mi gu dàna uime, mar is còir dhomh labhairt.

21 Ach a chum gu'm bi fhios agaibhse mar an ceudna air na nitheibh a bhuineas domhsa, agus ciod a tha mi a' deanamh, foillsichidh Tichicus, bràthair gràdhach agus ministear firinneach san Tighearn, na h-uile nithe dhuibh.

22 Neach a chuir mi d'ar n-ionnsuidh air son an aobhair so féin, chum gu'm biodh fios nan nithe a bhuineas duinne agaibh, agus gu'n d'thugadh e comh-fhurtachd d'ar cridhe.

23 Sìth gu robh do na bràthribh, agus gràdh maille ri creidimh o Dhia an t-Athair, agus an Tighearn Iosa Criosd.

24 Gu robh gràs maille riusan uile a ta gràdhachadh ar Tighearna Iosa Criosd ann an tréibhdhireas. Amen.

^a urram. ^b altrumaibh. ^c faitcheas. ^d droch spioradaibh.

^e nèamhaidh. ^f criosrachadh. ^g an ionracais. ^h ghathan.

LITIR AN ABSTOIL PHOIL CHUM NAM
PHILIPIANACH.

C A I B. I.

6 *Tha e cur an céill a bhuidheachais do Dhia, agus a ghràidh dhoibhsan, air son toraidh an creidimh, agus an comhpairt 'na fhulangas, 9 a' deanamh ùrnuigh a ghnàth ri Dia gu'm fàsadh iad ann an gràs : 12 Tha e nochdadh na tairbhe a fhuair creidimh Chriosd o fhulangas-san anns an Ròimh, 21 agus co toil-each 's a ta e air Chriosd a ghlòrachadh, le a bheatha no le bhàs : &c.*

POL agus Timoteus seirbhisich Iosa Criosd, chum nan naomh uile ann an Iosa Criosd, a tha ann am Philipi, maille ris na h-easbuigibh ^g agus na deaconaibh ^h :

2 Gràs duibh agus siothchaint o Dhia ar n-Athair, agus o'n Tighearn Iosa Criosd.

3 Tha mi toirt buidheachais do m' Dhia gach uair a chuimhnicheas mi oirbh,

4 (A ghnàth ann am uile ùrnuighibh air bhur sonsa uile, le gairdeachas a'deanamh guidheadh,) 5 Air son bhur comh-roinn do'n t-soisgeul, o'n cheud là gus a nis ;

6 Air dhomh bhi dearbhta as an ni so féin, eadhon an ti a thòisich deadh obair annaibh, gu'n coimhlion e i gu là Iosa Criosd :

7 Eadhon mar is còir dhomh so a smuainteachadh umaibh uile, do bhrigh gu bheil sibh agam ann mo chridhe, agus gu bheil sibh uile 'nar luchd comh-roinn do m' ghràs-sa, faraon ann mo gheimhlibh, agus ann an seasamh air son agus ann an daingneachadh an t-soisgeil.

8 Oir is e Dia m'fhanuis, cia mòr

mo dhéidh oirbh uile, ann an innibh Iosa Criosd.

9 Agus ma ta mi a' guidheadh so, gu'm biodh bhur gràdhsa air a mheudachadh ni's mò agus ni's mò ann an eòlas, agus ann an uile thugse :

10 Chum's gu'n dearbh sibh na nithe a's fearri ; chum's gu'm bi sibh tréibhdhireach, agus gun tuisleadh ⁱ gu là Chriosd ;

11 Air bhur lònadh le toraibh na fireantachd, a tha trìd Iosa Criosd chum glòire agus cliu Dhè.

12 Ach is aill leam, a bhràithre, fios a bhi agaibh, na nithe a tharladh dhomhsa, gur mò a dh'éirich leo an soisgeul a chur air aghaidh :

13 Ionnas gu bheil mo gheimhleansa ann an Criosd iomraideach anns an lùchairt uile, agus anns gach àit eile ;

14 Agus gu bheil mòran do na braithribh san Tighearn a' gabhaile misнич o m' gheimhlibh, leis an tuilleadh mòr dànachd a' labhairt an fhocail ^m gun eagal.

15 Tha cuid gu dearbh a' searmonachadh Chriosd tre fhamrad agus stri, agus cuid eile tre dheadh thoil.

16 Tha aon dream a' searmonachadh Chriosd tre chonspoid, cha'n ann gu tréibhdhireach, a' saoilsinn àmh-ghar a chur ri m' gheimhlibhse :

17 Ach an dream eile o ghràdh, air dhoibh fios a bhi aca gu'n do chuireadh mise gu seasamh air son an t-soisgeil.

18 Ciod ma ta ? gidheadh air gach aon chor, co aca is ann an coslas a mhàin, no da rìreadh, a ta Criosd air a shearmonachadh ; agus air a shon

^g luchd-coimhid. ^h luchd-frithealaidh, foirfeachaibh, i a tha eadar-dhealaichte.

¹ gun bhi 'nar n-aobhar oilbheim. ^m focail [Dé.]

so tha mise a' deanamh gairdeachais, seadh, agus ni mi gairdeachas.

19 Oir a ta fhios agam gu'n d'thig so chum sláinteⁿ dhomhsa tre bhur n-ùrnuighse, agus tre fhrithealadh Spioraid Iosa Criosd,

20 A réir mo ro-dhùil^o, agus mo dhòchais, nach cuirear näire orm ann an ni air bith, ach leis an uile dhànachd labhairt, mar a ghnàth gu'm bi Criosd a nis mar an ceudna air àrdachadh a'm' chorpsa, ma's ann tre bheatha no tre bhàs.

21 Oir dhomhsa bhi beo is e sin Criosd, agus bàs fhaghail^p is buannachd dhomh so.

22 Ach ma's beo dhomh san fheòil, 's e so toradh m'oibre: ach ciod d'an deanainn roghuinn, ni'm fios domh.

23 Oir tha mi air mo theannachadh eadar dhà ni, air dhomh bhi togarrach air siubhal, agus bhi maille ri Criosd; oir is e so a's ro f'héarr:

24 Gidheadh, 's e mi dh'fhanntuinn san fheòil, a's feumaile dhuibhse.

25 Agus air dhomh bhi cinn teach thith so, tha fhios agam gu'm feirich mi agus gu'n còmhnuich mi maille ribh uile, chum bhur cursa air bhur n-aghaidh, agus chum gairdeachais a' chreidimh^r:

26 Chum gu'm bi bhur gairdeachas ni's pailte ann an Iosa Criosd do m' thaobhsa, air son mi bhi a ris a làthair maille ribh.

27 A mhàin caithibh bhur beatha gu cubhaidh do shoisgeul Criosd: chump cò aca a thig mi agus a chi mi sibh, no a bhios mi as làthair, gu'n cluinn mi mu'r timchioll, gu bheil sibh a' seasamh gu daingean ann an aon spiorad, le aon inntinn, a' gleacadh le chéile air son creidimh an t-soisgeil;

28 Gun gheilt^s ann an ni sam bith oirbh o bhur naimhdibh: ni a ta dhoibhsan 'na chomhara cinn teach air sgrios, ach dhuibhse air sláinte, agus sin o Dia.

29 Oir thiodhlaiceadh^t dhuibhse

air son Chriosd, cha'n e mhàin creid-sinn ann, ach mar an ceudna fulang air a shon;

30 Air dhuibh an còmhrag ceudna bhi agaibh a chunnaic sibh annamsa, agus a tha sibh a nis a' cluinntinn a bhi annam.

C A I B. II.

1 Tha e'gan earalachadh chum aonachd, agus irioslachd inntinn, le eisempleir isleachaидh agus àrdachaidh Criosd; 12 chum iad a dhol air an aghaidh gu càramach ann an slighe na sláinte, ionnas gu'm biodh iad 'nan solus do'n t-saughal aingidh, 16 agus 'nan comhfhurtachd dhasan an abstolsan, neach a ta ullamh eadhon chum bhi air iòbradh suas do Dhia. &c.

UIME sin ma tha comhfhurtachd air bith ann an Criosd, ma tha sòlas air bith gràidh, ma tha comh-chomunn air bith an Spioraid, ma tha truas^u air bith agus trócaire;

2 Coimhlionaibh mo ghairdeachas, gu'm bi sibh a dh'aon inntinn, a dh'aon ghràdh, a dh'aon toil, a dh'aon bheithneachadh^a.

3 Na deanar aon ni tre chionspoid, no tre ghlòir dhìomhain, ach ann an irioslachd inntinn measadh gach aon gur fearr neach eile na e féin.

4 Na seallaibh gach aon air na nithibh sin a bhuineas da féin, ach gach aon air na nithibh a bhuineas do dhaoinibh eile mar an ceudna.

5 Uime sin biodh an inntinn cheudna annaibhse, a bha ann an Iosa Criosd:

6 Neach air bhi dha ann an cruth Dhé, nach do imheas e 'na reubainn e féin bhi coimh-ionnan ri Dia:

7 Ach chuir se e féin ann an dìmeas^c, a' gabhail air féin dreach seirbhisich, air a dheanamh ann an coslas dhaoin;

8 Agus air dha bhi air fhaghail ann an cruth mar dhuine, dh'irioslaich se e féin, agus bha e ùmhal gu bàs, eadhon bàs a' chroinn-cheusaidh.

ⁿ saorsa. ^o m'earbsaidh. ^p fhaotainn.

^r chum cur air aghaidh bhur creidimh agus bhur gairdeachais. ^s uamhas, eagal, ghiorag. ^t thugadh gu saor.

^u tiom-chridheachd. ^a toirt aire do'n aon ni, ^c dh'fholamhuich se e fein.

9 Air an aoibhar sin dh'àrdaich Dia e gu ro àrd mar an ceudna, agus thug e dha ainm os ceann gach uile ainme :

10 Chum do ainmd Iosa gu'n lùbadh gach glùn, do *nithibh a ta air* nèamh, agus do *nithibh a ta air* talamh, agus do *nithibh a ta fo'n talamh* ;

11 Agus gu'n aidicheadh gach teanga gur e Iosa Cricsd an Tighearn, chum glòire Dhé an Athar.

12 Úime sin, a mhuinnitir mo ghràidh, mar a bba sibh ùmhail a ghnàth, ni a mhàin a'm làthairse, ach a nis ni's ro mhò as mo làthair, lànoibrichibh bhur slàinte fèin le h-eagal agus ball-chrith.

13 Oir is e Dia a dh'oibricheas annaibh, faraon an toil agus an gnìomh^e a réir a dheadh-ghean fèin.

14 Deanaibh na h-uile nithe gun ghearan^f, agus gun deasboireachd :

15 Chum as gu'm bi sibh neo-choireach, agus neo-chronail^g, 'nar cloinn do Dhia, neo-lochdach, am meadhon ginealaich fhiar agus chrosda^h, measg am bheil sibhse a' dealrachadh mar lòchrain sholuis san t-saoghal :

16 A' cumail a machi focail na beatha; chum gu'n deanamsa uайл ann an là Chriosd, do bhrigh nach do ruith mi gu diòmhain, agus nach do shaothraich mi gu diòmhain.

17 Seadh agus ma iobrari mi air iobairt agus seirbhise fhomhaiseach bhur creidimhse, tha aoibhneas orm, agus deanam gairdeachas maraon ribhse uile.

18 Air an dèigh cheudna biodh aoibhneas oirbhse, agus deanaibh gairdeachas maraon riumsa.

19 Ach a ta dòchas agam anns an Tighearn Iosa, Timoteus a chur gu goirid d'ar n-ionnsuidh, chum as gu'm bi mise mar an ceudna ann an deadh mhisнич, airdhomh fios fhangail ciod is eor dhubhse.

20 Oir cha 'n'eil duine air bith agam coimh-ionunn inntinn *ris-san*, air am bi cùram nan nithe a bhuineas dhubhse gu dùrachdach.

21 Oir tha na h-uile ag iarraidh nan nithe a bhuineas doibh fèin, cha'n iad na nithe a bhuineas do Iosa Criosd.

22 Ach is aithne dhubh a dhearbh-adhsan, mar mhac d'a athair, gu'n d'rinn e seirbhise maille riumsa anns an t-soisgeul.

23 Uime sin tha dùil agam esan a chur d'ar n-ionnsuidh air ball, co luath as a chi mi ciod is cor dhomh fèin.

24 Ach tha earbsadh agam anns an Tighearn, gu'n d'thig mi fèin d'ar n-ionnsuidh gu h-aithghearr mar an ceudna.

25 Gidheadh mheas mi gu'm b'fheumail Epaphroditus mo bhràth-air, agus mo chomh-oibriche, agus mo chomh-shaighdear, ach bhur teachd-oirese, agus an ti a fhritheil do m'uireasbuidh, a chur d'arn-ionnsuidh.

26 Oir bha déidh mhòr aige oirbh uile, agus bha e làn tuirse, do bhrigh gu'n cuala sibhse gu'n robh e tinn.

27 Agus gu deimhin bha e tinn fagus do'n bhàs: gidheadh rinn Dia tròcair air; agus cha b'ann airsan a mhàin, ach ormsa mar an ceudna, chum nach biodh doilgheas air muin doilgheis orm.

28 Úime sin bu togarraiche a chuir mi d'ar n-ionnsuidh e, chum air dhubh fhaicinn a ris, gu'm biodh aoibhneas oirbh, agus gu'm bu lughайд mo dhoilgheas-sa.

29 Air an aoibhar sin gabhaibh ris san Tighearn leis an uile aoibhneas, agus biodh meas mòr agaibh air an leithidibh sin :

30 Do bhrigh air son oibre Chriosd gu robh e dlùth do'n bhàs, agus nach robh suim aige d'a bheathal fèin, chum gu'n deanadh e suas uireas-bhuidh bhur seirbhise-se do m'thaobhса.

C A I B. III.
1. Tha e toirt rabhaidh dhoibh bhi air
am faicill o luchd-teagaisg bréige
an timchioll-ghearraidh, 4 a' nochd-
adh gu bheil aige fèin tuilleadh
aoibhair na acasan, earbsadh a

^d ann an ainm. ^e an deanamh. ^f mhonmhòr. ^g glan, neo-thruaillidh,
^h tharsuing. ⁱ os aird. ^j anam.

fíreantachd an lagha ; 7 ni gidi-eadh a ta e meas mar aolach agus chail chum Iosa Criod agus fhíreantachdsan a chosnadh : 12 tha e 'g aideachadh a' neo-fhoirfeachd féin anns an ní so : &c.

OS barr, mo bhráithre, deanaibh gairdeachas san Tighearn. Gu deimhin cha leasg^m leamsa na nithe ceudna a scriobhadh d'ar n-ionnsuidh, ach dhuibhse tha so téaruinnnté.

2 Bithibh air bhur facill o mharaibh, bithibh air bhur facill o dhroch luchd-oibre, coimhidibh sibh féin o'n chomh-ghearradh.

3 Oir is sinne an timchioll-ghearradh, a ta deanamh aoraidh do Dhia san Spiorad, agus a' deanamh gairdeachais ann an Iosa Criod, agus nach eil a' cur muinghin san fheoil :

4 Ge do dh'fheudainnse mar an ceudna muinghin bhi agam san fheoil. Ma shaoileas aon neach eile gu'm feud e muinghin a chur san fheoil, is inò na sin a dh'fheudas mise :

5 Air mo thimchioll-ghearradh air an ochdamli là, do chinneach Israeil, do thréibh Bheniamin, a'm' Eabhruidheach do na h-Eabhruidheach-aibh; a réir an lagha, a'm' Phairiseach;

6 A thaobh eud, a' deanamh geur-leanmhuinn air an eaglais; a réir na fireantachd a ta san lágh, neo-choirreach.

7 Ach na nithe a bha 'nam buannachd dhomh, mheas mi iad sin 'nan call air son Criod.

8 Seadh gun amharus, agus measam na h-uile nithe 'nan calldach, air son ro-oidheirceis^o éolais Iosa Criod mo Tighearna; air son an d'fhuling mi call nan uile nithe, agus meásam gur aolach iad chum gur e mo bhuanachd^P Criod,

9 Agus gu faighear annsan mi, gun m'fhíreantachd féin agam, a ta o'n lagh, ach an fhíreantachd sin a ta tre chreidimh Criod, an fhíreantachd a ta o Dhia tre chreidimh :

10 Chum éolas a bhi agam airson, agus air cumhachd aiseirighsan, agus air comh-chomunn fhlangais, air

bhi dhomh air mo chur ann an coslas crutha r'a bhàs^r ;

11 Dh'fheuchainn am feudainn air aon chor teachd chum na h-aiseirigh o na marbhaibh.

12 Cha'n e gu'n d'ràinig mi cheana, no gu bheil mi cheana fairfe : ach tha mi a' leanmhuiinn, dh'fheuchainn am faigh mi greim do'n ni sin féin air son an do ghabhadh greim dhiom le h-Iosa Criod.

13 A bhráithre, ni measam gu'n do ghlac mi greim : ach aon ni a dheanam, air dhomh na nithe a ta air mo chùl a dhi-chuimhneachadh, agus bhi 'g am shìneadh fein ehum nan nithe a ta romham,

14 Tha mi a' dian-ruith dh'-ionnsuidh a' chomharaidh, chum duaise^s àrd ghaarme Dhé ann an Iosa Criod.

15 Uime sin mheud dhinne 's a ta diongalta, biodh an inntinn so againn : agus ma tha sibh ann an ni sam bith air atharrachadh inntinn, foillsichidh Dia an ni so féin duibh.

16 Gidheadh, an ni air an d'ràinig sinn a cheana, gluaiseamaid a réir aon riaghail, bitheamaid a dh'aon inntinn.

17 A bhráithre, bithibhse le chéile 'nar luchd-leanmhuinn ormsa, agus thugaibh an aire dhoibhsan a tha gluasad air an dòigh sin, mar a ta sinne 'nar eisempleir agaibh.

18 (Oir a ta mòran a' gluasad, mu'n dubhairt mi gu minic ribh, agus mu'm bheil mi nis, eadhon a' gul, ag ràdh ribh, gur naimhdean iad do chrann-ceusaidh Criod :

19 D'an deireadh bhi air an sgrios, d'an dia am brù : agus aig am bheil an glòir 'nan näire, aig am bheil an aire air nithibh talmhaidh.)

20 Oir a ta ar caitheadh-beathane^t air néamh, an t-ionad as am bheil dùil againn fòs ris an t-Slànuighear, an Tighearn Iosa Criod:

21 A chruth-atharraicheas ar corp dìblidh, chum gu'n deanar e comhchosmhui r'a chorp glòrmhor féin, a réir an oilbreachaидh leis am bheil e comasach air na h-uile nithe a chur fa cheannsal féin.

^m chruaidh, doilich. ⁿ sàbhalla.

^r air mo dheanamh a réir a bhàis. ^s gill. ^t giùlan, comhcheannsaidh.

^o ro-phriseileachd. ^p gu cosnainn.

C A I B. IV.

1 O chomhairlibh miénaideach, 4
tha e dol air aghaidh chum earail-
ean coitcionna, 10 a' nochdadh
cionnus a rinn e gairdeachas air
son an tabhartuis dha, agus e 'na
luidhe am priosun; 19 agus tha e
a' críochnachadh le h-ùrnuiugh agus
beannachdaibh.

UIME sin, mo bhráithre gràdhach
agus air am bheil mo dhéidh,
m'aobhineas agus mo chrùn, seasainb
mar so gu daingeann san Tighearn, a
mhuiintir mo ghráidh.

2 Guidheam air Euodias, agus
guidheam air Sintiche, iad a bhi
dh'aon inntinn san Tighearn.

3 Agus iarram orts a mar an
ceudna, a chompanaich dhileis, dean
còmhinadh ris na mnàibh sin a rinn
saothair maille ri umsa san t-soisgeul,
maille ri Clemens, agus a' chuid eile
do m' chomh-oibrichibh, aig am
bheil an-ainmean ann an leabhar na
beatha.

4 Deanaibh gairdeachas san Tighearn a ghnàth: a ris deiream, Deanaibh
gairdeachas.

5 Biodh bhur measarrachd^u foll-
aiseach do na h-uile dhaoinibh. Tha'n
Tighearn am fagus.

6 Na biodh ro-chùram ni sam bitl
oirbh: ach san uile ni le h-ùrnuiugh
agus asluchadh maille ri breith-
buidheachais, biodh bhur n-iarrtuis
air an deanamh aithnichte do Dia.

7 Agus coimhididh sìth Dhé, a ta
thargach uile thugse, bhur cridhe agus
bhur n-inntinn ann an Iosa Criod.

8 Fa dheoidh, a bhráithre, ge b'e
nithe ta fior, ge b'e nithe ta urram-
ach^a, ge b'e nithe ta ceart, ge b'e
nithe ta fior-ghlan, ge b'e nithe ta
ion-ghràidhb, ge b'e nithe ta ion-
mholta; ma tha deadh-bheus^c air
bith ann, ma tha moladh air bith ann,
smuainichibh air na nitibh sin.

9 Na nithe sin ar aon a dh'fhògh-
luim, agus a ghàbh sibh, agus a chual
agus a chunnait sibh annamsa, dean-
aibh: agus bithidh Dia na siothchaint
maille ribh.

10 Ach rinn mi gairdeachas gu

mòr san Tighearn, do bhrigh gu'n
d'ath-ùraicheadh nis fa dheireadh
bhur cùram umamsa; ni mar an
ceudna anns an robh sibh cùramach,
ach cha robh cothrom agaibh.

11 Ni h-e gu'n labhram a thaobh
uireasbhuidh: oir dh'fhòghluim mi,
ge b'e staid am bheil mi, bhi toilichte.

12 Is aithne dhomh bhi iosal, agus
is aithne dhomh mar an ceudna pailteas
a mhealtruinn: anns gach aít,
agus anns na h-uile nithibh theag-
aisgeadh mi, araon a bhi sàthach agus
ocreach, araon pailteas a shealbhachadh
agus uireasbhuidh fhulang.

13 Is urradh mi na h-uile nithe a
dheanamh tre Chriod, a neartaicheas
mi.

14 Gidheadh, is maith a rinn sibh
gu'n do chomh-phàirtich sibh ri m'
thrioblaid.

15 Agus a nis biodh fhios agaibhse,
a Philipianacha, ann an toiseach an
t-soisgeul, 'nuair a dh'fhàg mi Ma-
cedonia, nach do roinn eaglais air
bith ri umsa, thaobh tabhairt agus
gabhair, ach sibhise a mhàin.

16 Oir eadhon ann an Tesalonica
chuir sibh aon uair agus a ris a m'
ionnsuidh leasachadh do m' uireas-
bhuidh.

17 Ni h-e gu bheil mi ag iarraidh
tabhartais: ach a ta mi 'g iarraidh
toraidh a bhios pailte chum bhur
cunnatais-se.

18 Ach a ta mi sealbhachadh nan
uile nithe, agus tha pailteas agam:
lionadh mi, air dhomh na nithe fhaot-
ainn o Epaphroditus a chuireadh
uaibhse, àileadh deadh-bholuidh, lòb-
airt thaitneach, anns am bheil tlachd
aig Dia.

19 Ach leasaichidh mo Dia-sa
bhur n-uireasbhuidh uile, a réir a
shaibhreis ann an glòir, trèd Iosa
Criod.

20 A nis do Dia agus ar n-Ath-
airne gu robh glòir gu saoghal nan
saoghal. Amen.

21 Cuiribh failte air gach uile
naomh ann an Iosa Criod. Tha na
bràithrean a tha maille ri um, a' cur
failte oirbh.

^u cotrom, ciuineas. ^a ciatfach. ^b a ta gràdhach, cairdeil.
^c subhailc.

22 Tha na naoimh uile a' cur fàilte oirbh, gu h-àraid iadsan a tha do theaghach Cheasair.

23 Gràs ar Tighearna Iosa Criod gu robh maille ribh uile. Amen.

LITIR AN ABSTOIL PHOIL CHUM NAN COLOSIANACH.

C A I B. I.

1 An déigh fàilte chur orra, tha e toirt buidheachais do Dhia air son an creidimh, 7 a' daingneachadh teagaisg Epaphrais, 9 a' guidh-eadh gu'm biodh an gràs aér a mheudachadh, 14 a' cur an céill cò e am fìor Criod, 21 a' toirt misnich dhoibh gu gabhail ri Criod; agus a' moladh a mhinist-reileachd fèin.

POL abstol Iosa Criod tre thoil Dé, agus Timoteus ar bràthair,

2 Chum nan naoimh agus nam bràthar dileas ann an Criod, a tha ann an Colose: Gràs gu robh dhuibh, agus sìth o Dhia ar n-Athair, agus o'n Tighearn Iosa Criod.

3 Tha sinn a' toirt buidheachais do Dhia, agus Athair ar Tighearna Iosa Criod, a' sìr-dheanamh urning air bhur sonsa:

4 O chuala sinn iomradh bhur creidimh ann an Iosa Criod, agus bhur gràidh do na naoimhaibh uile;

5 Air son an dòchais a ta air a thasgaidh fa'r comhair air nèamh, air an cuala sibh iomradh roimhe ann am focal fìrinn an t-soisgeil:

6 A thainig d'ar n-ionnsuidhse, mar anns an t-saoghal uile, agus a tha tabhairt toraidh uaith, mar a ta e deanamh mar an ceudna 'nar measg-sad, o'n là anns an cuala sibh e, agus san d'fhuair sibh eòlas air gràs Dhé ann am fìrinn.

7 A réir fòs mar a dh'fhògluim

sibh e Epaphras ar coimli-sheirbhiseach gràdhachne, a tha air bhur sonsa 'na mhinisteir dileas do Chriod;

8 A chuir an céill dhuinne mar an ceudna bhur gràdhsa anns an Spiorad.

9 Air an aobhar so, cha 'n'eil sinne mar an ceudna a' sgur, o'n là a chuala sian e, do dheanamh urning air bhur sonsa, agus a ghuidheadh gu'm biodh sibh air bhur lìonadh le eòlas a thoile, san uile ghliocas agus thuigse spioradail;

10 Chum gu'n gluaiseadh sibh gu cubhaidh do'n Tighearn chum gach uile thoileachaidh e, a' toirt toraidh uaibh san uile dheadh obair, agus a' fàs ann-an eòlas Dé;

11 Air bhur neartachadh leis an uile neart a réir a chumhachd ghlòrmhoisan, chum an uile fhoighidin agus fhad-fhulangais maille ri gairdeachas;

12 A' tabhairt buidheachais do'n Athair, a rinn sinne iomchuidh chum bhi 'nar luchd comh-pairt do oighreachd nan naomh san t-solus:

13 A shaor sinn o chumhachd an dorchadais, agus a dh'atharraich sinn chum rioghachd Mic a ghràidhsan:

14 Anns am bheil againn saorsa trìd fhola-san, eadhon maitheanas nam peacadh.

15 Neach a's e iomhaigh f an Dé neo-fhaicsinnich, ceudghin a' chruthachaidh uile g:

16 Oir is ann leis-san a chruth-

d annaibse. e chum a thoileachadh sna h-uile nithibh. f coslas, riochd.
g nan uile chreutair.

aicheadh na h-uile nithe a ta air nèamh, agus a ta air talamh, faicsinn-each agus neo-fhaicsinneach, ma's àrd-chathriclean iad, no tighearnais, no uachdaranaachda, no cumbachda; is ann leis-san agus air a shon a chruthaicheadh na h-uile nithe:

17 Agus tha esan roimh na h-uile nithibh, agus trìdsan tha na h-uile nithe a' comh-sheasamh.

18 Agus is e ceann a' chuirp, *eadhon* na h-eaglaise: neach a's e an toiseach, an ceud-ghin o na marbhaibh; chum gu'm biodhaige àrd-cheannas anns na-h-uile.

19 Oir b'e deadh thoil an Athar, gu'n còmhnuicheadh gach uile iom-lanachd annsan;

20 Agus gu'm biodh na h-uile air an deanamh réidh ris féin trìdsan, air-dha sith a dheanamh trìd fol a chroinn-cheusaidhsan; trìdsan *deiream*, ma's nithe iad a ta air talamh, no nithe a ta air nèamh.

21 Agus sibhse a bha uair-eigin 'nar coimheachaibh, agus 'nar naimhdibh ann bhur n-inntinn thaobh dhroch oibre, nis rinn e réidh ris féin

22 Ann an corp fheòla Féin tre'n bhàs, chum sibhse a chur naomha, agus neo-lochdach, agus neo-choir-each, 'na làthairsan :

23 Ma dh'fhanas sibh anns a' chreidimh bunaiteach agus daingean, gun bhi air bhur n-atharrachadh o dhòchas an t-soisgeil, a chuala sibh, agus a shearmonaicheadh do gach uile chreutair a ta fuidh nèamh; air an d'rinneadh mise Pòl a'm' mhiniest-eir.

24 Tha mi nis a' deanamh gairdeachais ann am fhulangasaibh air bhur sonsa, agus a' coimhlionadh mheud 's a ta dhéidh-làimh do àmhgharaibh Chriosd ann am fheòil, air son a chuirpsan, eadhon na h-eaglaise:

25 D'an d'rinneadh mise a'm' mhiniesteir a réir stiubhardachd Dhé, a thugadh dhomh air bhur sonsa, a choimhlionadh focail Dé;

26 Eadhon an rùn-diomhair a bha folaithe o' na linnibh, agus o' na ginealachachaibh a chaidh seachad, ach

a nis a tha air fhoillseachadh d'a naomhaibhsan:

27 D'am bu toil le Dia fhoillseachadh ciod e saibhreas glòire an rùin-diomhair so am measg nan Cinn-each; neach a's e Criosd annaibhse, muinghin na glòire;

28 Neach a ta sinne a' searmachadh, a' toirt rabhaidh do gach duine, agus a' teagastg gach uile dhuine anns an uile ghliocas; chum gu nochd sinn gach uile dhuine 'na làthairsan iomlan ann an Iosa Criosd :

29 An ni chum a bheileamais mar an ceudna a' saothreachadh, a' deanamh sbairn a réir oibreachaidhsan, a tha 'g oibreachadh annam gu cumhachdach.

C A I B. II.

I Tha e'gan earalachadh a bhi bun-aiteach ann an Criosd. 8 agus a bhi air am faicill o bheul-aithrisibh diomhair, 18 o aoradh do ainglibh, 20 agus o dheas-ghnàthachaibh an lagha, nithe a chriochnaicheadh ann an Criosd.

O IR b'áll leam fios a bhi agaibh ciod e meud mo chòmhraig air bhur sonsa, agus air son na droinge a ta ann an Laodicea, agus air son a mheud nach fhaca m'aghaidh anns an fheòil:

2 Ionnas gu'm faigheadh an cridhe sòlas, air dhoibh bhi air an dlùth-cheangal r'a chéile ann an gràdh, agus chum uile shaibhris an làn-dearbh-bheachd tuigse, chum eòlais i rùin-diomhair Dhé, eadhon an Athar, agus Chriosd ;

3 Ann an bheil uile ionmhais a' ghliocais agus an eòlais folaithe.

4 Agùs so deireamh, air eagal gu mealladh neach air bith sibh le briathraibh tairngeach!

5 Oir ge do tha mi uaibh san fheòil, gidheadh a ta mi maille ribh san Spiorad, a' deanamh gairdeachais^m agus a' faicinn bhur n-orduigh, agus seasmhachdⁿ bhur creidimh ann an Criosd.

6 Uime sin mar a ghabh sibh chug-aibh an Tighearn Iosa Criosd, gluaisibh ann:

7 Air dhuibh bhi air bhur freumh-achadh agus air bhur togail suas annsan, agus air bhur daingneachadh sa' chreidimh, a réir mar a theagaisg-eadh sibh, a' meúdachadh ann le breith-buidheachais.

8 Thugaibh an aire nach dean neach air bith foirneart oirbh^o tríd fhealsanachd^p agus mealltoireachd dhòinbhain, a réir beul-aithris^r dhaoine, a réir ceud-thoiseacha an t-saoghal, agus cha'n ann a réir Chriosd :

9 Oir annsan tha uile iomlaine^s na diadhachd a' gabhail còmhnuidh gu corporra.

10 Agus tha sibhse coimhlionta annsan, neach a's e ceann gach uile uachdranachd agus chumhachd;

11 Anns am bheil sibh mar an ceudna air bhur timchioll-ghearradh leis an timchioll-ghearradh nach d'rinn-eadh le làmhaibh, ann an cur dhibh cuirp pheacanna na feòla, le timchioll-ghearradh Chriosd :

12 Air dhuibh bhi adhlaicte maraon ris ann am baisteadh, anns am bheil sibh mar an ceudna air bhur togail suas maraon ris tre chreidimh oibreachaidh Dhè, a thog suas esan o na marbhaibh.

13 Agus sibhse a bha marbh 'nar n-euceartaibh agus ann an neo-thimchioll-ghearradh bhur feòla, bheothach a' maraon ris, a' maitheadh dhuibh nan uile euceart;

14 A' dubhadh a mach làmh-scriobhaidh^t nan ordraighean d'ar taobhne^t, a bha 'nar n-aghaidh, agus thug e as an t-slige i, air dha a sparradh ris a chrann-ceusaidhsan:

15 Air dha uachdranachdan agus cumhachdan a chreachadh^u, rinn e ball-sampuill diubh gu follaiseach, a' deanamh buaidh-chaitireim os an ceann tre'n chrann ud fein.

16 Uime sin na d'thugadh aon neach breth oirbh air son bìdh, no dibhe, no thaobh là féille, no gealaich nuaidh, no shàbaide;

17 A ta 'nan sgaile air na nitibh

a ta ri teachd; ach is le Chriosd an corp.

18 Na mealladh aon neach bhur duais uaibh le irioslachd thoileil^a, agus aoradh do ainglibh, a' foirneadh a steach gu dàna ehum nan nithe^b nach fac e, gu diomhain air a shéideadh suas le inntinn fheòlmhoir fein;

19 Agus gun an ceann a chumail, o'm bheil an corp uile, air dha bhi air a bheathachadh tríd altan agus bhannan, agus air a dhlùth-cheangal r'a chéile, a' fàs le fàs Dé.

20 Uime sin ma fhuair sibh bàs maille ri Chriosd o cheud thioseachaibh an t-saoghal, c'ar son, mar dhaoine a ta beo san t-saoghal, a tha sibh fuidh orduighibh,

21 (Na bean ri, na blais, na laimh-sich :

22 Nithe a théid uile a neo-ni le'n gnàthachadh) a réir àitheantan agus teagasga dhaoine ?

23 Nithe gun amharus aig am bheil samhladh gliocais ann an aoradh féin-thoile agus irioslachd, agus mi-chaomhnadh a' chuìrp, ni h-ann an onoir sam bith chum sàsachaiddh na feòla^c.

C A I B. III.

1 Tha e nochdadh c'dit an còir dhuinn Chriosd iarraidh : 5 Tha e 'g iarraidh orra an anamhianna feòlmhor a chlaoiadh, 10 an seann duine chur dhuibh, agus Chriosd a chur umpa ; 12 'gan earalachadh chum seirce, irioslachd, agus iomadh dhleasdanais eile.

UIME sin ma dh'éirich sibh maille ri Chriosd, iarráibh na nithe a ta shuas, far am bheil Chriosd 'na shuidhe aig deas làimh Dhé.

2 Suidhichibh bhur n-aigne air na nitibh a ta shuas, agus ni h-ann air na nitibh a ta air an talamh.

3 Oir a ta sibh marbh, agus a ta bhur beatha folaithe maille ri Chriosd ann an Dia.

4 Nuair a dh'fhoillsichear Chriosd, neach a's e ar beathane, an sin bithidh

^o cobhartach dhibh. ^p fhòghlum saoghalta. ^r teagasg dhaoine o làimh gu làimh, seachadais. ^s lànachd. ^t a bha gabhail romhainn. ^u fhaobhachadh, chur as an armaibh. ^a dheònach. ^b ga shàthadh fein sna nitibh. ^c ach gun fheum sam.bith chum sàsachaiddh na feòla.

sibhse mar an ceudna air bhur foill-seachadh maraon ris ann an glòir.

5 Uime sin claoidhíbh d' bhur buill a ta air an talamh, stríopachas, neogloine, fonn-collaíd, anamhianna, agus sannt, ni a's iodhol-aoradh :

6 Nithe air son am bheil fearg Dhé a' teachd air cloinn na h-easumhlachd.

7 Anns an robh sibhse mar an ceudna a' gluasad uair-eigin^e, 'nuair a bha sibh a' caitheadh bhur beatha 'nam measg^f.

8 Ach a nis cuiribhse uaibh na nithe so uile ; fearg, corruch, mìorun, toibheum, cainnt shalach as bhur beul.

9 Na deanaibh breug d'a chéile, do bhrigh gu'n do chuir sibh dhíbh an seann duine maillé r'a ghnìomharraighe,

10 Agus gu'n do chuir sibh umaibh an duine nuadh, a tha air ath-nuadhachadh ann an eòlas, a réir ionhaigh an ti a chruthaich e.

11 Far nach 'eil Greugach no Iudhach, timchioll-ghearradh, no neo-thimechioll-gearradh, *duine* borbg, Scitianach, daor no saor : ach is e Criosd na h-uile, agus anns na h-uile.

12 Uime sin cuiribhse umaibh (mar dhaoine taghta Dhé naonha agus ionmhuinn) innigh thrócaire, caomhalachd, irioslachd-inntiunn, maeantas i, fad-fhulangas ;

13 A' giùlan le chéile, agus a' maitheadh d'a chéile, ma tha cùis ghearrain aig neach an aghaidh neach : mar a thug Criosd maitheanas dhuibhse, mar sin deanaibhse mar an ceudna.

14 Agus thar na nitibh so uile, cuiribh umaibh gràdh !, ni a's e coimhcheangal na fairfeachd.

15 Agus biodh sith Dhé a' riagh-ladh ann bhur cridhie, chum am bheil sibh mar an ceudna air bhur gairm ann an aon chorp ; agus bithibh taing-eil.

16 Gabhadh focal Chriosd, còmhnuidh annaibh gu saibhir san uile ghliocas; a' teagasc agus a' comhairleachadh a chéile le salmaibh, agus laoidhibh, agus dànaibh spioradail, a' deanamh ciuil do'n Tighearn le gràs ann bhur cridhe.

17 Agus gach ni air bith a ni sibh ann am focal no ann an gnìomh, deanaibh iad uile ann an ainn an Tighearna Iosa, a' toirt buidheachais do Dhfa eadhon an t-Athair trìdsan.

18 A mhài, bithibh ùmhal d'ar fearaibh féin, mar is cubhaidh, anns an Tighearn.

19 Fheara-pòsda, gràdhachibh bhur mnài, agus na bithibh searbh^g 'nan aghaidh.

20 A chlann, bithibh ùmhal d'ar párrantaibh anns na h-uile nitibh : oir a ta so taitneach do'n Tighearn.

21 Aithrieche, na brosnaichibh bhur clann chum scirge, air eagal gu'n caill iad am misneach.

22 A sheirbhiseacha, bithibh ùmhal d'ar maighstiribh a réir na feòla, anns na h-uile nitibh ; cha'n ann le seirbhis-sùl, mar dhroing a ta toileachadh dhaoine, ach ann an tréibh-dhireas^h cridhe, ann an eagal Dé :

23 Agus ge b'e air bith ni a ni sibh, deanaibh o bhur cridhe e, mar do'n Tighearn, agus ni h-ann do dhaoinibh ;

24 Air dhuibh fios a bhi agaibh, gu'm faigh sibh o'n Tighearn duais na h-oighreachd : oir is ann do'n Tighearn Criosd a tha sibh a' deanamh seirbhis.

25 Ach an ti a ni eucoir, gheibh e toillteanas na h-eucorach a rinn e : agus cha 'n'eil leth-bhreath ann.

C A I B. IV.

1 Tha e cur impidh orra bhi dùrachdach ann an ùrnuigh, 5 gluasad gu glic thaobh na muintir sin nach 'eil fathast air teachd chum fior èlais Chriosd. 10 Tha e cur fàilte orra, agus a' guidheadh gach uile ghnè soirbheis doibh.

A Mhaighstirean, thugaibh d'ar seirbiseacháibh an ni sin a tha ceart agus cothromach, air dhuibh fios a bhi agaibh gu bheil agaibh fèin maighstir mar an ceudna air nèamh.

2 Buanaichibh ann an ùrnuigh, a' deanamh faire inntle breith-buidheachais ;

^d marbhaibh. ^e roimhe. ^f annta. ^g fiadhaich, barbarra. ^h tiom-chrìkh.

ⁱ ciùineas. ^l scirge, carthannachd. ^m garg. ⁿ aon fhilleachd.

3 Ag ùrnuigh mar an ceudna air ar soinne, chum gu fosgladh Dia dhuinn dorus na h-ùr-labhraidh, a labhairt rùin-dìomhair Chriosd, air son am bheil eamsa ann an cuibh-reachaibh:

4 Chum gu foillsich mi e, mar is còir dhomh labhairt.

5 Gluaisibh ann an gliocas thaobh na droinge sin a ta 'n leth muigh, ag ath-cheannach^o na h-aimsire.

6 Biodh bhur còmhradh a ghnàth ann an gràs^p, air a dheanamh blasdale salann, chum gu'm bi fhios agaibh cionnus is còir dhuibh gach neach a fhreagairt.

7 Foillsichidh Tichicus, bràthair gràdhach, agus ministeur dileas, agus coimh-sheirbhiseach san Tighearn, gach ni dhuibh a'm thiumchiolla:

8 A chuir mi d'ar n-ionnsuidh chum na crìche so féin, gu'm biodh fios bhur staide-se aige, agus gu'n d'thugadh e comhfhurtachd d'ar eridhibh.

9 Maille ri Onesimus bràthair dileas agus gràdhach, a tha dhibh^r féin. Ni iad aithnichte dhuibh na h-uile nithe a tha an so.

10 Tha Aristarchus mo choimhphriosunack a' cur fàilte oirbh, agus Marcus mac peathar do Bharnabas, (mu'n d'fhuair sibh àitheanta; ma thig e d'ar n-ionnsuidh, gabhaibh ris)

11 Agus Iosa, d'an goirear Iust-

us, muinnitir a tha do'n timchioll-ghearradh. 'S iad sin a mhàin mo chomh-oibrichean chum rioghachd Dhé, a bha 'nan coimh-fhurtachd dhomh.

12 Tha Epaphras, a tha dhibh féin, seirbhiseach Chriosd, a' cur fàilte oirbh, a ghnàth a' deanamh sbàирn dhùraehdaich air bhur son ann an ùrnuighibh, chum gu seas sibh fairse, agus coimhlionta ann an uile thoil Dhé.

13 Oir tha mi deanamh fianuis dha, gu bheil aige mòr theas-ghràdh dhuibhse, agus dhoibhsan a tha ann an Laodicea, agus do'n mhuinnitir a tha ann an Hierapolis.

14 Tha Lucas an léigh gràdhach, agus Demas a' cur fàilte oirbh.

15 Cuiribh fàilte air na bràithribh a tha ann an Laodicea, agus air Nimpas, agus air an eaglais a tha 'na thigh.

16 Agus an uair a leughar an litir so 'nar measgsa, thugaibh fainear gu'n leugh sibhse cuideachd an litir o Laodicea.

17 Agus abraibh ri Archipus, Thoir an aire do'n mhinistreileachd a fhuair thu san Tighearn, gu'n coimhlión thu i.

18 Fàilte uamsa Pòl le m' làimh féin. Cuimhnichibh mo chuibhreacha. Gràs gu robh maille ribh. Amen.

CEUD LITIR AN ABSTOIL PHOIL CHUM NAN TESALONIANACH.

C A I B. L

2 Tha Pòl a' toirt fios do na Tesalonianach co chaimhneachail agus a bha e orra anns gach àm, ann am breith-buidheachais agus ùrnuigh air an son; 5 agus mar an ceudna co dhearbhata's a bha e do fhàrrinn, agus do thréibhdhireas an creidin, agus an impochaidh ri Dia.

POL, agus Siluanus, agus Timoteus chum eaglaís nan Tesalonianach, a tha ann an Dia an t-Athair, agus anns an Tighearn Iosa Criod: gràs duibh, agus sìth o Dhià ar n-Athair, agus o'n Tighearn Iosa Criod.

2 Tha sinn a' toirt buidheachais do Dhià a ghnàth air bhur sonsa uile, a

^o a' fuasgladh. ^p le gràs, gràsail. ^r uaibh.

toirt iomraidh oirbh ann ar n-ùr-nuighibhne,

5 A' cuimhneachadh gun sgur obair blur creidimh, agus saothair blur gràidh, agus foighidin blur dòchais 'nar Tighearn Iosa Criod, am fianuis Dé, agus ar n-Atharne :

4 Air dhuinn fios a bhi againn, a bhràithre gràdhaichte le Dia, air blur taghadhsa.

5 Oir cha d'thainig ar soisgeulne d'ar n-ionnsuidhse ann am focal a mhàin, ach mar an ceudna ann an cumhachd, agus anns an Spiorad naomh, agus ann am mòr lan dearbhachd ; mar is aithne dhuibh ciod a' ghnè dhaoine bha annainn 'nar measg air blur sonsa.

6 Agus rinneadh sibh 'nar luchleanmuinn oirnne, agus air an Tighearn, 'nuair a ghabh sibh ris an fhocal ann am mòr àmhghar, le h-aoibhneas au Spioraid naoimh :

7 Ionnas gu robh sibh 'nar n-eis-empluiribh^t dhoibhsan uile a tha creidsinn an am Macedonia agus ann an Achaia.

8 Oir uaibhse chaidh fuaim focail an Tighearna mach, cha'n ann a mhàin ann am Macedonia agus ann an Achaia, ach mar an ceudna anns gach àit tha blur creidimh ann an Dia air a sgaofleadh a mach, ionnas nach 'eil feum air sinne a labhairt ni air bith.

9 Oir a ta iad fèin a' foillseachadh mu'r timchiollne, ciod a' ghnè dol a steach a bha againn d'ar n-ionnsuidhse, agus cionnus a phill sibh chum Dhé o iodholaibh, a dheanamh seirbhise do'n Dia bheo agus fhior,

10 Agus gu feitheamh r'a Mhac o'nèamh, a thog e suas o na marbhaibh, eadhon Iosa a shaor^u sinne o'n fheirg a ta ri teachd.

C A I B. II.

1 Tha e cur an céill cionnus a chaidh an soisgeul a shearmonachadh do na Tesalonianachaibh, agus ciad an dòigh air an do ghèibh iad ris. 18 Tha reuson air a thabhairt c'ar son

a bha Pòl co fhadha uathla, agus mar an ceudna c'ar son a ta nis a thogradh co mòr r'am faicinn.

9 IR is aithne dhuibh fèin, a bhràithre, ar dolne a steach d'ar n-ionnsuidh, nach robh e ann an diomhanas.

2 Ach fòs air dhuinn fulang roimhe, agus an déigh ar maslachaidh ann am Philipi, mar is aithne dhuibh, bha dànaichd againn ann ar Dia-ne soisgeul Dé a labhairt ribhse maille ri gleachda mòr.

3 Oir cha robh ar n-earailne o mhealltoireachd, no o neo-ghloine, no ann an ceilg :

4 Ach mar a mheasadh sinne le Dia mar dhroing a b'iomchuidh an soisgeul earbhsadh ruinn, is amhui sin a labhramaid, ni h-ann mar dhroing a tha toileachadh dhaoine, ach Dhé, a tha dearbhadh ar cridheacha.

5 Oir cha do ghnàthaich sinn uair air bith briathra miodalach, mar is aithne dhuibh, no leithsgeul sainnt ; 'e Dia ar fianuis.

6 Ni mò dh'iarr sinn urram^a o dhaoinibh, no uaibhse, no o dhaeinibh eile, ge d'fheudamaid ar trom a leagadh oirbhse, mar abstola Chriod.

7 Ach bha sinn caomh 'nar measgsa, amhui a dh'altrumas^b banaltrum a clann fèin :

8 Mar sin, air bhi dhuinne ro dhéidheil oirbhse^c, bu toileach leinn cha'n e mhàin soisgeul Dhé a phàirt-eachadh ribh, ach mar an ceudna ar n-anama fèin, do bhrigh gu robh sibh ro ionmhuinn leinn.

9 Oir is cuimhne leibh, a bhràithre, ar saothair agus ar sgios-ne : oir air dhuinn bli ri h-obair a dh'oidhch' agus a là, chum nach cuireamaid trom air neach sam bith agaibh, shearmonaich sinn duibh soisgeul Dé.

10 Is fianaisean sibhse, agus Dia, cia naomha, agus cia cothromach^e, agus neo-lochdach a ghiùlain sinne sinn fèin 'nar measgsa a ta creid-sinn :

11 Mar is aithne dhuibh, cionnus a dh'earailich sinn, agus a thug sinn

^a air blur taghadhsa le Dia. ^t sanhlachasaibh. ^u a shaoras. ^a gloir.

^b dh'eiridneas. ^c ro dheothasach umaibhse. ^d a chonub-roinn.

^e h-ionraig.

comfhurtachd, agus a chuir sinn impidh air gach aon agaibh fa leth (mar a ni Athair d'a chloinn.)

12 Gu'n gluaiseadh sibh gu cubhaidh do Dha, a ghairm sibh chum a rioghachd agus a ghlòire féin.

13 Uime sin a ta sinne mar an ceudna a' toirt buidheachais do Dha gun sgur, do bhrigh 'nuair a ghabh sibh ri focal Dé a chuala sibh uainne, gu'n do ghabh sibh *ris cha'n ann mar fhocal dhaoine*, ach (mar is e gu firinneach) focal Dé, a tha 'g oibreachadh gu h-éifeachdach annaibhse a ta creidsinn.

14 Oir rinneadh sibhse, a bhràithre, 'nar luchd-leannmuinn air eaglaisibh Dhé ann an Iudea, a tha ann lossa Criod: oir dh'fhuiling sibhse na nithe ceudna o bhur luchd-dùthcha féin, mar a *dh'fhuiling iadsan o na Iudhachaibh*:

15 A chuir araon an Tighearn Iosa, agus am fàidhean féin gu bàs, agus a rinn geur-leannmuinn oirnne; agus nach 'eil a' toileachadh Dhé, agus a tha'n aghaidh nan uile dhaoine:

16 A tha bacadh dhinne labhairt ris na Cinneachaibh, chum gu'm biodh iad air an slànuchadh, chum sìr-lionaich suas am peacaidh: oir chainig an fhearg orra fa dheir-eadh.

17 Ach air dhuinne, a bhràithre, bhi air ar dealachadh uaibhse rè tamuill blig, am pearsa ach cha'n ann an cridhe, is ro mhòid a rinn sinn dichioll air bhur n-aghaidh fhaicinn le mòr thoghradh.

18 Uime sin bu mhiann leinn teachd d'ar n-ionnsuidh, (eadhon leamsa Pòl) uair no dhà: ach bhac Satan sinn.

19 Oir ciod e ar dòchasne, no ar n-aoibhneas, no ar crùn-uaille? nach sibhse féin e am fianuis ar Tighearna Iosa Criod aig a theachd?

20 Oir is sibhse ar glairne agus ar n-aoibhneas.

C A I B. III.

1 Tha Pòl a' dearbhadh a mhòr ghràidh do na Tesalonianach, le

Timoteus a chuir d'an ionnsuidh chum an neartachadh agus comfhurtachd a thoirt doibh, agus le a ghairdeachas 'nan deadh ghiùlan, 18 agus le àrnúigh a dheanamh air an son, agus le a mhòr thoghradh air teachd gu tèaruinte d'an ionnsuidh.

AIR ari aobhar sin an uair nach b'urradh sinn cumail oirnn féin ni b'fhaide, bu taitneach leinn bhi air ar fhagail 'nar n-aonar am baile na h-Aithne:

2 Agus chuir sinn Timoteus ar bràthair agus ministeur Dhé agus ar comb-oibriche ann an soisgeul Chriosd, chum sibhse a dhaingneachadh, agus comfhurtachd a thoirt duibh mu thimchioll bhur creidimh;

3 Chum nach gluaiseadh & neach air bith agaibh leis na trioblaidibh so; oir a ta fhios agaibh féin gu'n d'orduicheadh sinn chuige so.

4 Oir gu deimhín an uair a bha sinn maille ribh, dh'innis sinn duibh roimh-làimh, gu robh sinn gu àmharrach shulang; eadhon mar a thachair, agus is aithne dhuibh.

5 Air an aobhar so, 'nuair nach robh mise comasach air cumail orm féin ni b'fhaide, chuir mi a dh'fhangail fios mu'r creidimh, an t-eagal air chor sam bith gu'n do bhuaire am buaireadair sibh, agus gu'm biodh ar saothairne òiomhain.

6 Ach a nis an uair a thainig Timoteus uaibhse d'ar n-ionnsuidhne, agus a thug e deadh sgeul duinn mu'r creidimh agus bhur gràdh, agus gu bheil cuimhne mhaith agaibh oirnne a ghnàth, a' miannachadh gu mòr sinne fhaicinn, amhail a ta sinne mar an ceudna sibhse fhaicinn.

7 Uime so, a bhràithre, fhuair sinne comfhurtachd d'ar taobh ann ar n-uile àmharrach agus theinn trebhur creidimhse:

8 Oir a ta sinne beo a nis, ma sheasas sibhse gu bunaiteach san Tighearn.

9 Oir ciod am buidheachas a dh'fheudas sinn iocadh do Dha as bhur lethse, air son an aoibhneis sin

f gus a' chuid a's faide.

g gluaiseadh. h trioblaid.

uite leis am bheil sinn ri gairdeachas d'ar taobh am fianuis ar Dé-ne,

10 A dh'oidhche agus a là a' guidheadh gu ro dhùrachdach gu faiceamaid bhur n-aghaidhse, agus gu leasaicheamaid uireasbhuidh bhur creidimh?

11 A nis gu deanadh Dia féin eadhon ar n-Athair, agus ar Tigh-earn Iosa Criod ar slighene a threorachadh d'ar n-ionnsuidhse.

12 Agus gu d'thugadh an Tigh-earn oirbh fàs agus bhi ro phaitt ann an gràdh d'a chéile, agus do na h-uile dhaoinibh, mar a ta sinne dhuibhse:

13 Chum gu daingnich e bhur cridheacha neo-choireach ann an naomhachd am fianuis Dé eadhon ar n-Atharne, aig teachd ar Tighearna Iosa Criod maille r'a naomhaibh i uile.

C A I B. IV.

1 *Tha e cur impidh orra dol air an aghaidh anns gach uile ghènè dhiaidhachd, 6 am beatha a chaitheadh gu naomha agus gu cothromach, 9 a chéile a ghràdhachadh, 11 agus an gnothuichean féin a leantuinn gu sàmhach; &c.*

OS bàrr ma ta, a bhràithre, cuir-eamaid a dh'impidh agus a dh'athchuinge oirbh tre'n Tighearn Iosa, mar a fhuaire sibh uainne cionnus is còir dhuibhimeachd, agus Dia a thoileachadh, gu meudaicheadh sibh mar sin ni's mò agus ni's mò.

2 Oir a ta fhios agaibh ciod iad na h-àitheantan a thug sinne dhuibh tre'n Tighearn Iosa.

3 Oir is i so toil Dhé, *eadhon* bhur naomhachadh, sibh a sheachnadh strìopachais:

4 Gu'm b'aithne do gach aon agaibh a shoiteach féin a shealbhachadh ann an naomhachd, agus ann an onoir;

5 Cha'n ann ann am fonn ana-mhianach, mar a ni na Cinnich aig nach 'eil eòlas air Dia:

6 Gun neach air bith a dhéanamh eucoir no mealltaireachd sa' chùis air a bhràthair; do bhrigh gur e'n Tighearn a ni dioghaltas air an uile leithidibh sin, a réir mar a dh'innis

sinne mar an ceudna duibh roimhe agus a rinn sinn fianuis.

7 Oir cha do ghairm Dia sinne gu neo-ghloine, ach gu naomhachd.

8 Uime sin an neach a ni tàir, cha'n ann air duine tha e deanamh tàir, ach air Dia, a thug dhuinne a Spiorad naomha féin.

9 Ach a thaobh gràidh bràthaireil, cha'n eil feum agaibh mise a scriobhadh d'ar n-ionnsuidh: oir a ta sibh féin air bhur teagastg o Dhia gràdh a thoirt d'a chéile.

10 Agus gu deimhin tha sibh a' deanamh so thaobh nam bràthar uile, a tha ann am Macedonia gu h-iom-lan: ach guidheamaid oirbh, a bhràithre, sibh a mheudachadh ni's mò agus ni's mò;

11 Agus gu'n dean sibh bhur dìchioll a bhi ciuin, agus bhur gnothuichean féin a dheanamh, agus saoithreachadh le'r làmhaibh féin, (amhail a dh'áithn sinne dhuibh.)

12 Chum gu'n gluais sibh gu cubhaidh thaobh na muinntir sin a ta'n leth muigh, agus nach bi uireasbhuidh ni sam bith oirbh;

13 Ach cha b'aill leam, a bhràithre, sibh a bhi aineolach thaobh na muinntir sin a tha 'nan codal, chum nach dean sibh bròn, eadhon mar dhaoine eile aig nach 'eil dòchas.

14 Oir ma chreideas sinn gu'n d'fhuaire Iosa bàs, agus gu'n d'éirich e ris, amhail sin mar an ceudna an droing a choidil ann an Iosa, bheir Dia maille ris.

15 Oir so a deireamaid ribh ann am focal an Tighearna, nach bi agaинne a tha beo agus a dh'fhàgar gu teachd an Tighearna, toiseach orrasan a tha 'nan codal.

16 Oir thig an Tighearn féin a nuas o néamh le àrd-iolaich¹, le guth an àrd-aingeil, agus le trompaid Dhé: agus éiridh na mairbh ann an Criod air tùs:

17 An déigh sin sinne a bhios beo agus a dh'fhàgar, togar suas sinn maille riusan anns na neulaibh, an còdhail an Tighearna san athar: agus mar sin bithidh sinn gu siorruidh maille ris an Tighearn.

18 Uime sin thugaibh comhfhurstachd d'a chéile leis na briathraibh so.

C A I B . V.

1 *Tha e dol air aghaidh ann an labhairt mu theachd Chriosd gu breith-eanas, 16 a' toirt iomadh comhairle, 23 agus a' comh-dhùinadh na litreach.*

A CH mu thimchioll nan aïmsir agaibh, agus nan àm cha 'n'eil feum agaibhse, a bhràithre, mise a scriobhadh d'ar n-ionnsuidh.

2 Oir a ta sàr fhios agaibh féin gu'n d'thig là an Tighearna mar ghaduiche san oidhche.

5 Oir an uair a deir iad, Sloth-chaint agus tèaruinteachd, an sin thig sgrios obann orra, mar shaothair air mnaoi thòrraich; agus cha d'théid iad as.

4 Ach cha 'n'eil sibhse, a bhràithre, san dorchadas, ionnas gu'm beireadh an là sin oirbh mar ghaduiche.

5 Is sibhse uile clann an t-soluis, agus clann an là: cha'n ann do'n oidhche, no do'n dorchadas sinn.

6 Uime sin na coidleamaid mar dhaoine eile; ach deanamaid faire agus bitheamaid stuama^m.

7 Oir an dream a choidleas, is anns an oidhche choidleas iad: agus an dream a tha air mhisg, is anns an oidhche tha iad air mhisg.

8 Ach bitheamaidne a tha do'n là stuama, a' cur oirnn uchd-éididh a' chreidimh agus a' ghràidh, agus mar chlogoide, dochasⁿ na sláinte.

9 Oir cha d'orduich^o Dia sinn chum feirge; ach chum slàinte fhaotainn trìd ar Tighearna Iosa Criosd,

10 A fhuair bàs air ar son, chum co aca is codal no faireach dhuinn, gu'm bitheamaid beo maraon ris.

11 Uime sin thugaibh comhfhurstachd d'a chéile, agus togaibh suas gach aon a chéile, eadhon mar a ta sibh a' deanamh.

12 Agus guidheamaid oirbh, a bhràithre, aithne bhi agaibh air an

dream a tha saoithreachadh 'nar measg, agus a tha os bhur ceann san Tighearn, agus a tha 'gar comhairleachadh;

13 Agus meas mòr a bhi agaibh dhiubh ann an gràdh air son an oibre. Bithibh siothchail 'nar measg féin.

14 A nis guidheamaid oirbh, a bhràithre, thugaibh rabhadh dhoibhsan a tha mi-riaghailteach, thugaibh comhfhurstachd dhoibhsan a tha lag-chridheach, cumaibh suas iadsan a ta anmhunn^p, bithibh foighidneach a thaobh nan uile uile dhaoine.

15 Feuchaibh nach ioc neach olc air son uile do dhuine sam bith: ach leanaibhs' a ghnàth an ni a ta maith, aaron d'ar taobh féin, agus a thaobh nan uile dhaoine.

16 Deanaibh gairdeachas a ghnàth.

17 Deanaibh ùrnuigh gun sgor.

18 Anns gach uile ni thugaibh buidheachas; oir is i so toil Dé ann an Iosa Criosd d'ar taobh.

19 Na mùchaibh^r an Spiorad.

20 Na deanaibh tàir air fàidheadaireachd.

21 Dearbhaibh na h-uile nithe: cumaibh gu daingean an ni sin a ta maith.

22 Seachnaibh gach uile choslas uilc.

23 Agus gu deannah Dia na sioth-chaint fèin naomha sibh gu h-iomlan; agus gu deònaicheadh Dia gu'm bi bhur n-uile spiorad agus anam agus chorpa air an gleidheadh gu neo-choir-each gu teachd ar Tighearna Iosa Criosd.

24 Is firinneach an ti a ta 'gar gairm, neach mar an ceudna a ni e.

25 A bhràithre, deanaibh ùrnuigh air ar soin-ne.

26 Cuiribh fàilte air na bràithribh uile le pòig naomha.

27 Sparram oirbh a h-uchd an Tighearna, gu'n leughar an litir so do na bràithribh naomha uile.

28 Gu robh gràs ar Tighearna Iosa Criosd maille ribh. Amen.

^m measarra. ⁿ earbsa. ^p cha do shonraich. ^p deanaibh cul-tac dhoibhsan a ta lag. ^r coisgibh.

DARA LITIR AN ABSTOIL PHOIL CHUM NAN
TESALONIANACH.

C A I B. I.

1 *Tha Pòl a' toirt fios doibh air an deadh bharail a ta aige mu'n creidimh, an gràdh, agus am foighidin; 5 agus a' gnàthachadh reusona chum còmhfhurtachd a thoirt doibh fa'n geur-leanmhuinn, gu h-àraidh o cheart bhreitheanas Dé.*

POL agus Siluanas, agus Timoteus, chum eaglaise nan Tesalonianach, ann an Dia ar n-Athair, agus anns an Tighearn Iosa Criod :

2 Gràs gu robh dhuibh, agus sìth o Dhia ar n-Athair, agus o'n Tighearn Iosa Criod.

3 Tha dh'fhiachaibh oirnne buidh-eàchas a thoirt do Dhia a ghnàth air bhur sonsa, a bhràithre, mar is cubhaidh, do bhrigh gu bheil bhur creidimh a' fàs gu ro mhòr, agus gu bheil gràdh gach aon agaibh uile a' meudachadh d'a chéile :

4 Ionnas gu bheil sinne féin a' deanamh uaille asaibhse ann an eaglaisibh Dhé, air son bhur foighidin agus bhur creidimh ann bhur n-uile gheur-leanmhuinnibh agus àmhgharainn a tha sibh a' fulang :

5 *Nì a ta 'na chomhara follaiseach air ceart bhreitheanas Dé, chum gu measar gur airidh sibhse air rioghachd Dhé, air son am bheil sibh a' fulang :*

6 Do bhrigh gur ceart an ni do Dhia, àmhghair iocadli dhoibhsan a ta cur àmhghair oirbh ;

7 Agus dhùibhse a ta fa àmhghar, fois maraon ruinne, 'nuair a dh'fhoillsichear an Tighearn Iosa o' nèamh, maille r'a ainglibh cumhachdach,

8 Ann an teine lasarra, a' deanamh dioghaltais air an droing aig nach eil

eòlas air Dia, agus nach 'eil ùmhal do shoisgeul ar Tighearna Iosa Criod :

9 Muimntir air an deanar peanas le sgrios siorruidh o làthair an Tighearna, agus o ghloir a chumhachd;

10 'Nuair a thig e gu bhi air a ghloirachadh 'na naomhaibh, agus chum gu'n deanar iongantach e ann-ta-san uile a ta creidsinn san là sin (do bhrigh gu'n do chreideadh ar fianuisne 'nar measgsa.)

11 Air an aobhar so tha sinne mar an ceudna a' deanamh sìr-ùrnuiigh air bhur sonsa, chum gu meas ar Dia-ne gur fiu sibhse an gairm so, agus gu'n coimhlion e uile dheadh-ghean a mhaiteis, agus obair a' chreidimh le cumhachd :

12 Chum gu'm bi ainnm ar Tighearna Iosa Criod air a ghloirachadh annaibhse, agus sibhse annsan, a réir gràis ar Dé-ne, agus an Tighearn Iosa Criod.

C A I B. II.

1 *Is àill leis iad a bhuanachadh san fhàrrinn ris an do ghabh iad : 3 tha e a' nochdadh gu'm bi claoadh o'n chreidimh ann, 9 agus gu'm foillsichear an t-anacriod roimh theachd là an Tighearna ; 15 agus an lorg so tha e 'g aithris a' ris a cheud earail, agus a' deanamh ùrnuiigh air an son.*

A NIS guidleamaid oirbh, a bhràithre, thaobh^s teachd ar Tighearna Iosa Criod, agus ar comh-chruinneachaidhne d'a ionnsuidh,

2 Gun sibh bhi h-ealamh air bhur crathachd t 'nar n-inntinn, no fa

bhuaires^u, le spiorad, no le focal, no le litir, mar uainne, mar gu'm biodh là Chriosd am fagus.

3 Na mealladh neach sam bith sibh air aon chor : oir cha d'thig an là sin mur d'thig air tùs tréigeadh-creidimh, agus mur foillsicheadh duine sin a' pheacaidh, mac an sgrios ;

4 A tha cur an aghaidh agus 'ga àrdachadh féin os cionn gach ni d'an goirear Dia, no d'an deanar aoradh^a; ionnas mar Dhia gu bheil e 'na shuidhe ann an teampull Dhé, 'ga nochdadh féin gur Dia e.

5 Nach cuimhne leibh, air dhomh bhi fathast maille ribh, gu'n d'innis mi na nithe so dhuibh ?

6 Agus is aithne dhuibh ciod a tha bacadh nis e bhi air fhoillseachadh 'na àm féin.

7 Oir a ta rùn-dìomhair na h-aindiadhadh ag oibreachadh cheana, a mhàin gus an toirear air falbh an ti a ta nis a' bacadh b.

8 Agus an sin foillsicheadh ant-aingidh sin, a chlaoidheas an Tighearn le h-anail^c a bheoil féin, agus d'an cuir e as le dealradh a theachd :

9 Eadhon esan aig am bheil a theachd a réir oibreachaidh Shatain, maille ris an uile chumhachd, agus chomharaibh, agus iongantasaibh breugach,

10 Agus maille ri uile mhealltair-eachd na h-eucorach anntasan a chaillear; a chionn nach do ghabh iad gràdh na firinn, chum gu slànuichteadh iad.

11 Agus air a shon so cuiridh Dia treun oibreachadh meallaidh d'an ionnsuidh, ionnas gu'n creid iad a' bhreug.

12 Chum gu'm bi iad uile air an dìteadh, nach do chreid an fhìrinn, ach aig an robh tlachd anns an eucoir.

13 Ach a ta dh'fhiachaibh oirnne buidheachas a thoirt do Dhia a ghnàth air bhur sonsa, a bhràithre, ionmuinn do'n Tighearn, do bhrigh gu'n do thagh Dia sibh o thus chum slàinte, tre naomhachadh an Spioraid, agus creidsinn na firinn :

14 Chum an do ghairm e sibh trèd ar soisgeilne, chum sibh a dh'fhaotainn glòire ar Tighearna Iosa Criosd.

15 Uime sin, a bhràithre, seasabhl gu daingean, agus cumaibh na teagascan a thugadh dhuibh, co dhiubh is ann le focal, no le'r litirne.

16 A nis gu'n tugadh ar Tighearn Iosa Criosd e féin, agus Dia eadhon ar n-Athairne, a ghràdhaich sinn, agus a thug dhuinn sòlas siorruidh, agus dòchas maith tre ghràs,

17 Comhfhurtachd d'ar cridhese, agus gu daingnicheadh e sibh anns gach uile dheadh fhocal agus ghnàomh.

C A I B. III.

1 Tha e 'g iarraidh an ùrnuigh air a shon féin, 3 a' cur an céill meud an earbsaidh a tha aige asda, 5 a' guidheadh Dhé as an leth, 6 a' toirt iomadh comhairle orra 'gu h-àraig iad a sheachnadh dìomhanais, agus droch cuideachd ; &c.

F A dheoidh, a bhràithre, deanaibh ùrnuigh air ar soinne, chum gu'n ruith focal an Tighearna, agus gu'm bi e air a ghlòrachadh mar ann bhur measgsa ;

2 Agus chum gu saorar sinne a dhaoinibh mi-reusonta agus olc : oir cha'n ann aig na h-uile a ta creid imh.

3 Ach a ta an Tighearn dileas, a dhaingnicheas agus a choimhideas o'n olc d' sibh.

4 Agus a ta earbsa againn san Tighearn d'ar taobhsa, gu bheil sibh araon a' deanamh agus gu'n dean sibh na nithe a tha sinn ag aithneadh dhuibh.

5 Agus gu seòladh an Tighearn bhur cridheacha chum gràidh Dhé, agus chum foighidin Chriosd.

6 A nis àithneamaid dhuibh, a bhràithre, ann an ainm ar Tighearna Iosa Criosd, sibh féin a dhealachadh ris gach uile bhràthair a tha 'g imeachd gu mi-riaghailteach, agus ni h-ann a réir an teagaisg a fhuair e uainne.

^u mhaoimh, ghioraig. ^a a ta urramach. ^b a mhàin an ni a ta cur bacaidh a nis bacaidh e gus an toirear air falbh e. ^c spiorad. ^d o'n droch spiorad. ^e feitheamh gu foighidneach ri Criosd.

7 Oir a ta fhios agaibh féin cionnus is còir dhuibh ar lorgne leantuinn: oir cha do ghiùlain sinne sinn féin gu mi-riaghailteach 'nar measg;

8 Ni mò a dh'ith sinn aran duine sam bith a nasgaidh; ach le saothair agus anshocair, a dh'oidhche agus a là ri h-obair, chum nach cuireamaid ar trom air a h-aon agaibh:

9 Cha'n e nach 'eil comas f agaibh, ach a chum gu'n deanamh sinn féin 'nar n-eisempleir dhuibhse, gu ar leantuinn.

10 Oir an uair a bha sinn maille ribh, thug sinn an àithne so dhuibh, mur aill le neach obair a dheanamh, gun e dh'itheadh bìdh.

11 Oir tha sinn a' cluinntinn gu bheil daoine àraidh agimeachd gu mi-riaghailteach 'nar measg, nach 'eil a' deanamh oibre sam bith, ach a' gabhail gnothuich ri nithibh nach buin doibh.

12 A nis tha sinn a' toirt àithne d'an leithidibh sin, agus ag earail orra trid ar Tighearna Iosa Criod, le saoithreachadh gu ciuin, gu'n ith iad an aran féin.

13 Agus sibhse, a bhràithre, na sgìthichibh do dheanamh maith.

14 Agus ma ta neach sam bith nach toir ùmhlichd d'ar focalne trid an litir so, comharaichibh esan, agus na biodh comhluadar agaibh ris, chum gu'm bi näire air.

15 Gidheadh na measaibh e mar nàmhaid, ach thugaibh comhairle air mar bhràthair.

16 A nis gu'n d'thugadh Tighearna na sìth e féin sìth dhuibhse a ghnàth, air gach aon chor. *Gu robh an Tighearn maille ribh uile.*

17 Fàilte uamsa Pòl le m' làimh féin, ni a's e an comhara anns gach uile litir: mar so scriobham.

18 Gràs ar Tighearna Iosa Criod *gu robh maille ribh uile.* Amen.

CEUD LITIR AN ABSTOIL PHOIL CHUM THIMOTEUIS.

C A I B. I.

1 *Tha an t-ordugh a thugadh do Thimoteus 'nuair a chaidh Pòl do Mhacedonia, air a chur an cuimhne dha.* 5 Mu thimchioll feum dìgh-each an lagha, 11 agus gairm Phoil gu bhi 'na abstol; 20 agus mu Himeenus agus Aleksander.

POL abstol Iosa Criod, a ràir àithne Dhé ar Slànuighir, agus an Tighearna Iosa Criod, neach a's e ar dòchas;

2 Chum Thimoteus m'fhiòr mhac anns a' chreidimh: gràs, tròcair, agus sìth o Dhia ar n-Athair, agus o Iosa Criod ar Tighearn.

3 Mar a dh'íarr mi ort fantuinn ann an Ephesus, 'nuair a chaidh mi

do Mhacedonia, chum gu'n d'thugadh tu ordugh do dhream àraidh gun atharrachadh teagaisg a thoirt uatha;

4 Agus gun aire a thoirt do sgeulachdaibh, agus do shloinnteireachd neo-chriochnaich, a bheir aobhar do cheisidibh, ni's mò na do fhòghlum diadhaidh, a tha tre chreidimh: *dean mar sin.*

5 A nis 's e's crìoch do'n àithne gràdh a cridhe glan, agus a coguis mhaith, agus a creidimh neo-chealgach:

6 Nithe air do dhream àraidh elaonadhl uatha, chaidh iad a thaobh chum diomhanais cainnt;

7 A' miannachadh bhi 'nan luchd-

teagaisg an lagha, agus gun iad a' tuigsiun ciod a deir iad, no ciod iad mu'm bheil iad a' toirt cinnte.

8 Ach tha fhios againn gu bheil an lagh maith, ma ghnàthaicheas neach gu dilgheach e:

9 Air do fhios so a bhi aige, nach ann do dhuine fireanach a dh'orduicheadh an lagh, ach do dhaoinibh neo-dhligheach agus eas-ùmhal, dhoibhsan a ta mi-dhiadhaidh agus do pheacachaibh, do dhaoinibh minnaomha agus neo-chràbhach, do luchd-marbhaidh aithriche agus do luchd-marbhaidh mhàithriche, do luchd-mortaidh,

10 Do luchd-striopachais, do luchd-anamhianna mi-nàdurra, do luchd-goid dhaoine, do bhrengairibh, do luchd-eithich, agus ma tha ni sam bith eile a tha'n aghaidh teagaisg fhallain,

11 A réir soisgeil ghlòrmhoir an Dé bheannuichte, a dh'earbadh riomsa.

12 Agus bheiream buidheachas do Iosa Criod ar Tighearn, a neartaich mi, do bhrigh gu'n do mheas e mi dileas, 'gam chur sa' mhinistreileachd;

13 A bha roimhe a'm' fhear-labhairt toibheim, agus a'm' fhear-geur-leanmuinn, agus a'm' dhuine eucorach. Ach fhuair mi tròcair, do bhrigh gu'n d'rinn mi so tre aineolas, ann am mi-chreidimh :

14 Agus bha gràs ar Tighearna thar tomhas ro-phailte dhomh, maille ri creidimh, agus ri gràdh a ta ann an Iosa Criod.

15 Is fìor an ràdh so, agus is fiu e air gach aon chor gabhail ris, gu'n d'thainig Iosa Criod do'n t-saoghal a thearnadh pheacach; d'am mise an ceud-fhear.

16 Gidheadh, air a shon so fhuair mi tròcair, chum gu'n foilsicheadh Criod annamsa air tùs an uile shad-fhulangas, mar shaimpleir g dhoibhsan a chreideadh ann an déigh so, chum na beatha maireannach.

17 A nis do'n Righ shiorruidh, neo-thruaillidh, neo-fhaicsinneach, do'n Dia a ta mhàin glic, gu robh onoir agus glòir, gu saoghal nan saoghal. Amen.

18 An àithne so carbam riut Thimoteuis a mhic, a réir nam fàidh-eadaireachd a rinneadh umad roimhe so, chum trìdsan gu'n cogadh tu deadh chogadh,

19 A' coimhead creidimh agus deadh choguis; ni air do chuid do dhaoinibh a chur uatha, rinn iad long-blriseadh thaobh a' chreidimh.

20 D'am bheil Himeneus agus Alecsander; muinntir a thug mise thairis do Shatan, chum le'n smachadh gu'm foghluimadh iad gun toibheum a labhairt.

C A I B. II.

1 Gur còir ùrnuigh agus breith-buidheachais a ghnàthachadh air son nan uile dhaoine. 9 Cionnus is còir do mhàibh bhi air an sgeadachadh : 12 cha 'n'eil e ceardaichte dhoibh teagasc a thoirt uatha : &c.

IARRAM uime sin, roimh na h-uile nthibh, gu'n deanar ath-chuinge, ùrnuighean, eadar-ghuidheadh, agus breith-buidheachais air son nan uile dhaoine :

2 Air son righrean, agus air son nan uile a tha ann an ùghdarras : chum gu'n caith sinn ar beatha gu foisneach agus gu siothchail, anns an uile dhiadhachd agus chiatfachd.

3 Oir tha so maith agus taitneach am fianuis Dé ar Slànuighir :

4 Neach leis an àill na h-uile dhaoine bhi air an slànuachadh, agus iad a theachd chum eòlais na fìrinn.

5 Oir is aon Dia a ta ann, agus aon eadar-mheadhonair eadar Dia agus daoine, an duine Iosa Criod;

6 A thug e fèin 'na éirici air son nan uile, mar fhianuis ann an àm iomchuidh ;

7 Chum an d'orduicheadh mise a'm' shearmonaiche, agus a'm' abstol, (labhram an fhìrinn ann an Criod, n'i'n deanam breug) a'm' fhear-teagaisg nan Cinneach ann an creidimh agus ann am firinn.

8 Uime sin is àill leam na fir a dheanamh ùrnuigh sgach àit, a' togail suas làmha naomha, gun fheirg, gun amharus ;

9 Air an dòigh cheudna, na mnài

a chur eudaich iomchuidh umpa, 'gan sgeadachadh féin le nàisneachd agus stuaim: cha'n ann le casadh an gruaige, no le h-òr, no le neamh-nuidibh, no le culaidhibh luachmhòr;

10 Ach (mar is cubhaidh do mhnàibh a tha 'g aideachadh diadhachd) le deadh oibríbh.

11 Fòghlumadh a' bhean ann an ciuineas leis an uile àmhachd.

12 Ach ni'n ceadaicheam do mhnaoi teagasc a thoirt uaipel, no ceannas a ghlacadh air an fhearr, ach i bhi 'na tosd.

13 Oir is e Adhamh a chruthaich-eadh air tùs, agus 'na dhéigh sin Eubha.

14 Agus cha b'e Adhamh a mhealladh, ach air do'n mhnaoi bhi air a mealladh, bha i sa' chionta.

15 Gidheadh tearnar i tre bhreith cloinne, ma bhuanachaies iad ann an creidimh, agus ann an gràdh, agus ann an naomhachd, maille ri stuaim.

C A I B. III.

1 Ciod iad na buaidhean a's còir bhi air na h-easbuigibh, agus air na deaconaibh, agus air am minnàibh;

14 agus c'ar son a scrìobh Pòl na nithe so gu Timoteus. 15 Mu thimchioll na h-eaglais, agus na firinn beannuicte a ta air a teagasc

agus air a h-aideachadh innse.

I S ràdh flor so, Ma tha togradh aig aon duine chum dreuchd easbuig^m, tha e miannachadh deadh oibre.

2 Uime sin is còir do easbuig bhi neo-lochdach, 'na fhearr aon mhà, faireil, crionnaⁿ, deadh-bheusach, daonnachdach, ealamh gu teagasc;

3 Gun bhi 'na phòitear^o, gun bhi buailteach, gun bhi déidheil air buannachd shalaich: ach macanta, neo-thuasaideach^p, neo-shantach;

4 'Na dhuine a riaghlas a thigh féin gu maith, aig am bheil a chlann fuidh smachd maille ris an uile shuidheachadh-inntinn^r;

5 (Oir mur aithne do dhuine a thigh

féin a riaghlaichadh, cionnus a ghabhas e càram do eaglais Dhé?)

6 Gun bhi 'na nuadh-chreideach, an t-eagal, air dha bhi air atadh le h-uabhar, gu'n tuit e ann an dìteadh an diabhoil.

7 Is còir dha mar an ceudna deadh theisteas bhi aige uathasan a ta'n leth muigh; air eagal gu'n tuit e ann an aithis^s, agus a'nn an ribe an diabhoil.

8 Mar an ceudna is còir do na deaconaibh^t bhi suidhichte, gun an teangadh bhi leam leat, gun bhi cionail^u air mòran fiona, gun bhi déidheil air buannachd shalaich,

9 A' cumail rùn-diomhair a' chreidimh ann an coguis ghloin.

10 Agus biodh iadsan mar an ceudna air an dearbhadh an toiseach; agus an sin gnàthaicheadh iad dreuchd deacoin^a, air dhoibh bhi air am faghail neo-choireach.

11 Is amhul sin is còir do na mnàibh^b bhi suidhichte, gun bhi 'nan luchd-tuaileis^c; ach bhi measarra, ionraic sna h-uile nithibh.

12 Biodh na deacoin 'nam fir aon mhà, a' riaghlaichadh an cloinne, agus an tighe féin gu maith.

13 Oir an droing a ghnàthaich dreuchd deacoin gu maith, tha iad a' cosnadh deadh cheum dhoibh féin, agus dàmachd mhòr sa' chreidimh, a tha ann an Iosa Criod.

14 Scrìobham na nithe so chugad, an dòchas teachd gu grad a' t'ionnsuidh:

15 Ach ma ni mi moille, chum gu'm bi fhios agad cionnus is còir dhuit thu féin a ghiùlain ann an tigh Dhé, ni a's e eaglais an Dé bheo, post agus stéidh-dhaingnichd na firinn.

16 Agus gun amharus is mòr rùndiomhair na diadhachd: dh'fhoillsicheadh Dia san fheòil, dh'fhìreanaicheadh e san spiorad, chunncas le ainglibh e, shearmonaicheadh e do na Cinneachaibh, chreideadh ann air an t-saoghal, ghabhadh suas e chum glòire.

¹ uaith. ² oifig fir-coimhid. ³ ciallach, stuama. ⁴ trom air fion. ⁵ neo-charroideach. ⁶ chudhrromuchd, fionnmhoireachd. ⁷ scainnil. ⁸ do'n luchd-frithealaidh. ⁹ ceisteil, déidheil. ¹⁰ fritheileadh iad. ¹¹ d'am minnàibh. ¹² luchd-càineadh. ¹³ bunait.

C A I B. IV.

1 *Tha e a' roimh-innseadh gu'n d'théid daoine anns na h-aimsiribh deireannach air seacharan o'n chreidimh : 6 agus chum nach biodh Timoteus a dhéidh-laimh'na dhleasdanas, tha e toirt comhairlean eag-samhail air.*

A NIS a deir an Spiorad gu soill-eir, anns na h-aimsiribh deireannach e gu'n tréig dream àraiddh an creidimh, a' toirt aire do spioraidibh mealltach agus do theagasaibh dheimhan ;

2 *Tríd ceilge bhreugairean f, air bhi d'an coguisibh air an losgadh le iarunn dearg ;*

5 *A' toirmeasg pòsaidh, agus ag iarraidh bidheanna a sheachnad, a chruthaich Dia chum an gabhall maille ri breith-buidheachais leosas a ta creidsinn, agus aig am bheil eòlas na firinn.*

4 *Oir is maith gach ni a chruthaich Dia, agus cha'n ion ni sam bith a dhiúltadh, a ghabhar le breith-buidheachais :*

5 *Oir a ta e air a naomhachadh le focal Dé agus le h-ùrnuiigh.*

6 *Ma chuireas tu na nithe so an cuimhne do na bràithribh, bithidh tu a'd dheadh mhinisteir do Iosa Criosd, air t'altrum suas ann am briathraighe a' chreidimh, agus an deadh theagaisg air an do ghabh thu eòlas g,*

7 *Ach diùlt sgeulachda mi-dhiadhuidh-shean bhan, agus cleachd thu féin chum diadhachd.*

8 *Oir a ta an cleachda corpora tarbhach chum beag nithe; ach a ta'n diadhachd tarbhach chum nan uile nithe, aig am bheil gealkadh na beatha a ta làthair, agus a chum teachd.*

9 *Is ràdh firinneach so, agus is fiu e air gach aon chor gabhail ris.*

10 *Oir is ann wíme so a ta sinn maraon ri saothair, agus a' fulang maslaidh, do bhrigh gu bheil dòchas h againn san Dia bheo, neach a's e Slànaighean nan uile dhaoine, gu h-àraid nan creideach.*

11 *Aithn agus teagaisg na nithe so.*

12 *Na deanadh duine sam bith*

tarcuis air tòige; ach bi thusa a'd' elsepleiri do na creidich, ann am focal, ann an caitheadh-beatha, ann an gràdh, ann an spiorad, ann an creidimh, ann am fìor-ghloine.

13 *Gus an d'thig mi, thoir an aire do leughoireachd, do earail, do theag-asg.*

14 *Na dearmad an tiodhlac a ta annad, a thugadh dhuit tre fhàidheadaireachd, maille ri leagadh làmh na seanaireachd ort.*

15 *Smuaintich air^l na nithibh sin, thoir thu féin gu tur dhoibh, chum gu'm bi do theachd air t'aghaidh follaiseach do na h-uile.*

16 *Thoir aire dhuit féin, agus do d' theagasg ; buanaich annta : oir le so a dheanamh, saoraidh tu araoon thu féin, agus iadsan a tha 'g éisdeachd riut.*

C A I B. V.

1 *Riaghailtean a's coir a leantuinn ann an cronachadh, 5 Mu bhan-trachaibh. 17 Mu sheanairibh. 23 Comhairle do Timoteus mu thimchioll a shláinte, &c.*

NA garg-chronaich seanair, ach cuir impidh air mar athair, agus air na h-òig-fhir mar bhràithribh ;

2 *Na mnài aosda mar mhàithrichibh, na mnài òga mar pheathraigheibh, maille ris an uile fhìor-ghloine.*

5 *Thoir urram do bhantrachaibh a tha 'nam bantrachaibh da rìreadh.*

4 *Ach ma tha barrach air bith aig am bheil clann no oglachan, fòglumadh iad air tùs bhi dleasdanach 'nan tighibh féin, agus ath-dhìol a thoirt d'am párrantaibh : oir a ta so maith agus taitneach am fianuis Dé.*

5 *A nis cuiridh ise a ta 'na banchaibh da rìreadh, agus air a fàgail 'na h-aonar, a dòchas ann an Dia, agus buanaichidh si a là agus a dh'oidhche ann an athchuingibh, agus ann an ùrnuihibh.*

6 *Ach ise a tha caitheadh a beatha am macnus^m, air dh'i bhi beo, tha i marbh.*

7 *Uime sin aithn na nithe so*

e na h-aimsiribh ri teachd. f A' labhairt bhreug ann an ceilg. g air an d'ràinig thu. h earbsa. i shamhlachas. l Gabh cùram do. m gu sòghail.

dhoibh, chum gu'm bi iad neo-lochd-ach.

8 Ach mur dean duine solar air son a chuideachd féin, agus gu h-àraid air son muinntir a theaglaich, dli'aicheadh e'n creidimh, agus is miosa e na anacreideach.

9 Na gabhar bantrach san àireamh a bhios fuidh thri fishead bliadhna dh'aois, a bha 'na mnaoi aon fhir,

10 Air am bheil teisteachⁿ a thaobh dheadh oibre; ma dh'oileanⁱ clann, ma thug i aoidheachd uaipe, ma dh'ionnlaid i cosa nan naomh, ma dh'fhòir i air luchd-àmhghair, ma lean i gu dìchiollach gach deadh obair.

11 Ach diùlt na bantraich òga: oir an uair a dh'fhàsas iad mear an aghaidh Chriosd, is miann leo pòsadh;

12 Muinntir a ta fuidh dhìteadh, a chionn gu'n do thréig iad an ceud chreidimh.

13 Agus os barr, fòglumaidh iad bhi dìomhanach, a' dol mu'n cuairt o thigh gu tigh; agus cha'n e mhàin dìomhanach, ach mar an ceudna gabhannach, agus a' gabhail gnothuich ris na nithibh nach buin doibh, a' labhairt nithe nach bu chòir dhoibh.

14 Is àill leam uime sin na minn òga a phòsadhl, iad a bhrefh cloinne, a stiùradh an tighe, agus gun chionfath air bith a thoirt do'n eascaraid labhairt gu toibhmeumach.

15 Oir a ta cuid a cheana, air dol a thaobh an déigh Shàtain.

16 Ma tha aig creideach no aig ban-chreideach bantracha, fòireadh iad orra, agus na biodh an trom air an eaglais; chum's gu'n dean i cabhair orrasan a tha 'nam bantrachaibh da rìreadh.

17 Measar gur fiu na seanairean a riaghlaicheas gu maith urram dùbaile, gu h-àraid iadsan a tha saothreachadh san fhocal agus ann an teagast.

18 Oir a deir an scriobtuir, Na ceangail beul an daimh a tha saltairt^P an arbhair: agus, Is fiu an t-oibriche a thuarasdal.

19 Na gath casaid an aghaidh

seanaidh, ach le dithis no triuir a dh'fhanuisibh.

20 Iadsan a tha peacachadh cronaich an làthair nan uile, chum gu'n gabh càch eagal mar an ceudna.

21 Sparram ort am fianuis Dé, agus an Tighearna Iosa Criosd, agus nan aingeal taghta, gu'n coimhidh^r thu na nithe so gun aon a chur roimh neach eile, gun ni air bith a dheanamh le claoen bhreath.

22 Na leag do làmba gu h-obann air duine sam bith, agus na biodh comhpait agad do pheacaibh dhaoin'eile: coimhidh thu féin glan.

23 Na h-òl uisce ni's mó, ach cleachd beagan fiona air son do ghoile, agus t'anmluinneachd mlinic.

24 Tha peacanna cui'd do dhaoinibh follaiseach roimh-làimh, a' dol rompa chum breitheanais; agus tha peacanna dhream àraidh 'gan lean-tuinn.

25 Mar an ceudna tha deadh oibre cui'd follaiseach roinibh-làimh; agus na h-oibre a ta air ghleus eile, cha'n feudar am folach.

C A I B. VI.

1 *Mu dhleasdanas sheirbhiseach:* 3
Gun chomunn bhi againn ri droch luchd-teagaig. 6 *Is buannachd mhòr an diadhachd:* 10 'Se gaol an airgid freumh gach uilc. 11 *Ciod is cùir do Thinoteus a sheachnadh, agus a leantuin;* &c.

MEASADH a' mheud 's a ta fuidh'n chuing 'nan seirbhiseach, gur fiu am maighstirean féin an uile urram; chum's nach faigh ainm Dhé, agus a theagast toibheum.

2 Agus iadsan aig am bheil maighstirean creideach, na deanadh iad tarcuis orra, air son gur bràithrean iad: ach gu ma fearr leo seirbhise a dheanamh dhoibh, do bhrigh gu bheil iad creideach agus ionmhuiinn, 'nan luchd comhpait do thiodhlac a' ghràis. Na nithe so teagaig agus earaillich.

3 Ma bheir aon neach atharrachadh teagaig uaith, agus nach aontaich e do bhriathraig fallain, eadhon do bhriathraig ar Tighearna Iosa Criosd,

ⁿ fianuis. ^o thog i suas. ^P bualadh. ^r gheildh.

agus do'n teagaisg a ta rēir na diadhachd;

4 Tha e uaibhreach, gun èolas aige air ni sam bith, ach e as a chéill mu thimchioll cheisdean, agus bhriathar-chonnsachadh^s, o'n d'thig farmad, comh-stri, anacainnt, droch amharusan,

5 Fiar-dheasboireachd dhaoine 'gam bheil inntinn thruaillidh, agus as eugmhais na firinn, a' meas gur buannachd^t an diadhachd: dealaich ris an leithidibh sin.

6 Ach is buannachd mhòr an diadhachd maille ri toileachas-inntinn.

7 Oir cha d'thug sinn ni air bith leinn do'n t-saoghal, agus is soilleir nach urradh sinn ni sam bith thoirt as.

8 Uime sin air dhuinn biadh agus eudach a bhi againn, bitheamaid tolichte leo sin.

9 Ach an dream le'n àill bhi beartach, tuitidh iad ann am buaireadh, agus ann an ribe, agus ann an iomad anamhianna amaideach agus ciurrail^u, a bhàthas daoine ann am milleadh agus ann an sgrios.

10 Oir is e gaol an airgid freumh gach uile: ni am feadh a mhiannach dream àraidh, chaidh iad air seacharan o'n chreidimb, agus throimh-lot siad iad fén le iomadh cràdh.

11 Ach thusa, O òglaich Dhé, teich o na nithibh sin: agus lean fir-eantachd, diadhachd, creidimh, gràdh, foighidin, ceannsachd.

12 Còmhraig deadh chòmhrag^a a' chreidimh, gabh greim do'n bheatha mhaireannaich, chum mar an ceudna an do ghairmeadh thu, agus dh'aidich thu deadh aidmheil an làthair mòrain fhianuisean,

13 Sparriam ort ann am fianuis Dé, a bheothaicheas na h-uile nithe, agus am fianuis Iosa Criosd, a rinn fianuis air deadh aidmheil an làthair Phontius Pilat;

14 Thu choimhead na h-àithne so gun smal, gun lochd, gu teachd ar Tighearna Iosa Criosd:

15 Ni ann a amailbh fén a dh'fhoillsicas an ti a ta beannuicte, agus a mhàin cumhachdach, Righ nan righ agus Tighearna nan tigh-earna;

16 Neach 'na aonar aig am bheil neo-bhàsmhorachd, a ta 'na chòmhnuidh san t-solus dh'ionnsuidh nach feudar teachd, neach nach faca duine sam bith, agus nach mò dh'fheudas e fhaicinn: dhasan gu robh onoir agus cumhachd siorruidh. Amen.

17 Thoir àithne do na daoinibh a ta saibhir san t-saoghal so, gun iad a bhi àrd-inntinneach, agus gun dòchas a chur ann an saibhreas neo-chinnteach, ach anns an Dia bheo, a tha toirt duinn nan uile nithe gu saibhir r'am mealtuinn:

18 Iad a dheanamh maith, iad a bhi saibhir ann an deadh oibrigh, eal-amh gu roinn^b, comh-pairfeach;

19 A' tasgaidh suas doibh fén deadh bhunait fa chomhair an àm ri teachd, chum's gu'n dean iad greim air a' bheatha mhaireannaich.

20 Oir a Thimoteus, coimhid an ni sin a dh'earbadh riut, a' seachnadh facin-chòmhraidih mhi-naomha, agus comli-chogadh eolais d'an tiubhrar gu breugach an t-ainm sin^c.

21 Ni air bhi do dhream àraidh ag aidmheil, chaidh iad air seacharan thaobh a' chreidimh. Gràs gu robh maille riut. Amen.

^s stri mu fhoclaibh. ^t tairbhe. ^u diubhalach, dosgainneach, dochannach.

^a Cuir deadh chath. ^b easgaidh a thoirt an cuid uatha.

^c i. e. ainm edlàis.

DARA LITIR AN ABSTOIL PHOIL CHUM
THIMOTEUS.

CAIB. I.

1 Gràdh Phòil do Thimoteus, agus an creidimh treibhdhreach a bha ann an Timoteus féin, agus, na mhàthair agus 'na shean-mhàthair. **6** Tha e cur impidh air tiodhlac Dhé a bha ann a dhùsgadh suas, 8 e bhi seas-mhach agus foighidneach fuidh gheur-leanmhuiinn, 15 agus e a bhuanachadh ann am foirceadal agus ann a' firinn an teagaisg a dh'fhoghlum e uaith-sin, &c.

POL abstol Iosa Criosd tre thoil Dé, a réir geallaidh na beatheata tha ann an Iosa Criosd;

2 Gu Timoteus mo mhac gràdhach: gràs, tròcair, agus sìothlaint o Dhia an t-Athair, agus o Iosa Criosd ar Tighearn.

3 Bheiream buidheachas do Dhia, d'an deanam seirbhis o m' shinnisiribh le coguis ghloin, gu bheil agam cuimhne orts a ghnàth a là agus a dh'oidhche ann am ùrnuighibh:

4 Air dhomh bhi ro-thogarrach air thusa fhaicinn; a' cuimhneachadh do dheura, chum gu'm bi mi air mo lìonadh le gairdeachas:

5 Nuair a chuimhnicheas mi an creidimh neo-chealgach a tha annadsa, a chòmhnuich air tùs a'd' shean-mhàthair Lois, agus a'd' mhàthair Eunice; agus is deimhin leam a tha annadsa mar an ceudna.

6 Air an aobhar so cuiream an cuimhne dhuit, thu dh'ath-bheothachadh tiodhlaic Dhé, a tha annad tre chur mo làmhsa ort.

7 Oir cha d'thug Dia dhuinne spiorad na geilt; ach spiorad a' chumhachd, agus a' ghràidh, agus na h-inntinn fhallain.

8 Uime sin na gabhsa näire do fhanuis ar Tighearna, no dhiomsa

a phriosunach: ach biodh do chuid agad do àmhghar an t-soisgeil, a réir cumhachd Dlié;

9 A shaor sinne, agus a ghairm sinn le gairm naomha, cha'n ann a réir ar n-oibre, ach a réir a rùin fèin agus a ghràis a thugadh dhuinne ann an Iosa Criosd, roimh thoiseach an t-saoghail,

10 Ach a dh'fhoillsicheadh a nis tre theachd ar Slànuighir Iosa Criosd, a chuir as do'n bhàs, agus a thug beatha agus neo-bhàsmhorachd chum soluis, trid an t-soisgeil:

11 Chum an d'orduicheadh mise a'm' shearmanuiche, agus a'm' abstol, agus a'm' shear-teagaisg nan Cinn-each,

12 An t-aobhar fa'm bheil mi mar an ceudna a' fulang nan nithe so; gidheadh cha 'n'eil näire orm: oir a ta fhios agam co ann a chreid mi, agus is dearbh leam gu bhcil esan comasach air an ni sin a dh'earb mi ris a choimleas fa' chomhar an là sin.

13 Cum gu daingean samhladh firinneach, nam briathar fallain, a chuala tu uamsa, ann' an creidimh agus ann an gràdh a ta ann an Iosa Criosd.

14 Coimhid an taisgeach maith sin a dh'earbadh riut, trid an Spioraid naoimh a tha chòmhnuidh annainn.

15 Tha fhios so agad, gu'n do phill iadsan uile a tha san Asia uamsa; d'am bheil Phigellus agus Hermogenes.

16 Gu'n d'thugadh an Tighearn tròcair do theaghlaich Onesiphorus; oir is minic a thug e sòlas dhomhsa, agus cha do ghabh e näire do m' shlabhraidi.

17 Ach an uair a bha e san Ròimh

dh'iar e mach mi gu dìchiollach,
agus fhuair e mi.

18 Gu deònaicheadh an Tighearn
dhasan gu'm faigh e tròcair o'n Tighearn
san là sin: agus a ta sàr-fhios
agad, cia lìon nithe anns an d'rinn e
frithealadh dhomhsa ann an Ephesus.

C A I B. II.

1 *Tha e cur impiadh air a ris a bhi
seasmhach agus buan-mhaireannach,
agus dleasdanas fior òglaich an
Tighearna chur gnìomh, leis an
fhocal a roinn gu ceart, agus faoin-
chainnt mhi-dhiadhaidh a sheach-
nadh.* 17 *Mu Himeneus agus
Philetus.* 19 *Tha bunait an Tighearna
cinnteach, &c.*

UIME sin bi-sa, a mhic, làdir
anns a' ghràs a ta ann an Iosa
Criod.

2 Agus na nithe a chuala tu uamsa
am measg mhòrain fhianuisean, earb
thusa na nithe sin fén ri daoinibh
firinneach, a bhios iomchuidh gu
daoin' eile a theagasc mar an ceud-
na.

3 Fuiling thusa uime sin cruaidh-
chas, mar dheadh shaighdear Iosa
Criod.

4 Cha dean neach sam bith a lean-
as an cogadh e fén a ribeadh ann
an gnothuichibh na beatha so:
chum's gu'n toilich e an ti a thagh e
gu bhi 'na shaighdear.

5 Agus mar an ceudna ge do ni
fear air bith sbairn^e, cha chrùnar e
mur dean e sbairn gu dilgbeach.

6 Is còir do'n treabhaiche a
shaoirthicheas air tùs, comhroinn
fhaotainn do'n toradh.

7 Smuaintich air na nithibh a deir-
eam; agus gu d'thugadh an Tighearna
dhuit tuigse anns na h-uile
nithibh.

8 Cuimhnich gu'n do thogadh o
na marbhaibh Iosa Criod, do shiòl
Dhaibhidh, a réir mo shoigseilse:

9 Air son am bheil mise a' fulang
mar flear droch-bheirt, *eadhon* gu
geimhlibh; ach cha 'n'eil focal Dé
ceangailte.

10 Uime sin iomchaiream na h-uile

d a chur an sùs. - ^e *gleachda, stri.*
^g *scriobhadh.*

nithe air son nan daoine taghta, chum
gu'm faigh iadsan mar an ceudna an
t-slàinte a tha ann an Iosa Criod,
maille ri glòir shierruidh.

11 *Is ràdh fior so, Ma bhàsaicheas
sinn maille ris, gu'm bi sinn beo mar
an ceudna maille ris:*

12 *Ma dh'fhuilgeas sinn, riogh-
aichidh sinn mar an ceudna maraon
ris: ma dh'aicheadhas sinn e, àic-
headhaidh esan sinne mar an ceud-
na:*

13 *Ge nach creid sinne f, gidheadh
tha esan a' fantuinn firinneach; cha
'n'eil e'n comas d'a e fén àicheadh.*

14 *Cuir na nithe sin an cuimhne
dhoibh, a' cur sparraidh orra am fian-
uis an Tighearna, gun iad a bhi conn-
sachadh mu fhoclaibh anns nach 'eil
tairbhe sam bith, ach a thilgeas bun
os ceann an luchd-eisdeachd.*

15 *Dean dìchioll air thu fén a
nochdadh dearbhta do Dhia, a'd'
shaothraiche nach ruig a leas näire a
ghabhail, a roinn focail na firinn gu
ceart.*

16 *Ach seachain faoin-chainnt mhi-
naomha; oir théid iad air aghaidh
chum an tuilleadh mi-dhiadhachd.*

17 *Agus ithidh am focal mar
chnamhuiun; d'am bheil Himeneus
agus Philetus;*

18 *Muinnitir thaobh na firinn a
chaidh air seacharan, ag ràdh gu'n
deachaидh an aiseirigh cheana seach;
agus a ta tilgeadh creidimh dream
àraighe bun os ceann.*

19 *Gidheadh, a ta bunait Dhé a'
seasamh daingean, aig am bheil an
seula^g so, Is aithne do'n Tighearn
an droing sin a's leis. Agus, Gach
neach a tha 'g ainmeachadh ainm
Criod, tréigeadh e eucoir.*

20 *Ach ann an tigh mòr cha'n e
mhàin gu bheil soithichean òir, agus
airgid, ach mar an ceudna soithiche
fiadha, agus creadh^a; agus cuid
diubh chum onoir, agus cuid eile
chum easonoir.*

21 *Uime sin ma ghlanas neach e
fén uatha so, bithidh e 'na shioth-
each chum onoir, air a naomhachadh,
agus iomchuidh chum feim a' mhaigh-*

^f *Ge nach 'eil sinne firinneach.*

^b *criadh.*

stir, deas chum gach tile dheadh oibre.

22 Teich uime sin o anamhiann-aibh na h-òige: ach lean fireantachd, creidimh, gràdh, siothchaint maille riusan a ta gairm air an Tighearn o chridhe glan.

23 Ach seachain ceisdean amaid-each agus neo-fhoghlumiante, air dhuit fios a bhi agad gu'n tog iad conn-saicheani.

24 Agus cha'n fheud òglach an Tighearna bhi conspoideach; ach ciuin ris na h-uile dhaoinibh, ealamh chum teagaisg, foighidneach,

25 Ann an ceannsachd a' teagasc na droinge a sheasas 'na aghaidh; dh'fheuchainn an d'thoir Dia uair air bith aithreachas dhoibh, chum aidmheil na firinn;

26 Agus air mosgladh dhoibh gun d'théid iad as o ribe an diabhoil, aig am bheil iad air am beo-ghlacadh chum a thoile.

C A I B. III.

1 *Tha e toirt rabhaidh dha mu thimchioll nan amanna ri teachd, 6 ag innseadh cò iad naimhde na firinn, 10 a' cur eisampleir fèin roimhe, 10 agus a' moladh nan scriobtuir naomha.*

A CH biadh fhios so agad, gu'n d'thig anns na làithibh deireannach! aimsire cunnartach.

2 Oir bithibh daoine fèin-spéis-eil, sanntach, ràiteachail, uaibhreach, toibhleumach, easùmhail do phàrant-aibh, mi-thaingeil, mi-naomha,

3 Gun ghràdh nàdurrà, 'nan luehd brisidh coimh-cheangail, tuaileasach, neo-gheamnuidh, borb, gun ghaol do'n mhaith,

4 Fealltach, ceann-laidir, àrdan-ach, aig am bheil barr gràidh do shaimh na ta aca do Dhia.

5 Aig am bheil coslas diadhachd, ach a ta' g aicheadh a cumhachd: o'n leithidibh sin tionndas^m air falbh.

6 Oir is ann diubh so a ta'n droing sin a dh'èalaidheasⁿ a steach do thighibh, agus a bheir leo am braighdean-as mnài shuarach air an uallachadh

le peacaibh, air an iomain le iomadh gnè anamhianna,

7 A' sìr-fhoghlum, agus gun chomas doibh gu bràth teachd chum eòlais na firinn.

8 Agus mar a chuir Iannes agus Iambres an aghaidh Mhaois, mar sin tha iadsan a' cur an aghaidh na firinn: daoine aig am bheil intinn thruaillidh, gun tuigse thaobh a' chreidimh.

9 Ach cha d'théid iad ni's faide air an aghaidh: oir bitidh am mi-chiall follaiseach do na h-uile dhaoinibh, mar a bha am mi-chiallsan mar an ceudna.

10 Ach a ta làn-fhios agad air mo theagasga, mo ghnè beatha, mo rùn, mo chreidimh, m'fhad-fhulangas, mo sheirc^o, m'fhoighidin,

11 Mo gheur-leanmhuiunibh, m'fhalangais a thainig orm ann an Antioch, ann an Iconium, ann an Listra; ciod e meud nan geur-lean-mhuinn a ghiùlain mi: ach asda uile shaor an Tighearn mi.

12 Seadh, fulgidh iadsan uile leis an àill am beatha a chaitheadh gu diadhaidh ann an Iosa Criod, geurneannmuinn.

13 Ach fasaidh droch dhaoine agus mealltairean ni's miosa agus ni's miosa, a' mealladh, agus air am mealladh.

14 Ach buanaich thusa anns na nthibh a dh'fhoghlum thu, agus air an d'rinneadh thu deabh-fhiosraich^p, air dhuit fios a bhi agad cia uaith a dh'foghlum thu *iad*;

15 Agus o bha thu a'd' lean-abh gu'm b'aithne dhuit na scriobtuir naomha, a tha comasach air do dheanamh glic chum slàinte, tre'n chreidimh a ta ann an Iosa Criod.

16 *Tha* an scriobtuir uile air a dheachdadh le Spiorad Dé, agus *tha* e tarbhach chum teagaisg, chum spreige, chum leasachaibh, chum oil-ein ann am fireantachd:

17 Chum gu'm bi òglach Dhé coimhlionta, làn deas chum gach tile dheadh oibre.

ⁱ tuasaidean. ¹ làithibh ri teachd. ^m pill-sa. ⁿ ghoideas.
^o ghràdh. ^p a dh'earbadh riut.

C A I B. IV.

1 *Tha e cur impidh air a dhleasdanas a dheanamh leis an uile chùram agus dhìchioll;* 6 *a' toirt cinnte dha gu bheil a bhàs féin am fagus;* 9 *is àill leis e theachd gu grad d'a ionnsuidh, agus Marcus a thoirt leis, agus nithe àraidh eile mù'n do scriobh e chuige;* 14 *tha e toirt rabhaidh dha bhi air fhaicill o Alecsander an ceard-umha; &c.*

SPARRAM ort uime sin am fian-Suis Dé, agus an Tighearna Iosa Criosd, a bheir breth air na beothaibh agus air na marbhaibh, aig a theachd dealrach agus ann a rioghachd:

2 Searmonaich am focal, bi dùrachdach ann an àm is ann an an-àm: spreig^r, cronaich, earaillich leis an uile fhad-fhulangas agns theagasc.

3 Oir thig an t-àm anns nach bi fulang aca air teagasc fallain; ach air do chluasaibh tachasach bhi aca, èarnaidh iad suas dhoibh fén luchd-teagaisg a réir an anamhianna.

4 Agus tionndaidh iad an cluasan e'n fhìrinn, agus iompoichear iad chum sgeulachda faoine.

5 Ach dean thusa faire anns na h-uile nithibh, fuiling cruidh-chas, dean obair soisgeulaiche, coimhlion^s do mhinistreileachd.

6 Oir tha mi nis gu bhi air m'lobradh, agus tha àm mo shiubhail am fagus.

7 Chòmhraig mi an deadh chòmhrag, chrìochnaich mi mo thurus^t, ghléidh mi an creidimh.

8 O so a mach taisgear fa'm' chomhair crùn fireantachd, a bheir an Tighearn, am breitheamh cothromach, dhomh san là ud: agus cha'n aon dhoibhsa a mhàin, ach dhoibhsan uile mar an ceudna leis an ionmhuinn a theachdsan^u.

9 Dean do dhìchioll air teachd a m' ionnsuidh gu luath.

10 Oir thréig Demas mi, air dha an saoghal so ta làthair a ghrádhach-

adh, agus chaidh e do Thesalonica; Crescens do Ghalatia, Titus do Dhal-mátia.

11 Tha Lucas 'na aonar maille rium. Gabh Marcus agus thoir leat e: oir tha e feumail dhomhsa chum na ministreileachd.

12 Ach chuir mi Tichicus gu h-Ephesus.

13 An fhalluing a dh'fhàg mi ann an Troas aig Carpus, 'nuair a thig thu, thoir leat, agus na leabhrachaean, ach gu h-àraid na meambrana^a.

14 Rinn Alecsander an ceard-umha iomad ole orm: gu tugadh b an Tighearn dha a réir a ghnìømhara.

15 Bi thusa mar an ceudna air t'fhaicill uaith, oir chuir e gu mòr an aghaidh ar briatharne.

16 Aig mo cheud fhreagrach cha robh aon neach leam, ach thréig na h-uile mi: nar agrar orra e.

17 Gidheadh, sheas an Tighearn làimh rium, agus neartaich e mi; chum triomsa gu'm biodh an searmonachadh air a làn-fhoillseachadh^c, agus gu'n cluinneadh na Cinnich uile e: agus shaoradh mi a beul an leomhain.

18 Agus saoraidh an Tighearn mi o gach uile dhroch obair, agus gleidh-idh e mi chum a rioghachd néamh-àidh fén: dhasan gu robh glòir gu saoghal nan saoghal. Amen.

19 Cuir failte air Prisca, agus Acuila, agus air teaghlaich Onesiphorus.

20 Dh'fhan Erastus ann an Corinthus: ach dh'fhàg mi Trophimus gu tinn ann am Miletum.

21 Dean dìchioll air teachd roimh'n gheamhradh. Tha Eubulus, agus Pudens, agus Linus, agus Claudia, agus na braithrean uile a' cur failte ort.

22 Gu robh an Tighearn Iosa Criosd maille ri d' spiorad. Gràs maille ribh. Amen.

^r tagair, dearbh. ^s thoir lan dearbhadh air. ^t mo choimhliong, mo réis.

^u fhoillseachadh-san. ^a parchments. Sasg. ^b bheir. ^c air a dheanamh aithnichte, air a choimhlionadh.

**LITIR AN ABSTOIL PHOIL CHUM
THITUÍS.**

C A I B . I .

I C'ar son a dh'fhàgadh Titus ann an Crete. 6 Ciòd na buadhanna is còir bhi orrasan a thagharr 'nam ministeiribh. 11 Is éigin beoil droch luchd-teagaisg a dhruideadh : 12 ciòd a' ghnè dhaoine a tha anna.

POL seirbhiseach Dhé, agus abstol Iosa Criod, a réir creidimh d' haoine taghta Dhé, agus aidmheil na firinn a ta réir diadhachd :

2 Ann an dòchas na beatha mair-eannaich, a gheall Dia do nach comasach^e breug a dheanamh, roimh chruthachadh an t-saoghail^f ;

3 Ach dh'fhoillsich e fhocal féin, ann an àm iomchuidh tre shearmon-achadh, a dh'earbadh riomsa, a réir aithne Dhé ar Slánuighir :

4 Chum Thituis mo dhearbh mhac féin a réir a' chreidimh choitchionn : Gràs, tròcair, agus sìth o Dhia an t-Athair, agus o'n Tighearn Iosa Criod ar Slánuighear.

5 Air a shon so dh'fhàg mi thu ann an Crete, chum gu'n cuireadh tu'n ordugh na nithe a dh'fhàgadh gun deanamh, agus gu'n suidhicheadh tu seanairean anns gach baile, a réir mar a dh'aithn mise dhuit.

6 Ma tha neach sam bith neolochdach, 'na fhearr aon mhnà, aig am bheil a chlann creideach, nach 'eil fuidh mhi-chliu thaobh ana-caitheimh, no easumhal.

7 Oir is còir do easbuig a bhi neo-choireach, mar stiùbhard Dhé; gun bhi féin-thoileil, no feargach, no òlmhar, no buailteach, no cionail air buannachd neo-ghloin;

8 Ach aoidheil, déidheil air daoin-

ibh maithe, ciallach, cothromach, naomha, measarra ;

9 A' cumail an fhocail fhìor gu daingean, a réir teagaisg chum gu'm bi e comasach le teagaisg fallain, araon earail a thabhairt, agus an dream a sheasas 'na aghaidh chur as am barail.

10 Oir a ta mòran ann a tha mi-riaghailteach, a labhras gu diòmhain agus a tha 'nam mealltairibh, gu h-àraidh iadsan a tha do'n timchioll-ghéarradh :

11 Muinnfir a's còir am beul a dhruideadh, droing a tha tionndadu thighean iomlan bun os ceann, a' teagaisg nan nithe nach còir, air ghaol buannachd shalaich.

12 A thubhairt neach àraidh dhiubh féin, eadhon fàidh dhiubh féin, Is breugoirean a ghnàth na Cretich, droch fhiadh-bheathaichean, builg mhall.

13 Tha an fhianuis so fior : air an aobhar sin spreig^h gu geur iad, chum gu'm bi iad fallain sa' chreidimh ;

14 Gun bhi tabhairt aire do fhaoinsgeulachdaibh Iudhach, agus do àitheantaibh dhaoine, a thionndaidheas o'n fhìrinn.

15 Oir gu deimhin tha na h-uile nithe glan do'n droing a ta glan : ach dhoibhsan a ta salach, agus mi-chreideach, cha 'n'eil aon ni glan ; ach tha an inntinn agus an coguisi féin air an salachadh.

16 Tha iad a' gabhail orra eòlas a bhi aca air Dia ; ach ann an oibribh tha iad 'ga àicheadh, air dhoibh bli gràineil, agus easumhal, agus a thaobh gach deadh oibre as eugmhais tuigseil.

^a air son creidimh, ^e aithne. ^f roimh amanna nan linn. ^g chumanta.
^b cronaich, ⁱ coimh-fhios, coinsiens. ^l mi-ghleusda, neo-iamchuidh
chum gach deadh oibre.

C A I B. II.

1 Comhairleán air an tábhart do Thítus aráon mu thimchioll a theagaisg agus a chaitheadh-beatha. 9
Mu dheasdanas sheirbhiseach, agus mar an ceudna nan uile Chriosduidh.

A CH labhair thusa na nithe a thig ri teagasc fallain :

2 Eadhon na daoine aosda^m bhi aireach, suidhichteⁿ, measarra, fallain sa' chreidimh, ann an gràdh, ann am foighidin :

3 Mar an ceudna na mnái aosda bhi 'nan giùlan mar is eubhaidl do naomhachd, gun bhi 'nan luchd tuailleis, gun bhi trom air fion, bhi 'nan luchd-teagaisg air nithibh maithe;

4 Chum's gu'n teagaisg iad na mnái òga bhi ciallach, gràdhach air am fearaibh, gràdhach air an cloinn,

5 Bhi eagnuidh, geomnuidh, fantuinn aig an tigh, bhi maith, ùmhà d'am fearaibh, chum nach faigh focal Dé mi-chliu.

6 Cuir impidh air na daoinibh òga mar an ceudna, iad bhi ciallach.

7 Anns na h-uile nithibh 'gad nochdadhl fèin ann ad eisempleir dheadh oibre : ann an teagasc a' nochdadhl neo-thruaillidheachd, suidh-eachadh inntinn, tréibhdhireis,

8 Càinnt fhallain nach fheudar a dhìteadh ; chum's gu'm bi näire air an neach a ta 'nar n-aghaidh, a chionn nach 'eil droch ni sam bith aige r'a labhairt umaibh.

9 *Earaillich* seirbhisich bhi ùmhà d'am maighstiribh fèin, agus an deadh-thoileachadh anns na h-uile nithibh : gun bhi a' labhairt 'nan aghaidh,

10 Gun bhi a' ceileachadh aon ni d'an crid, ach a' nochdadhl gach uile dheadh thairisneachd ; chum gu'n dean iad teagasc Dhé ar Slànuighir maiseach anns na h-uile nithibh.

11 Oir dh'fhoillsicheadh gràs slàinteil Dhé do na h-uile dhaoinibh,

12 A' teagasc dhuinn gach midhiadhachd agus anamhianna saoghalta àicheadh, agus ar beatha a chaitheadh gu stuama, gu cothromach, agus gu diadhaidh anns an t-saoghal so làthair ;

13 Air dhuinn sùil a bhí againn ris an dòchas bheannuichte sin, eadhon^o foillseachadh glòire an Dé mhòir, agus ar Slànuighir Iosa Criod :

14 A thug e fèin air ar son, chum gu'n saoradh e sinn o gach aingidh-eachd, agus gu'n glanadh e dha fèin sluagh sonraichte, eudmhòr mu dheadh oibrribh.

15 Na nithe so labhair agus earaillich, agus cronaich leis an uile ùghdarras. Na deanadh duine sam bith tair ort.

C A I B. III.

1 Tha Titus air a shèdladh le Pà, aráon mu thimchioll nan nithe a bhuiñeadh dha theagasc, agus nach buineadh ; 10 is àill leis e chur cul ri luchd saobh-chreidimh : 12 an déigh so, tha e 'g ainmeachadh dha an t-àm, agus an t-dìt anns am b'àiil leis e theachd d'a ionnsuidh ; agus mar sin a ta e a' criochnadh-adh.

CUIR an cuimhne dhoibh bhi ùmhà do uachdaranaichdaibh agus do chumhachdaibh, freagarrach do luchd-riaghlaibh, ullamh chum gach uile dheadh oibre,

2 Gun olc a labhairt mu neach air bith, bhi neo-thusaideach, mìn, a' taisbeanadh an uile cheannsachd do na h-uile dhaoinibh.

3 Oir bha sinne fèin uair-eigin ea-céillidh, easumhal, air seacharan, a' deanamh seirbhis do iomadh gnè do anamhiannaibh agus do an-toilibh, a' caitheadh ar beatha ann am mìorun agus am farmad, fuath-thoilteannach, agus a' toirt fuath d'a chéile.

4 Ach an uair a dh'fhoillsicheadh caoimhneas agus gràdh Dhé ar Slànuighir do dhaoinibh,

5 Cha'n ann o oibrribh fìreantachd, a rinn sinne, ach a réir a thròcair fèin shaor^P e sinn tre ionnlad na h-ath-gheamhainn, agus ath-nuadhachadh an Spioraid naoimh :

6 A dhòirt e oirnne gu saibhir, trid Iosa Criod ar Slànuighir ;

7 Chum air dhuinn bhi air ar fìreanachadh trid a ghràis-san, gu'm bitheamaid air ar deanamh 'nar

^m na seanairean. ⁿ fónn-hor. ^o agus. ^P shlànuich.

n-oighreachaibh a réir dòchais na beatha maireannaich.

8 Is fior an ràdh so, agus is aill leam thu thoirt dearbh-chinnte air na nithibh sin, chum gu'm biodh iadsan a chreid ann an Dia, cùramach air toiseach a bhi aca ann an deadh oibríbh: oir tha na nithe so maith agus tarbhach do dhaoinibh.

9 Ach seachain ceisdean amaideach, agus sloinnteireachd, agus conspoidean, agus counsachadh mu'n lagh: oir tha iad gun tairbhe agus diomhain.

10 Duine a ta 'na shaobh-chreideach^r, an déigh na ceud agus an dara comhairle, diult:

11 Air do fhios bhi agad gu bheil a leithid sin *do dhuine* air a chur bun os ceann, agus gu bheil e a' peacachadh, air dha bhi air fhein-dhiteadh.

12 'Nuair a chuireas mi Artemas a d' ionnsuidh, no Tichicus, dean ñìchioll air teachd a m' ionnsuidh gu Nicopolis: oir is arin an sin a chuir mi romham an geamhradh a chaitheadh.

13 Thoir Senas am fear-lagha, agus Apollos air an aghaidh san t-slighe gu dùrachdach, chum nach bi ni air bhit dh'uireasbhuidh orra.

14 Agus fòglumadh ar muinnitirne mar an ceudna deadh oibre a dheanamh gu dùrachdach fa chomhair ghnàthachadh feumail, chum nach bi iad neo-tharbhach.

15 Tha'n droing a ta maille rium uile a' cur fàilte ort. Cuir fàilte orrasan le'n ionmhuinn sinne sa' chreidimh. Gràs maille ribh uile. Amen.

LITIR AN ABSTOIL PHOIL CHUM PHILEMOIN.

C A I B. I.

1 Is subhach leis bhi cluinntinn mu chreidimh agus ghràdh Philemoin: 9 air am bheil e 'g iarrайдh maith-eanas a thabhairt do Onesimus a sheirbhiseach, agus gabhail ris a ris gu càirdeil.

POL priosunach Iosa Criod, agus Timoteus ar bràthair, chum Philemoin a's ionmhuinn leinn, agus ar comh-shaothraighe,

2 Agus chum Apphia ionmhuinn, agus Archipuis ar comh-shaighdear, agus chum na h-eaglais a ta ann do thighe:

5 Gràs gu robh dhuibh, agus sìth o Dhia ar n-Athair, agus o'n Tighearn Iosa Criod.

4 Bheiream buidheachas do m' Dhia, a' sìr-thoirt luadh' ortsa ann am ùruighibh,

5 Air dhomh bhi cluinntinn mu d' ghràdh, agus chreidimh, a tha agad a thaobh an Tighearna Iosa, agus a thaobh nan uile naomh;

6 Chum gu'm bi comh-chomunn do chreidimh eifeachdach ann an aidmheil an uile mhaith, a tha ann-aibh ann an Iosa Criod.

7 Oir tha subhachas ro mhòr agus comhlhurtachd againne ann do ghràdhosa, do bhrigh gu bheil innigh^s nan naomh air faotainn suaimhneis^t trid-sa, a bhràthair.

8 Uime sin ge d'fheudainn bhi ro dhàna ann an Criod, chum an ni a ta ionchuidh àithneadh dhuitse,

9 Gidheadh is fearr leam air son gràidh impidh chur ort^u, air bhi dhomh mar Phòl aosda, agus a nis mar an ceudna a'm' phriosu. ch air son Iosa Criod.

^r eiriceach. ^s cridhe. ^t fois. ^u guidheadh ort.

10 Guidheam ort air son mo mhic Onesimuis, a ghin mi ann am gheimhlibh :

11 Neach a bha uair-eigin neosharbhach dhuitse, ach a nis a tha tarbhach dhuitse agus dhomhsa :

12 Neach a chuir mi air ais : uime sin gabhsa ris mar ri m' innigh fein.

13 Neach bu mhian leam a chumail maille rium fein, chum gu'n deanadh e frithealadh dhomh ann ad ionadsa, ann an geimhlibh an t-soisgeil.

14 Ach as eugmhais t'inntinnse cha bu toil leam ni sam bith a dheanamh ; chum nach biodh do mhaithse mar gu b'ann a dh'aindeoin, ach o d' thoil fein.

15 Oir theagamh gur ann air a shon so a dh'fhang e thu^a re tamuill, chum gu'm faigheadh tu e gu siornuidh ;

16 Cha'n ann a so suas mar sheirbhiseach, ach os ceann seirbhisich, 'na bhrathair gradhach, gu h-àraid dhomhsa, agus nach mò na sin dhuitse, ar aon anns an fheòil, agus anns an Tighearn ?

17 Uime sin ma mheasas tu mise

mar fhear comh-roinne, gabh ris-san mar rium fein.

18 Agus ma rinn e eucoir ort, no ma dhligheas eb ni sam bith dhuit, cuir sin as mo lethse.

19 Scrìobh mise Pòl le m' làimh fein e, agus diòlaidh mi e : ge nach abram riut, gu'n dilighear leat thu fein os bàrr dhomh.

20 Seadh, a bhrathair, faigheam gairdeachas uait san Tighearn : dean suaimhneach mo chridhe san Tighearn.

21 Air dhomh bhi earbsach a d'ùmhachd scrìobh mi a t'ionnsuidh, oir tha fhios agam gu'n dean thusa mar an ceudna ni's mò na a deiream.

22 Ach maille ri so ullieh mar an ceudna fardoch fa m' chomhair : oir tha dòchas agam, trìd bhur n-ùrnuigh-eansa, gu'n tiubhrar^c mi dhuibh.

23 Tha Epaphras mo chomh-phriosunach ann an Iosa Criod,

24 Marcus, Aristarchus, Demas, Lucas, mo chomh-luchd-oibre, a' cur fàilte ort.

25 Gràs ar Tighearna Iosa Criod, gu robh maille ri'r spioradsa. Amen.

LITIR AN ABSTOIL PHOIL CHUM NAN EABHRUIDHEACH.

C A I B. I.

1 Tha Criod a thainig o'n Athair anns na h-àmaibh deireannach so, 4 ni's mò na na h-aingil, faraon thaobh a phearsaidh agus a dhreuchd.

D IA, a labhair o sheand gu minic, agus air iomadh dòigh ris na-h-àthrichibh leis na faidhibh,

2 Labhair e anns na làithibh deireannach so ruinnc trìd a Mhac, a dh'orduich e 'na oighre air na

h-uile nitibhbh, tre'n do chruthaich e fòs na saoghal.

3 Neach air bhi dha 'na dhealradh a ghloire-san, agus 'na fhìor iombraighe^b a phearsaidh, agus a' cumail suas nan uile nithe le focal a chumhachd, 'nuair a ghlan e ar peacaidhne do thrid fein, shuidh e air deas làimh na mòrachd anns na h-àrdaibh :

4 Air dha bli air a dheanamh ni's

^a a dhealaicheadh e uait. ^b ma tha e am fiachaibh. ^c deònúicheadh, tiadhlaic ear. ^d anns aa h-àmaibh a chaidh seachad. ^e dhealbh, riochd.

ro òirdheirce na na h-aingil, mheud gu'n d'fhuair e mar oighreachd àinm bu ro fhearr na iadsan.

5 Oir cò do na h-aingil ris an dubhairt e uair air bith, Is tu mo Mhacsà, an diugh ghin mi thu? agus a rìs, Bithidh mise a'm' Athair dhasan, agus bithidh esan 'na Mhac dhomhsa?

6 Agus a rìs, 'nuair a tha e a tabhairt a' cheud-ghin a steach do'n t-saoghal, a deir e, Agus deanadh uile aingil Dé aoradhl dha.

7 Agus a thaobh nan aingeal a deir e, Neach a ta deanamh aingle 'nan spioradaibh g, agus a mhinisteirean nan lasair theine.

8 Ach ris a Mhac a deir e, Tha do righ-chaithir, a Dhé, gu saoghail nan saoghal; is slat-rioghail ro chothromach slat do rioghachdса:

9 Ghràdhach thu fìreantachd, agus thug thu fuath do aingidheachd; uime sin dh'ùng Dia, do Dha-sa, thu le h-oladh aoibhneis os ceann do chompanacha.

10 Agus, Leag thusa, a Tighearn, bunaite na talmhainn air tùs; agus is iad na nèamha oibre do làmh.

11 Teirgidh iadsan, ach mairidh tusa: agus fàsaidh iad uile sèan mar eudach;

12 Agus fillidh tu iad mar bhrat, agus caochlaidhear iad: ach is tusa an ti ceudna, agus cha'n fhàilnich do bhliadhnan.

13 Ach cò do na ainglibh ris an dubhairt e uair air bith, Suidh air mo dheas-làimh, gus an cuir mi do naimhde 'nan stòl-chos fuidh d'chos-airbh?

14 Nach spiorada frithealaidh iad uile, air an cur a mach chum frith-ealaidh dhoibhsan a bhios 'nan oighreachaibh air slàinte?

C A I B. II.

4 Is còir dhuinn bhi ùmhail do Chriosd, 5 agus sin do bhrigh gu'n d'aontaich e ar nàdur-ne a ghabhail air fèrn, 14 mar a bha sin feumail.

UIME sin is còir dhuinn an ro thuilleadh aire a thoirt do na

nithibh a chuala sìrn, air eagal uair sam bith gu'n leigeamaid ruith leo.

2 Oir ma bha am focal a labhradh le h-ainglibh seasmhach, agus gu'n d'fhuair gach uile blriseadh agus easumhlachd diol-thuarasdal dliogh-each;

3 Cionnus a théid sinne as, ma ni sinn dìmeas air slàinte co mòr, a thòisich an tùs air bhi air a labhairt leis an Tighearn, agus a rinneadh dearbhta dhuinne leosan a chual e;

4 Air bhi do Dhia a' deanamh comh-fhianuis leo, araon le comhar-aibh agus le h-ióngantaibh, agus le feartaibh eagsamhla h, agus le tiodhlacaibh an Spioraid naoimh, a réir a thoile fèin?

5 Oir cha do chuir e fuidh cheannsal nan aingeal an saoghail ri teachd, mu'm bheil sinn a labhairt.

6 Ach rinn neach fianuis ann an ionad àraidh, ag ràdh, Ciòd e an duine gu'n cuimhnicheadh tu air? no mac an duine gu'm fiosraicheadh tu e?

7 Rinn thu e rè tamuill bhig ni's ìse na na h-aingil; chrùn thu e le glòir agus le h-onoir, agus chuir thu e os cean oibre do làmh.

8 Chuir thu na h-uile nithe sìos fuidh a chosaibh. Oir ann an cur nan uile nithe fuidhe dha, cha d'fhàig e ni air bith gun chur fuidhe. Ach a'nis cha 'n'eil sinn a' faicinn nan uile nithe fathast air an cur fuidh a cheannsal.

9 Ach chi sinn Iosa, a rinneadh rè ùine bhig ni b'ìse na na h-aingil, chum tre ghràs Dé gu'm blaiseadh e bàs air son gach uile dhuine, tre fhulang a' bhàis air a chrùnadh le glòir agus le h-onoir.

10 Oir b'iomchuidh dhasan, air son am bheil na h-uile nithe, agus tre'm bheil na h-ulle nithe, ann an tabhairt mhòrain mhac chum glòire, ceannard an slàinte a dheanamh foirfe tre fhulangasaibh.

11 Oir a ta araon an ti a naomh-aicheas, agus iadsan a naomhaichear, uile o aon: air an aobhar sin cha'nàr leis bràithrean a ghairm diubh,

* uiread ni's fearr na na h-aingil as a fhuair e. & a theachdoirean 'nan gaothaibh. † ionadh-ghnètheach.

12 Ag ràdh, Cuiridh mi t-ainm an eáill do m' bhràithribh, ann am meadhon na h-eaglais seinnidh mi cliu dhuit.

13 Agus a rìs, Cuiridh mi mo dhòchas ann. Agus a rìs, Feuch mise, agus a' chlann a thug Dia dhomh.

14 Uime sin, mheud gu bheil aig a' chloinn comh-roinn do fheòil agus do fhuil, ghabh esan mar an ceudna roinn diubh sin: chum tre'n bhàs gu'n claoideadh e esan, aig am bheil cumhachd a' bhàis, 'se sin, an diabhol;

15 Agus gu'n saoradh e iadsan a bha trid eagail a' bhàis rè am beatha uile fuidh dhaorsa.

16 Oir gu deimhin cha do ghabh e nàdur nan aingeal air i; ach ghabh e siol Abrahim air.

17 Uime sin b'fheumail da anns na h-uile nthibh bhi air a dheanamh cosmhul r'a bhràithribh; chum gu'm biodh e 'na àrd shagart tràcaireach agus dileas ann an nthibh a thaobh Dhè, chum réite dheanamh air son pheacanna an t-sluaigh :

18 Oir a mheud gu'n d'fhuling e féin, air dha bhi air a bhuaireadh, is comasach e air cabhair a dheanamh orrasan a ta air am buaireadh.

C A I E. III.

1 Is mó Criod na Maois: 7 uime sin mur creid sinn annsan, bithidh sinn ni's toillteanaich air dioghaltas na Israel cruaidh-chridheach.

UIME sin, a bhràithre naomha, a ta 'nar luchd-comh-pairt do'n ghairm nèamhaidh, thugaibh fainear Iosa Criod, abstol agus àrd shagart ar n-aidmheil;

2 A bha dileas dhasan a dh'ord-úch e, amhul a bha Maois mar an ceudna 'na thighsan uile.

3 Oir mheasadh gu'm b'fhiu an Ti so glòir bu mhò na Maois, mheud gu bheil tuilleadh urrain aig an neach a thog an tigh, na aig an tigh féin.

4 Oir tha gach uile thigh air a thogail le aon eigin; ach an ti a thog na h-uile nithe, is e Dia.

5 Agus gu deimhin bha Maois dileas 'na thighsan uile mar sheirbhiseach, chum fianuis air na nthibh sin a bha gu bhi air an labhairt an déigh sin;

6 Ach Criod mar Mhac os ceann a thighe féin: agus is sinne a thighsan, ma chumas sinn dànachd, agus gairdeachas an dòchais, gu daingean gus a' chrioch.

7 Uime sin mar a deir an Spiorad naomha, An diugh, ma chluinneas sibh a ghuth,

8 Na cruidhichibh bhur cridhe, mar anns a' bhrosnachadh, ann an latha a' bhuairidh san fhàsach :

9 Far an do bhuaire bhur n-aithriche mi, agus a dhearbh iad mi, agus a chunnaic iad m'oibre rè dha fhich-ead bliadhna.

10 Uime sin bha diom orm ris a ghinealach sin, agus thubhaint mi Tha iad a ghnàth air seacharan 'nan cridhe; agus cha do ghabh iad eolas air mo shligibhbhse.

11 Ionnas gu'n d'thug mi mo mhionnan a'm fheirg, Nach d'théid iad a steach do m' shuaimhneas.

12 Thugaibh an aire, a bhràithre, air eagal gu'm bi ann an aon neach agaibh droch cridhe mi-chreidimh, anns an Dia bheo a thréigsinn.

13 Ach earaillichibh a chéile gach aon là, am feadh a ghoirear An latha 'n diugh dheth; air eagal gu'n cruidhichear neach air bith agaibh tre mhealltoireachd a' pheacaidh.

14 Oir rinneadh sinne 'nar luchd-comh-pairt do Chriosd, ma chumas sinn toiseach ar muinghin gu daingean gus a' chrioch;

15 Am feadh a deirear, An diugh, ma chluinneas sibh a ghuth, na cruidhichibh bhur cridhe, mar anns a' bhrosnachadh.

16 Oir air do dhream àraighean cluinnntinn, bhrosnachadh iad; ach ni'm biadsan uile a thainig a mach as an Eiphit le Maois.

17 Ach cò ris a bha diom air rè dhà fhichead bliadhna, nach ann riusan a pheacaich, muinntir a thuit an coluinnean anns an fhàsach?

i cha do ghabh e greim do na h-ainglibh,

18 Agus cò iad d'an d'thug e a mhionnan nach rachadh iad a steach d'a shuaimhneas¹, ach dhiobhsan nach do chreid m?

19 Mar so chì sinn nach b'urrainn iad dol a steach air son mi chreidimh.

C A I B. IV.

1 Tha fois nan Criosduidh air a faghaile tre chreidimh. 12 Cumhachd focail Dé. 14 Trìd ar n-àrd shagairt Iosa Mic Dhé, a bha fuidh thriobloidiibh, ach saor o pheacadh, 16 is còir dhùinn, agus feudaidh sinn dol gu dàna chum caithir nan gràs.

UIME sin biodh faictcheasⁿ oirnn, air eagal air bhi do ghealladh dol a steach d'a shuaimhneas air fhàgail againn, gu'n d'thigeadh aon neach agaibh^o a dhéidh-làimh air.

2 Oir shearmonaicheadh an soisgeul duinne, amhuil a rinneadh dhiobhsau: ach cha robh tairbhe dhoibh anns an fhocal a chaidh shearmonachadh, do bhrigh nach robh e air a mheasgadh le creidimh anns an droing a chual e.

3 Oir tha sinne a chreid a' dol a steach do shuaimhneas, amhuil a thubhairt e, Mar a thug mi mo mhionnan a'm' fheirg, Nach d'théid iad a steach do m' shuaimhneas: ge do bha na h-oibre criochnaichte o thoiseach an t-saoghal.

4 Oir labhair e ann an ionad àraidh mu'n t-seachdamh là air an dòigh so, Agus ghabh Dia fois air an t-seachdamh là o oibrabh uile.

5 Agus anns an ionad so a rìs, Ni'n d'théid iad a steach do m' shuaimhneas.

6 Do bhrigh uime sin gu'n tuigear uaith so gu'n d'théid dream àraidh a steach ann, agus nach deachaidh an dream d'an do shearmonaicheadh e air tùs, a steach air son am mi-chreidimh;

7 A rìs, tha e suidheachadh là àraidh, ag ràdh ann an Diabhidh, An diugh, an déigh aimsir co fhada; mar a deirear, An diugh, mà chluinneas sibh a ghuth, na cruidhichibh bhur cridhe.

8 Oir nam biodh Iosua p air toirt suaimhneis dhoibh, cha labhradh e an déigh sin mu là eile.

9 Uime sin dh'fhàgadh fois fa chomhair sluaigh Dé.

10 Oir an ti a chaidh steach d'a shuaimhneas-san, ghabh esan tàmh o oibrubsan, amhuil a ghabh Dia o oibrabh féin.

11 Deanamaid dichioll uime sin air dol a steach do'n t-suaimhneas sin, air eagal gu'n tuit aon neach a réir eisemleir cheudna a'mhi-chreidimh^r.

12 Oir tha focal Dé beo agus cumhachdach, agus ni's géire na claidheamh dà-fhaobhair air bith, a' ruigheachd eadhon clum eadar-sgaraidh an anama agus an spioraid, agus nan alt agus nan smear, agus a' toirt breth air smuaintibh agus rùnaibh^s a' chridhe.

13 Agus cha 'n'eil creutair sam bith nach 'eil follaiseach 'na làthair-san: ach a ta na h-uile nithe lomnochd, agus fosgalte do shùilibh an tì d'am feum sinn cunntas a thabhairt^t.

14 Do bhrigh uime sin gu bheil againn àrd shagart mòr, a chaidh a steach do na neamhaibh, Iosa Mac Dhé, cumamaid gu daingean ar n-aidmheil.

15 Oir cha 'n'eil àrd shagart againn nach 'eil comasach air comh-flulangas abhi aige'r ar n-anmhui-n-eachdaibh; ach a bhuaireadh snà h-uile nitibh air an dòigh cheudna ruinne, ach as eugmhais peacaidh.

16 Thigearnaid uime sin le dànochd gu righ-chaitheir nan gràs, chum gu faigh sinn tròcair, agus gu'n amais sinn air gràs chum cabhair ann an àm feuma.

C A I B. V.

1 Ughdarras agus onoir sagartachd ar Shanuighir: 11 mairnealachd 'nan edlas air a chronachadh.

OIR tha gach uile àrd shagart, air a thoirt o mheasg dhaoine, air orduchadh air son dhaoine ann an nitibh a thaobh Dhé, chum gu'n teir e suas araon tioldhlacan agus iobairtean air soa pheacanna:

¹ fois. ^m a bha easumhàl. ⁿ eagal. ^o dhinn. ^p Iosa. ^r easumhlachd. ^s breithneachaibh. ^t ris am bheil ar gnothuchne. ^u gu'n faigh sinn.

2 Neach a ta comasach air truas a ghabhail ris an droing a ta aineolach, agus air seacharan; do bhrigh gu bheil e féin mar an ceudna air a chuartachadh le h-anmhuiinneachd:

3 Agus air a shon so, is coir dha iobradh air son peacaidh, mar as leth an t-sluaign, is amhuil sin as a leth féin mar an ceudna.

4 Agus cha ghabh aon duine an onoir so dha féin, ach an ti a ta air a ghairm o Dia, mar bha Aaron:

5 Is amhuil sin, cha do ghlòraich Criod e féin, gu bhi air a dheanamh 'na àrd shagart; ach an ti a thubhaint ris, Is tu mo Mhac, an diugh għin mi thu.

6 A réir mar a deir e mar an ceudna ann an ionad eile, Is sagart thu gu siorruidh a réir orduigh^a Melchisedeic.

7 Neach ann an làithibh fheòla, an déigh dha ùrnuighean agus ath-chuingean, maille ri h-àrd éighich agus deurailbh, iobradh suas do'n ti a bha comasach air a shaoradh o'n bhàs, agus dh'éisdeadh ris thaobh an ni romh an robh eagal air^b.

8 Ge bu Mhac e, dh'fhogħluim e ûmhłachd o na nithibh a dh'fhuiling e:

9 Agus air dha bhi air a dheanamh foirfe, rinneadh e 'na ùghdar slàinte shiorruidh dhoibhsan uile a bhios ùmhal dha;

10 Air a ghairm le Dia 'na àrd shagart, a réir orduigh Melchisedeic.

11 Mu'm bheil mòran againn r'a labhairt, agus cruaidh r'am mineachadh; do bhrigh gu bheil sibh mall 'nar n-éisdeachd.

12 Oir ge d' bu chòir dhuibh a réir na h-aimsir bhi 'nar luchd-teagaisg, tha feum agaibh gu'n teagaisgeadh neach dhuibh a ris ciod iad ceud-thoiseacha blriathar^c Dhé; agus tha sibh air teachd chum na h-inbhe sin, gur mó a ta bainne-dh uireashbuidh oirbh na biadh làidir.

13 Oir gach neach a ta gnàthachadh bainne, tha e neo-theòmadh^d air focal na fìreantachd: oir is naoidhean e.

14 Ach is ann do dhaoinibh foirfe a bhuiteas biadh làidir, aig am bheil an ceudfaidh, tre ghnàthachadh fada, air an cleachdadh ri eadar-dhealachadh chur eadar maith agus olc.

C A I B. VI.

1 Tha e cur impidh orra, gun iad a thuiteam air an ais o'n chreidimh; 11 ach bhi seasmhach, 12 dìchiollach, agus feitheamh gu foighidneach ri Dia, 13 do bhrigh gu bheil esan ro-fhior agus cinnteach 'na ghealladh.

UME sin air fàgail duinn ceud-thoiseacha teagaisg Criod, rachamaid air ar n-agħaidh chum foirfeachd; gun bhi ris a' saidheachadh bunaite aithreachais o oibribh marħba, agus creidimh thaobh Dhé,

2 Bunaite teagaisg nam baised, agus leagaidh nan làmh, agus aiseirigh nam marbh, agus breitheanais shiorruidh.

3 Agus ni sinn so, ma cheadaicheas Dia.

4 Oir is eucomasach an droing sin a chaidh aon uair a shoillseachadh, agus a bhlaibh an tiodħlak nèamhaidh, agus a rinneadh 'nan luchd-compairt do'n Spiorad naomh,

5 Agus a bhlaibh deadh fhocal Dé, agus cumhachdan an t-saogħail ri teachd^e,

6 Agus a thuit air falbh, ath-nuadħachadh chum aithreachais: do bhrigh gu bheil iad a' ceusadh Mhic Dhé a ris dhoibh féin, agus 'ga chur gu näire, fhollaisich^f.

7 Oir an talamh a dh'òlas a steach an t-uisge a tha teachd gu minic air, agus a bheir uaith luibheanna iom-chuidh do'n droing leis an saothraicear e, għieibh e beaunachadh o Dia:

8 Ach an talamh sin a bheir uaith droighionn agus drisean, tha e air a chur air cùl, agus fagus do mhallaċ-achadh; d'an deireadh bhi air a losgadhi.

9 Ach is dearbh leinn nithe a's fearr mu'r timchiolla, a mħuinntir ionmhuinn, agus nithe a tha dlàth-

^a costaias. ^b thugadh fuasgladh dha o eagal. ^c oracla. ^d neo-iùlmhar. ^e na linn ri teachd. ^f a' deanamh ball-magaidh dheth.

do shláinte, ge do tha sinn a' labhairt mar so.

10 Oir cha'n eil Dia mi-chothromach, gu'n di-chuimhniceadh e obair agus saothair bhur gràidh, a nochd sibh a thaobh ainmesan, am feadh gu'n d'rinn sibh frithealadh do na naomhaibh, agus gu bheil sibh a' frithealadh.

11 Agus is miann leinne gu'n dean gach aon agaibh an dùrachd ceudna a nochdad, chum làndearbhaidh an dòchais gus a' chrioch:

12 Chum nach bi sibh leasg, ach 'nar luchd-leanmuinn orrasan, a tha tre chreidimh agus fhoighidin a' sealbhachadh nan geallanna.

13 Oir an uair a thug Dia gealladh do Abraham, do bhrigh nach feudadh e mionnan a thoirt air neach bu mhò, thug e mionnan air fein.

14 Ag ràdh, Gu fìrinneach, beannuichidh mi gu mòr thu, agus ni mi ro lionmhor thu.

15 Agus mar sin an déigh dhasan feitheamh gu foighidneach, fhuair e sealbh air a' ghealladh.

16 Oir gu deimhin bheir daoine mionnan air an neach a's mò: agus dhoibhsan is crìoch air gach tile chonnsachadh mionnan chum daing-neachaидh.

17 Uime sin air bhi do Dhia toileach air neo-chaochluidbeachd a chomhairle fleuchainn ni's pailte do oighreachaibh a' ghealladh, dlearbh e le mionnaibh e:

18 Chum tre dhà nì neo-chaochluidheach, anns an robh e eucomasach gu'n deanadh Dia breug, gu'm biodh againne comhlhurtachd laidir, a theich chum dìdein gu greim a dheanamh air an dòchas a chuireadh romhainn:

19 Ni a tha againn mar acair an anama, araon cinnteach agus daingeann, agus a théid a steach do'n ionad sin a ta'n taobh stigh do'n bhrat-roinn,

20 Far an deachaidh an roimhruith-fhear a steach air ar soinne, eadhon Iosa, a rinneadh 'na àrd-shagart gu siorruidh a réir ordugh Mhelchisedeic.

C A I B. VII.

1 Is sagart Iosa Criod a rèir ordugh Mhelchisedeic; 11 agus mar sinni's ro òirdheirce na na sagairt a tha do ordugh Aaroin.

O IR b'e am Melchisedic so righ Shaleim, sagart an Dé a's ro àirde, neach a choinnich Abraham a' pilltinn o àrh nan righ, agus a bheannuich e;

2 D'an d'thug Abraham eadhon deachamh do'n uile: neach a's e air tùs, air na eadar-theangachadh, righ na fìreantachd, agus 'na dhéigh sin mar an ceudna, righ Shaleim, 'se sin, righ na sìth;

3 Gun athair, gun mhàthair, gun sinnsireachd, gun toiseach làithean, gun deireadh beatha aige; ach air a dheanamh cosmhul ri Mac Dhé, tha e fantuinn 'na shagart gu siorruidh i.

4 A nis thugaibh an aire cia mòr an duine so, d'an d'thug eadhon am priomh-athair! Abraham an deachamh do'n chreich.

5 Agus gu deimhin iadsan do chloinn Lebhi, a tha faotainn na sagartachd, tha àithne aca deachamh a thogail o'n t-sluagh a réir an lagha, sin r'a ràdh, o'm bràithribh fein, ge do thainig iad a mach a leasraidh Abramair :

6 Ach an ti nach 'eil air a shloinneadh uatha-san, fhuair e deachamh o Abraham, agus bheannuich se esan aig an robh na geallana.

7 Agus gun agadh sam bith, beannuichear an ti a's lugha leis an ti a's fearr.

8 Agus an so tha daoine a gheibh bàs a' faotainn deachaimh: ach an sin an ti aig am bheil fianuis gu bheil e beo.

9 Agus mar a dh'fheudas mi ràdh, fhuaradh ann an Abraham deachamh o Lebhi fein, a thogas an deachamh :

10 Oir bha e fathast ann an leasraidh athar, an uair a choinnich Melchisedec e.

11 A nis nan d'thigeadh fairfeachd tre shagartachd nan Lebhitheach (oir

g a' beannachadh beannuichidh mi thu. Gr. h mharbhadh, i a ghnàth, rè a bheatha. I àrd-athair.

is ann r'a linn a thugadh an lagh do'n t-sluagh) ciod am feum a bha air sagart eile éirigh a réir ordugh Mhelchisedeic, agus nach biodh e air a ghairm a réir ordugh Araoin?

12 Oir air do'n t-sagartachd bhi air a h-atharrachadh, is éigin an lagh bhi air atharrachadh mar an ceudna.

13 Oir an ti air an labhrar na nithe sin, buinidh e do thréibh eile, do nach d'rinn aon neach frithealadh aig an altair.

14 Oir is soilleir gur ann o Iuda dh'éirich ar Tighearn, treubh air nach do labhair Maois ni air bith thaobh sagartachd.

15 Agus tha e fathast ni's ro-shoilleire, am feadh gu'n d'éirich sagart eile a réir coslais Mhelchisedeic,

16 A' rinneadh 'na shagart, cha'n anna réir lagha aithne fheòlmhoir, ach a réir cumhachd beatha gun chrioch.

17 Oir tha e deanamh fianuis, Gur sagart thu gach linn a réir ordugh Mhelchisedeic.

18 Oir gu deimhin tha an àithne roimhe air a cur air cùl, air son i bhi annmhunn agus neo-tharbhach.

19 Oir cha d'rinn an lagh ni sam bith foirfe, ach rinn toirt a steach dòchais a's fearr e; tre'm bheil sinn a' teachd am fagus do Dha.

20 Agus a mheud nach d'rinneadh sagart deth gun mhionnaibh,

21 (Oir rinneadh sagarta dhiubhsan as eugmhais mhionnan: ach dhethsan le mionnaibh, tre'n ti a thubhaint ris, Mhionnaich an Tighearn, agus cha ghabh e aithreachas, Is sagart thu gu siorruidh, a réir ordugh Mhelchisedeic.)

22 Is co mòr as sin a rinneadh Iosa 'na urras air coimh-cheangal a's fearr.

23 Agus bha gu deimhin mòran diubhsan 'nan sagartaibh, do bhrigh gu'n do bhacadh dhoibh leis a' bhàs bhi mairtheann.

24 Ach an duine so, do bhrigh gu mair e gu siorruidh, tha sagartachd neo-chaochluidheach aige.

25 Air an aobhar sin tha e mar an ceudna comasach air an droing a thig

a dh-ionnsuidh Dhé tridsan a shiùnachadh gu h-iomlanⁿ, do bhrigh gu bheil e beo gu siorruidh gu eadar-ghuidhe dheanamh air an son.

26 Oir bha shamhuil sin do àrd shagart ionchuidh dhuinne, a bha naomha, neo-lochdach, neo-thruaillidh, air a dhealachadh^o o pheacach-aibh, agus a rinneadh ni's àird na na nèamha;

27 Nach feum gach là mar na h-àrd shagairt ud iobairtean thoirt suas, air tùs air son a pheacanna féin, agus an déigh sin air son pheacanna an t-sluaign: oir rinn e so aon uair, san àm a thug se e féin mar iobairt.

28 Oir tha an lagh a' deanamh àrd shagarta do dhaoinibh aig am bheil anmhuiinneachd; ach focal nam mionnan a bha an déigh an lagh a' deanamh àrd shagairt do'n Mhae, a tha air a dheanamh iomlan^p gu siorruidh.

C A I B. VIII.

1 Le sagartachd shiorruidh Chriosd tha sagartachd Lebhitheach Araoù air a cur air cùl: 7 agus an coimh-cheangal aimsireil a rinneadh ris na sinnsiribh, le coimh-cheangal siorruidh an t-soisgeil.

A NIS is e so suim nan nithe a labhair sinn: Tha shamhuil sin do àrd shagart againn, a tha air suidhe air deis righ-chaithreach na mòrachd anns na nèamhaibh;

2 Ministeir nan ionad naomh, agus an fhìor phailluin, a shuidhich an Tighearn, agus cha bu duine.

3 Oir tha gach uile àrd shagart air ordughadh chum tiodhlacan agus iobairtean a thabhairt suas: uinne sìb' éigin gu'm biodh aig an duine so mar an ceudna ni-eigin r'a thabhairt suas.

4 Oir nam biodh e air thalamh, cha biodh e 'na shagart, do bhrigh gu bheil sagairt ann a tha tabhairt suas thiodhlaic a réir an lagha:

5 Muinntir a tha deanamh seirbhís le samhlachas agus sgàile nan nithe nèamhaidh, a réir mar a dh'orduinch,

^m tiomadh. ⁿ gus a' chuid a's faide, gu siorruidh. ^o air a sgaradh. ^p air a choisrigeadh.

eachd do Mhaois le Dia 'nuair a bha e air tì am pàilliun a chur suas. Oir feuch (a deir e) gu'n dean thu na h-uile nithe réir an t-saimpleir a nochdadh dhuit san t-sliabh.

6 Ach a nis fluair e ministreilleachd a's ro-fhearr, a mheud gu bheil e mar an ceudna 'na eadar-mheadhonair air coimh-cheangal a's fearr, a chaith dhaingneachadh air geallaibh a's fearr.

7 Oir nam biodh an ceud choimh-cheangal sin gun uireasbhuidh^r; cha'n iarradh àit do'n dara coimh-cheangal.

8 Oir a' foatainn croin doibh, a deir e, Feuch thig na làithean, (a deir an Tighearn,) anns an dean mi coimh-cheangal nuadh ri tigh Israel, agus ri tigh Iuda:

9 Cha'n ann a réir a' choimh-cheangail a rinn mi r'an aithrichibh anns an là a rug mi air làimh orra chum an treòrachadh a mach a talamh na h-Eiphit; do bhrigh nach d'fhan iad ann am choimh-cheangal, agus chuir mise suarach iadsan, a deir an Tighearn.

10 Oir is e so an coimh-cheangal a ni mi ri tigh Israel an déigh nan là ud, a deir an Tighearn; Cuiridh mi mo reachda'n nan inntinn, agus scriobhaidh mi iad air an cridhibh: agus bithidh mi a'm' Dhia dhoibh, agus bithidh iadsan 'nan sluagh dhomhsa.

11 Agus cha teagaisg iad gach aon a choimhhearsnach, agus gach aon a bbràthair, ag ràdh, Gabh eòlas air an Tighearn: oir bithidh eòlas aca uile orm, o'n neach a's lugha gus an neach a's mò dhiubh.

12 Oir bithidh mise tràcaireach d'an euceartaibh, agus am peacanna agus an aingidheachd cha chuimhich mi ni's mò.

13 Am feadh a deir e, Coimh-cheangal nuadh, rinn e'n ceud choimh-cheangal sean. A nis an ni a ta aosda agus air fàs sean, tha e fagus do dhol as an t-sealladh.

C A I B. IX.

1 Tha e mòineachadh nan iobairt fuidh'n. lagh, agus gach gnàthach-

aidh a bha nan cuideachd; 11 tha iad gu mòr thaobh feobhais goirid air fail agus iobairt Chriosd.

B H A ma seadh gu dearbh aig a' cheud phàilliun ordraighean^t a thaobh seirbhis Dé, agus naomh-ionad saoghalta.

2 Oir dheasaicheadh an ceud phàilliun, anns an robh an coinnleir, agus am bord, agus aran na fianuis ris an abrar an t-ionad naomha.

3 Agus an taobh a stigh do'n dara roinn-bhrat, am pàilliun d'an goirear an t-ionad a's ro naomha:

4 Ann an robh an tùiseir òir, agus àirc a' choimh-cheangail air a combdachadh^t mu'n cuairt le h-òr, anns an robh a' phoit òir anns an robh am mana, agus slat Aaroin a bha fuidh bhlàth, agus clàir a' choimh-cheangail;

5 Agus os a ceann, cheruban na glòire, a' cur sgàile air caithir na tròcair; mu nach urradh sinn a nis labhairt fa leth.

6 A nis an uair a bha na nithe so air an cur an ordugh mar so, chaithd na sagairt a ghnàth a steach do'n cheud phàilliun, a' coimhlionadh seirbhis Dé:

7 Ach do'n dara phàilliun chaidh an t-àrd shagart 'na aonar a steach aon uair sa' bhliadhna, cha b'ann as eugmhais folà, a thug e suas air a shon féin, agus air son seacharain an t-sluaigh.

8 Air bhi do'n Spiorad naomh a' nochdadh so, nach robh fathast an t-slige chum an ionaid bu ro-naomha air a foillseachadh, am feadh a bha an ceud phàilliun fathast 'na sheasamh:

9 Ni a bha 'na shamhladh do'n aimsir a ta làthair, anns an robh ar aon tiodhlacan agus iobairtean air an toirt suas, nach robh comasach air an ti a bha deanamh na seirbhis sin a dheanamh coimhionta, thaobh a choguis,

10 An t-seirbhis a bha mhàin ann am biadhaibh agus ann an deochasibh, agus ann an iomadh gnè ionnlaid, agus deas-ghnàthachaibh a thaobh na feola a chuireadh mar uallaich orra gu àm an leasachaidh.

^r lochd, chron. ^s reachdan. ^t solach.

11 Ach air teachd do Chriosd 'na àrd shagart nan nithe maithe a bha ri teachd, tre phàilliun bu mhò agus bu diongmhalta, nach d'rinneadh le làmhaibh, sin r'a ràdh, nach robh do'n togail so ;

12 Agus cha b'ann tre fhuil ghabhar agus laogh, ach tre fhuil féin a chaidh e steach aon uair do'n ionad naomha, air dha saorsa shierruidh fhaotainn *dhuinne*.

13 Oir ma ni ful tharbh, agus ghabhar, agus luathre aighe air a crathadh air an droing a bha neoghlach, an naomhachadh chum glanadh na fèòla ;

14 Cia mòr is mó ni ful Chriosd, a thug e féin suas tre'n Spioraid shierruidh^u gun lochd do Dhia, bhur coguis-se għlanadh o oibribh marbha chum seirbhis a dheanamh do'n Dia bheo ?

15 Agus air a shon so is esan eadar-mheadhonair an tiomnaidh nuaidh^a, ionnas tre fħulangas a' bhàis, chum saorsab^b nan euceart a bha fuidh'n cheud thiomnadħ a *chosnadħ*, gu'm faigheadh iadsan a ta air an gairm gealladħ na h-oighreachd shierruidh.

16 Oir far am bheil tiomnadħ, is éigin bàs an tiomnaidh-fhir a bhi ann mar an ceudna.

17 Oir a ta tiomnadħ daingean an déigh bàis dhaoiné : ach cha 'n'eil brigh sam bith ann am feadh 's a ta'n tiomnaidh-fhear beo.

18 A réir sin, ni mó bha'n ceud thiomnadħ air a choisreagadh^c as eugmhais folia.

19 Oir an uair a labhradh gach uile àithne réir an lagha ris an t-sluagh uile le Maois, air da fuil laogh agus għabbar a għabbail, maille ri h-uisge, agus oluinn scarlaidd^d, agus hisop, chrath e iad araon air an leabhar agus air an t-sluagh uile,

20 Ag ràdh, 'Si so fuli an tiomnaidh^e a dh'áithn Dia dhuibh.

21 Os bàrr, chrath e mar an ceudna an fħuil air a' phàilliun, agus air sothicibh na naomh-sheirbhis uile.

22 Agus is beag nach 'eil na h-uile

nithe air an glanadh le ful a réir an lagħa; agus as eugmhais dòrtaidh folia cha 'n'eil maiteanas r'a fhaotainn.

23 B'fheumail uime sin gu'm biode samblaidd nan nithe a ta sna nèamhaibh air an glanadh leo so ; ach na nithe nèamhaidh féin le iobairtibh a b'fhearr na iad so :

24 Oir cha deachaidh Chriosd a steach do na h-ionadaibh naomha làmh-dheanta, nithe a's iad samh-lachais nám fior ionad ; ach do nèamh féin, chum a nis e féin a nochdadħ ann am fianuis Dé air ar soinne :

25 No fòs chum e féin iobradh gu minic, mar a théid an t-àrd shagħar għad bliadhna steach do'n ionad naomha, le fuli nach leis féin.

26 (Oir mar sin b'fheumail e dh'fħulang gu minic o thoiseach an t-saogħail;) ach a nis dh'fhoollsieħeadh e aon uair ann an deireadh an t-saogħail, chum peacadh a chur air cùl trid e féin iobradh.

27 Agus amħu il-a ta e air ordut-adh do dhaoinibh bàs fhaotainn aon uair, ach 'na dħeih so breitheanas :

28 Mar sin thugadħ Chriosd suas aon uair a thoirt air falbh peacaidh mhorrain, ach an dara uair as eugmhais peacaidh foillsieħear e dhoibhsan aig am bheil sùl ris, chum slàinte.

C A I B. X.

- 1 *Anmhuiinneachd iobairtean an lagħa.*
- 10 *Thug iobairt cuipr Chriosd a thugadħ suas aon nair peocadh gu sierruidh air falbh.*
- 19 *Earail chum an creidimh a ghleidheadh gu daingean, le svigħidin agus buidheħas.*

UIME sin air bhi aig an lagħ sgäile nithe maithe ri teachd, agus cha'n e fior-dhealbh nan nithe féin, ni'n comasach dha an droing a thig d'a ionnsuidh a choiħiċċha dheanamħ coimħlionta, leis na h-lobairtibh sin a bha iad a' toirt suas o bliaħdha gu bliadhna a għnàt.

2 Oir an sin nach sguireadħ iad do bhi 'gan toirt suas? do bħir ħażi nach biode aig luchd deanamħ na naomh-sheirbhis tuilleadh coguis air

^u *tre'n spiorad naomh.* ^a *a' choimħ-cheangail nuaidh.* ^b *fuasglaidh.* ^c *air a dhaingneachadh.* ^d *corcuir.* ^e *a' choimħ-cheangail.* ^f *nan linn.*

bith peacaidh, air dhoibh bhi aon uair air an glanadh.

5 Ach anns na *h-iobairtibh* sin nithear ath-chuimhneachadh air na peacaibh gach bliadhna.

4 Oir cha 'n'eil e'n comas gu tug-adh ful tharbh agus ghabhar peacanna air falbh.

5 Uime sin ag teachd dha do'n *t-saoghal*, a deir e, Iobairt agus tabhartas ni'm b'áill leat, ach dh'ulluich thu corp dhomhsa :

6 Ann an iobairtibh loisgte, agus ann an iobairtibh air son peacaidh cha robh tlaich agad :

7 An sin thubhairt mise, Feuch, tha mi a' teachd (ann an rola an leabhair tha sud scriobhtha orm) chum do thoilse a dheanamh, O Dhé.

8 Air dha a ràdh roimhe sin, Iobairt, agus tabhartas, agus iobairte-loisgte, agus iobairt air son peacaidh ni'm b'áill leat, agus ni robh do thlachd annta (a tha air an toirt suas a réir an lagha.)

9 An sin thubhairt e, Feuch, ataim a' teachd a dheanamh do thoilse, O Dhé. Tha e cur air cùl a' cheud ni, chum gu'n daingnich e an dara ni.

10 Leis an toil so tha sinne air ar naomhachadh, trìd toirt suas cuirp Iosa Criosd aon uair.

11 Agus tha gach uile shagart a' seasamh gach là, a' fritheakadh agus a' toirt suas nan iobairt cheudna gu minic, nithe do nach 'eil e'n comas a choidhch peacanna thoirt air falbh :

12 Ach an duine so, an déigh dha aon iobairt a thoirt suas air son peacaidh, shuidh e a choidhch tuilleadh air deas làimh Dhé;

13 A' feitheamh o sin suas gus an cuirear a naimhde 'nan stòl-chos fuidh chosaibh.

14 Oir le aon iobairt rinn e choidhch foirfe iadsan a ta air an naomhachadh.

15 Agus tha an Spiorad naomh mar an ceudna a' deanamh fianuis duinne air na nitibh so : oir an déigh dha ràdh roimhe,

16 Is e so an coimh-cheangal a ni mi riù 'n déigh nan là ud, deir an Tighearn, Cuiridh mi mo reachdan

'nan cridhe, agus scriobhaidh mi iad air an inntinn :

17 [A deir e] agus am peacanha agus an eucearta cha chuimhnich mi ni's mó.

18 A nis, far am bheil maitheanas nan nithe so, cha 'n'eil tabhartas air son peacaidh ann ni's mó.

19 Uime sin, a bhráithre, do bhrigh gu bheil dànaichd againn chum dol a steach do'n ionad a's naomha tre fhuil Iosa,

20 Air slighe nuaidh agus bheo a choisrig e dhuinne, tre'n roinn-bhrat, sin r'a ràdh, tre fheòil fein.

21 Agus do bhrigh gu bheil againn àrd shagart os ceann tighe Dhé,

22 Thigeamaid am fagus le cridhe fior, ann an làn dearbh-beaclid a' chreidimh, le'r cridheachaibh air an crath-ghlanadli o dhroch coguis, agus le'r cuirp air an nigheadh lé h-uise glan.

23 Cumamaid gu daingean aid-mheil ar dòchais gun chlaonadh, (oir is firinneach an ti a gheall.)

24 Agus thugamaid an aire d'a chéile chum ar brosnachadh gu gràdh, agus deagh oibrigh :

25 Gun bhi leigeadh dhinni sinn fein a chruinneachadh an ceann a chéile, mar is gnàth le dream àraidi ; ach a' comhairleachadh *chéile* : agus gu ma mòid a ni sinn so, gu bheil sibh a' facinn an là a' tarruing am fagus.

26 Oir ma pheacaicheas sinn d'ar toil fein an déigh dhuinn eòlas na firinn fhaotainn, cha'n fhàgar tuilleadh dhuinn iobairt air son peacaidh,

27 Ach dùil eagalach ri breitheanas, agus feàrg theinnteach, a sgriosas na h-eascairdean.

28 An ti a rinn tàir air lagh Mhaois, bhàsaich e gun tràcair, fuidh dhithis no thriuir a dh'fhanuistibh :

29 Cia mèr is measa na sin am peanas a shaoileas sibh air am measar esan toillteanach, a shaltair fuidh chos-aibh Mac Dhé, agus a mheas mar ni mi-naomha ful a' choimh-cheangail, leis an do naomhaicheadh e, agus a rinn tarcuis air Spiorad nan gràs ?

30 Oir is aithne dhuinn an ti a thubhairt, *Is* leamsa an dioghaltas,

agus bheir mi dioladh uam, deir an Tighearn: agus a ris, Bheir an Tighearn breth air a shluagh.

31 Is ni eagalach tuiteam ann an làmhaibh an Dé bheo.

32 Ach biodh ath-chuimhne agaibh air na làithibh a chaidh seachad, anns an d'fhuiling sibh, an déigh dhuibh bhi air bhur soillseachadh, gleachda mòr fulangais;

33 Ann an cuid am feadh a rinn-eadh sibh 'nar ball-amhàirc i, araon tre mhaslaibh agus thrioblaidibh; agus ann an cuid, am feadh a rinneadh sibh 'nar companaich dhoibhsan ris an do bhuineadh mar sin.

34 Oir bha comh-fhulangas agaibh riurnsa ann am gheimhlibh, agus ghabh sibh le luathghair ri creachadh bhur maoin, air dhuibh fios a bhi agaibh annaibh féin gu bheil agaibh air nèamh maoin a's fearr agus a ta maireannach.

35 Uime sin na tilgibh uaibh bhur muinghin, aig am bheil mòr dhiol-thuarasdal.

36 Oir a ta feum agaibh air foighidin; chum an déigh dhuibh toil Dé a dheanamh, gu'm faigh sibh an gealladh.

37 Oir fathast sealan beag, agus an ti a ta ri teachd thig e, agus cha dean e moille.

38 A nis bitidh am fírean beo tre chreidimh: ach ma philleas e air ais, cha bhi aig m'aramsa tlachd ann.

39 Ach cha 'n'eil sinne do'n dream sin a philleas air an ais chum sgrios; ach do'n dream a chreideas, chum slànuchaiddh an anama.

C A I B. XI.

1 Ciod is creidimh ann. 6 As eug-mhais creidimh cha 'n'eil e'n comes duinn toil Dé a dheanamh: 7 deadh thoradh a' ghràis sin anns na h-aithrichibh o shean.

A NIS is e creidimh brigh nan nithe ri'm bheil dòchas, dearbhadh nan nithe nach faicear.

2 Oir is ann trìd so a fhuair na sinnis deadh theisteach.

3 Tre chreidimh tha sinn e' tuig-

sinn gu'n do chruthaicheadh na saoghal tre fhocal Dé, air chor as nach d'rìnneadh na nithe a chithear do nithibh a bha r'am faicinn.

4 Tre chreidimh thug Abel suas do Dhia lobairt ni b'fhearr na Cain, trìd an d'thugadh teisteas dha gu'n robh e 'na fhírean, air bhi do Dhia a' deanamh fianuis d'a thiodhlacaibh: agus tre sin, air dha bhi marbh, tha e fathast a' labhairt.

5 Tre chreidimh dh'atharraich-eadh Enoch chum nach faiceadh e bàs; agus cha d'fhuaradh e, do bhrigh gu'n d'atharraich Dia e: oir roimh atharrachadh thugadh fianuis da, Gu'n do thaitinn e ri Dia.

6 Ach as eugmhais creidimh cha 'n'eil e'n comes a thoileachadh: oir is éigin do'n ti a thig a dh'ionnsuidh Dhé a chreidsinn gu bheil e ann, agus gur neach e a bheir duais do'n droing a dh'iarras e gu dìchiollach.

7 Tre chreidimh air do Noe rabhadh fhaotainn o Dhia mu thimchioll nithe nach robh idir r'am faicinn, agus eagal a ghabhail, dh'ulluch e àirc chum tearnaidh a theaghlach; tre'n do dhìt e an saoghal, agus rinn-eadh e 'na oighre air an fhíreantachd a ta thaobh creidimh.

8 Tre chreidimh, 'nuair a ghairmeadh Abraham gu dol a mach do ionad a bha e gus fhaotainn an déigh sin mar oighreachd, fhreagair e; agus dh'imich e mach gun fhiros a bhi aige c'ait an robh e dol.

9 Tre chreidimh bha e air chuairt ann an tìr a' gheallaiddh, mar ann an tìr choimhich, a' gabhail còmhnuidh ann am pàilliunaibh maille ri h-Isaac agus Iacob, comh-oighreachan a' gheallaiddh cheudna.

10 Oir bha sùil aige ri baile le bunaitibh air am bheil Dia 'na fheardealbhaidh agus 'na fhear-togail.

11 Tre chreidimh mar an ceudna fhuair Sara féin neart gu sliochd a ghabhail 'na broinn, agus rug i leanabh an déigh dh'i dol thar aois cloinne, do bhrigh gu'n do mheas i gu'n robh esau firinneach a thug an gealladh.

12 Uime sin ghineadh o aon a mhàin, agus esan ionann agus marbh,

sliochd mar reulta nèimhie thaobh lìonmhoireachd, agus mår a' ghain-eamh air tràigh na fairge do-air-eamh.

15 Fhuair iad so uile bàs ann an creidimh, gun na gealannan! fhaotainn, ach air dhoibh am faicinn fad o làimh, (agus an creidsinn,) ghabh iad riù, agus dh'aidich iad gu'm bu choigrich agus luchd-cuairt air an talamh iad féin.

14 Oir an droing a deir na nithe sin, tha iad a' nochdadh gu soilleir gu bheil iad ag iarraidh dùthcha.

15 Agus gu firinneach nam biodh iad cuimhneachail air an dùthaich sin, as an d'thainig iad a mach, dh'fheudadh iad àm iomchuidh fhaghail air pilleadh :

16 Ach a nis tha déidh aca air dùthaich a's fearr, eadhon dùthaich néamhaidh: uime sin cha nàr le Dia, gu'n goirear an Dia-san dheth: oir dh'ulluich e dhoibh baile.

17 Tre chreidimh dh'lobair Abraham, air dha bhi air a dhearbhadh, a mhac Isaac; agus thug an ti a fhuair na geallanna suas aonghin mhic :

18 Ris an dubhradh^m, Ann an Isaac goirear do shliochd:

19 A' breithneachadhⁿ gu'm bu chomasach Dia air a thogail eadhon o na marbhaibh; o'n d'fhuair se e eadhon ann an cosamhlachd.

20 Tre chreidimh bheannuich Isaac Iacob agus Esau mu thimchioll nithe a bha ri teachd.

21 Tre chreidimh bheannuich Iacob, ag faghail bàis da, dithis mhac Ioseph; agus rinn e aoradh, a' leigeadh a chudthrom air barr a bhat-aidh.

22 Tre chreidimh rinn Ioseph, ri àm faghail a' bhàis da, iomradh air dol a mach chloinn Israel; agus thug e àithne mu thimchioll a chnàmh.

23 Tre chreidimh an uair a rugadh Maois, dh'fholaireachd e tri mìosan le phàrantaibh, do bhrigh gu'm fac iad gu'm bu leanabh tlachdmhor e; agus cha robh eagal orra roimh àithne an righ.

24 Tre chreidimh air teachd gu h-aos do Mhaois, dhiùlt e bhi air a ghairm 'na mhac do nighinn Pharao;

25 A' ròghnachadh àmhgar fhulang maraon ri sluagh Dhé, roimh shòlas a' pheacaidh a mhealtuinn rè seal;

26 A' meas gu'm bu mhò an saibhreas masladh Chriosd na ionmhuis na h-Eiphit: oir bha sùil aige ris an luach-saoithreach^o.

27 Tre chreidimh thréig e'n Eiphit, gun eagal a bhi air roimh chorruiich an righ: oir bha e làidir 'na inntinn mar neach a bha faicinn an ti a ta neo-fhaicisinneach.

28 Tre chreidimh ghlèidh e chàisg, agus an dòrtadh fola, chum nach beanadh an ti a sgrios na ceud-ghin riusan.

29 Tre chreidimh chaidh iad trèd na mara ruaidh mar tre thalamh tioram: ni 'nuair a thug na h-Eiphitich ionnsuidh air a dheanamh, bhàthadh iad.

30 Tre chreidimh thuit ballacha Iericho, an déigh bhi air an cuartachadh rè sheachd làithean.

31 Is ann tre chreidimh nach do sgriosadh Rahab an stròpach maraon riusan nach do chreid, 'nuair a ghabh i ris an luchd-brathaiddh an siothchaint.

32 Agus ciod tuilleadh a deiream? oir theirgeadh an àine dhomh ann an labhairt mu Ghedeon, Bharac agus Sampson, agus Iephthae, Dhaibhidh mar an ceudna agus Samuel, agus na fàidhibh:

33 Muinnfir tre chreidimh a cheannsaich rioghachdan, a dh'oibrich fireantachd, a fhuair geallanna, a dhruid beoil leòmhan,

34 A mhùch neart teine, a chaidh as o fhaobhar a' chlaidheimh, o an-mhuinneachd a rinneadh neartmhor, a dh'fhàs treun ann an cath, a chuir air theicheadh armalit nan coimheadh.

35 Fhuair mnài am mairbh air an togail a ris gu beatha: agus chràidh-phianadh dream eile, gun iad a

^l na nithe a ghealladh. ^m Mu'n dubhradh. ⁿ a' reusonachadh, a' meas.
^o duais.

ghabhail ri saorsa; chum gu faigh-eadh iad aiseirigh a b'fhearr.

36 Fhuair dream eile feuchainn do fhanoidibh, agus do sgiùrsaibh, seadh fòs, do gheimhlibh agus do phriosun.

37 Chlachadh iad, shàbhadh as a chéile iad, bhuaireadh iad, chuireadh gu bàs leis a' chlaidheamh iad: chaidh iad 'nam fògaraich mu'n cuairt ann an croienibh chaorach agus ghabhar, ann an uireasbuidh, ann an trioblaidibh, ann an cràdh:

38 (Dream air nach b'airidh an saoghal) a' dol air seacharan ann am fàsaichibh, agus air sleibhtibh, agus ann an uamhaibh agus ann an slochdreibh na talmhainn.

39 Agus air dhoibh so uile deadh theisteas fhaotainn tre chreidimh, cha d'fhuair iad an gealladh:

40 Air do Dhia ni éigin a's fearr a sholar dhuinne, ionnas nach biodh iadsan air an deanamh fairfe as ar n-eugmhaisne.

C A I B. XII.

1 Earail chum bhi bunaiteach ann an creidimh, foighidin, agus diadhachd. 32 Moladh an Tiomnaidh-nuaidh os ceann an t-seann-tiomnaidh.

UIME sin, air dhuinne bhi air ar cuartachadh le neul co mòr a db'fhanuisibh, cuireamaid dhinn gach lethtrom, agus am peacadh a ta gu furas ag iadhadh umainn, agus ruitheamaid le foigidin a' choimhliong a chuireadh romhainn,

2 Ag amharc air Iosa ceannard, agus fear-crìochnaich ar creidimh, neach air son an aoibhneis a chuireadh roimhe, a dh'fhuiling an crann-ceusaidh, a' cur na näire an neo-shuim, agus a shuidh air deis righ-chaitreach Dé.

3 Uime sin thugaibh fainear esan a dh'fhuiling a shamhail sin do ana-cainnt o pheacachaibh 'na aghaidh féin, air eagal gum bi sibh sgìth agus lag ann bhur n-inntinnibh.

4 Cha do sheas sibh fathast gu

fuil, a' cathachadh an aghaidh peacaidh.

5 Agus dhi-chuimhnich^s sibh an earail a ta labhairt ribh mar ri cloinn, A mhic, na cuir suarach^t smachdachadh an Tighearna, agus na fannaich^u 'nuair a chronaichear leis thu:

6 Oir an ti a's ionmhuinn leis an Tighearn, smachduichidh se e, agus sgiùrsaidh e gach mac ris an gabh e.

7 Ma ghiùlaineas sibh smachdachadh, tha Dia a' buntuinn ribh mar ri cloinn: oir cò am mac nach smachdach an t-Athair?

8 Ach ma tha sibh as eugmhais smachdachaidh, d'am bheil na h-uile 'nan luchd-comh-pairt, an sin is clann d'olain sibh, agus cha chlann *dligh-each*.

9 Os barr, bha againn aithriche thaobh na feòla, a smachdaich sinn, agus thug sinn urram dhoibh: nach mòr is mò is còir dhuinn bhi ùmhal do Athair nan spiorad, agus a bhi beo?

10 Oir gu deimhin smachduich iadsan sinn rè beagain do làithibh a réir an toile féin^a; ach esan chum ar leasa, ionnas gu'm bitheamaid 'nar luchd-comh-pairt d'a naomhachd.

11 Ach cha mheasar smachdachadh air bith am feadh 's a ta e làth-air sòlasach, ach doilgeasach: gidheadh, 'na dhéigh sin bheir e uaith toradh siothchail na fireantachd, do'n droing a ta gu *dligheach* air an cleachdadh ris.

12 Uime sin, togaibh suas na làmhan a ta air tuiteam sìos, agus neartaichibh na glùine laga.

13 Agus deanaibh cos-cheuma dìreach d'ar cosaibh, air eagal gu'm bi an ni sin a ta bacach air a thionndadh as an t-slighe, ach gu ma mò bhiodh e air a shlanuchadh.

14 Leanaibh sìth maille ris na h-uile dhaoinibh, agus naomhachd, ni as eugmhais nach faie neach air bith an Tighearn:

15 A' toirt an ro-aire, air eagal gu'n d'thig neach sam bith a dhéidhlaimh air gràs Dé b; air eagal air

P an réis. T ùghdair. S an do dhi-chuimhnich. T an neo-shuim, an neo-prìs. U lagaich. A mar bu taitneach leo. B gu'n claon neach sam bith o ghràs Dé.

fàs suas do fhrèimh seirbhe sam bith, gu'n cuir e dragh oirbh, agus le so gu'm bi mòran air an salachadh :

16 Air eagal gu'm bi 'fear strìopachais ann, no neach mi-naomha sam bith, mar Esau, a reic air son aon ghréim bìdh^c còir a cheud-bhreithe.

17 Oir a ta fhios agaibh 'nuair a b'aill leis an déigh sin am beannachadh a shealbhachadh, gu'n do dhiùltadh e: oir cha d'fhuaire ait aithreachais, ge do dh'iarr se e gu dùrachdach le deuraibh.

18 Oir cha d'thainig sibh chum an t-sleibh ris am feudta beantuinn, agus a bha losgadh le teine, no chum duibhre, agus dorchadair, agus doinnin,

19 Agus fuaim na trompaide, agus guth nam briathar, ionnas gu'n do ghuidh an droing a chual e nach labhairteadh am focal riu tuilleadh :

20 (Oir cha b'urrainn iad an ni sin a chaidh aithneadh dhoibh ionchar, Agus ma bheanas fiu aimhidih ris an t-sliabh, clachar e, no cuirear sleagh a mach trìd.

21 Agus bu co uamhasach an sealladh, as gu'n dubhaint Maois, Tha eagal ro mhór agus crith orm:)

22 Ach tha sibh air teachd gu sliabh Shioin, agus gu cathair an Dé bheo, an Ierusalem nèamhaidh, agus cuideachd do-aireamh do ainglibh,

23 Gu làn choimhthionail agus eaglais nan ceud-ghin, a tha scriobhtha sna nèamhaibh, agus gu Dia breith-eamh nan uile, agus gu spioradaibh nam fìrean air an deanamh foirfe,

24 Agus gu h-Iosa eadar-mheadh-onair a' choimh-cheangail nuaidh, agus chum fol a' chrathaidh, a tha labhairt nithe a's fearr na fuil Abeil.

25 Thugaibh an aire nach diùlt sibh esan a ta labhairt: oir mur deachaidh iadsan as a dhiùlt an ti a labhair o Dha riu air talamh, is mòr is lugha na sin a théid sinne as, mathionndaidheas sinn air falbh uaithsean a ta labhairt o nèamh.

26 Neach aig an do chrath a ghuth an talamh an sin: ach a nis gheall e, ag ràdh, Aon uair eile fathast crath-

am cha'n e an talamh a mhàin, ach nèamh mar an ceudna.

27 Agus a ta am focal so, Aon uair eile, a' ciallachadh atharrachaiddh nan nithe sin a chrathar, mar nithe a rinn-eadh, chum gu fanadh nà nithe nach gabh crathadh.

28 Uime sin air dhuinne rioghachd fhaotainn nach feudar a ghlusad, biodh againn gràs^e, leis an dean sinn seirbhis gu taitneach do Dhia, le h-urram agus eagal diadhaidh.

29 Oir is teine dian-loisgeach ar Dia-ne.

C A I B. XIII.

- 1 *Comhairlean eagsamhla chum seirc, 4 chum caitheadh-beatha chiatfaich, 5 chum sant a sheachnad, 7 chum bhi dleasdanach do luchd-searmon-achaiddh an t-soisgeil, 9 bhi air ar faicill o theagaisgaibh coimheach, 16 déirce thoirt uatha, 17 bhi ùmhal do uachdaranaibh, 18 ùrnigh a dheanamh'air sou an abstoil.*
- 19 *An comh-dhùnadh.*

FANADH gràdh bràthaireil agaibh.

2 Na dearhmaidh aoidheachd a thabhairt do choigrich; oir leis a so thug dream àraidh aoidheachd do ainglibh gun fhios doibh.

3 Bithibh cuimhneachail orrasan a tha ceangailte, mar gu'm biodh sibh ceangailte maraon riu; agus air an droing a tha fulang anshocair, mar mhuinnitir a tha sibh fein mar an ceudna anns a' choluinn.

4 Tha'm pòsadh urramach anns na h-uile^f, agus an leabadh neo-shalach; ach air luchd-strìopachais agus adhal-trannais bheir Dia breth.

5 Biodh bhur caitheadh-beatha gun sannt; agus bithibh toilichte leis na nithibh a tha làthair agaibh: oir thubhairt e, Cha'n fhàg, agus cha tréig mi am feasd thu.

6 Ionnas gu'm feud sinn a ràdh gu dàna, 'S e'n Tighearn m'fhearcuidich, agus cha'n eagal leam aon ni a dh'fheudas duine dheanamh orm.

7 Bithibh cuimhneachail air bhur cinn-iuil, a labhair ribh focal Dé:

^c lòin. ^d nach feudar a chrathadh. ^e deanamaid greim do ghràs. ^f am measg nan uile.

leanaibh an creidimhsan, a' beachdachadh air crìch an caitheadh-beatha.

8 Iosa Criod an dé, agus an diugh, agus gu siorruidh an ti ceudna.

9 Na bithibh air bhur giùlan mu'n eusart le teagasgaibh eagsamhla coimheacha: oir is maith an ni an eridhe bhi air a dhaingneachadh le gràs, cha'n ann le biadhaibh, nithe nach d'thug tairbhe do'n droing a ghnàthaich iad.

10 Tha altair againne dheth nach 'eil còir acasan a bheag itheadh, a tha deanamh seirbhis do'n phàilliun.

11 Oir a ta cuirp nan ainmhidh sin, aig am bheil am fuil air a toirt a steach air son peacaidh do'n ionad naomha leis an àrd shagart, air an losgadh an leth muigh do'n champ.

12 Uime sin chum gu'n deanadh Iosa an sluagh a naomhachadh le fhuil féin, dh'fhuiling e mar an ceudana an taobh a muigh do'n gheata.

13 Air an aobhar sin rachamaid a mach d'a ionnsuidhsan an taobh a muigh do'n champ, a' giùlan a' mhas-laidhsan.

14 Oir an so cha 'n'eil againn baile a mhaireas, ach a ta sinn ag iarraidh aoin a ta ri teachd.

15 Uime sin trìdsan thugamaid suas iobairt buidheachais do Dhia a ghnàth, 'se sin, toradh ar bilean, a' toirt molaidh d'a ainm.

16 Ach na dì-chuimhnichibh maith a dheanamh, agus comh-roinn a thoirt uailbh: oir a ta an leithide sin do iobairtibh taitneach do Dhia.

17 Bithibh ùmhal d'ar cinn-iuil,

agus thugaibh géill doibh: oir tha iad ri faire air bhur n-anamaibh, mar mhuinnitir d'an éigin cunntas thoirt uatha: clum gu'n dean iad e le gairdeachas, agus ni h-e le doilgheas: oir tha so neo-tharbhach dhuibhse.

18 Deanaibh ùrrtuigh air ar soinne: oir is dòigh leinn gu bheil deadh choguis againn, air dhuinn bhi toileach ar beatha a chaitheadh gu cubhaidh anns na h-uile nithibh.

19 Ach is mòid a ghuidheam oirbh so a dheanamh, chum gur luathaid' a dh'aisigear mise dhuibh.

20 A nis gu deanadh Dia na siòthchaint a thug air ais o na marbhaibh ar Tighearn Iosa, àrd bhuachaille nan caorach, tre fhuil a' choimh-cheangail shiorruidh.

21 Sibhse coimhionta anns gach uile dheadh obair, chum sibh a dheanamh a thoilesan, ag oibreachadh annaibh an ni a ta taitneach 'na làthairsan, tre Iosa Criod; dhasan gu robh glòir gu saoghal nan saoghal. Amen.

22 Agus guidheam oirbh, a bhràithre, sibh a ghiùlan focal na h-earylach; oir scriobh mi gu h-aithgearra d'ar n-ionnsuidh.

23 Biadh fhios agaibh, gu'n do chuireadh ar bràthair Timoteus air a chomas; maille ris-san, ma thig e gu goirid, chi mi sibh.

24 Cuiribh fàilte orrasan uile a tha 'nan cinn-iuil duibh, agus air na naomh uile. Tha muinnitir na h-Eadailt a' cur fàilte oirbh.

25 Gràs gu robh maille ribh uile, Amen.

LITIR CHOITCHIONN AN ABSTOIL SHEUMAIS.

C A I B. I.

1 Is còir dhuinn gairdeachas a dheanamh fuidh thrioblaid, 5 gliocas iarraidh o Dhia, 15 agus ann ar feuchainnibh gun sinn a chur ar n-anmhuiinneachd no ar peacaidh as a lethsan; &c.

THÀ Seumas seirbhiseach Dhé, agus an Tighearna Iosa Criod, a' cur beannachd clum an dà thréibh dheug a tha air an sgapadh o chéile.

2 Mo bhràithre, measaibh mar an uile ghairdeachas 'nuair a thuiteas

sibh ann an iomadh gnè dheuch-ainnibh^g ;

3 Air dhuibh fios so bhi agaibh, gu'n oibrich dearbhadh bhur creidiadh foighidin.

4 Ach biodh aig an fhoighidin a h-obair dhiongmlalta fein, chum gu'm bi sibh diongmhalta agus iomlan, gun uireasbhuidh ni sam bith.

5 Ma tha aon neach agaibh a dh'uireasbhuidh gliocais, iarradh e o Dhia, a bheir do gach neach gu paitl, agus nach dean maoidheamh^h; agus bheirear dha e.

6 Ach iarradh e le creidimh, gun bhi fuidh amharus sam bith: oir an ti a tha fuidh amharus, is cosmhul e ri tonn na fairge, a shéidear le gaoith, agus a tha air a luasgadh i chuige agus uaith.

7 Oir na saoileadh an duine sin gu'm faigh e ni air bith o'n Tigh-earn.

8 Tha fear na h-inntinn dùbailteⁱ reo-sheasmhach 'na uile shlighibh,

9 Deanadh am bràthair a tha iosal gairdeachas 'na àrdachadh :

10 Ach an duine saibhir, 'na isleachadh : do bhrigh mar bhlàth an fheoir gu'n d'théid e seachad :

11 Oir air éirigh do'n ghréin le dian theas, crònайдh i am feur, agus tuitidh a bhlàth, agus théid maise a dhreach am mugha^m: is amhul sin mar an ceudna a sheargas an duine saibhir 'na shlighibh.

12 Is beannuichte an duine a ghiùlaineas buaireadh: oir 'nuair a dhearbar e, gheibh e crùn na beatha, a gheall an Tighearn do'n droing a ghràdhicheas e.

13 Na abradh neach sam bith 'nuair a bhuairear e, Tha mi air mo bhuaireadh le Dia: oir ni'n comasach Dia a bhuaireadh le h-olc, ni mó bhuaireas e neach sam bith.

14 Ach tha gach duine air a bhuaireadh, 'nuair a thairngear, agus a thàlaidhearⁿ e le anamhian fein.

15 An sin air bhi do'n anamhian torrach, beiridh e peacadh: agus air do'n pheacadh bhi air a chriochnachadh, beiridh e bàs.

16 Na bitibh air bhur mealladh, mo bhràithre gràdhach.

17 Tha gach uile dheadh thabhartas, agus gach uile thiodhlac iomlan o'n airde, a' teachd a nuas o Athair na soillse, maille ris nach 'eil atharrachadh, no sgàile tionndaidh.

18 O thoil fein ghin e sinn le focal na firinn chum gu'm bitheamaid 'nar gnè cheud-toraidh d'a chreutairibh.

19 Uime sin, mo bhràithre gràdhach, biodh gach duine ealamh chum eisdeachd, mall chum labhairt, mall chum feirge :

20 Oir cha'n oibrich fearg duine fireantachd Dhé.

21 Uime sin cuiribh uaibh gach uile shalachar, agus anabharr mòruin, agus gabhaibh d'ar n-ionnsuidh le macantas^o am focal a tha air a shuidheachadh annaibh, a tha comasach air bhur n-anaman a shlànuchadh.

22 Ach bitibhse 'nar luchd churan gniomh an fhocail, agus ni b'ann 'nar luchd-eisdeachd a mhàin, 'gar mealladh fein.

23 Oir ma tha neach air bith 'na fhear-eisdeachd an fhocail, agus ni h-ann 'na fhear-deanamh d'a réir, is cosmhul e ri duine a tha 'g amharc air aghaidh nàdurra fein ann an sgàthan :

24 Oir bheachdaich e air fein, agus dh'imich e roimhe, agus dhù-chuihnich e air ball ciod an coslas duine a bh'ann fein.

25 Ach ge b'e bheachdaicheas gu dùrachdach air lagh diongmhalta na saorsa, agus a bhuanacheas ann, gun e bhi 'na fhear-eisdeachd dearmadach, ach 'na fhear-deanamh na h-oibre, bithidh an duine so beannuichte 'na dheanadas.

26 Ma shaoileas neach air bith 'nar measg gu bheil e diadhuidh, gun bhi cur sréin r'a theangaidh, ach a' mealladh a chridhe fein, i diòmhain diadhachd an duine so.

27 'Si so an diadhachd fhìor-ghlan agus neo-shalach am fianuis Dé agus an Athar, dileachdan agus

^g Bhuaireibh. ^h nach cuir nàire. ⁱ fear an dà inntinn.

^m théid as do mhaise a dhreach.

^o fhuadachadh.

ⁿ bhreugair, ribear.

^o ceannsachd.

bantracha fhiosrachadh 'nan trioblaid,
agus neach 'ga choimhead fén gun
smal o'n t-saoghal.

C A I B. II.

1 *Cha 'n'eil e comh-fhreagradh d'ar n-aidmheil chriosdaidh suim a bhi agaínn do dhaoinibh saibhre agus tair a dheanamh air ar bràithribh bochda; 13 is mò bu chòir dhuijn bhi seirceil agus trócaireach: 14 agus gun uaili a dheanamh a creidimh far nach 'eil oibre: &c.*

MO bhràithre, na biodh agaibh creidimh ar Tighearna Iosa Criod, Tighearna na glòire^P, maille ri gnùis-bhreth^r.

2 Oir ma thig a steach d'ar coimhthional duine air am bheil fainne òir, ann an eudach dealrach, agus gu'n d'thig a steach mar an ceudna duine bochd ann an eudach suarach^s;

3 Agus gu'n amhlairc sibh le meas air an duine sin air am bheil an deadh thrusgan, agus gu'n abair sibh ris, Suidh thus' an so ann an àit inbheacht^t; agus gu'n abair sibh ris an duine bhochd, Seas thus' an sin, no suidh an so fuidh stòl mo chos:

4 Nach 'eil sibh mar sin leth-bhretheach annaibh fén, agus nach d'rinneadh sibh 'nar breitheannaibh dhroch smuainte?

5 Eisdibh, mo bhràithre gràdhach, nach do thagh Dia bochdan an t-saoghal so, saibhir ann an creidimh, agus 'nan oighreachaibh air an rioghachd, a gheall e dhoibhsan a ghradhaicheas c?

6 Aeh thug sibhse masladh do'n bhochd. Nach 'eil na daoine saibhir ri ain-tighearnas oirbh^u, agus 'gar tarruing gu caithrichibh-breitheanais?

7 Nach 'eil iad a' toirt toibheim^a do'n ainm òirdheirc^b, a dh ainmich-ear oirbh?

8 Ma chiomhlionas sibh an lagh rioghail a réir an scriobtuir, Gràdh-

aich do choimhearsnach mar thu fén, is maith a ni sibh.

9 Ach ma ni sibh leth-bhreth air daonibh, tha sibh a' deanamh peacaidh, agus tha sibh air blur fàgail shìos leis an lagh mar a luchd-brisidh.

10 Oir ge b'e neach a choimhidheas an lagh uile, agus a thuislicheas ann an aon aithne^c, tha e ciontach do'n ionlan.

11 Oir an ti a thubhairt, Na dean adhaltrannas, thubhairt e mar an ceudna, Na dean mortadh. A nis ge nach dean thu adhaltrannas, gidheadh ma ni thu mortadh, rinneadh fear-brisidh an lagha dhiot.

12 Gu ma h-amhluidh sin a labhras sibhse, agus gu ma h-amhluidh a ni sibh, mar iadsan air an d'theidh breth a thoirt le lagh na saorsa.

13 Oir gheibh esan breitheanas gun trócair, nach d'rinn trócair; agus ni trócair gairdeachas an aghaidh breitheanais.

14 Ciad an tairbhe, mo bhràithre, ge do their aon neach gu bheil creidimh aige, agus gun oibre bhi aige? an urradh creidimh a shlànuchadh?

15 Ma bhios bràthair no piuthar lomnochd, agus a dh'uireasbhuidh teachd-an-tìr lathail;

16 Agus gu'n abair neach agaibhse riù, Imchibh an sìothchain, bithibh air blur garadh, agus bithibh air blur sàsuchadh: gidheadh nach tabhair sibh dhoibh na nithe sin a tha feumail do'n chorpa; ciad an tairbhe ta ann?

17 Is amhuil sin creidimh mar an ceudna, mur bi oibre aige, tha e marbh, air dha bhi leis fén.

18 Ach a deir neach àraidh, Tha creidimh agadsa, agus tha oibre agamsa: nochd dhèmhsa do chreidimh as eugnhais t'oibre^d, agus nochdaidh mise dhuitse mo chreidimh le m' oibríbhe.

19 Tha thu creidsinn gu bheil aon Dia ann; is maith a ni thu: tha na deamhain a' creidsinn mar an ceudna, agus tha iad a' criothnuchadh.

^P creidimh glòire ar Tighearna Iosa Criod. ^a meas air pearsa seach a chéile. ^b salach. ^c urranach. ^u a' deanamh fòirnearl oirbh, 'gar sàrachadh. ^a maslaidh. ^b urramach. ^c bhriseas aen phone. ^d le t' oibríbhise.

20 Ach, O dhuine dhìomhain, an aill leat fios fhaotainn, gu bheil creidimh as eugmhais oibre marbh ?

21 Nach deachaidh air n-athair Abraham fhìreanachadh le oibrish, 'nuair a thug e suas a mhac Isaac air an altair ?

22 Nach léir dhuit gu'n do chomh-oibrich creidimh le gniòmharaibh, agus gu'n d'rinneadh creidimh iomlan le oibrish ?

23 Agus choimhlionadh an scriobtuir a deir, Chreid Abraham Dia, agus mheasadh sin da mar fhìrean-tachd : agus ghoireadh caraid Dé dheth.

24 Chi sibh uime sin gu'm fìrean-aichear duine le oibrish, agus cha'n ann le creidimh a mhàin.

25 Amhuil sin mar an ceudna, nach robh Rahab an strìopach air a fireanachadh le oibrish, 'nuair a ghabh i ris na teachdoiribh, agus a chuir i mach air slighe eile iad ?

26 Oir mar a ta'n corp marbh as eugmhais an spioraid, mar sin mar an ceudna tha creidimh marbh as eugmhais oibre.

C A I B. III.

1 *Cha chòir grad bhreth a thoirt air daoin' eile, no an cronachadh gu laidarna ; 5 ach is mò is còir dhuinn srian a chur r'ar teangaiddh, ball beag, ach a ta'na h-inneal cumhachdach chum mòr mhaith agus olc a dheanamh : 13 tha'n droting sin o tha fìor-ghlic ciuin agus siothchail, gun tñù, gun stri.*

MO bhràithre, na bithibh 'nar mòran mhaighstirean^e, air dhuibh fios a bhi agaibh gu'm faigh sinn an tuilleadh breitheanais.

2 Oir ann am mòran nithe tha sinn uile ciontach. Mur 'eil duine ciontach ann am focal, is duine iomlan án ti sin, comasach mar an ceudna air srian a chur ris a' chorp uile.

3 Feuch, tha sinn a' cur shrian am beul nan each, chum's gu'm bi iad ùmhail dhuinn ; agus tionndaidh sinn an corp uile mu'n cuairt.

4 Feuch mar an ceudna na longa,

ge do tha iad co mòr, agus ge do shéidear iad le garbh ghaothaibh, gidheadh iompoichear mu'n cuairt iad le stiuir ro bhig, ge b'e àird gus am miann leis an stiùradair.

5 Is amhuil sin is ball beag an teanga, agus ni i mòr uaill^f. Feuch, cia meud an connadh a lasas teine beag !

6 Agus is teine an teanga, saoghal do aingidheachd : mar sin tha an teanga air a suidheachadh am measg ar ball, ionnas gu'n salaich i'n eorp gu h-iomlan, agus gu'n las i càrsa an nàduri^g ; agus i fèin air a lasadh o ifrinn.

7 Oir a ta gach uile gné fhiadh-bheathaiche, agus eunlaith, agus nithe snàigeach^h, agus nithe san fhairge, air an ceannsachadh ; agus cheannsaicheadh iad leis a' chinneadh-daonna :

8 Ach ni'n comasach do dhuine air bith an teanga cheannsachadh ; is olc do-chasgaidh i, làn do nimh marbhtach.

9 Leatha-sa, tha sinn a' beannachadh Dhé, eadhon an Athar ; agus leatha-sa tha sinn a' mallachadh dhaoine, a rinneadh a réir cosamh-lachd Dhé.

10 As an aon bheul tha beannachadh agus mallachadh a' teachd a mach. Mo bhràithre, cha chòir do na nithibh so bhi mar so.

11 An cuir tobar a mach as an aon sùil uisge milis agus searbh ?

12 Am feud craobh-fhighe, mo bhràithre, dearcan ola a thoirt uaipe? no a' chraobh-fhiona, fígean ? mar sin cha'n fheud tobar sam bith sàile agus uisge milis a thoirt uaith araoen.

13 Cò a ta'na dhuine glic agus aig am bheil eòlas 'nar measg ? nochdadh e a deadh chaitheadh-beatha oibre fein le ceannsachd gliocais.

14 Ach ma tha eud searbh agus comh-stri agaibh 'nar cridhe, na deanabh uaill, agus na deanaih breug an aghaidh na firinn.

15 Cha'n ann o'n àirde tha 'n gliocas so a' teachd a nuas, ach tha e talmhaidh, collaidh, diabhlaidh.

16 Oir far am bheil farmad agus

^e fhear-teagaig. ^f ràiteachais. ^g triall na beatha, cuairt an domhain.

^h nathraiche.

comh-stri, an sin *tha buaireas i*, agus gach uile dhrôch ghnìomh.

17 Ach a ta an gliocas a tha o'n àirde air tûs glan, an déigh sin sioth-chail, ciuin, *agus* so-chomhairlich, làn do thròcair agus do dheadh thor-aibh, gun leth-bhreth agus gun cheilg.

18 Agus tha toradh na fìreantachd air a chur ann an sìth do luchd-deanamh na sìth.

C A I B. IV.

1 *Is còir dhuinn cathachadh an aghaidh sainnt,* 4 *neo-nheasarrachd,*
5 *uabhair,* 11 *cill-chàineadh,* agus breth ghrad mu dhaoinibh eile; 13 *agus gun bhi ro earbsach a soirbleas ann ar gnothuichibh saoghalta:* &c.

CIA as a ta coganna agus còmh-raga a' teachd 'nar measg? nach ann as a so, eadhon o bhur n-anamhiannaibh, a tha cogadh ann bhur ballaibh?

2 Tha sibh a' miannachadh, agus cha 'n'eil agaibh: tha sibh a' marbh-adh, agus a' dian-shanntachadh, agus ni'n comes duibh ni fhaotainn: tha sibh a' cathachadh agus a' cogadh, gidheadh cha 'n'eil agaibh, do bhrigh nach 'eil sibh ag iarraidh.

3 Tha sibh ag iarraidh, agus cha 'n'eil sibh a' faotainn, do bhrigh gu bheil sibh ag iarraidh gu h-olc, chum's gu'n caith sibh e air bhur n-anamhiannaibh.

4 Adhaltrannaichean, agus a bhan-adhaltrannaichean, nach 'eil fhios agaibh gur naimhdeas an aghaidh Dhé cairdeas an t-saognail? ge b'e air bith neach uime sin leis an aill bhi 'na charaid do'n t-saoghal, tha e 'na nàmhaid do Dha.

5 Am bheil sibh a' smuaineachadh gu bheil an scriobtuir gu diomhanach a' labhairt? Am bheil an spiorad ¹, a tha chòmhnuidh annainn a' togairt ^m gu farmad?

6 Ach bheir e gràs a's mó uaith: uime sin a deir e, Tha Dia a' cur an aghaidh nan uaibhreach, ach a' toirt gràis dhoibhsan a ta iriosal.

7 Uime sin ùmhlaichibh sibh féin

do Dha; cuiribh an aghaidh an diabhoil, agus teichidh e uaibh:

8 Dlùthaichibh ri Dia, agus dlùthaichldh e ribh: glanaibh *bhur* làmhan, a pheacacha, agus glanaibh *bhur* cridhe, sibhse aig am bheil an inntinn dhùbailteⁿ.

9 Bithibh ann an àmhgar, agus deanaibh caoi, agus gul: biodh bhur gaire aire a thionndadh gu bròn, agus *bhur* n-aoibhneas gu tuirse.

10 Irioslaichibh sibh féin am fianuis an Tighearna, agus àrdaichidh e sibh.

11 Na labhraibh olc mu chéile, a bhràithre. An ti a tha labhairt uile m'a bhràthair, agus a' tabhairt breth air a bhràthair, tha e labhairt uile mu'n lagh, agus a' toirt breth air an lagh: ach ma tha thu toirt breth air an lagh, cha'n fhear-coimhlionaidh an lagha thu, ach breitheamh.

12 Tha aon fhear-tabhairt lagha ann, a's urrainn saoradh agus sgrios: co thus'a tha toirt breth air neach eile?

13 Imichibh a nis, sibhse a deir, Théid sinn an diugh no màireach gus a' leithid so do bhaille, agus fanuidh sinn an sin rè bliadhna, agus ni sinn ceannachd^o, agus gheibh sinn buannachd:

14 'Nuair nach 'eil fhios agaibh ciod a *tharlas* air a' mhàireach: oir ciod i bhur beatha? is deatach i a chithear rè ùine bhig, agus an déigh sin a théid as an t-sealladh.

15 An àit *gu'm bu chòir* dhuibh a ràdh, Ma's toil leis an Tighearna, bithidh sinn beo, agus ni sinn so, no sud.

16 Ach a nis tha sibh a' deanamh uail as bhur ràiteachas féin: is olc gach uile shamhul sin do uail.

17 Uime sin dhasan d'an aithne maith a dheanamh, agus nach dean e, is peacadh e dha.

C A I B. V.

1 *Tha aobhar aig daoinibh aingidh saibhir eagal a bhi orra roimh dhioghaltas Dé.* 7 *Bu chòir dhuinn bhi foighidneach a réir eisemleir nam fàidh, agus Iob;* 12 *mionnan a sheachnan;* 13 *ùrnuiugh a*

ⁱ an-riaghailt. 1 Tha an spiorad.

^o marsandachd,

^m miannachadh. ⁿ dhà-fhillte.

ghndhachadh ann an anshocair,
agus sailm a sheinn ann an socair;
&c.

IMICHIBH a nis a dhaoine
 saibhre, deanaibh gul agus caoidh
 air son bhur n-àmhghar a tha teachd
 oirbh.

2 Tha bhur saibhreas air truaill-eadh, agus bhur n-eudach air itheadh leis an leomann P.

3 Tha bhur n-òr agus bhur
 n-airgiot air meirgeadh; agus bithidh
 am meirg san 'na fhianuis 'nar n-aghaidh,
 agus ithidh i bhur feòil mar
 theine: thaosg sibh ionnhas fa
 chomhair nan là deireannach.

4 Feuch, tha tuarasdal an luchd-oibre ^r, a bhuan sìos bhur n-achaidh,
 ni a chumadh uatha leibhse le feill,
 ag éigbeach: agus tha glaodhaich na
 muinntir a bhuan, air dol a stigh
 chum cluasa Tighearna nan sluagh.

5 Chaith sibh bhur beatha ann an
 sògh air talamh, agus bha sibh mear;
 dh' altrum sibh bhur cridheacha, mar
 ann an là a' mharbhaidh ^s.

6 Dhùt agus mharbh sibh am
 firean ^t, agus cha 'n'eil e cur 'nar
 n-aghaidh.

7 Uime sin, a bhràithre, bithibh
 foighidneach gu teachd an Tighearna.
 Feuch, feithidh an treabhaiche ^u ri
 toradh luachmhor an talmhainn, agus
 fanaidh e gu foighidneach ris, gus am
 faigh e an ceud uisge agus an t-uisge
 deireannach.

8 Bithibhse foighidneach mar an
 ceudna; socraichibh bhur cridheacha:
 oir tha teachd an Tighearna am fagus.

9 Na deanaibh gearan an aghaidh
 a chéile, a bhràithre, chum nach
 dìtear sibh; feuch, tha am breith-eamh
 'na sheasamh aig an dorus.

10 Gabhaibh, mo bhràithre, na
 fàidhean, a labhair ann an ainm an
 Tighearna, 'nan eisampleir air an-
 shocair fhlàng, agus air foighidin.

11 Feuch, measar sona leinn iadsan
 a dh'fhuilingeas. Chuala sibh iom-
 radh air foighidin Iob, agus chunnait
 sibh crìoch an Tighearna; gu bheil
 an Tighearna ro thiom-chridheach a
 agus tròcaireach.

12 Ach roimh na h-uile nithe, mo
 bhràithre, na tugaibh mionnan, aon
 chuid air nèamh, no air an talamh,
 no air aon mhionnan eile: ach gu'm
 bu h-e bhur còmhchradh seadh, seadh,
 agus ni h-eadh, ni h-eadh; air eagal
 gu'n tuït sibh ann an dteadh.

13 Am bheil neach sam bith a'
 fulang uilc 'nar measg? deanadh e
 ùrnuiigh. Am bheil neach sam bith
 subhach? canadh e sailm.

14 Am bheil neach sam bith tinn
 'nar measg? cuireadh e fios air sean-
 airibh na h-eaglais; agus deanadh iad
 ùrnuiigh os a cheann, ga ùngadh le
 h-ola an ainm an Tighearna:

15 Agus slànuichidh ùrnuiigh a'
 chreidimh an t-euslan, agus togaidh
 an Tighearn suas e; agus ma rinn e
 peacanna, maitear dha iad.

16 Aidichibh *bhur* lochda d'a chéile,
 agus deanaibh ùrnuiigh air son a
 chéile, chum gu'n slànuichear sibh:
 tha mòr éifeachd ann an ùrnuiigh
 dhùrachdaich an fhìrein.

17 Bu duine Elias aig an robh
 comh-aigne ruinne, agus ghuidh e gu
 dùráchdach gun uisge bhi ann: agus
 cha d'thainig uisge air an talamh rè
 thri bliadhna agus shea mìos.

18 Agus rinn e ùrnuiigh a ris, agus
 thug nèamh uisge uaith, agus thug
 an talamh a mach a thoradh.

19 A bhràithre, ma théid aon
 neach agaibhse air seacharan o'n
 fhìrinn, agus gu'n iompoich neach e;

20 Biodh fhios aige, an duine a
 dh'iompoicheas peacach o sheacharan
 a shlighe, gu'n saor ^b e anam o bhàs,
 agus gu'm folaithe mòran pheacanna.

^r an reudan, *mhial-chròn*. ^t nam buanaiche. ^s an àir. ^u an t-ionracan.
^u an luathanach. ^a ro iochdmhor. ^b tèaruinn.

CEUD LITIR CHOITCHIONN AN ABSTOIL
PHEADAIR.

C A I B . I.

Tha e a' beannachadk Dhé air son a ghràsa iomarcach spioradail, 10 a' nochdadh nach naidheachd ùr slàinte tre Chriosd, ach ni mu'n robh fàidh-eadaireachd o shean : 13 agus a réir sin tha e a' cur impidh orra am beatha a chaitheadh gu diadhaidh, do bhrigh gu bheil iad a nis air an nuadh-bhreth le focal Dé.

PEADAR abstol Iosa Criosd, chum nan coigreach a tha air an sgapadh tre Phontus, Ghalatia, Chapadocia, Asia, agus Bhitinia,

2 A thaghadh a réir roimh-eòlais Dhé an Athar, tre naomhachadh an Spioraid, chum ùmhachadh, agus crathadh fola Iosa Criosd : Gràs agus siothchaint gu robh air am meudachadh dhuibhse.

3 Gu ma beannuicte gu robh Dia agus Athair ar Tighearna Iosa Criosd, neach a réir a mhòr thròcair, a dh'athaghin sinne gu beo dhòchas, tre aiseirigh Iosa Criosd o na marbhaibh,

4 Chum oighreachd neo-thruaillidh, agus neo-shalaich, agus nach scarg as, a tha air a coimhead sna nèamhaibh dhuibhse,

5 A tha air bhur coimhead le eumhachd Dhé tre chreidimh chum slàinte, a tha ullamh r'a foillseachadh san aimsir dhereannáich.

6 Ni anns am bheil sibh a' deanamh mòr għairdeachais, ge do tha sibh a nis ré ùine bhig (ma's feumail e) fuidh thuirse tre iomadh buaireadh.

7 Chum gu faighear dearbhadh bhur creidimh, ni's luachmhoire gu mòr na òr a théid am mugha^c, ge do dhearbar le teine e, chum cliù, agus urrain, agus glòir aig foillseachadh Iosa Criosd ;

8 D'am bheil sibh a' toirt gràidh, ge nach faca sibh e; agus air dhuibh bhi creidsinn ann ge nach 'eil sibh a nis 'ga fhaicinn, tha sibh a' deanamh mòr għairdeachais le h-aoibhneas air dol thar labhairt, agus làn do għlòir :

9 A' faotainn criche bhur creidimh, slàinte bhur n-anaman :

10 Slàinte mu'n d'fħiosraichi na fàidhean, agus mu'n d'rinn iad geurnaġġ-sachadh, muinntir a rinn fàidh-eadaireachd mu'n għräs a bha gu teachd d'ar n-ionnsuidhse ;

11 A' rannsachadh ciod i, no ciod a' għnè aimsir a bha Spiorad Chriosd anntasan a' foillseachadh^d, 'nuair a rinn e fianuis roimh-laimh air fulang-asaibh Chriosd, agus a' għlòir a bha gu'n leantuinn.

12 Muinntir d'an d'fħoillsicheadh, nach b'ann doibh féin, ach dhuinne a fħritheil iad na nithe a tha nis air an cur an céill duibh leo-san a shear-monaich an soisgeul duibh, leis an Spiorad naomh a chuireadh a nuas o nēamħ ; nithe air am miann leis na h-ainglibh beachdachadh.

13 Uime sin criosraibhbh leasraiddh bhur n-inntinn, bithibh measarra, agus biodh dòchas diongħalha agaibh as a' għräs^e a bheirear dhuibh aig foillseachadh Iosa Criosd ;

14 Mar chloinn ùmhal, gun bhi 'gar comh-chumadh féin ris na h-anamhiannaibh a bha agaibh roimhe ann an àm bhur n-aineolais :

15 Ach a réir mar a ta esan a ghairm sibh naomha, bithibhse naomha mar an ceudna 'nar n-uile chaitheadh-beatha :

16 Do bhrigh gu bheil e scriobhta, Bithibhse naomha, oir ataimse naomha.

^c a neo-ni. ^d ciallachudh. ^e sùil gus a' chrīch agaibh ris a' għräs.

17 Agus ma ghoireas sibh air an Athair, a bheir breth a réir oibre gaéil neach gun chlaon bhàigh ri neach seach a chéilef, caithibh aimsir bhur cuairt an so le h-eagalg :

18 Air dhuibh fios a bhi agaibh nach do shaoradh sibh le nithibh truaillidh, mar a ta airgiot agus òr, o bhur caitheadh-beatha diomhain a thugad dhuibh o bhur sinnsireachd ;

19 Ach le fuil luachmhoir Chriosd, mar fhuil Uain gun chron, gun smal :

20 Neach gu deimhin a roimh-orduicheadh roimh chruthachadh an t-saoghail, ach a dh'fhoillsicheadh anns na h-aimsiribh deireannach air bhur sonsa ;

21 Muinntir trìdsan a ta creidsinn ann an Dia a thog esan o na marbh-aibh, agus a thug glòir dha, chum gu'm biodh bhur creidimh agus bhur muinghin ann an Dia.

22 Do blrigli gu'n do għlan sibh bhur n-anama le umhlachd a thoirt do'n fħirinn tre 'n Spiorad, chum grāidh neo-chealgħaich do na bràithribh; feuchaibh gu'n toir sibh grādh d'a chéile a cridhe glan gu dùracħd-ach :

23 Air dhuibh bhi air bhur n-ath-għineamhuin, cha'n ann o shiøl truaillidh, achi neo-thruaillidh, le focal an Dé bheo agus a mhaireas gu siorruidh.

24 Oir tha gach uile fheòil mar fheur, agus uile għloir dhaonna mar bħlath an fheòir. Seargaidh am feur, agus tuigidh a bħlath dheth :

25 Ach fanaidh focal an Tighearna gu siorruidh. Agus is e so am focal a shearmonaicheadh dhuibhse anns an t-soisgeul.

C A I B. II.

1 Tha e 'gan comhairleachadh an aghaidh mi-sheircealachd; 4 a' nochdadli gur e Criod am bunadh air am bheil iad air an togail : 11 a' guidheadh orra fantuinn o unan-hiannaibh feòlmhor, 13 bhi umhal do uachdaranaibh; 18 cionnus is

còir do sheirbhisech bli umhal d'am maighstiribh, 20 iad a dh'fħulang gu foighidneach air son maith a dheanamh a réir eisampleir Chriosd.

UIME sin a' eur uaibh gach uile mhioruin, agus gach uile mhealltoireachd, agus chealg, agus pharmada, agus gach uile anacainnt,

2 Mar naoidheana āi ran ûr-bhreith, iarraigħ bainne flor-ghlan an flseail, chum as gu fàs sibh leis;

3 Ma's e's gu'n do bhlaib sibh h u bheil an Tighearn gràsmhor.

4 A' teachd d'a ionnsu idhsan, mar gu cloich bheo, a dhiūltadh gu deimhin le daoibh, ach air a tagħadħ o Dha agus luachmhor :

5 Tha sibħse mar an ceudna mar chlochaibh beatha, air bhur togail suas 'nar tigh spioradail, 'nar sagartachd naomha chum iobairte spioradail a thoirt suas, taitneach do Dha trid Iosa Criosd.

6 Uime sin tha so mar an ceudna air a chur sìos anns an scriobtu, Feuch, cuiream ann an Sion priomh chlach-oisinne i, thagħta, luachmhor; agus an ti a chreideas ann!, cha chuirear gu näire e.

7 Dhuibhse uime sin a chreideas tha e^m luachmhor: ach dhoibhsan a tha easumhal, a' chlach a dhiūlt na clachairean, rinnedh ceann na h-oisinne dith,

8 Agus clach-thuislidh, agus carruig oilbheim, dhoibhsan a thuishlicheas air an fħocal, air dhoibh bhi easumhal, chum mar an ceudna an ordुicheadh iad.

9 Ach is ginealach tagħta sibħse, sagartachd riogħħail, cinneach naomha, sluagh sonraichteⁿ; chum gu'n eur-eadh sibħ an céill feartan^o an ti a ghairm a dorċadas sibħ chum a sholu isongantaich féin :

10 Nach robb uair-eigin^p 'nar sluagh, achi a nis is sibħ sluagh Dhé: dream nach d'fħuair trócair, achi a nis a tha air faotainn trócair.

11 A mħuinnit mo għraidi, guidheam oirbh, mar choigrich agus luchd-cuairt, sibħ a sheachnadh ana-

^f gun urram do neach seach a chéile. ^g faitcheas. ^h Do bħriġ gu'n do bhlaib sibħ. ⁱ clach-oisinne āraidi. ^l a dh'earbas aisde. ^m i. ⁿ dileas, āraidi.

^o subħailcean, buaidhean, ciu. ^p roimke.

mhianna feòlmhor, a tha cogadh an aghaidh an anama;

12 Air dhuibh deadh chaitheadh-beatha bhi agaibh am measg nan Cinn-each; chum an àit olc a labhairt umaibh mar luchd mi-ghníomh, gu'n dean iad o bhur deadh oibríbh a chi iad, Dia a ghlòrachadh ann an là an fhiosracháidh.

13 Uime sin bithibhse ùmhal do gach uile riaghult^r dhaoine air son an Tighearna: ma's ann do'n righ, mar an ti a's àirde inbhe;

14 Ne do uachdaranaibh, mar do'n mhuinntir a chuireadh uaith chum dioghaltais air luchd dheanamh an uilc, ach chum cliu dhoibhsan a ni maith.

15 Oir is i toil Dé gu'n cuireadh sibhse le deadh dheanadas todh air aineolas dhaoine amaideach:

16 Mar dhaoine saor, agus gun bhur saorsa a ghnàthachadh mar bhrat-folaich do'n olc^s, ach mar sheirbhisich Dhé.

17 Thugaibh urram do na h-uile dhaoine. Gràdhaichibh na bràithre. Biodh eagal Dé oirbh. Thugaibh urram do'n righ.

18 A sheirbhiseacha, *bithibh* ùmhal d'ar maighstiribh maille ris an uile eagal, ni h-e mhàin dhoibhsan a tha maith agus ciuin, ach mar an ceudna dhoibhsan a tha anamèineach^t.

19 Oir a ta so cliu-thoillteannach, ma dh'iomchaireas neach sam bith doilgheas air son coguis a thaobh Dhé, a' fulang gu h-eucorach.

20 Oir ciod an t-aobhar molaidh a ta ann, ma's e an uair a ghabhar oirbh air son bhur ciontaidh, gu'n giùlain sibh gu foighidneach e? ach ma's e 'nuair a ta sibh a' deanamh maith, agus a' fulang air a shon, gu'n giùlain sibh e gu foighidneach, tha so taitneach do Dia.

21 Oir is ann chuige so a ghairmeadh sibh: do bhrigh gu'n d'fhuiling Criod mar an ceudna air bhur son^u, a' fàgail eisampleir agaibh^a, chum gu leanadh sibh a cheumanna:

22 Neach nach d'rinn peacadh, ni mò a fhuaradh cealg 'na bheul:

23 Neach 'nuair a chàineadh e, nach do chàin a rìs; 'nuair a dh'fhuiling e, nach do bhagair; ach a dh'earb e féin ris-san a bheir breth cheart:

24 Neach a ghiùlain ar peacanna e féin 'na chorp féin air a' chrann, chum air dhuinn bhi marbh do'n pheacadhb, gu'm bitheamaid beo do fhìreantachd: neach a tha sibh air bhur slànuchadh le a bhuillibh.

25 Oir bha sibh mar chaoraich a' dol air seacharan; ach philleadh sibh a nis chum Buachaille agus Easbuig^c bhur n-anaman.

C A I B. III.

1 *Tha e teagasc dleasdanais bhan agus fhear-pòsda d'a chéile, 8 ag earalachadh nan uile dhaoine chum aonachd agus gràdh, 14 agus geur-leanmhuinn fhulang:* 19 *Tha e mar an ceudna a' cur an céill sochairean Criod do'n t-seann saogh-al.*

MAR an ceudna, a' mhàin, *bithibh* ùmhal d'ar fearaibh féin, chum ma tha droing air bith easùmh-al do'n fhocal, gu'm bi iadsan mar an ceudna, as eugmhais an fhocail, air an cosnadh le deadh chaitheadh-beatha nam ban.

2 'Nuair a bheachdaicheas iad air bhur caiteadh-beatha gheanmnaidh maille ri h-eagal.

3 Na b'i bhur breaghachd, figh-eadh an fhuilt agus a' cur dir oirbh, agus dheadh thrusgan umaibh, a' bhréaghachd sin o'n leth muigh:

4 Ach duine folaith a' chridhe, ann an neo-thruaillidheachd spioraid mhacanta agus chiuin, ni a tha ro luach-mhor ann an sealladh Dhé.

5 Oir b'ann mar só a rinn na mnài naomha o shean, aig an robh am muinghin ann an Dia, iad féin breagha, air dhoibh bhi ùmhal d'am fearaibh féin;

6 Amhuiil a thug Sara ùmhlaichd do Abraham, a' gairm tighearna dheth: d'an nigheana sibhse am feadh a ni sibh gu maith, agus gun gheilt oirbh le h-uabhas sam bith.

^r ordugh, shuidheachadh. ^s do mhiorun. ^t reasgach, crosta. ^u air ar soin-ne.

^a againn, ^b air ar saoradh o pheacaibh. ^c fir-coimhid, fir-amhairc thairis.

7 Mar an ceudna, fheara, gabh-aibhse còmhnuidh maille riu a réir edlais, a' tabhairt urraim do'n mhnaoi mar an soitheach a's anmhuiinne, agus mar mhuiintir a tha 'nan comb-oigh-reachaibh air gràs na beatha; chum nach cuirear bacadh air bhur n-ùrnuighibh.

8 Fa dheoidh, *bithibh* uile a dh'aon inntinn, biodh comh-fhulangas agaibh r'a chéile^e, gràdhaichibh a chéile mar bhràithe, *bithibh* truacanta, càirdeil:

9 Na locaibh olc air son uilc, no càineadh air son cainidh: ach 'na aghaidh sin, beannuichibh; air dhuibh fios bli agaibh gur ann chuige so a ghairmeadh sibh, chum gu'n scalbh-aicheadh sibh beannachadh mar oighreachd:

10 Oir ge b'e le'm b'àill beatha a ghràdhachadh, agus làithean maithe fhaicinn, cumadh e theanga o olc, agus a bhilean o labhairt ceilg.

11 Seachnadh e olc, agus deanadh e maith; iarradh e sìth, agus leanadh e i.

12 Oir tha sùilean an Tighearn air na fireanaibh, agus a chluasa fosgalte r'an ùrnuigh: ach tha gnùis an Tighearna an aghaidh na muinntir a ni olc.

13 Agus cò e a ni olc oirbh, ma bhios sibh 'nar luchd-leanmhuinn air an ni f sin a ta maith?

14 Ach eadhon ma dh'fhuilingeas sibh air sgàth fireantachd, is sona sibh: agus na biodh fiann an eagailsan oirbh, agus na *bithibh* mi-shuaimhneach;

15 Ach-naomhaichibh an Tighearn Dia ann Bhar cridhibh: agus *bithibh* ullamh a ghnàth chum freagradh a thoirt maille ri ceannsachd agus eagal, do gach uile dhuine a dh'iarras oirbh reuson an dòchais a tha annaibh:

16 Air dhuibh death choguis a bhi agaibh; chum 'nuair a tha iad a' labhairt uile 'nar n-aghaidh mar luchd mi-ghniomh, gu'n gabb iadsan näire a tha toirt toibhheim d'ar death chaitheadh-beatha ann an Criod.

17 Oir is fearr, ma's e sin toil Dé, sibh a dh'fhlang air son maith a

dheanamh, na air son olc a dheanamh.

18 Oir dh'fhuiling Criod fèin aon uair air son peacaidh, am fìrean air son nan neo-fhìrean, (chum gu'n d'thugadh e sinne gu Dia) air dha bhi air a chur gu bàs san fheoil, ach air a bheothachadh trìd an Spioraid:

19 Leis an deachaidh e mar an ceudna, agus an do shearmonaich e do na spioradaibh ann am priosun;

20 A bha o shean easumhal, 'nuair a dh'fheith fad-fhulangas Dé aon uair ann an làithibh Noe, am feedh a bha àirc 'ga h-ulluchadh, anns an robh beagan, sin r'a ràdh, ochd anaman, air an tearnadh trìd uisge.

21 Tha'm baisteadh, mar shamh lachas a tha coimh-fhreagradh dha so (cha'n e cur dhinn sal na feòla, achi freagradh deadh choguis thaobh Dhé) nis 'gar tearnadhne, trìd aiseirigh Iosa Criod :

22 Neach air dha dol gu nèamh, a tha air deas làimh Dhé, air do ainglibh, agus do uachdranachdaibh, agus do chumhachdaibh bhi air an cur fuidh cheannsalsan g.

C A I B. IV.

1 *Tha e 'gan earalachadh gu sgur do pheacadh o eisempleir Chriosd, agus do bhrigh gu bheil a' chrioch dlicir-eannach a' dlùth-theannadh oirnn:*

12 agus a' toirt comhfkurtachd dhoibh an aghaidh geur-leanmhuinn.

UIME sin o dh'fhuiling Criod air ar soinne san fheoil, armachibhse mar an ceudna sibh fèin leis an inntinn cheudna: oir an ti a dh'fhuiling anns an fheoil, sguir e do pheacadh;

2 Chum nach caitheadh e fuigheall aimsire anns an fheoil, a réir anamhanna dhaoine, ach a réir toile Dé,

3 Oir is leoir dhuinn a' chuid a chaidh seachad do aimsir ar beatha gu toil nan Cinneach a dheanamh, 'nuair a shiubhail sinn ann am macnus^h, ann an anamhannaibh, ann an anabharra flona, ann an gedcaireachd, ann am poiteireachd, agus ann an iòdhol-aordh an-dligheach!

4 Ni anns am bheil iad a' gabhail

^e *bithibh* iochdmhor r'a chéile.
^a smachd. ^h trusealachd.

^f an Ti. ^g a mharasglachd,

ⁱ craos. ^l graineil.

iongantais, do bhrigh nach 'eil sibhse a' ruith maraon riù anns an neombeasarrachd cheudna gun tomhas, a' labhairt uilc *umaibh*:

5 Muinnfir a bheir cunntas dhasan, a tha ullamh gu breth a thoirt air na beothaibh agus air na marbhaibh.

6 Oir is ann chum na crìche so a shearmonaicheadh an soisgeul dhoibhsan a tha marbh mar an ceudna, chum gu'n d'thugtadh breth orra a réir dhaoine san fheòil, ach gu'm biodh iad beo a réir Dhé san Spiorad.

7 Ach a ta crìoch nan uile nithe am fagus: uime sin bitibh measarra^m, agus deanaibh faire chum ùrnuiugh.

8 Agus roimh na h-uile nitibh biodh agaibh teas-ghràdh d'a chéile; oir cuiridh gràdh folach air mòran pheacanna.

9 Thugaibh aoidheachd d'a chéile gun ghearan.

10 A réir mar a fhuair gach aon an tiodhlac, mar sin deanaibh frith-ealachd d'a chéile, mar dheadh stiùbh-ardaibh air gràs eagsamhul Dé.

11 Ma labhras neach sam bith, *labhradh* e mar bhriathraigheibhⁿ Dhé; ma tha neach sam bith ri frithealachd, *deanadh* se e mar o'n chomas a' bheir Dia dha; chum gu'm bi Dia air a ghlorachadh anns na h-uile nitibh tríd Iosa Criosd: dhasan gu robh glòir agus cumhachd gu saoghal nan saoghal. Amen.

12 A mhuianntir mo ghráidh, na biodh iongantas oirbh thaobh na deuchainn theintich, a thig oirbh chum bhur dearbhadh, mar gu'n tarladh ni-eigin neo-ghnàthach dhuibh:

13 Ach do bhrigh gu bheil sibh 'nar luchd comh-pairt do shulang-asaibh Criosd, deanaibh gairdeachas; chum mar an ceudna, ann an àm foill-seachaidh a ghloire, gu'n dean sibh gairdeachas le h-aoibhneas ro mhòr.

14 Ma mhaslaichear sibh air son aimme Criosd, is sona sibh; oir a ta Spiorad na glòire, agus Dhé a' gabhail còmhnuidh oirbh; d'an taobhsan gu deimhin tha e faotainn toibhheim, ach d'ar taobhsa tha e air a ghlorachadh.

15 Ach na fuilingeadh aon agaibh mar mhortair, no mar ghaduiche, no

mar fhear droch-bheirt; no mar neach a ghabhas gnothuch re nithibh nach buin da.

16 Gidheadh ma *dh'fhuilingeas duine* mar Chriosuidh, na biodh näire air; ach thugadh e glòir do Dhia as a leth so.

17 Oir thainig an t-àm anns an tòisich breitheanas aig tigh Dhé: agus ma thòisicheas e againne, ciod is crìoch dhoibhsan a tha easumhal do shoisgeul Dé?

18 Agus ma's ann air éigin a thearnar am fírean, c'ait an taisbein an duine mi-dhiadhaidh agus am peacach e fein?

19 Uime sin, an dream a *dh'fhuilingeas* a réir toile Dé, earbadh iad an anama *ris-san* ann an deanamh maith, mar ri Cruithear dileas.

C A I B. V.

1 *Tha e cur impiadh air na seanairibh treud Dhé a bheathachadh*; 5 air an dìgridh bhi àmhail, 8 agus orra uile bhi stuama, faireil, agus daingean sa' chreidimh; 9 cur an aghaidh ar nàmhaid an-iocdmhoir an diabhol.

NA seanairean a tha 'nar measg earalaicheam, air bhi dhomh fein a'm sheanair mar an ceudna, agus a'm fhianuis air fulangasaibh Criosd, agus mar an ceudna a'm fhear comhpairt do'n ghlòir sin a tha gu bhi air a foillseachadh:

2 Beathaichibh treud Dhé a tha 'nar measg, a' gabhail càram dheth, ni h-ann a dh'aindeoin, ach gu deònach; ni h-ann air son buannachd shalaich, ach le h-inntinn ealaimh;

3 Ni mò mar thighearnaibh os ceann oighreachd Dhé, ach mar dhroing a tha 'nan eisempleiribh do'n treud.

4 Agus an uair a *dh'fhoillsicheart* an t-àrd bhuachaille^o, gheibh sibh crùn na glòire nach searg as.

5 Mar an ceudna, dhaoine òga, bitibh ùmhail do na seanairibh: seadh, bitibh uile ùmhail d'a chéile, agus bitibh air bhur sgeadachadh le h-irioslachd: oir tha Dia a' cur an aghaidh nan uaibhreach, ach a' toirt gràis dhoibhsan a tha iriosal.

6 Uime sin islichibh sibh fein

^m *stuama*.

ⁿ *oracula*.

^o *an t-àrd aodhaire*.

fuidh làimh chumhachdaich Dhé, chum as gu'n àrduich e sibh ann an àm iomchuidh :

7 A' tilgeadh bhur n-uile chàram^P airson, oir a ta càram aige dhibh.

8 Bithibh stuama, deanaibh faire; do bhrigh gu bheil bhur nàmhaid an diabhol, mar leòmhain beuchdach, ag imeachd mu'n cuairt, a' sireadh cò a dh'fheudas e shlugadh suas.

9 Cuiribhse 'na aghaidh, air dhuibh bhi daingean sa' chreidimh, agus fhios a bhi agaibh gu bheil na fulangais cheudna air an coimhlionadh ann bhur bràithribh a tha san t-saoghal.

10 Ach gu deanadh Dia féin nan uile ghràs, a ghairm sinne chum a ghloire shiorruidh trìd Iosa Criod, an déigh dhuibh fulang rè uine bhig,

iomlan sibh; gu daingnicheadh, gu neartaicheadh, gu socraicheadh e sibh.

11 Dhasan gu robh gloir agus cumhachd, gu saoghal nan saoghal. Amen.

12 Le Siluanus bràthair dileas (réir mo bharailse) scriobh mi chug-aibh^r gu h-aithghearr, a' teagasc, agus a' deanamh fianuis, gur e so fior ghràs Dé anns am bheil sibh 'nar seasamh.

13 Tha'n eaglais ann am Babilon a thaghadh maraon ribhse, a' cur failte oirbh, agus Marcus mo mhac.

14 Cuiribh failte air a chéile le pòig ghràidh. Sìth gu robh maille ribh uile a tha ann an Iosa Criod. Amen.

DARA LITIR CHOITCHIONN AN ABSTOIL PHEADAIR.

C A I B. I.

1 Chum an daingneachadh an dòchas meudachaideh gràis Dé, 5 thu e cur impidh orra le creidimh agus deadh oibríbh, an gairm a dheanamh cinnteach: 12 tha e càramach mu so chur an cuimhne dhoibh, do bhrigh gu bheil fios aige a bhàs bhi 'n fagus: 16 agus tha e toirt rabhaidh dhoibh bhi bunaiteach ann an creidimh Chriod, &c.

SIMON Peadar, seirbhliseach agus abstol Iosa Criod, dhoibhsan a fhuaire creidimh co luachmhor ruinne, trìd fìreantachd ar Dé agus ar Slanughir^s Iosa Criod:

2 Gu robh gràs agus siothchaint air am meudachadh dhuibh, trìd eòlais Dé, agus Iosa ar Tighearna,

3 A réir mar a dheònuiach a chumhachd diadhuidhsan dhuinne na nithe

sin uile a bhuineas do bheatha agus do dhiadhachd, trìd eòlais an ti sin a ghairm sinn chum glòire, agus cruadail^t:

4 Trìd an d'thugadh dhuinn geallanna ro mhòr agus luachmhor, chum trìdsan gu'm biodh sibhse air bhur deanamh 'nar luchd comb-paist do nàdur na diadhachd, air dhuibh dot as o'n truailidheachd a ta anns an t-saoghal trìd anamhian:

5 Agus a thuilleadh air so^u, air deanamh an uile dhìchill duibhse, curibh r'ar creidimh cruadal; agus ri cruadal, eòlas;

6 Agus ri h-eòlas, stuaim^a; agus ri stuaim, foighidin; agus ri foighidin, diadhachd;

7 Agus ri diadhachd, gràdh bràthaireil; agus ri gràdh bràthaireil, seirc^b,

^P ro-chàram. ^r thugaibh, do'r n-ionnsuidh. ^s fìreantachd Dhé agus ar Slanughir. ^t subhaile, deadh-bheus. ^u chuen na crèche so. ^a measarrachd.

^b gràdh, carthanachd.

8 Oir ma bhios na nithe so annabh, agus pailte, bheir iad *oirbh* gun bhi leasg, no mi-thorrach ann an eolas ar Tighearna Iosa Criod.

9 Ach an ti aig nach 'eil na nithe sin, tha e dall, agus gearr-sheallach^c, a' dì-chuimhneachadh gu'n do ghlanadh e o a sheannu pheacaibh.

10 Uime sin, a bhráithre, deanaibh tuilleadh dìchill chum bhur gairm agus bhur taghadh a dheanamh ciunteach: oir ma ni sibh na nithe so, cha tuít sibh a choidhch:

11 Oir mar sin frithealar gu pait dhuibh slighe a steach do rioghachd shiorruidh ar Tighearna agus ar Slànuighir Iosa Criod.

12 Uime sin cha dearmad mi na nithe so ghnáth-chur an cuimhne dhuibh, ge d' is aithne dhuibh *iad*, agus ge do tha sibh air bhur dàingneachadh san fhìrinn a làthair.

13 Ach measam gur còir, am feadh's a ta mi sa' phàilliund so, sibh-se a bhrosnachadh le'r cur an cuimhne:

14 Air dhomh fios a bhi agam gur fagus dhomh àm cur dhiom mo phàilliun so, amhuil a dh'fhoillsich ar Tighearn Iosa Criod dhomh.

15 Ach ni mise dichioll, chum an déigh dhomh siubhal, gu'm bi agaibh-se gnáth-chuimhne air na nithibh so.

16 Oir cha do lean sinne faoin-sgeulachda a dhealbhadh gu h-innleachdach, 'nuair a chuir sinn an céill duibh cumhachd agus teachd ar Tighearna Iosa Criod, ach rinneadh sinn 'nar sùil-fhianuisibh air a mhòrachd-san.

17 Oir fhuair e o Dhia an t-Athair onoir agus glòir, 'nuair a thainig a' shamhuil so do ghuth d'a ionnsuidh o'n ghlòir oirdheirc^e, Is e so mo Mhac gràdhachsa, le'm bheil mi làntoilechte.

18 Agus chuala sinne an guth so a thainig o nèamh, 'nuair a bha sinn maille ris air an t-sliabh naomha.

19 Tha againn mar an ceudna focal fàidheadaireachd a' s cinniche; d'am maith a ni sibh aire a thoirt, mar do lòchran a tha toirt soluis uaith ann

an ionad dorcha, gus an soillsich an là, agus an éirich an reult-mhaidne 'nar cridheachaibh:

20 Air dhuibh fhios so a bhi agaibh air tùs, nach 'eil fàidheadair-eachd air bith do'n scriobtuir o thogradh *dhaoine* féin.

21 Oir cha d'thainig an fhaidheadaireachd a réir toil duine o shean: ach labhair daoine naomha Dhé mar a sheòladh iad leis an Spiorad naomh.

C A I B. II.

1 *Tha e roimh-innseadh mu thimchuoll luchd-teagaig bréige, a' nochdadh am mi-dhiaidhachd, agus an sgrios a thig faraon orra féin agus air an luchd-leanmhuiinn; 7 o'n saorar daoine diadhaidh, mar a shaoradh Lot a Sodom; &c.*

A CH bha fàidhean bréige mar an ceudna am measg an t-slaigh, amhuil a bhios luchd-teagaig bréige 'nar measgsa, droing a bheir a steach os iosal saobh-chreidimh^f millteach, eadhon ag àicheadh an Tighearna a cheannaich *iad*, agus a bheir sgrios obunn orra féin.

2 Agus leanaidh mòran an sligh-eacha millteach, trìd am faigh slighe na firinn mi-chliu.

3 Agus tre shannat ni iad ceannachd oirbh le briathraibh mealltach: dream nach 'eil am breitheanas a nis o chiau a' deanamh moille, agus cha 'n'eil an sgrios a' turr-chodalag.

4 Oir mur do chaomhain Dia na h-aingil a pheacaich, ach air dha an tilgeadh sios do ifrinn, gu'n d'thug e thairis *iad* gu bhi air an coimhead ann an slabhráidhili bhorcharais, fa chòmhair breitheanais;

5 Agus nach do chaomhain e an seann saoghal, ach gu'n do shaor e Nöe an t-ochdamh *pearsa*, searmon-aiche fìreantachd, air dha an dilinn h a thoirt air saoghal nan daoine mi-dhiaidhaidh;

6 Agus a' tionndadh cathraiche Shodoim agus Ghomorra gu luathri i, gu'n do dhit e le léir-sgrios *iad*, 'gan deanamh 'nam ball-sampuill! dhoibh-

^c fa dhoill'-ean. ^d bhothan. ^e ard-urramaich. ^f dò-bharailgán.
g clò-chodal h dile, tuil. i luath. l 'nan samhlachas.

san a bhiodh mi-dhiadhaidh an déigh sin ;

7 Agus gu'n do shaor e Lot am fírean, a bha fa chompar^m le caitheadh-beatha neo-ghloin nan aingidh :

8 (Oir chràidh an t-ionracan sin, agus e gabhail còmhnuidh 'nam measg, anam fireanta o là gu là, le bhi faicinn agus a' cluinnntinn an gniomharan an-dligheach :)

9 Is aithne do'n Tighearn na daoine diadhaidh a shaoradh o bhuaireadh, agus na daoin' eucorach a choimhead gu là a bhreitheanais chum peánas a dheanamh orra :

10 Ach gu h-áraid iadsan a leanas an fheòil ann an anamhiann na neo-ghloine, agus a ni tair air uachdarachd : Air dhoibh bhi an-dàna, féin-thoileil, cha'n eagal leo anacainnt a theirt dhoibhsanⁿ a tha ann an àrd inbhe :

11 An uair nach toir aingil a's mó ann an neart agus ann an cumhachd, casaid thoibheumach 'nan aghaidh^o am fianuis an Tighearna.

12 Ach iadsan, mar ainmhidhean nàdurra ea-céillidh, a rinneadh gu bhi air an glacadh agus an sgrios, air dhoibh bhi labhairt gu toibheumach mu na nithibh nach tuig iad, sgriosar iad 'nan truallidheachd féin ;

13 Agus gheibh iad tuarasdal na h-euceirt, mar dhream a mheasas mar shubhachas sògh^p san là : is smala iad agus aobhar-maslaidh^r, a' gabhail toileachas-inntinn 'nam mealltoireachd féin, am feadh 's a ta iad air cuirmibh^s maille ribh ;

14 Aig am bheil an sùilean làn do adhaltrannas, agus do nach 'eil e'n comas sgur do pheacadh ; a' mealladh anaman neo-shuidhichte ; aig am bheil an cridhe air a chleachdadh ri gniomharaibh sanntach ; clann nam mallaichd :

15 A thréig an t-slighe dhìreach, agus a chaidh air seacharan, a' lean-tuinn slighe Bbalaimh^t Bhosoir^u, a ghràchaich duais na h-eucorach ;

16 Ach a fluair achmhàsan air son aingidheachd : oir labhair an asal bhalbh le cainnt duine, agus thoir-misg i mi-chiall an fhàidh.

17 Is tobair gun uisge iad so, neoil air an iomain le h-iomghaoith, fa chomhair am bhéil duibhre^u an dorchadais air a thasgaidh gu siorrhuidh.

18 Oir an uair a labhras iad briathran atmhor^a diomhanais, meal-laidh iad trèd anamhianna na feòla, trèd mhacnuib^b, iadsan a chaidh gu glanc^c as uathasan a tha caitheadh am beatha ann an seacharan :

19 A' gealltuinn saorsa dhoibh, agus gun annta féin ach tràillean na truallidheachd : oir ge b'e ni le'm buadhaichear air duine, do'n ni sin féin tha e air a chur fuidh dhaorsa.

20 Oir an déigh dhoibh dol as o shalcharaibh an t-saoghal trèd eòlais an Tighearna agus an t-Slànuighir Iosa Criod, ma bhios iad a ris air an ribeadh arinta, agus air an cur fuidh ghéill, tha an deireadh aca ni's measa na an toiseach.

21 Oir b'fhearr dhoibh gun eòlas a bhi aca air slighe na fireantachd, na an déigh a h-eòlas fhaotainn, pilleadh o'n aithne naomh a thugadh dhoibh.

22 Ach thachair dhoibh a réir an t-sean-fhocail fhìrinnich, Phill am madadh air ais chum a sgeith féin ; agus, A' mhuc a chaidh nigheadh, chum a h-aoirneagand san làthach^e.

C A I B. III.
1 Tha e toirt cinnte dhoibh nu theachd Chriosd chum breitheanais, an aghaidh luchd-fanoid ; 8 a' toirt rabhaidh do dhaoine mi-dhiadhaidh o fhad-fhoighidin Dé, iad a għreasadh an aithreacais : 12 tha e riar an ceudna cur an céill am modh air an sgriosar an saoghal so : 11 'gan earalachadh o sin chum an uile naomhachd beatha ; &c.

A N dara litir so, a muinntir mo għraidi, scriobham chugaibh a nis ; annta le chéile tha mi a' bros-

^m air a shàrachadh. ⁿ olc a labhairt umpasan. ^o breth mħaslaħ an aghaidh a chéile. ^p deadh-ghleus, deadh theachd-an-tir. ^r aineamha, sal. ^s féisidib. ^t Bheoir. ^u ceo. ^a uaibhreach. ^b thrusiscileachd. ^c car tamuil bhig. ^d a h-aonairt, a h-eabradh. ^e sa' chlàbar.

nachadh bhur n-inntinn fhìor-ghloin
le'r cur an cuimhne :

2 Chum gu'm bi sibh cuimhneach
air na briathraigheibh a labhradh roimhe
leis na faidhibh naomha, agus air ar
n-àithne-ne, abstola an Tighearna
agus an t-Slànuighir :

3 Air dhuibh fhios so bhi agaibh
air-thùs, gu'n d'thig anns na làithibh
deireannach luchd fochaif^f, ag im-
eachd a réir an anamhian fénin,

4 Agus ag ràdh, C'ait am bheil
gealladh a theachd? oir o choidil na
h-aithriche, tha na h-uile nithe a'
fantuinn mar a bha iad o thoiseach a'
chruthachaidh.

5 Oir tha iad aineolach air so d'an
deoin, gu'n robh na nèamha ann o
chian, agus an talamh 'na sheasamh
as an uisge, trìd fhòcaill Dé :

6 Tre'n déachaidh an saoghal a
bha'n sin ann a sgrios, air teachd
do'n dìlinn air.

7 Ach tha na nèamha agus an tal-
amh a tha nis ann, leis an fhocal sin
fén air an tasgaidh suas, agus air an
gleidheadh fa chomhair teine air
chionn là a' bhreitheanais, agus sgrios
dhaoine aindiadhaidh.

8 Ach, a mhuinnit mo ghràidh,
na bithibhse aineolach air an aon ni so,
Gu bheil aon là aig an Tighearn mar
mhile bliadhna, agus mile bliadhna
mar aon là.

9 Cha 'n'eil an Tighearn mall
a thaobh a' gheallaidh, (mar a mheasas
dream àraidh moille,) ach tha e fad-
fhuolangach d'ar taobhne, gun toil
aige dream sam bith a bhi air an call,
ach na h-uile dhaoine theachd gu
h-aithreachas.

10 Ach thig là an Tighearna mar
ghaduiche san oidhche; anns an
d'théid na nèamha thairis le toirm
mhòir, agus anns an leagh na dùile
le dian theas; agus bithidh an talamh

mar an ceudna agus na h-oibre a ta
air, air an losgadh suas.

11 Uime sin do bhrigh gu'm bi na
nithe so uile air an sgaoileadh as a
chéile, ciod a' ghìn dhaoine bu choir
a bhi annaibh, ann an caitheadh-bea-
tha naomha, agus diadhachd,

12 Le sùil a bhi agaibh ri, agus
luathachadh^g chum teachd là Dhé,
anns am bi na nèamha, air dhoibh bhi ri
theine, air an sgaoileadh o chéile, agus
anns an leaghan na dùile le dian theas?

13 Gidheadh tha dùil againne ri
nèamhaibh nuadh agus talamh nuadh,
a réir a gheallaidh, anns an còmh-
nuich fireantachd.

14 Uime sin, a mhuinnit ion-
muinn, o tha dùil agaibh ris na
nithibh sin, deanaibh bhur dìchioll
chum gu faighear leis-san ann an
slothchaint sibh, gun smal agus neo-
lochdach :

15 Agus measaibh gur slàinte fad-
fhuolangas ar Tighearna; amhail a
scriobh mar an ceudna ar bràthair
gràdhach Pòl, a réir a' għiliċais a
thugadh dha, d'ar n-ionusuidh;

16 Amhail mar 'na litrichibh uile,
a' labhairt annta mu na nithibh so :
anns am bheil cuid do nithibh do-
thuigsinn, a tha an droing a tha neo-
fhòghlumita agus neo-sheasmhach a'
fiaradh, amhail mar na scriobtuirean
eile, chum an sgrios fénin.

17 Ach sibhse, a mhuinnit mo
ghràidh, o's aithne dhuibh na nithe so
roimh-làimh, thugaibh aire an t-eagal
air dhuibhse mar an ceudna bhi air
bhur tarriung air falbh le seacharan
nan daoine aindiadhaidh, gu'n tuit
sibh o bhur seasmhachd fénin.

18 Ach fàsaibh ann an gràs, agus
ann an eòlas ar Tighearna agus ar
Slànuighir Iosa Criod. Dhasan gu
robh glòir a nis agus gu siorruidh^h.
Amen.

^f fanoid, sgeige. ^g greasadhl, cabhag a dheanamh. ^h gu là na siorruidheachd.

CEUD LITIR CHOITHIONN AN ABSTOIL
EOIN,

1 *Tha e labhairt mu phearsa Chriosd, anns am bheil againn beatha mhair-eannach, thaobh comh-chomuinn ri Dia; 5 ris an éigin duinn naomhachd beatha a chur, &c.*

A N ni a bha ann o thùs, an ni a chuala sinne, a chunnaic sinn le'r sùilibh, air an d'amhairc sinn, agus a làimhsich ar làmha thaobh focal na beatha;

2 (Oir dh'fhoillsicheadh a' bheatha, agus chunnaic sinne i, agus tha sinn a' deanamh fianuis, agus a' cur an céill dhuibhse na beatha maireannach ud a bha maille ris an Athair, agus a dh'fhoillsicheadh dhuinne.)

3 An ni a chunnaic agus a chuala sinn, tha sinn a' cur an céill duibhse, chum gu'm bi agaibhse mar an ceudna comunn ruinne: agus gu firinneach tha ar comunn-ne ris an Athair, agus r'a Mhac Iosa Criosd.

4 Agus tha sinn a' scrìobhadh nan nithe so d'ar n-ionnsuidh, chum gu'm bi blur gairdeachas coimhlionta.

5 Agus is i so an teachdoireachd a chuala sinn uaithsan, agus a tha sinn a' cur an céill dhuibhse, Gur solus Dia, agus nach 'eil dorchadas air bith annsan.

6 Ma their sinn gu bheil comunn againn ris i, agus sinn a' gluasad ann an dorchadas, tha sinn a' deanamh bréige, agus cha 'n'eil sinn a' deanamh na firinn:

7 Ach ma għluaiseas sinn anns an t-solus, mar a tha esan san t-solus, tha comunn againn r'a chéile, agus glanaidh fuil Iosa Criosd a Mhic sinn o gach uile pheacadh.

8 Ma their sinn nach 'eil peacadh againn, tha sinn 'gar mealladh féin, agus cha 'n'eil an fhàrrinn annainn.

9 Ma dh'aidicheadas sinn ar peacanna, tha esan fìrinneach agus ceart, chum ar peacanna a mhaiteadh dhuinn, agus a glanadh o gach uile neo-fhàreantachd.

10 Ma their sinn nach do pheacaich sinn, tha sinn a' deanamh breugaire dhethsan, agus cha 'n'eil fhocal annainn.

C A I B. II.

1 *Tha e toirt comhfhàrtachd dhoibh an aghaidh peacaidh anmhuienneachd. 3 Se fior eòias Dè aithneant an choimhead, 9 ar braith-rean a ghràdhachadh, 15 agus gun ghaol a thoirt do'n t-sanghal. 18 Is éigin duinn bhi air ar faicill an aghaidh luchd-meallaidh: &c.*

MO chlann bheag, na nithe so scriobham d'ar n-ionnsuidh, chum nach peacaich sibh. Agus ma pheacaicheas neach air bith, tha feartagraidi againn maille ris an Athair, Iosa Criosd am fìrean:

2 Agus is esan an labhairt-réitich air son ar peacaidlne; agus cha'n e air son ar peacaidlne mhàin, aeh mar an ceudna air son peacaidh an t-saoghal uile.

3 Agus le so tha fhios againn gur aithne dhuinn e, ma choimhdeas sinn àitheanta.

4 An ti a their, Is aithne dhomh e, agus nach 'eil a' coimhead aitheanta, is breugaire e, agus cha 'n'eil an fhàrrinn ann.

5 Ach ge b'e choimhdeas fhocal, annsan gu deimhin tha gràdh Dhé air a choimhlionadh: le so is aithne dhuinn gu bheil sinn annsan.

6 An ti a their gu bheil e fantuon annsan, is coir dhasan mar an ceudna gluasad, eadbon mar a għluais esan.

7 A bhràithre, ni'n scriobham àithne nuadh chugaibh, ach seann àithne, a bha agaibh o'n toiseach : 's i'n t-seann àithne am focal a chuala sibh o thùs.

8 A ris, scriobham àithne nuadh chugaibh, ni a ta fìor annsan agus annaibhse: do bhrigh gu'n d'imich an dorchadas thairis, agus gu bheil a nis an solus fìor a dealrachadh.

9 An ti a their gu bheil e san t-solus, agus a tha fuathachadh a bhràthar, tha e san dorchadas gus a nis.

10 An ti aig am bheil gràdh d'a bhràthair, tha e 'na chòmhnuidh san t-solus, agus cha 'n'eil aobhar oil-beimh air bith ann.

11 Ach an ti a ta fuathachadh a bhràthar, tha e anns an dorchadas, agus agimeachd anns an dorchadas, agus cha'n aithne dha c'ait am bheil e dol, do bhrigh gu'n do dhàll an dorchadas a shùilean.

12 Scriobham d'ar n-ionnsuidh, a chlann bheag, do bhrigh gu bheil bhur peacanna air am maitheadh dhuibh air sgàth ainme-san.

13 Scriobham d'ar n-ionnsuidh, aithriche, do bhrigh gu'm b'aithne dhuibh esan a ta o thùs. Scriobham d'ar n ionnsuidh, òganacha, do bhrigh gu'n d'thug sibh buaidh air an droch aon. Scriobham d'ar n-ionnsuidh, a chlann bheag, do bhrigh gu'm b'aithne dhuibh an t-Athair.

14 Scriobh mi d'ar n-ionnsuidh, aithriche, do bhrigh gu'm b'aithne dhuibh an ti a ta ann o thùs. Scriobh mi d'ar n-ionnsuidh, òganacha, do bhrigh gu bheil sibh làdir, agus gu bheil focal Dhé 'na chòmhnuidh annaibh, agus gu'n d'thug sibh buaidh air an droch aon.

15 Na gràdhaichibh an saoghal, no na nithe a ta san t-saoghal. Ma ghràdhaicheas neach air bith an saoghal, cha 'n'eil gràdh an Athair ann.

16 Oir na h-uile a ta anns an t-saoghal, anamhiann na feola, agus anamhiann nan sùl, agus uabhar na beatha, cha'n ann o'n Athair a tha iad, ach o'n t-saoghal.

17 Agus siubhlaidh an saoghal seachad, agus anamhiann: ach an ti a ni toil Dé, mairidh e choidhch.

18 A chlann bheag, 's i'n aimsir dheireannach a tha ann: agus mar a chuala sibh gu'n d'thig an t-anacriosd, is ann mar sin a ta nis iomad anacriosd ann; o'm bheil sinn a' tuigsinn gur i'n aimsir dheireannach a ta ann.

19 Chaidh iad a mach uaine, ach cha robh iad dhinn: oir nam biodh iad dhinn, gu deimhlin dh'fhanadh iad maille ruinn: ach chaidh iad a mach, chum gu deantadh follaiseach iad, nach robh iad uile dhinn.

20 Ach tha agaibhse ùngadh o'n ti naomha, agus is aithne dhuibh na h-uile nithe.

21 Cha do scriobh mi d'ar n-ionnsuidh, do bhrigh nach aithne dhuibh an fhìrinn; ach do bhrigh gur aithne dhuibh i, agus nach 'eil breug air bith o'n fhìrinn.

22 Cò a tha 'na bhreugaire, ach esan a dh'aicheadhas gur e Iosa an Criod? 's e so an t-anacriosd, a tha g' aicheadh an Athair agus a' Mhic.

23 Ge b'e neach a dh'aicheadhas am Mac, cha 'n'eil an t-Athair aige: [ach an ti a dh'aidicreas am Mac, tha an t-Athair aige mar an ceudana.]

24 Uime sin fanadh an ni sin annaibhse a chuala sibh o thùs. Ma dh'fhanas an ni a chuala sibh o thùs annaibh, fanaidh sibhse mar an ceudna anns a' Mhàc, agus anns an Athair.

25 Agus is e so an gealladh a gheall e dhuinn, eadhon a' bheatha mhaireannach.

26 Scriobh mi na nithe so d'ar n-ionnsuidh, mu thimchioll na droinge a tha 'gar mealladh.

27 Ach tha an t-ùngadh a fhuair sibh uaithsan, a' fantuinn annaibh: agus cha 'n'eil feum agaibh gu'n teagaisgeadh aon neach sibh: Ach, mar a ta an t-ùngadh so féin 'gar teagastg mu thimchioll nan uile nithe, agus a ta e fìor, agus nach breug e, eadhon mar a theagaistg e sibh, fanaibh ann.

28 Agus a nis, a chlann bheag, fanaibh annsan; chum 'nuair a dh'shoillsichear e, gu'm bi dànanachd againn, agus nach bi näire oirnn 'na làthair aig a theachd.

29 Ma tha fhios agaibh gu bheil

esan fireanta, tha fhios agaibh gu bheil gach ncach a ni fireantachd, air a ghineamhuinn¹ uaithsan.

C A I B. III.

1 *Tha e cur an céill gràidh iongantaich Dhé dhuinne, ann sinn a dheanamh 'nar cloinn dha féin : 5 gur còir dhuinn uime sin àith-eantan a choimhead le h-urram, 11 agus mar an ceudna gràdh bràthaireil a bhi againn d'a chéile.*

FEUCHAIBH, ciod a' ghnè ghràidh a thug an t-Athair dhuinne, gu'n goirteadh clann Dé dhinn ! uime sin cha'n aithne do'n t-saoghal sinn, do bhrigh nach b'aithne dha esan.

2 A mhuinnitir mo ghràidh, a nis is sinne mic Dhé, agus cha'n eil e soilleir fathast ciod a bhitheas sinn : ach a ta fhios againn, 'nuair a dh'fhoillsichear esan, gu'm bi sinn cosmluil ris ; oir chi sinn e mar a ta e.

5 Agus gach neach aig am bheil an dòchas so ann, glanaidh se e féin, mar a ta esan glan.

4 Ge b'e neach a ni peacadh, tha e mar an ceudna a' briseadh an lagha : oir is e am peacadh briseadh an lagha.

5 Agus tha fhios agaibh gu'n d'fhoillsicheadh esan chum ar peacanna thoirt air falbh ; agus cha'n eil peacadh sam bith annsan.

6 Gach neach a dh'fhanas annsan, cha dean e peacadh : ge b'e air bith a pheacaicheas, cha'n fhac e esan, agus cha robh eòlas aige air.

7 A chlann bheag, na mealladh neach air bith sibh : an ti a ni fireantachd is firean e, mar is firean esan :

8 An ti a ni peacadh, is ann o'n diabhol a ta e : oir tha an diabhol a' peacachadh o thùs. Is ann chum na crìche so a dh'fhoillsicheadh Mac Dhé, chum gu'n sgriosadh e cibre an diabhoil.

9 Ge b'e neach a ghineadh o Dia, cha dean e peacadh : oir a ta a shòlsan a' fantuinn ann : agus cha'n eil e'n comas da peacadh a dhean-

amh, do bhrigh gu'n do ghineadh o Dia e.

10 An so tha clann Dé, agus clann an diabhoil follaiseach : Ge b'e neach nach dean fireantachd, cha'n ann o Dia a tha e, no an ti nach gràidh a bhràthair.

11 Oir is i so an teachdoireachd a chuala sibh o thùs, sinn a thoirt gràidh d'a chéile :

12 Cha'n ann mar Chain, a bha o'n droch aon, agus a mharbh a bhràthair : Agus c'ar son a mharbh se e ? A chionn gu'n robh oibre féin olc, agus oibre a bhràthar fireanta.

13 Na biodh iognadh oirbh, mo bhràthre, ge do dh'fhuathaicheas an saoghail sibh.

14 Tha fhios againn gu'n deachaidh sinn thairis o bhàs gu beatha, do bhrigh gu bheil gràdh againn do na bràithribh : an ti nach gràidh a bhrathair, fanuidh e ann am bàs.

15 Gach neach a dh'fhuathaicheas a bhràthair, is mortair^m e ; agus tha fhios agaibh nach 'eil aig mortair sam bith a' bheatha mhaireannach a' fantuinn ann.

16 Le so is aithne dhuinn gràdh Dhé, do bhrigh gu'n do chuir esan sìos anam féin air ar soinne : agus is còir dhuinne ar n-anama féin a chur sìos air son nam bràthire.

17 Agus ge b'e neach aig 'am bheil maoin an t-saoghal so, agus a chi a bhràthair ann an uireasbuidh, agus a dhruideas a cridhe 'na aghaidh, cionnus a tha gràdh Dhé a gabhail còmhnuidh ann ?

18 Mo chlann bheag, na gràdh-aicheamaid ann am focal, no ann an teangaiddh, ach ann an gniomh agus ann am firinn.

19 Agus le so is aithne dhuinn gu bheil sinn do'n fhìrinn, agus bheir sinn dearbh-beachdⁿ d'ar cridhibh 'na làthair.

20 Oir ma dhìteas ar cridhe sinn, is mò Dia na ar cridhe, agus is aithne dha na h-uile nithe.

21 A mhuinnitir mo ghràidh, mur dìt ar cridhe sinn, tha dànachd againn a thaobh Dhé.

22 Agus ge b'e ni a dh'iarras sinn,

¹ air a bhreith. ^m druin'-mharbhaiche. ⁿ cinnteachd.

gheibh sinn uaith e, do bhrigh gu bheil sinn a' coimhead àitheantan, agus a' deanamh nan nithe a tha taitneach 'na fhanuis-san.

23 Agus is i so àithne-san, gu'n creideamaid ann an ainm a Mhic Iosa Criod, agus gu'n gràdhaicheamaid a chéile, mar a thug esan àithne dhuinn.

24 Agus an ti a choimhideas àitheanta-san, tha e gabaail còmhnuidh ann, agus esan annsan: agus le so is àithne dhuinn gu bheil esan a' fuireach annainn, o'n Spiorad a thug e dhuinn.

C A I B. IV.

1 *Tha e toirt rabhaidh dhoibh gun iad a chreidsinn gach uile luchd-teagaisg a ni bòsd as an Spiorad, ach an dearbhadh le riaghailtibh a' chreidimh choitchionn:* 7 agus tha e le h-iomadh reson 'gam brosnachadh gu gràdh bràthaireil.

A MUINNTIR ionnmhuinn, na creidibh gach uile spiorad, ach dearbhaidh na spioradan, an ann o Dhia a tha iad: do bhrigh gu bheil mòran do fhàidhbih bréige air dol a mach do'n t-saoghal.

2 Le so aithnichibh Spiorad Dhé: gach uile spiorad a dh'aidicheas gu'n d'thainig Iosa Criod san fheòil, is ann o Dhia a tha e.

3 Agus gach uile spiorad nach aidich gu bheil Iosa Criod air teachd san fheòil, cha'n ann o Dhia a tha e: agus is e so spiorad sin an anacriod, neach a chuala sibh e bhi teachd, agus a nis tha e cheana anns an t-saoghal.

4 A chlann bheag, tha sibhse o Dhia, agus thug sibh buaidh orrasan; do bhrigh gur mò esan a ta annaibhse, na'n ti a ta anns an t-saoghal.

5 Tha iadsan o'n t-saoghal: uime sin tha iad a' labhairt mu'n t-saoghal, agus tha'n saoghal ag éisdeachd riù.

6 Tha sinne o Dhia: an ti aig am bheil còlas air Dia, éisidh e ruinne; an ti nach 'eil o Dhia, cha'n éisd e ruinne. O so aithnichidh sinn spiorad na fìrinn, agus spiorad an t-seacharain.

7 A muinntir ionnmhuinn, gràdh-aicheamaid a chéile: oir is ann o Dhia tha'n gràdh; agus gach neach a ghràdhaicheas, ghineadh o Dhia e, agus is aithne dha Dia.

8 An ti nach gràdhaich, cha'n aithne dha Dia; oir is gràdh Dia.

9 An so dh'fhoillsicheadh gràdh Dhé dhuinne, do bhrigh gu'n do chuir Dia aon-ghin Mhic do'n t-saoghal, chum gu'm bitheamaid beo trìdsan.

10 An so a ta gràdh, cha'n e gu'n do ghràdhaich sinne Dia, ach gu'n do ghràdhaich esan sinne, agus gu'n do chuir e a Mhaç fein gu bhi 'na iobairt-réitich air sen ar peacaidh.

11 A muinntir ionnmhuinn, ma ghràdhaich Dia sinne mar sin, tha dh'fhiachaibh oirnne chéile a ghràdh-achadh mar an ceudna.

12 Cha'n fhaca neach air bith Dia riamh. Ma ghràdhaicheas sinn a chéile, tha Dia 'na chòmhnuidh annainn, agus tha a ghràdh air a choimhlionadh annainn.

13 O so is àithne dhuinn gu bheil sinne 'nar còmhnuidh annsan, agus esan annainne, do bhrigh gu'n d'thug e dhuinn d'a Spiorad.

14 Agus chunnaic sinn agus tha sinn a' deanamh fianuis, gu'n do chuir an t-Athair am Mac uaith gu bhi 'na Shlànuighear an domhain.

15 Ge b'e neach a dh'aidicheas gur e Iosa Mac Dhé, tha Dia 'na chòmhnuidh annsan, agus esan ann an Dia.

16 Agus dh'aithnich sinne agus chreid sinn an gràdh a tha aig Dia dhuinn. Is gràdh Dia; agus an ti a tha fantuinn ann an gràdh, tha e 'na chòmhnuidh ann an Dia, agus Dia annsan.

17 An so tha ar gràdhne air a dheanamh coimhliona, chum gu'm bi againn dànochd ann an la a' bhreitheanais: do bhrigh mar a tha esan, gur amhul sin a tha sinne anns an t-saoghal so.

18 Cha'n eil eagal ann an gràdh; ach tilgidh gràdh diongmhalta o an t-eagal a mach; do bhrigh gu bheil pian san eagal: an ti a tha eagalach,

cha d'rinneadh coimhlionta ann an gràdh e.

19 Tha gràdh againne dhasan, do bhrigh gu'n do ghràdhaich esan sinne an toiseach.

20 Ma their neach, Tha gràdh agam do Dhia, agus fuath aige d'a bhràthair, is breugaire e: oir an ti nach gràdhaich a bhràthair a chunn-aic e, cionnus a dh'fheudas e Dia nach fac e, a ghràdhachadh?

21 Agus an àithne so tha againn uaithsan, An ti a ghràdhaicheas Dia, gu'n gràdhaich e a bhràthair mar an ceudna.

C A I B. V.

1 *An ti leis an ionmhuinn Dia, is ionmhuinn leis a chlann, agus coimhididh e àitheantan, a ta eutrom, so-choimhead do na creid-mhich.* 9 'Se Iosa Mac Dhé, agus tha e comasach air sinne a shlànuchadh,

14 agus air ar n-ùrnuighean a fhreagairt, a ni sinn air ar son fèin, agus air son muinnitir cile.

G E b'e neach a chreideas gur e Iosa an Criosd, ghineadh o Dia e; agus ge b'e ghràdhaicheas an ti a ghin, gràdhaichidh e mar an ceudna an ti a ghineadh leis.

2 O so is aithne dhuinn gu bheil gràdh againn do chloinn Dé, 'nuair a ghràdhaicheas sinn Dia, agus a choimhideas sinn àitheanta.

3 Oir is e so gràdh Dhé, sinn a choimhead àitheanta: agus cha 'n'eil àitheanta-san trom P.

4 Oir gach uile ni a ghinear o Dia, bheir e buaidh air an t-saoghal: agus is i so a' bhuaidh a bhuidhaicheas air an t-saoghal, eadhon ar creidimhne.

5 Cò an ti a bhuidhaicheas air an t-saoghal, ach esan a tha creidsinn gur e Iosa Mac Dhé?

6 Is e so esan a thainig trìd uisge agus trìd fhuil, Iosa Criosd; ni h-e trìd uisge mhàin, ach trìd uisge agus fuil: agus is e'n Spiorad a ni fianuis, do bhrigh gur firinn an Spiorad.

7 Oir tha triuir a tha deanamh fianuis air néamb, an t-Athair, am

Focal, agus an Spiorad naomh: agus an triuir sin is aon iad.

8 Agus tha triuir a tha deanamh fianuis air an talamh, an Spiorad, agus an t-uisge, agus an fhuil: agus thig an triuir sin r'a chéile ann an aon.

9 Ma ghabhas sinn ri fianuis dhaoine, 'si fianuis Dé a's mò: oir is i so fianuis Dé, a thug e mu thim-chioll a Mhic.

10 An ti a chreideas ann am Mac Dhé, tha 'n fhanuis aige ann fèin: an ti nach creid Dia, rinn e breugaire dheth, do bhrigh nach do chreid e an fhanuis a rinn Dia mu thim-chioll a Mhic.

11 Agus is i so an fhanuis, gu'n d'thug Ijia dhuinn beatha mhair-eannach: agus tha a' bheatha so 'na Mbac.

12 An ti aig am bheil am Mac, tha beatha aige: an ti aig nach 'eil Mac Dhé, cha 'n'eil beatha aige.

13 Na nithe so scriobh mi d'ar n-ionnsuidh a tha creidsinn ann an ainm Mic Dhé; chum gu'm bi fios agaibh gu bheil a' bheatha mhair-eannach agaibh, agus chum as gu'n creid sibh ann an ainm Mic Dhé.

14 Agus is e so an dòchas a ta againn annsan, ma dh'iarras sinn ni sam bith a réir a thoile, gu'n éisd e ruinn.

15 Agus ma ta fhios againn gu'n éisd e ruinn, ge b'e ni a dh'iarras sinn, tha fhios againn gu bheil ar n-iarrtais a dh'iarr sinn air againn.

16 Ma chi neach sam bith a bhràthair a' peacachadh peacaidh nach 'eil a chum bàis, iarraidh e, agus bheir e beatha dha, dhoibhsan nach 'eil a' peacachadh chum bàis. Tha peacadh chum bàis ann: a thaobh sin, ni'n abram gur còir dha guidheadh.

17 Is peacadh gach uile eucoir: agus tha peacadh ann nach 'eil a chum bàis.

18 Tha fhios againn ge b'e neach a ghineadh le Dia, nach peacaich e; ach an ti a ghineadh o Dia, coimhididh se e fèin, agus cha bhean an droch aon ris.

19 Tha fhios againn gur ann o Dhia a tha sinne, agus tha'n saoghal uile na luidhe san olc.

20 Agus tha fhios againn gu'n d'thainig Mac Dhé, agus gu'n d'thug e tuisge dhuinn, chum gu'm b'aithne

dhuinn esan a ta fior: agus tha sinne annsan a ta fior, ann a Mhaic Losa Criod. Is e so an Dia flor, agus a' bheatha mhaireannach.

21 A chlann bheag, coimhidibh sibh féin o iodholaibh. Amen.

DARA LITIR AN ABSTOIL EOIN.

C A I B. I.

1 Tha e comhairleachadh do mhnaoi òirdheirc àraidi agus d'a cloinn buanachadh anns a' chreidimh agus ann an gràdh Criodsaidh, 8 an t-eagal gu'n cailleadh iad duais na h-aidmheil a rinn iad roimhe; &c.

AN seanair chum na baintighear-na taghta, agus chum a cloinne, a's ionmhuiunn leamsa anns an fhìrinn; agus cha'n ann leamsa mhàin, ach leo-san uile mar an ceudna a ghabh eòlas air an fhìrinn;

2 Air son na firinn a thà 'na còmhnuidh annainne, agus a bhios maille riun gu bràth:

3 Gràs, tròcair, agus sìth gu robh maille ribh o Dhia an t-Athair, agus o'n Tighearn Iosa Criod Mac an Athair, ann am firinn agus ann an gràdh.

4 Bha gairdeachas mòr orm, do bhrigh gu'n d'fhuair mi cuid do d' chloinnsa agimeachd anns an fhìrinn, a réir mar a fhuair sinne àithne o'n Athair.

5 Agus a nis guidheam ort, a bhaintighearn, cha'n e mar gu'n scriobhainn àithne nuadh chugad, ach an àithne a bha againn o thus, gu'n gràdhcheamaid a chéile.

6 Agus is e so an gràdh, gu'n imicheamajd a réir àitheanta-san.

'S i so an àithne, mar a chuala sibh o thus, gu'n imicheadh sibh innte.

7 Oir tha mòran mhealltairean air teachd a steach do'n t-saoghal, nach 'eil ag aideachadh gu bheil Criod air teachd san fheòil. Is mealltair so agus anacriosd.

8 Thugaibh aire dhuibh féin, nach caill sinn^r na nithe sin a shaothraich sinn^s, ach gu faigh sinn làn duais.

9 Ge b'e neach a bhriseas an lagh, agus nach fan ann an teagasc Chriod, cha'n eil Dia aige: an ti a dh'fhanas ann an teagasc Chriod, tha araon an t-Athair agus am Mac aige.

10 Ma thig neach air bith d'ar n-ionnsuidh, agus nach toir e an teagasc so leis, na gabhaibh e steach d'artigh, agus na abraibh ris, Gu ma subhach dhuit^t.

11 Oir ge b'e neach a their ris, Gu ma subhach dhuit, tha comhpairt aige d'a dhroch oibrigh.

12 Air dhomh mòran a bhi agam r'a scriobhadh chugaibh, cha b'aill leam scriobhadh le paipeir agus dubh; ach tha dòchas agam teachd d'ar n-ionnsuidh, agus labhairt beul ri beul, chum gu'm bi ar gairdeachas coimhlionta.

13 Tha clann do pheathar taghta a' cur failte ort. Amen.

^r sibh. ^s bhuannuich sibh.

^t Gu'n soàrbhichear leat.

TREAS LITIR AN ABSTOIL EOIN.

C A I B. I.

1 *Tha e a' moladh Ghaiuis air son a dhiadhachd, 5 agus aoidheachd do'n fhior luchd-teagaisg; 9 agus air an làimh eile a' deanamh gearain air gnàthachadh mi-chàirdeil Dhiotrepheis uaibhritic; &c.*

A Seanair chum Ghaiuis ghràdh-aich, a's ionmhuinn leam san fhìrinn.

2 *A bhràthair ghràdhraig, 'se mo ghuidheadh thaobh^u gach uile ni gu'n soirbhicheadh leat agus gu'm biodh tu slàn, mar a ta soirbheachadh le t' anam.*

3 *Oir rinn mi gairdeachas gu mòr 'nuair a thainig na bràithrean, agus a rinn iad fianuis do'n fhìrin a tha annadsa^a, mar a ta thusa 'g imeachd san fhìrinn.*

4 *Cha 'n-eil gairdeachas agam a's mò na bhi cluinniunn gu bheil mo ehlann agimeachd san fhìrinn.*

5 *A bhràthair ghràdhraig, is dileas a ni thu gach ni a ta thu deanamh do na bràithribh, agus do choigrich;*

6 *Muinntir a rinn fianuis air do ghràdh an làthair na h-eaglaise: ma bheir thu air an aghaidh iad 'nan slighe mar is cubhaidh do Dhia, is maith a ni thu:*

7 *Oir chaidh iad a mach air sgàth ainme-san, gun ni air bith a ghabhail o na Cinnich.*

8 *Uime sin tha db'fhiachaibh oirnne gabhair r'an leithidibh sin, chum gu'm bitheamaid 'nar comhshaothraichibh do'n fhìrinn.*

9 *Scriobh mi^b chum na h-eaglaise: ach cha ghabh Diotrepheis, leis am miann àrd-cheannas a bhi aige 'nam measg, ruinne.*

10 *Uime sin ma thig mi, cuiridh mi an cuimhne^c oibre a ta e deanamh, a' bith-labhairt 'nar n-aghaidh le briathraig aingidh^d: agus cha leor lei^e sin, ach ni mò a tha e féin a' gabhair ris na braithribh, agus tha e a' bacadh na droinge leis am b'ail, agus 'gan tilgeadh mach as an eaglais.*

11 *A bhràthair ghràdhraig, na lean an ni a ta olc, ach an ni a ta maith. An ti a ni, maith, is ann o Dhia a ta e: ach an ti a ni olc, cha'n fhac e Dia.*

12 *Tha deadh theisteas air Demetrius o na h-uile, agus o'n fhìrinn fein: agus tha sinne mar an ceudna a' deanamh fianuis, agus tha fios agaibh gu bheil ar fianuisne fior.*

13 *Bha mòran agam r'a scriobhadh, ach cha 'n àill leam scriobhadh le dubh agus peann a' t'ionnsuidh:*

14 *Ach tha dòchas agam t'fhaicinn gun dàil, agus labhraidh sinn beul ri beul. Siothchaint maille riut. Tha na càirdean a' cur fàilte ort. Cuir fàilte air na càirdibh air an ainm.*

^u roimh. ^a do t'fhìrinn-sa. ^b Scriobhainn. ^c cuimhnichidh mi.
^d naimhdeil, mòrùinach.

LITIR CHOITCHIONN AN ABSTOIL IUDAIS.

C A I B. I.

1 Tha e 'gam brosnachadh gu bhi bunaiteach ann an aídheil a' chreidimh, **4** Tha luchd-teagaisg bréige air teachd a steach 'nam measg chum am mealladh; agus tha peanas ro eagalach air ulluchadh fa chomhair na muinntir sin, air son an droch theagaisg agus an caitheadh-bcatha mhi-naomha: &c.

IUDAS seirbhiseach Iosa Criosd, agus bràthair Sheumais, chum na droinge a tha air an naomhachadh le Dia an t-Athair, agus air an coimhead le Iosa Criosd, air an gairm:

2 Gu robh tràcair, agus sìth, agus gràdh air am meudachadh dhuibh-se,

5 A muinntir ionmhuinn, air dhomh an uile chabhadh a' dheanamh chum scriobhadh d'ar n-ionnsuidh mu thimchioll na slàinte choitchionn, b'fheumail domh scriobhadh d'ar n-ionnsuidh, 'gar n-earalachadh g sibh a chathachadh gu dichiollach air son a' chreidimh a thugadh aon uair do na naoimh.

4 Oir dh'eulaigh^h daoine àraidh a steach, a dh'orduicheadh roimhei o shean chum an ditidh so, *daoine mi-dhiadhaidh, a' tionndadh gràis ar Déne gu macnus, agus ag àicheadh Dhé, a's aon Uachdaran ann, agus ar Tighearna Iosa Criosd.*

5 Uime sin is àill leam bhur cur an cuimhne, ge do bha fhios agaibh aon uair^t air so, cionuus an déigh do'n Tighearn am pobull a shaoradh a tir na h-Eiphit, a sgrios e an déigh sin an droing nach do chréid.

e 'dhichioll. f chumanta. g a' cur impidh oirbh. h ghoid. i a scriobhadh roinhc. l roimhe. m 'nan samhlachas. n luchd-bruadair neo-ghlan. o gu tàir-chainteach, maslach. p labhairt uilc mu na nithibh.

6 Agus na h-aingil nach do ghleidh an ceud inbhe, ach a dh'fhàg an àite-còmlinuidh fèin, choimhid e ann an geimhlibh siorruidh fuidh dhorchadas, fa chomhair breitheanais an là mhòir.

7 Amhúil a ta Sodom agus Gomorra, agus na bailte mu'n cuairt orra, a thug iad fèin thairis do strìop-achas air a' mhodh cheudna, agus a bha leantuinn feòla coimhich, air an cur suas 'nam ball-sampuill^m a' fulang dioghalaits-teine shiorruidh.

8 Mar an ceudna fòs tha an luchd-bruadairⁿ sin a' salachadh na feòla, a' deanamh tàir air uachdaranachd, agus a' labhairt gu toibheumach^o air àrd-inbhibili.

9 Gidheadh cha do ghabh Michael an t-àrd-aingeal, 'nuair a chathaich e 'n aghaidh an diabhoil, agus a rinn e deasboireachd mu chorp Mhaois, dànadas air casaid thoibheumach a thoirt 'na aghaidh, ach thubhairt e, Gu cronusheadh an Tighearn thu!

10 Ach tha'n droing sin a' labhairt gu toibheumach air na nithibh^p nach aithne dhoibh: ach na nithe sin a's aithne dhoibh air mhodh nàdurra, mar ainmhidihibh gun reuson, tha iad 'gan truailleadh fèin anta.

11 Is anaobhinn doibh! oir dh'imich iad ann an slighe Chain, agus ruith iad gu togarrach ann an seacharan Bhalaaim air ghaol tuarasdail, agus sgriosadh iad ann an ana-cainnt cheannarraig Chòre.

12 Is smala iad sin ann blur cuirmibh gràidh, 'nuair a tha iad air cuirmibh maille ribh, 'gam beathachadh fèin gun eagal: is neoil iad gun

uisge, air an giùlan mu'n cuairt le gaithaibh; craobhan searg-mheasach, gun toradh; da uair marbh, air an spionadh as am freumhaibh;

15 Garbh thonna,^r na fairge, a sgeitheas an näire féin mar chobhar; reulta seachranach, d'am bheil duibhre an dorchadair gu siòrruidh air a thasgaidh.

14 Agus rinn Enoch mar an ceud-na, an seachdamh pearsa o Adhamh, faidheadaireachd orra sin, ag rádh, Feuch, tha'n Tighearn a' teachd le dheich mìltibh naomha^s,

15 A dheanamh breitheanais air na h-uile, agus chum iadsan uile a tha mi-dhiadhaidh 'nam measg fhàgail ris, a thaobh an uile ghniomhara mi-dhiadhaidh a rinn iad gu mi-dhiadhaidh, agus a thaobh an uile bhriathar cruaidh, a labhair peacaich mi-dhiadhaidh 'na aghaidh.

16 Is luchd càrnain agus gearain an droing so, a tha 'g imeachd a réir an anamhiann féin; agus tha'm beul a' labhairt bhriathar atmhor^t, agus iad a' gabhail iongantais^u do phearsaibh dhaoine air sgàth buannachd.

17 Ach cuimhnichibhise, a mhuinnitir mo ghràidh, na focail a labhradh roimhe le abstolaibh ar Tighearna Iosa Criosd:

18 Mar a thubhairt iad ribh, gu'm biodh anns an aimsir dheireannaichi lachd-fanoid, a għluaisead a réir an anamhianna mi-dhiadhaidh féin.

19 'S iad sin an dream a sgaras iad féin o chàch, collaiddh^a, gun an Spiorad aca.

20 Ach air bhi dhubhbhe, a mbuinnitir ioomhuinn, 'gar togail féin suas ann bhur creidimh ro naomha, a' deanamh ùrnuigh san Spiorad naomh,

21 Coimhidibh sibh féin ann an gràdh Dhé, le sùil ri tròcair ar Tighearna Iosa Criosd chum na beatha maireannaich.

22 Agus gabhaibh truas do dhream àraidh, a' deanamh eadar-dhealachaidh:

23 Agus tearnaibh dream eile le h-eagal, 'gan spionadh as an teine; a' fuathachadh eadhon an eudaich air am bheil smal na feòlab.

24 A nis dhasan a tha comasach air bhur gleidheadh o thuisleadh, agus bhur cur gu neo-lochdach an làthair a ghloire le h-aoibhneas ro mhòr,

25 Do'n Dia a ta mhàin glic, ar Slànuighear, gu robh glòir agus mòralachd, neart^c agus cumhachd, a nis agus air feadh nan uile linn. Amen.

TAISBEANADH EOIN AN DIADHAIR.

C A I B. I.

⁴ Tha Eoin a' scriobhadh a thaisbeanaidh chum seachd eaglaisean na h-Asia, a tha air an ciallachadh leis na seachd coinnleiribh òir. 7 Teachd Chriosd: 14 A chumhachd glòrmhor, agus a mhòralachd.

TAISBEANADH Iosa Criosd, a thug Dia dhia, a dh'fhoill-seachadh d'a sheirbhisich nithe a's

éigin teachd gu crìch ann an aithghearr; agus chuir e teachdoireachd uaith, agus le aingeal féin dh'fhoillsich e iud d'a sheirbhiseach Eoin:

2 A rinn fianuis air focal Dé, agus air teisteads Iosa Criosd, agus air gach ni a chunnaic e.

3 Is beannuichte an ti a leughas, agus iadsan a dh'éisdeas ri briathraighe na fàidheadaireachd so, agus a

^r Fiadu thonna. ^s le deich mìltibh d'a naomhaibh, ^t uaibhreach. ^u a' toirt.

mòr mheas. ^a nàdurra. ^b a ta air a shalachadh leis an fheòil.

^c tighearnas, uachdaranaichd.

choimhideas na nithe a tha scriobhta innse: oir tha'n t-àm am fagus.

EOIN chum nan seachd eag-lais a ta san Asia: Gràs dhuibh, agus sìth o'n ti a ta, agus a bha, agus a ta ri teachd; agus o na seachd spioradaibh a tha'm fianuis a righ-chaithreachsan;

5 Agus o Iosa Criosd, an fhianuis fhìor, an ceud-ghin o na marbhàibh, agus uachdaran righre na talmhainn: Dhasan a ghràdhach sinn, agus a dh'ionnlaid sinn o ar peacaibh 'na fhuil féin,

6 Agus a rinn righre dhinn agus sagarta do Dhia agus d'a Athairsan; dhasan *gu robh* glòir agus cumhachd gu saoghal nan saoghal. Amen.

7 Feuch, tha e teachd le neulaibh; agus chi gach sùil e, agus iadsan *mar an ceudna* a lot ed: agus ni uile threubha na talmhainn caoidh air a shonsan: *gu ma h-amhluidh* a bhith-eas, Amen.

8 Is mise Alpha agus Omega, an toiseach agus an deireadh, a deir an Tighearn, a ta, agus a bha, agus a ta ri teachd, an t-Uile-chumhachdach.

9 Bha mise Eoin, bhur dearbh-bhràthair, agus bhur companach ann an àmhghar, agus ann an rioghachd agus am foighidin Iosa Criosd, anns an eilean e d'an goirear Patmos, air son focail Dé, agus air son fianuis Iosa Criosd.

10 Bha mi san Spiorad air là an Tighearna, agus chuala mi air mo chulaobh guth mòr. mar *ghuth* tromp-aide,

11 Ag ràdh, Is mise Alpha agus Omega, an ceud neach agus an neach deireannach: agus, Scriobhsa ann an leabhar an ni a chi thu, agus cuir e chum nan seachd eglais a tha san Asia; chum Ephesuis, agus chum Smirna, agus chum Phergamois, agus chum Thiatira, agus chum Shardis, agus chum Philadelphia, agus chum Laodicea.

12 Agus thionndaidh mi a dh'fhaicinn a ghutha a labhair rium. Agus air tionndadh dhomh, chunnaic mi seachd coinnleirean òir;

13 Agus am meadhon nan seachd coinnleir, *neach* cosmhul ri Mac an duine, air an robh eudach a rainig sìos *gu shàilibh*, agus criosraichte f le crios òir mu chòichaibh.

14 *Bha* a cheann agus fholte geal mar oluinn ghil, mar shneachda; agus a shùilean mar lasair theine;

15 Agus a chosa cosmhul ri umhaig flor-ghlan, mar gu'm bitheadh iad a' dearg-losgadh ann an àmhuiunn; agus a ghuth mar thoirm mhòrain uisgeacha.

16 Agus bha aige 'na làimh dheis seachd reulta: agus claidheamh geur dà fhaobhair a' teachd a mach as a bheul: agus *bha* ghnùis mar a' ghrian a' dealrachadh 'na làn neart.'

17 Agus an uair a chunnaic mi e, thuit mi sìos aig a chosaibh an riocdh mairbh: agus chuir e a làmh dheas orm, ag ràdh rium, Na biodh eagal ort: is mise an ceud neach agus an neach deireannach.

18 Is mi an ti a ta beo, agus a bha marbh; agus feuch, tha mi beo *gu* saoghal nan saoghal, Amen; agus tha iuchraighe ifrinn h agus a' bhàis agam.

19 Scòrobh na nithe a chunnaic thu, agus na nithe a ta ann, agus na nithe a bhitheas an déigh so:

20 Rùn-diomhair nan seachd reulta a chuanach thu ann am làimh dheis, agus nan seachd coinnleir òir. Is iad na seachd reulta, aingil nan seachd eglais: agus is iad na seachd coinnleirean a chunnaic thu, na seachd eglaisean.

CAIB. II.

Ciod a dh'áithneadh do Eoin a scriobh-adh chum aingle (is iad sin, ministerean) nan eglais 1 Ephesuis, 8 Smirna, 12 Phergamois, 18 Thiatira: agus ciod a ta air a mholadh, no a fhuadaradh uireas-bhuidheach anntasan.

CHUM aingil i eglaise Ephesuis, Scriobh, is iad so na nithe a deir an ti a tha cumail nan seachd reulta 'na làimh dheis, a tha 'g imeachd ann am meadhon nan seachd coinnleir òir;

d a *threimh-lot*, a shàth e trìd. e *oilean, innis*. f *criosraichte*. g *prais*.
h *na h-uaigne*, an t-saoghal ri teachd, i theachdoire.

2 Is aithne dhomh t'oibre, agus do shaothair, agus t'fhoighidin, agus nach urrainn thu giùlan leo-san a tha ole; agus gu'n do dhearbh thu iadsan a their gur abstoil iad féin, agus nach eadh, agus gu'n d'fhuair thu iad breugach;

3 Agus gu'n do ghiùlain thu, agus gu bheil foighidin agad, agus air sgàth m'ainme-se gu'n d'rinn thu saothair, agus nach d'thug thu thairis.

4 Gidheadh, tha agam a' t'aghaidh, gu'n do thréig thu do cheud ghràdh.

5 Cuimhnich uime sin cia uaith a thuit thu, agus gabh aithreachas, agus dean na ceud oibre; no thig mi ort gu grad, agus atharraichidh mi do choinnleir as àit, mur gabh thu aithreachas,

6 Ach a ta so agad, gur fuathach leat oibre nan Nicolaiteach, nithe mar an ceudna a's fuathach leamsa.

7 An ti aig am bheil cluas, éisdeadh e ciod a their an Spiorad ris na h-eaglaisibh; Do'n ti a bhuaadháicheas bheir mise r'a itheadh do chraobh na beatha, a tha ann am meadhon phàrrais Dé.

8 Agus chum aingil eaglaise Smirna, scriòbh, Na nithe so a their esan a's e'n ceud neach agus an neach deireannach, a bha marbh, agus a tha beo;

9 Is aithne dhomh t'oibre, agus t'ämghar, agus do bhochdann, (gidheadh a ta thu beartach¹) agus is aithne dhomh toibheum ná muinntir a their gur Iudhaich iad féin, agus nach eadh, ach sionagog Shatain.

10 Na biodh eagal ort roimh aon do na nthibh sin a dh'fhuilingeas tu: feuch, tilgjh an diaboluidh cuij dhibh ann am priosun, chum gu'n dearbhar sibh; agus bithidh àmhgar^m agaibh rè dheich làithean: bi-sa fírinneach gu bàs, agus bheir mise dhuit crùn na beatha.

11 An ti aig am bheil cluas, éisdeadh e ciod a their an Spiorad ris na h-eaglaisibh: An ti a bheir buaidh, cha chiurrar leis an dara bàs e.

12 Agus chum aingil na h-eaglaise a ta ann am Pergamos, scriòbh, Na

nithe so deir esan, aig am bheil an claidheamh geur dà fhaobhair:

13 Is aithne dhomh t'oibre, agus c'ait am bheil thu a'd' chòmhnuidh, eadhon far am bheil caithir Shàtan: agus a ta thu a' cumail m'ainme-se gu daingeann, agus cha d'aicheadh thu mo chreidimh, eadhon anns na làithibh sin anns an robh Antipas 'na fhianuisⁿ fhlirinneach dhomh, a mharbhadh 'nar measg, far am bheil Sàtan 'na chòmhnuidh.

14 Gidheadh, tha beagan agam a' t'aghaidh, do bhrigh gu bheil agad an sin an droing a tha cumail teagaisg Bhalaaim, a theagaisg do Bhalac ceap-tuislidh a chur roimh chloinn Israel, chum nithe a dh'iobradh do iodholaibh itheadh, agus striopachas a dheanamh.

15 Is amhul sin a ta agad mar an ceudan an dream a tha cumail teagaisg nan Nicolaiteach, ni a's fuathach leamsa.

16 Dean aithreachas, no thig mi a' t'ionnsuidh gu grad, agus cogaidh mi 'nan aghaidh le claidheamh mo bheoil.

17 An ti aig am bheil cluas, éisdeadh e ciod a their an Spiorad ris na h-eaglaisibh: Do'n ti a bhuaadháicheas bheir mi r'a itheadh do'n mhana fholuichte, agus bheir mi dha clach gheal, agus air a' chloich ainm nuadh scriobhta, nach aithne do neach air bith, ach do'n ti a gheibh i.

18 Agus chum aingil na h-eaglaise a ta ann an Tiatira, scriòbh, Na nithe so deir Mac Dhé, aig am bheil a shùilean mar lasair theine, agus a chosen mar umha fior-ghlan;

19 Is aithne dhomh t'oibre, agus do ghràdh, agus do fhrithéaladh^o, agus do chreidimh, agus t'fhoighidin, agus t'oibre deireannach; gu bheil iad nì's mò na do cheud oibre.

20 Gidheadh, tha agam beagan do nthibh a' t'aghaidh, gu bheil thu a' fulang do'n mhnaoi sin Iesebel, a their gur ban-fhàidh i féin, mo sheirbhisich a theagast agus a mhealladh chum striopachas a dheanamh, agus nithe a dh'iobradh do iodholaibh itheadh.

21 Agus thug mi dhi ùine gu

¹ saibhir. ^m trioblaid. ⁿ 'na mhairtireach. ^o sheirbhis, mhinistreileachd.

aithreachas a ghabhail d'a stríopachas, agus cha do ghabh i aithreachas.

22 Feuch, tilgidh mi i ann an leabaidh, agus iadsan a tha deanamh adh-altrannais rithe ann an àmhíghar mòr, mur gabh iad aithreachas d'an gníomharaibh.

23 Agus marbhaidh mi a clann leis a' bhàs; agus bithidh fhios aig na h-eaglaisibh uile gur mise an ti sin a sgrùdas na h-àirnean agus na cridheachan: agus bheir mi do gach aon agaibhse a réir bhur n-oibre.

24 Ach ribbse a deiream, agus ris a' chuid eile ann an Tiatira, Mheud aig nach 'eil an teagastg so, agus do nach b'aithne doimhne Shàtain, mar a their iad, cha chuir mi uallach eile oirbh,

25 Ach cumaibh gu daingean an ni a ta agaibh, gus an d'thig mi.

26 Agus an ti a bhuadhaicheas, agus a ghleidheas m'oibre gus a' chrìoch, dhasan bheir mi cumhachd os ceann nan Cinneach:

27 (Agus riaghlaidh e iad le slait iaruinn: mar shoithichibh creadh brisear 'nam bloighdibh iad) amhuil a fhuair mise o m' Athair.

28 Agus bheir mi dha reult na maidne.

29 An ti aig am bheil cluas, éisdeadh e ciod a their an Spiorad ris na h-eaglaisibh.

C A I B. III.

1 Tha aingeal eaglaise Shardis air a chronachadh, 3 air earalachadh gu h-aithreachas, agus air a bhagairt mur dean e aithreachas. 8 Tha aingeal eaglaise Philadelphia air a mhòladh air son a dhìchill agus fhoighidin. 15 Tha aingeal eaglaise Laodicea air a chronachadh a chionn nach robh e fuar no teth, &c.

A GUS chum aingil na h-eaglaise a tha ann an Sardis, scriobh, Na nithe so deir an ti aig am bheil seachd spiorada Dhé, agus na seachd reulta; Is aithne dhomh t'oibre, gu bheil ainm agad, gu bheil thu beo, gidheadh a ta thu marbh.'

2 Bi faireil, agus neartaich a' chuid eile a ta ullamh gu bàsachadh: oir

cha d'fhuair mi t'oibre coimhlionta am fianuis Dé.

3 Cuimhnich uime sin cionnus a fhuair agus a chuala tu, agus gleidh^P, agus gabh aithreachas. Uime sin mur dean thu faire, thig mi ort mar ghaduiche, agus cha bhi fios agad ciod i an uair anns an d'thig mi ort.

4 Tha beagan ainmeanna agad eadhon ann an Sardis, nach do shalaich an eudach; agus imichidh iad maraon riumsa ann an culaidh^H bibh geala: oir is airidh^T iad.

5 An ti a bheir buaidh, sgèadaich-e ann an eudach geal; agus cha dubh mi mach ainn a leabhar na beatha, ach aidichidh mi ainnsean am fianuis m'Athar, agus am fianuis aingesan.

6 An ti aig am bheil eluas, éisdeadh e ris an ni a deir an Spiorad ris na h-eaglaisibh.

7 Agus chum aingil na h-eaglaise ann am Philadelphia, scriobh, Na nithe so deir an ti naomha, an ti fior, an ti aig am bheil iuchair Dhaibhidh, an ti a dh'fhosglas, agus cha dùin neach air bith; agus a dhùineas, agus cha'n fhosgail neach air bith :

8 Is aithne dhomh t'oibre: feuch, chuir mi dorus fosgailte romhad, agus cha'n urradh neach air bith a dhùnadh: oir a ta neart beag agad, agus ghleidh thu m'fhocal, agus cha d'áich-eadh thu m'ainm.

9 Feuch, bheir mise orrasan do shionagog Shàtain (a their gur Iudh-aich iad féin, agus nach eadh, ach a ta deanamh bréige) feuch, bheir mise orra gu'u d'thig iad agus gu'n dean iad aoradh aig do chosaibh, agus gu'm bi fios aca gu'n do ghràdhach mise thu.

10 A chionn gu'n do ghleidh thu focal m'fhoighidinse, gleidhidih mise thusa mar an ceudna o uair a' bluairidh, a thig air an t-saoghal uile, a dhearbhadh na mùinntir sin a tha 'nan còmhnuidh air an talamh.

11 Feuch, tha mi a' teachd gu gràd: dean greim daingean air na bheil agad, chum nach glac neach air bith do chrùin.

12 An ti a bheir buaidh, nì mi e

'na phost ^s ann an teampull mo Dhé,
agus cha d'théid e ní's mó a mach
as: agus scriobhaidh mi ainm mo
Dhé air, agus ainm cathrach ^b mo
Dhé, a's i Ierusalem nuadh, a thig
a nuas o néamh o m' Dhia: agus
scriobhaidh mi m'ainm nuadh féin air.

13 An ti aig am bheil cluas,
éisdeadh e ciod a deir an Spiorad
ris na h-eaglaisibh.

14 Agus chum aingil na h-eag-
laise ann an Laodicea, scriobh, Na
nithe so deir an Amen, an fhianuis
dhileas agus fhìrinneach, toiseach
cruthachaídh Dhé;

15 Is aithne dhomh t'oibre, nach
'eil thu aon chuid fuar no teth:
b'fhearr leam gu'm bitheadh tu fuar
no teth.

16 Uime sin do bhrigh gu bheil
thu meagh-bhlàth, agus nach 'eil
thu aon chuid fuar no teth, sgeith-
idh mi thu mach as mo bheul.

17 Do bhrigh gu bheil thu ag
ràdh, Tha mi beartach, agus air fàs
saibhir, agus gun fheum agam air
ni sam bith; agus gun fhios agad
gu bheil thu dòruinneach ^u, agus
truagh, agus bochd, agus dall, agus
lomnochd.

18 Comhairlicheam dhuit òr ^a
cheannach uamsa, air a dhearbhadh
san teine, chum as gu'm bi thu
saibhir; agus eudach geal, chum
gu'n còmhdaicheadh thu, agus nach
bi näire ^a do lomnochduidh follais-
each; agus ùng do shùile le sàbh-
shùlb, chum gur léir dhuit.

19 Mheud as is ionmuinn leam,
cronaicheam agus smachdaicheadam;
uime sin biodh agadsa teas-ghràdh,
agus dean aithreachas.

20 Feuch, tha mi a'm' sheasamh
aig an dorus, agus a' bualadh; ma
dh'éisdeas neach sam bith ri m'
ghuth, agus gu'm fogail e'n dorus,
thig mi a steach d'a ionnsuidh, agus
gabhaidh ni mo shuipeir maille ris,
agus esan maille riumsa.

21 Do'n ti a bhuaadhacneas bheir
mi comas suidhe maille riumsa air
mo righ-chaithir, amhuil fòs a

bhuadhaich mise, agus a shuidh mi
maille ri m'Athair air a righ-
chaithir-san.

22 An ti aig am bheil cluas, éis-
deadh e ris an ni a deir an Spiorad
ris na h-eaglaisibh.

C A I B. IV.

2 Tha Eoin a' faicinn righ-chaithreach
Dhé ann am flaitheamhna.

4 Na ceithir seanaire fishead. 6 Na
ceithir bheathaiche làn do shùilibh
atr am beulaobh agus air an cùlaobh.

10 Tha na seanairean a' tilgeadh
sìos an crùin, agus a' deanamh aor-
aidh do'n ti a bha 'na shuidhe air
an righ-chaithir.

A N déigh so dh'amhaire mi, agus
feuch, bha dorus fogailte air
néamh; agus bha an ceud ghuth a
chuala mi, mar fhuaim trompaid a'
labhairt rium, ag ràdh, Thig a nìos
an so, agus nochdaidh mise dhuit
nithe a's éigin tachairt an déigh so.

2 Agus air ball bha mi san Spiorad:
agus feuch, bha righ-chaithir air a
suidheachadh air néamh, agus bha
neach 'na shuidhe air an righ-chaithir.

5 Agns bha an ti a shuidh, r'a
amharcair, cosmhul ri cloich Iaspir,
agus Shardis: agus bha bogha-frois
timchioll na righ-chaithreach mu'n
cuairt, cosmhul, r'a fhaicinn, ri
Emerald.

4 Agus timchioll na righ-chaith-
reach mu'n cuairt bha ceithir chaith-
riche fishead; agus air na caithrichibh
chunnaic mi ceithir seanaire
fishead 'nan suidhe, air an sgéadach-
adh ann an culaidhibh geala; agus
bha aca air an cinn corona ^d òir.

5 Agus chaidh a mach as an righ-
chaithir dealanaich, agus tairnean-
aich, agus guthanna: agus bha seachd
lòchrain ^e theine a' dearg-lasadhb am
fianuis na righ-chaithreach, a's iad
seachd spiorada Dhé.

6 Agus roimh an righ-chaithir bha
fairge ghloine cosmhul ri criostal:
agus ann am meadhon na righ-chaith-
reach, agus mu'n cuairt do'n righ-
chaithir, bha ceithir bheathaide làn

^s 'na charragh. ^t baile. ^u iargunach, àmhgarach. ^a gràineileachd.

^b fobhair-shùl, suil-leigheas. ^c bogha-uisge. ^d crùna.

^e lamps. Sasg.

do shùilibh air am beulaobh agus air an cùlaobh.

7 Agus *bha* an ceud bheathach cosmhuil ri leòmhan, agus an dara beathach cosmhuil ri laogh, agus *bha* aig an treas beatbach aghaidh mar dhuine, agus *bha* an ceathramh beathach cosmhuil ri iolair ag iteal-aich.

8 Agus aig na ceithir bheathaichibh, aig gach aon diubh fa leth, *bha* sea sgiathan mu'n cuairt da, agus *bha* iad làn do shùilibh an taobh a stigh; agus cha sguir iad a là no dh'oidhche, ag ràdh, Naomha, naomha, naomha, an Tighearn Dia uile-chumhachdach, a *bha*, agus a ta, agus a bhitheas.

9 Agus an uair a thug na beath-aiche sin glòir, agus urram, agus buidheachas do'n ti a *bha* 'na shuidhe air an righ-chaithir, a ta beo gu saoghal nan saoghal,

10 Thuit na ceithir seanaire fich-ead sìos an làthair an ti a *bha* 'na shuidhe air an righ-chaithir, agus rinn iad aoradh dhasan a ta beo gu saoghal nan saoghal, agus thilg iad sìos an corona an làthair na righ-chaithreach, ag ràdh,

11 Is airidh f thusa, a Thighearn, air glòir, agus urram, agus cumhachd fhaotainn; oir chruthaich thu na h-uile nithe, agus airson do thoile-sa tha iad, agus chruthaicheadh iad.

C A I B. V.

1 An leabhar air a sheulachadh le seachd seulaibh, 9 a b'airidh a mhàin an t-Uan a mharbhadh air fhosgladh: 12 uime sin tha na seanairean a' toirt cliu dla, agus ag aideachadh gu'n do shaor e iad le fhuil féin.

AGUS chunnaic mi air làimh dheis & an ti a shuidh air an righ chaithir, leabhar scriobhta san taobh a stigh dheth agus air a chùlaoabh, air a sheulachadh le seachd seulaibh.

2 Agus chunnaic mi aingeal treun a' gairm le guth àrd, Cò a's airidh air an leabhar fhosgladh; agus air a sheulachan fhuasgladh?

3 Agus cha robh aon neach air néamh, no air thalamh, no fuidh'n talamh comasach air an leabhar fhosgladh, no sealltuinn air.

4 Agus ghuil mi gu mòr, do bhrigh nach d'fhuaradh aon neach a b'airidh air an leabhar fhosgladh, agus a leughadh, no sealltuinn air.

5 Agus thubbairt aon do na sean-airibh rium, Na guil: feuch, bhuadh-aich an Leòmhan a tha do thréibh Iuda, Freumh Dhaibhidh, air an leabhar fhosgladh, agus a sheachd seulachan fhuasgladh.

6 Agus dh'amhairc m' agus feuch, ann am meadhon na righ chaithreach, agus nan ceithir bheathaich, agus ann am meadhon nan seanair, Uain 'na sheasamh mar gu'm biodh e air a mharbhadh, aig an robh seachd adhaircean, agus seachd sùilean, a's iad seachd spiorada Dhé, a chuireadh a mach chum na talmhainn uile.

7 Agus thainig e, agus ghlac e an leabhar a deas làimh an ti a *bha* 'na shuidhe air an righ-chaithir.

8 Agus an uair a ghlac e'n leabhar, thuit na ceithir bheathaichean, agus na ceithir seanaire fichead sìos an lathair an Uain, agus aig gach aon diubh clàrsachean, agus tùis-shoithichean òir làn do nithibh deadhbholaidh, nithe a's iad ùrnughean nan naomh.

9 Agus chan iad òran nuadh, ag ràdh, Is airidh thusa air an leabhar a ghlacadh, agus a sheulachan fhosgladh, do bhrigh gu'n do mharbhadh thu, agus gu'n do shaor thu sinne do Dhia le t'fhuil féin, as gach uile thréibh, agus theangaidh, agus shluagh, agus chinneach;

10 Agus gu'n d'rinn thu righre dhinn agus sgarta d'ar Dia: agus riogaichidh sinn air an talamh.

11 Agus dh'amhairc mi, agus chuala mi guth mhòrain aingeal timchioll na righ-chaithreach, agus nam beathach, agus nan seanair; agus b'e an àireamh deich mìle uair deich mìle, agus mìlte do mhìltibh;

12 Ag ràdh le guth àrd, Is airidh an t-Uan a chaidh mliarbhadh, air

cumhachd, agus saibreas, agus gliocas, agus neart, agus urram, agus glòir, agus moladh fhaotainn.

13 Agus chuala mi gach uile chreutair a ta air nèamh, agus air an talamh, agus fuidh'n talamh, agus a ta air a chuan, agus na h-uile nithe a ta anna, ag ràdh, Moladh agus urram, agus glòir, agus cumhachd, *gu robb* dhasan a ta 'na shuidhe air an righ-chaithir, agus do'n Uan gu saoghal nan saoghal.

14 Agus thubhairt na ceithir bheathaiche, Amen. Agus thuit na ceithir seanaire fichead sìos, agus rinn iad aoradh dhasan a ta beo gu saoghal nan saoghal.

C A I B. VI.

Fosgladh nan seula an ordugh, agus ciod a lean air sin; &c.

A GUS chunnaic mi, 'nuair a dh'fhosgail an t-Uan aon do na seulaibh, agus chuala mi aon do na ceithir bheathaichibh ag ràdh, mar le fuaim tairneanaich, Thig agus faic.

2 Agus chunnaic mi, agus feuch, each geal; agus bha aig an ti a shuidh air, bogha: agus thugadh dhà crùn, agus chaidh e mach a' bhudhachadh, agus chum gu buadhaich-eadh e.

3 Agus an uair a dh'fhosgail e'n dara seula, chuala mi an dara beathach ag ràdh, Thig, agus faic.

4 Agus chaidh each eile mach, *a bha* dearg; agus thugadh *cumhachd* dhasan a shuidh air, chum sith a thoirt o'n talamh, ionnas gu marbhadh iad a chéile: agus thugadh claidheamh mòr dha.

5 Agus an uair a dh'fhosgail e an treas seula, chuala mi an treas beathach ag ràdh, Thig, agus faic. Agus dh'amhairc mi, agus feuch, each dubh, agus bha aig an ti a shuidh air, meidh h'na làimh.

6 Agus chuala mi guth ann am meadhon nan ceithir bheathach ag ràdh, Tomhas cruineachd air son peghinn, agus tri tomhasan eòrna air phèginn; agus na dean cron air an ola, no air an fhion.

7 Agus an uair a dh'fhosgail e'n ceathramh seula, chuala mi guth a' cheathramh beathaich ag ràdh, Thig, agus faic.

8 Agus dh'amhairc mi, agus feuch, each glas i; agus b'e ainm an ti a shuidh air, am Èas, agus lean ifrinnt' na chuideachd: agus thugadh dhoibhsan cumhachd chum marbhaidh air a cheathramh cuid do'n talamh, le claidheamh, agus le gorta, agus le bàs d, agus le fiadh bheathaichibh na talmhainn.

9 Agus an uair a dh'fhosgail e an cùigeadh seula, chunnaic mi fuidh'n altair, anama na muinntir sin a mharbhadh air son focail Dé, agus air son na fianuis a chum iad.

10 Agus ghlaodh iad le guth mòr, ag ràdh, Cia fhad a bhitheas, o Thighearna naomha agus fhìrinnich, gus an dean thu breitheanas, agus an diol thu ar fuilne orrasan a ta 'nan còmhnuidh air an talamh?

11 Agus thugadh do gach aon diuhb truscana fada geala, agus a dubhradh riu, iad a gabhail fois fathast rè ùine bhig, gus am biodh an comh-sheirbhisich mar an ceudna, agus am bràithrean a rachadh a mharbhadh mar a chaidh iadsan, air an coimhlionadh.

12 Agus dh'amhairc mi 'nuair a dh'fhosgail e an seathadh seula, agus feuch, bha crith mhòr thalmhainn ann, agus dh'fhas a' ghrian dubh mar shaic-eudach ròin, agus dh'fhas a' ghealach mar fhuit.

13 Agus thuit reulta nèimhe air an talamh, mar a thilgeas craobh-flìge a fìgean anabaich, 'nuair a chrathar i le gaoith mhòir:

14 Agus chaidh nèamh thairis mar rola leabhar air fhilleadh air a chéile; agus dh'atharraicheadh gach beinn agus eilean as an ionadaibh féin:

15 Agus dh'fholairc righe na talmhainn, agus na daoine mòra, agus na daoine saibhre, agus na h-àrd cheannardan, agus na daoine cumhachdach, agus gach tràill n, agus gach duine saor, iad féin ann an uamhaibh agus ann an creagaibh nam beann;

^b toimhsean. i uaine. I an uaigh.

^m plàigh bhàsmhoir. ⁿ daor-òglach.

16 Agus thubhairt iad ris na sléibhtibh agus ris na creagaibh, Tuitibh oirnne, agus folaitchibh sinn o ghnùis a ti a tha 'na shuidhe air an righ-chaithir, agus o fheirg an Uain?

17 Oir thainig latha mòr fheirgeasan; agus cò a dh'fheudas seasamh?

C A I B . VII.

3 Tha aingeal a' cur seula air seirbh-sich Dhé 'nan eudanaibh. 4 Air-eamh na muinntir a sheulaicheadh: do threubhaibh Israeil fa leth àireamh shonraichte, 9 do gach cinn-each eile cuideachd mhòr gun àireamh, a tha 'nan seasamh an làthair na righ-chaithreach, air an sgeadachadh ann an truscaibh geala, &c.

AGUS an déigh nan nithe sin chunnaic mi ceithir aingil 'nan seasamh air ceithir oisinnibh na talmhainn, a' cumail ceithir gaotháanna na talmhainn, chum nach séideadh a' gaoth air an talamh, no air an fhairge, no air aon chraoibh.

2 Agus chunnaic mi aingeal eile ag éirigh o'n àird an ear, aig an robh seula an Dé bheo: agus ghlaodh e le guth mòr ris na ceithir aingil, d'an d'thugadh cumhachd cron a dheanamh air an talamh agus air an fhairge,

3 Ag ràdh, na deanaibh dochann do'n talamh, no do'n fhairge, no do na craobhaibh, gus an cuir sinn setula air seirbhisich ar Dé air claraibh an eudain.

4 Agus chuala mi àireamh na droinge a sheulaicheadh: ceud agus dà fhichead agus ceithir mìle, a sheulaicheadh do uile threubhaibh chloinn Israeil.

5 Sheulaicheadh dà mhìle dheug do thréibh Iuda. Sheulaicheadh dà mhìle dheug do thréibh Reubein. Sheulaicheadh dà mhìle dheug do thréibh Ghad.

6 Sheulaicheadh dà mhìle dheug do thréibh Aseir. Sheulaicheadh dà mhìle dheug do thréibh Nephtalim. Sheulaicheadh dà mhìle dheug do thréibh Mhanaseis.

7 Sheulaicheadh dà mhìle dheug do thréibh Shimeoin. Sheulaicheadh dà mhìle dheug do thréibh Lebhi. Sheulaicheadh dà mhìle dheug do thréibh Isachair.

8 Sheulaicheadh dà mhìle dheug do thréibh Shabuloin. Sheulaicheadh dà mhìle dheug do thréibh Ioseiph. Sheulaicheadh dà mhìle dheug do thréibh Bhenaimin.

9 An déigh so dh'amhairc mi, agus feuch, sluagh mòr, nach robh neach sam bith comasach air àireamh, do na h-uile chinneachaibh, agus threubhaibh, agus shluaghaibh, agus theangaibh, 'nan seasamh an lathair na righ-chaithreach, agus an làthair an Uain, air an sgeadachadh le truscaibh fada geala, agus pailm aca 'nan làmhaibh;

10 Agus ghlaodh iad le guth àrd, ag ràdh, Slàinte d'ar Dia-ne^o a ta 'na shuidhe air an righ-chaithir, agus do'n Uan P.

11 Agus sheas na h-aingil uile timchioll na righ-chaithreach, agus nan seanair, agus nan ceithir bheathach, agus thuit iad air an aghaidh an làthair na righ-chaithreach, agus rinn iad aoradh do Dia,

12 Ag ràdh, Amen: Moladh, agus glòir, agus gliocas, agus buidheachas, agus urram, agus cumhachd, agus neart gu robh d'ar Dia-ne gu saoghal nan saoghal. Amen.

13 Agus fhreagair aon do na seanairibh, ag ràdh rium, Cò iad sin a ta air an sgeadachadh le truscaibh fada geala? agus cia as a thainig iad?

14 Agus thubhairt mi ris, A Thighearn, tha fhios agadsa. Agus thubhairt e rium, Is iad so iadsan a thainig a h-àmhghar^r mòr; agus nigh iad an truscain, agus rinn iad geal iad ann am ful an Uain.

15 Uime sin tha iad an làthair righ-chaithreach Dhé, agus a dean amh aoraidh dha a là agus a dh'oidhche 'na theampull: agus gabhaidh aq ti a tha 'na shuidhe air an righ-chaithir còmhnuidh 'nam measg.

16 Cha bhi ocras orra tuileadh, no

^o o ar Dia-ne. ^P o'n Uan. ^r trioblaid.

tart ni's mò; chia mhò a' thuiteas a' ghrian orra^s, no teas air bith.

17 Oir beathaichidh an t-Uan a tha am meadhon na righ-chaithreach iad, agus treòraichidh e iad gu tobraichibh do uisge na beatha: agus tiormaichidh Dia gach deur o'n suilidh.

C A I B. VIII.

1 'Nuair a dh'fhosgladh an seachd-amh seula, 2 tha seachd trompaidean air an tabhairt do sheachd ainglibh: 3 Tha aingeal eile a' cur tùis maille ri ùrnuighibh nan naomh air an altair òir. 6 Tha ceithir dìubh a' séideadh an trompaidean, agus plàigheanna mòra a' leantuinn an lorg sin.

A GUS an uair a dh'fhosgail e an seachdamh seula, bha todh air nèamh mu thimchioll leth-uaire.

2 Agus chunnaic mi na seachd aingil a sheas am fianuis Dè; agus thugadh dhoibhsan seachd trompaidean.

3 Agus thainig aingeal eile, agus sheas e aig an altair, agus tùiseir òir aige; agus thugadh dha mòran tùise, chum gu'n d'thugadh se e^t maille ri ùrnuighibh nan uile naomh air an altair òir, a bha'n làthair na righ-chaithreach.

4 Agus chaidh deatach na tùise suas maille ri ùrnuighibh nan naomh, o làimh an aingil, an làthair Dhé.

5 Agus ghlac an t-agineal an tùiseir, agus lion se e le téine na h-altaire, agus thilg e air an talamh e: agus bha guthanna, agus tairneanach, agus dealanaich, agus crithalmhainn ann.

6 Agus dh'ulliuch na seachd aingil aig an robh na seachd trompaidean iad séin, chum an séideadh.

7 Agus shéid an ceud aingeal, agus bha clocha-meallain^u ann, agus teine air am measgadh le fuil, agus thilgeadh air an talamh iad; agus loisgeadh an treas cuid do na craobh-aibh, agus am feur glas uile.

8 Agus shéid an dara aingeal, agus thilgeadh mar gu'm bu bheinn

mhòr a' losgadh le teine anns an fhairge: agus dh'fhàs an treas cuid do'n fhairge 'na fuil:

9 Agus fhuair an treas cuid do na creutairibh a bha anns an fhairge, aig an robh anam, bàs; agus mhill-eadh^a an treas cuid do na longaibh.

10 Agus shéid an treas aingeal, agus thuit reult mhòr o nèamh, a' dearg-lasadh mar lòchran^b, agus thuit i air an treas cuid do na h-aimhniibh, agus air na tobraichibh uisge:

11 Agus is e an t-ainm a ghoinear do'n reult Burmaid: agus rinn-eadh an treas cuid do na h-uisgibh 'nam burmaid; agus fhuair mòran dhaoine bàs leis na h-uisgibh, do bhrigh gu'n d'rinneadh searbh iad.

12 Agus shéid an ceathramh aingeal, agus bhuaileadh an treas cuid do'n ghréin, agus an treas cuid do'n ghealaich, agus an treas "cuid do na reultaibh; ionnas gu'n d'rinneadh an treas cuid diubh dorcha, agus nach do dhealaich an la rè 'an treas cuid dheth, no an oidhche air a' mhodh cheudna.

13 Agus dh'amhairc mi, agus chuala mi aingeal^c ag itealaich ann am meadhon nèimhe, ag ràdh le guth àrd, Is truagh, truagh, truagh, do luchd-àitheachaидh na talmhainn, air son guthanna eile trompaide nan tri aingeal a tha fathast gu séideadh!

C A I B. IX.

1 Air séideadh do'n chùigeadh aingeal, tha reult a' tuiteam o nèamh, d'am bheil iuchair sluichd an dubh-aigein air a tabhairt: 2 tha e fosgladh an t-sluichd, agus tha locuist cosmuil ri scorpionaibh a' teachd a mach. 12 Tha a' cheud truagh air dol thairis. 13 Tha an seadhadh trompaid air a séideadh. 14 Tha ceithir aingil a bha ceangailte, air am fuasgladh.

A GUS shéid an cùigeadh aingeal a thrampaid, agus chunnaic mi reult a' tuiteain o nèamh chum na talmainn: agus thugadh dha iuchair sluichd an dubh-aigeind.

2 Agus dh'fhosgail e slochd an

^s a bhuaileas, a loisgeas a ghrian iad. ^t gu'n ofraileadh se e. ^u cloich-shneachd. ^a sgriosadh. ^b leus. ^c aon aingeal, ^d an t-slùic gun aigeal.

dubh-aigein, agus dh'éirich deatach as an t-slochd, mar dheataich àmh-uinn mhòir *theintich*; agus rinneadh a' ghrian agus an t-athar dorcha, le deataich an t-sluichd.

5 Agus thainig a mach as an deataich air an talamh locuist; agus thugadh cumhachd dhoibh, a réir mar a tha cumhachd aig scorpionaibh na talmhainn.

4 Agus a dubhradh riu gun iad a dheanamh dochann e air feur na talmhainn, no air ni sam bith glas, no air craoibh sam bith, ach air na daoinibh sin a mhàin aig nach 'eil seuila Dhé air clar an eudain.

5 Agus thugadh dhoibh, cha'n e gu marbhadh siad iad, ach gu'm biodh iad air am pianadh rè chùig mìosa: agus *bha* am pian cosmhuil ri péin scorpioin, 'nuair a bhuleas e duine.

6 Agus anns na làithibh sin iarr-aidh daoine am bàs, agus cha'n fhaigh iad e; agus bitidh déidh aca air-bàsachadh, agus teichidh am bàs uatha.

7 Agus *bha* cruth nan locust cosmhuil ri h-eachailbh air an ulluchadh chum catha; agus *bha* air an cinn mar gu'm biodh crùin cosmhuil ri h-òr, agus *bha* an aghaidhean cosmhuil ri h-aghaidhibh dhaoine.

8 Agus *bha* folt orra cosmhuil ri folt bhan, agus *bha* am fiacla mar *fhiacla* leòmhan.

9 Agus *bha* aca uchd-éididhean, mar uchd-éididhean iaruinn; agus *bha* fuaim an sgiathan mar fhuaim charbada mhòrain each a' ruith chum catha.

10 Agus *bha* carbuill aca cosmhuil ri scorpionaibh, agus *bha* gathanna 'nau earblaibh: agus b'e an cumhachd daoine a chuirradh f'rè chùig mìosa.

11 Agus *bha* righ aca os an cionn, *eadhon* aingeal an dubh-aigein, agus se's ainnm dha san Eabhra Abandon, ach anns a' Ghréigis 'se's ainnm dha Apolion.

12 Chaidh aon truaighe thairis; feuch, tha dà thruaighe ri teachd fathast an déigh so.

13 Agus shéid an seathadh aingeal

a thrompaid, agus chuala mi guth o cheíthir adharcaibh na h-altair òir, a tha'm fianais Dé,

14 Ag ràdh ris an t-seathadh aingeal aig an robh an trompaid, Fuasgail na ceithir aingil a tha ceangailte aig an amhuinn mhòir Euphrates.

15 Agus dh'fhuasgladh na ceithir aingil, a bha ulluichte fa chomhair uaire, agus là, agus mìos, agus bliadhna, chum gu'm marbhadh iad an treas cui'd do dhaoinibh.

16 Agus b'e àireamh armailtean a' mharc-shluagh fishead mìle do dheich miltibh: agus chuala mi an àireamh.

17 Agus mar so chunnaic mi na h-eich anns an taisbeanadh, agus iadsan a shuidh orra, aig an robh uchd-éididhean do theine, agus do hiacint, agus do phronnusc^g: agus *bha* cinn nan each mar chinn leòmhan; agus as am beoil thainig a mach teine, agus deatach, agus pronnusc.

18 Leis na tri plàighibh so mharbhadh an treas cui'd do dhaoinibh, leis an teine, agus leis an deataich, agus leis a' phronnusc, a chaidh a mach as am beoil.

19 Oir tha an cumhachda 'nan beul, agus 'nan earblaibh: oir *bha* an earbuill cosmhuil ri nathraigibh nimhe, agus *bha* cinn aca, agus leo sin ni iad dochann^h.

20 Agus cha do ghabh a' chrid eile do na daoinibh, nach do mharbhadh leis na plàighibh sin, aithreachas do oibrigh an lámh, ionnas nach deanadh iad aoradh do dheamhnaibh, agus do dhealbhaibh òir, agus airgid, agus umha, agus cloiche, agus fiodha; nach urradh faicinn, no cluinniinn, no imeachd:

21 Agus cha mhò a ghabh iad aithreachas d'am mortaibh, no d'an striopachas, no d'an gadachdaibh.

C A I B. X.

1 *Tha e faicinn aingil thréin aig an robh leabhar fosgailté 'na làimh: 6 neach a tha toirt mionnan airsain a tha beo gu siorruidh, nach bi aimsir ni's mò ann: 9 tha àithne air a toirt do Eoin an leabhar a ghabhaile agus itheadh.*

^e *dochoir, eron.* ^f *a ghortuchadh* ^g *ghronustal.* ^h *cron.*

A GUS chunnnaic mi aingeal cumhachdach eile a' teachd a nuas o nèamh, air a sgeadachadh le neul, agus bogha-frois i air a cheann, agus aghaidh mar a' ghrian, agus a chosa mar phostaibh teine.

2 Agus bha aige 'na làimh leabhran fosgailte: agus chuir e a chos dheas air an fhairge, agus a chos chli air an talamh,

3 Agus ghlaodh e le guth àrd, mar a bheuchdas leòmhan: agus an uair a ghlaodh e, labhair seachd tairneanaich an guthanna féin.

4 Agus an uair a labhair na tairneanaich an guthanna féin, bha mi dol a scriobhadh: agus chuala mi guth o nèamh, ag ràdh rium, Seulaich na nithe a labhair na seachd tairneanaich, agus na scriobh iad.

5 Agus thog an t-aingeal a chunnnaic mi 'na sheasamh air a' mhuiir, agus air an talamh, a làmh gu nèamh,

6 Agus mhionnaich e airsan a tha beo gu saoghal nan saoghal, a chruthaich nèamh agus na nithe a ta ann, agus an talamh agus na nithe a ta ann, agus an fhairge agus na nithe a ta innite, Nach bi aimsir ann ni's mò^m;

7 Ach ann an làithibh gutha an t-seachdamh aingil, 'nuair a thòisicheas e air séideadh, an sin gu'm biodh rùn-diomhair Dhé air a chriochnachadh, mar a dh'innis e d'a sheirbhisich na fàidhean.

8 Agus labhar an guth a chuala mi o nèamh, rium a ris, agus thubhairt e, Imich, glac an leabhran a tha fosgailte ann an làimh an aingil a tha 'na sheasamh air an fhairge, agus air an talamh.

9 Agus chaidh mi dh'ionnsuidh an aingil, agus thubhairt mi ris, Thoir dhomhsa an leabhran: agus a deir esan rium, Glac, agus ith suas e; agus ni e do bhroinn searbh, ach bithidh e ann do bheul milis mar mhil.

10 Agus ghlaic mi an leabhran a làimh an aingil, agus dh'ith mi suas e; agus bha e ann mo bheul milis mar mhil: agus an uair a dh'ith mi e, rinneadh mo bhrù searbh.

11 Agus thubhairt e rium, Is éigin

duit a ris fàidheadaireachd a dheanamh am fianuis shlògh, agus chinn-each, agus theanga, agus righre lòn-mhor.

C A I B. XI.

5 Tha an dà fhianuis a' deanamh fàidheadaireachd: 6 tha cumhachd aca nèamh a dhruideadh, ionnas nach bi uisge ann: 7 ni am béist cogadh 'nan aghaidh, agus marbhaidh e iad: 8 luidhidih iad gun an adhlac, 11 agus an dèigh thri làithean agus leth là tha iad ag éirigh a ris. 14 Tha'n dara truaighe air dol thairis. 16 Tha an seachdamh trompaid air a séideadh.

A GUS thugadh dhomh cuilc cosmhuil ri slait: agus sheas an t-aingeal, ag ràdh, Eirich, agus tomhais teampull Dhé, agus an altair, agus iadsan a tha deanamh aoraidh ann.

2 Ach fàg a mach a' chìurt a tha'n taobh a muigh do'n teampull, agus 'na tomhais i; oir thugadh i do na Cinnich: agus saltraidh iad fuidh'n cosaibh a' chathairⁿ naomha rè dhà mhìos agus dhà fhichead.

3 Agus bheir mise cumhachd do m' dhithis fhianaisean, agus ni iad fàidheadaireachd ré mìle agus dà cheud agus tri fishead là, eudaichte ann an saic-eudach.

4 Is iad so an dà chrann ola, agus an dà choinnleir a tha 'nan seasamh an làthair Dhé na talmhainn.

5 Agus ma chiurras neach air bith iad, théid teine a mach as am beul, agus claoidhidh e an naimhdean: agus ma chiurras neach air bith iad, is éigin da bhi air a mharbhadh mar so.

6 Tha cumhachd aca so nèamh a dhùnadh ionnas nach bi uisge ann, ann an làithibh am fàidheadaireachd-san: agus tha cumhachd aca air uisgibh chum an tionndadh gu ful, agus an talamh a bhualadh leis an uile phlàigh, co minic 's is toil leo.

7 Agus an uair a chriochnachies a iad am fianuis, ni am fiadh-bheathach^o a dh'éireas as an t-slochd gun aigeal^p

ⁱ bogha-uisge ⁱ dh'éigh. ^m Nach bi'n aimsir ann fathast, ⁿ am baile. ^o am béisd. ^p gun ghrund.

cogadh 'nan aghaidh, agus bheir c buaidh orra, agus marbhaidh e iad.

8 Agus *bithidh* an cuirp mharbha 'nan luidhe ann an sràid na cathracha móire, d'an goirear gu spioradail Sodom agus an Eiphit, far mar an ceudna an do cheusadh ar Tighearn.

9 Agus chi *cuid* do na sluaghairbh, agus do threubhaibh, agus do theaingairbh, agus do chinneachaibh, an cuirp mharbha rè thri làithean gu leth, agus cha leig iad an cuirp mharbha a chur ann an uaighibh.

10 Agus ni luchd-àiteachaidh na talmhainn gairdeachas os an ceann, agus *bithidh* iad subhach, agus cuiridh iad tiodhlacan^r dh'ionnsuidh a chéile; do bhrigh gu'n do phian an dà fhàidh so iadsan a bha chòmhnuidh air an talamh.

11 Agus an déigh thuri làithean gu leth, chaidh Spiorad na beatha o Dhia a steach annta, agus sheas iad air an cosaibh, agus thuit eagal mòr orrasan a chunnaic iad.

12 Agus chual iad guth mòr o nèamh, ag ràdh riu, Thigibh a nìos an so. Agus chaidh iad suas do nèamh air neul, agus chunnaic an naimhdean iad.

13 Agus anns an uair sin fèin bha crith mhòr thalmhainn ann, agus thuit an deicheamh *cuid* do'n chathair^s, agus mharbhadh seachd mìle pearsa sa' chrith-thalmhainn^t: agus ghabh a' chuid eile eagal, agus thug iad glòr do Dhia nèimhé.

14 Chaidh an dàra truaighe thairis; feuch, thig an treas truaighe gu h-aithghearr.

15 Agus shéid an seachdamh aing-eal a thrompaid, agus bha guthanna mòra air nèamh, ag ràdh, Rinneadh rioghachdan an t-saoghal 'nan rioghachdaibh d'ar Tighearn, agus d'a Chriosdsan, agus *bithidh* e 'na. Righ gu saoghal nan saoghal.

16 Agus thuit na ceithir seanaire fishead a bha 'nan suidhe air an caithrichibh am fianuis Dé, sìos air an aghaidh, agus rinn iad aoradh do Dhia,

17 Ag ràdh, Bheireamaid buidh-eachas duitse, O Thighearna Dhé

uile-chumhachdaich, a ta, agus a bha, agus a bhitheas; air son gu'n do ghabh thu do chumhachd mòr a' t'ionnsuidh, agus gu'n do rioghaich thu.

18 Agus bha fearg air na cinnich, agus thainig t'fheargsa, agus àm nam marbh gu'n d'thugtadh breth orra, agus gu'n d'thugadh tua duais do, d'sheirbhisich na fàidhean, agus do na naoimh, agus dhoibhsan air am bheil eagal t'ainme, do na big agus do na mòir, agus gu sgriosadh tu, iadsan, a sgriosas^u an talamh.

19 Agus dh'fhosgladh teampull Dé air nèamh, agus chunncas ann a theampull airc a' choimh-cheangail: agus bha dealanaich, agus guthanna, agus tairneanaich, agus crith-thalmhainn, agus clocha-meallain mòra ann.

C A I B . XII.

1 *Tha bean a bha sgeadaichte leis a' ghréin ri saothair-chloinne:* 4
Tha'n-dragon mòr deàrg 'na sheas-anmh fa comhair, ullamh gus a lean-abh a shlugadh suas. 6 'Nuair a dh'ùiseadhadh i, theich i do'n fhàsach:
 7 *Tha Michael agus aingil a' cogadh an aghaidh an dragoin.* 13
Tha an dragon, an déigh a thilgeadh sìos air an talamh, a' dian-ruagadh na mnà.

A GUS chunncas iongantas mòr air nèamh, bean air a sgeadachadh leis a' ghréin, agus a' ghealach fuidh a cosaibh, agus air a ceann crùin do dhà reult dheug.

2 Agus air dhi bhi torrach, ghlaodh i, ri saothair-chloinne, agus bha i air a pianadh chum a h-aisead.

3 Agus chunncas iongantas eile air nèamh, agus feuch, dragon^a mòr dearg, aig an robh seachd cinn, agus deich adhaircean, agus air a chinn seachd crùin.

4 Agus tharruing earball an treas *cuid* do reultaibh nèimhe, agus thilg e iad chum na talmhainn: agus sheas an dragon fa chomhair na mnà a bha ullamh gu bhi air a h-aisead, chum a leanabh a shlugadh suas 'nuair a bheireadh i e.

^r gibhteann. ^s bhaile. ^t leis a' chrith-thalmhainn. ^u thruailleas. ^a uabheist.

5 Agus rug i leanabh mic, a bha gus na cinnich uile a riaghadh le slait iaruinn : agus thogadh a leanabh suas chum Dhé, agus *chum a righ-chaithreachsan*.

6 Agus theich a' bhean do'n fhàsach, far am bheil aice ionad air ulluchadh le Dia, chum gu'm biodh i air a beathachadh an sin rè mìle *agus dà cheud agus tri fichead là*.

7 Agus bha cogadh air nèamh ; rinn Michael agus aingil cogadh an aghaidh an dragoin, agus chog an dragon agus aingil féin ;

8 Agus cha d'thug iad buaidh, cha mhò a fhuaradh an aite ni's mó air nèamh.

9 Agus thilgeadh a mach an dragon mòr, an t-seann nàthair sin, d'an goirear an diabhol agus Satan, a tha mealladh an t-saoghal uile : thilgeadh a mach e chum na talmhainn, agus thilgeadh a mach aingil maille ris.

10 Agus chuala mi guth mòr ag ràdh air nèamh, A nis tha slàinte agus neart, agus rioghachd ar Dé-ne, agus cumhachd a Chriosd air teachd; oir thilgeadh sìos fear-casaid ar braithre, a bha 'gan casaid an làthair ar Dé-ne a là agus a dh'oidhche.

11 Agus thug iad buaidh air tre fhuil an Uain, agus tre fhocal am fianuis-san ; agus cha do ghràdhaich iad an anama féin gu bàs.

12 Uime sin biodh gairdeachas oirbh, o a nèamha, agus oirbhse a tha 'nar còmhnuidh annta. Anaoibhinn do luchd-aïteachaidh na talmhainn, agus na fairge ! oir thainig an diabhol a nuas d'ar n-ionnsuidh, agus fearg ro mhòr air, do bhrigh gur fiosrach e nach 'eil aige ach ùine ghearr.

13 Agus an uair a chunnaic an dragon gu'n do thilgeadh e chum na talmhainn, rinn e geur-leanmhuinn air a' mhnaoi a rug an *leanabh mic*.

14 Agus do'n mhnaoi thugadh dà sgéith iolaire mòire, chum gu'n rachadh i air itealaich leo do'n fhàsach, chum a h-ionaid féin ; far am bheil i air a h-altrum rè aimsir, agus aimsir-

ean, agus leth-aimsir b, o aghaidh na nathrach.

15 Agus thilg an nathair as a beul uisge mar thuil, an déigh na mnà, chum gu'n d'thugadh i oirre bhi air a giùlan air falbh leis an t-sruth.

16 Agus rinn an talamh còmh-nadh ris a' mhnaoi, agus dh'fhsogail an talamh a bheul, agus shluig e suas an tuil a thilg an dragon as a bheul.

17 Agus bha fearg air an dragon ris a' mhnaoi, agus chaideh e dheanamh cogaidh ris a' chuid eile d'a sliochd, a tha coimhead c àitheanta Dhé, agus aig am bheil fianuis Iosa Criosc.

C A I B. XIII.

1 *Tha fiadh-bheathach ag eirigh as an fhairge le seachd cinn agus deich adhaircean : dhasan tha an dragon a' toirt a chumhachd.* 11
Tha fiadh-bheathach eile a' teachd a nìos as an talamh, 14 *agus a' toirt fainear dealbh bhi air a dheanamh do'n cheud fhiadh-bheathach,* 15 *agus gu'n deanadh daoine aoradh dha,* 16 *agus gu'n gabhadh iad a chomhara.*

A GUS sheas mi air gaineamh na fairge, agus chunnaic mi fiadh-bheathach d ag éirigh suas as an fhairge, aig an robh seachd cinn, agus deich adhaircean, agus air adharcaibh deich crùin, agus air a chinn ainm toibhme c.

2 Agus bu chosmhul am fiadh-bheathach a chunnaic mi ri leopard, agus bha a chosan mar *chosaiibh math-ghamhna*, agus a bheul mar bheul leomhain : agus thug an dragon a neart, agus a chaithir f, agus cumhachd mòr dha.

3 Agus chunnaic mi aon d'a cheannaibh mar gu'm biadh e air a lotadh gu bàs ; agus Leighiseadh a chneadbh bhàsmhor : agus gbabh an talamh uile iongantas an déigh an fhiadh-bheathaich.

4 Agus rinn iad aoradh do'n dragon, a thug a chumhachd do'n

b àm, agus amanna, agus leth-àm.

Diá-mhaslachaideh.

c gleidheadh. d béisit. e ainmean

f a righ-chaithir.

fhiadh-bheathach : agus rinn iad aoradh do'n fhiadh-bheathach, ag ràdh, Co a ta cosmhuiùl ris an fhiadh-bheathach ? Cò a ta comasach air cogadh a dheanamh 'na aghaidh ?

5 Agus thugadh dha beul a' labhair nithe mòra, agus thoibheum ; agus thugadh cumhachd dha cogadh a dheanamh rè dhà mhìos agus dà fhichead.

6 Agus dh'fhosgail e bheul ann an toibheum an aghainh Dhé, chum toibheum a thoirt d'a ainm, agus d'a phàilluin, agus do'n dream a ta 'nan comhnuidh air nèamh.

7 Agus tìrugadh dha cogadh dheanamh an aghaidh nan naomh, agus buaidh a thoirt orra ; agus thugadh dha cumhachd os ceann gach uile thréibh, agus theangaidh, agus chinnich.

8 Agus ni iadsan uile a tha 'nan còmhnuidh air an talamh aoradh dha, aig nach 'eil an ainmeanna scriobhta ann an leabhar beatha an Uain, a mharbhadh o thoiseach an t-saoghal.

9 Ma ta cluas aig neach air bith, éiseadh e.

10 Ma bheir neach air bith am braighdeanas, théid e am braighdeanas : ma mharbas neach, air bith leis a' chlaidheimh, is éigin e fén bhi air a mharbhadh leis a' chlaidheimh. Is ann an so a ta foighidin agus creidimh nan naomh.

11 Agus chunnaic mi fiadh-bheathach eile ag éirigh as an talamh ; agus bha aige dà adhairc cosmhull ri uan, agus labhair e mar dhragon.

12 Agus tha e a' cur an gnìomh cumhachd a' cheud fhiadh-bheathach uile 'na fhianuis, agus tha e toirt air an talamh, agus orrasan a tha 'nan còmhnuidh ann, aoradh dheanamh do'n cheud fhiadh-bheathach, aig an robh a lot bàsmhor air a leigheas.

13 Agus tha e a' deanamh chomhara mòra, ionnas gu bheil e toirt air teine teachd a nuas o nèamh air an talamh, ann am fianuis dhaoine.

14 Agus tha e a' mealladh na droinge a tha nan còmhnuidh air an talamh, leis na comharaibh sin a

thugadh dha a dheanamh an làthair an fhiadh-bheathaich, ag ràdh ri luchd-àiteachaich - na talmhainn, dealbh a dheanamh do'n bheathach aig an robh an lot claidheimh, agus a bha beo.

15 Agus thugadh cumhachd dha beatha ^b a thoirt do dhealbh an fhiadh-bheathaich, ionnas gu'n labhradh dealbh an fhiadh-bheathaich, agus gu'n d'thugadh e fainear gu'm biadh a mheud as nach deanadh aoradh do dhealbh an fhiadh-bheathaich, air am marbhadh.

16 Agus tha e toirt air na h-uile dhaoine, ar aon beag agus mòr, saibhir agus daibhir i, saor agus daor, comhar a ghabhail air an làimh dheis, no air clàr an eudain ;

17 Agus nach feudadh neach sam bith ceannach no reic, ach esan aig am biadh an comhara, no ainm an fhiadh-bheathaich, no àireamh ainme.

18 An so tha gliocas. An ti aig am bheil tuisge, airmheadh ^l e àireamh an fhiadh-bheathaich : oir is àireamh duine e ; agus is e àireamh sea ceud agus tri fishead agus sea.

C A I B. XIV.

1 An t-Uan 'na sheasamh air sliabh Shioin maille r'a. chuideachd. 6 Tha aingeal a' searmonachadh an t-soisgeil. 8 Tuiteam Bhabiloin.

15 Foghara an t-saoghal, agus cur a' chorrain ann. 20 Foghara agus preas-fiona feirge Dhé.

A GUS dh'amhairc mi, agus feuch, Uan 'na sheasamh air sliabh Shioin, agus maille ris ceud agus dà fhichead agus ceithir mìle, aig an robh ainm Atharsan scriobhta air clàr an eudain.

2 Agus chuala mi guth o fhlaitheanas, mar fhuaim mhòrain uisgeacha, agus mar fhuaim tairneanaich mhòir ; agus chuala mi fuaim chlàrsairean, a' deanamh ciuil le'n clàrsachibh fén.

3 Agus chan iad mar gu'm b'òran nuadh e an làthair na righ-chaithreach, agus an làthair nan ceithir bheathach, agus nan seanair : agus cha b'urradh neach sam bith an

t-òran sin fhòglum, ach an ceud agus dà fhichead agus na ceithir mìle, a shaoradh^m o'n talamh.

4 Is iad so an dream nach do shalaicheadh le mnàibh; oir is òigh-ean iad: is iad so an dream a tha leantuinн an Uain ge b'e àit an d'fhéid e; shaoradh iad so o mheasg dhaoine, 'nan ceud thoradh do Dhia, agus do'n Uan.

5 Agus 'nam beul cha d'fhuaradh cealg: oir tha iad gun lochdⁿ an làthair righ-chaitreach Dhé.

6 Agus chunnaic mi aingeal eile ag itealaich ann an meadhon nèimhe, aig an robh an soisgeul siorruidh r'a shearmònachadh. dhoibhsan a tha 'nan còmhnuidh air an talamh, agus do gach uile chinneach, agus thréibh, agus theangaidh, agus shluagh,

7 Ag ràdh le guth àrd, Biadh eagal Dé oirbh, agus thugaibh glòir dla; oir thainig uair a bhreithreanais: agus deanaibh aoradh dhasan a rinn nèamh, agus talamh, agus an fhairge, agus na tobair uisge.

8 Agus lean aingeal eile, ag ràdh, Thuit, thuit Babilon, a' chathair mhòr^o sin, do bhrigh gu'n d'thug i air gach uile chinneach òl do fhionn feirge a-striopachais.

9 Agus lean an treas aingeal iad, ag ràdh le guth àrd, Ma ni neach air bith aoradh do'n fhiadh-bheathach, agus d'a-dhealbh, agus ma ghabhas e a chomhara air clàr eudain, no air a làimh,

10 Olaidh esan do fhionn feirge Dhé, a tha air a dhòrtadh gun mheasgadh, ann an cupan fheirge-san; agus bithidh e air a phianadh le teine agus pronnse, am fianuis nan aingcal naomha, agus am fianuis an Uain.

11 Agus bithidh deatach am péinesan ag éirigh suas gu saoghal nan saoghal: agus cha 'n'eil fois sam bith a là no dh'eidhche aca-san a ni aoradh do'n fhiadh-bheathach agus d'a dhealbh, no aig neach air bith a ghabhas comhara ainmesan.

12 An so tha foighidin nan naomh: an so tha'n dream a choimh-

ideas àitheanta Dhé, agus creidimh Iosa.

13 Agus chuala mi guth o nèamh, ag ràdh rium, Scriobh, Is beannuicte na mairbh a gheibh bàs san Tighearn, a so a mach: seadh, a deir an Spiorad, chum gu faigh iad fois o'n saothair; agus leanaidh an oibre iad.

14 Agus dh'amhajrc mi, agus feuch, neul geal, agus air an neul neach^p na shuidhe cosmhul ri Mac an duine, aig an robh crùn oir air a cheann, agus corran geur 'na làimh.

15 Agus thainig aingeal eile mach as an teampull, a' glaodhaich le guth àrd ris an ti a bha 'na shuidhe air an neul, Sàth a steach do chorran, agus buain: oir thainig àm dhuit buain; oir tha foghara na talmhainn abuich.

16 Agus shàth an ti a bha 'na shuidhe air an neul, a chorran san talamh; agus bhuaineadh an talamh.

17 Agus thainig aingeal eile mach as an teampull a ta air nèamh, agus corran geur aige-san mar an ceudna.

18 Agus thainig aingeal eile mach o'n altair, aig an robh cumhachd os cionn teine, agus ghlaodh e le glaodh àrd ris an ti aig an robh an corran geur, ag ràdh, Sàth a steach do chorran geur, agus cnuasaich baguidean^q fionain na talmhainn: oir a ta a fiondhearcan làn abuich.

19 Agus shàth an t-ingeal a chorran san talamh, agus cnuasaich e fionain na talmhainn, agus thilg e i ann am fion-amar mòr feirge Dhé.

20 Agus shaltradh am fion-amar an taobh a muigh do'n chathair, agus thainig fuil a mach as an fhion-amar, gu srein nan each, feadh mhile agus shea ceud stàid^r.

C A I B. XV.

1 Na seachd aingil leis na seachd plàighibh deireannach. 3 Oran na muinntir a bhuidhaicheas air an fhiadh-bheathach. 7 Na seachd soithiche làn do fheirge Dhé.

A GUS chunnaic mi comhara eile air nèamh, mòr agus iongantach, seachd aingil aig an robh na seachd plàighean deireannach; oir

^m cheannuicheadh. ⁿ gun smal. ^o am baile mòr. ^p triopuill.

^q i. e. an t-ochdamh cui'd do mhile fearainn.

annta so tha fearg Dhé air a coimhlionadh.

2 Agus chunnaic mi mar gu'm b'fhaire ghoine, air a measgadh le teine ; agus iadsan a thug buaidh air an fhiadh-bheathach, agus air a dhealbh, agus air a chomhara, [agus] air àireamh ainme, 'nan seasamh air an fhaire ghoine, agus clàrsache Dhé aca.

3 Agus tha iad a' cantuinn òrain Mhaois^s òglach Dhé, agus òrain an Uain, ag radh, *Is mòr*, agus *is iongantach t'oibre*, a Thighearna Dhé uile-chumhachdaich ; *is ceart agus is fior do shligheansa*, a Righ nan naomh.

4 Cò air nach biodh eagal romhad, O Thighearn, agus nach d'thugadh glòir do t'ainm ? oir *is tusa mhàin a ta* naomha : oir thig na h-uile chinnich, agus nì iad aoradh ann do làthair ; do bhrigh gu bheil do bhreitheanais air an deanamh follaiseach.

5 Agus an déigh so dh'amhairc mi, agus feuch, dh'fhosgladh teampull pailliua na fianuis air nèamh.

6 Agus thainig a mach as an teampull na seachd aingil, aig an robh na seachd plàighean, air an sgeadachadh le lion-eudach glan agus dealrach t, agus air an crioslachadh^u mu'n uchd le criosaibh òir.

7 Agus thug aon do na ceithir bheathaichibh do na seachd aingil seachd soithichean òir, làn do fheirg an Dé a ta beo gu saoghal nan saoghal.

8 Agus llonadh an teampull le deataich o ghòlòir Dhé, agus o chumhachdsan ; agus cha b'urradh neach sam bith dol a stigh do'n teampull, gus am biodh seachd plàighean nan seachd aingeal air an coimhlionadh.

C A I B. XVI.

1 *Tha na h-aingil a' dòrtadh mach an soithiche làn do fheirg :* 6 *Na plàighean a tha leantuinn air sin.*

15 *Thig Criod mar ghaduiche. Is beannuichte iadsan a ni faire.*

A GUS chuala mi guth mòr as an teampull, ag radh ris na seachd aingil, Imichibh, agus taomaibh soithiche feirge Dhé air an talamh.

^schan iad laoidh Mhaois. ^tgeal.

2 Agus dh'imich an ceud *aingeal*, agus thaom e a shoitheach air an talamh ; agus dh'éirich droch neasgaid nimhneach air na daoinibh sin aig an robh comhara an fhiadh-bhéathach, agus *orrasan a rinn aoradh d'a dhealbh.*

3 Agus thaom an dara aingeal a shoitheach san fhaire ; agus rinneadh i mar fhuil *duine* mhairbh : agus fhuair gach anam beo bàs anns an fhaire.

4 Agus thaom an treas aingeal a shoitheach anns na h-aimhnichibh agus anns na tobraichibh uisge ; agus rinneadh iad 'nam ful.

5 Agus chuala mi aingeal nan uisgeacha ag ràdh, *Is cothromach thu*, O Thighearn, a ta, agus a bha, agus a bhitheas, do bhrigh gu'n d'thug thu breth air an dòigh so :

6 Oir dhòirt iadsan ful naomh agus fhàidhean, agus thug thusa dhoibh ful r'a h-òl ; oir is toillteanach iad.

7 Agus chuala mi neach eile o'n altair ag ràdh, Seadh, a Thighearna Dhé uile-chumhachdaich, *is fior agus cothromach do bhreitheanais.*

8 Agus thaom an ceathramh aingeal a shoitheach air a' ghréin ; agus thugadh *cumhachd* dha daoine a phianadh le h-ainteas teine.

9 Agus bha daoine air an losgadh le teas mòr, agus thug iad toibheum do ainnm Dhé, aig am bheil cumhachd air na plàigheibh sin : agus cha d'rinn iad aithreachas, chum glòir a thoirt dhasan.

10 Agus thaom an cùigeadh aingeal a shoitheach air righ-chaithir an fhiadh-bheathaich ; agus rinneadh a rioghachd dorcha, agus chagainn daoine an teanga tre phéin,

11 Agus thug iad toibheum^a do Dhia nèimhe air sen am pianta agus an creuchda, agus cha do ghabh iad aithreachas d'an gniomharaibh.

12 Agus thaom an seathadh aingeal a shoitheach air an amhuinn-mhòir Euphrates ; agus thiormaicheadh a h-uisge, chum gu'n ulluichteadh slighe righrean na h-àirde 'n ear.

^aair an criosrachadh, ²masladh.

13 Agus chunnaic mi teachd a mach a beul an dragoin, agus a beul an fhiadh-bheathaich, agus a beul an fhàidh-bhréig, tri spiorada neoghlana, cosmhul ri losguinn.

14 Oir is iad sin spiorada dheimhan, a' deanamh chomhara, a tha dol a mach chum righre na talmhainn, agus an domhain uile, gu'n cruinneachadh chum catha là mhòir sin an Dé uile-chumhachdaich.

15 Feuch, ataim a' teachd mar ghaduiche. Is beannuichte esan a ni faire, agus a ghleidheas eudach, chum nach imich e lomnochd, agus nach faic daoine a näire.

16 Agus chruinnich e iad r'a chéile chum ionaid d'an goirear san Eabhra, Armagedon.

17 Agus thaom an seachdamh aingeal a shoitheach san athar^b; agus thainig guth mòr a mach a teampull neimhe, o'n righ-chaithir, ag ràdh, Tha e deanta.

18 Agus bha guthanna, agus tairneanaich, agus dealanaich ann; agus bha crith mhòr thalmhainn ann, nach robh a leithid ann o bha daoine air an talamh, a samhul do chrith-thalmhainn co mòr.

19 Agus bha a' chathair mhòr^c air a roinn 'na tri earrannaibh, agus thuit cathraiche nan cinneach: agus thainig Babilon mhòr an cuimhne an làthair Dhé, a thoirt di copan fiona fraoich fheirged.

20 Agus theich gach uile eilean as, agus cha d'fhuadaradh na beannta.

21 Agus thainig clacha-meallain mòra^e a nuas o néamh air daoinibh, gach clach co throm ri talann: agus thug daoine toibheum do Dhia, air son plàigh nan clacha-meallain; oir bha am plàighsan-ro mhòr.

C A I B. XVII.

1 Tha bean, air a sgeadachadh le purpur agus scarlaid, agus copan òir 'na làimh, 'na suidh air an fhiadh-bheathach, 5 neach a's i Babilon mhòr, mìthair nan-gràinealachd. 9 Eadar-mhìneachadh

nan seachd ceann, 12 agus nan deich adharc. 14 Buaidh an Uain; 16 agus peanas na strìopaiche.

A GUS thainig aon do na seachd sothicéan, agus labhair e rium, ag ràdh rium, Thig an so; nochdaidh mi dhuit breitheanas na strìopaiche móire, a tha 'na suidhe air mòran usgeacha:

2 Ris an d'rinn righre na talmhian strìopachas, agus aig an do chuireadh luchd-àiteachaidh na talmhian air mbisg le fion a strìopachais.

3 Agus thug e leis mi anns an spiorad do'n fhàsach: agus chunnaic mi bean 'na suidhe air fiadh-bheathach air dhath scarlaid, làn do ainmibh toibhein^f, air an robh seachd cinn agus deich adhaircean.

4 Agus bha bhean air a sgeadachadh ann am purpur, agus ann an scarlaid, agus air a deanamh breagha le h-òr agus clachaibh luachmhor agus neamhnuidibh, agus copan òir aice 'na làimh, làn do ghràineileachd agus do neo-ghloine a strìopachais.

5 Agus air clàr a h-eudain bha ainm scriobhta, RUN-DIOMHAIR, BABILON MHOR, MATHAIR NAN STRIOPACH AGUS GHRAINEILEACHDA NA TALMHAINN.

6 Agus chunnaic mi a' bhean air mhisg le fuli nan naorah, agus le fuli fhianaisean^g Iosa: agus an uair a chunnaic mi i, ghabh mi long-antàs le h-iongantas mòr.

7 Agus thubhairt an t-aingeal rium, C'ar son a ghabh thu iongantas? Innsidh mise dhuit rùn-diomhair na mnà, agus an fhiadh-bheathaich a tha 'ga giulan, air am bheil na seachd cinn agus an deich adhaircean.

8 Am fiadh-bheathach a chunnaic thu, bha e, agus cha 'n'eil e ann; agus eiridh e suas a slóchd an dubh-aigein^h, agus théid e am mughai: agus gabhaibh luchd-àiteachaidh na talmhainn, (aig nach 'eil an ainmeanna scriobhta ann an leabhar na beatha

^b aidhear. ^c am baile mòr, ^d fheirge ro gharg. ^e cloich-shneachd mòr. ^f Dia-mhaslachaidh. ^g mhairtireach. ^h as an-t-slachd gun ghrunnd, ⁱ sgriosar e.

o thoiseach an t-saoghal) iongantas, 'nuair a chi iad am fiadh-bheathach a bha, agus nach 'eil, agus a bhith-eas ann^m.

9 An so ta an inntinn aig am bheil gliocas: Na seachd cinn is seachd sléibhteann iad, air am bheil a' bhean 'na suidhe.

10 Is seachd righrean iad mar an ceudna: tha cuig dhiubh air tuiteam, agus a ta h-aon ann: cha d'thainig am fear eile fathast, agus an uair a thig e, is éigin da fantuinn rè tine bhigh.

11 Agus am fiadh-bheathach a bha, agus nach 'eil ann, is esan an t-ochedamh, agus tha e o'n t-seachdnar, agus théid e am muga.

12 Agus na deich adhaircean a chunnaic thu, is deich righrean iad, nach d'fhuair rioghachd fathast, achi a ta faotainn cumhachd mar righrean rè aon uaire maille risⁿ an fhiadh-bheathach.

13 Tha aca sin aon inntinn, agus bheir iad an neart agus an cumhachd do'n fhiadh-bheathach.

14 Ni iad sin cogadh an aghaidh an Uain, agus bheir an t-Uan buaidh orra: oir is esan Tighearna nan Tighearna, agus Righ nan Righ; agus tha an dream a tha maille ris, air an gairm, agus air an taghadh, agus dileas.

15 Agus a deir e rium, Na h-uisgeachan a chunnaic thu, far am bheil an strìopach 'na suidhe, is slóigh, agus coimhthionail, agus cinnich, agus teanganna iad.

16 Agus na deich adhaircean a chunnaic thu air an fhiadh-bheathach, bheir iad sin fuath do'n strìopach, agus ni iad fàs i; agus lomnochd, agus ithidh iad a feòil, agus loisgidh iad i le teine.

17 Oir chuir Dia 'nan cridhe a thoil a choimhlionadh, agus a bhi dh'aon chomhairle, agus an rioghachd a thoirt do'n fhiadh-bheathach, gus an coimhlionar briathran Dhé.

18 Agus is i a' bhean a chunnaic thusa, a' chaithir mhòr^o sin, a tha

rioghachadh^p os cionn righre na talmhainn.

C A I B . XVIII.

2 Tha Babilon air tuiteam: 4 tha àithne air a toirt do phobull Dé iméachd aside: 9 tha righre na talmhainn, 11 maille ris na ceann-aichibh agus na maraichibh, a' deanamh bròin air a son: 20 tha na naoimh a' deanamh gairdeachais air son breitheanais De oirre.

A GUS an déigh nán nithe so chunnaic mi aingeal eile teachd a nuas o néamh, aig an robb cumhachd mòr; agus dhealaich an talamh le ghlòir.

2 Agus għlaodh^r e gu làidir le guth mòr, ag ràdh, Thuit, thuit Babilon mhòr, agus rinneadh i 'na h-àite-còmhnuidh dheamhan, 'na priosun^s do gach spiorad neo-ghilan, na h-ionad cumail do^t gach eun neo-ghilan agus fuathmhor.

5 Oir dh'òl na h-uile chinnich do fhòn feirge a strìopachais, agus rinn righre na talmhainn strìopachas rithe, agus rinneadh saibhir ceannichean na talmhainn le paitteas a sògha^u.

4 Agus chuala mi guth eile o néamh, ag ràdh, Thigibh a mach aside, mo phobull, chum nach bi sibh comh-paireach d'a peacaibh, agus nach faigh sibh cuid d'a plàighibh;

5 Oir tha a peacanna air ruigh-eachd^a suas gu néamh, agus chuimh-nich Dia a h-eucearta.

6 Thugaibh ath-dhòl di mar a dhòl ise ribh, agus thugaibh dhi a dhà uiread, a réir a h-oibre: anns a' chupan a lòn i, lionaibh a dhà uiread di.

7 A mheud as a għloraich si i féin, agus a chaith i a beatha gu sòghail, eo mòr as sin thugaibh dhi do pheanas agus do bhròn: oir a deir i 'na cridhe féin, Tha mi a'm shuidhe a'm bhan-righinn, agus cha bhantrach mi, agus cha'n fhaic mi bròn.

8 Uime sin ann an aon là thig a plàighean, bàs, agus bròn, agus

I am béisit. ^m gidheadh a ta ann.

P aig am bheil uachdaranaichd ^r dh'éigh.

^u a sàimhe.

ⁿ san aon uair ris. ^o am baile mòr.

^p aig am bheil uachdaranaichd ^r dh'éigh. ^s gainfir. ^t 'na h-eunadan.

^u a sàimhe. ^z air leantuinn.

gorta; agus loisgear i gu tur le teine: oir is neartmhòr an Tigh-earna Dia a bheir breth oirre.

9 Agus ni righre na talmhainn a rinn strìopachas, agus a chaith am beatha gu sòghail maille rithe, gul, agus caoidh air a son, 'nuair a chi iad deattach a losgaidh,

10 A' seasamh fad as, tre eagal a peanais, ag ràdh, Mo thruaighe, mo thruaighe, a' chathair mhòr^b sin Babilon, a' chathair threun sin! oir ann an aon uair thainig do bħreitheanas.

11 Agus ni ceannaichean na talmhainn gul agus caoidh air a son; oir cha cheannaich neach sam bith am bathar^c ni's mò.

12 Bathar èir, agus airgid, agus chlach luachmhòr, agus neamhnuidhean, agus lìon eudaich ghrinn, agus phurpuir, agus shìde, agus scarlaid, agus gach uile ghnè fhiodha thiine, agus gach uile gnè shoithiche do fhiaclaibh elephant, agus gach uile ghnè shoithiche do fhiodh ro luachmhòr, agus do umha, agus do iarunn, agus do mharmor,

13 Agus canal, agus nithe deadh-bholaidh, agus ol'-ungaiddh, agus tuis, agus fìon, agus ola, agus min mhìnd, agus cruineachd, agus ainmhidhean, agus caoraiach, agus eich, agus carbada, agus tràillean, gus anama dhaoine.

14 Agus dh'imich na toraidh, air an robh mòr dhéidh t'anama, uait, agus dh'imich na h-uile nithe annasach agus maiseach uait, agus cha'n fhaigh thu iad ni's mò.

15 Seasaidh ceannaichean nan nithe so a rinneadh saibhir leatha, am fad, air eagal a peanais, a' gul agus a caoidh,

16 Agus ag ràdh, Is truagh, is truagh, a' chaithir mhòr sin, a bha air a sgeadachadh le lìon-eudach grinn, agus purpur, agus scarlaid, agus a bha air a deanamh breagha^e le h-òr, agus le clachaibh luachmhòr, agus le neamhnuidibh!

17 Oir ann an aon uair thugadh saibhreas cò mor gu neo-ni. Agus sheas gach uile long-mhaighstir^f,

agus gach uile chuideachd a théid air longaibh, agus na seòladairean, agus a'mheud 's a ni gnothuichean air fairge, am fad,

18 Agus ghlaodh iad, an uair a chunnaic iad deattach a losgaidh, ag ràdh, C'i a' chaithir a's cosmuil ris a' chathair mhòir so?

19 Agus thilg iad duslach air an cinn, agus ghlaodh iad, a' gul agus a' caoidh, ag ràdh, Is truagh, is truagh, a' chathair mhòr sin, anns an d'rinneadh saibhir iadsan uile aig an robh longa air an fhaighe, trid a greadh-hachais-san! oir ann an aon uair dh'fàsaicheadh i.

20 Dean gairdeachas os a cionn, o a nèamh, agus sibhse abstola naomha agus fhàidhean; oir dhòl Dia sibhse oirre.

21 Agus thog aingeal treun clach mar chloich-mhuilinn mhòir, agus thilg e san fhaighe i, ag ràdh, Is ann mar so le neart a thilgear sìos a' chathair mhòr sin Babilon, agus cha'n fhaigheari ni's mò.

22 Agus cha chluinnear annad ni's mò fuaim chlarsairean, agus luchd-ciuil, agus phòbairean, agus thrompadairean; agus cha'n fhaighear annad ni's mò fear-ceird, do ghnè ceirde sam bith; agus cha chluinnear fuaim cloiche-muilinn annad ni's mò;

23 Agus cha soillsich solus coinnle^g annad ni's mò; agus cha chluinnear annad ni's mò guth fir-bainne no mnà bainne: oir b'iad do cheannaichean daoine mòra na talmhainn; agus le d' dhruidheachd bha'nà h-uile chinnich air am mealladh:

24 Agus fhuaradh innte ful fhàidhean, agus naomh, agus nan uile dhaovine a mharbhadh air an talamh.

C A I B. XIX.

1 Tha Dia air a chliùthachadh, air son gu'n d'thug e breth air an strìopach mhòir, agus gu'n do dhòl e ful a naomh. 7 Banais an Uain. &c.

A GUS an déigh nan nithe so, A chuala mi guth àrd mhòir

^b am baile mòr. ^c am marsandachd, an earradh. ^d plùr mìn.

^e air a h-òradh. ^f fkear-stiùraidh. ^g lòchrain.

shluaign air nèamh, ag ràdh, Aleluia; sláinte, agus glòir, agus onoir, agus cumhachd do'n Tighearn ar Dia-ne:

2 Oir is fior agus is cothromach a bhreitheanais; oir thug e breth air an strìopaich mhòir, a thruaill an talamh le a strìopachas, agus dhìol e fuil a sheirbhiseach féin air a làimh.

3 Agus a rìs thubhairt iad, Aleluia. Agus chaidh a deattach suas gu saoghal nan saoghal.

4 Agus thuit na ceithir seanaire fishead, agus na ceithir bheathaiche sìos, agus rinn iad aoradh do Dhia, a bha 'na shuidhe air an righ-chaithir, ag ràdh, Amen; Aleluia.

5 Agus thainig guth a mach o'n righ-chaithir, ag ràdh, Molaibh ar Dia-ne, sibhse uile a's seirbhisich dha, agus air am bheil eagal-san, eadar bheag agus mhòr.

6 Agus chuala mi mar ghuth mòr shluaign, agus mar fhuaim mhòrain uisgeacha, agus mar thoirm tairnean-aich chumhachdaich, ag ràdh, Aleluia: oir a ta an Tighearna Dia uile-chumhachdach a' rioghachadh.

7 Bitheamaid aoibhinn agus dean-amaid gairdeachas, agus thugamaid glòir dhasan: oir thainig pòsadh an Uain, agus dh'ulluich a bhean i féin.

8 Agus thugadh dhi gu'm biodh i air a sgeadachadh le lion-eudach grinn, glan agus dealrach: oir is e an lion-eudach grinn fireantachd nan naomh.

9 Agus a deir e rium, Scòrobh, Is beannuichte iadsan a tha air an cuireadh gu suipeir-bhainnse an Uain. Agus a deir e rium, Is iad so briathra firinneach Dhé.

10 Agus thuit mi sìos aig a chos-airch chum aoradh dheanamh dha: agus thubhairt e rium, Feuch nach dean thu e: is coimh-sheirbhiseach dhuilte féin mise, agus do d' bhràithribh aig am bheil fianuis Iosa: dean aoradh do Dhia; oir is i fianuis Iosa spiorad na faidheadaireachd.

11 Agus chunnaic mi nèamh air fhosgladh, agus feuch, each geal; agus ghoireadh do'n ti a shuidhe air Dileas agus Fior; agus ann am

fireantachd tha e deanamh breithean-ais agus cogaidh.

12 Agus bha a shùilean mar lasair theine, agus air a cheann bha mòran chrùn; agus bha ainm aige scriobhta, nach b'aithne do neach sam bith ach e féin;

13 Agus bha e air a sgeadachadh le truscan^h tumta am fuil: agus is e'n t-ainm a ghoirear dheth, FOCAL DE,

14 Agus lean na h-armailtean a bha air nèamh e air eachaibh geala, air an sgeadachadh le lion-eudach grinn, geal agus glan.

15 Agus as a bheul tha claidheamh geur a' dol a mach, chum gu'm buail-eadh e na cinnich leis: agus riagh-laidh se iad le slait iaruinn: agus tha e a' saltradh fion-amair fraoch feirge i an Dé uile-chumhachdaich.

16 Agus tha aige air a thruscan agus air a leis ainm scriobhta, RIGH NAN RIGH, AGUS TIGH-EARNA NAN TIGHEARNA.

17 Agus chunnaic mi aingeal àraidih 'na sheasamh sa' ghréin; agus ghlaodh e le guth àrd, ag ràdh ris an eunlaith uile a bha 'g itealaich ann am meadhon nèimhe, Thigibh, agus cruinnichibh sibh féin chum suipeir an Dé mhòr;

18 Chum gu'n ith sibh feòil righre, agus feòil àrd-cheannard, agus feòil dhaoine cumhachdach, agus feòil each agus an muinntir a shuidheas orra, agus feòil nan uile dhaoine, ar aon shaor agus dhaor, ar aon bheag agus mhòr.

19 Agus chunnaic mi am fiadh-bheathach, agus righrean na tal-mhainn, agus an armailtean air an cruinneachadh, a dheanamh cogaidh an aghaidh an ti a bha 'na shuidhe air an each, agus an aghaidh armailtean.

20 Agus glacadh am fiadh-bheathach, agus maille ris-san am fàidh-bréige a rinn mòrbhuilean 'na làthair, leis an do mheall e an droing a ghabh orra comhara an fhiadh-bheathaich, agus iâdsan a rinn aoradh d'a dhealbh. Thilgeadh iad sin 'nan dithis beo ann an loch teine a' dearsg-lasadh le pronnusc.

21 Agus mharbhadh a' chuid eile le claidheamh an ti a bha 'na shuidhe air an each, a thainig a mach as a bheul : agus bha an eunlaith uile air an lionadh le'm feòil.

C A I B. XX.

2 Satan ceangailte rè mhile bliadhna.

5 A' cheud aiseirigh : 6 Tha iad beannuicht' aig am bheil cuid dhith.

7 Satan a ris air fhuasgladh.

8 Gog agus Magog.

10 Tha'n Diabhol air a thilgeadh san loch theine agus

phronnuisc,

12 An aiseirigh dheireannach agus choitchionn.

A GUS chunnaic mi aingeal a' teachd a nuas o néamh, agus iuchair sluichd an dubh-aigein^l aige, agus slabhraids mhòr 'na làimh.

2 Agus rug e air an dragon an t-seann nathair nimhe sin, a's e an diabhol agus Sàtan, agus cheangail se e rè mhile bliadhna,

3 Agus thilg se e do shlochd an dubh-aigein, agus dhùin e stigh 'e, agus chuir e seula air, chum nach mealladh e na cinnich tuilleadh, gus an crìochnaicheadh^m am mìle bliadhna: agus an déigh sin, 's éigin gu fuasgailear e rè tìne bhig.

4 Agus chunnaic mi righ-chaithrichean, agus shuidh iad orra, agus thugadh breitheanas doibh : agus chunnaic mi anamanna na muinntir d'an do chuireadh an einn air son fianuis Iosa, agus focail Dé, agus nach d'rinn aoradh do'n fhiadh-bheathach, no d'a dhealbh, agus nach do ghabh a chomhara air clàr an eudain, no air an làmhaibh ; agus bha iad beo, agus riogaich iad maille ri Criosd rè mhile bliadhna.

5 Ach cha d'ath-bheothaicheadh a' chuid eile do na mairbh gus an robh am mìle bliadhna air an crìochnachadh. Is i so a' cheud aiseirigh.

6 Is beannuichte agus is naomha an ti aig am bheil cuid anns a' cheud aiseirigh : orra so cha 'n'eil cumhachd aig an dara bàs ; ach bithidh iad 'nan sagartaitbh do Dhia, agus do Chriosd, agus riogaichidh iad maille ris mìle bliadhna.

7 Agus an uair a chrìochnaichear

am mìle bliadhna, fuasgailear Sàtan as a phriosun.

8 Agus théid e mach a mhealladh nan cinneach, a tha ann an ceithir chearnaibh na talmhainn, Gog agus Magog, chum an cruinneachadh gu cath ; muinntir a tha ann an àireanh mar ghaineamh na fairge.

9 Agus chaithid iad suas air leud na talmhainn, agus chuairtich iad camp nan naomh, agus a' chathair ion-mhuinn : agus thainig teine nuas o Dhia a néamh, agus chuir e as doibh.

10 Agus thilgeadh an diabhol a mheall iad, san loch theine agus phronnuisc, far am bheil am fiadh-bheathach, agus am fàidh-bréige, agus bithidh iad air am pianadh a là agus a dh'oidhche, gu saoghal nan saoghal.

11 Agus chunnaic mi righ-chaithir mhòr gheal, agus an ti a shuidh oirre, neach a theich néamh agus talamh o a ghnùis, agus cha d'fhuadaradh àite dhoibh.

12 Agus chunnaic mi na mairbh, beag agus mòr, 'nan seasamh am fianuis Dé ; agus dh'fhosgladh na leabhraichean : agus dh'fhosgladh leabhar eile, eadhon leabhar na beatha : agus thugadh breth air na mairbh as na nithibh sin a bha scriobhta sna leabhraichibh, a réir an gnìomhara.

13 Agus thug an fhairge uaipenⁿ na mairbh a bha innse ; agus thug am bàs agus an uaigh^o uatha na mairbh a bha annta : agus thugadh breth erra gach aon a réir an gnìomhara.

14 Agus thilgeadh am bàs agus ifrinn do'n loch theine : Is e so an dara bàs.

15 Agus ge b'e air bith nach d'fhuadaradh scriobhta ann an leabhar na beatha, thilgeadh e san loch theine.

C A I B. XXI.

1 Néamh nuadh agus talamh nuadh.

10 An Ierusalem néamhaidh, maille ri làrn-nhlìneachadh virre : 23 cha 'n'eil feum aice air gréin ; is i glòir Dhé a solus. 24 Tha righean na talmhainn a' toirt an saibhris d'a h-ionnsuidh.

A GUS chunnaic mi néamh nuadh, agus talamh nuadh : oir chaibh

^l an t-sluichd gun aigeal. ^m an coimhliantadh. ⁿ uaithे. ^o ifrinn.

an ceud nèamh agus an ceud tèiamh thairis ; agus cha robh fairge ann ni's mó.

2 Agus chunnaic mise Eoin a' chaitheir naomha, Ierusalem nuadh, a' teachd a nuas o Dhia a nèamh, air a h-ulluchadh mar bhean-bainnse air a sgeadachadh fa chomhair a fir.

3 Agus chuala mi guth mòr a nèamh, ag ràdh, Feuch, *tha* pailliun Dhé maille ri daoinibh, agus ni esan còmhnuidh maille riu, agus bithidh iadsan 'nan sluagh aige, agus bithidh Dia fèin maille riu, agus 'na Dhia dhoibh.

4 Agus tiormaichidh Dia gach deur o'n sùilibh ; agus cha bhi bàs ann ni's mó, no bròn, no éighich^p, agus cha bhi pian ann ni's mó : oir chaidh na ceud nithe thairis.

5 Agus thubhairt an ti a bha 'na shuidhe air an righ-chaithir, Feuch, deanam na h-uile nithe nuadh. Agus thubhairt e rium, Scríobh, oir tha na briathra so firinneach agus dileas.

6 Agus thubhairt e rium, Tha e deanta. Is mise Alpha agus Omega, an toiseach agus an deireadh : bheir mi dhasan air am bheil tart, do thobhar uisge na beatha gu saor.

7 Sealbhaichidh an ti a bheir buaidh na h-uile nithe mar oighre, agus bithidh mise a'm' Dhia dhasan, agus bithidh esan 'na mhac dhomhsa.

8 Ach aig an dream sin a ta gealtach, agus mi-chreidmheach, agus gràineil, agus aig luchd mortaidh, agus strìopachais, agus druidheachd, agus iodhol-aoraidh, agus aig na h-uile bhreugairibh, bithidh an cuibhrionn anns an loch a ta dearg-lasadhl le teine agus pronnuse ; ni a's e'n dara bàs.

9 Agus thainig a'm' ionnsuidh aon do na seachd aingil, aig an robh na seachd sothichean làn do na seachd plaighibh dtìreannach, agus labhair e rium, ag ràdh, Thig an so, nochd-aidh mise dhuit a' bhean-nuadh-phosda, bean an Uain.

10 Agus thug e leis mi anns an

spiorad gu beinn mhòir agus àrd, agus dh'fheuch e dhomh a' chathair mhòr^r sin, Ierusalem naomha, a' teachd a nuas a nèamh o Dhia.

11 Aig an robh glòir Dhé : agus bha a soillse^s cosmhuil ri cloich ro luachmhoir, mar chloich Iaspis, soilleir mar chriostal ;

12 Agus bha balla mòr agus àrd aice, air an robh dà gheata dheug, agus aig na geataibh da aingeal dheug, agus ainmeanna scriobhta orra, eadhon *ainmèanna* dà thréibh dheug chloinn Israel.

13 Air an taobh an ear, tri gheatacha ; air an taoblh thuath, tri gheatacha ; air an taoblh deas, tri gheatacha ; agus air an taoblh an iar, tri gheatacha.

14 Agus bha aig balla na cathrach dà bhunait dheug, agus anntasan ainmeanna dà abstol deug an Uain.

15 Agus bha aig an ti a labhair rium, cuile-shlat òir, chum gu'n tomhaiseadh e a' chathair, agus a geatacha, agus a balla.

16 Agus tha a' chathair 'na luidhe ceithir-chearnach, agus tha a fad co mòr^r a leud : agus thomhais e a' chathair leis a' chuilc-shlait, dà mhive dheug stàide : is ionunn fad, agus leud, agus àirde dhi.

17 Agus thomhais e a balla, ceud agus dà fhichead agus ceithir làmha-coille^t, a réir tomhais duine, eadhon, an aingil.

18 Agus bha a balla air a thogail do chloich iaspis ; agus b'òr fionghlan a' chathair^u, cosmhuil ri gloin shoillear^a.

19 Agus bha bunaitean^b balla na cathrach air an deanamh sgiamhach leis gach uile ghnè chlocha luach-mhor. *Bu* iaspis an ceud bhunait ; *bu* shaphir, an dara ; *bu* chaledon, an treas ; *b'*emerald, an ceathramh bunait ;

20 *Bu* shardonies, an cùigeadh ; *bu* shardius, an seathadh ; *bu* chrisolit, an seachdamh ; *bu* bheril, an t-ochdamh ; *bu* topas, an naothadh : *bu* chrisoprasus, an deicheamh ; *bu*

^p *glaodhaich*. ^r *am baile mòr*. ^s *solus, dealradh*. ^t *bann-lamha*.

^u *am baile*. ^a *trìd-shoillseach, tre'n dealraich an solus*. ^b *buinn, bunachuir*.

hiacint, an t-aon deug ; b'ametist, an dara bunait deug.

21 Agus bu dà neamhnuid deug an dà gheata-dheug ; bha gach aon fa leth do na geataibh *air a dheanamh* do aon neamhnuid : agus b'òr fìor-ghlan sràid na cathrach, mar ghloin shoilleir.

22 Agus cha'n fhaca mi teampull innte : oir is e'n Tighearna Dia uile-chumhachdach, agus an t-Uan a's teampull di.

23 Agus cha 'n'eil feum aig a' chathair air a' ghréin, no air a' ghealaich a dhealrachadh innte : oir shoillisch glòir Dhé i, agus is e an t-Uan a's solus di.

24 Agus gluaisidh cinnich na muinnitir sin a shaorar 'na solus : agus bheir rigbre na talmhainn an glòir agus an urram d'a h-ionnsuidh.

25 Agus cha dùinear a geatacha san là : oir cha bhi oidhche an sin.

26 Agus bheirear glòir agus urram nan cinneach d'a h-ionnsuidh.

27 Agus cha d'théid air chor sam bith a steach innte ni air bith a shalaicheas, no a dh'oibricheas gràineileachd, no a ni breug : ach iadsan a mhàin a tha scrìobhta ann an leabhar beatha an Uain.

C A I B. XXII.

1 Amhuiunn uisge na beatha, 2 craobh na beatha. 5 'Se Dia fèin solus na cathrach. 9 Cha'n fhulaing an t-ingeal aoradh a dheanamh dha, 18 Cha'n fheudar ni sam bith chur ri focal Dé, no thcirt uauth.

AGUS dh'fheuch e dhomh amh-uinn fhìor-ghlan do uisge na beatha, soilleir mar chriostal, a' teachd a mach a righ-chaithir Dhé, agus an Uain.

2 Ann am meadhon sràide na cathrach, agus air gach taobh do'n amhuinn, bha craobh na beatha, a' giùlan dà ghnè dheug thoraidh, agus a' toirt a toraidh uaipe gach uile mhìos ; agus bha duilleadh na cracibhe chum leighis nan cinn-each.

3 Agus cha bhi mallachd air bith ann ni's mò : ach bithidh righ-chaithir Dhé agus an Uain innte agus ni a sheirbhisich seirbhis da.

4 Agus chi iad aghaidh ; agus bithidh ainmsan air clàr an eudain.

5 Agus cha bhi oidhche an sin, agus cha 'n'eil feum aca air coinnill, no air solus na gréine ; oir bheir an Tighearna Dia solus doibh : agus rioghaichidh iad gu saoghal nan saoghal.

6 Agus thubhairt e rium, *Tha na briathra so* dileas agus firinneach. Agus chuir an Tighearna, Dia nam fàidh naomha, aingeal fèin a nochdadh d'a sheirbhisich na nithe sin a's éigin tachairt gu h-aithghearr.

7 Feuch, thigeam gu luath : is beannuicht' an ti a choimhideas briathra fàidheadaireachd an leabhair so.

8 Agus chunnaic mise Eoin na nithe so, agus chuala mi iad : agus an uair a chuala agus a chunnaic mi iad, thuit mi sios a' deanamh aoraidh roimh chosaibh an aingil, a nochd na nithe so dhomh.

9 An sin a deire rium, Feuch, nach dean thu e : oir is comh-sheirbhiseach dhuit mise, agus do d'bhràithribh na fàidhean, agus dhoibhsan a choimhideas briathran an leabhair so : dean aoradh do Dhia.

10 Agus a deir e rium, Na seulaich focail fàidheadaireachd an leabhair so : oir tha an t-àm am fagus.

11 An ti a ni eucoir, deanadh e eucoir a ghnàth : agus an ti a tha salach, biodh e salach a ghnàth : agus an ti a tha 'na fhìrean, biodh e 'na fhìrean a ghnàth : agus an ti a tha naomha, biodh e naomha a ghnàth.

12 Agus feuch, thigeam gu h-aithghearr ; agus a ta mo luach-saoithreach maille rium, a thabhairt do gach aon fa leth a réir mar a bhith-eas a ghnìomhara.

13 Is mise Alpha agus Omega, an toiseach agus a' chrìoch, an ceud neach agus an neach deireannach.

14 Is beannuichte iadsan a ni àitheanta-san, chum gu'm bi còir aca air craobh na beatha, agus gu'n d'théid iad a stigh tre na geataibh do'n chathair.

15 Oir an taobh a muigh tha madraigdh, agus luchd-druidheachd, agus luchd-striopachais, agus luchd-mortaidh, agus luchd-iòdhol aoraidh,

agus gach neach a ghràdhaicheas
agus a ni breug.

16 Chuir mise Iosa m'aingeal a
dheanamh fianuis duibhse air na
nithibh so anns na h-eaglaisibh. Is
mise freumh agus gineal Dhaibhidh,
an reult dhealrach agus mhaidne.

17 Agus a deir an Spiorad agus
a bhean nuadh-phòrsa, Thig. Agus
abradh an ti a chluinneas, Thig.
Agus thigeadh an neach air am
bheil tart. Agus ge b'e neach leis
an àill, gabhadh e uisge na beatha
gu saor.

18 Oir tha mi deanamh fianuis do
gach uile neach a chluinneas briathra

fàidheadaireachd an leabhair so, Ma
chuireas neach air bith ris na nithibh
so, cuiridh Dia airson na plàighean
a tha scriobhta anns an leabhar so:

19 Agus ma bheir neach air bith
o bhriathraighean leabhair na fàidhead-
aireachd so, bheir Dia a chuibhrionn-
san a leabhar na beatha, agus as a'
chathair naomha, agus as an nithibh a
tha scriobhta anns an leabhar so.

20 A deir an ti a tha toirt fianuis
air na nithibh so, Gu deimhin ataim
a' teachd an aithghearr. Amen.
Seadh, thig, a Thighearna Iosa.

21 Gràs ar Tighearna Iosa Criod-
gu robh maille ribh uile. Amen.

C R I O C H .

Clò-bhuailte le T. Shiubhart.



